




《續修四庫全書》編纂委員會編

續修四庫全書



上海古籍出版社



四九五・史部・詔令奏議類

那文毅公奏議八十卷（卷一至卷二十六）〔清〕那彥成撰……………

2650/05

邨文毅公奏議

御賜祭文

上海市歷史文獻圖書館藏

宣勤疆場考往事  
以勸功効績封圻  
沛殊恩而賜卹軫  
念弗忘夫偉畧飾

終用備夫彛章載  
設几筵式光綸綍  
爾贈尚書銜原任  
直隸總督那彥成  
清班樹望名閥承



庶厯事

三朝服官卅載樞  
禁則贊襄密勿詞  
垣則領袖羣英早  
躋位乎正卿旋綏

猷於總制文衡武  
節曾重寄之疊膺  
回部伊江亦薄懲  
之屢示雖瑕瑜互  
見善可從長而心

跡自清志惟陳力  
前值邊陲之待撫  
亟咨宿將以起行  
乃以失當而違機  
俾至投閒而置散

茲聞溘逝爰覈平  
生溯鋒鏑於滑臺  
蜂屯蟻聚移麾幢  
於關隴電掣風馳  
運籌既著於師中

保障復資於畿右  
宜釋愆而褒媿更  
教孝以作忠特眷  
成勞聿陳馨薦於  
戲易嘉名而諭祭

四

十二日

加銜畀新命之榮  
憫遠戍以釋歸錫  
類寬後昆之咎靈  
兮不昧尚克歆承  
道光十三年三月

五



御賜碑文

朕惟春秋之義責  
賢者期功過之攸  
昭國家之禮篤蓋  
臣要哀榮之畢備

選爾勞不掩爾善  
舊績堪嘉慎厥始  
以錄厥終殊恩特  
賁既酬卹典宜晉  
褒稱爾尚書銜原

任直隸總督那彥  
成秉性剛方懷才  
明幹衍勲門之世  
系玉笋班聯擣翰  
苑之英華金蓮炬

撤文章政事既建  
白於朝堂韜畧謀  
猷復披丹於區域  
建牙粵海式昭專  
闡之才持節秦關

尤著籌邊之策裕  
儲藏於倉庾資保  
障於河防領隊伍  
於龍城贊綏徠於  
雁塞回疆鎮靜還

三

京甸而總師干滑  
境狍猖赴梁州而  
嚴鈇鉞拔蝥弧以  
致果攻雉堞而摧  
枯士卒賈勇而同

心渠魁懾威而授  
首寵叨懋賞優獎  
成勞庸晉錫夫宮  
銜肆疏封乎子爵  
嗣仍剖符於岐雍

四

鎮撫安詳迺再豎  
纛於畿封紀網整  
飭昨因西陲之戡  
定俾離北闕以經  
營胡措置之乖方



宜屏除而罷職前  
愆莫贖慨畫策之  
多踈後悔堪追究  
蓋忱之可鑒淪殂  
遽告軫惜殊殷稽

五

庸禮以飾終視原  
銜而光復載念  
三朝耆舊聿褒卅  
載辛勤崇德報功  
用全君臣之至誼

赦過宥罪兼慰父  
子之私情彰厥殊  
勛謚之文毅於戲  
譜唐書宰相之表  
克追配於前人繫

六

周詩老成之思亦  
有辭於永世豐碑  
屹立懿行昭垂  
道光十三年三月  
吉日

序

國家肇興東土

聖

聖相承二百年来碩輔

名卿肩背相望惟我八

那文毅公奏議

序

一

旗為尤盛而論人才於八

旗則尤多世族若章佳

氏其最著也溯自文勤

文成兩公後先濟美中

更一傳而文毅公繼起繩

祖武以振家聲何其盛

歟公為人沈摯而好謀

果決而任事生平不為

小廉曲謹以取悅一時及

臨事決疑則立論務持

那文毅公奏議

序

二

其大雖極之危艱震撼

而終不變初入承明值

禁近温，如不克游躋始

列賁密勿領圻封鎮邊

陲典軍旅所至皆震耀



發皇功績昭著蓋嘗諫  
之任天下之事者起而行  
必先坐而論苟不足以達  
則行必無底於成故見之  
於事則為功筆之於

那文毅公奏議

序

三

書則為言古所以稱不朽  
也然必其明足以察天下  
之情才足以濟天下之變  
勇足以捍天下之難誠  
足以服天下之心加以忠貞

之悃強固之操而又遭際  
聖明知無不言無不行  
然後有以相濟昔曾子  
固敘范貫之奏議推本  
宋仁宗之虛懷納諫為

那文毅公奏議

序

四

之變命令更廢舉近  
或立從遠或越月踰時  
或至其後卒聽用蓋  
言之若是其難也文毅  
既沒其孤靜止思第輯

公所為奏議為一官一集  
凡八十卷問序於余惟  
經世之文莫大於奏議  
彼生不逢時者痛哭流  
涕僅託空言無論已即

那文毅公奏議

序

五

排闥折檻引裾壞麻之  
流史但紀其一節至哀  
然成書如陸宣公翰苑  
集權文公謂為軒璣  
衡而揭日月者然亦祇一

時一事且言之未必其行  
之洪惟我

朝綱舉目張政無闕矣  
人臣祇奉本不欲以  
奏議名然法久則弊生

那文毅公奏議

序

六

耐平則人既公隨時隨地  
補苴其隙漏振刷其  
精神不為出位之思不  
為矯情之舉昭乎無  
所隱也諤乎無所避也



蹇乎無所撓也亶乎

其必致之也且歷事

三朝動無不合則公之

文字具於斯公之功業

具於斯并公之遇合亦

那文毅公奏議

序

七

具於斯非其明其才其

勇其誠而能若是哉

嗚呼盛矣余不敏後

公五年入翰林方迴翔

館閣間亦欲希蹤躡步

相輔而行後以才力薄

弱迄無所成雖角巾驟

第公之晚節亦與余同

而視公所建樹則個乎

遠矣此不特靜止昆弟

那文毅公奏議

序

八

奉為傳家治譜凡我

八旗世臣皆當鄭重而

寶貴之爰泚筆以序

道光甲午正月英和撰





原序

國家氣運所鍾賢哲繼起八旗

世家鉅族以勲業顯者指

不勝屈就近時而論莫若

吾師阿文成公一門為最

那文毅公奏議

原序

一

盛文成公為文勤公冢

子而今官保制府那公

則又文成公之第三孫也

初由翰林編修受

高宗純皇帝特達之知不五年擢

任內閣學士入直

南書房游遷吏戶工三部侍郎

兼充軍機大臣嘉慶四年

上親政擢任工部尚書仍兼軍機

大臣時川陝教匪未平八月

那文毅公奏議

原序

二

特命以

欽差大臣至陝視師督兵剿捕尋

授軍營參贊大臣明年

召還以未擒獲高馬二賊鐫職未

幾復由翰林侍讀游擢內

學七年五月奉

旨赴江西訊案即署巡撫適廣

東博羅永安會匪滋事

前撫督吉慶辦理未協

奉

那文毅公奏議

原序

三

旨馳往查辦

命署廣東巡撫 公廣知永安已降

匪徒據鐵籠嶂之隘負固

不服率兵討平之得

旨嘉獎

命署吏部侍郎八年春赴浙江

查訊鹽務控案五日還京

赴直隸案亭訊案十二月

赴黑龍江訊案九年仍

署軍機大臣六月奉

那文毅公奏議

原序

四

旨勘視河南睢之七月

命署陝甘總督籌辦新兵歸任

及一切善後事稱

旨嘉獎

嘉慶十二月調授兩廣總督時海

氛熾甚洋匪會匪勾結滋

援公蒞任先紓振濟設法

督剿誘擒盜首李崇玉

餘皆次第就捕伏法一時

閉風悔罪投誠者甚眾十

那文毅公奏議

原序

五

年以不合給與李崇玉頂戴

鑄職十一年授喀什沙爾

辦事大臣十二年西寧外

沙卜浪番族搶掠滋擾

特調西寧辦事大臣會往剿旋准

乞降邊境以安十三年三月

授南河副總督十四年奉

旨赴喀什沙爾辦事未至授葉爾

羌辦事大臣七月調喀什

噶爾奏贊大臣十二月補授

那文毅公奏議

原序

六

陝甘總督

上以廣東海洋肅清進

念前功

賞還一品頂戴十五年奏准

陞見業已



旨令陝撫往署督篆。公以甘省二千

四廳州縣時已被旱成災。公

敢拘泥前

旨奏請留辦賑務。

特筆賜褒。有不愧廣庭相國之孫

那文毅公奏議

原序

七

之語。嗣籌辦賑粥散賑。定

立章程。積弊除而民沾實

惠。至今人稱頌之。十八年九

月。河南滑縣教匪李文成

牛亮臣等糾黨作亂。奉

旨選帶陝甘各級兵往剿。公

命馳八晝夜抵衛輝軍營

命以

欽差大臣。統軍務時。賊勢猖獗

公相機兜剿。先後廓清

那文毅公奏議

原序

八

道。日抵源集等處。翦滅羽

翼。復分兵截剿。司寨竄匪

陣斬李文成。十二月十日破

滑城。生擒牛亮臣。馘斬著

名賊首。餘匪肅清。捷

奏

上以成功不滿百日

獎賞優渥晉太子少保

賞戴雙眼花翎

特封三等子爵示勗庸焉十九

那文毅公奏議

原序

九

年春還京履

命以承祖訓著偉績

特賜文成墓祭一壇先是公在軍

中直隸巡替缺去

命即以公補授蓋

念賊匪既平資公鎮撫安輯也至是

軍務告竣辦理善後并巡

閱開州一帶至二月始抵直

替任溯公自通籍以來敬

歷中外至今二十餘年凡

那文毅公奏議

原序

十

署巡撫替者二實任巡替

者三任邊疆辦事者四奉

贊者一任松河者一視師及

巡統軍務又各一履經

聖明簡畀身膺重寄歷任所至皆

竭誠守正寬猛得宜惟以報

主恩紹先德為競、迄秉鉞專征

則以素練之師人、用命掃

靖兇逆歲功完善用以仰

紓

那文毅公奏議

原序

十一

宵旰尤為近年來所罕觀蓋公

天性忠懇久邀

眷注故疊奉

恩旨不一而足非白子愧其孫即白

克承祖訓一心勳業輝映

後先古所謂世臣社稷臣非

公而誰嗚呼可謂感矣比者

公子容安從學於余暇輒

蒐錄公歷任奏牘請余

為之編次余昔奉職史垣

那文毅公奏議

原序

十二

受知於文成公幸得承輯

奏疏全冊繼後獲校幸譜

考又快讀制府公奏議預

編校之役昨幸中幸一欲僅

按歷任年月先後擇其要



者編之釐為二十八卷其得  
常循例奏

聞之事不具載題曰奏議初編示  
續輯未艾云尔謹序

嘉慶甲戌九月朔前翰林

那文毅公奏議

原序

十三

院編修在春坊在中允戶部

福建司郎中壽陽祁韻

士頓首敬題

原序

兩漢以後名臣裒輯著作  
炳麟與金石同不朽者  
唐為陸宣公翰苑集李  
衛公會昌一品制集宋為

那文毅公奏議

原序

一

韓魏公諫垣存稿敬輿論

思獻納軍國利害鉅細必

陳文饒揣形勢論事情斷

契神揆莫無遺策稗圭

嘉言讜論碩體酌宜主

於理勝將以至誠此三君子

皆道足以幹璿衡而揭日

月才足以靖氛沴而平泰

階其文集之流傳尤一生

精力所注不可磨滅數百年

那文毅公奏議

原序

二

來繼美者實難其人我

國家奕葉重光嘉祥之氣萃

諸世族近日海內士大夫

仰為伊陟象賢名虎是

似者首推吾師

宮保那繹堂先生先生為

阿文成公第三孫弱冠受

知於

高宗純皇帝以將相偉器期之入

詞垣直樞府今

那文毅公奏議

原序

三

上親政敷歷中外委任尤隆每奉

簡畀必立功底績卓然有所建白

當己未庚申之際潢池不

靖師幾老先生奉

命視師昔戰秦隴金梁間則



有叅贊軍務各奏壬戌嶺  
南會匪紛糾大吏不戢躬  
率弁兵搗巢稔穴則有勦  
辦鐵籠嶂各奏甲子摠制  
三秦太白終南攬槍甫熄棘  
門灞上辟壘未堅則有籌  
辦新兵營田各奏是年冬  
鯁帥鯨師馳梁島嶼海波  
騰沸粵畺蕩搖奉  
命移制百越至則斷米薪接濟

那文毅公奏議

原序

四

嚴水師紀律團齧艇漁舟  
義勇設間用奇擒李崇玉  
於陸豐降鄭沅塘黃云嵩  
林亞發於惠廣匪酋震懾  
遣謀輸誠則有籌辦內河  
外洋各奏丁卯戡青海叛  
番戊辰治南河決口庚午奉  
命重葺陝甘值河隴東西歲比不  
登先生宣布  
皇仁立賑賑規條除官吏積弊起溝

那文毅公奏議

原序

五



濟以數百萬計則有辦理

災賑各奏癸酉秋易水妖

驪滑臺寇聚跨連河北

脅倚齊右先生奉

命督師揔知方之勁旅誅倡亂之

那文毅公奏議

原序

六

兇徒電掣星飛三千程馳

以八日豹韜龍略十萬賊平

於七旬元惡李文誠牛亮臣

輩以次誅夷肅清澶相鎮

撫畿輔則有總統師干

勦捕叛匪各奏凡茲建白

事功皆因

簡在素孚而著者也嘗讀文成

公年譜闢去開置像冠

紫光之閣爵錫上公之圭在花

那文毅公奏議

原序

七

甲方周先生當服官政之

年而功烈之偉如此則贊襄

帝治黼黻

皇猷繩祖武而光世業詎能測其

所至哉先生冢子容安蒐

錄歷任奏牘以屬中允祁  
鶴皋先生為之編次而題  
曰奏議初編亦以示續輯之  
未艾也然覽茲編者味其  
曲盡事理中於機會如讀

敬輿集也文章等於訓傳  
機事出於神明如讀文饒  
集也款誠摯信直道之  
無咎慶教忠之有迹如讀  
穉圭集也則裒輯雖於茲

始而一代名臣精力之所注借  
金石而不朽者固可得其梗  
概也夫

欽加道銜陝西漢中府知府孝廉方  
云受業嚴如煜頓首謹撰



原序

昔人以主言與立功立德並稱不朽然言不本於功德言之弗傳奏議之於言又其最著者也禹臯陳謨周召入告其權輿也吾

那文毅公奏議

原序

一

師 那繹堂先生敦歷中外經緯文武為 國宣力數十年於茲詰嗣靜心容安曾輯 先生奏議初編二十八卷壽陽祁君為審定矣近復鈔 先生直隸總督任

內奏議輯為二編十二卷屬培 學校警方 先生平滑臺復 命

那文毅公奏議

原序

二

天子嘉其迅掃醜類功冠一時念畿輔當新創之餘鎮撫難其人昇 先生以重任 先生之憤嫉直省邪匪未盡剔除日夜思淨根株以紓 聖慮而尤慮良莠難分瘡傷未復故嚴刑峻法之下特致其精詳

雷厲風馳之中兼權乎休養三  
載嘉猷抒獻此意實倦焉至  
於勤練戎紀興脩水利濠賑勸  
捐飭吏清刑諸奏牘宣

上仁威造福蒼生其言孰非本功

那文毅公奏議

原序

三

德而出也哉 先生嘗教培輩曰  
讀書不可無我治事不可有我  
夫讀書無我無以觀法前人而  
書為陳迹治事有我必膠於已  
見何以虛集衆長味 先生言

益以見 先生之肩鉅任建大業  
寵辱不驚而忠蓋日著其養有  
素矣培輩遊 先生門竊聞緒

論久爰序 先生書而並識二

語為吾儕告嘉慶二十五年歲

那文毅公奏議

原序

四

次庚辰六月績溪受業胡培輩  
謹撰



那文毅公奏議同編姓氏

填諱

欽命協辦大學士雲貴總督年愚弟阮元

編次

前翰林院侍讀學士受業彭邦疇

校錄

前吏部主事受業吳侍曾

前刑部員外郎受業恩德

男容安恭輯

孫慶廉恭校

那文毅公奏議同編姓氏

孫慶佐恭校

孫慶蕃恭校

那文毅公奏議凡例

男容安恭輯

凡例

一先公鑄職後閒居者二載身歿之日蒙

恩追念舊勞

子諡

加銜無微不至謹將

御賜祭文碑文刊於卷首具見

聖人眷注遠且不遺并使先公精誠久而共信

為臣子者縱結草銜環莫能酬報焉

那文毅公奏議凡例

一先公任京職時周歷六部仰荷

三朝恩遇各有敷陳惟部旗諸奏皆由舊章即偶有建白

一二僅存皆無秘密之件其未奉

諭旨者仍未敢載入

一京職奏議不載惟刑曹等部事務較繁有經

先公手訂者雖與同堂彙奏仍撮舉載入其各

省登覆謹加按語於後以期事有歸宿

一是編雖名奏議而年譜具在於茲其嘉慶四年

以前無外任奏議可存謹將世系官階編為一

則亦古人文集前載年譜之例



一 卷首乞阮芸臺協揆填註用行狀例也	一 授官降官錫爵以及罷秩皆加標題取其便於觀覽疊床架屋之譏所不辭焉	一 附奏清單並歷任告示皆先公用心詳畫一概不忍刪畧	一 畿封扈	一 門所載各件有在行在尚不奉	一 殊批者謹加按語	一 章奏內	那文毅公奏議凡例	凡例	一 二	一 殊批交部覈議之件有關沿革及大計者部議准駁俱加按語於後其無所可否者概不復贅以省繁冗	一 一事有原委若按年編次必彙閱數卷始末方見則眉目不清是編所載自始事以迄終事前後具奏各歸各門俾覽者瞭如指掌其年月仍復不紊	一 一章奏則以拜發月日序次	一 上諭則以奉	一 旨月日序次外省章奏拜發入都程期不一內有事方
-------------------	----------------------------------	--------------------------	-------	----------------	-----------	-------	----------	----	-----	--	---	---------------	---------	-------------------------

那文毅公奏議 同編姓氏 凡例

一 奉	一 旨而章奏已先入	一 告者若拘月日序次其事轉涉倒置而先公未雨綢繆之心亦無由見故是編惟以事之始末排比後先覽者幸勿譏為凌躐	一 一事非一端官非一任謹按歷官之先後一任之事別類分門而以官階串敘自入官以至節終文氣仍續而不斷做古人一言一集例也	一 一事有連類而及而又不能另立一門者謹於原題下旁註附某事庶條分縷晰以便查考	一 一廷寄有一	一 旨內連及數事者均按事節錄不敢一字改易謹於年月日上加謹按二字下加廷寄內三字俾覽者知係照文恭節以免混淆其彙奏事多者亦用此例	一 一恭謝	一 天恩一門初任陝甘及三任陝甘總督以至兩任直隸總督各任奏議內俱特立一門惟督師終南奉使粵浙直隸黑龍江暨籌畫同疆善後諸卷因非實任故謝	那文毅公奏議凡例	凡例	一 三
-----	-----------	--	---	---------------------------------------	---------	---	-------	--	----------	----	-----

恩之奏附載於各卷奏事各件之中未立專門

一平番奏議並甘省賑紀二事 先公在官時已

刊刻行世今仍詳載蓋期 先公一生事業繼

悉無遺不厭重複

一會銜奏事諸公俱 先公同時僚案且皆前輩

不便直書姓名謹於銜下各加公字

一恭錄

聖製詩暨 先公恭和

聖製詩似與奏議無涉第

諭內已皆言及而

那文毅公奏議凡例

凡例

四

明良喜起正

主臣一德之徵故謹載入

一恭奉

殊批

上諭俱恭載於原奏之後惟

廷寄及章奏有數事兼及者謹為節錄隨事分載期於

事跡貫串文分而事仍備非敢割裂其有

殊批而未經奉

旨者則僅載

殊批

一卷中一奏有一奏之

旨其未載

諭旨者大半於其次奏之內已敘入前奏所奉

諭旨前奏後悉不複載以省繁冗

一 先大父棄養時 先公年甫三歲是以僅書

卒年月日 先大母疾篤 先公適因公逮問

羈身請室蒙

仁宗睿皇帝俯念 先大母苦節數十年

子假十日俾侍湯藥維時雖無奏謝之件而

異數殊恩曠古未有故謹載

那文毅公奏議凡例

凡例

五

諭旨以紀

教育生成之德使子孫世世不忘

恩澤焉

一 先公雖當軍務倥傯章奏悉出手裁上馬殺

賊下馬草檄要以覈實為歸不蹈虛誑之習謹

分別具載不敢或遺凡舉劾以及籌餉謝

恩各件皆隨事附載

一奏內

殊筆圈點直又得謹照原件刊刻

一喀喇沙爾辦事大臣及葉爾羌辦事大臣俱未



抵任本無奏議可刊其

擢授年月謹載於喀什噶爾參贊大臣奏議前官階中

一署理陝西巡撫一任奏章無多茲未錄載惟謝

定陝西渭南縣民柳全壁一案本應歸分謝諸

獄門內但因審此案始之陝西由陝之甘用是

附載於三任陝甘總督奏議恭謝

天恩門內

一凡事未議結而移交後任者俱謹綴數語於原

奏後庶免遺漏之譏

一前人行狀墓銘於罷斥逮問統以緣事二字括

那文毅公奏議凡例

凡例

六

之茲則據事直書具見

雨露雷霆無非

至教且先公逮問者二降官者二鐫職者二無非事

出因公正可表明心跡故無庸諱飾為也

一安等弟兄子姪仰賴先公蔭庇得効尺寸於

朝廷故安等感官年月亦皆附載其有謝

恩指奏更應列入上紀

君恩下誌先德為子孫所取信也

一凡

諭旨內獎勵之件申飭之句均各隨事載入不敢刪減

一字體自應遵照正韻但官文書內從俗者多編

中俱照原奏書寫此亦篆變為隸之意也

那文毅公奏議凡例

凡例

七



那文毅公奏議總目

卷一

奉

飭查訊永公保明公亮事

探訪賊情 附議立堅壁清野法 議築石堡

陳覈兵糈

卷二

籌勦竄匪 附分路勦賊

深入老林

夾嶺之捷

那文毅公奏議

總目

一

高橋之捷 附遞勦老林竄匪 疏請吉林官兵留陝 恭謝 天恩

卷三

馬傑山之捷

擒賊首高遇春

追賊入甘

隴山鎮之捷 附覆奏賊匪情形

秀金山之捷 附恭謝 天恩

籌分三路兜勦

洮岷之捷 附彈劾

漳縣之捷 附覆奏官兵足用

嚴家壩之捷

卷四

卡狼寨之捷 附恭謝 天恩

覆奏籌畫大局

分水嶺之捷 附恭謝 天恩

火地溝之捷

郎西之捷 附糾彈

敘績保薦

奉

召旋京覆命

那文毅公奏議

總目

二

右總統陝西軍務奏議

卷五

查辦江西建昌縣知縣劉光控案

遵

飭查辦吉公慶案

卷六

勦辦會匪 告示附 撫卹難民

右奉使粵東奏議

卷七

讞定張江梅控案 浙江

獻定張克諧韓士林西靈額諸控案	<small>直隸</small>
察擬將軍那公奇奏專	<small>黑龍江</small>
察訊王永安控案	<small>河南</small>
右奉使浙江直隸黑龍江河南奏議	
卷八	
恭謝	
天恩	
陝省教匪善後事	<small>酌留防兵 緝捕零匪</small>
遣散游民	
安鄉勇以置新兵	
卷九	
那文毅公奏議	
緝訊逆匪	
稽覈軍功頂戴	
覈實軍需平餘	
蒙古行鹽	
調撥哈密馬匹	
議撥監糧	
請緩城工	
請仍驛路之舊	
恭報回甘	
右初任陝甘總督奏議	
總目	三

卷十	
恭謝	
天恩	<small>附遵 旨奏調賢員</small>
撫馭外夷	
修備水師	<small>附籌畫緝勦經費 推薦</small>
整飭鹽務	<small>附議覆朱侍御復開陽江河運鹽故道</small>
請變通失察械鬪處分	
審讞械鬪案	
叅劾總兵不能約束兵丁案	
查核南番二縣控案	
那文毅公奏議	
卷十一	
緝捕會匪	<small>告示附</small>
勦撫洋盜	<small>告示附</small>
卷十二	
勦撫洋盜	<small>附變通接濟洋匪並失察官處分 明白覆奏 推薦</small>
卷十三	
勦撫洋盜	<small>告示附</small>
卷十四	
擒巨匪李崇玉始末	
罷斥違問	
總目	四

右兩廣總督奏議

卷十五

勦捕野番

卷十六

勦捕野番

籌辦善後

卷十七

搜捕餘賊

敘績保薦

右西寧辦事大臣奏議

那文毅公奏議

卷十八

恭謝

天恩

會察鹽務

治河

右江南副河道總督奏議

卷十九

控馭外夷

奉

勅酌察

總目

五

邊防循例事

右喀什噶爾叅贊大臣奏議

卷二十

恭謝

天恩

卷二十一

賑恤災黎

卷二十二

控制番氓

西陲蒙回

那文毅公奏議

卷二十三

蒙古行鹽

請弛採墾之禁

鎮壓奸回

卷二十四

清查倉庫

茶政

朔方水利

分讞諸獄

卷二十五

總目

六





飭緝逆黨 附稽查保甲

卷三十九

飭緝逆黨

卷四十

飭緝逆黨

卷四十一

飭緝逆黨 附請改發邪教從犯

卷四十二

飭緝逆黨

卷四十三

那文毅公奏議

畿封扈

蹕

籌畫英咭喇夷使入都章程

卷四十四

懇恤民瘼

調劑鼓鑄

懇准商場出租

請借運本

恭報雨雪

卷四十五

總目

九

經營漕政

卷四十六

興復義倉

籌補常平

因時改隸

卷四十七

宣防疏濬

卷四十八

分讞諸獄

卷四十九

那文毅公奏議

分讞諸獄

卷五十

訓練武備

籌議換防

議覆裁兵

勅查馬政

卷五十一

推薦賢能

議改定告病人員題咨出缺日期

卷五十二

總目

十

糾彈庸劣	清釐交代	陳明度支	請餉充費	因事獲咎	右初任直隸總督奏議	卷五十三 <sup>上</sup>	倉場疏奏	右總督倉場戶部侍郎奏議	卷五十三 <sup>下</sup>	那文毅公奏議	總目	十一
										總匯定讞	附另奏事件	
										總匯定讞	附請改罪名條例	
										卷五十四		
										總匯定讞		
										卷五十五		
										總匯定讞	附請改罪名條例	
										右刑部尙書奏議		
										卷五十六		
										恭謝		
										天恩	附訊柳全鑿案	

平番全策	卷五十七	平番全策	卷五十八	籌備邊儲	興建義倉	懇恤民瘼	籌濟南河工需	變通徵草處分	卷五十九	那文毅公奏議	總目	十二
										朔方水利		
										請禁新疆私茶		
										酌改邊防佐貳官制		
										整飭武備		
										調劑營伍		
										斷定蒙古地界		
										卷六十		
										分隸諸獄		
										卷六十一		
										直陳武選弊端		



推薦賢能
糾彈庸劣
右三任陝甘總督奏議
卷六十二
恭謝
天恩
卷六十三
懇恤民瘼
賑撫磁州地震
卷六十四
那文毅公奏議
總目
三
恭報雨雪
卷六十五
經營漕政
籌劃海運
卷六十六
宣防疏濬
建修工作
卷六十七
興復義倉 <small>附議追贖州縣虧缺</small>
清查宣化倉儲

催辦旗租
議追地糧 <small>附勒限清釐徵存未解地糧</small>
議實倉儲
卷六十八
訓練武備 <small>附酌定修製器械章程</small>
疏通駐防旗兵
整飭邊戍限期
懇濟兵需
議設多倫諾爾廳學校
籌備新疆兵差
那文毅公奏議
總目
四
卷六十九
疫耳盜源 <small>附議改罪名 酌裁捕盜兵弁議加快役</small>
卷七十
分讞諸獄 <small>附酌改京控杖徒各案為題 疏通新疆 遣犯 議請復州縣自理詞訟仍歸道府 稽查舊制 留養人犯分別距省遠近提 審委審事</small>
卷七十一
推薦賢能
因時改隸
請改四路同知歷俸
酌定州縣補用章程

卷七十二

糾彈庸劣

請禁私役

右二任直隸總督奏議

卷七十三

預籌布置

附叩賀

天喜 恭謝

天恩

卷七十四

籌畫西陲經費

請簡賢才置各城專閫

各城章京請復用京員舊制

那文毅公奏議

總目

五

整飭卡衛

卷七十五

重定戍兵額數

附訓練

慎重操防

調劑兵丁

查勘路徑

量移軍臺路

卷七十六

修建城垣

附恭謝

天恩

清查叛產

清查地糧

附糾彈

變通回疆錢法

附恭謝

天恩

變通搭放錢文舊制

卷七十七

議定外夷貿易規條

附糾彈

澄清積弊

議立茶稅

附請設三城銀庫並經管章程

卷七十八

撫馭卡內回子

請補伯克

附請補頒官員伯克副防

旌卹節義

卷七十九

剪除逆裔

改撥遺犯給官員役使

安置投回兵丁遺犯

設策擒取逆裔

附鎮制浩罕

恭謝

天恩

卷八十

收撫外夷

附糾彈

敘績保薦

附恭謝

天恩

驅逐偷住卡內安集延

善後交代

寬原西陲軍務

那文毅公奏議

總目

六

罷斥  
飾終

右等書同撰善後事宜奏議

那文毅公奏議

總目

七

那文毅公奏議卷一

世系官階

男容安恭

公諱 那彥成姓章佳氏字韶九號釋堂一號東甫

晚號更生滿洲正白旗人

始祖諱 穆都巴顏世居伯都訥長白山之斐雅郎阿

地方繼遷鄂漠和索洛

國初來歸隸正藍旗以

文成公平定金川功陞為正白旗人

二世祖諱 巴篤帖巴顏

那文毅公奏議

卷一

誥贈光祿大夫

祖妣貴太夫人

誥贈一品夫人

三世祖諱 雅爾泰

誥贈光祿大夫

晉贈光祿大夫一等公

祖妣瓜爾佳太夫人 陳太夫人俱

誥贈一品夫人

晉贈一品公夫人

高祖諱 阿思哈三等侍衛



誥贈光祿大夫

晉贈光祿大夫一等公

高祖妣葛太夫人

誥贈一品夫人

晉贈一品公夫人

曾祖 阿克敦 康熙戊子科舉人己丑科進士翰林院庶吉士授職編修

誥授光祿大夫 經筵日講起居注官太子少保協辦大學士刑部尚書翰林院掌院學士鑲白旗漢軍都統

統

那文毅公奏議

卷一

二

賜諡文勤

晉贈光祿大夫一等公

曾祖妣宜爾根覺羅太夫人 那拉太夫人 韓太夫人俱

誥封一品夫人

誥贈一品公夫人

祖 阿桂 乾隆戊午科舉人

誥授光祿大夫太子少保 經筵日講起居注官 武英殿大學士領文淵閣事管理吏部戶部三庫事務

兼翰林院掌院學士

御前大臣鑲黃旗滿洲都統

特封一等誠謀英勇公

賜諡文成

祖妣瓜爾佳太夫人

誥封一品公夫人

考 阿思達

誥贈光祿大夫 經筵日講起居注官太子太保內大臣吏部刑部工部尚書翰林院掌院學士正藍旗滿洲都統直隸陝甘兩廣總督三等子爵

州都統直隸陝甘兩廣總督三等子爵

妣那拉太夫人

那文毅公奏議

卷一

三

誥贈一品夫人

乾隆二十九年十一月十六日戌時 公生於東四牌樓燈草衚衕舊第

乾隆三十一年五月十七日戌時丁 太常公憂是年

文成公自伊犁回京補授兵部尚書旋授雲貴總督兼副將軍進剿緬匪

乾隆四十年

文成公平定金川

晉封一等誠謀英勇公

賞戴紅寶石頂四圍龍補褂四開袂袍金黃帶綉像

紫光閣

乾隆四十四年七月十九日考取生員

是年

文成公奉

命前往河南督辦河工

乾隆四十五年六月二十日補廩膳生十一月十

二日

前母宗室太夫人來歸原任輔國公宗室弘公

女

是年

那文毅公奏議

卷一

四

文成公兼翰林院掌院學士

乾隆四十六年閏五月二十九日申時

前母宗室太夫人歿

乾隆四十七年正月二十四日

母宗室太夫人來歸原任西安將軍宗室恒公

女 嘉慶十六年九月十五日辰時歿

乾隆五十三年戊申科中式第二十八名舉八座

師經筵講官禮部尚書兼管樂部太常寺鴻臚寺

事務總管內務府大臣鑲黃旗漢軍都統總公

保禮部右侍郎兼管樂部事務文淵閣直閣事鄉

公諱奕孝工部右侍郎兼管吏部右侍郎文淵閣

直閣事管公 幹槓房師禮科掌印給事中 公

諱雲錦

是年臺灣平

文成公繪像

紫光閣十月初十日長子容安生

乾隆五十四年己酉科中式五十三名進士座師

經筵講官東閣大學士管理禮部事務教習庶吉

士王公 諱杰經筵講官禮部右侍郎總理咸安宮

事務鑲紅旗蒙古副都統鐵公 諱保工部右侍郎

那文毅公奏議

卷一

五

管公 諱幹槓房師吏部文選司主事兼考功司事

關公 諱選年五月初十日引

見以翰林院庶吉士用

是年

文成公充尚書房總師傅

乾隆五十五年四月初六日散館

授職編修

乾隆五十六年五月初四日次子容照生 庶母

崔太夫人出初六日

擢授翰林院侍講



乾隆五十七年十月初三日入直

南書房故事內廷翰林由

簡派不加考試時蒙

高宗純皇帝特知

召試詩賦

欽定試卷

命入供奉

乾隆五十七年十月初九日

擢授國子監祭酒

是年廓爾喀平

那文毅公奏議

卷一

六

文成公繪像

紫光閣

乾隆五十九年四月二十三日

擢授詹事府詹事充 日講起居注官

乾隆五十九年十二月十六日

擢授內閣學士兼禮部侍郎銜

乾隆六十年十二月二十三日三子容恩生 庶

母崔太夫人出

是年

高宗純皇帝紀元周甲行

授

受禮

文成公奉

命捧寶

嘉慶二年八月初一日

命兼崇文門副監督

嘉慶二年八月二十一日午時

文成公卒

高宗純皇帝遣

仁宗睿皇帝賜奠

那文毅公奏議

卷一

七

賜陀羅經被

晉贈太保入祀賢良祠

賜諡文成

嘉慶三年二月初七日

命兼正黃旗蒙古副都統

嘉慶三年二月二十一日奉

上諭內閣學士那彥成係翰林出身人尙明白係原任大

學士阿桂之孫著在軍機處行走

嘉慶三年五月二十七日

命署工部右侍郎

嘉慶四年正月初三日

高宗純皇帝龍馭上賓

仁宗睿皇帝親政

命充總理喪儀大臣

嘉慶四年正月初六日

命兼鑲白旗滿洲副都統轉戶部右侍郎

嘉慶四年正月初八日

命充翰林院掌院學士

嘉慶四年正月初九日

命兼理武英殿御書處事務

那文毅公奏議

卷一

八

嘉慶四年正月十三日轉工部左侍郎

嘉慶四年正月二十一日

擢授工部尚書

命署兵部尚書

嘉慶四年正月二十七日

命兼崇文門正監督

嘉慶四年二月初九日

命充

寶錄館正總裁

嘉慶四年三月初二日

賞戴花翎

嘉慶四年三月初六日

命充教習庶吉士

嘉慶四年三月十九日

命充國史館副總裁

嘉慶四年五月初十日奉

上諭工部尚書那彥成之母那拉氏乃原任筆帖式阿思

達之妻阿思達故時那彥成年甫三歲撫孤守志三十

餘載貞節可嘉因係大學士公阿桂子媳舉家受恩深

重不敢援例請旌但世閭中有此貞媛自應綽楔旌闕

那文毅公奏議

卷一

九

以彰節操那彥成之母那拉氏著加恩旌表該部查議

具奏尋

賜御書勵節教忠匾額

嘉慶四年五月二十七日

命兼總理工程處

嘉慶四年五月二十九日

命在紫禁城內騎馬

嘉慶四年七月二十二日

命兼戶部三庫

嘉慶四年七月二十七日



命總管內務府大臣及茶膳房造辦處事務

容安謹按 先公通籍後自庚戌至丙辰七年之中受

高宗純皇帝特知由編修

簡入內廷陞至內閣學士軍機大臣例得奏事迨

高宗純皇帝升遐

仁宗睿皇帝親政仍襲樞密丁巳正月匝月間授侍郎尙

書以迄兼理各職事凡數十次維時

殊遇無以復加 先公感

恩圖報忠言讜論入告無遺惟

那文毅公奏議

卷一

十

彤廷獨對敷陳利弊或陳

宸聽而避人焚草不言溫室雖荷

聖人俯納者多第事關機務均未敢刊載若夫京職部旗

諸政悉遵舊例行亦未載入是以茲編奏議載

自嘉慶四年八月奉

命督師陝西始

那文毅公總統陝西軍務奏議目錄

卷一

奉

飭查訊永公保明公亮事

探訪賊情

附議立堅壁清野法

議築石堡

陳覈兵精

卷二

籌勦竄匪

附分路勦賊

深入老林

夾嶺之捷

那文毅公總統陝西軍務奏議

目錄

一

高橋之捷

附通勦老林竄匪

疏請吉林官兵留陝

卷三

馬傑山之捷

擒賊首高遇春

追賊入甘

隴山鎮之捷

附覆奏賊匪情形

秀金山之捷

附恭謝 天恩

籌分三路兜剿

洮岷之捷

附彈劾

漳縣之捷

附覆奏官兵足用

嚴家壩之捷

卷四

卡狼寨之捷 附恭謝

天恩

覆奏籌畫大局

分水嶺之捷 附恭謝

天恩

火地溝之捷

鄖西之捷 附糾彈

敘績保薦

奉

召旋京覆命

那文毅公總統陝西軍務奏議

目錄

二

那文毅公總統陝西軍務奏議卷一目錄

卷一

奉

飭查訊永公保明公亮事

探訪賊情 附議立堅壁清野法 議築石堡

陳覈兵精

那文毅公總統陝西軍務奏議

目錄

三



那文毅公總統陝西軍務奏議卷一

男容安恭輯

奉

飭查訊永公保明公亮事

嘉慶四年八月二十三日

授欽差大臣關防總統陝西軍務奉

上諭那彥成著馳驛前赴陝西督辦軍務並賞給欽差大臣關防賞帶前往所有隨帶之內閣侍讀學士方維甸內閣侍讀文孚工部主事楊懋恬內閣中書松寧亦著一併馳驛

那文毅公總統陝西軍務奏議

卷一

一

容安謹按川陝楚教匪自嘉慶元年滋事至嘉

慶四年事尙未竣當

仁宗睿皇帝臨政之初

宵旰憂勤急望蕝功以先公誠蓋欲知軍務實情故有

是

命

嘉慶四年八月二十三日奉

上諭慶成永保與明亮同在陝省勦辦張漢潮一股賊匪理宜同心協辦以國事為重上緊殺賊俾陝境早就肅清方為不負任使乃半載有餘尙未蕝事節據奏報勦

賊情形總未見伊三人會同夾擊明亮之摺則稱現在

直前追勦若遇慶成永保帶兵前來即可合圍奮擊而

慶成永保之摺又稱想明亮追躡前來即可併力合勦

彼此各用揣度之詞互相推諉每隔旬餘即如此奏報

一次塞責近日甚至彼此不通信息伊等意見不和忌

功樹黨朕早經洞鑒節次降旨嚴飭並令松筠密行查

奏昨據松筠奏賊匪於八月初一日竄至商州楊家斜

地方明亮於是日追抵商州慶成永保即折回西北抄

擊及明亮追賊至藍田慶成永保又趕往北面伊二人

已明知明亮趕至商州正應會商合勦乃轉行折回是

那文毅公總統陝西軍務奏議

卷一

二

直欲避明亮不與相見張逆得延殘喘皆由二人不迎

頭攔截之故又松筠摺內稱慶成永保於十六日至鎮

安之舊縣關紮營直至二十二日始至該縣東五里之

舊司駐紮此數日內慶成永保究竟日行幾里其罪已

無可辭本日先據慶成永保奏稱張漢潮賊匪有分出

落後一股恐其乘隙北竄永保即於大山岔一帶要路

地方暫停等語此仍不過託詞躲避明亮豫為諉卸地

步而慶成由鎮安五郎抄向西北又稱山險不能繞出

賊前令綸布春等帶領馬隊前行慶成惟在後督催並

稱連日陰雨山水陡漲趕至洵陽壩地方僅斃賊數十



名而夥匪又折回東南鎮安復因兵丁衣履沾濕在彼收拾是慶成亦惟託故遷延並不跟蹤追勦伊二人摺內竟未提及明亮一字尤出情理之外旋據明亮奏到痛勦張漢潮賊眾遁向西南逃竄訊據獲賊供稱有兩日行三百餘里並無官兵趕追之語又稱自鄜陽西緊躡賊蹤趕向商州今又追至鎮安境內慶成承保等帶兵六千餘名總未見面是慶成承保本日奏到之摺竟係畏懼明亮劾効有心捏飾似此懷挾私見坐悞事機全不顧勦賊重務慶成承保可謂喪盡天良若不嚴行懲治何以肅軍紀而勵戎行且張漢潮以一老病無

那文毅公總統陝西軍務奏議

卷一

三

能之賊又身受鎗傷陝省現在並無他股賊匪若不趁此時廓清陝境一任伊等航延貽誤何時方能勦淨著派工部尚書那彥成馳驛赴陝並賞給欵差大臣關防賚帶前往督同明亮勦辦張漢潮一股賊匪以期迅速集事即著那彥成賚朕諭旨先至慶成承保軍營將伊二人傳旨革職拏問一面向其嚴訊將伊二人玩悞實情先行具奏再交與松筠定擬奏聞那彥成即帶領慶成承保原帶之兵與明亮會商勦辦務將張漢潮一股首夥悉數殲除不留餘孽

謹按嘉慶四年九月初六日奏內

奏臣那彥成昨於途次欵奉

諭旨現將承保慶成革職拏問著那彥成松筠嚴切訊問定擬具奏欵此昨接代理西安府事知州喻文鏞稟報承保現已移師郿縣一帶慶成追賊至城固縣臣查松筠近日由驛摺報係在洋縣拜發該處距郿縣城固較近已飛咨松筠就近先行訊問臣至漢中時再行會同定擬所有承保慶成現帶各兵並咨會松筠酌派該處帶兵大員暫行接管堵禦但承保慶成追賊地方所至無定如係分駐兩處臣亦不敢拘泥前咨專令松筠審訊應探問二人所駐之處何人距北面較近先赴該處訊辦若途次遇見賊匪自當以勦賊為重臣即訊問大概情形仍解交松筠審訊謹

那文毅公總統陝西軍務奏議

卷一

四

謹按嘉慶四年九月十八日廷寄內奉

上諭據那彥成奏承保慶成駐劄地方無定伊與松筠不拘何人相距較近即赴該處審辦等語此案原交那彥成松筠二人審辦那彥成自當以勦賊為重不必拘泥繞道審訊若途次可以遇見承保慶成即先行訊明大概情形具奏再交松筠詳細嚴審定擬可也



嘉慶四年九月初七日軍機大臣字寄奉

上諭松筠奏查明亮慶成永保遲悞情形請一併革職解交刑部審訊一摺其所稱永保慶成之罪俱屬公允永保前在鍾祥縱寇失利貽悞非輕朕不加追咎特派令前往陝省署理撫篆協同勦賊伊陞辭時復經朕將皇考大漸時諄諄

遺訓令軍機大臣面為傳知使告伊兄勒保如永保稍有入心應如何竭力圖報乃到軍營後一味遷延觀望並不實力勦辦自華林敗衄後輒借餉銀改用木匣一節前赴寶雞逗遛多日並因與明亮素有私嫌心存妬忌

那文毅公總統陝西軍務奏議 卷一 五

總以遠道抄截為詞其實避賊不進現在松筠查出移營日期每日不過二三十里至五六十里不等中間共計歇住七日之多實為可惡是永保竟係昧良負恩有心玩悞其罪甚重至慶成在京本未派令帶兵伊若不自行懇請亦無足責乃屢次自請前赴軍營帶兵勦賊而到彼後又復觀望不前惟依附永保不肯暫離互相推諉伊係統兵大員當賊匪奔竄時寧不應自當一路乃惟知隨行逐隊同行同止以致稽延多日並未能痛殲賊匪其玩悞之罪亦無可追前已降旨將永保慶成革職拏問並將永保之子英智英華俱已革退官職作

為旗下閒散著那彥成松筠將伊二人種種逗遛貽悞

之處再行嚴切訊問定擬具奏現在台布甫經到陝而

那彥成松筠俱係辦事公正之人自能核實持平秉公

審斷不致稍有瞻顧也至松筠奏稱貽悞軍務之罪永

保為重明亮次之慶成又次之一節所奏尚未允協明

亮勦辦張漢潮一股經年累月總不能擒拏賊首掃除

餘匪惟以前無迎擊之人為詞實為怯懦無能但明亮

屢次打仗尙有斬獲近日復將張漢潮大股賊眾總截

兜勦由鎮安一帶逼向西南明亮即由鄖陽趕回商州

復追至鎮安境內往來追殺尙知出力是伊三人之罪

那文毅公總統陝西軍務奏議 卷一 六

永保為重慶成次之明亮又次之方為得其平也那彥成松筠惟當留心察看如明亮能知愧懼奮力自効將來尙可將功折罪倘不知悛改仍前延玩或亦如永保等有逗遛不進之事即當一併據實奏另候核辦

嘉慶四年九月初九日軍機大臣字寄奉

上諭張漢潮大股賊匪經明亮分路逼勦即折回蔡家坪

搶渡過河淹斃數十人餘匪向茅坪一帶逃竄是賊勢

已極窮蹙而其所以望風奔竄捨命淌渡至於淹斃不

顧者究因明亮緊躡賊蹤不予以暇所致明亮於賊匪

竄渡後即漏夜星馳趕抵江河而張漢潮已過該處由



焦溪河向西奔竄若永保慶成能在彼堵住則張漢潮何從逃逸自卽可以就獲乃慶成永保在西面總未夾擊一次現據明亮奏稱必係永保慶成駐劄地方未得扼要而言外之意自以伊二人竟在無賊處所躲避閒住且據稱知慶成已至四畝地跟蹤追勦永保於八月初九日駐劄大山岔至今未動是慶成雖亦觀望遲延不與明亮同心協力但尙帶兵追勦不至按兵不動至永保自八月初九日駐劄大山岔後距此次明亮九月初一日發摺之期已閱二十一日乃並未動移一步是此二十一日內永保竟安坐營中置賊匪於不問豈非

那文毅公總統陝西軍務奏議

卷一

七

有心貽誤故縱張逆法不能寬且昨據松筠查奏永保七月間每次移營日期每日不過二三十里至五六十里不等中間共計歇住至七日之多已屬玩悞之極而自駐劄大山岔後又株守二十餘日有心逗遛實出情理之外是松筠所奏貽誤軍務之罪永保爲重慶成次之一節自屬公論又據明亮奏前次奏定章程原擬與慶成從中合擊因永保將慶成邀同一路藉辦小股到處耽延並將派定跟追大股賊匪之富成馬兆瑞所帶官兵任意掣赴別處尤爲可惡可恨試思張漢潮小股賊匪爲數無多有何緊要豈有將張漢潮大股賊匪捨

之不辦而轉藉詞勦辦小股將富成等官兵掣赴別處之理所稱別處者係何地方又係何股賊匪顯係永保妬忌明亮成功多方掣肘而張漢潮得以乘間竄逸竟由永保有心縱賊放令逃脫著交那彥成會同松筠將以上指出各情節向永保嚴切訊問如此次張漢潮逃竄之路卽係明亮原派富成馬兆瑞堵截之路因永保將富成等掣赴別處以致該處無人堵禦令得脫逃則是永保不但逗遛妬功竟係護庇張漢潮黨惡縱寇莫此爲甚若果如此其罪尙可赦乎那彥成松筠務須嚴切訊詰不但專訊永保並向永保一路帶兵員弁及富

那文毅公總統陝西軍務奏議

卷一

八

成馬兆瑞逐加確查嚴訊一得的實罪狀並取具永保親筆供詞卽按照軍律定擬具奏至慶成自到陝後惟知隨附永保互相觀望以致稽延多日坐失機宜其罪亦無可追惟慶成前次勦賊曾經受重傷且此次亦曾在四畝地追勦賊匪以視永保之安坐多時置賊不問者稍覺有間亦著那彥成松筠將慶成種種玩悞之處切實嚴訊並查明四畝地追賊之事是否確實一併定擬具奏卽明亮進勦張漢潮以來亦有似永保之逗遛不進處否那彥成松筠亦當據實核奏不可稍有瞻徇至明亮奏稱居心行事總以阿桂爲則所奏不確朕



令明亮效法阿桂而明亮即以效法為詞試問明亮若能效法阿桂之清何至到處勒索若能效法阿桂之勇何至乘輜避賊此等詭辯何所用之明亮既稱向日隨同阿桂出兵儼然以宿將自居今那彥成係阿桂之孫明亮若以伊係晚輩存心輕視則非和衷共事之道但又不可因那彥成係朕特經派往又係軍機大臣為阿桂之孫明亮即將軍情重務全諉之於那彥成一入自圖卸責則明亮不又為現在之永保乎那彥成甫經到陝所帶一係新兵於該處賊情及道路要害未能深悉明亮在彼勒賊已久自為熟手務須知感知奮幫助那

那文毅公總統陝西軍務奏議

卷一

九

彥成會同勦辦或伊二人分作兩路帶兵兜截自更得力如能將張漢潮即行拏獲則那彥成之功即係明亮之功明亮不但可將功折罪並可仍邀恩賞若再不知奮勉則永保即前車之鑒再明亮摺內稱賊匪斷不敢至平衍大路必仍由舊竄山路乘虛入棧現在恒瑞已由寧羌帶兵向西追勦又有賽英阿吉蘭泰在西面防堵是西路已堵禦嚴密賊匪未必能竄入棧道明亮若能在陝境擒獲張逆固屬甚善倘張漢潮已竄入棧道明亮係屬叅贊應即帶兵馳赴川境躡蹤追勦不得以驅出陝境即可塞責至那彥成與松筠訊問永保各情

節不過數日可以定案那彥成既經派往督辦軍務現又令盛京吉林兵陸續赴伊一路交其統領即可前赴川省督同勦辦務於冬三月內一律勦竣方為不負委任

嘉慶四年九月十一日軍機大臣字寄奉

上諭松筠覆奏明亮永保慶成等勦辦遲延情形及密訪領兵各員優劣二摺已於摺內批示其指出永保等罪狀輕重所論甚為公當永保帶兵截勦張漢潮一股賊匪總未與明亮夾擊一次昨據明亮奏稱永保自八月初九日駐劄大山岔後距伊九月初一日發摺之期已

那文毅公總統陝西軍務奏議

卷一

十

閱二十一日並未移動一步今松筠之摺係九月初四日拜發亦稱永保迄今並未移營是永保在彼擁兵安坐已有二十五日而七月間每次移營日期前據松筠奏每日不過二三十里至五六十里不等中間共歇住七日其玩愒遷延已出情理之外且恒瑞已與明亮會晤商定分路截擊而慶成亦於初二日起至明亮軍營乃永保惟知大山岔紮營一味株守是其意總不欲與明亮見面祇在無賊處所躲避閒住實為可惡可恨昨已有旨令那彥成會同松筠將伊種種逗遛玩愒之處嚴切究訊至慶成現據松筠奏稱已趕至明亮軍營會

殊

有心貽誤



議過發但慶成素性巧黠自因伊與永保近日聯銜奏報之摺未見批回心存疑懼因而拋却永保雖就明亮雖現在隨同明亮打仗追賊其從前依附永保觀望迺迺之罪仍不可恕那彥成松筠仍當據實查明按律究擬如因慶成現已前赴明亮軍營隨同剿賊而即將伊從前延緩之罪一概置之不問豈不墮其乖巧術中耶至松筠所奏明亮素稱知兵此次剿辦張逆所言似合亦有不機宜其實固有成效明亮勦辦張漢潮一股雖頗殲賊時朕非不知也匪經年累月總未能擒渠賊事成效安在恒瑞前在湖北頗知奮勉又將藍白二號賊匪屢次兜勦肅清甘境

那文毅公總統陝西軍務奏議

卷一

十一

誠為著有勞績近日督率兵勇進剿稍不如前自亦因年歲較大筋力漸衰之故松筠所奏俱是其稱額勒登保不獨勇而且廉德楞泰打仗亦稱奮勇廉則未敢深保俱係評論得當不虛延訪至永保前在華林敗衄聞係馬兆瑞帶兵救出否則必至大有挫失永保既因冒昧打仗至有虧折自應據實直陳乃前次奏摺含糊其詞將馬兆瑞及遊擊哈三泰參將富靈保協領西林布千總姜興清外委孫榮等一併籠統列名保奏豈非掩敗為功並著那彥成松筠先向馬兆瑞詢問前次永保華林之敗是否實係伊帶兵救出並查明永保所保之

遊擊哈三泰等是否亦在陣前一同出力援救如該遊擊等果係一同出力殺退賊匪則永保雖輕進致敗而該遊擊等究能救援主將不為無功自應照前旨加恩倘該遊擊等並未認真殺賊祇係隨同永保敗陣脫身而永保將伊等冒功請賞那彥成松筠即當據實奏明一併革退其濫行保奏亦即係永保罪狀之一端也至松筠所奏現蒙特派尚書那彥成來陝督辦已經札商酌定適中之地駐劄並令各路彙報軍情一節此則非朕本意朕所以特派那彥成前往陝省者原令會同松筠審辦永保慶成並督同明亮勦辦張漢潮一股賊匪

那文毅公總統陝西軍務奏議

卷一

十一

那彥成到彼或與明亮併力進剿或分路截擊皆應相機辦理若張漢潮果竄入棧道則那彥成並當與明亮一同入川追剿並應受額勒登保節制是那彥成總當以督兵勦賊為重安有在適中地方駐劄不動彙奏各路情形之理如松筠所奏則陝省境內豈不又添一景報軍情之經畧勒保乎諒那彥成亦斷不肯出此也

嘉慶四年九月十八日軍機大臣字寄奉

上諭節經諭令那彥成松筠將永保慶成嚴訊定擬今據松筠奏張漢潮由五郎竄入洋縣一帶永保由大山岔移赴郿縣之斜峪關防其北竄試思賊匪既竄至洋縣



逼近棧道其勢非西趨甘省卽南竄畧陽斷無繞至北面之理此等情形通省皆知乃永保明知賊匪不向北竄轉至無賊處所躲避有心貽誤其罪狀已著斷難寬貸慶成前此勦賊曾經受重傷此次尙能帶傷馳赴四畝地追勦賊匪以視永保之一味逗遛置賊於不問者尙屬有間著那彥成松筠遵照前旨嚴切訊詰卽按律定擬速行具奏

嘉慶四年九月二十一日軍機大臣字寄奉

上諭本日朕檢閱永保從前在湖北軍營緣事罪欵伊於鍾祥滾河地方縱賊北竄河南漸次入陝入川而王三

那文毅公總統陝西軍務奏議

卷一

三

槐徐添德丹文儔等股賊匪隨後紛紛起事蔓延至今皆係永保所留遺孽其罪狀已不可勝數適永保報到詳閱伊所奏情節無非推諉卸罪巧言狡辯不過借防堵北面以爲避賊之計而所稱接到明亮來札以永保所帶兵單不必入山追勦囑其赴大山岔督令官兵勦辦分股賊匪一節尤堪駭異本月初九日明亮奏永保於八月初九日駐紮大山岔至今未動自以永保頓兵不進株守該處一月置賊於不問爲永保之罪及永保甫從大山岔移赴斜峪關何以明亮又札令仍回大山岔駐紮殊出情理之外明亮此札若在奏奏永保之

前則係有心傾陷永保若在奏奏之後則明係因永保已經移營又知那彥成將到陝境恐其查出永保已離大山岔顯伊前此奏奏之不確故復札知永保仍回住原處以實其言是必欲置永保於死地矣况明亮九月十五日奏到祇稱札知慶成並會同恒瑞分路勦辦未經提及永保一字何以有私令永保回駐大山岔之札明亮此札如果屬實則明亮之罪亦難輕恕竟當革職拏問一併究擬但二人嫌怨已深彼此傾害何所不爲或永保因那彥成到陝必須查辦伊欵跡故捏造此札以爲卸罪地步並自知罪重欲拚命抵賴與明亮同死

那文毅公總統陝西軍務奏議

卷一

四

亦未可定總之此札若係明亮欲傾陷永保以實已言則永保前此株守一月之罪自在而明亮之居心險詐更不可問若竟出於永保捏造之爲則永保尤罪不容誅矣著將永保原摺發交那彥成松筠詳細閱看先將指出情節密加訪察軍營耳目甚重斷難隱飾再將伊二人隔別詢問並將明亮原札查對月日係在奏奏之前抑在奏奏之後此札係明亮親自書寫抑係令人代寫若係永保捏造亦須究明係永保自行書寫抑係備人代寫必須伊二人當面供認明白孰虛孰實方可定罪此一節關係二人罪名死生那彥成松筠不可不詳



細研鞠情真罪當以服伊二人之心至永保另摺稱疊奉諭旨與明亮不和自問並無其事或聖諭籠統告誡等語更不成話朕於軍營奏報無不詳細指示即永保與明亮不和一節即特降諭旨指明訓示永保輒敢以籠統二字在朕前狡辯殊為膽大並著那彥成松筠將永保嚴行詰訊其所稱前此華陽打仗並非敗退馮兆瑞僅係從旁抄進明亮並非在廢邸關駐紮不為救援亦未與明亮爭鬧各情節著那彥成松筠按照原摺逐一訊問並遵照節降諭旨即行嚴審定擬具奏再前此明亮亦經自奏隔賊匪二百餘里今永保摺內又稱明

那文毅公總統陝西軍務奏議

卷一

五

亮離賊三百里外亦應確查地名里數一併具奏

嘉慶四年九月二十二日軍機大臣字寄奉

上諭現據明亮奏張漢湖大股賊眾經官兵在石峽子雪水河等處痛加殲戮賊千餘所剩無幾惟向無兵有食處所逃竄看來張逆一股已計窮力盡現在明亮等分兵三路圍住大山岔併令恒瑞廣厚等分投堵截似此合力圍剿諒不過數日內即可辦竣那彥成到陝後如張逆一股已經明亮勦淨那彥成自不必再赴明亮一路協剿即當會同松筠將永保慶成遲延貽誤各款遵照節降諭旨嚴行審訊按律定擬具奏計審案辦竣

盛京吉林官兵亦可到齊那彥成即當帶領生力新兵前赴陝省東南將倭什布德楞泰等逼勒回陝之辛聰張添倫及在平利奔竄之高家營各股賊匪率同慶溥溫承惠與德楞泰等併力合擊以期廓清陝楚邊境那彥成俟辛聰等股辦完具摺奏到後再聽進止彼時盛京吉林官兵如額勒登保需用即可就近調往川省亦更得力也

嘉慶四年九月二十五日軍機大臣字寄奉

上諭昨據倭什布查明胡齊崙動用軍需案內將底賬進呈此內各路軍營任意提用及督撫等支取餽送者款

那文毅公總統陝西軍務奏議

卷一

六

項纍纍實堪駭異夫軍需之設為養兵以平賊平賊以安民今自勦辦賊匪以來部發帑銀多至七千餘萬而各省協濟銀兩尚不在此數如果實用實銷盡為咨給兵丁之費則兵精餉足士氣奮揚早應撲滅賊匪何至隨征兵丁衣服襤縷甚至以牛皮裹足幾同乞丐經年累月迄無成功所謂平賊安民者安在是國家節年所發億萬帑金竟徒為伊等斂法營私任情揮霍之用而於兵丁全不加體卹又何怪師老力疲士不用命耶現於底賬中查出永保名下提用及得受餽送銀共二萬六千五百餘兩較之各路為數尤多又慶成節次收過



銀三千九百餘兩又有軍裝銀一萬九千一百餘兩數亦不少皆不可不切實根究現已將永保慶成家產查抄著將查出清單發交那彥成松筠按照各款會同嚴訊永保自帶兵以來種種遊延玩悞株守不動其罪已重而於軍需項下又濫行支用較他將更多其所支銀銀銀牌等項是否局員實以銀銀銀牌給與抑係永保以賞兵需用為名支提銀兩到營自行打造此項銀銀銀牌是否賞給兵丁抑係借端肥橐現在永保處尚存銀牌銀銀若干慶成除得受餽送外其銀牌銀銀亦係作何使用有無侵扣存貯又軍裝一項用至一萬九千

那文毅公總統陝西軍務奏議

卷一

七

嘉慶四年九月二十七日軍機大臣字寄奉

上諭明亮等勦辦張漢潮一股賊匪經年累載迄未拏獲屢次奏報惟稱合圍夾擊全係虛詞前日據奏張漢潮大股賊眾經官兵殲滅千餘所剩無幾已分三路圍住山內斷不能再稽顯戮方以此股賊匪自可即就殲除刻深懸盼乃本日據明亮等奏到則稱張漢潮又從深林密箐中溜下山坡偷渡前竄實出情理之外而摺中

那文毅公奏議 卷一

支吾掩飾累幅盈篇朕覽之生厭遂加批飭亦不勝其指摘實不知伊等是何心術肺腸已降旨將明亮革去叅贊大臣都統仍賞副都統銜再行核辦明亮等屢次奏報軍情本多誑飾其上次所奏三面合圍之語想亦未必確實今將伊等前摺抄寄那彥成松筠閱看著即將明亮等摺內所奏情節切實詳查如果明亮等前次奏報盡屬虛言則罪無可逃竟將明亮恒瑞與肇三人奏明革職治以欺罔之罪倘張漢潮大股賊眾實經明亮等逼勦窮蹙業已分路兜圍則此次又何以縱令他竄明亮恒瑞與肇圍勦賊匪自必不同在一處何路係

那文毅公總統陝西軍務奏議

卷一

六

何人堵截明亮等自必各有一人專守其地亦必有將領員弁等各行分布堵勦此次張漢潮竄出之路係明亮等何人在彼堵禦不力縱令脫逃且賊匪竄出時先過偏橋將橋拆毀始行逃逸其事必非頃刻所能立辦何以一經逃竄明亮等即離賊有二百餘里之遠即此可見伊三人並未跟蹤追躡若云霖雨難以窮追豈有賊匪能逃而官兵獨不能追擊之理此即伊等罪案著那彥成松筠查明張漢潮確係由明亮恒瑞與肇三人內何人堵勦之一路突圍而出即將此一路縱賊之人及在彼帶兵之將弁等一面奏聞一面革職拏問但明

五一



亮等三人內恒瑞係那彥成妻父如此次張逆竄走之路係在恒瑞圍截之路那彥成不可因係翁婿稍存偏護卸罪他人想那彥成亦斷不肯出此然亦不可因恒瑞係伊親戚意存避嫌獨於恒瑞有所苛刻惟當與松筠秉公嚴查據實辦理若明亮恒瑞與肇三人在彼俱各互相觀望不肯出力以致張逆得以乘間潛逃即將伊三人一併奏明革職鞫問那彥成審案即日自可辦竣台布亦已有旨令其不必前往西寧所有張逆一股即著那彥成與台布會同接辦上緊追勦以期壁壘一新朕此次查辦明亮等三人之罪並非有意將從前帶

那文毅公總統陝西軍務奏議

卷一

九

兵大員盡行革退更換新手特因伊等負恩昧良以欺罔為長技遷延歲月坐侵軍餉如不嚴加懲辦則賊匪何時始能蕩平且若再事姑容仍令伊等在彼帶兵不獨伊等無所儆畏並恐新派之人日久染其惡習且那彥成等本毫無過失今委派軍務如明亮之蒼獬性成豈肯聽其調度必致遇事掣肘並或為其所累是以不得不加以懲辦而那彥成松筠台布皆為

硃

皇考擢用之軍機大臣亦並非朕驟加簡任之人以新聞

請即故交

舊也再昨據倭什布奏到胡齊嵩動用軍需底賬如明亮恒瑞皆曾得受餽送銀兩現在祇將永保慶成鄂輝

家產查抄而未經辦及明亮恒瑞者原為伊二人圍勦張漢潮已將得手望其即日奏捷是以稍從寬貸若此旨到日明亮恒瑞已能將張逆追勦擒獲掃盡餘逆則伊二人之罪尚可寬其一綫倘竟任張逆他竄仍前延玩則華由自作更無可宥那彥成松筠即當遵旨將伊等一面鞫問一面奏聞聽候核辦所有此次硃批明亮摺一併發寄閱看

嘉慶四年九月二十八日軍機大臣字寄奉

上諭據布彥達資盛住等查抄慶成永保家產業經分別辦理因思永保前在湖北軍營獲罪解京後尚有得受

那文毅公總統陝西軍務奏議

卷一

三

餽遺之事此次到陝未必無染指需索情弊著那彥成松筠向伊嚴切究訊有無藉端侵用及得受餽送之事務令據實供吐毋任飾詞狡賴

嘉慶四年十月初一日軍機大臣字寄奉

上諭據魁倫奏行抵沔縣時訪聞上年賊匪至彼明亮帶兵進勦賊匪由青草驛一路奔竄明亮未經追趕在彼駐劄五日所帶兵丁甚不安靜明亮於勦辦張漢潮一股賊匪經年累月尚未辦竣前據伊奏稱已將賊匪三面圍住斷難再稽顯戮乃續據奏報賊匪又乘霖雨逃遁其縱賊之罪已無可諉業經諭令那彥成據實查辦



今據魁倫訪出各情節則明亮逗遛觀望又不能約束兵丁更難逃罪前那彥成在京時每奏及明亮尙可任用那彥成之意不過以明亮久經行陣於軍務情形自爲熟悉若似此積慣蒼獠轉不如未經歷練之人尙無結習且恐新派將領相率效尤於事何益况現據魁倫奏明亮輕視勒保不服調度明亮係曾與阿桂溫福同事之人其意自以勒保係屬晚輩故不肯受其節制而那彥成係阿桂之孫明亮更必心存輕忽焉肯爲那彥成所用適足掣肘那彥成竟當遵照節降諭旨嚴查明亮罪跡據實參奏又魁倫訊據勒保供稱恒瑞棄監號之賊徑回陝西協勦張漢潮恒瑞係專剿監號賊匪之人何以棄垂成之近功追未定之遠賊軍務機宜移步換形朕從不爲遙制卽有隨時指示之處亦當斟酌緩急隨機應變乃恒瑞猶以遵旨回陝爲詞尤非情理那彥成惟當秉公嚴查如有避賊情節卽一併據實參奏朕因軍務未竣日夜焦勞且數年來軍需糜費帑項實屬不貲現在又撥餉銀一百萬兩解陝應用那彥成係軍機大臣又管理三庫事務於朕之盼望捷報及國用度支豈尙不能深悉此時三秋又過已屆孟冬那彥成惟藉激勵將弁一洗從前疲玩積習先將張漢潮一股

殲除淨盡廓清陝境迅奏捷音方爲不負委任

嘉慶四年九月二十九日會同陝西巡撫台公布奏爲審訊永保供詞事前奉

諭旨將永保慶成革職拏問交 那彥成與松筠嚴訊

那彥成行抵西安查得永保自斜峪關東來由大

峪口前往大山岔距省不遠不及會同松筠自應

與 臣 台布會同訊問隨飭派同州府知府陳文駿

等將永保拏解西安 等公同嚴鞫將節次

諭旨內指出各條逐一訊問據供大山岔駐劄原係兼顧

北面明亮寄來書札亦令在彼布置後因賊匪西

奔曾札商明亮卽欲趕往明亮覆稱仍令駐劄該處迨賊匪奔竄過於向西我不敢拘泥於九月初一日起程趕赴斜峪關至二十一日接明亮來書仍令回在大山岔防堵有節次書信可據 等隨詰以你既知不便拘泥明亮指示後來趕往斜峪關何以賊匪西奔時復行在彼稽留據供賊蹤無定設我不遵指示倘賊北竄皆我之罪後聞賊過於向西勢不能竄出北面峪口始行起程又明亮所派之富成馬兆瑞永保因何撤赴他處以致無人堵禦一節訊據永保供稱富成馬兆瑞原係我



與慶成派令追賊由子午峪入山後經明亮撥派  
富成赴鎮安馬兆瑞赴商州我以兩處無賊毋庸  
前往令其專辦分股賊匪並非明亮派定追賊我  
復撤往別處又問永保在華陽山打仗究竟如何  
敗退及奏摺內何敢以

聖諭籠統告誡藉詞狡辨據永保自認華陽山打仗官兵  
雖未退走究不得利就是我的不是摺內籠統二  
字因前奉

諭旨祇申飭軍營大員不和未蒙

指明永保不敢遽行承認所以如此聲說我實不通漢文

那文毅公總統陝西軍務奏議

卷一

三

措詞失當後悔無及等語至永保進兵託詞躲避  
總未與明亮夾擊一節最為案內緊要關鍵復向  
永保詳細盤詰據供明亮奏稱要彼此夾擊但我  
在華陽打仗明亮次日始來我追賊至子午峪明

亮又落後四日數月以來未見明亮截住賊頭緊

追賊尾故無從與之夾擊情願與明亮對質且聞

明亮咨送摺稿所奏打仗殺賊情形聲敘確鑿投

出民人係交隨營知府趙洵審訊未見錄供稟報

我因令知府朱勳札詢據趙洵覆稱參贊追賊不

遺餘力無奈賊匪連夜遁走為日既久不能不一

奏塞責任情鋪敘所稱在龍駒寨樂莊收護關三

次打仗殺賊俱屬烏有救出被擄百姓亦屬子虛

並據我差往明亮軍營探信之外委張起鳳稟稱

自五月至八月止明參贊一路七月內在紅花寺

地方前隊鄉勇殺賊四名八月內在獅子坪地方

鄉勇殺賊二十餘名官兵未與賊打過一仗亦未

見過賊匪等情再如近日明亮奏在甘省殺賊一

千名同日接鳳縣都司稟報殺賊一百餘名只求

察核其明亮一路糧員知府趙洵等亦求傳來訊

問<sub>是</sub>等語以明亮如果捏報打仗自有應得之罪

那文毅公總統陝西軍務奏議

卷一

三

但你接到趙洵六月二十七日信得有証據因何

狗庇不參你既隱匿不奏又將一切摺稿書信粘

籤收藏並密差張起鳳跟隨明亮軍營探聽稟報

明是與明亮不和特意存留各項字據豫備攻訐

以報私怨全不以

國事為重祇圖卸責是何居心據供我接閱趙洵來札

尚恐不實不敢遽奏八月底探信外委張起鳳回

營面詢始知詳悉彼時因屢奉

諭旨申飭不和又不敢冒昧劾參自佔地步這是我糊塗

拘泥百喙難分只求從重治罪至於存留字據實



因軍營匆促之際凡有關係公事者悉係存留備查並非豫存攻訐之意臣等反覆究詰將永保呈送親供並各項字據一併封呈

御覽伏查永保呈出明亮清字漢字各札似非捏飾詢之知府朱勳據稱實有趙洵書信敘述明亮一路情形外委張起鳳所供亦均與永保供詞符合但趙洵書信係永保密令朱勳作為已意密札詢問藉以鈎致字據張起鳳即係永保私自派往之人難保不隨同附和且永保與明亮積成嫌隙今已革職擊問恐獲重罪是以盡情攻發歸罪於明亮一

那文毅公總統陝西軍務奏議

卷一

三

人察其堅執情形誠如

聖諭所云自知罪重欲與明亮同死總須質證明確方可折強辯而成信臣等即日帶兵進山勦賊不能逐處調取人証等候齊全質訊而永保畏罪情急亦不便帶往軍營致有疎虞現已將永保發交司監收禁應否解交松筠覆訊定擬之處伏候

訓示至明亮勦辦賊匪日久無功若永保所供果確是其欺飾之罪尤非虛報功級可比相應據實奏請旨辦理再慶成前在漢中一帶勦賊曾經知會松筠就近擊訊茲據松筠札稱慶成亦至甘境勦賊相距較

近已咨調慶成前來其所帶之兵即交綸布春管理應令松筠訊問供詞自行具奏謹

奏

嘉慶四年十月初四日軍機大臣字寄奉

上諭據那彥成等奏審訊永保供詞一摺前因永保奏在大山岔駐劄係接到明亮來札令其在彼督兵守禦而明亮復以永保在大山岔逗遛一月參奏是以諭令那彥成松筠先向永保追出明亮原札查對日月分別核辦今據那彥成等審訊永保供詞並將明亮清字書札及一切信稿書稟進呈朕詳加批覽明亮書內雖未指

那文毅公總統陝西軍務奏議

卷一

三

令永保在大山岔駐守亦有或在彼督辦之語然其事即使屬實永保株守之罪自在而明亮亦不過欲傾陷永保設此詭計尚非明亮重大罪案茲永保供內有數月以來未見明亮截住賊頭又趙洵寄朱勳信內稱無奈賊匪連夜遁走為日已久不能不一奏塞責任情鋪敘其所稱在龍駒寨鑾莊牧護關三次打仗殺賊俱屬烏有救出被擄百姓亦屬子虛並據差往明亮軍營探信之外委張起鳳稟稱自五月至八月祇有鄉勇殺賊四名官兵未與賊打過一仗亦未見過賊匪等情閱之不勝駭異軍營積習於奏報打仗情形每多粉飾經朕



節次嚴飭方冀伊等稍知儆懼乃明亮奏報各摺竟敢肆行虛誕迥出意想之外不料明亮喪盡天良一至於此朕於軍營奏摺無不隨時指示明亮自五月至八月奏報殺賊情形已有多次雖當盛暑之時朕必詳細批示詎知伊一味憑空捏造毫無影響則朕彼時批示徒勞詞費語其中訓勵之語不一而足竟毫不足以動其心是其遲悞軍機傾陷永保在伊尙屬輕罪而有心欺罔負恩昧良可恨可惡現在那彥成帶兵辦賊而台布亦幫同堵剿難以兼顧此案著專交松筠並傳集知府朱勳趙洵外委張起鳳將所稟明亮欺飾各情節一一

那文毅公總統陝西軍務奏議

卷一

七

指實與明亮對質使之無從抵賴並將永保呈出明亮書札令明亮當面質認勿任支飾又閱永保供內有永保密差外委張起鳳跟隨明亮營盤探信被明亮查獲喝問有你不實說可以殺你之語是明亮竟入白蓮教矣此一節亦著松筠嚴訊又前據胡齊崙呈出餽送賬內明亮得過銀六千三百餘兩彼時因明亮尙在帶兵追剿張漢潮望其卽行擒獲是以留中未發今明亮已革職拏問著將此單發交松筠一併嚴訊歸案計賊定擬至松筠所奏訊問慶成供詞據供屢次勦捕雖有斬獲因爲數無多無顏具奏雖不成話但慶成未敢公然

誑報在何處打仗殺賊若干較之明亮所奏全係虛詞者有間且慶成舊傷未愈尙能騎馬帶兵追剿其罪猶有一綫可寬前此松筠奏貽悞軍務之罪慶成較明亮爲次朕意不甚以爲然今據奏訊情節慶成之罪止於未能趕上賊匪尙無別項狡飾之處與松筠前奏所論適合松筠惟當將明亮永保慶成等罪狀核其輕重分別定擬務期情真罪當明亮永保慶成等俱係領兵大員將來核其情罪其不至死者尙可如富成之例留於軍營卽應行發遣亦可由該處發遣其罪當斬絞必應辦理者若卽在該處正法恐賊匪等見帶兵大員不能

那文毅公總統陝西軍務奏議

卷一

八

獲賊轉被刑誅未免心存輕視且大員獲罪當令大學士九卿會鞫定案卽在京正法軍營中聞之亦必各知警惕著松筠於定擬後擇其罪重者奏明候旨派員解京將那彥成審訊永保供單並書札呈稟各件俱著發交松筠閱看

嘉慶四年十月十二日軍機大臣字寄奉

上諭明亮等奏賊斃首逆張漢潮並生擒首逆李潮連日痛剿賊匪情形一摺覽奏欣慰敬叩

天恩此次明亮探知張漢潮一股竄至張家坪地方當卽趕往正值綸布春與賊匪對敵喫緊之際明亮興肇等



等兩路官兵齊至並恒瑞所派千總張啟鰲所領之兵  
勇合力進擊殲賊匪二百餘名守備楊正明擒獲首  
逆李潮並於殲斃賊匪內搜出張漢潮屍身實屬不傷  
身死已明降諭旨將綸布春楊正明富蘭張啟鰲分別  
加恩並將圍剿張漢潮一路兵丁賞給一月錢糧矣張  
漢潮一股往來陝境奔竄日久以至四川甘肅及楚豫  
等省俱為牽綴今首惡已除不特陝省即可肅清即楚  
豫甘肅益臻寧謐並可騰出勝兵合力專辦平利等處  
及川省各股賊匪可期迅速殲功此股賊匪向聞張漢  
潮為首今訊明李潮始知張漢潮素不管事而李潮竟  
為起事首犯此次一併拏獲更為可慰但據李潮供稱  
情願寄信白號匪徒令其投出明亮已將該犯解赴那  
彥成軍營李潮既係白號為首之人令其招出餘黨其  
計似屬可行但那彥成祇當將該犯親筆書信記號書  
妥幹兵丁或即於現在獲匪中無關緊要之人賫赴白  
號賊夥妥為招致斷不可令李潮自行前往以致潛逃  
不返轉留餘孽如李潮不過藉此冀延殘喘或即寫信  
往招而白號賊匪並不聽從於事無益即當將李潮凌  
遲示眾若果有成效白號賊匪相率投出則李潮或可  
免其一死彼時那彥成再行請旨定奪此時盛京官兵

那文毅公總統陝西軍務奏議

卷一

五

業已到齊其吉林官兵著那彥成作速催令來營再加  
以明亮原帶之兵那彥成一路共有勝兵一萬數千軍  
威已屬壯盛朕度量該處情形那彥成台布自應赴紫  
陽洵陽平利一帶督同王文雄柯藩慶溥與德楞泰分  
股截擊將辛聰張添倫等全數殲擒但軍情難以遙度  
那彥成等總當隨時確探賊蹤何處緊要即赴何處剿  
辦至張漢潮李潮雖已殲擒其跟隨餘黨及分出小股  
尙在陝境即如從前陝省殲斃齊王氏川省擒獲王三  
槐至今尙有齊家營名號及王三槐餘匪蔓延未淨那  
彥成素所稔知今乘此兵威勝勢必當將餘孽搜除淨  
盡以清此股餘匪即運往平利一帶數日未為不可再  
平利等處賊匪如那彥成台布果能連即殲除自屬伊  
二人之功若賊知張漢潮業經殲斃不能復施牽掣官  
兵詭計又聞那彥成統領大兵前往自知不能抵敵竄  
往川境彼時台布自應在陝境督率防堵或回省城辦  
理地方事務那彥成係屬欽差非陝省守土之臣可比  
即應統兵前赴四川幫同額勒登保剿賊再明亮節次  
所奏在龍駒寨樂莊牧驢關打仗情形全係憑空捏造  
並無其事此次張漢潮等安知非綸布春等殲擒報知  
明亮而明亮或在數百里外據為已功入奏亦未可定

那文毅公總統陝西軍務奏議

卷一

五



茲將明亮等原摺發交那彥成閱看著那彥成按照摺內情形將明亮與肇是否親身殺賊抑並未在彼督戰僅據他人稟報入奏之處據實具奏即使明亮果係親臨行陣將張漢潮李潮殲擒亦由朕特派那彥成前往督辦不敢再似從前之玩寇自便且聞那彥成已由西安入山明亮恐其到彼成功是以上緊截剿獲此兇渠是那彥成雖未經臨行陣而先聲奪人故能得此捷音也

謹案嘉慶四年十月初九日奏內

奏查永保在華陽山打仗情形臣面詢馬兆瑞彼時永

那文毅公總統陝西軍務奏議

卷一

三

保帶兵在後並未被困住經馬兆瑞救出明亮於次日始到亦並未坐視不救與永保供詞尙屬相符謹

奏奉

硃批覽

嘉慶四年十月初九日

奏臣欽奉

諭旨查明覆奏事竊查明亮恒瑞與肇等前在甘境剿辦

張漢潮賊匪奏稱分兵三路圍住大山不能再稽

顯戮何以又復潛逃東竄若前次實未圍住則伊

等捏奏邀功之罪無可解免若已兜圍嚴密則何

路逸出卽係何人堵截不力縱賊他竄臣已一面

飛調在該處剿賊之將弁並換回隨營糧員細詢

實情一面飭查成縣鳳縣各地方官令其據實稟

報仍咨明松筠將明亮恒瑞與肇打仗情形就近

確查臣帶兵前進卽日會晤伊等再行面詰如此

逐處稽考無難水落石出所有上年明亮在青羊

峽追賊逗遛本年恒瑞並不窮追藍號賊匪輒回

陝境兩事俱屬有心玩悞一俟查詢明確卽據實

奏奏永保慶成前在楚省提用軍需得受餽送欵

那文毅公總統陝西軍務奏議

卷一

三

項纍纍以帶兵大員營私執法實堪駭異慶成經

松筠等問業已解赴漢中其家人劉五兒自己一

併隨往永保尙在西安監禁已咨會松筠令將永

保由大路提解至漢中一併歸案審辦至明亮恒

瑞俱有染指之事恒瑞係臣妻父亦經得受餽遺

不勝愧恨臣惟當秉公持正徹底清查且軍營耳

目衆多亦非一人所能掩飾不敢瞻顧親情自蹈

狗庇之咎謹

奏

謹案嘉慶四年十月十四日廷寄內奉



上諭明亮與肇慶成承保已先後降旨交松筠秉公審擬具奏惟恒瑞前次拾藍號之賊竟回陝省協剿張漢潮稟垂成之近功迨未定之遠賊顯有趨避情事那彥成務當切實查詢並將得受餽送之處留心訪察一得確據卽從實奏候朕核辦想那彥成斷不肯有心瞻徇也

嘉慶四年十月二十六日會同陝西巡撫百公布奏爲遵

旨查奏事前奉

諭旨交臣那彥成與松筠查訊明亮等前奏三路圍住張

那文毅公總統陝西軍務奏議

卷一

三

漢潮一摺所奏情節如係虛言竟將明亮恒瑞與肇三人奏明革職拏問並查明賊匪竄逸處所係何人堵截之路亦卽革職拏問又恒瑞並不窮追藍號賊匪一事亦交臣那彥成與松筠查明奏各等因臣那彥成與

臣台布同在軍營自應會同查辦臣等傳到跟隨

明亮打仗之千總吳浩把總王登科隨營糧員張約及隨恒瑞打仗之都司海進龍守備薛國相隔別詢問據稱彼所派三路官兵係屬堵截追剿並非嚴密兜圍殺賊數目亦屬增多其所逃野雞溝達家莊打仗情形核對明亮等前奏大端尙屬符

合但吳浩等係屬明亮恒瑞軍營員弁所言恐有迴護不足爲據應聽松筠確切覆查辦理至賊匪由大山陡巖竄下係從三渡水地方逸出並非明亮恒瑞與肇三人堵截之路訊之明亮供亦相符惟據明亮稱三渡水距曬經寺十餘里聞曬經寺地方有甘肅官兵駐守應請

勅下松筠就近查明具奏又恒瑞並不窮追藍號賊匪輒

回陝省一節據松筠札稱係該督移咨令恒瑞回

陝現有咨文可據惟恒瑞前在湖北曾經得受餽

送到陝西後難保無此等情弊且慶成現已供認

那文毅公總統陝西軍務奏議

卷一

三

恐恒瑞在陝亦必有收受賞需之事臣等一面嚴

加訪察一面移咨松筠嚴查得有實據卽行奏

辦理臣那彥成受

恩深重斷不敢瞻徇親情自取重戾並將詢問千總吳浩

等情節另錄進

呈松筠送到咨恒瑞原稿一併封呈

御覽再臣等到關口軍營傳

旨將明亮與肇革職拏問俟前抵漢中境內卽解交松筠

與承保質審其明亮上年在青羊驛逗遛一節亦

移咨松筠審訊至殲斃張漢潮係本月初三日綸



布春帶兵追擊明亮與肇兩路官兵尙非遠在數  
百里外攘功入奏是日張漢潮已被鄉勇臨陣截  
死初四日辰刻經湖南官兵搜獲屍身割取首級  
呈驗詢之各將弁所言均屬相符至賊目李潮奸  
狡異常所供情願往招餘黨不過藉延殘喘於事  
無益已遵  
旨將該犯在鎮安縣凌遲示眾謹  
奏

嘉慶四年十一月初五日軍機大臣字寄奉

上諭那彥成覆奏查明亮恒瑞前奏三路官兵圍住張

那文毅公總統陝西軍務奏議 卷一 三

漢潮一摺多有不實及恒瑞在陝有無收受賞需銀兩  
已另降旨俱交松筠確查辦理至恒瑞並不窮追藍號  
賊匪係接松筠知會令其回陝此松筠調度失當尙非  
恒瑞之咎也又賊目李潮招出餘黨之語不過藉延殘  
喘現將該犯凌遲示眾自當如此辦理

探訪賊情 附議立堅壁清野法 議築石堡

嘉慶四年九月初六日會同陝西巡撫台公布

奏為沿途探訪賊情酌籌辦理事竊 臣等奉

命赴陝經過直隸山西途次每見地方官吏並曾至軍營

之弁兵及家人隸役等隨時詢訪又接據陝西西

安府商州藍田等處稟報互相印証雖傳聞之詞

未必盡確然大概情形總由於將情兵疲稽延時

日自賊匪入陝以來各路帶兵之人有遇賊遠避

擧地遠駐者有遙躡賊蹤者有彼此觀望不相救

應者間或遇賊思奮而冒昧失利一蹶不振兵氣

那文毅公總統陝西軍務奏議 卷一 三

愈形餒怯且聞道路傳言四月至七月我兵總未

與賊接仗若此言果確則伊等節次奏報純構虛

詞卽所稱賊勢業已窮蹙之語恐亦未可盡信 臣

那彥成到軍營後與 臣 台布力加振作密訪嚴查

若再有失候軍機情真罪當者大員則嚴參治罪

將弁以下一面奏

聞一面以軍法從事 臣 原不敢少年任性遇事苛求然軍

紀不嚴終恐不能集事卽或張漢潮易於撲滅而

軍營怠玩積習藉此大加整頓於

國家兵制亦不無少裨區區下悃自荷



聖明洞鑒至於用兵之道先為不可勝而後可以勝人現  
在軍營事務正爾相反即如賊匪隨地掠食又有  
南山一帶寄籍楚人貌為良民暗為賊接濟糧食  
尙不止如明亮前奏僧道通信之事而我兵糧運  
往往不繼枵腹奔馳勢難振奮又賊匪路徑甚熟  
馬匹甚多逃竄極為迅速我兵馬隊甚少步行勞  
頓即偵知賊匪蹤跡趕到早已遠颺來往尾隨愈  
形疲乏躡蹤者既不能緊追守卡者賊來輒散戰  
守如此令人實深憤恨臣等查賊匪最畏馬隊又  
畏鎗箭昨接吳熊光來札已奏明令

那文毅公總統陝西軍務奏議

卷一

三七

盛京官兵赴陝其吉林官兵應請

勅下帶官兵員催令迅速前來軍營得此勁兵自可一鼓

集事至現在陝西各路兵丁疲病無用徒費糧餉

自應大加裁撤查黑龍江官兵一千名早經調齊

軍裝盤費又仰蒙

殊賞給可否即令赴陝協辦之處出自

皇上天恩臣等仰荷

委任恩慈督勦賊匪實不敢稍涉張皇而審察賊勢兵情

倘再因循日後更難籌辦現聞賊匪已經西竄臣

等到西安後將糧運章程趕緊籌畫一俟

盛京兵頭二起到來即行統領前赴漢中進剿再官兵  
乘騎馬匹最關緊要一兵例有三馬方可隨時更  
換近日出征兵丁多願照例折價馬匹每至不足  
前臣等經過山西時曾面告伯麟以山西距歸化  
城甚近辦馬較易酌令再行辦馬一千匹應請  
勅下伯麟即行辦齊解陝庶官兵有此健馬馳驟殺賊於  
軍務實有裨益謹

奏

嘉慶四年九月十八日軍機大臣字寄奉

上諭那彥成等奏沿途探訪賊情酌籌辦理一摺覽奏俱

那文毅公總統陝西軍務奏議

卷一

三

悉其所論陝省帶兵各員或遇賊遠避遙躡並有觀望  
不相救應冒昧失利兵氣愈形餒怯各事自係實在情  
形至稱道路傳言四月至七月官兵總未與賊接仗一  
節若果如此則陝省帶兵各員較之勒保之安坐遼州  
俟各軍營稟報齊集始行稟奏一次者情罪尤重蓋勒  
保所奏向係各營實有打仗之事不過奏報寒貴而陝  
省各員竟在營坐守四月之久並不與賊接仗伊等節  
次所奏在某處截勦殺賊若干之處其地名賊數全係  
虛捏是伊等畏葸之罪尙小而欺飾之罪甚大不獨永  
保慶成業已革職等因即明亮在陝勦賊為日更久亦



當一律治罪但道路之言傳聞異詞未可即為確據那  
彥成等到軍營後務須密加察訪如明亮節次打仗尚  
無捏飾祇係多報功級向屬軍營陋習倘所報全係子  
虛殊出情理之外即當一併據實嚴察治罪至摺內所  
稱到軍營後力加振作如有失悞軍機情真罪當者大  
員則嚴察治罪將弁以下一面奏聞一面以軍法從事  
等語軍營疲玩積習自當力為整頓以期壁壘一新若  
兵丁等有干犯紀律者即應即時懲辦至將弁以下如  
有玩悞之員必當按其情罪確加詳核方可置之重典  
即如永保之有心延玩避賊先經朕看出又據軍營大

那文毅公總統陝西軍務奏議 卷一 奏

臣等參奏已屬確鑿何難即時辦理而朕猶必交那彥  
成松筠等審擬具奏以期核實又如已革之將軍富成  
下及已革遊擊尤漢玉俱因勦賊不力拏問治罪審明  
後因有一綫可原亦未予以重辟此朕於整飭軍紀之  
中仍寓明慎欽恤之意那彥成入值內廷自當仰體朕  
懷慎重辦理即經畧大臣亦不可存先斬後奏之見在  
那彥成實心任事諒不致任性苛求然人命至重萬一  
罪狀未確稍有錯悞所關非細此正朕愛惜那彥成處  
那彥成惟當倍加詳慎如查有實係失悞軍機者即微  
末弁員俱應按律定擬具奏候旨遵行不過稍遲數日

正法有何不可即至請調黑龍江兵丁一節現在盛京  
官兵二千已全數赴陝吉林兵一千名亦已於九月二  
十日進山海關計日即可全抵陝省軍營以上生力勁  
兵已有三千合之所謂撤拉爾回兵一千為數已屬不  
少其黑龍江之兵昨經降旨暫行停調而張漢潮一股  
已日就窮蹙自無需再調多兵茲據那彥成稱陝西各  
路兵丁疲病無用應大加裁撤但此項疲兵究竟應裁  
若干那彥成到彼後詳察情形如必須添調黑龍江官  
兵即速行奏請調派若可以不必則已該處道路遙遠  
調集亦殊不易也再官兵乘騎馬匹原不必拘一兵三

那文毅公總統陝西軍務奏議 卷一 奏

馬之例節次所降諭旨甚明昨又諭令松筠知會故有  
此奏今那彥成已面告伯麟令其再備馬一千匹此時  
諒已調齊解送軍營添此馬力自更得用  
嘉慶四年九月二十九日  
奏 前奏內稱如有失悞軍機者將弁以下一面奏  
聞一面軍法從事之語欽奉  
諭旨訓誡跪誦之下感悚難名竊 仰蒙  
聖恩委以軍旅重任自維識淺年輕惟恐上負  
恩遇兢惕時深到陝時因軍營積習疲玩  
奏明請以軍法懲治祇係欲將弁聞之豫知儆惕之意



即臣亦惟願不効一人而軍事速竣况

聖明在大小臣工兢兢奉法臣仰受

聖諭諄切曲賜成全感激涕零悚惶倍切臣惟有欽遵

訓諭遇事倍加詳慎以仰副

聖主恩加教誨至意謹

奏奉

硃批覽

謹案嘉慶四年十月初四日廷寄內奉

上諭那彥成覆奏惟願不効一人而軍事速竣所見非是

將弁人家勇怯不齊若概事姑容豈能肅軍紀而勵戎

那文毅公總統陝西軍務奏議

卷一

聖

行但當奏聞核辦耳

嘉慶四年九月二十九日會同陝西巡撫台公布

奏為酌籌布置情形事竊照堅壁清野之法仰蒙

慈諭諄諄飭令實力妥辦臣那彥成臣台布一路行定早

晚熟商並於路過直隸山西接見州縣時作為閒

談留心探訪到陝後復又面詢在省司道各官互

相印證地勢夷險不同村堡大小不一居民多寡

不等現任州縣中大半才具拘泥未能明曉求其

以

國事為重認真出力者十無二三伏思用兵之道全在

移步換形而欲堅勇往之心尤貴紆兼顧之念臣

那彥成臣台布詳察地勢近年逆匪竄擾處所總

在商州雒南鎮安山陽商南盤屋郿鄠藍田五郿

孝義各廳州縣境內幅員遼濶賊匪視為熟逕必

得處處防守逼令歸入大路方可得手檢閱輿圖

鄠縣盤屋寶雞鳳縣留壩沔縣寧羌俱在省城迤

西向南城固洋縣興安平利白河商南雒南又在

漢中迤東向北內惟五郿為適中扼要之地該處

山口叢穰路徑分歧一經堵截賊匪即不能來往

自如亟應妥為經理查有西安府知府朱勳人頗

那文毅公總統陝西軍務奏議

卷一

聖

能幹臣等檄令前往五郿督率居民築堡壘墻以

為四面拒守之計又思墻堡興作未竣賊匪設又

狼奔豕突不有官兵董率彈壓無以堅士民固守

之志現在遊擊海洪阿帶兵一千駐劄五郿附近

不過探聽信息無關緊要應於此內撥出五百名

交與該府朱勳帶領前往趕緊繕完免致疎縱其

餘各州縣遴委丞倅佐裨分投激勸曉諭尙屬易

辦至於陝省賊匪情形所以一股之中又分四股

者名為牽級官兵實則賊目彼此不合因而各自

分散其故由於張漢潮祇有步行鋪子八百餘賊



後來附和各匪搶有騾馬乘隙先行所到之處糧石錢物搶劫一空迨至張逆步賊到彼往往一無所得以此魍魎魍魎各具心腸臣等再四籌酌三小股騎馬賊匪勢最猖獗現帶馬隊官兵飽騰躡擊儘足制其死命其張漢潮大股步賊總向崎嶇處所奔竄較馬賊尤難勦辦惟有挑選壯健步兵便於扒山越嶺探踪迎勦庶可按名殄滅次第肅清以上酌籌布置情形敬謹縷陳仰求

訓誨抑臣等更有請者賊匪伎倆祇係善於竄逃若仍舊沿路尾追疲乏兵力是復蹈從前帶兵各員故轍

那文毅公總統陝西軍務奏議 卷一 聖

今臣等擬於經過南山地方將賊匪常走之老林樹木順道砍伐堆塞緊要口隘多備硫磺硝磺探聞賊踪在山屯聚之時揀選趨提兵勇黑夜縱火焚燒務使不留一賊似亦救弊偏方謹

奏

容安謹案此奏所奉

諭旨內有密件不敢載入所請悉蒙

俞允後數載經畧勤公保用堅壁清野之法肅清三省教

匪由 先公創議於前也

嘉慶四年九月二十九日會同陝西巡撫台公布

奏為恭報入山勦賊日期事竊臣等於九月十八日行抵西安連日籌辦馬匹軍火等事漸已就緒並研訊永保供詞另摺具

奏現在察探賊情據鳳縣都司王萬年稟報張漢潮正

殊

股賊匪竄至三尖山又據王文勇及留壩廳官雜可見明亮所奏全原縣稟報十七日張逆率領千餘人竄出草灘溝十

九日由草涼驛竄入大蜂溝二十日竄至桑園壩

二十一日竄入留壩山南江口一帶恒瑞等已各

帶官兵追勦又據富成及五郎通判鎮安縣稟報

探得張漢潮分股賊匪十一日竄至紙房溝十五

那文毅公總統陝西軍務奏議 卷一 聖

日至小仁河騎馬者祇三十餘人步賊一千七百

餘人十八日由鎮安縣之甘柞河竄入五郎之東

腰竹溝二十日富成帶領兵勇追至石泉溝斃賊

一百八十餘名生擒六十餘名除訊明被脅之徐

洪松等二十二名外餘交鎮安縣嚴訊各等情臣

等伏查張漢潮正股賊匪一千餘人自甘境折回

棧道東竄恒瑞等帶兵追勦至留壩高橋舖地方

其從前分股步賊一千七百餘人未同張漢潮

竄往甘境月來在鎮安滋擾近又向西竄至五郎

界內富成率領兵勇追勦此兩路官兵均在賊後

殊



誅

尾追明亮從寶雞沿南山一帶至大峪自北面向

南兜截疲病兵丁落後未經趕到者約有一千餘

名兵力亦不甚厚臣等察看賊匪情形張漢湖兩

股賊匪勢將復合果能合夥一處自可聚而殲洗

但恐其既合復分東西奔竄率級官兵轉難兼顧

而臣等到陝已經旬日夜焦急不能再行等候

官兵於本月二十九日起程從大峪口入山由孝

義五郎一帶相機勦辦現在無兵可帶頭起

盛京兵丁一兩日方可趕到別路官兵相距較遠擬探

赴明亮軍營即帶明亮一路兵丁進剿再查五郎

那文毅公總統陝西軍務奏議

卷一

聖五

孝義鎮安山陽等處東至商雒西至棧道北至郿

邠藍田整屋一帶跬步皆山歧路中又有歧路匪

徒恃此地利遂為通逃淵藪數年來川楚教匪往

來奔竄到處蹂躪情形實為可憫其中雖有十餘

處要路勢不能逐處留兵防守祇有築堡挖壕一

法實為制賊安民上策前松筠已遵

旨通飭各屬定立章程而地方官奉行不力南山一帶要

地現尙因循未辦臣等詳加商酌另定條款先自

五郎商州兩處辦起妥為曉諭務順民情並令各

按地勢及舊有村寨或礮石牆或築土堡或豎木

誅

城悉聽其便其洋鳳一帶就近由松筠飭令地方

官妥辦查有西安府知府朱勳熟悉地利民情即

令該員總司其事此事若辦有成效地之賊匪無食可

掠無地可息勢必餓困就斃且川陝境上賊匪亦

聞風不敢闖入各堡互相保聚匪徒亦有稽查如

商南邪匪勾結之事皆不能竊發似可盡絕根株

且此時以撫卹之費酌給貧民小戶為遷移修築

之資較之逐戶撫卹轉可節省於事亦歸核實再

明亮在南山一帶往來多次地理情形較熟臣等

現在探赴明亮軍營凡道路夷險賊匪出沒處所

那文毅公總統陝西軍務奏議

卷一

聖六

先須向明亮詢問以便布置伊人本驪率知臣等

業經奏悉其心緒忙亂未能將一切情形詳悉

告知轉覺於事無益是以臣等暫緩宣露恭候

命下再將承保所供逐一研訊謹

奏

嘉慶四年十月初四日軍機大臣字寄奉

上諭據那彥成等奏報入山勦賊日期摺內稱張逆率領

千餘人由草灘溝竄入留壩山南江口一帶其分股賊

匪尙有一千七百餘人西竄五郎界內前次官兵俱在

賊後尾追可見明亮節次所奏全虛伊帶兵既已落後



又敢安然坐轎任意誑報其罪尚可恕乎那彥成在西安已有旬日聞知賊匪往來奔竄急欲往勦但兵力未齊亦不可稍涉冒昧輕進此時明亮已經革職拏問所有明亮原帶之兵著交那彥成管領其帶兵將弁等亦著酌量分派盛京兵現已陸續抵陝吉林兵日內亦由京起程計日可到那彥成惟當鼓勵將弁乘官兵新到銳氣將張漢潮一股上緊殲除再將不利紫陽一帶賊匪悉數廓清至所稱築堡挖壕雖亦制賊安民之法但賊匪狂奔肆突即峻嶺廣川亦捨命偷越豈區區壕塹所能限制乎此在地方官豫為防備則可而領兵之人

那文毅公總統陝西軍務奏議

卷一

聖

總以勦為首務不可分心及此

陳核兵糶

嘉慶四年十月二十六日會同陝西巡撫台公布奏為敬陳軍營糧積弊設法祛除核實辦理事竊教匪滋事以來動用錢糧至八千餘萬兩事閱四年迄未掃除若非地方官貪圖辦理軍需裕稟肥已帶兵各員藉此希圖沾潤何至若此其難<sub>臣</sub>朝夕籌酌欲求除弊先杜弊源欲杜弊源先清弊藪伏查向來官兵支領鹽菜口糧俱由辦理營伍處造冊行知糧道照數支給不肖官吏無由冒銷立法本為盡善無如此次追捕教匪逐日移營糧臺亦無定所往往倉卒分兵因造冊不及辦糧文員不得官兵實數而又不能不即時給發以致冒領諸弊叢生<sub>臣</sub>台布前在西路軍營見由京派往各官於肅州出口時俱計算程途給發糧單以便沿途應付是以拓定新疆後官兵來往從無冒濫等弊因再四熟商莫若仿照此法刊刻糧單即派出鎮將等官及兵丁數目於調派時即於單內註明准其持往糧臺各按應得分例支給現在餘匪肆竄分撥官兵追勦有閱一二日或一二百里即與<sub>臣</sub>等會合者應令按照路程日期豫支裹帶將來仍

那文毅公總統陝西軍務奏議

卷一

聖



按日期扣算有無長支短領接續發給該領將等亦各將支領數目出具印領交存糧臺收執查對如此立定章程不特官兵無從冒銷節省糜費實為不少臣那彥成向未經歷此事前在西安省城時據副都統扎克塔爾留心訪詢而告知向來弊端多由於此因思設法妥辦於軍務大有裨益

奏

謹案嘉慶四年十一月初五日廷寄內奉

上諭據那彥成台布奏請從前西路軍營章程給發官兵

那文毅公總統陝西軍務奏議

卷一

完

糧單沿途應付以杜糧員冒濫等弊此事前既行之有效自可仿照辦理總期兵皆足食糧不虛糜方為妥善

嘉慶四年十一月初十日

奏臣那彥成奉

命督兵剿賊於應支鹽菜口糧分例外一切日用不無需費之處查臣那彥成每年應支尙書俸銀三百六十兩都統俸廉六百兩仰懇

聖恩賞借五年俸廉共銀四千八百兩就近支領再行按年扣還如蒙

俞允臣得藉資用度感戴

恩慈實無紀極謹

奏

謹案嘉慶四年十一月十九日廷寄內奉

上諭那彥成奏請借支尙書都統廉俸五年共四千八百兩那彥成現在督兵剿賊自不無需費之處所有應得尙書都統廉俸伊家中寡母妻子資以養贍竟無庸借支著加恩另行賞給那彥成銀六千兩為賞兵等項之用可於陝省藩庫照數支領不必入軍需項下開銷

嘉慶四年十一月十八日軍機大臣字寄奉

上諭此次教匪滋事皆係內地亂民非若從前之新疆回

那文毅公總統陝西軍務奏議

卷一

率

部及金川緬甸安南廓爾喀等處或係邊外大部落或係外藩與國其領兵之人亦係彼處大頭目臨陣打仗時即互有殺傷尙屬行軍常事今此等教匪不過么磨草竊之徒凡茲鄉勇皆係良民因與莠民打仗致有傷亡已覺可憫即緣營兵丁亦係良民充伍豈可任其傷殺若我八旗及盛京吉林黑龍江兵最為勁旅倘因失利致為奸民所戕尤為不值何況帶兵官員為國實力致被戕害甚至如惠倫安祿皆屬五等之封亦因勦此奸民歿於行陣更為萬分不值且惠倫安祿二人伊父奎林海蘭察均係宿將著有威名為中外所指目今伊



二人以輕進搗軀不但深堪軫惜言之即為墮淚並恐教匪等因此啟其輕視之心甚至流傳外藩以名將之子不能殲此匪徒而轉為所害損傷威重尤有關係推原其故總由滿洲及東三省官兵素性趨健勇於赴敵而統兵大臣又調度不善往往零用派撥撥入綠營隊中以致力分見單即勁兵無所施其勇而轉致有輕身陷陣之事實為軍營通病著額勒登保及各路帶兵大臣嗣後派兵勦賊總應將滿洲及東三省官兵自為一隊毋得零星派撥與綠營兵丁撥雜並進使投精兵勁旅蓄養銳氣於應行奮擊時令其併力直前及鋒而用

那文毅公總統陝西軍務奏議

卷一

五

則弓馬馳驟皆其所長以之勦此烏合亂民自必所向披靡何難一鼓集事各路帶兵大臣皆當一體遵照善用所長以收搏擊之效再前此軍營凡遇打仗時雖據奏報每次俱有斬獲但其所殲斃者不過被賊逼脅難民濫報邀功其實正賊何嘗能大加殲戮即云驗報首級而難民與正賊亦復何所區別與其玉石無分徒殘良善孰若於臨陣時廣為曉諭使之棄械來投相率就撫既可散其黨與亦不至枉戮難民節經降旨至為明切該大臣等總未見妥為辦理以致賊匪仍前聚而不散何由尅期蕺事耶此時各股賊匪屢經官兵逼勦勢

已潰散正當乘其窮竄將著名緊要賊目以次殲除於年內將大局辦定乃額勒登保自本月初十日奏到德楞額奏自初七日奏到那彥成自初五日奏到後均未據續有奏報而松筠審辦明亮永保等之案亦閱旬日未經奏到豈竟以朕未經催促仍復彼此因循不思上緊辦理耶

殊

奏內情形尤覺疲玩

必欲

嘉慶四年十一月十八日軍機大臣字寄奉

上諭有人係陳陝省軍營運糧勦賊事宜四款其中如拒險設伏勦除竄入江北餘匪及嚴守興漢通川各要隘以遏賊匪逸入之路二條所稱山川道里擇要堵截之

那文毅公總統陝西軍務奏議

卷一

五

處於陝省地勢尚為熟悉似可採用其運糧招撫二條所言南山大寨此時久已無存恐各州縣無從修葺為存貯糧石之所至官兵追殺之後即於打仗處所豎立招撫旗幟以便從賊中逃出者就近投誠亦恐賊匪假裝被裹難民混跡其中一時莫辨轉致墮其奸計於事未必有益著將此四條發交那彥成等閱看或可備採擇或事屬難行公同酌核具奏可也

嘉慶四年十二月二十三日會同陝西巡撫台公

布

奏前蒙



發下條奏運糧勦賊事宜四款

命<sup>臣</sup>等公同酌核具奏<sup>臣</sup>等詳加閱看內開修葺古寨存

貯運糧卽在附近村莊採買運貯一款查終南山

內古寨久已無存<sup>臣</sup>等周歷山中並未見有遺址

現築堡寨多在高山之巔據險保聚寨內居住老

弱並無隙地可貯軍糧况官軍追賊初無定向安

得有如許軍糧處處分運存貯至山中米麵甚少

居民盡食包穀軍營供支糧石亦不能在附近村

莊採買應毋庸議又豎旗招撫資遣難民回籍一

款奉

那文毅公總統陝西軍務奏議

卷一

五三

旨以臨陣招撫恐賊匪假裝難民混跡其中一時莫辨轉

致墮其奸計仰見

皇上洞燭情偽訓諭明切原奏所言斷不可行至逃出難

民及隨時擒獲者訊明後給與路票回籍久經如

此辦理亦毋庸再議又扼險設伏一款據稱南山

一帶處處皆平山複坡歧途四出惟五郎至華陽

二百六十餘里兩山夾峙中有長溝一道左右無

路賊至五郎江口必倍道以奪華陽卡隘請於華

陽設一大營鄉勇潛伏夾溝山中迨追賊入山伏

勇齊起使其奔突無門所言山形地勢迥未符合

查終南萬山綿亘惟興漢大路濱江兩岸畧有平

崗其餘皆峻嶺高山路徑叢嶺由五郎江口西南

有四五路可達華陽各路里數自三百一二十里

至三百七八十里不等途中所經地方如洵陽壩

五郎關兩河金水河毛坪三河口大河壩老荒溝

楊莊腰竹嶺四畝地焦溪秧田壩女兒壩九尺壩

姚窩子等處皆係四通八達之地每處又各有路

七八條是江口至華陽一帶道路不可勝計並非

左右全無路徑而且南注漢江大河如觀音河五

郎河金水西水楊莊河皆在此一帶地方溪澗不

那文毅公總統陝西軍務奏議

卷一

五

下百餘支分派別處處俱有山溝亦非兩山夾峙

之中祇有此溝一道此<sup>上</sup>那彥成台布親身經歷

察看地方形勢所有扼險設伏之處無從辦理應

毋庸議又嚴守興漢通川要隘遏賊入陝之路一

款據稱要隘地方西鄉三處平利三處各駐兵勇

二三千名南鄭寧羌紫陽安康各一處各駐兵丁

一二千名卽可堵塞川賊斷無入陝之虞查漢中

興安南岸地方山嶺層疊與川省相連大嶺皆謂

之界嶺通往路徑極多西鄉西南兩面皆與通江

太平接壤西面石鼓溪至甘雲溪要隘七處北面



白楊關至大黃壩要隘十一處均係賊匪熟徑內指出西鄉地方掛漏甚多且所稱長嶺在九元關之北繩渡壩在滾龍坡之北距川境尚有一百數十里尤非扼要總路平利有兩扇門洞賓口中茅壩二郎坪等處安康有茨蓬溝滄水河等處紫陽有土地嶺三州壩陡嘴子等處南鄭有哨風樓花石梁官倉坪等處寧羌有石壩寨上馬磴等處俱係通川要隘在原摺內指出地方之外其餘兩省犬牙相錯之地賊匪時時出沒經松筠及德楞秦節次奏過地名並據王文雄柯藩慶溥文需溫

那文毅公總統陝西軍務奏議

卷一

五

承惠呈報賊窟處所不能悉數勢難各隘悉設重兵杜其入陝之路惟當飭令該場鎮道員等認真截擊與川省官兵合剿若能截住事竣後即係伊等之功倘有蔓延亦惟伊等是問如此各有責成亦不必逐處留防徒分兵力所奏應毋庸議再從九品揭琮所奏清查教匪逆產暨逃亡無著之業事竣後分撥入伍鄉勇屯種奉旨飭交查辦並令撥給難民以資生計查陝省賊匪俱係由川楚竄入多非本地著籍之人恐無應查之產至南山內居民多係搭蓋板房開山墾種包穀資

產極爲貧薄賊至間有逃亡賊過仍多復業亦少無著之產容俟辦理善後事宜時再會同額勒蘇保松筠等詳查酌辦謹

奏

謹案嘉慶四年十二月二十九日廷寄內奉

上諭那彥成台布奏議駁揭琮各條一摺此等事惟在那彥成等隨時酌辦並非必欲如條奏施行也

嘉慶五年正月初九日軍機大臣字寄奉

上諭從來用兵之道不外天時地利人和三者以天時而論則惟冬春兩令最爲得力之時一交夏令則氣候蒸

那文毅公總統陝西軍務奏議

卷一

五

熱秋令雨水較多雖精兵勁旅亦不能展其長技乃各路統兵大員並未籌及輾轉遷延以致坐悞時日不知天時其弊一也以地利而論則扼險堵禦最爲要著川陝等省雖深林密箐之處較多然必有要隘處所可操一夫當關之勢而帶兵大員等並不能相度地利擇要守險惟事跟蹤尾追東奔西逐轉將險要之地被賊佔據任賊來往以致攻守兩難徒疲兵力不知地利其弊二也以人和而論尤在將士同心無分畛域乃能收衆志成城之效前此明亮永保等遇公事則彼此觀望於私忿則互相傾軋似此猜疑交搆人各一心將士豈能



用命卽現在之統兵大員如額勒登保那彥成松筠等亦皆各顧各路彼此不知知會以致此處餘匪未能勦盡而他處之賊又復乘間蔓延彼此各存私見甚至兩不相下互相推諉不能和衷其弊三也舍此三事惟有勦撫堵三策今所謂勦者惟知冒險深入在後尾追所謂堵者亦並不能扼要嚴防仍任賊匪乘虛奔突而所謂撫者屢經降旨明切諭示立有章程而投出者仍屬寥寥是其辦理總屬有名無實試思此等賊匪不過久磨蟻聚之徒一時被其煽惑相從爲亂亦何嘗有恩信相結豈有數萬之衆皆其死黨牢不可破之理總由伊

那文毅公總統陝西軍務奏議

卷一

五七

等曉諭之法未得其要又因係教匪卽不加區別概行誅戮則匪黨自揣投出未必卽能得死豈有自趨死路何怪聚而不散耶須知官兵勦賊原爲懲辦叛逆並非搜捕邪教如該匪等祇係愚民無知惑於修善求福之說私相誦述經卷並不敢妄有謀爲原可置之不論若有心叛逆自作不靖卽本非教匪亦王法所必誅其賊匪中如果有能去逆效順歸命投誠者卽實係從教之人亦皆當許其自新一體收恤斷不以其曾經入教又復罪其既往各路統兵大員自應將朕節降諭旨剴切宣示俾賊匪夥黨咸思悔罪投出自必紛紛解散現在

額勒登保德楞泰兩路因向川東巴州開縣一帶追勦後路空虛致賊匪竄入陝境松筠王文雄等又不能嚴密堵禦而那彥成勦捕張逆餘匪惟知深入老林祇顧東路以致賊匪擾及畧陽沔寧西鄉地界是目前兩省大員內川省惟魁倫廣興陝省惟慶溥溫承惠尙無疎虞之咎餘皆不得辭其責本應各治以應得之罪卽將伊等悉行更換國家亦不忠無人今不卽辦理已屬朕格外從寬伊等務須知愧知懼同心協力無論經畧欽差與將軍督撫皆係同辦國事惟當屏除私見悉心籌辦以期於春令內尅日蕞功力圖自贖倘仍前觀望遷

那文毅公總統陝西軍務奏議

卷一

奏

延顧此失彼勒保明亮永保卽前車之鑒毋謂教誡之不早也

那文毅公總統陝西軍務奏議卷一



那文毅公總統陝西軍務奏議卷二目錄

卷二

籌勦竄 附分路勦賊

深入老林

夾嶺之捷

高橋之捷

附通勦老林竄匪 恭謝 天恩 疏請吉林官兵留陝

那文毅公總統陝西軍務奏議

目錄

那文毅公總統陝西軍務奏議卷二

男容安恭輯

籌勦竄匪 附分路勦賊

嘉慶四年十月初九日

奏為逆首張漢潮已斃籌勦竄匪事竊臣於前月二十

九日自西安起程因無可帶之兵

奏明探赴明亮軍營相機進勦及至大路口探得明亮

由于午峪徑赴江口一帶山中道路東西相隔甚

遠隨由秦嶺前至孝義廳地方一面分遣妥從偵

探賊蹤並屢次劄催各路趕緊截剿一面檄催

那文毅公總統陝西軍務奏議

卷二

盛京官兵速來孝義並挑選附近防守兵丁以便帶領

前進初五日據富成稟報在七里堽山梁追勦張

漢潮分股之高遇春等斃賊一百餘名生擒賊匪

二十餘名又在毛兒嶺勦斃張漢潮正股賊匪八

十餘名生擒十餘名兩股竄至竹溝合夥奔竄富

成即隨至下陽溝所辦尚為出力初六七等日頭

二起

盛京官兵陸續趕到初八日據探役李忠等回稟張漢

潮一股賊匪於初三日竄至石灰溝明亮綸布春

等與賊打仗殺賊二十餘名拏獲賊目李潮一名



又據探役郭金李義回稟初三日在石灰溝打仗後官兵在張家坪紮營賊匪在遇仙溝屯聚相距五十里初四日在獅子坪遇賊打仗殺賊多名賊匪奔上山坡逃竄是日明亮等隊內鄉勇搜出見有一賊在坡上自縊身死割取首級呈驗令活賊李潮指認知係張漢潮首級餘匪仍向安康之黑水河及安康連界之紫溪河分竄臣查張漢潮以冉學勝為主謀自上年入陝以來往來奔竄已歷多時今被各路兵勇進剿緊急窮蹙自縊首逆既斃賊勢自衰但此等邪匪若不盡數殲洗江北竄匪終不能肅清即如齊王氏斃後至今尚有齊家營賊匪王三槐就獲餘黨猶未解散必應將張漢潮餘黨全行勦盡不致因首逆已斃稍存弛懈謹奏

那文毅奏統陝西軍務奏議 卷二 十一

嘉慶四年十月十四日軍機大臣字寄奉

上諭那彥成奏張漢潮業經身斃並生擒首逆李潮昨已據明亮奏到惟查明亮摺內所敘情節張漢潮係九月二十九日辰刻被圍中子致斃而本日那彥成奏張漢潮係於十月初四日自縊中間相隔六日若張漢潮果係初四日身斃則帶兵將弁必須稟知明亮而明亮又

須查驗屬實安能即於是日繕摺入奏想係那彥成探聽未確或明是奏報不實張漢潮已經身死固不必深考但其是否中子抑係自縊之處亦須查明確實此時李潮已解往那彥成軍營或訊之該犯或詢問押解該犯員弁即可得實也至明亮自剿賊以來所奏多係捏飾是其故智昨已降旨令那彥成將殲擒張漢潮李潮是否係明亮與肇親身督戰抑係據他人稟報攘為己功及斬獲多寡之處查明具奏並著遵照昨旨辦理至冉學勝一犯係為張漢潮主謀現未擒獲又有兩股餘黨尚在陝境竄必須趕緊勦辦以淨根株那彥成現往鎮安安康一帶

那文毅奏統陝西軍務奏議 卷二 十三

搜捕所見甚是若此時以張逆既誅稍存大意不將餘孽勦盡必致如從前陝省殲斃齊王氏川省擒獲王三槐至今尚有齊家營及王三槐餘匪蔓延肆竄不過斃一老病無能之張漢潮而於軍務大局有何裨益仍復糜餉勞師致稽蕝事那彥成既見及此自應趕緊勦辦目下盛京兵陸續到齊再加以明亮原帶之兵軍威已極壯盛況吉林官兵昨又降旨令那彥成速催到營務當迅速勦捕將冉學勝及張逆分出小股悉數殲除再往平利洵陽一帶督同王文雄柯藩慶溥興肇德楞泰分投截擊將辛聰張添倫等股以次殲擒用副委任至



陝餉入棧無兵防護已咨商松筠或令吉蘭泰等前移棧內所慮亦是倘甘省尚有防堵要務吉蘭泰等亦不可離甘境太遠致照料不及也

嘉慶四年十月二十六日會同陝西巡撫台公布

奏為分路剿賊情形事竊張漢潮餘匪分為三股在葦

菜坪合夥竄向西南近日又分三股折向東北均

在五郎境內臣那彥成隨取道鎮安之西過典司

溝山梁行抵蒿坪河臣台布亦趕到軍營會同帶

兵至五郎境內之老關口併將明亮之兵分派富

成穆騰額山桃園子五郎河分路迎剿借森保長

那文毅公總統陝西軍務奏議 卷二 四

春赴柴家關茨溝各隘口堵截臣等一路均在賊

之東北東南一帶恒瑞於迎風壩剿斃賊匪十餘

名生擒三名沿途追剿前來即令恒瑞由二郎壩

觀祥由華陽兼顧西南一帶其北面峪口亦派兵

勇駐守復飭綸布春由四畝地至沙窩子趕緊逼

剿賊匪知各路大兵逼近前兩股賊匪又向北竄

至蓋屋洋縣交界之秦嶺後股賊匪亦即折回綸

布春兵至教場壩猝遇後股賊匪自柴家關西溝

內撲出綸布春親率官兵奮力攻擊賊始敗退侍

衛桑吉斯塔爾參將富永遊擊王靈由左首山梁

壓下侍衛吹札布定色爾遊擊王應鳳守備張振

鳴由右首山梁壓下追殺三十餘里殲賊一百餘

名生擒四十名奪獲鳥鎗二十四桿刀十把矛槍

一百二十餘根賊向高山深箐無路處越過大山

至焦溪河向西南奔竄可恨此次打仗綸布春極為奮

勇所帶貴州官兵亦俱極為出力所殺賊匪係照

臣等傳知呈驗首級耳記並不似從前虛報功級

當已分別酌賞用示獎勵現在察探賊蹤似欲由

號川竄入棧道前調之索費英阿吉蘭泰未知曾

否入棧堵禦查恒瑞綸布春兩路距賊較近隨令

那文毅公總統陝西軍務奏議 卷二 五

分投追躡臣等即兼程趕赴留壩相機策應合力

兜剿伏查陝省軍務向來帶兵大員各為一路不

相統攝賊竄之處及官兵追剿地方彼此亦不關

會若此路官兵躡追賊他路官兵並不互為援

應以致賊匪乘隙竄避我兵日事奔馳數月不能

遇賊今臣等酌量分派惟有相度事機或合或分

隨時指派並令互相知照聲息相通庶賊至之地

總有官兵追及剿殺雖不能預定撲滅日期而漸

次殲除亦斷不致久稽時日至終南山內層巖疊

嶂綿亘一千數百里竟少平地兩山之間必有一



溪兩溪之源必有一嶺登山涉水小逕延緣皆在溪邊嶺上十餘里內山口數處歧路卽有數十處宛轉相通路逕又極險峻瀑泉噴濺晴霽時亦多泥濘適日天氣早寒處處已凝冰凌登顛陡滑每致人馬墜崖折傷跌斃必須下馬步行之處每日總有十數里其石山林箐人跡不到之處謂之老林賊匪善於奔走路逕又極熟悉一遇官兵匆急攀緣逕上捷若猿猴頃刻翻山他竄惟隨營鄉勇係生長山中之人尙可追趕貴州廣東兵丁素善登山追賊亦甚趨健其餘兵丁實有未能追及之

那文毅公總統陝西軍務奏議

卷十一

不爲少

六

勢計現分派各路兵丁共三千八百五十三名穆騰額一路原帶兵九百四十九名富成原帶兵一千五百餘名恒瑞觀祥二路原帶兵三千四百八十四名<sub>臣</sub>等一路所帶滿漢兵一千九百二名除守卡拏營各兵外戰兵計有一千餘名於路逕叢穢之中勅此分合無定之賊惟在偵探明確多分路數遇賊卽擊從前所謂合圍夾攻之事多非確實<sub>臣</sub>等身親閱歷斷不敢一字稍涉虛假再前據柯藩稟報川匪竄至漁溪河腦瞭風崖等處距江岸不遠關係緊要<sub>臣</sub>恐該鎮兵力不敷難於抵禦

查近江地稍平衍馬隊可以得力已令副都統額爾亨額帶領

盛京兵一千名徑赴紫陽渡江會同柯藩勦辦謹

奏

嘉慶四年十一月初五日軍機大臣字寄奉

上諭那彥成台布奏分路勦賊情形一摺覽奏俱悉已於摺內批示此次張漢潮餘匪分爲三股由西南折回東北經那彥成等分派鎮將趕緊逼勦其前兩股賊匪竄上秦嶺後股賊匪經綸布春奮力攻擊賊勢敗退追殺三十餘里殲斃一百餘名所辦俱好此時賊蹤欲由號

那文毅公總統陝西軍務奏議

卷十二

七

川竄赴棧道恒瑞綸布春兩路官兵分投追殺而那彥成台布亦卽趨赴留壩策應合力兜勦若能一鼓殲淨固屬甚善倘賊被追緊急竄往川境那彥成係特派勦賊之人應親督鎮將緊躡賊蹤赴川勦辦台布有守土之責當在陝省邊界各要隘地方實力堵禦勿令賊匪折回不必與那彥成同赴川境至所稱向來帶兵大員各爲一路不相關照並不互爲援應所論切中從前軍營積弊三年以來皆係如此以致賊匪乘隙竄逃官兵日事奔馳不能遇賊今那彥成等相機指派令帶兵各員彼此知會聲息相通所辦甚是卽所稱綸布春等奮



勇殺賊不似從前虛報功級之處自屬可信但閱所敘情節那彥成台布尚未遇賊接仗此次帶兵前赴五郎未免稍遲而於軍務籌辦情形又未及早馳奏自前月十四奏到籌辦張逆逃竄各摺迄今已隔兩旬方有此報朕屢念軍情昕夕懸盼那彥成寧不知之而何以遲遲若此耶鞠辦教匪之事已逾三載朕仰荷皇考付託之重力加整飭明示恩威無如帶兵大員等積玩成疲日久尚未蒞事既不能於皇考大事百日之內迅速奏功又不能於奉移山陵之前殄平賊匪敬告

那文毅公總統陝西軍務奏議 卷二 八

凡筵明年正月朔日朕即起程恭詣裕陵於初三日致祭行週年禮彼時那彥成即未能將賊匪悉數蕩平亦必當於年內將大局辦定止剩一二零星小股則剿賊之功已屆垂成庶可仰慰皇考在天之靈否則朕有何顏展謁山陵乎此諒諸臣心非木石必能感動但此時距正月朔日僅有月餘為時已迫朕因軍務未竣寸心焦切寢食不遑各路帶兵大員等不能仰體朕意上緊剿賊是以特令那彥成前往勦辦倘那彥成尚不能剋期辦竣朕更當簡派何人豈有么麼草竊必待朕親征之理乎

嘉慶四年十一月初五日軍機大臣字寄奉

上諭恒瑞奏張逆餘匪由五郎向西北奔竄恒瑞帶領官兵分路追剿雖斃賊一百餘名而餘匪仍由密林內四散奔逃尚未剿淨向來各路軍營惟知擒拏首逆並未將其夥黨悉數掃除以致散而復聚潛出滋擾今張逆餘匪紛紛肆竄恒瑞正當乘其潰散之時速行搜捕淨盡况據奏此股餘黨不過一二十人今又經官兵截殺自必更形窮蹙現在那彥成已抵五郎一帶有盛京兵一千吉林兵一千皆係生力勁旅聲勢壯盛務須會同熟商設法圍剿在陝境全行撲滅勿令再有竄逃至川

那文毅公總統陝西軍務奏議 卷二 九

省竄匪已經王文雄通過西鄉之東那彥成恒瑞惟當將張逆餘匪先行剿淨再往西鄉會剿川匪倘辦竣張逆餘匪後西鄉竄匪俱已逼回川境陝省賊氛已遠那彥成恒瑞即當馳往川省與額勒登保會商應於何路剿賊即行帶兵奮擊務期於年內一律蕩事至那彥成前此陛辭時曾經面奏若未與賊匪接仗其尋常布置情形不復敷衍具奏但伊自前月十四日奏到籌辦張逆竄匪各摺後迄今已幾及二旬未據續有奏報朕心甚為懸盼看來那彥成自尚未趕上賊匪接仗但現在如何設法兜圍截剿及近日賊情究竟若何亦應將大



概情形具摺陳奏朕屢念軍務宵旰焦切那彥成寧不知之耶

那文毅公總統陝西軍務奏議

卷二

十

深入老林

嘉慶四年十一月初十日軍機大臣字寄奉

上諭松筠從前仰蒙

皇考厚恩用為軍機大臣在御前侍衛上行走嗣經派令駐藏數年未經換回仰蒙

聖意未必非看其人近迂腐是以置之閒地本年朕親政之始因素聞松筠為人尚能持正而在廷諸臣亦多稱其可用即降旨召還推用陝甘總督晉加宮銜始而陳奏事件尚有可觀其後則有通弛私鹽私鑄等禁之奏所見實為迂謬彼時朕不肯將其原奏宣示曾降旨密

那文毅公總統陝西軍務奏議

卷二

十一

加飭諭乃伊數月以來辦理一切事務殊多錯謬即如慶成係革職拏問應行審訊尚未定罪之人松筠輒令帶領撒拉爾回兵前赴西鄉實為專擅錯誤當經降旨申飭並令其酌量情形另派大員帶領況此項回兵如果不在陝剿賊尚為奮勉即不應遽行撤回乃既已檄調於前一經奉到諭旨旋即撤回是西鄉一路無須回兵在彼堵截已可概見則從前又何必多此檄調乎且回兵素性驕悍見松筠之忽調忽撤全無定見倘因此心生疑畏或至別滋釁端更復成何事體又如恒瑞本在甘境專辦藍號賊匪經松筠令其回陝以致藍號賊匪



乘間他竄地音至今本日據額勒登保奏遊擊阿克東阿原在甘省追剿楊開甲等股賊匪經松筠飭調帶兵回至西鄉行抵界牌地方猝遇賊匪衝出阿克東阿力戰陣亡此又係松筠冒昧檄調之過阿克東阿係在甘省剿賊之員若果聽其一手經理則此時楊開甲等當已早就撲滅乃松筠於剿賊喫緊之時又將該遊擊別行調遣以楊開甲等股賊匪委之川省致令逃竄而阿克東阿於中途遇賊陣亡是阿克東阿之死及楊開甲之遺孽至今未盡實皆松筠之咎其種種調度失宜實為迂濶而不中肯綮殊負委任本應將松筠革職治罪姑念

那文毅公總統陝西軍務奏議

卷二

七

一時簡用乏人著先將太子少保及御前侍衛一併革退並拔去花翎用示薄懲仍留頂戴以觀後效並傳旨嚴行申飭若改悔奮勉自贖將來尚可邀恩倘尚不知愧勵或再有措置乖方之處則當從重治罪決不寬貸至那彥成係朕特派督兵剿賊之員前此帶兵赴五郎一帶已覺稍遲而於軍務籌辦情形又未及早馳奏相隔兩旬始據續有奏報尤為延緩而所奏情節並未遇賊接仗轉將終南山嶺豁澗情形敷衍聲敘如所稱瀑布噴濺冰凌凝滑之語幾似為彼處山水寫照而其意尤不免存畏難之見殊屬非是那彥成在京時即有請

派黑龍江官兵之奏因已先行停調未允所調現在派調盛京兵二千吉林兵一千陸續到陝皆係生力勁旅那彥成正當乘其新到銳氣用以剿賊乃又以盛京兵一千撥給柯滿是新到勁兵復以分而見單焉能得力若吉林兵到後亦似此零星分撥則追剿賊匪又將以兵少為辭復請添調豈不又蹈從前帶兵大員陋習耶那彥成著傳旨申飭此時張漢潮餘匪為數無多何得任其輾轉奔逃迄未剿淨那彥成務須自知奮勵上緊追剿將張逆餘匪及陝境分竄之賊於年內一律肅清即赴川省協剿倘再事耽延或至賊匪仍前奔竄稽誅

那文毅公總統陝西軍務奏議

卷二

七

則惟那彥成是問

嘉慶四年十一月初十日

奏為叩謝

天恩並詳陳一切情形上紓

宸衷事竊臣前於二十一日奉到密封

硃批奏摺一件又前因臣伯父阿迪斯

擢放將軍臣奏謝

天恩一摺遞發漢中復由松筠處寄到敬謹啟閱

訓勉策勵

天語周詳臣自顧何人渥荷



恩慈親信至於此極伏地感涕幾於不忍再閱惟有刻竹

銘心終身遵守伏念臣識淺年輕受

恩最重捫心清夜非分滋慚茲以軍旅重務

特命臣親辦此正臣勉効涓埃殫竭血誠之時若再辦理

遲緩不但辜負

聖主期許

深恩非臣素矢誠盡之志抑且自墮家聲更非臣祖父暨

寡母撫育教養之意惟有將現在實情及應如何

辦理之處據實詳陳仰祈

聖鑒查終南山北面一帶東西橫亘八百餘里皆係老林

那文毅公總統陝西軍務奏議 卷二 古

合抱大樹密無空隙叢樹之下遍生刺竹阻礙逼

窄鎗箭難施且山上地極高寒積雪凝冰處處陡

滑兼有偏巖絕壁路徑不通之處賊匪向來依山

奔竄一經官兵勦敗卽刻遁入以爲藏身之固勦

捕就延實由於此然從前堵截不力每閱兩三月

始能遇賊打仗一次賊匪尙係暫時竄入爲疲我

兵力之計官兵一過得暇卽出仍由道路行走且

因張漢潮老病乘坐竹兜險峻之處亦難立時飛

越今該逆已殲賊中少一累重之人並不經由山

溝路徑遇有極陡處所攀援徑上行走更爲捷速

又見近日各路官兵遇賊卽擊畏懼不敢出山總

在老林內來往盤旋冀延殘喘目下山內地地方自

五郎東至孝義鎮安經臣勸諭築堡團練野無餘

糧民有鬪志賊已不敢窺伺惟五郎迄西堡寨尙

未修築貧民傍山散處無地保聚且有攜帶糧食

入老林避難者今賊衆盤踞林中隨地掠取並未

斷絕口糧而兵勇等逐處窮追亦祇制其竄出之

路不能痛殲醜類臣五中焦灼不可如此不欲生因思賊

竄之地縱極艱險賊可至兵亦可至似此與賊相

持何日方能殲盡必須臣親身入林督率衆兵方

那文毅公總統陝西軍務奏議 卷二 十五

不互相觀望昨已募壯健兵勇懸賞鼓勵令赴老

林山內務躡賊蹤並嚴飭各路將領舍騎步行分

投入林勦賊臣亦於漁洞子一帶輕減鍋帳等項

從深林密箐中直趨秦嶺卽或道路僻遠糧運不

繼臣等及衆官兵均可尋覓包穀通融接濟如此

激勵督率與士卒誓同甘苦則兵氣感奮自不至

稽延時日臣係特蒙

知遇之人若稍畏難苟安卽蒙

曲賜矜全亦無顏上對

君父下對



廷臣 縷縷愚誠自荷

聖明洞鑒以上各緣由 臣不敢不據實奏

聞而難辨情形並未於將領兵丁前一字宣露致啟其畏

難之心 臣亦斷不肯因此一奏預留延緩地步再

軍營兵丁從征日久多有疲乏惟富成所帶兵丁

一千五百餘名除凍餒患病外實止一千一百餘

名茲來 臣軍營被褐無裨實為可憫當即親加撫

慰賞資並與台布商酌一面飛催軍裝一面於 臣

等軍營勻給帳房衣履支發口糧眾官兵一經鼓

勵感激涕零咸有更生之慶即日告請入山進剿

那文毅公總統陝西軍務奏議 卷二 末

言詞俱出至誠 臣已令富成帶領荆州滿兵赴留

壩江口防堵即將此項兵丁交岱森保富蘭管帶

看此奮勇真切情形疲兵亦可轉為勁旅剿賊必

能得力謹

奏奉

硃批不忍注目

嘉慶四年十一月初十日會同陝西巡撫台公布

奏為連日剿殺賊匪及親督官兵即日深入老林進剿

事竊 臣等前派官兵分路進剿並賊匪西竄即赴

留壩策應各緣由會經

奏明在案茲行至金水河地方探聞賊匪竄至大建溝

經恒瑞截勦折回在秦嶺老林中奔竄 臣等當即

由三河口向東北一帶前進督催各路兵勇探蹤

追截遇賊即擊總未與賊以暇嗣竄出大建溝之

賊經鄉勇首千總銜楊太和等在核桃壩乘夜進

攻殺賊十三名其板房子竄出之賊經富成於廂

溝追殺三十餘名擒獲二名楊太和復於磨子崖

與洋縣鎗手合擊斃賊三十五名擒三名是日都

司劉滿貴帶領鄉勇楊蘭杰雷清等又於松壩子

殺賊三十三名擒賊四名綸布春於藥壩茨溝遇

那文毅公總統陝西軍務奏議 卷二 七

賊奮力進攻追殺二十餘里殺賊一百餘名擒獲

三十餘名匪眾奔竄擦耳崖鄉勇楊太和楊正元

等又在該處迎截殺死執白旗賊目一名賊匪六

名副將多爾濟札普參將游棟雲帶兵至麻坊子

壩口賊匪自壩口擁出官兵趕下溪邊殺賊十餘

名又趕上右手山梁殺賊二十餘名擒獲九名總

兵長春侍衛愛星阿帶兵至韭菜坪賊匪望風奔

潰長春等趕緊追擊殺賊十餘名奪獲白旗一面

計旬日以來八次打仗殺賊地方皆近老林為官

兵從未到過之地所殺賊匪悉係呈驗耳記並無





虛捏臣等自帶領明亮兵丁後整齊兵力仰藉

皇上恩威將領等頗知振奮不敢仍前怠玩卽卿勇探役

人等經臣等鼓勵路遇零星賊匪日有斬獲誠獻

軍營至於各路要隘如田峪黑水峪五郎江口火

地兩河口留壩江口華陽等處皆派兵勇堵截嚴

密惟賊中現有冉學勝高遇春等爲首堅約死黨

固結不解總倚秦嶺一帶老林爲窟宅一見官兵

卽行避入每次打仗殺賊無多尙不能痛加殲戮

目擊情形萬分焦急現已減留馬隊嚴飭將領等

步行入林追勦務須兵隨賊到窮其所往不得稍

那文毅公總統陝西軍務奏議

卷二

六

避艱險臣等亦卽親入老林督率進勦仍一面隨

時設法解散黨與務期速行蕪事謹

奏

嘉慶四年十一月十九日軍機大臣字寄奉

上諭據那彥成等奏勦殺賊匪卽日深入老林追勦一摺

那彥成等自前月二十一日以後至本月初間連日遇

賊卽擊不予以暇於大建溝板房子等處督率兵勇跟

蹤追截俱有斬獲而綸布春於藥壩茨溝遇賊奮勦殲

斃一百餘名殺賊較多鄉勇楊太和殺賊奮勉所奏自

係實在情形不似從前軍營虛報惡習據稱殺賊地方

皆係老林爲官兵從未到過之地可見從前帶兵大臣

等奏報不實至現在張漢潮餘匪又有冉學勝高遇春

等爲首堅約死黨以老林爲窟宅賊匪等自因張漢潮

殲斃後勢窮力蹙度無生理是以糾夥竄入老林爲困

獸猶關之計那彥成現飭將領步行入林追勦並親入

老林督率追擊據陳一切情形有憤不欲生之語實爲

過當現在竄匪不過張漢潮餘黨並非首犯固不值與

之親身決戰卽係著名首逆如張漢潮亦不值爲此語

那彥成係軍機大臣經朕派往督師豈僅責以衝鋒陷

陣之事賊匪既竄入老林卽當設法鼓勵兵勇或選派

那文毅公總統陝西軍務奏議

卷二

六

能事將弁入山將賊匪轟出或放火焚燒俾賊不能逃

匿那彥成督率精銳官兵俟賊匪出林或用鎗礮或用

弓箭痛加勦殺方爲正辦不獨那彥成不應冒險深入

卽領兵大員如綸布春等亦不應令其輕涉險地今那

彥成既親入老林則台布同係帶兵之人勢難落後自

必同時深入試思伊二人俱冒險輕追設有疎虞於大

局關係甚重卽如木蘭行圍逐虎亦必須設法將虎引

出密林方可鎗斃斷無徒步入林與虎爭角之理且老

林內路徑險窄卽一二巴圖魯親自搏戰亦不能得力

何況那彥成台布等均係文員卽涉險深入有何益乎





那彥成此奏誠匹夫之勇太不知輕重矣且據稱嚴飭將領俱舍騎步行分投入林盛京吉林勁旅馬上馳騁是其所長若不能乘馬焉能得力閱之甚不放心並據稱於深林密箐中直趨秦嶺卽糧運不繼均可尋覓包穀通融接濟似此情形竟不忍看矣那彥成固當奮勇勦賊然亦當萬分斟酌切不可過於憤激轉致胥無把握

嘉慶四年十一月十九日軍機大臣字寄奉

上諭川陝勦辦教匪前此帶兵大員等觀望遷延經朕大加整飭將勒保明亮永保慶成先後革職鞫現在川

那文毅公總統陝西軍務奏議

卷二

三

陝督師大員如額勒登保帶兵最為奮勇那彥成並欲親入老林搜勦賊匪是各路軍營現已力矯疲玩積習銳意殺賊不肯稍有落後至從前辦理軍需大員等浮冒之處甚多惟恐軍務完竣無可開銷難以掩飾濫支之罪今則福宜綿景安俱已先後罷斥治罪現在總理軍務者如魁倫廣興松筠均係現經更換可信之人諒無前項情事無所用其瞻顧而額勒登保那彥成等俱係受恩深重之人自必思迅速藏功及早回京得膺懋賞焉有樂於在外被霜雪不上緊勦辦之理惟是賊匪經官兵痛勦後已十分畏懼勢力窮蹙近日賊遇

官兵不敢接仗輒行逃竄入山並聞該處民人互相屯守多有依山結寨將糧食悉行保護賊匪無從掠食不過竄處窮林為苟延殘喘之計此正如困獸已入深林捕獸之人若冒險窮追轉恐猝不及備或有疎虞今賊匪既挺而走險自不若平曠之所官軍得以奮力勦殺而深林密箐中匪黨潛匿不時偵伺若官軍入山追躡轉易墮賊奸計朕思賊蹤所聚大率在陝之南川之北該處樹林綿密路逕叢雜若大員等止於境內追擊則賊匪路路可通難以攔截現在川省經畧額勒登保總統軍務陝省則係那彥成居首督師伊二人雖分兩地

那文毅公總統陝西軍務奏議

卷二

三

實則同辦一事惟當無分畛域會商合勦於川陝兩面將各股賊匪併力兜截一處協辦奮勦額勒登保不可以那彥成係屬欽差專辦陝省軍務恐分其功惟知勦辦川賊那彥成亦不可以額勒登保係屬經畧心存推讓止辦陝賊不復籌及全局總須令川陝兩面官軍聲勢聯絡彼此相通俾賊勢益蹙庶可收合力同心之效將來大功完竣自必同沐酬庸之典也至各處民人團集保聚最為善策當飭令地方官曉諭居民以伊等各顧其家悉力守護原不責以追勦賊匪惟賊來則互相捍禦俾賊匪無從搶掠自可令其困斃其有與賊通信



及爲之接濟者則當查拏治罪如此明白宣諭衆志成  
城可期事半功倍著額勒登保那彥成一同遵照妥籌  
會辦現已節近長至卽年內不能全數辦竣能於兩三  
月內將大股賊匪勦盡方爲不負委任如朕之指示或  
有與軍營現在情形不甚符合或伊二人尙有礙難辦  
理不敢明奏慮干嗾斥之處不妨據實會奏毋得稍有  
隱匿

嘉慶四年十二月十三日軍機大臣字寄奉

上諭據松筠奏陝省賊匪自張漢潮就獲後不過零星夥  
黨四處奔逃爲數無多有何伎倆且陝省旣新添兵勇

那文毅公總統陝西軍務奏議 卷二 三  
一萬三千餘名以之搜勦餘匪則現有之兵數倍於賊

有何難辦乃數月以來僅獲一老病無能之張漢潮而  
餘匪至今未曾勦淨亦並未痛加殲戮卽云賊匪夥黨  
尙有多人但輾轉奔逃已極疲乏而新添兵勇皆係生  
力勁旅聲威壯盛何難一鼓成擒况川省額勒登保一  
路並未添兵尙能屢次擒獲賊首並將分竄賊股以次  
殲除豈陝省擁此勁兵轉不能將此等散餘匪速行  
搜勦卽賊匪匿入深山老林那彥成亦當設法用計誘  
之使出以便要擊截殺乃惟知入山追捕使盛京吉林  
各勁兵隨同伊等登山越嶺漸形疲頓弓馬鎗箭俱不

能施是竟舍其所長而用其所短以致生力精兵轉不  
若綠營之得力而松筠惟以兵勇增添有需餉項奏請  
撥給似此兵多賊少仍前遲延玩悞實不知伊等所辦  
何事豈有竭天下全力辦此一隅小醜之理乎現已有  
旨令額勒登保酌量川省軍情如有需兵力接濟卽於  
那彥成處調撥盛京吉林兵一千今那彥成辦理軍務  
毫無展布徒使勁旅日久疲乏卽留彼亦不能得用且  
現在那彥成等所帶吉林官兵究在何處打仗總未奏  
及著將吉林兵一千徑行撥赴額勒登保處並卽令原  
帶之人帶領前往俾得及鋒而用看來那彥成松筠竟

那文毅公總統陝西軍務奏議 卷二 三  
自安無能無福承受朕恩今亦不復望其勦竣賊匪竟

可將兵撤回於要隘地方紮營防堵俟額勒登保將川  
省竄匪肅清後再行移師赴陝勦辦陝省賊匪不知伊  
等亦知自愧否耶倘那彥成等以此項勁兵必須留營  
難以分撥著將留此兵力作何調用之處據實陳奏方  
可准行若仍令隨同伊等穿林越箐萬一遇賊折挫朕  
留都有用之兵豈肯付汝等無能之大員帶領耶



夾嶺之捷

嘉慶四年十一月二十八日會同西安將軍恒公

瑞陝西巡撫台公布

奏為賊竄夾嶺澇峪等處連次截勦及派往紫陽官兵

打仗情形事竊前在安溝板子房子沙坪截勦賊

匪業經恭摺具

奏在案臣等公同商議賊匪忽分忽合總冀牽綴兵力

而臣等之兵亦應隨時分合相機勦辦當即親率

大兵翻越秦嶺老林密探賊蹤就近布置茲據探

報賊匪由老林翻山竄往田峪千峪澇峪臣恒瑞

那文毅公總統陝西軍務奏議 卷二 三

隨赴栗樹坪兩岔河一帶截其西面折竄之路札

克塔爾赴東河安溝一帶截其折竄西南之路繪

布春由秦嶺之南至菜子坪金雞嶺截其南竄之

路並令總兵長春協領富盛阿等至南關一帶抄

截叅將李天林都司劉滿貴白木子坪至澇峪迎

截副將多爾濟札普叅將游棟雲等自田峪千峪

追躡臣等亦即帶領護軍叅領富蘭叅將蕭福祿

等在北面抄截督率策應連日以來賊匪知處處

有兵不敢肆竄總兵長春等探知一股賊匪藏匿

高關峪夾嶺夜間潛師急擊賊即望風奔潰追至

小千溝殺賊一百餘名該匪搶上山梁礮石抵拒

官兵奮力趕上又殺賊三十餘名餘匪竄回澇峪

內紙房地方適遇李天林劉滿貴等官兵截住殺

斃八十餘名賊匪復竄至鳳凰山與千峪竄來之

賊合夥同竄澇峪內兩廊地方該處山勢陡峻直

下無路若由山徑前往路甚迂折隨令多爾濟札

普游棟雲等馳出田峪繞進澇峪口兜擊守備薛

國相鄉勇首萬彪率領兵勇追至山上於無路處

所乘夜縋下賊匪正在造飯不虞兵勇猝至登時

奔潰殺賊一百餘名擒獲最先滋事之賊目周正

那文毅公總統陝西軍務奏議 卷二 三

忠一名小賊目汪永福一名餘賊六十二名賊匪

敗後欲向北面竄逸又見澇峪口有臣等之兵情

形極為慌亂向山險樹密之處紛紛竄匿我兵追

至始猶放鎗抗拒旋即拋棄鎗矛攀援陡砌而上

隨崖跌斃者甚多並殺死之賊復有二百餘名現

在各處要路分布官兵步步緊躡賊無食息之暇

各兵勇經臣等親身鼓勵督率奮勇直上登山越

澗鞋襪多已穿敝即間有糧運難至之時仍復感

發奮興並未稍形疲乏臣等惟有親督將領兵勇

乘此銳氣奮力截殺以期迅速殲除至前派副都



統額爾亨額帶領

盛京兵一千名赴紫陽會同柯藩勦賊茲據馳報川匪龍紹周唐大信熊客頭三股入陝意欲搶渡漢江由望虎山竄至高灘河正在搭橋之際柯藩督率兵勇將橋擊斷全行淹斃賊匪退至望虎山吶喊放鎗抵拒額爾亨額將所帶兵丁分據左首山梁及河底兩處鄉勇首胡貴帶領鄉勇繞至山頂壓下與官兵奮力夾攻河底地稍平行馬兵易於得力鎗箭殺斃及滾山落河者六百餘名於賊屍內認出南路偽元帥黃爾雄首逆熊客頭之子北路偽元帥熊世洪及小賊目李二毛子等七名當割首級梟示又生擒賊匪三十一名放出難民二百餘名口敗殘餘匪由六道河竄回川境至首逆龍紹周身穿紅綢衣經鄉勇趙慶蘭趕往擒拿龍紹周情急滾山逃下趙慶蘭擲石擊中龍紹周跌落河內未知會否淹斃臣等現在飛劄額爾亨額等確切查明呈報昨接倭什布咨會以辛聰等一股賊匪由竹谿關入平利鎮坪地方令臣等派兵截勦臣等現在秦嶺之北距平利幾及千里賊蹤飄忽無常派兵前往已屬緩不濟急查平利原有慶

那文毅公總統陝西軍務奏議

卷二

奏

溥溫承惠帶領兵勇防堵數月以來賊至即能擊退實屬奮勉出力已飛飭慶溥溫承惠嚴密截勦毋使復竄楚境且平利與紫陽接壤如紫陽賊匪不至折回即令額爾亨額等就近酌分官兵前往援勦謹

奏

嘉慶四年十二月初四日軍機大臣字寄奉

上諭那彥成等奏賊竄來嶺澗峪等處連次截勦一摺該處竄匪忽分忽合復由秦嶺老林翻山竄往澗峪一帶經那彥成分兵追躡先後殺賊三百餘名其龍紹周竄

那文毅公總統陝西軍務奏議

卷二

奏

至高灘河欲圖搶渡漢江亦經額爾亨額柯藩攔截夾攻斃賊六百餘名並殲斃偽元帥黃爾雄等所辦尚好所奏龍紹周滾山逃竄經鄉勇趙慶蘭擲石擊中跌落河內與前此松筠奏報相同其辛聰等一股由竹谿關入平利一帶那彥成因相距較遠已飭慶溥溫承惠嚴密截勦如紫陽賊匪不至折回即令額爾亨額等就近分兵援勦所辦甚是所有兜擊賊匪之守備薛相國鄉勇萬彪於山上無路處所乘夜縋下殺賊多名尙爲奮勇薛相國著以應陞之缺陞用萬彪著給外委頂帶以示鼓勵至兵勇等登山越澗鞋襪多已穿敝閱之殊增



憐憫前發去賞項六千兩正為賞給此等出力兵丁之用昨又因陝省應辦善後事宜發去餉銀五十萬兩備用那彥成不可因餉項較寬即不上緊勦辦致稽時日但亦不可過於著急冒險輕進總當於勇往之中加以持重督飭將領相機奮擊於一兩月內將各股竄匪速行勦淨辦定大局不可再有遲延方為不負委任

那文毅公總統陝西軍務奏議

卷二

三

高橋之捷 附通勦老林竄匪 疏請吉林官兵留陝 恭謝 天恩

嘉慶四年十二月十三日會同西安將軍恒公瑞

陝西巡撫台公布

奏為分路勦賊情形事竊 臣 等前在潯峪等處督兵勦

賊業經恭摺奏

聞在案賊匪自勦敗後向東折竄分為兩大股一小股 臣

等隨督率將領分派要路追勦總兵長春協領富

盛阿等迎截小股賊匪於木碗岔地方該匪望風

奔潰僅殺賊四名擒賊五名正在追趕間探得江

河之高橋有大股賊匪竄過該鎮等冒雪進勦賊

那文毅公總統陝西軍務奏議

卷二

三

已過河將橋拆斷河水深寬且多亂石催兵涉水

徑渡追殺賊匪七名擒賊十名鄉勇首張必達又

在蒿溝遇見分出大股賊匪截殺賊九名擒賊二

名江河之賊連夜竄至柳林溝經叅將李天林都

司劉滿貴追及殺斃七名隨上山趕賊冰凌溜滑

鄉勇首雷清失足墮崖跌損左臂賊即翻山而遁

蒿溝之賊竄至大壩經副都統銜綸春布桑吉斯

塔爾帶兵截殺斃賊九名擒賊十二名兩大股旋

即合夥折向西奔綸布春等復趕緊追至韭菜坪

殺賊三十二名擒獲十三名賊又分股向嶺南嶺



北西竄小股賊匪經鄉勇首李亨元等在架子溝殺賊八名折回與嶺北之賊會合隨派副都統札克塔爾總兵觀祥副將九十等趕往在灰峪林追及殺賊八名擒賊十一名察看賊窟處所有直趨西南之勢該處無兵堵截恐賊匪愈竄愈遠因令將領等分兵追躡臣等親帶兵丁由滴水嶺雞冠梁老林內捷徑連夜分投趕赴石塔子石板壩黃柏院等處截住西面各股賊匪又復連夜竄回所有東面官兵正可迎擊惟是賊蹤奔竄不出老林密樹遮蔽十丈以外目力即不能見林內樹木皆係老松刺竹草厚寸許陽坡雖遇晴霽而樹中霧氣蒸濕淋漓衣上陰坡則天氣苦寒積雪至有數尺勢不能放火焚燒將賊轟出痛加勦殺故雖接仗至七八次之多而殲擒不過一百三十四名臣等目擊情形焦灼難以言狀再昨奉到二十五日批回奏摺

溫諭慰勞

曲賜優容茲復欽奉十九日諭旨以臣那彥成係督師大員與台布俱不應冒險深入即領兵大員如綸布春等亦不應輕涉險地

那文毅公總統陝西軍務奏議 卷二 三

諄諄訓誡務令萬分斟酌臣那彥成且誦且泣感激難名竊思臣那彥成此次蒙恩派來陝省督辦軍務原不責以衝鋒陷陣之事且素未經歷行陣親身殺賊自問實非所長然各處勦賊地方大山間阻數十里內聲息即不相通今臣親身入林督率既可鼓勵官兵且得隨時相機調度並非輕身試險與賊決戰臣前奏未將必不得已情形詳敘以致上煩聖慮撫衷尤切悚惶敢祈聖主稍釋

那文毅公總統陝西軍務奏議 卷二 三

屢懷庶臣心稍安得以熟籌妥辦早殄賊氛以仰副訓勉成全至意謹奏

嘉慶四年十二月十三日

奏稿臣欽奉

諭旨賊匪挺而走險自不若平曠處所官軍得以奮力勦殺仰見聖謨廣運指示周詳惟是賊匪在山深樹密之處竄走山徑錯出宛轉相通且現在之賊名為餘黨其實所剩者盡皆真正邪教張漢潮主謀掌事賊目悉在



其中擒獲活賊訊問率多籍隸湖北為最先起事  
 積匪多殺一名即少一名真賊而賊情詭詐忽分  
 忽合總依傍老林並不經由路徑雖晝夜追剿仍  
 不能立即掃除臣本思驅至平川以便剿殺或竟  
 逼歸川匪一處與額勒登保併力兜截無如陝南  
 川北皆係層巒峻嶺綿亘無際即老林之外亦絕  
 無平曠處所况秦嶺老林南北百餘里至二百里  
 不等距漢江南岸尚遠一時不能與川匪合夥臣  
 惟有就現有兵力分派截擊並遵

諭旨令滿洲及東三省官兵自為一隊及鋒而用總期盡  
 那文毅公總統陝西軍務奏議 卷二 三

殲醜類迅速蕪功不敢因

聖諭寬假其期稍存怠緩一俟剿捕淨盡即行帶兵渡漢

將西鄉紫陽一帶川匪與額勒登保兩面合剿聲

勢聯絡更可一鼓蕩平臣仰膺

委任與額勒登保同辦軍務自當通籌全局以蕪事為急

斷不敢存分功之見區分畛域至人民團集保聚

之事最為善策臣與台布前曾通飭地方官隨時

勸導獎勵民情極為踴躍多有捐修堡寨者此時

東路如鎮安孝義等處守禦嚴密辦理已有成效

既可堵截賊匪稍助官軍聲勢並可因此查明無

籍流民於將來善後事宜亦不為無裨至五即煙  
 戶較少近亦團集鄉勇如五即所屬之蒿溝聯入  
 里坪苦竹溝傅家河等處因在本地守禦四處其  
 陣亡鄉勇五十名鄉勇首劉武一名可為認真守  
 禦之明驗所有陣亡鄉勇等俱已照例給予卹賞  
 昨又據孝義鄉勇李亨元等稟獲私至賊營通信  
 之文公廟道士張來勤一名解營審訊供認不諱  
 當將張來勤凌遲處死因查賊過地方並不殺害  
 僧道等得受賊匪布施銀兩代為偵探如張來勤  
 之通賊者不一而足但未得確切証據不便遽行

那文毅公總統陝西軍務奏議 卷二 三

誅戮遇有形跡可疑之人隨處盤詰拘留斷不使

賊中奸細私通信謹

奏

嘉慶四年十二月十九日軍機大臣字寄奉

上諭近因那彥成搜捕竄匪帶兵深入老林而兵力為地

險所限技無所施自應設法用計引賊使出以便要擊

截殺正在降旨諭示適據那彥成等奏到各路勦賊情

形據稱賊蹤奔竄不出老林密樹遮蔽十丈以外即不

能見又天氣苦寒積雪數尺勢不能放火焚燒將賊轟

出那彥成等實為辛苦萬狀不忍披覽但伊等惟知在



老林內跟蹤追躡雖艱阻備管兵力徒形疲乏而賊匪仍出沒自如所辦總不得要領自趨拙路勞而無益卽與賊接仗七八次而賊不過一百餘名亦祇係零星搜捕並不能認真打仗痛加勦殺該處老林據稱東北百餘里至二百里不等但究與何省及何府州縣毗連路徑從何出入仍未詳悉奏明如果深林密箐綿延不斷則那彥成帶兵深入之後糧運如何接濟且人皆步行又如何安設營盤若官兵皆係露處亦非體統亦從無此行軍之法倘官兵過於陟險或被賊匪潛匿深林密箐之內突出攻撲必致受虧現據奏運送兵鞋之委

那文毅公總統陝西軍務奏議

卷二

三

員王壬亦因尋赴軍營在老林中被賊戕害此卽其明驗試思賊匪於兵鞋等項尙圖搶掠豈有遇見銀米轉不劫奪之理設使糧餉在途或於林箐中被賊劫去豈不徒資盜糧現在那彥成所統生力精兵全在用其所長若以之登山陟嶺穿越林箐弓馬鎗箭俱不得施卽使深入窮追而官兵方山此路前進賊匪由他路林箐中偷越遁去又安能追殺淨盡况現獲各犯如高均德等皆係著名首逆而訊以因何謀逆情由竟不知叛逆爲何事祇以一時烏合志在搶掠及被官兵勦敗以挺走爲逃死之計國家強兵勁旅以之勦辦此等無賴匪

徒設有損折更屬萬分不值且霧氣蒸濕氣候異常若久駐深山官兵亦易致受病是深入老林窮追竄匪殊屬拙計那彥成自當察看地勢多方籌畫竟將現兵撤出另思別法用間出奇誘之使出以便乘機要擊或於要隘處所嚴行堵截諒此深山老林未有地畝可種居民稀少賊匪在內無從得食自必窮而思出官兵以逸待勞方可制其死命此等機宜惟在那彥成相機妥辦原不在輕身試險徒勞兵力也至那彥成所帶盛京吉林兵丁皆係生力勁旅伊究竟作何派撥在何處打仗殺賊總未據奏及前因那彥成帶領此項勁兵不善調

那文毅公總統陝西軍務奏議

卷二

三

度用違其長已諭令將吉林一千卽赴額勒登保軍營俾得及鋒而用那彥成當遵旨辦理倘伊必欲此項勁兵留於軍營卽當將賊匪設法轟出用以殺賊不得仍前帶領穿山越箐徒致疲於登陟也且那彥成現在兵力不爲不厚焉有萬餘生力精兵合之鄉勇數萬僅在老林追逐曠日持久辦此一二千殘敗賊匪之理那彥成必當亟思圖改上緊相機勦辦務於明年二三月內奏績厥功斷不可惟事跟追致稽時日至所奏擊獲私至賊營通信之道士張來勤凌遲處死一節自應如此辦理賊匪經過地方不殺害僧道焚掠廟宇僧道等



往往得受賊匪布施代為偵探此事曾經明亮奏及那  
彥成務須留心查察遇有來歷不明之僧道必當盤詰  
拘留如帶兵駐劄隣近廟宇尤當嚴行防範勿令暗與  
賊匪私通信息

嘉慶四年十二月十九日會同西安將軍恒公瑞  
陝西巡撫台公布

奏為督兵剿賊情形事竊查節次截剿賊匪並親督官  
兵趕赴老林緣由前經恭摺具奏在案臣等於前  
次拜摺後即日起身由魚峒子趨赴秦嶺老林沿  
途樹叢深密山勢險峻悉皆舍騎步行連日又值

那文毅公總統陝西軍務奏議

卷二

三

陰雨處處積雪冰凌溜滑登陟為艱賊匪見大兵  
追及倏分三股仍牽綴官兵乘隙竄逃故智臣等  
隨傳集將領督率鼓勵分投進剿令多爾濟札普  
等由化山前進侍衛英柱等由熊掌溝前進綸布  
春由黑脫騰清水河前進侍衛富蘭等赴柴家關  
堵截叅將李天林等赴木子坪一帶堵截總兵長  
春赴大坪堵截其東路江口八里坪一帶飛劄知  
府朱勳帶領鄉勇堵截其竄至安溝一股賊匪經  
多爾濟札普英柱等合擊賊匪蜂擁前來迎拒我  
兵佔據山梁從上壓下衝入賊隊賊始敗逃兵勇

奮追殺賊一百三名生擒十五名奪獲刀矛鳥鎗  
三百一十一件其竄至板房子一股賊匪經綸布春  
分兵左右抄擊衝突良久賊匪不能抵禦四散潰  
敗殺賊一百十八名生擒四十八名奪獲軍械等  
件其竄至八里坪一股知柴家關大壯坪木子坪  
有兵不敢竄出遂復竄往沙坪適遇朱勳所帶鄉  
勇首沈德等在彼堵禦賊匪拚死衝撲鄉勇等將  
在前賊探擊斃奪旗三面賊稍退却旋率大夥賊  
眾壓下往來衝突數次殺斃賊探頭目張進忠一  
名帶旗高正國一名餘賊十餘名生擒六名奪獲

那文毅公總統陝西軍務奏議

卷二

三

鎗矛等件臣等又派令綸布春等及多爾濟札普  
分路向西緊追並飛劄總兵觀祥由秦嶺西南迎  
截臣恒瑞亦由老林帶兵來會晤面商並提訊活  
賊戴興科據供緊要賊目冉學勝高遇春劉掌櫃  
等俱向東竄臣等即分帶官兵向東北進剿若將  
緊要賊目殲擒自可迅速蕪事惟是賊竄處所雖  
出老林祇可步行躡剿起緊追及鎗斃又難施展  
是以屢次擊賊均係刀矛接仗不能痛加殲戮一  
鼓蕩平臣等焦急萬分匪言可喻臣那彥成在京  
時日侍



禁廷親見

皇上屢念軍務

宵旰焦勞臣亦深恨軍營積玩成疲老師糜餉錮習茲蒙

委任惟思早慰

聖主盼捷殷懷豈肯絲毫怠緩自蹈覆轍昨奉到本月初

五日

諭旨荷蒙

訓勉諄切務期明年正月

聖駕恭詣

裕陵時遞到捷奏仰維

那文毅公總統陝西軍務奏議

卷二

三

聖主繼承

前烈

純孝格

天自可如期歲事而臣等身當重任跪誦

聖訓至此慚惶涕泣無地自容臣等均係受

恩深重之人臣那彥成仰邀

恩慈逾格尤非尋常可比八月內奉

命出都欽奉

面諭以臣不能恭襄

山陵典禮俟事竣回京之後

遣令祇謁

裕陵稍申哀戀臣那彥成銘心刻骨俄頃不忘惟有矢此

蓋誠竭力籌勦果能早平賊匪一時一刻庶犬馬

圖報之志少安斷不敢泯滅天良自貽重戾即以

臣烏私而論亦不忍遷延獲咎致貽寡母之憂區

區愚昧下忱惟有仰祈

恩慈鑒察再官兵自入老林勦賊以來督率鼓勵人人思

奮而綸布春帶兵深入不避艱險臣等見其奮勇

前進殺賊獨為超眾出力謹

奏

那文毅公總統陝西軍務奏議

卷二

三

嘉慶四年十二月二十四日軍機大臣字寄奉

上諭據那彥成奏督兵勦賊情形一摺此次那彥成等分

撥將領在秦嶺一帶將奔竄賊匪趕緊勦殺殲賊二百

餘名生擒六十餘名所辦皆好惟賊匪因大兵追擊皆

向老林竄匿樹密山深致官兵鎗箭難以施放其狡黠

情形實為可恨閱摺內所奏該處山勢險峻又復冰凌

溜滑帶兵各員皆舍騎步行可謂辛苦備經那彥成係

朕特派帶兵之人自不肯絲毫怠緩朕素深信軍旅重

寄必當慎重辦理斷不可急欲見功轉致草率現在賊

匪依險窮奔不過苟延殘喘那彥成惟當設法相機勦



辦不應冒險輕進况九月內朕自

裕陵回京後各路軍營陸續擊獲包正洪高均德符日明

鐵斃張漢潮各首逆明春祇謁

裕陵亦可上告

皇考在天之靈本日在

壇齋宿明辰恭遇

皇考升配適接那彥成奏報披閱之餘幾於不忍覽竟那

彥成惟當仰體朕懷遵照前降諭旨將各股竄匪勦捕

淨盡再赴川省協勦即稍遲兩三月亦無不可總辦竣

一股即將此股餘黨盡方為不負委任轉不必過於

那文毅公總統陝西軍務奏議

卷二

四

促迫失之急遽也至所奏綸春布帶兵勦賊不避艱險

前因綸春布打仗出力已降旨挑在乾清門行走今據

那彥成奏伊奮勇超眾情形尤為可嘉著那彥成將保

奏綸春布之處向伊告知以伊打仗認真出力業經具

奏朕心極為嘉許嗣後如有勞績必當更邀恩獎伊

自益加感奮也

嘉慶四年十二月二十四日軍機大臣字寄奉

上諭據松筠奏陝省各路堵勦情形覽奏殊為慮念那彥

成係朕特派辦理陝省賊匪伊至軍營即以前次帶兵

各員於賊匪竄入老林後不復窮追那彥成力矯其弊

親自督兵深入老林以此為盡心勦賊其實自趨拙路

又總兵索費英阿吉蘭泰二人本在甘境防賊前經那

彥成調令防守北棧甘境守禦未免空虛其張漢潮股

內餘匪由老林向東竄逸那彥成帶領多兵為所牽綴

以致川境之賊探知陝省重兵全在老林又聞甘境防

守兵單或竟彼此勾結商議引誘那彥成之兵向東並

乘甘省無備糾眾西竄俾官兵猝難兼顧而老林內賊

匪又可乘間奔逸此皆那彥成調度失宜所致行軍貴

知彼知己那彥成何見不及此耶現在那彥成同恒瑞

白布由盤屋鄂縣洋縣躡蹤追勦並經那彥成飭令防

那文毅公總統陝西軍務奏議

卷二

四

守棧道之總兵索費英阿吉蘭泰帶兵赴徽縣畧陽一

帶防堵伊二人本在甘省防賊似此往來檄調成何事

體現在那彥成等所辦止係張漢潮餘黨內之一股那

彥成一路帶領多兵不值以全力勦此敗竄之賊此時

川省賊匪竄近甘省那彥成所帶吉林官兵如尚未撥

往川省即當同恒瑞札克塔爾率領此項勁兵並酌量

添帶兵力速赴徽縣一帶堵勦竄匪勿令深入甘境至

張漢潮餘黨專交白布同岱森保帶兵追勦白布係本

省巡撫即責令在陝境將此股賊匪勦盡那彥成務將

甘境之賊上緊截回跟蹤奮勦若賊匪仍回川省那彥



成亦卽帶兵赴川協力勦辦總之在川在陝同一勦賊  
惟當無分畛域方可期迅速藏功現在甘境本未設有  
糧臺若令賊匪久在該處或更擾及未經被賊之區辦  
理更爲費手倘賊折回陝境該省兵餉足資辦理然總  
不若將賊匪逼回川省并力合擊較爲得手也那彥成  
前此旣調度不善此次務當倍加奮勵上緊截勦不可  
稍有紆緩若賊匪折回川境那彥成更不可因賊已離  
陝遂置不顧必當步步緊追不予以暇卽合布等勦辦  
張漢潮餘匪亦當緊躡賊蹤悉力勦辦勿令殘敗之賊  
稍留餘孽至那彥成與額勒登保均膺勦賊之寄總宜

那文毅公總統陝西軍務奏議

卷二

望

同心協力勉副委任那彥成諒不肯因係阿桂之孫存  
不爲人下之見也

嘉慶四年十二月十一日會同西安將軍恒公瑞

陝西巡撫台公布

奏爲逼勦賊匪出林官兵追截情形事竊照賊匪分股  
向西奔竄經官兵截住復向東趨總在老林中行  
走一經迎擊旋即折回且賊因東路卡寨較多往  
來奔竄不出五卽洋縣蓋屋所屬地方臣等公同  
商酌必須將賊匪逼出老林兵力方能施展隨派  
副都統札克塔爾總兵觀祥等自小王瀾至龍草

那文毅公奏議

卷二

坪復派副將多爾濟札魯察將游棟雲等自板溝  
至麻房營俱從嶺北逼勦副都統綸布春桑吉斯  
塔爾等分路在嶺南逼勦臣等帶領總兵凝德泰  
將肅福祿等分布兵勇在賊匪西面以杜折竄之  
路多爾濟札魯在板房溝遇賊自山梁壓下殺賊  
四名生擒十三名滾崖跌斃者甚多賊匪由獅子  
壩東竄其餘各股賊匪官兵逼勦緊急陸續竄出  
老林大股賊匪冉學勝奔據陡成巖上綸布春桑  
吉斯塔爾等帶兵仰攻三次該匪滾石抗拒我兵  
復奮力上撲將此成巖奪據殺賊二十三名生擒

那文毅公總統陝西軍務奏議

卷二

望

七名上仁河鄉勇在獅子口復殺賊十二名賊匪  
分數股向東南洋山一帶奔竄該處鄉勇素稱勇  
健臣等前經飭令嚴防賊知有備遂竄向東北一  
帶復經米糧川秋糧川鄉勇截殺八九十名容臣  
等查明出力鄉勇另加鼓勵查東北一帶已至山  
陽所屬地方賊匪自出老林後翻山狂奔每日夜  
必行一百四五十里各路官兵趕緊窮追臣等亦  
分中路北路督率追勦山陽山勢畧開馬隊自能  
得力而東路各寨鄉勇義切同仇亦皆認真勦賊  
仰藉

九三



天威或可迅速撲滅惟山陽遼東商雒一帶可通豫境賊

匪奔竄甚捷必須前途堵截除一面分兵覓道兜

截外仍一面飛咨吳熊光飭令堵禦邊界以昭嚴

密謹

奏

嘉慶四年十二月二十九日軍機大臣字寄奉

上諭那彥成奏通緝賊匪出林官兵追截情形一摺張逆

餘匪竄入老林往來奔突那彥成等入林搜捕為日已

久並未大加勦殺所辦總不得要領節經降旨諭示

今那彥成等以此股賊匪必須逼出老林兵力方能施

那文毅公總統陝西軍務奏議

卷二

四

展乃賊已竄出老林而官兵分投截擊祇殺賊二三十

名擒賊七名賊匪又向東南一帶翻出狂奔仍未能扼

要堵截躡蹤痛勦所謂施展者安在看來賊匪竄匿老

林後雖據那彥成等節次奏稱帶兵入林搜捕亦不過

在老林中耽延時日並未跟蹤追勦即此次賊匪竄出

那彥成等亦未必先有知覺因見賊匪業已翻山逸去

即以逼出老林為辭試思此股竄匿餘匪如果能設法

堵截則賊匪竄出時正可乘機擊勦今乃任其入林出

林竄至山陽商雒一帶又可潛遁豫境且現據倭什布

奏稱張逆餘匪復有一股由鎮安等處繞至洵陽鄖西

交界勢將闖入楚境是那彥成等不但不能及早搜捕

並將賊匪肅逸俾得竄至楚豫邊界所辦何事那彥成

等俱著傳旨嚴行申飭前因川省賊匪竄入陝境有前

往甘肅之勢曾諭令那彥成同恒瑞等帶兵前赴徽縣

一帶堵勦今看此情形那彥成一路距甘尚遠而老林

竄出餘匪正當趕緊勦辦那彥成不必拘泥前旨即赴

徽縣搶近就遠轉致此股窮竄之賊勦捕不能得力兩

相就悞總在那彥成等審度賊情及道里遠近酌量辦

理勦賊機宜移步換形朕亦不為遙制也

嘉慶四年十二月二十九日軍機大臣字寄奉

那文毅公總統陝西軍務奏議

卷二

五

上諭各路軍營勦辦教匪先後已及四年自嘉慶三年以

前帶兵諸臣遷延貽悞姑不具論本年朕親政後迄今

又閱一載而各路勦賊之事平心而論不過勦除十分

之四五其餘各股竄匪仍在曠轉奔逃辦理迄無把握

此等教匪不過烏合亂民各路帶兵大員俱係受恩深

重所帶各項官兵不為不多糜費帑項亦不可勝計並

因從前軍營大員彼此觀望惟以諛詞掩飾日久無功

如勒保明亮永保等俱經鞫問解京並另授經畧特派

大臣前往督辦伊等節次奏到籌辦事宜自不敢仍前

欺飾尚屬可信但事閱一年仍無起色伊等或有實在



難辦之處前曾降旨詢問未據覆奏朕既不能深知其故卽軍機大臣等亦無從悉其實在情形似此日復一日賊匪何時得平軍務何時告成勦捕一事日久未得要領其中必有受病根由自應據實陳明方可設法籌辦譬如良醫治病亦須望聞問切洞悉病源始能對症施藥若不將病症先行問明卽良醫亦爲束手倘藥不對症非徒不能愈疾而且耽延時日受病益深此時軍務情形實類於此特此再行通諭額勒登保等務須將伊等勦捕賊匪有何實在爲難及伊等在君上之前不敢陳奏者亦不妨直陳無隱不可稍有含糊候朕酌量

那文毅公總統陝西軍務奏議

卷二

渠

機宜隨時指示倘經此番諄切詢問而伊等仍不和盤托出遷延時日愈辦愈拙則是自取重譴斷不能再爲曲貸矣試思各路軍營以如許兵力帑項勦此內地亂民何至一籌莫展且額勒登保係朕因勒保辦理不善特授經畧今仍未見調度得宜而那彥成又係特經派往督辦大臣到陝後並未殺賊奏功惟以深入老林爲詞實則未能躡蹤追勦所辦與明亮等又有何異似此更換之帶兵大員豈不爲明亮等所笑並竊議朕之用人不當乎是以明亮等現在解到朕尙未令廷臣詰訊設伊等以現在更換之經畧大臣等亦並未勦辦

賊匪諉卸其罪將何以折服其心耶此時統兵大臣亦無可另行簡派之人焉有此等公磨小醜尙待朕親征之理額勒登保那彥成等惟當知愧知奮上緊勦辦務於三月以前悉數辦竣方可保全若仍事玩延則是伊等竟甘蹈勒保等覆轍雖國家用人之道斷無甫經逮問旋加任用之理但額勒登保那彥成等若竟全不足恃又不將難辦實情詳悉具奏朕亦無可如何祇得將明亮勒保等釋放復令前赴軍營辦理軍務將額勒登保那彥成等解京治罪爲此不得已之舉矣

嘉慶五年正月初三日軍機大臣字寄奉

那文毅公總統陝西軍務奏議

卷二

渠

上諭前因陝匪距甘省徽縣一帶甚近松筠帶兵較單會諭令德楞泰前往協勦今額勒登保親自督兵赴陝勦辦賊匪自必聞風震懾可期迅速殲除或仍逼回川省亦易於勦辦惟吉林馬隊官兵現俱在那彥成一路那彥成所辦祇係張漢潮餘黨爲數無多伊所帶各處生力勁兵已有萬餘兵力不爲不厚乃日久尙未能將此股餘匪勦淨且吉林勁兵騎射是其所長那彥成只令在老林追捕並未聞與賊接仗是此項勁旅長技皆無可施留彼亦屬無益那彥成卽遵前旨派令吉林兵一千名迅赴額勒登保處以資勦辦那彥成當就現有兵



力將所勦餘匪迅速殲除即赴額勒登保處會勦竄近甘境之賊匪不可再有延緩至額勒登保督兵至陝現又將那彥成所帶吉林兵調往一切糧餉供支關係緊要松筠務宜妥為經理俾軍需無缺兵行迅速此為最要至額勒登保未到之前松筠如何督兵截勦會否將賊匪逼回川境那彥成一路勦賊情形若何並著迅速具奏

嘉慶五年正月初四日

奏臣 欽奉

諭旨令將吉林兵丁撥赴川省勦賊伏查教匪往來奔竄

那文毅公總統陝西軍務奏議

卷二

四

原無伎倆惟因山險林深路徑叢雜恃其捷足延喘偷生臣自到軍營以來屢次截殺尙不能全數殲盡懷慚負疚夙夜難安至陝省勦賊官兵除南岸防堵外漢江以北軍營及要隘防堵合計舊存兵丁及新添

盛京吉林之兵實有一萬四千餘名應領口食之鄉勇多係防守漢江兩岸及西鄉平利等處其隨在軍營勦賊鄉勇為數亦屬無多且現在臣與各路分投追勦臣大營馬步兵止一千三百餘名所有吉林官兵現係臣與恒瑞綸布春等帶領勦賊節次

在板房子陡成巖等處打仗最為出力且伊等習於勤苦最耐寒冷平日善於打牲亦能登山陟險故在老林冰雪中行走並未稍形疲乏即賊匪狡詐設伏亦能留心偵探先事預防現在逼勦賊匪出林東路山勢稍開弓馬更能施展此項勁兵實為得用仍懇

錄

聖恩准留吉林兵丁在陝勦賊實於軍務有裨再據

是發賊之賊

羌州知州馮裕定稟報有賊匪三股每股八九百

名由胡家壩竄至寬川旋即西竄南沙河又據畧陽縣知縣崔五峯稟報賊匪由南沙河竄至陽平

那文毅公總統陝西軍務奏議

卷二

四

關在嘉陵江東岸由該處東竄即通寧沔棧道東北可入畧陽逼近甘境過嘉陵江而西亦可通甘肅及川西一帶所關甚重臣等前已照松筠來札飭令防守棧道之總兵索費英阿吉蘭泰馳赴畧陽並知會松筠應令在畧陽一帶防堵計此時已抵該處正當川匪竄來之路臣等頃又飛飭該鎮等嚴行截勦毋任賊匪闖入又接准松筠來札因西鄉竄匪滋擾王文雄現在患病惟恐照料難周商調總兵長春前往帶領臣等已飭令該鎮迅速前往謹

奏

嘉慶五年正月初五日

奏為欽奉

諭旨敬陳愧懼微忱事十二月十三日

諭旨以臣剿賊無能尚未殲淨賊眾

恩加訓諭並

命將吉林兵丁徑行撥赴川省如須留營仍准據實陳奏

欽此臣跪誦之下愧懼戰慄無地自容竊查教匪

往來奔竄原無伎倆惟因山險林深路徑叢雜恃

其捷足延喘偷生臣自到軍營以來屢次截殺尙

那文毅公總統陝西軍務奏議 卷二 五

不能全數殲淨臣識淺年輕毫無閱歷軍旅之事

尤未諳習懷慚負疚寤寐難安臣仰蒙

委任深恩不敢不竭盡心力勉圖報稱而限於才質籌辦

未協兵機不能迅速蒞事自問實屬無能之至仰

蒙

訓諭實切慚惶惟有欽遵

指示設法籌勦以期勉副

聖主愛養成全之意謹

奏

謹按嘉慶五年正月初十日廷寄內奉

上諭那彥成奏請留吉林兵丁在陝勦辦一節現在額勒

登保已至陝省沔縣令那彥成前往會勦此項吉林兵

丁或歸額勒登保統領或額勒登保與那彥成分帶伊

二人酌量妥辦至據稱接到松筠來札飭令總兵長春

前往西鄉防堵一節西鄉一帶竄匪滋擾王文雄又值

患病而沔縣畧陽竄匪復又緊急那彥成早當親赴該

處督勦何以僅飭長春前往耶

那文毅公總統陝西軍務奏議 卷二 五

那文毅公總統陝西軍務奏議卷二



那文毅公總統陝西軍務奏議卷三目錄

卷三

馬傑山之捷

擒賊首高遇春

追賊入甘

隴山鎮之捷

附覆奏賊匪情形

秀金山之捷

附恭謝

天恩

籌分三路兜剿

洮岷之捷

附彈劾

漳縣之捷

附覆奏官兵足用

那文毅公總統陝西軍務奏議

目錄

嚴家壩之捷

那文毅公總統陝西軍務奏議卷三

男 容安恭輯

馬傑山之捷

嘉慶五年正月初五日會同西安將軍恒公瑞陝

西巡撫台公布

奏為連日剿賊情形事竊賊匪竄出老林後各股俱竄

向東北內有一股又折回南竄漢陰大嶺經吉慶

寨鄉勇截殺二十餘名遂由鎮安紫溪河竄入楊

家河復經鳳凰嘴寨鐵廠舖寨鄉勇據險截擊賊

遂奪路奔走又經黃龍寨藤花寨鄉勇截住斃賊

那文毅公總統陝西軍務奏議

卷三

三十餘名生擒二名餘賊仍向東北竄遁臣等督

領綸布春桑吉斯塔爾等繞至山陽東溝地方截

擊賊即敗退翻山竄逸隨令步兵緊追綸布春等

馳至馬傑山迎截前後進攻共殺賊三百四十餘

名拏獲襄陽起事賊匪三十餘名賊匪竄至李家

溝腦富盛阿長春等催令兵丁乘夜進攻短兵相

接殺賊三十四名擒賊五名副將多爾濟札普泰

將游棟雲等又由滴水巖追至梨樹均殺賊一百

十餘名賊甫欲退回有騎馬賊目催逼眾賊迎拒

經湖北兵丁王均相蔡純如放鎗擊斃又經兵丁



趙林砍倒持矛救應之賊始行潰竄官兵追擒活賊八名將割取賊目首級令其辨認係賊目王掌櫃又據碾子河鄉勇稟報殺賊四十餘名賈家坪鄉勇稟報殺賊二十餘名擒賊二名現在各股賊匪經官兵屢次截勦未能東出商維向西奔竄臣恒瑞已趕緊前往江口洵陽壩一帶追擊臣那彥成等即帶兵由木旺坪馳赴手攀崖分路兜截所有擊獲活賊內惟毛老三尚知賊情臣等詳加詢問據稱我本姓王渾名叫毛老三襄陽人我這股是冉學勝爲首屢被官兵追勦剩有一千多人又

那文毅公總統陝西軍務奏議

卷三

二

在五郎盤屋山裏新近經過的安康山陽地方招收同教二三百人其餘兩股不知有多少人也不知添了人沒有南山裏習教人多我們路過各處常有跟上的也有跟了幾十天搶些衣服東西逃跑就近家裏去的人數或多或少原不能定准現在我們無一定的去向總往無兵處奔竄有馬隊處弓箭利害更不敢近原想在老林內藏身逃命不料此時官兵也能跟入老林追勦緊急祇得要向東走一路寨子又多前後官兵追截的緊不能一直東竄臣等請以除冉學勝一股外那兩股是

何人爲首高遇春是否在你們股內據供高遇春是另股賊首聞得他說十幾路官兵不知從那裏來的十分害怕要想私自逃走還有一股白號是陳老三爲首曾與冉學勝等口角所以近來常不合夥目下我們各股內因官兵緊追查夜不得停留受苦不過也有懊悔作賊的要想散夥各等語餘無要供即將該犯正法查臣等進兵以來大小打仗多次所殺賊俱係驗明首級耳記毫無粉飾合計節次殲擒已有一千餘名何以每股賊匪爲數尚多臣等往來山中細加察訪始知流寓之川

那文毅公總統陝西軍務奏議

卷三

三

楚安徽民人半習邪教伏而未動者甚多賊過之處即有同教匪徒投入夥內時來時往實難察考今據賊目毛老三所供情形亦相符合然賊匪既畏官兵勢盛心生悔懼乘此趕緊勦辦自可日漸潰散如有投出之人應即欽遵恩旨貸其一死妥爲安插其習邪教之人此時亦不便概行查辦致激成事端而增賊黨至毛老三之供內有高遇春私逃之語已密令地方官及各寨隨地偵緝該犯原籍河南並飛行知會吳熊光一體留心躡訪庶不致遠颺漏網勿結滋事謹



奏

嘉慶五年正月初十日軍機大臣字寄奉

上諭那彥成等奏連日勦賊情形一摺已於摺內批示此次張漢潮餘匪竄出老林後分投奔逸經那彥成等督率將弁緊追迎截共殺賊三百四十餘名拏獲襄陽起事賊匪三十餘名較之節次在老林追賊不過零星殲滅尚為善於彼前此賊匪竄入老林山徑險仄那彥成等率領勁兵在後追躡無所施其伎倆今賊匪既出老林官兵屢次截擊未能東出商維向西奔竄正可趁此施展兵力一鼓殲除但昨據松筠奏川匪竄入陝境者共有二萬餘人此等竄匪在川陝交界老林屯聚已久因探知陝省重兵全在南山老林搜捕是以乘間竄入那彥成前此調度不善實難辭咎計此旨到時如張漢潮餘匪奔竄之處距川省竄陝之賊尚遠那彥成竟當遵照前旨將張漢潮敗竄餘匪交與台布岱森保搜捕那彥成當酌量事機輕重以速赴沔縣辦理大股之賊為是若張漢潮餘匪俱直向西奔竟與新竄沔縣之賊合夥此股竄匪本有二萬餘人即加以張漢潮餘匪千餘亦不見其多而那彥成等一路官兵全行到彼合之額勒登保原帶官兵四千餘名並漢中現有兵勇聲

那文毅公總統陝西軍務奏議

卷三

四

威更為壯盛那彥成務當與額勒登保同心協力上緊堵勒趁此機會以期迅速集事至請留吉林兵丁或歸額勒登保統領或額勒登保與那彥成分帶伊二人酌量妥辦再摺內所稱習教之人此時亦不便概辦二語與朕昨降諭旨相合或勦或撫伊等務當相度機宜熟籌妥辦

那文毅公總統陝西軍務奏議

卷三

五



擒賊首高遇春

嘉慶五年正月初七日會同陝西巡撫台公布

奏為連日截剿賊匪並生擒賊首高遇春事臣等前在

東路勦賊訊明賊目確供業經具

奏在案臣等以賊匪出林復往來折竄必須分路兜截

不予以暇庶免勾結滋事隨督綸布春桑吉斯塔

爾分路由張溝截剿總兵觀祥協領富盛阿等由

七佛溝截剿臣等行過張溝三十里至廟臺子賊

匪乘雪大路滑竟敢蜂擁前來我兵奮力迎截至

兩時之久賊匪抵禦不住追殺三十餘里斃賊一

那文毅公總統陝西軍務奏議

卷三

六

百二十六名擒賊二十一名觀祥富盛阿自七佛

溝行至夥底探賊在蓮花石地方四支言雪進兵

截擊殺賊三十餘名擒賊二十七名出被擄男

婦四十一名口其時在前之賊已經官兵勦殺後

隊賊匪遂乘黑夜翻山逃逸北竄未遠復折回小

油房溝潛伏路遇山西兵後隊鍋帳撲出搶掠經

協領全德帶領吉林官兵截住要路鎗箭齊發擊

斃賊匪三十餘名賊即散上山梁相持良久復拚

命撲下全德直前衝出一鎗斃賊二名奪獲賊馬

一匹官兵復殺賊匪拾命狂奔初無定向惟思糾

約同教匪徒益其黨與賊營中多有潛行逃出分

投勾結者臣等前訊賊供知賊首高遇春因官兵

追勦緊急有業經潛逃他處勾結之信密派員弁

改裝驪線探得高遇春逃匿在西河冷耀進冷耀

禮家內後扮作難民同冷耀進等家眷逃往紅山

洞行至高溝因卡寨盤詰嚴緊高遇春遂隻身東

竄臣等既偵探明確一面密飭地方官及卡寨鄉

勇嚴拏務獲一面飛咨河南撫臣一體偵緝茲據

署藍田縣知縣張瑗留心查察據縣屬張家坪民

人苗知高報信該縣即赴張家坪在飯舖內將高

那文毅公總統陝西軍務奏議

卷三

七

遇春拏獲供認不諱並據孝義鄉勇將藏匿高遇

春之冷耀進冷耀禮及高遇春差往九間房上請

約勾結之毛添成范勝川一併拏獲該處距省較

近已令將高遇春等押解省城由藩司馬慧裕等

訊供具奏除將獲犯之鄉勇差役人民等優加獎

賞外知縣張瑗留心查緝拏獲賊首可否量加鼓

勵之處出自

聖恩再查高遇春與冉學勝原分兩股高遇春潛出勾結

將現有賊夥交伊徒弟劉大掌櫃等管領此兩股

賊匪時分時合串通一氣惟陳老三白號一股與



再學勝等互爭有隙不常合夥自當乘此機會遵旨設法用間離散賊黨臣等現已公同籌畫今臣那彥成帶兵赴甘臣台布自當相機辦理使賊為我用以期逆黨內離收以賊攻賊之效謹

奏奉

硃批知道了

那文毅公總統陝西軍務奏議

卷三

八

追賊入甘

嘉慶五年正月初七日會同西安將軍恒公瑞陝

西巡撫台公布

奏為遵

旨分兵赴甘勦賊事臣等於正月初四日欽奉十二月二

十四日

諭旨臣等前由平黎崖龍王溝一帶勦賊恒瑞已分路由

江口洵陽壩向東追賊臣等接松筠飛札知川匪

已從盩厔奔竄畧陽沔縣地方復有賊匪滋擾賊

數不下二萬人勢甚緊急臣等隨飛札恒瑞帶本

那文毅公總統陝西軍務奏議

卷三

九

隊兵丁前往勦辦茲奉

聖諭以川匪竄近甘境令臣那彥成同恒瑞札克塔爾率

領吉林兵丁並添帶兵力速往勦辦毋令深入甘

境臣那彥成即由東路馳回酌量分派除吉林兵

丁外並帶貴州固原等兵三千餘名同札克塔爾

綸布春等取道五郎洋縣前進現在臣那彥成行

抵油房溝距甘境尚一千餘里惟有趕緊行走沿

途探蹤追勦查川省竄匪為數甚眾甘省地方又

係從前曾經賊竄之處路徑亦熟臣那彥成到彼

即當奮力截殺不令深入甘境倘或有人陝省仍



卽合兵勦辦若能逼勒回川臣那彥成卽與額勒登保協力會勦以期迅速歲事至總兵索費英阿吉爾泰從前原駐唐藏楊家店等處係在兩當之東與鳳縣接壤該處南距畧陽尚有三百餘里西距棧道僅數十里係專堵陝賊入甘之路上年張漢潮屢次由陝竄入甘境來往自如該鎮等未能堵住因與松筠商酌令該鎮就近移駐草涼驛廢邨關扼要防守是以陝省之賊聞知棧道有兵總未竄向甘境昨因川匪竄近先期知會松筠令該鎮等趕赴沔縣畧陽迎截俟臣那彥成到漢中時

那文毅公總統陝西軍務奏議

卷三

十

再當督率該鎮等認真協勦毋任川匪蔓延滋擾再查陝省山內賊匪雖係張漢潮餘黨而緊要賊目皆在其中現在分爲三股恃險奔竄狡猾異常逼勒緊急則賊勢畧散經過處則勾聚漸多數月以來打仗數十次遇賊卽擊不予以食息之暇賊匪心生畏懼勢漸離散設法用間招降正在此時可辦勦賊情形似已稍有頭緒兵力一分難保其不復行糾聚目下川匪大夥入甘固應先顧其急臣那彥成帶往官兵亦不便過單然賊匪尚有三股現留官兵祇須分路勦捕臣等公同商酌除岱

泰保外酌留打仗出力之侍衛巴彥泰們欽保英爾更額長勝保英柱等總兵觀祥副將多爾濟札普參將游棟雲遊擊毛伏胡定泰都司劉滿貴董文珍等帶領直隸廣東等兵五千餘名隨臣台布當竭盡心力督率進勦務使盡絕根株不留餘孽以副

聖明委任謹

奏

嘉慶五年正月十四日軍機大臣字寄奉

上諭那彥成奏接據松筠知會因川匪竄近甘境卽率領

那文毅公總統陝西軍務奏議

卷三

十一

吉林兵丁並添派兵力速往勦辦不令深入甘境一摺已於摺內詳細批示那彥成前此督兵深入老林追躡張漢潮餘匪自謂盡心辦賊其實自趨拙路以致竄匪西逃東竄而我之勁兵爲其牽綴又如明亮故態無所施其長技皆那彥成調度失宜所致實難辭遲緩之咎茲據奏稱賊匪旣出老林往來折竄那彥成督率兵勇分路截勦並密派員弁改裝偵探將賊首高遇春及藏匿高遇春之冷耀進冷耀禮等一並擊獲所辦差強人意此時川省賊匪旣由靈羌奔竄畧陽已入徽縣那彥成分派吉林官兵並帶貴州固原等兵同札克塔爾綸



布春等取道五郎洋縣探明賊蹤取捷追剿此行甚是  
現在額勒登保已離川省那彥成由陝入甘彼此同在  
一處剿賊無分畛域那彥成務當與額勒登保同心協  
力繞出賊前迎頭堵截不可徒事尾追如將川省竄匪  
即在甘境剿滅淨盡固屬甚善否則務須將所有竄匪  
逼回川以便併力辦理毋令賊匪深入甘境此為最  
要那彥成摺內稱與經畧額勒登保交好誼同兄弟夙  
稱莫逆不至稍存意見等語那彥成與經畧額勒登保  
素日即屬相好但貧賤時稱為莫逆及至富貴不免各  
佔身分未必尚能如昔那彥成自當以公事為重不可

那文毅公總統陝西軍務奏議 卷三 主

存絲毫私見即如阿桂從前辦理金川時與富德不和  
致相爭競富德因此獲罪正法此事是阿桂白璧微瑕  
那彥成諸事均當效法伊祖而於此一節當引以為戒  
現在川省竄匪為數不下二萬甘省地方係曾經賊匪  
滋擾之處如果能盡心竭力迅速戡事不但可贖前愆  
尚可更邀恩賞也

嘉慶五年正月初八日軍機大臣字寄奉

上諭那彥成係特派赴陝督辦軍務之人所有陝境各路  
軍營剿辦賊匪及防堵邊界要隘皆那彥成一個人責任  
自應通盤籌畫妥為經理乃那彥成自到陝後惟知進

勦張漢湖一股竄敗餘匪深入老林與賊匪相持數月  
之久總未能痛加殲戮轉致川陝交界與老林藏匿之  
賊匪又復乘間至沔縣一帶肆行焚掠而川省之賊匪  
窺伺陝界兵備稍單亦大半竄至畧陽幸該處堵禦較  
嚴將全股賊匪截回未令竄入甘境那彥成帶領生力  
勁兵已有萬餘所辦張逆餘匪既未能得手又未能妥  
為布置以致竄匪紛紛闖入陝境又須經畧額勒登保  
來陝督勦是此竄至沔縣畧陽之賊皆由那彥成辦理  
不善所致且此時那彥成究在何處勦辦何賊亦尚未  
據奏及著先傳旨申飭仍著遵照前旨將張漢湖餘黨

那文毅公總統陝西軍務奏議 卷三 主

交台布岱森保帶兵追勦肅清陝境毋得再有延緩並  
將何時帶兵前往及現在勦辦賊匪情形迅速覆奏  
嘉慶五年正月十二日會同西安將軍恒公瑞  
奏為帶兵已由襄城入棧追勦事竊臣那彥成前以川  
匪由沔縣畧陽竄往甘省遵

旨分兵即於初六日由油房溝起程赴甘省業已奏蒙

聖鑒查油房溝在五郎以東去鎮安交界不遠距甘境尚

有一千餘里臣那彥成由五郎洋縣城固兼程前

進臣恒瑞已由車路孝義星夜趕來於初十日先

後行抵漢中步隊官兵於十一日始行到齊等



於途次奉到十二月二十六日

諭旨令德楞泰與臣那彥成併力進剿頃又欽奉十二月

二十九日

諭旨以臣那彥成一路距甘尚遠老林竄出餘匪正可趕

緊剿辦不必拘泥前

旨捨近就遠

命臣那彥成斟酌辦理復查老林竄出之賊已分兵交岱

森保親催多爾濟札普富盛阿等勦辦現據留壩

同知禮縣等稟報川匪約有二萬餘人由畧陽竄

至甘省徽縣又分一大股竄至兩當之酒店溝是

那文毅公總統陝西軍務奏議

卷三

古

賊踪業已竄近棧道臣等既至漢中入棧較近若

復行折回專辦老林竄出之賊道路實屬紆遠且

德楞泰之兵因道路較遠尚未趕到額勒登保是

否亦帶兵赴甘未得確信臣等密察賊情與松筠

再三籌酌現在川匪人數甚多勢頗猖獗現已距

棧不遠並無大兵截勦設若由棧道北竄峪外平

地滋擾蔓延更關緊要臣等不敢拘泥現奉

諭旨已迅即帶領馬步官兵由襄城前進上緊追截若賊

已過棧竄入南山仍可跟蹤進剿與台布併力勦

辦臣等身膺重寄未能迅速職事上塵

宸衷萬分焦急茲蒙

訓飭慚懼愧悚無地自容惟竭盡心力趕辦賊斷不敢

捨近就遠避難趨易至奉

旨垂詢勦捕一事有何受病根由令臣等據實陳奏仰見

皇上厪念軍務

宵旰焦勞臣等受

恩深重不能為

聖主分憂深恐有負

委任節次具奏賊情俱係據實直陳不敢於

君上之前絲毫欺飾如有實在為難之處容臣等詳悉熟

那文毅公總統陝西軍務奏議

卷三

古

等另行奏請

訓示謹

奏

嘉慶五年正月十九日軍機大臣字寄奉

上諭據那彥成等奏由襄城入棧追剿一節川省竄匪已

擾至徽縣兩當那彥成等因帶兵行抵漢中入棧較近

即由襄城前進相機追截並不拘泥前旨所見甚是惟

據稱賊匪若已過棧竄入南山仍可跟蹤進剿此則非

計此等竄竄匪徒正當乘其逸至平行地方併力奮擊

精兵勁旅得展所長方可易於撲滅萬一復令竄入山



內則官兵冒險輕進又成前此深入老林徒疲兵力之事現據額勒登保奏甘境之賊約有二萬川境名股止有萬餘其闖入楚境者即如倭什布所奏亦不過五千合之張漢潮餘匪二三千統計不及四萬而各路大兵為數增倍况賊中大半係裹脅難民並非盡係鉅賊額勒登保那彥成等惟當同心協力上緊勦辦毋稽時日

嘉慶五年正月二十四日軍機大臣字寄奉

上諭前據額勒登保奏由達州起程前赴甘省勦辦竄匪並降旨令那彥成速赴該處會勦本日據楊揆奏高家營等股賊匪分投折竄已由秦州西和禮縣一帶前竄

那文毅公總統陝西軍務奏議

卷三

六

伏羌焚掠是甘省情形甚為緊要而摺內額勒登保那彥成尚未趕到朕盼望軍報朝夕焦勞豈伊二人帶兵

勦賊尚復從容按站行走耶在伊二人之意若以追趕過急恐賊匪轉致深入西北殊不知賊匪斷無在中途停待等候官兵趕上之理若任其奔竄西北豈竟聽彼直出嘉峪關外乎現在楊揆慶成已帶兵截住西北額勒登保那彥成應由東南秦鞏一帶兜擊此時賊匪已出老林甘肅秦鞏一路俱係土山平行正可施展兵力上緊追勦未必非極好機會額勒登保那彥成當與楊揆等兩面夾攻痛加殲戮即在甘省嚴事方為愜慰此

四股賊匪雖有二萬餘人其中裹脅居多而各處勁兵皆在此一路額勒登保那彥成必須上緊會勦務於春三月前一律完竣若遲至夏令麥熟賊匪又得掠食且雨水連綿氣候蒸熱辦理更為費手額勒登保那彥成不可不倍加奮勉迅速蒞功以副朕委任也

嘉慶五年正月二十七日軍機大臣字寄奉

上諭額勒登保等奏會籌入甘勦賊一摺已於摺內批示據稱高姓等股賊匪在秦州徽縣等處分竄那彥成等已帶兵取道鳳縣從兩當前進額勒登保徑出棧道趕赴隴州截勦適遇德楞泰帶兵來陝在西鄉地方猝遇

那文毅公總統陝西軍務奏議

卷三

七

伍金柱一股賊匪當即派兵追勦殺賊三百餘人伍金柱之名從前未據奏及是否係由川分竄入陝之賊抑係別股賊匪經官兵勦殺後又遁入老林實為可恨總由帶兵大員等未能將老林出入要路先行派兵把截以致賊匪又復潛入藏匿其高姓等賊匪現在那彥成等或已遇賊接仗乘機截殺此時額勒登保帶兵從東北進擊正可併力截勦至額勒登保以川省賊匪所存股數無多德楞泰已到襄城應即令由兩當進發與那彥成等兩面夾攻一節川省之賊因彼處無可掠食是以竄入甘境現經額勒登保等合兵追勦自未必仍折



回川必思竄至陝省而陝境石泉一帶現據台布奏稱  
又有川省竄匪搶渡過江距城甚近該處兵力較單難  
以堵禦看來賊匪彼此勾通竟有分擊官兵之勢倘竄  
往甘省之賊或又乘間折回東竄則陝省未經被賊之  
區復遭蹂躪甚有關係現在西路追剿賊匪已有額勒  
登保與那彥成之兵併力夾擊足資搜捕德楞泰自應  
即赴陝省會同台布勦辦石泉之賊並防甘省竄匪折  
回陝境方不至顧此失彼額勒登保惟當與那彥成等  
將甘省之賊速行勦除其陝境之賊交德楞泰與台布  
等勦辦所有在西鄉殺賊陣亡之都司馬濤千總游金

那文毅公總統陝西軍務奏議

卷三

六

階俱著咨部賜卹

嘉慶五年正月二十九日軍機大臣字寄奉

上諭川陝各股竄匪輾轉奔逃四載有餘各路帶兵官員  
雖分投追捕不得要領總未痛加截殺勦盡一股究因  
額勒登保那彥成等不能先事布置辦理遲延所致現  
據魁倫奏竄入畧陽賊匪欲赴甘省搶馬直趨成都雖  
係地方官稟報之詞得自傳聞但朕揣度賊情該匪等  
現由寧江畧陽竄入甘境後自不肯直向西趨逸出嘉  
峪關外亦無逼令出關之理賊匪詭計必圖由階文一  
帶繞及川南川西繁庶之區乘虛搶掠是白水江一路

防堵尤關緊要此時那彥成已從兩當進勦而楊揆慶  
成等亦帶兵馳赴鞏昌相機堵截該處似係土山平行  
迥非老林正可施展兵力額勒登保務須與那彥成等  
併力合擊並於階文一帶嚴密堵禦切不可任賊匪由  
小路竄入川境完善地方以致勦辦費手其陝省未經  
被賊處所亦應一律堵禦勿令賊匪得以蹂躪至石泉  
屯聚賊匪有台布在彼追捕現又令德楞泰馳赴該處  
協勦長齡亦將次抵任惟應確探賊蹤併力堵截總在  
甘省勦盡勿令逃入老林又致稽誅延喘為要各路帶  
兵官員業經遲悞四年當此賊匪分竄之時尤應上緊

那文毅公總統陝西軍務奏議

卷三

九

勦辦即在甘省境內設法攻圍於三月以內將各股竄  
匪速行勦竣方為不負委任總之官兵擊賊匪能奮迅  
直前將賊匪痛勦一二次則該匪等自必聞風膽落漸  
成潰散而附近民人亦不敢心生反側致與賊匪勾合  
可期以次殲除額勒登保那彥成等及各路帶兵官員  
或勦或堵總係同辦一事惟當同心合力尅期奏績果  
能將分竄賊匪堵禦嚴密殲洗淨盡則酬庸之典朕斷  
不遺一人若惟知各顧各路即能勦辦一股而別股賊  
匪仍在奔逃朕亦斷不即加賞恩即如魁倫現雖將川  
省賊匪逼逐出境而陝甘分竄之賊實由川省逸出並



不以川省賊匪股數較少即將魁倫加之賞恩也

那文毅公總統陝西軍務奏議

卷三

干

隴山鎮之捷 附覆奏賊匪情形

嘉慶五年正月二十九日會同西安將軍恒公瑞奏前因川匪竄至徽縣兩當已近棧道臣等卽由襄城入棧行抵鳳嶺擬從楊家店太渠前進途次接據各州縣稟報徽縣兩當大股賊匪窺伺棧道欲竄南山聞有大兵前來已合夥北竄三岔廳直渡渭河至隴州清水秦安縣境內滋擾查隴州係鳳翔所屬已在渭河北岸探知賊匪人數衆多到處搶掠驟馬行走迅速北面無兵攔截賊匪若直趨東北卽可抄至西安官兵如由兩當前進恐愈驅向

那文毅公總統陝西軍務奏議

卷三

主

東北更屬非計臣等祇可改道由寶雞星夜出棧趕赴隴州茲於二十五日行至清水縣之恭門鎮探明賊匪直趨東北沿途焚殺勢甚猖獗已到隴山鎮地方附近該處三十里內如邵家莊太顏城楸木樹西溝等處村莊屯聚皆滿臣等隨將所帶馬步官兵分派三路令副都統札克塔爾頭等侍衛多隆武副將九十李天林遊擊安慶等爲右隊副都統銜綸布春桑吉斯塔爾參將朱士奉等爲左隊臣等帶領頭等侍衛江鼎二等侍衛阿傑護軍參領富爾副將海常參將蕭福祿等爲中路二



十六日子刻發兵馳至隴山鎮地方天甫黎明賊匪正在齊集起身不意大兵趕到悉上汪家山梁排列迎拒察看汪家山南北橫亘梁頂寬平自山麓至巔直礮層疊前阻溪河賊匪佔據山梁又有賊眾在直礮上分三層排列旗幟甚多官兵若祇由正面上山仰攻未易得手且川匪每於打仗時從兩旁潛行抄截亦須預為防備遂令札克塔爾等由右首進攻綸布春桑吉斯塔爾等由左首進攻萬彪等鄉勇由正路上攻<sub>臣</sub>等居中督策並將下山抄截之路派兵悉行截住賊匪見官兵渡河進攻有賊目數十人在山頂馳馬往來指揮羣賊從上壓下我兵擊退後賊仍恃其人眾極力衝壓數次勢甚兇悍維時馬步官兵人人振奮卽萬彪劉學濂所帶鄉勇亦皆不避鎗礮奮進直前共殺賊六百餘名擒賊九十七名搶上山梁賊始紛紛潰亂分爲三股奔竄官兵三路緊追鎗箭均無虛發又殺賊一千六百餘名割取首級內認有偽元帥魏學勝之弟魏學林前戰先鋒嚴士沛閻性<sub>臣</sub>等擒獲偽副帥余禮賊目劉見志呂未霄楊正宗四名餘賊六百二十三名沿途在窟內搜獲及鄉民

那文毅公總統陝西軍務奏議 卷三 三

擒獻逸匪又有一百九名此次追殺賊匪經過隴州清水秦安靜寧四州縣地方一百餘里翻越汪家山八圍溝梁高廟金凌梁四重大山緝擒賊匪共三千餘名搶獲大帥字旗一桿前戰先鋒前步先鋒及黃號白號紅號藍號旗七十五桿烏鎗刀矛三千三百零四件騾馬牛羊三千餘隻馬鞍五百餘副又散出難民一千餘人且有被賊拴繫項帶鐵鎖在沿途跪迎大兵叩頭者又復無數俱酌加卹當遣回安業所有擒獲活賊除誣明正法外並提出數十名押送被賊焚殺各村莊令村民自行懲罰以快民心再查此次打仗祇有黑龍江兵富靈額德克登額身受微傷亦不甚重所有打仗出力人員容<sub>臣</sub>等查明另行保奏至秦州賊匪已分竄西和禮縣伏羌岷州境內此時若仍折回<sub>臣</sub>等現勦之賊又竄秦州均可由徽兩至棧道往南山<sub>臣</sub>等現至隴秦一帶雖已截住竄往東北之路深以棧內空虛爲慮頃接松筠知會經畧額勒登保已由慶城入棧前進於勦捕機宜實爲允協<sub>臣</sub>等惟有相機截擊和衷協力以期迅速肅事至<sub>臣</sub>那彥成本督辦陝西軍務今旣移師入甘額勒登

那文毅公總統陝西軍務奏議 卷三 三



保亦至甘省自應受其節制與參贊德楞泰在川

勦賊時事同一例合無仰懇

聖恩授臣參贊以符體制而一事權謹

奏

嘉慶五年二月初四日

授軍務參贊大臣奉

上諭那彥成督率官兵由寶雞出棧馳抵隴州清水一帶

乘賊匪屯聚隴山鎮地方馬步兵丁分為三路搶上山

梁痛加殲戮殺賊二千二百餘名擒獲七百餘名並生

擒偽副帥余禮賊目劉見志呂未爵楊正宗四名奪獲

那文毅公總統陝西軍務奏議

卷三

五

旗矛鳥鎗甚多驟馬牛羊三千餘頭匹並救出被裹難

民千餘名甚屬奮勇可嘉著授為參贊大臣賞給喜字

玉搬指金盒大小荷包等件仍著交部議敘恒瑞札克

塔爾桑吉斯塔爾綸布春均屬奮勉恒瑞札克塔爾各

賞玉搬指銀絲盒大小荷包札克塔爾並著賞給瑚爾

察巴圖魯名號照例賞銀一百兩桑吉斯塔爾綸布春

賞給玉搬指火鏢包大小荷包仍俱著交部議敘其在

事出力人員著那彥成查明具奏朕酌量加恩以示鼓

勵

嘉慶五年正月二十九日

臣 欽奉

諭旨以勦捕數年尚未肅事必有受病根由令臣據實陳

奏查陝境亂民本非鉅賊其狡黠伎倆在於善走

善分無論道路險易日行一百數十里探知何路

無兵即向何路奔竄遇有官兵截住即據險迎撲

一時衝撲不動賊眾即先返走隨分作數十處四

散奔逃翻越重山散而復聚若賊首已被滅擒其

次賊目即為賊首若賊眾被官兵截斷一股即分

為兩股或分為三四股每股之中又各以一賊為

首縱使勦剩二三百人仍可糾約同教及囑匪紅

那文毅公總統陝西軍務奏議

卷三

五

簽匪徒益其黨與隨分隨裹人數日多其中無賴

棍徒尋常犯法曾經官為懲治今入賊夥則報復

仇隙恣意焚殺搶奪無所不至故每以附從賊匪

為樂此等雖本非邪教亦斷不肯就撫投出即被

官兵擊散而他股過時仍復附從滋事即如川省

之賊經額勒登保德楞泰等節次痛勦賊數實已

大減而自川竄入甘省轉復增多分為四大股四

股中又分多股此不能立時撲滅之實情也各省

調派官兵從征至數年之久衝冒雨雪奔馳險峻

倍極辛勤每兵身負鳥鎗鉛藥腰刀銅罐等項不



下二十餘觔當追賊緊急時每日趕行不下百數  
十里到營後掘壕造飯尚不能即時休息每行數  
日各隊俱有落後之兵而患病留養陣亡傷故兵  
丁仍不在此數內核計現有之兵實不及原調額  
數且各省兵丁不齊雲貴廣東兵素爲勇捷能行  
山險直隸山東固原舊兵習練已久打仗亦尙奮  
勇其餘別省兵丁皆不及此數省若山西陝西之  
兵不過充備兵數尤不足恃卽

盛京吉林索倫兵丁最爲勁旅而

盛京官兵素未出兵似不及吉林索倫兵之能耐辛苦

那文毅公總統陝西軍務奏議

卷三

美

目下若將原調官兵甄別裁撤而各省多係新兵  
無可更調更不如舊兵練習卽帶兵官員內奮勇  
者不可多得其餘多係中材每因出征日久系念  
家室壯志漸隳甚至有畏難苟安之人以獲譴革  
退早離軍營爲幸若將帶兵將領遣回本營另行  
更調未必彼勝於此且恐於軍營道路賊情多不  
熟悉臣惟有駕馭撫綏因人策勵以收指臂之效  
其中健將勁兵尤當加意愛惜及鋒而用斷不肯  
令其冒險輕試稍致虧損此官兵等差不同祇可  
量才調遣之實情也至於賊匪分竄地方皆係深

山僻地山中食物本少又經賊匪搶掠一空物價  
異常昂貴兵丁裹帶口糧餽賊數日卽盡不得不  
以貴價買食勢不能等候糧運舍賊不追而糧運  
夫役負重登山行走較緩且賊匪出沒無常若不  
預先探明卽被搶掠逐日移營糧石斷難趕上此  
糧運艱阻士不宿飽之實情也又堅壁清野之法  
最爲制賊良策陝省民人屢經臣與台布勸諭多  
已修築堡寨查五郎以西民情究屬散漫團勇全  
不足恃五郎以東因山據險辦理雖較嚴密然亦  
祇將老弱眷口搬移寨內其糧食猪隻富者恐貧

那文毅公總統陝西軍務奏議

卷三

毛

者分用不肯全運入寨仍爲賊匪掠取且寨內民  
人賊過卽行下山營生力作猝遇賊匪折回奔避  
不及往往被賊裹去是以賊夥每有增添而賊糧  
亦不致斷絕此外尚有無知愚民愛護房屋預留  
食物在家使賊喜於得食藉免焚燒又有同教匪  
徒投入賊夥助其搶掠十餘日後仍行潛回此不  
但陝省爲然近日學獲甘省賊匪卽有平日習教  
之人從後回家搬取眷屬亦與陝省情形相仿此  
民心不齊賊匪尚得苟延殘喘也以上謹就臣見  
聞所及據實陳奏謹



奏

嘉慶五年二月初四日軍機大臣字寄奉

上諭那彥成自前月十九日奏到後旬餘以來未據奏報  
勦賊情形正深焦急節經降旨飭催茲據遞到六百里  
奏報在隴州清水隴山鎮汪家山梁擒賊匪共有三  
千餘名此那彥成出兵勦賊以來第一勝仗甚屬可嘉  
覽奏深為欣慰已另降明發諭旨將那彥成授為叅贊  
大臣與恒瑞札克塔爾桑吉斯塔爾綸布春分別加恩  
賞資並交部議敘其餘出力人員著那彥成查明具奏  
候朕加恩矣此次竄往徽縣兩當大股賊匪渡過渭河

那文毅公總統陝西軍務奏議 卷三 三

至隴州清水泰安境內滋擾那彥成改道由寶雞星夜  
出棧趕赴隴州清水為迎頭截擊之計乘賊匪屯聚隴  
山鎮地方分投搶上山梁痛加殲戮倘從後尾追焉能  
得此勝仗可見行軍之道總在察探賊匪奔竄之路預  
為迎擊則官兵所向無不如志此時賊匪自必聞風喪  
膽已分竄西河禮縣等處那彥成於秦隴一帶截住竄  
往東北之路而額勒登保山襄城入棧前進那彥成正  
可與經畧會合夾擊即在甘省界內滅此大股賊匪實  
所厚望至那彥成既與經畧額勒登保同在甘省辦賊  
自應受其節制本欲將那彥成授為叅贊今那彥成白

行懇請並稱和衷協力所見甚是况前次軍營叅贊原  
有二員明亮之缺自應將那彥成補授所有欽差大臣  
關防著即移交經畧額勒登保收存俟大功告竣與從  
前經畧印信一併繳進此時額勒登保酌量情形若西  
和禮縣一帶分股賊匪將次勦竣實在塙蹙可以放心  
交那彥成接辦額勒登保方可遵照前旨由階文一路  
速赴川西與魁倫併力勦辦其陝甘分股餘匪及南山  
石泉等處賊匪俱責成那彥成一手勦辦俟辦竣時如  
湖北竹山竹谿竄匪尚未勦滅則那彥成竟當帶領勝  
兵前往湖北與松筠迅勦成功彼時川省勦賊之事如

那文毅公總統陝西軍務奏議 卷三 三

尚未竣那彥成再赴川協勦那彥成現為叅贊總當俟  
各處賊匪一律肅清與經畧等奏凱還京同膺懋賞至  
賊匪戕脅良民凌虐萬狀見官兵到彼叩頭跪迎可見  
賊匪肆意慘毒百姓痛恨切骨惟望官兵速到以解倒  
懸那彥成正當趁此機會出示廣為曉諭以教匪滋事  
以來焚毀村莊擄掠男婦殘忍逼脅無所不至朝廷憐  
憫爾等慘遭荼毒命將出師分股勦捕四載於茲所撥  
內帑數千餘萬無非欲速靖賊氛奠安閭里况爾等為  
賊裹脅不特室廬被其焚毀貲財被其搶掠且身被鎖  
繫困苦已極今投出之人即曾經從賊者亦釋其前罪



送歸故里得以完聚其被難良民無不優加體卹各遂其生爾等具有天良斷不可因賊匪逼脅甘心附從務當各團鄉勇自衛室家賊至則奮勇堵禦賊去則仍安生業方不負朝廷百數十年來愛養保護之恩如此剴切曉諭自可堅人心而散賊黨於勦辦機宜更爲有益其投出難民必當遵照屢次安撫諭旨交各地方官妥爲收卹然其中有曾經從賊之人亦不可不密爲留意或遞回原籍或分別安置不可留在軍營或爲賊探送消息所謂受降如受敵那彥成更當加意慎重又另摺奏勦賊難辦實情朕俱早經深悉然帶兵大員果能齊

那文毅公總統陝西軍務奏議

卷三

三

心出力亦必無難辦之事至所稱糧運往往不能接濟一節現在所獲賊匪騾馬牛羊三千餘頭此項騾馬既可爲官兵騎用而牛羊尤可接濟官兵口食亦於軍儲有裨又本日閱刑部核擬湖北武童阮安國控案伊於從前教匪滋事時隨營効力曾經總兵賞給行營把總又經遊擊加賞千總勒保未經准行所辦尚是國家名器豈伊等所得擅行濫賞嗣後各路軍營遇有出力兵勇惟經畧及參贊得以酌量賞給頂戴仍行隨時具奏其餘帶兵各員不得擅自賞給其有實在出力兵勇准其開列名單保薦呈送經畧參贊核辦以杜冒功濫賞

之漸再那彥新前於天壇齋宮值宿曠工退出乾清門茲因那彥成奮勉奏績已另降諭旨仍在乾清門行走並著那彥寶將那彥成勦賊得勝特授參贊優敘賞資之處告知那彥成之母俾聞知心喜以示恩眷並著那彥成於會晤經畧額勒登保時將此旨給與閱看仍著將與經畧會合後如何奮勇勦賊情形迅速馳奏

那文毅公總統陝西軍務奏議

卷三

三



秀金山之捷 附恭謝 天恩

嘉慶五年二月初九日會同參贊大臣德公楞泰  
西安將軍恒公瑞

奏為秀金山剿賊並逼過渭河南岸乃賊匪自汪家山  
奔竄因官兵緊追兜住北面復折而南竄西南可  
達伏羌東南可達秦安並有戴家營分出蔡掌櫃  
一股亦自黑河竄來合夥臣那彥成隨緊追躡前  
進臣恒瑞帶領總兵凝德等於二十九日自楊山  
川分路由秦安兜截二月初二日途次據民人稟  
知賊匪已從太平嶺折竄伏羌縣城鎗聲不絕臣

那文毅公總統陝西軍務奏議

卷三

三

恒瑞以該縣並無官兵防堵恐賊乘虛攻撲即帶  
兵趕赴救援及抵伏羌始知該縣城上試演鎗礮  
遂至訛傳有賊其時總兵凝德等帶兵四百名防  
護鍋帳在後行走離大隊尚有四十里適遇賊匪  
三四人竄至右手山梁官兵以寡不敵眾稟請  
徑往伏羌趕歸大隊凝德面加曉諭隨親率將弁  
帶兵四百名排列一小山包上賊匪見官兵人少  
從大梁壓下蜂擁而至官兵排鎗抵禦斃賊三十  
餘名又有騎馬賊匪繞至後路撲上官兵兩面受  
敵不能分擊凝德射死二賊力竭陣亡參將七德

那文毅公總統陝西軍務奏議

卷三

三

保蘇克東阿遊擊陸兆熊都司巴金保守備穆起  
榮同時陣亡並陣亡兵受傷弁兵九十餘名臣恒  
瑞自伏羌聞信帶兵馳回正遇賊匪迎來奮力截  
擊殺賊六十餘名時已昏黑賊始竄去是日臣那  
彥成自蘇江溝地方二鼓拔營前進偵知賊匪在  
八里灣柳樹溝屯劄其前股賊匪在牛蹄鎮下店  
子住劄相聯十餘里當即趕緊馳往初三日黎明  
行至八里灣山上賊匪熟睡未醒令札克塔爾綸  
布春桑吉斯塔爾侍衛江鼎等帶兵往勦賊見官  
兵已至齊聲驚喊村內賊匪跣足狂奔柳樹灣內  
有賊匪百餘人持白旗趕出被我兵層層圍裹復  
退回村中民房伏匿一一搜出殺斃其時牛蹄鎮  
賊匪業經聞信齊上秀金山排列接應迎拒官兵  
該處土山連續有五層山梁左右皆有路逕可通  
我兵乘勝追賊連搶兩山包賊匪矛手從第三層  
山梁拚命撲來施放鎗礮我兵奮力迎擊直搶過  
第五層山梁奪獲大礮四尊方欲趕下而對面山  
梁大隊賊匪又分為三股一股從正路抗拒兩股  
從兩旁埋伏抄截札克塔爾等分投截殺猶有兇  
悍賊匪搖旗吶喊以綿襖蒙首持矛低頭撲進札



克塔爾帶兵超眾壓下有一賊直前戮傷所騎馬  
 匹吉林領催常安急放一鎗擊斃此賊受傷之馬  
 倒而復起札克塔爾乘馬復戰又有騎馬賊匪趕  
 來常安連放兩鎗將賊匪人馬全行擊斃綸布春  
 又衝入賊隊有持黑旗賊匪數人持矛直刺經綸  
 布春連射數賊始稍却退固原兵丁齊放排鎗各  
 領隊及侍衛章京將弁等往來衝壓多次所斃者  
 盡係白布纏頭真正教匪在山包上又斃三百餘  
 名賊匪抵敵不住敗回高山梁臣德楞泰臣恒  
 瑞俱帶兵兩路趕來賊即紛紛滾岩逃竄兩次打

那文毅公總統陝西軍務奏議

卷三

三

仗共殺賊四百八十餘名割認首級內有辛聰之  
 弟三元帥混號弔弓子一名孛獲探馬頭趙迎祥  
 一名活賊舒吉才等二十五名又官兵等趕殺賊  
 匪捉獲幼孩多人詢明實係川匪子弟及現無親  
 屬者仍給官兵外其餘三百餘名係賊匪在甘所  
 攜已令地方官派委妥役送回各莊給親完聚查  
 北竄賊匪原係王廷詔楊開甲一股與辛聰辛斗  
 等合成大股自前次勦殺後向西南奔竄又與蔡  
 掌櫃等一股合夥此次復經官兵擊收各股已過  
 渭河南岸竄往秦州西南並詢據活賊供稱有官

那文毅公奏議 卷三

兵鎗箭利害不如仍回四川之語惟西路寧羌禮  
 縣一帶賊匪屯聚之處與鞏昌伏羌相近仍恐窺  
 伺東北臣德楞泰已帶兵躡勦王廷詔等股賊匪  
臣那彥成即取道伏羌迎擊寧遠等處賊匪總期  
 東西兩路之賊均可不致北竄以期迅速殲除謹  
 奏

嘉慶五年二月十五日軍機大臣字寄奉

上諭那彥成等奏秀金山勦賊並通過渭河南岸情形一  
 摺覽奏欣慰甘省竄匪因官兵逼勦折向南竄經那彥  
 成等緊躡前進在秀金山分路截殺斃賊四百八十餘

那文毅公總統陝西軍務奏議

卷三

三

名且皆白布纏頭真正教匪所辦甚好那彥成前在隴  
 州痛殲賊匪之後兵威已震士氣奮揚是以躡踪追勦  
 連次克捷看來那彥成一路已經得手可期乘勝直前  
 將賊匪速行撲滅此次德楞泰恒瑞祇係隨後趕到帶  
 兵協勦而搶佔山梁往來衝壓施放排鎗俱係那彥成  
 所帶兵丁實為奮勇出力該兵丁等自在陝勦賊以來  
 未經獎賞今於打仗得勝後此次又復殺賊多名深為  
 可嘉所有那彥成本隊兵丁著加恩賞給一月錢糧以  
 示鼓勵其帶兵奮勇各員內札克塔爾本係御前侍衛  
 副都統已加恩陞授護軍統領綸布春桑吉斯塔爾二



人亦已加恩補授副都統實缺並著那彥成傳知伊三人俾其倍加感奮領催常安著加恩以藍翎侍衛陞用至德楞泰已節次諭令由階文一帶前赴川西著卽帶兵迅速前往其所追王廷詔一股賊匪現亦有折回四川之語德楞泰如能順路剿殺同屬甚善但此時川西情形較甘省甚為著重其現在甘境之賊著那彥成與恒瑞酌籌或分或合併力截擊俾德楞泰以速赴川西為要至那彥成連次打仗已操勝勢惟當督率官兵趕緊相機截擊本年雖係閏四月節氣稍遲但一交夏令氣候炎熱兼有雨水泥濘之處那彥成當與額勒登保那文毅公總統陝西軍務奏議 卷三 奏

會商務須於雨水未盛之前將各股竄匪速行勦盡勿再遲延所有在途遇賊打仗陣亡之總兵德泰將七德保蘇克東阿遊擊陸兆熊都司巴金保守備穆起榮俱著各部賜卹

嘉慶五年二月十一日

奏為恭謝 天恩事竊 臣 欽奉

上諭那彥成此次帶兵勦賊甚屬奮勉可嘉著授為叅贊大臣賞給喜字玉搬指一個金盒一個珊瑚豆大荷包一對小荷包四個仍著交部議敘欽此 臣 仰蒙

委任深恩帶兵入甘前於隴山鎮汪家山地方打仗所賴將士用命得以痛殲賊衆 臣 督率諸軍愧無出力之處乃荷

溫綸褒獎

授為叅贊大臣欣感之餘尤深悚惕伏念叅贊居經畧之

次協贊機宜最為重任 臣 未嫻軍旅渥受

寵榮並蒙

頒賜多珍

特加甄敘

隆施稠疊欽感難名 臣 惟有盡心竭力協同經畧額勒登

那文毅公總統陝西軍務奏議 卷三 奏

保和衷妥辦亦不敢因列名居次稍有推諉以仰

副

聖主鼓勵成全至意謹

奏奉

殊批知道了

嘉慶五年二月十一日

奏稿 臣 仰蒙

恩命帶兵勦賊自入甘省以來雖屢次痛殲賊衆尚未殲擒賊首撲滅各股時深愧悚與經畧額勒登保合兵後幫同勦辦務期同心協力早奏蕩平上慰



聖懷屢注伏思額勒登保久諳軍旅秉性公忠與臣本屬

世交至好一切軍務無不虛衷商酌盡心指導臣

年輕識淺初次出兵隨同學習行走深得師資之

益現在各路已分派將領兜截臣與額勒登保同

在一路勦賊惟有和衷商辦仰副

聖主訓誨委任之至意謹

奏奉

硃批覽

嘉慶五年二月十六日軍機大臣字寄奉

上諭朕將四川陝甘湖北各路勦賊情形通盤籌畫此時

那文毅公總統陝西軍務奏議

卷三

天

嘉陵江西岸分竄賊匪尤為緊要不可不迅速殄平蓋

緣川西一帶如重慶潼川各府地方蕃庶為賊匪素所

窺伺今一旦乘間竄往該處百姓又未築堡防守自必

肆行焚掠前日魁倫摺內即稱蓬溪附郭村莊燒燬並

見有被賊殺害屍身之語則賊匪兇焰頓張荼毒生靈

不知凡幾朕心深為憫惻前川匪竄往甘境據那彥成

奏賊匪裹掠牛羊馬匹有二三千之多甘肅地方瘠薄

尚且如此何況川西富庶之區乎至村民被其追脅畏

死貪生附從者又不可勝計况精華所聚皆在川西自

勦辦川東川北邪匪以來雖所用軍需銀兩由部庫發

各省協撥亦全仗川省西南為之接濟茲賊匪游

江滋擾附近地方被劫室虛蕩然焉能接濟川東川北

賊匪有日增之勢而官兵多支絀之虞如此滋蔓難圖

何日始能竣事朕書夜焦急惟望德楞泰接奉前旨星

夜趕赴川西幫同魁倫上緊勦辦以川西甘肅目下賊

情而論甘省即無那彥成兩次痛斲之事亦當以川西

為急德楞泰必應迅速趕往况甘肅連獲勝仗已經得

手額勒登保現在帶領多兵又有廣厚吉蘭泰慶成等

率領甘涼兵協助該處兵多將廣又何需德楞泰一人

前此額勒登保冒昧徑赴甘省德楞泰又接續前往經

那文毅公總統陝西軍務奏議

卷三

天

畧恭贊同時離川以致賊匪乘間搶渡嘉陵江擾及川

西完善之地伊二人已難辭咎此時德楞泰務須加緊

加快速赴川西現又催令勒保前往帶領現調黔兵幫

同勦辦若能即在川西地方將竄匪全數撲滅固所深

望否則亦當驅賊折回川江之東北以便合力勦除勿

使賊匪在川西蔓延此為最要至額勒登保自帶兵赴

甘以來本月初六日奏報祇係籌辦截勦賊匪情形並

未與賊接仗額勒登保素為勇往不辭勞瘁自斷不肯

稍有遲延但十餘日來未據續有奏報殊為懸盼額勒

登保那彥成德楞泰總須趕緊勦辦務於雨水未盛之



前將各股竄匪速行剿盡不可再有遲延

那文毅公總統陝西軍務奏議

卷三

單

分三路兜剿

嘉慶五年二月十一日會同經畧大臣額勒登保奏為會商勦辦甘肅省賊匪並知會德楞泰即日赴川及籌辦陝楚竄匪事竊臣額勒登保前於隴州之固關

奏明由平涼一帶攔截賊匪控扼東北大路該匪等聞風奔逃漸趨西南臣遂改由莊浪靜寧秦安一帶星馳前進初九日與臣那彥成在觀子鎮會合查甘省之西南岷州西固階州文縣等邊境處處毘連番界而階文以南均通四川龍安其洮縣緊接

那文毅公總統陝西軍務奏議

卷三

單

岷州等處則又在岷階之裏層迤東則係成縣徽縣兩當為入陝棧道之路目下各股竄匪經臣那彥成兩次截勦已不敢竄向東北惟西面一帶節據地方官稟報岷州之賊多向禮縣逃竄而階州之賊又延及洮岷邊界趨向未定德楞泰所勦之楊開甲等股已向成縣奔逃疊據稱報德楞泰在成縣之段家河余家坡等處斬獲甚多甘省之賊現在以禮縣為最重其次則洮岷慮其仍竄西北我兵若全從禮縣進發則洮岷之賊或轉在我兵之後又為牽綴臣等再四思維將現有兵力酌分



三路綸布春桑吉斯塔爾楊遇春爲一路信森保  
格布舍穆克登布爲一路由禮縣分投進擊其洮  
岷一路亦關緊要派恒瑞慶成等爲一路卽從臨  
遠一帶前進非唯杜其竄赴鞏昌之路如果賊匪  
有折竄龍安之勢亦可從西固文縣覓路抄截臣  
等又恐禮縣之賊被勦情急復折西北臣那彥成  
現帶札克塔爾等由柳家坡地方遏截賊匪北竄  
並策應禮縣進發官兵如賊已南竄臣等卽會同  
相機逼進以期賊匪不致再有延蔓此現在籌辦  
甘省賊情也日前臣等連奉

那文毅公總統陝西軍務奏議

卷三

聖

諭旨知川省賊匪已搶渡嘉陵江西岸臣額勒登保並接  
魁倫來信知賊匪由遠縣之石盤沱見水奪船搶  
渡聞信之下實深焦憤臣額勒登保前此

奏請前來陝甘實緣接有松筠來信以竄匪等勢甚鴟  
張不得不親自督兵勦辦維時川中僅有再添元  
徐添德張子聰等股賊匪是以交德楞泰魁倫勦  
辦並非避重就輕輒離川境德楞泰追賊入陝不  
能卽回川省竊計魁倫一路尚有兵八千餘名兼  
有提督七十五等帶領兵勇五千人以之截勦各  
股賊匪卽或一時不能撲滅亦當不致別生枝節

孰料臣甫經離川該匪等於正月十五日卽有竄  
過嘉陵江之事此實臣額勒登保辦理不善所致  
聖主卽不立加治罪而寸心負疚無地自容茲恐魁倫一  
路官兵未能撲滅查德楞泰所勦楊開甲等股賊  
匪已屬有限應交吉蘭泰勦辦現在官兵又俱向  
禮縣而進去成縣不遠更可爲吉蘭泰聲援臣額  
勒登保已飛行知會德楞泰卽日帶原領馬步官  
兵或由畧陽或由徽縣何處便捷卽由何處入棧  
經過廣元出劍閣梓潼一帶迅赴川西順慶潼川  
與魁倫併力合擊其龍安一帶昨接魁倫來信將

那文毅公總統陝西軍務奏議

卷三

聖

夔東防堵之事交與阿迪斯又令總兵穆克登阿  
趕至龍安督率嚴防可以堵截文縣竄匪自能得  
力甘省之賊我兵緊勦卽或折回川境官兵亦卽  
尾隨斷不能任其衝突此現在籌辦川省竄匪之  
情形也又接准合布來信因恐賊匪東竄入豫已  
赴商州一帶相機迎扼實爲得要臣額勒登保又  
已咨會合布務於鎮安商州妥爲攔截以堵爲勦  
萬勿使賊匪竄豫其五郎漢陰一帶尚有竄散餘  
匪並嚴飭各鎮將等上緊堵勦惟接倭什布來信  
前竄竹谿之賊已入房縣查該處帶兵大員如總



兵孫清元本係歷經行陣可當一面而賊匪已竄房縣該處路近荆襄必須從歸州巴東與山進兵一路方可合擊現有總兵王凱已撥兵一千餘名追勦不日松筠赴楚臣額勒登保已咨明松筠由陝酌帶兵丁前往勦辦並嚴飭慶溥溫承惠等遇有竄匪務須不分畛域趕緊截殺此又兼籌陝楚之情形也伏查各路賊匪肆意狂竄而狡獪百出隱姓埋名裹脅漸增分合無定若非各路官兵痛加斬戮不足以盡絕根株臣額勒登保那彥成既經合兵一處仰仗

那文毅公總統陝西軍務奏議

卷三

四

天威唯有和衷協力將此甘省竄匪剋期勦淨彼時或入陝入川亦必妥商辦理總期及早完事再調任四川布政使楊揆同慶成帶兵由天梁鎮前來臣等已將該官兵酌量抽撥交慶成帶領隨同恒瑞進勦慶成久歷戎行於軍務可期得力其餘官兵俟廣厚到來交令帶領防堵謹

奏

嘉慶五年二月二十八日軍機大臣字寄奉

上諭額勒登保自初六日到報後旬餘以來未據續有奏報朕心日深懸盼節經降旨詢問今據奏到籌辦甘省

及陝楚竄匪情形並與那彥成會商辦且於未奉催令德楞泰速赴川西諭旨已知會德楞泰此時甘省竄匪既專交那彥成督勦那彥成惟當照額勒登保籌辦分擊章程實力截勦務在甘境即將此股賊匪殲淨不可再任他竄俟甘省賊匪一經殄滅那彥成即帶領勝兵赴川更可迅速蒞功至川西地方已被賊匪滋擾即甘省分股賊匪被勦緊急越過白水江亦不甚緊要但能遏其去路勿令竄往龍安不致川西又添竄匪更為妥善那彥成不可不倍加奮勉也至德楞泰雖已起程赴川著額勒登保再行咨催令其迅速行走不可

那文毅公總統陝西軍務奏議

卷三

五

片刻耽延至經畧印信自仍係額勒登保掌管其欽差大臣關防著那彥成暫行留用



洮岷之捷附彈劾

嘉慶五年二月二十三日會同經畧大臣額公勒

登保

奏為官兵在甘省洮岷一帶疊次合力痛殲賊匪並現

在籌辦事竊臣前於觀子鎮將派撥官兵分路勦

辦等情具

奏在案嗣恒瑞等帶兵由遠前進借森保等帶兵由

禮縣前進而柳家坡一帶又俱駐有官兵賊匪漸

趨向南不敢窺伺邊境臣額勒登保病勢漸已就

痊可勉力行走當即會同臣那彥成先後移師前

那文毅公總統陝西軍務奏議 卷三 吳

逼以為策應行至禮縣之石壁地方接恒瑞等來

信有賊一股在嚴家大莊紅岩等處十八日早聞

恒瑞慶成等分撥馬步官兵於龍泉溝深都堡等

處追及該匪等竟敢屢撲官兵我軍鎗箭並發立

斃賊匪數十人始行退却我軍乘勝直前追勦五

十餘里約計沿途殺賊三百餘名擒獲一百二十

五名餘匪南竄將獲賊逐加嚴訊內有偽元帥楊

道一名據供湖北襄陽府人係張世龍徒弟此股

賊匪係張世龍與藍號合夥賊眾共有二千餘人

當將該犯及從賊日久者悉行正法其餘新擄之

附近居民分別酌給口糧釋放回籍旋又據借森

保綸布春等呈報十七日在撒子堡偵知大股賊

匪在岷州之石刷里林江舖一帶焚掠臣等一聞

信息先後催遣馳往借森保與格布舍穆克登布

侍衛噶拉協領五德副將豐伸為一路由左面之

如意山抄截綸布春桑吉斯塔爾揚遇春同總管

林爾都協領金德副將海常為一路由右面之二

個山杜家坡直趨林江舖另派副將喜明泰將張

鳳由中路石刷里進發於三更起行天甫黎明石

路兵到杜家坡見石刷里林江舖到處炊烟知為

那文毅公總統陝西軍務奏議 卷三 吳

賊匪屯聚當即驅兵繞下林江舖該匪等一見官

兵號召騎馬賊匪及矛手多人排列平川直前抵

拒我軍馬步衝入賊夥箭矛並發斃賊數十名騎

馬之賊順川奔跑矛子手亦即潰亂奔向毛峪山

右路官兵仍即緊躡追殺適左路馬隊兵勇從毛

峪山壓下賊見上下均有官兵捨命狂奔我軍鼓

勇追出十餘里詎知賊匪大隊及婦女馬騾駝載

等均在此川內維時臣等率領札克塔爾並各路官

兵接踵雲集賊匪勢急丟棄逃竄官兵等奮勇追

殺統查前後殺賊計有七百餘名獲賊男婦三百



三十一名詢出探馬頭梁正剛一名係襄陽人實

係張添倫股中頭目訊得此股係張添倫老營又

與高家營戴家營各股賊匪忽分忽合兼之隨處

裹脅人數更眾隨將梁正剛凌遲處死其餘從賊

已久之犯亦即正法甫經被擄之甘肅民人豐永

安劉岳氏等一百八十四名口當即概行釋放獲

有賊駿二個騾馬二百餘頭鎗矛旗幟不計其數

惟侍衛吹札布衝入賊隊被賊矛傷馬該侍衛腰

肋被矛桿打傷是夜四鼓正欲起行猝聞一股賊

匪吶喊前來直撲官兵營盤守備闖成旺帶兵出

那文毅公總統陝西軍務奏議 卷三 吳

營追擊賊匪頭顱被賊截傷把總馬萬清亦被矛

傷頗重兵勇俱有受傷者天色將明我兵奮勇齊

出賊匪不能抵敵翻山四竄分兵追勦賊賊三百

餘名生擒七十二名訊知此股即張世龍等賊匪

因在龍泉溝等處被恒瑞等勦潰奔來希圖乘夜

擊營又稱高馬二姓之賊在瓦石坪等處埋伏該

犯等均係實在賊黨立即處死二十日臣等在岷

州之官昌會合查官兵疊次獲勝斬戮甚多而

未得著名賊首尤為焦憤此時賊匪總在岷階等

處臣等一面飭令備案保及各將領盡力追勦外

仍即親自督兵相機截擊合力同心趕緊將甘境

現有賊匪一併掃除再查現在賊匪情形固可無

慮其轉竄東北而西南之階州文縣等處路通龍

安即陰平舊道尤須嚴密防備昨據署文縣知縣

史登雋稟報該令於階文接壤之處業經嚴密設

卡晝夜守禦賊犯不能竄過文縣既不能闖入龍

安其龍安之紫門關一帶最為險要據署龍安府

知府黃為琳遊擊劉國剛等稟報亦經設卡嚴堵

自可無虞臣查刻下賊匪已經官兵數面兜截惟

西北一帶稍覺空虛已札令廣厚帶兵由鞏昌一

那文毅公總統陝西軍務奏議 卷三 吳

帶徑赴岷階自北而南探蹤堵勦又接據德楞泰

來信初五日在閻家集汪家川等處督率官兵將

楊開甲王廷詔等股賊匪痛加殲戮共割獻首級

二百一十七顆耳記四百九十五副並獲有偽元

帥陳正甲總先鋒王添元二犯均經訊明正法又

訊出臣那彥成在秀金山勦賊時有受傷落馬跌

斃賊首陳光俊一名此次打仗官兵只有前鋒巴

彥泰衝入賊隊射賊二名右肘受傷骨折所有勦

散餘匪已交吉蘭泰追勦德楞泰即於十二日由

署陽入棧趨程赴川提督七十五亦由營山趕往



川西合之魁倫共有三路重兵該匪定可不致蔓延近據吉蘭泰呈報該提督所追賊匪已至徽縣兩當境內臣等又嚴飭上緊截勦並恐其兵力稍單已將總兵索費英阿所帶之兵統歸管領外又飭楊揆將所帶之兵一千餘名即由秦州馳赴徽縣一帶如遇吉蘭泰即將官兵併交管領惟吉蘭泰年力已衰難勝要任已另摺奏請

訓示現在添派新授總兵汪啟前往吉蘭泰一路幫同勦辦至川省正當軍務喫緊之際省垣應辦之事必多並飭楊揆即由棧道趕赴川省任事至甘肅之

那文毅公總統陝西軍務奏議

卷三

卒

糧餉經長麟飭屬趕辦尚能源源接濟恐慮

慈念理合一併陳明再項接長麟來信敬知欽奉

諭旨令松筠前赴楚北所有陝省糧餉關係緊要著台布

即行回至漢中實力籌辦其商維一帶防堵事宜著台

布酌量情形或即令國霖前赴商維防堵等因臣額勒

登保前知松筠應遵

旨前往湖北曾經奏明囑其在陝酌帶官兵前去茲奉

聖諭以松筠赴楚後漢中糧餉事宜需人督辦合台布回

至漢中辦理仰見

聖慮周詳無微不至但聞鎮安五郎一帶尚有賊匪未

恐闖入商維關係非淺是該一帶必須大員總持軍務方有裨益臣額勒登保深知國謀於打仗殺

賊未能諸練難以深恃因思恒瑞本係西安將軍

等公同商酌已囑恒瑞即帶原領馬步兵勇三

千餘名山秦州一帶趕赴鎮安五郎商維等處扼

賊東竄之路儻賊匪深入老林兵力難施即不能

痛加勦殺亦不得令其逸入豫境該處所有鎮將

官兵均歸恒瑞一人調遣其應行奏報事件並請

旨飭令恒瑞自行具奏以專責成於事自更得濟謹

奏奉

那文毅公總統陝西軍務奏議

卷三

至

硃批感慰慶幸之至別無可諭

嘉慶五年三月初一日軍機大臣字寄奉

上諭額勒登保那彥成奏官兵在甘省岷州一帶疊次合

力痛殲賊匪情形一摺又據奏商令恒瑞帶領馬步兵勇

三千餘名趕赴鎮安五郎等處勦賊等語覽奏嘉慰已

詳悉批示矣此次額勒登保那彥成督率官兵分路截

擊多有斬獲賊勢已形窮蹙所辦固好然以數萬官兵

殲賊一千餘名尚屬意中之事不可謂之大勝朕所嘉

慰慶幸者在伊等令恒瑞帶兵回陝及合力勦賊二端

昨據劉之仁奏多爾濟札普在三岔河地方被賊繞出



後路方戰陣亡即旨諭令額勒登保速令恒瑞帶兵回陝軍機大臣皆以爲是今額勒登保那彥成在數千里外與朕前旨不謀而合內外一心大功指日必定告成伊二人和衷共濟實堪嘉獎額勒登保著賞給大小荷包白玉搬指白玉鼻烟壺鑲嵌玉火鏢包等件那彥成著賞給大小荷包瑪瑙鼻烟壺鑲嵌玉帶頭等件用示獎勵至節次降旨通諭各軍營總以勦清一股勿留餘孽不得僅注意首逆任聽餘匪他竄若將賊匪夥黨漸次勦盡則首逆勢孤亦斷難漏網額勒登保那彥成此次何必以未擒首惡心懷焦急此時惟當趁賊勢就衰

那文毅公總統陝西軍務奏議

卷三

五

之際併力戮勦總須在甘境將各股賊匪悉數殲除方爲妥善若甘省賊匪盡無遺額勒登保那彥成均當帶領各路勝兵徑赴川省與德楞泰魁倫勒保會同勦辦備有一二餘匪未盡或陝省鎮安等處之賊尚在奔竄額勒登保自應赴川那彥成當留於陝省督辦以專責成又本日據溫承惠奏現有勦敗餘匪竄入川境羊耳壩一帶魁倫等俱往川西勦賊川北地面空虛本有餘匪在彼今添此股賊匪竄往雖爲數無多而一經勾合裹脅恐賊數漸增不可不急爲勦盡慶成久歷戎行且前在川省帶兵於該處道路較爲熟悉著額勒登保

等酌派兵丁卽令慶成迅速帶往川北上緊勦辦又溫承惠條奏軍營情形著額勒登保那彥成通盤籌畫如察看賊匪一兩月內卽可殄事自不必於他處挑兵遠來更換儼現兵疲乏者多或戰事之期尚難預必酌添精銳之兵易換亦屬可行總在相機辦理至所請添調得力官兵分紮要地以逸待勞及於鄰近省分協撥健馬等事亦不爲無見著將原摺抄寄一併等酌具奏至額勒登保病勢漸已就痊可以勉力行走閱之甚爲欣慰額勒登保身體素弱今病雖痊愈仍著御醫田廣福留彼以資調護且軍營有一醫家亦不爲無益至侍衛

那文毅公總統陝西軍務奏議

卷三

五

福忠阿亦不必回京著留於軍營帶兵可也

嘉慶五年正月十四日軍機大臣字寄奉

上諭楊揆奏畧陽竄匪現已搶渡白水江關入徽縣一帶前據松筠奏畧陽徽縣兩當地方係吉蘭泰帶兵防守因賊竄入畧陽邊界吉蘭泰已抵白水江堵禦本日據那彥成奏吉蘭泰原駐唐藏楊家店等處南距畧陽尚有一三百餘里西距棧道僅數十里專堵陝賊入甘之境是賊奔竄係吉蘭泰一路關入朕因吉蘭泰自上年以來於堵禦事宜頗知出力是以加恩擢用提督今竄匪由畧陽搶渡白水江關入徽縣是否該員防堵不力



自應核實辦理著那彥成查明此股竄匪如距吉蘭泰防堵地方較遠不能兼顧尚無不合若賊匪由畧陽一帶奪渡闌入甘境吉蘭泰因所帶兵勇不敷勒堵與賊接仗不能截回竄匪即使從寬免其治罪亦豈得復邀陞擢那彥成務將以上指出情節嚴密訪查據實奏聞不可因伊現在簡放提督稍存遷就之見也

嘉慶五年二月二十三日會同經畧大臣額公勒登保

奏查吉蘭泰帶兵一千餘名在白水江一帶防堵安肅道瑞亨帶兵一千二百餘名在虞關駐守虞關係

那文毅公總統陝西軍務奏議 卷三 五

白水江上游瑞亨所駐之處距吉蘭泰所駐地方三十餘里上年十二月二十七日高家營戴家營等股賊匪由虞關搶渡衝破瑞亨營盤闌入徽縣是日有潰出河州西盍兵丁至吉蘭泰處稟知吉蘭泰處以白水江附近尚有賊匪未經救援二十八日復有張家營賊匪由虞關搶渡三十日吉蘭泰始至虞關各路賊匪俱自徽縣分擾秦州成縣禮縣北竄鞏昌府境內吉蘭泰由徽縣一帶追勦未能與賊打仗此賊匪搶渡闌入甘境之實在情形也查吉蘭泰所帶兵力本單賊匪係在虞關搶

渡亦非伊駐守防堵之地但相距僅止三十里賊至既不能救援賊過又不能追勦似難辭咎且吉蘭泰前隨德楞額來至軍營察其年力衰邁不能振作非特難勝提督之任即總兵亦恐非宜謹

奏 嘉慶五年三月初一日軍機大臣字寄奉

上諭前因四川竄匪由畧陽闌入徽縣會傳諭那彥成查明此股竄匪是否係吉蘭泰防堵不嚴據實奏聞本日據額勒登保那彥成奏吉蘭泰帶兵在白水江上游一帶防堵賊匪由虞關搶渡相距僅止三十里賊至既不能救援賊過又不能追勦等語吉蘭泰係提督大員帶兵勦賊自應竭力堵禦乃相距止三十里不往截擊直至賊匪搶渡三日始至虞關以致甘境又滋分擾吉蘭泰實難辭咎本當治以應得之罪姑念吉蘭泰從前在甘省與廣厚籌辦堵勦事宜尚屬認真伊已年老此次白水江竄逸之賊尚非吉蘭泰駐守地方是以姑免治罪但相離甚近不能堵截豈能復勝提督之任吉蘭泰著革去提督加恩賞給遊擊職銜在軍營効力以示薄懲所有甘州提督員缺著楊遇春補授

那文毅公總統陝西軍務奏議 卷三 五

嘉慶五年四月初四日軍機大臣字寄奉



上諭此次額勒登保所奏一切籌畫布置事宜俱屬妥協惟據稱在陝之賊或分或合傳聞人數衆多是目下各處情形陝省最爲著重現在額勒登保由留壩趕緊進勦那彥成亦自甘而來不日可會合一處昨經賴瑞奏兩入股賊匪聚集鎮安一帶業經降旨諭令額勒登保那彥成長麟台布併力同心認真勦辦額勒登保等或分投截擊或併力進攻即在陝省境內辦竣不可復令折回甘境亦不可復令闖入川省其豫省邊界再飛咨吳熊光督飭田禾桐等嚴密防禦使賊匪無處奔逸在陝境一律辦竣纔爲不負委任此時勦賊之事既責成

那文毅公總統陝西軍務奏議

卷三

奏

經畧參贊而防堵機宜則係長麟台布專責節次諭旨甚明今據額勒登保奏稱察看地勢堵截賊匪在陝而不在甘須於機道分守要隘等語所見甚是總在長麟台布督率地方文武於各要隘分布兵勇嚴密堵截勿任賊匪衝突卡隘逸出奔逃以便額勒登保那彥成趕上截勦爲一鼓殲擒之計若防堵之鎮將及地方官等稍有疎虞豈特不可寬恕卽當一面鎖拏其情罪尤重者竟應正法示衆以儆其餘至所稱鎮將等帶兵現在何處堵勦未經報到尚不深知一節殊屬非是額勒登保身爲經畧不論何路鎮將俱應聽候經畧指使今鎮

將等帶兵在何處勦賊額勒登保尚未知之何以居中調度耶再所奏無須催調黔兵一節如此更好此項黔兵統歸德楞泰帶領勦辦川西之賊軍威壯盛更可剋期蕺事額勒登保係屬經畧無論在川在陝俱應通盤籌計也又另摺覆奏查明吉爾泰瑞亨貽悞情形所奏甚是惟定擬不免太輕已降諭旨分別示懲矣此等年老及有病各員留於軍營無用若惟事姑息聽其戀棧必至貽悞事機且又身罹罪譴或其人從前曾經出力得功轉至不能保全不若及早奏明或卽令休致或撤回本任豈非兩全之道現在因大兵雲集陝省需用較

那文毅公總統陝西軍務奏議

卷三

奏

多又撥銀四十萬兩併交長麟台布收貯更足以敷應用但不可因帑項充裕遂不加意撙節也



漳縣之捷 附覆奏官兵足用

嘉慶五年三月初一日會同經畧大臣額勒登保

奏為追截賊匪不使闖入松潘龍安並於宜遠伏羌境內連日勦賊情形事竊臣前在岷州境內將勦賊情形具

奏在案嗣岱森保綸布春等緊追張添倫等股賊匪從西和一帶前去臣等探得高馬二姓之賊先在瓦石坪聞有官兵向兩河口等處逃竄兩河口東南適階州西北通西固一入階州漸近川之龍安若

那文毅公總統陝西軍務奏議 卷三 奏

向西固西竄則又在川之松潘番地均為可慮臣等遂親督官兵趕至兩河口預扼其赴階州之路該匪等又復翻山竄至西固有直趨松潘之勢臣等又趕赴西固迤西攔截賊又折竄衝過土司楊宗業卡隘由黑峪寺本諸寺向岷州一帶逃逸臣等恐尾追無益當即留兵九百餘名令參將瑪林阿帶領由本諸寺一帶跟蹤緊蹙作為聲勢並飭令署松潘遊擊劉國剛嚴加堵禦將可通松潘小道盡行挖斷臣等仍即覓道趕回岷州之荔川一帶迎頭截擊二十九日在漳縣之益家門偵得賊

匪竄過九盤臣等即四鼓親督官兵趕緊窮追疾

馳一百五十餘里知賊匪已在禮辛鎮附近村莊

擄掠炊食意欲住息當即派札克塔爾慶成帶兵

為一路臣額勒登保又帶兵作為一路臣慶成

猝不及防俱上山梁屯據往來衝壓抵拒適臣那

彥成亦即帶領侍衛等搶上山梁我兵諸路並進

立斃賊匪三百餘名賊匪奔上山梁滾岩跌斃六

十餘人餘匪翻山四竄我兵追過四重山梁又殺

賊一百數十名時已戌末暫歇兵力隨於次日五

鼓整兵追勦賊匪尚未遠颺臣那彥成率同札克

那文毅公總統陝西軍務奏議 卷三 奏

塔爾等行出二十餘里天甫黎明賊匪在何家衢

大山梁上排列馬匹甚多並於各山溝坎埋伏當

督令馬步兵丁分三路進攻臣額勒登保帶領安

福劉瑞豆霽等分路抄截賊匪恃其人眾亦分數

股撲出勢甚兇悍我兵連佔三層山包往來衝壓

賊匪搖旗吶喊慶成帶領馬兵直入賊隊被賊矛

向戳左腿穿透皮衣兩層尚未受傷慶成復帶領

江鼎雅林保楞格青善欽巴圖數人已自山梁斜

上將賊隊衝為兩截臣那彥成緊督吉林屯練甘

涼兵放鎗連斃執旗賊目數人復督催將領帶兵



一齊擁上賊始敗退維時埋伏之賊左右並起俱經各路官兵分投擊退追殺數十里斃賊九百餘名統計兩日殺斃一千四五百名生擒二百六名續又搜獲及民人縛獻者一百餘名搶獲大礮五個師字大旗三桿小旗四百餘面鳥鎗刀矛五百餘件騾馬甚多並獲戴花翎偽元帥詹世貴此次打仗將領兵丁均屬奮勉慶成尤為勇往出眾帶兵實為得力訊據詹世貴供稱此股賊首係高二馬五合夥並隨處裹脅共有六千餘人原欲向階文一帶潛出川西或從松潘前往屢被官兵追截

鄂文毅公總統陝西軍務奏議

卷三

李

始行折回連日打仗傷損不少裹脅之人又皆逃散現無一定去向等語當即凌遲處死其餘訊明真正賊匪亦即正法被擄居民馮其何等三百餘名亦即釋放餘賊俱向寧遠境內奔竄等仍即分兵起勦以期殲淨此股又綸布春岱森保等兩路追賊前赴西和後等輾轉勦賊俱由山僻小路行走未經接有來信一得該員等勦賊信息即行具奏再額勒登保近接德楞泰來信已由廣化昭化劍州一帶趨程前赴川西並據聲稱接魁倫來札知帶兵在潼州鳳凰山劉營德楞泰亦即

鄂文毅公總統陝西軍務奏議

卷三

空

札致魁倫囑其嚴密防堵以扼西赴成都之路一俟德楞泰帶兵到後即行併力勦辦計目下德楞泰已與魁倫會合賊匪當可不致蔓延至奉到諭旨令岱森保前往陝西幫同台布勦賊但查陝省鎮安商維一帶已經奏明令恒瑞帶兵前往額勒登保此次由川來甘祇帶有兵勇四千餘名合之那彥成所帶兵勇不過七千名刻下分路勦賊已無餘兵可撥其甘省現在之兵將來只可留以防邊亦不便酌調其陝省鎮安五郎商維各鎮將所帶官兵五千餘名合之恒瑞所帶馬步兵勇三千

旨令岱森保前赴陝西協同恒瑞等勦賊謹

奏

嘉慶五年三月初十日軍機大臣字寄奉

上諭經額勒登保奏那彥成奏追勦賊匪不使闖入松潘龍安並於寧遠伏羌境內連日殲賊情形一摺覽



奏欣慰甘省高馬二姓竄匪向兩河口等處逃竄經額勒登保等親督官兵扼要堵截趕緊窮追疾馳進擊兩日殲斃賊匪一千四百名生擒賊匪二百六名額勒登保那彥成同心合力連次克捷深為可嘉著各賞給玉搬指金盒鼻烟壺大小荷包慶成帶兵直入賊隊被賊矛戳透皮衣兩重仍復併力截殺甚屬奮勉出眾著加恩賞給三等侍衛再慶成之弟慶長仍令在乾清門行走慶成倍當感奮自効勉圖奏績至額勒登保等所奏川西賊匪計目下德楞泰已與魁倫會合進擊一節本日據德楞泰奏到在江油一帶殲賊多名運獲大勝

那文毅公總統陝西軍務奏議 卷三 空

生擒著名首逆陳得俸箭傷再派元鎗斃其弟冉添恒而潼河一帶有魁倫督兵防堵東路又阻嘉陵江賊匪無從竄逸本日駐蹕隆福寺明日正當恭謁東陵而四川甘肅兩處捷音同至此皆仰賴

吳蒼鴻恩

祖

考默佑嘉慰之餘彌深感看來川西已漸次肅清甘境賊匪亦就窮蹙惟陝省竄匪股數尚多且額勒登保等現在甘省勦賊自西逼向東趨賊匪被勦緊急或又折竄陝境並擾及商維一帶亦未可定陝省情形較為著

殊

此時通商等語

重昨已降旨令額勒登保那彥成會同酌商如甘省之賊已漸潰敗則那彥成當酌帶官兵赴陝督勦若正當乘勝奮擊之時可以一鼓殲淨又不應拘泥昨旨舍垂成之功遽行分兵赴陝致賊匪乘間奔逃復留餘孽其應分應合機宜總在額勒登保那彥成熟籌妥辦也

嘉慶五年三月初一日會同經畧大臣額勒登保

奏為遵旨覆奏事竊臣等疊次欽奉

上諭具仰

那文毅公總統陝西軍務奏議 卷三 空

聖主盼捷孔殷凡添兵添勇以及軍中鉅細之事無不悉

操

睿算指示機先臣等跪誦之餘實深欽感悅服之至伏查

現在賊匪分股肆竄以致數省蔓延自非添調兵

丁不足以速行肅事今蒙

皇上調撥黔兵五千名赴川並酌調湖南兵一千或二千

名前赴湖北又令吉慶於廣東挑兵三千名廣西

挑兵二千名以備撥用此時川陝楚甘均在勦賊

而川西誠如

聖諭尤為緊要次則陝西臣等公同酌商所有廣西兵二



千名從全州至荊州而至巴東歸州即由水路直  
至夔州此項官兵竟應添撥川省其廣東兵三千  
名踰梅嶺由水路可達荊州將來或湖北尚須兵  
力即酌留千名如可無須增添則廣東兵仍可儘  
數由水路赴陝之與安為陝省勦賊之用所有山  
西兵三千名現奉

聖諭令在蒲州聽候陝省調用伏查山西兵丁不甚得力  
或酌留晉省防守似毋庸再行調撥至甘省賊匪  
以<sub>臣</sub>等現有之兵足敷勦辦竟可毋庸增添其各  
路原調官兵屢有陣傷亡故久已不足原數前經

那文毅公總統陝西軍務奏議

卷三

查

勒保奏明更換到來後漸又缺額此外老病傷殘  
留於地方調養者為數不少曾疊飭地方官確查  
具報將病已全愈者仍令來營打仗其餘年老傷  
殘各兵俱已陸續遣回計有二千餘名又恐該兵  
丁等藉故希圖回籍因飭各該省文武大員查驗  
以杜規避茲蒙

聖諭

<sub>臣</sub>等更當實力一體查辦務期一兵得一兵之用至

鄉勇一項原可得力而各省中有自為團練各保  
身家者無須官給贖糧但緩急殊不足恃<sub>臣</sub>等  
道各處情形不同如楚北之竹谿竹山一帶均可

如兵丁一律奮勇次則四川各州縣亦能得力如  
陝省鎮安一帶多各有寄籍之人能耐辛苦尚堪  
應用即甘省秦州畧陽等處之人亦堪挑募惟五  
郎以西人心不齊甘省之禮縣西和等處民人過  
於樸魯不能得力此等招募鄉勇全在地方官認  
真挑選隨時管教且該勇等既食鹽糧同一効命  
懶惰充數者固當嚴懲殺賊立功者豈可使之稍  
有屈抑<sub>臣</sub>等更當謹遵

諭旨賞罰嚴明俾知激勸又行軍礮位一項當賊匪屯劄  
險要之地資其轟擊此時賊匪奔竄無定終日追

那文毅公總統陝西軍務奏議

卷三

查

勦大礮難於攜帶現在各營隨帶之劈山礮過山  
鳥並子母等礮已足應用所有

京營存貯之神機等礮位遠道運送究屬不便似可毋  
庸請撥其餘<sub>臣</sub>等應辦之事亦惟有欽遵

皇上節次訓示妥為辦理謹

奏

嘉慶五年三月初十日軍機大臣字寄奉

上諭經畧額勒登保奏贛那彥成奏廣西預備兵二千名  
應添撥川省其廣東兵丁三千名如湖北可以無須即  
儘數令由水路赴陝之與安協勦一摺廣東廣西官兵



本令預備檄調尚未起程今川省已添調黔兵日內可  
以到齊且川西竄匪亦就潰敗不須復調廣西之兵而  
湖北境內賊匪尚屬無多其廣東兵亦可不用若令由  
水路前赴興安未免紆遠似亦無須調往卽額勒登保  
等慮及陝省兵單亦應在甘省酌抽官兵派往協勦豈  
必舍近求遠乎且指日川西賊匪辦竣騰出黔兵數千  
又可接濟陝省諒無庸向他省復行檄調也

那文毅公總統陝西軍務奏議

卷三

奏

嚴家壩之捷

嘉慶五年三月初九日會同經畧大臣額勒登保

奏為臣等現在分督官兵勦辦熟籌一切緣由並岱森保楊遇春等一路打仗殺賊情形事竊臣等昨於  
寧遠伏羌境內連日勦賊當經

奏明在案高二馬五等股賊匪勦潰狂奔又經官兵緊  
追該匪等由孟遠淳縣邊界復折至岷州之巖昌  
一帶向南逃逸臣等於初八日南至角力舖地方  
適據署禮縣知縣方聯聚稟稱探得另有一股賊

那文毅公總統陝西軍務奏議

卷三

奏

匪於初三日在該縣之稍裕鎮鐵旗寨往東之寬  
州鎮及沿河屯劄初四日竄入秦州高橋距秦州  
八十里等情臣等查各股賊匪屢欲奪路竄往東  
北西北一帶王廷詔楊開甲辛聰等股賊匪竄至  
東北隴州等處前經臣那彥成率兵於隴山鎮等  
處勦殺逼過渭河南岸其高馬二姓等股賊匪竄  
至西北鞏昌等處臣等於禮星鎮河家衛等處連  
次痛勦該匪等亦俱過渭河向巖昌南竄是渭河  
北岸賊氣已靖今西和一帶另股竄匪又從禮縣  
直趨秦州有竄往東北大路之勢關係匪輕現在



除<sub>臣</sub>等所帶官兵外其餘防堵之兵不能恃以勦賊公同商酌<sub>臣</sub>額勒登保帶領穆克登布安福車森保等兵勇一千六百餘名即馳赴秦州一帶一面攔截東北大路一面趕緊勦洗其現由巖昌南竄之賊<sub>臣</sub>那彥成帶同札克塔爾綸布春桑吉斯塔爾慶成等率馬步兵勇五千餘名仍即跟蹤趕勦倘該匪等由禮縣折奔秦州<sub>臣</sub>等仍可會合勦辦又查岱森保楊遇春格布舍等帶領馬步官兵在成縣嚴家壩地方將張添倫等匪斬戮五百餘名擒獲四百餘名訊明真正賊匪王貴等八十七

那文毅公總統陝西軍務奏議

卷三

奏

名均即正法其餘被脅難民董自良等二百五十八名均經釋放即從成縣徽縣追賊前至鳳縣境內<sub>臣</sub>額勒登保已劄調原帶之岱森保楊遇春等官兵自徽縣之東北前來秦州一帶合勦<sub>臣</sub>額勒登保得伊等併歸一路共有兵四千餘名可敷勦辦竊念<sub>臣</sub>等合在一處協力同心諸有裨益且聲威較壯亦得痛加殲賊但刻下賊匪南北分竄<sub>臣</sub>不得不分路追擊以目下全局而論<sub>臣</sub>等通盤籌畫川西竄匪滋擾固在萬縣而德勝秦早經帶兵入川近接勒保來信亦已由棧道而進且計新調

之兵

奏明派往川省者共有七千名陸續可到自數勦辦川中之賊而陝甘兩省形勢在各省中尤關緊要查甘省北距黃河上游可通晉省其西面又與番境毘連陝省則近接楚豫皆賊匪奔竄熟路真正教匪又多楚豫之人且南山一帶西通棧道北近西安山中伏而未起教匪聞亦不少邇日由徽縣兩當擾至草涼驛之賊又已奔往南山若從此鳴張肆竄較之川中尤重<sub>臣</sub>等仰蒙

委任日夜躊躇即使肅清甘境亦當以陝省為各路根本

那文毅公總統陝西軍務奏議

卷三

奏

重地此刻賊踪飄忽或分或合本難預定察核事勢不得不暫行分路然總在併力勦辦方能得力假如甘省之賊已淨<sub>臣</sub>等仍當合為一處同赴陝省以固陝豫根本緊要之地一切和衷妥商協力趕辦庶於全局有濟至賊匪前竄甘省究由邊備不力不日甘境肅清若仍不預為戒備此後賊匪倘再折竄入甘則輾轉追逐伊於何底<sub>臣</sub>等再四酌商廣厚帶有官兵三千餘名原令防堵漳縣岷州一帶若賊蹤已遠此項兵力即可撤至畧陽白水江擇要堵截所有徽縣兩當等處可通棧道之



路吉蘭泰與汪啟亦在帶兵堵截將來即當留於該處駐守此外兵力尚有不敷等昨過鞏昌境內會面晤長麟已商招募鄉勇令同官兵分駐要隘認真防範以期嚴密其兵勇應支糧餉責令該管道府妥協供支不得以該兵勇但事防守稍有缺乏如此辦理之後仍有賊匪竄入即將該處文武官兵即行據實奏

奏以縱賊之罪罪之若能辦理妥協亦必奏請

聖恩量予鼓勵再臣等身膺統領之寄於官兵等非敢過

於苛刻不加之體恤無如師行日久未免積疲此

那文毅公總統陝西軍務奏議 卷三 七

時一切亦惟有從嚴辦理以冀迅速集事謹

奏

嘉慶五年三月初九日軍機大臣字寄奉

上諭賊匪擾入川西實由額勒登保冒昧赴甘以致賊匪乘虛搶渡至陝省之賊本係那彥成在彼勦辦乃未能及早勦竣又因甘省有川匪竄入移兵前往而德楞泰復因川西賊情緊急遵旨前往勦辦並經額勒登保催令迅速赴川將陝省防堵事宜委之無能之吉蘭泰既任賊匪由虞關搶渡分擾甘境復致餘匪逼近棧道吉蘭泰又不跟蹤追勦致闖入鳳縣此時甘省賊匪屢經

官兵合力痛勦賊勢已感其陝省勦辦賊匪雖有恒瑞帶兵前往究恐未能得力著額勒登保那彥成詳細商酌如甘省勦辦之賊較陝省為多必須伊二人在彼勦辦自應併力合擊迅速勦淨一同帶兵赴陝若甘省之賊已漸勦敗無須伊二人一同在彼那彥成本係特派督辦陝省之賊竟當酌帶官兵即赴陝省將各股竄匪上緊勦辦其應分應合總在額勒登保那彥成熟籌妥辦不致顧此失彼為要至吉蘭泰防堵賊匪種種疎玩貽誤仍著額勒登保詳悉查明據實奏

嘉慶五年三月十三日軍機大臣字寄奉

那文毅公總統陝西軍務奏議 卷三 七

上諭台布奏畧陽沔沔等縣俱有由甘竄入賊匪又楊開甲分為兩股一出草涼驛一竄重道河復有另股之賊由兩當至草涼驛分投滋擾此等竄匪皆因額勒登保等在甘逼勦賊匪若向西北奔竄則廣厚在彼截勦若由階文渡白水江該處亦有兵防堵其勢自必東趨陝境而川北一帶之賊亦不免有闖入陝境者現在陝省兵少賊多情形甚為著重且陝甘兩省毘連唇齒相依本屬一事必俟甘省之賊全數勦淨始行顧及陝省則陝省賊匪又必至鴟張額勒登保那彥成二人前功頓棄矣况陝省東面無兵關截西路逼勦愈緊該匪等自



必乘間東竄豈竟聽賊匪等紛紛入陝甚或擾及河南邊界何所底止乎此時台布因糧餉緊要須在漢中籌辦祇有恒瑞一人帶兵搜捕恐難得力額勒登保那彥成務須會同熟商如那彥成能赴陝省督率剿辦固屬甚善若那彥成不能分身前往亦應於將領中遴派勇幹之員酌撥兵丁令其帶領速赴陝省截擊額勒登保等尤當乘勝上緊勦辦即在甘省迅速殲除淨盡勿使乘間東竄

嘉慶五年三月十七日軍機大臣字寄奉

上諭經畧額勒登保奏那彥成等奏分督官兵酌籌勦

那文毅公總統陝西軍務奏議

卷三

三

辦緣由一摺該處王廷詔楊開甲辛聰等股賊匪經那彥成在隴山鎮勦賊逼過渭河南岸其高馬二姓等股賊匪亦經官兵連次逼勦俱過渭河向巖昌南竄額勒登保等以渭河北岸賊氛已靖而西和一帶另股賊匪從禮縣直趨秦州有竄往東北大路之勢因公同商酌額勒登保帶領兵勇馳赴秦州截勦其由巖昌南竄之賊則那彥成帶領官兵躡踪追勦所辦甚是西和一帶另股竄匪又係何賊摺內未經聲明此股賊匪自必欲與陝賊合夥額勒登保等以川西賊少兵多足敷勦辦而陝甘二省形勢在各省中尤關緊要等語現在川西

渡江竄匪屢經德楞泰在江油梓潼一帶痛加勦殺已獲大勝生擒首逆陳得俸再添元等自無難逃就殲除至陝甘二省情形又以陝為重甘省次之甘省距黃河上游河通晉省其西面又與番境毗連但計算道路遙遠且該處番眾究係別一種類教匪不能與之聯絡而番情素為強悍賊匪亦未必敢於前往滋擾陝省則近接楚豫賊股較多且現在西和另股之賊直趨秦州想欲竄往東北與陝賊合夥是陝省情形較甘尤為著重前屢降諭旨令那彥成酌帶官兵赴陝督勦今額勒登保已分兵馳赴秦州勦辦西和竄匪所見甚是該

那文毅公總統陝西軍務奏議

卷三

三

處距陝不遠額勒登保將此股賊匪勦淨後竟當帶兵就近赴陝督辦陝境賊匪伊係經畧聲勢更大賊匪自必聞風震懾易於得手惟念陝省兵力較單前此川省所調黔兵已有旨令德楞泰酌留三千其餘即令阿哈保李紹祖帶赴陝省今川西賊已潰敗此項黔兵額勒登保即可催令赴陝兼有阿哈保李紹祖二人隨同帶兵自更得力其現由巖昌南竄之賊則專交那彥成勦辦俟甘省賊匪淨再行赴陝協勦額勒登保與那彥成諸事和衷共濟朕已深信不疑即形迹之間亦俱可全行消釋此時陝省情形既關緊要額勒登保自應與



那彥成分投勦辦一俟秦州賊匪辦竣即行赴陝不可  
 又回甘境務與那彥成合為一處而那彥成既專辦甘  
 境之賊亦不必亟欲前赴額勒登保一路以見彼此和  
 衷但不可因有此旨伊二人又有意分為兩地總須權  
 衡事機緩急應分而分應合而合即朕於數千里外指  
 示異地一心亦何疆域之限乎至額勒登保既前赴陝  
 省那彥成惟當將甘境之賊搜勦淨盡方可赴陝伊若  
 將未經辦竣餘匪交人接辦豈不又如額勒登保前在  
 川省時勦賊未竣即赴甘省致賊匪有乘間渡江之事  
 耶至甘省賊匪勦竣後其防守事宜則可交與廣厚辦  
 那文毅公總統陝西軍務奏議 卷四

那文毅公總統陝西軍務奏議卷三

那文毅公總統陝西軍務奏議卷四目錄

卷四 上海市曆史文獻圖書館藏

卡狼寨之捷 附恭謝 天恩

覆奏籌畫大局 天恩

分水嶺之捷 附恭謝 天恩

火地溝之捷

郎西之捷 附糾彈

敘績保薦

奉

召旋京覆命

那文毅公總統陝西軍務奏議 目錄



那文毅公總統陝西軍務奏議卷四

男容安恭輯

卡狼寨之提 附恭謝 天恩

嘉慶五年三月十七日

奏為追賊至卡狼寨地方痛剿賊眾殲擒賊日多名事

竊臣前與經畧額勒登保分路截賊緣由業經奏

蒙

聖鑒在案高馬二姓賊匪連被官兵截剿直向南竄臣帶

兵緊躡由宕昌南峪寨前進沿途擒獲賊匪蔣進

忠等五十七名逐加訊問據供賊匪因官兵追急

那文毅公總統陝西軍務奏議

卷四

一

偽先鋒王進連在南峪寨地方自縊身死偽示帥

賈正謨掌旗賊目劉世龍在南峪寨投河淹斃此

股賊匪尚有四千餘人總要向大山老林中逃竄

使官兵不能追趕等語臣查南峪寨以南多係番

地大山綿亘賊由黑色坪拘子山奔竄此路最為

險峻亦最徑捷他處無路繞截若再紆道前往賊

蹤已遠勢難追及隨督官兵晝夜兼程前進於三

月十四日至拘子山上一百三十餘里深林密

箐不見天日冰凌滿山積雪初融泥深四五尺步

步陡滑自寅至亥始過此山鍋帳俱未趕到十五

日至中寨乘有月色挑出奮勇官兵連夜進發十

六日寅刻至文縣河邊探得賊已躡淺過河圍攻

卡狼寨土堡甚為危急詳訊該處地勢河北係登

樓山與卡狼寨隔河相對河南為郭家山高礮臨

河即係寨堡賊佔高處我兵難以徑渡慶成先派

遊擊崔恒德都司李國棟率領兵丁攜帶鎗礮預

至登樓山頂樹林內隱藏俟兵丁渡水時從山上

向南岸轟擊使賊匪不能撲近河邊以便我兵共

濟臣隨飭令總管欽巴圖協領青山參將蕭福祿

帶領馬隊先於上遊渡河札克塔爾桑吉斯塔爾

那文毅公總統陝西軍務奏議

卷四

二

綸布春慶成等督率步兵鄉勇於下遊分渡俟至

高礮下會齊再行併力撲卡賊匪知馬隊渡過步

隊解衣涉水甫經半渡遂分數股撲來崔恒德李

國棟在登樓山頂望見即至半山排列隊伍開放

鎗礮連環不斷賊匪稍却步隊全行登岸與馬隊

一齊衝出雖衣履沾濕而人人奮勇競進所向無

前賊匪復由寨後撤上郭家山西首山梁乘高下

壓另分一股在草地溝石峽內埋伏我兵亦分三

路桑吉斯塔爾綸布春帶領遊擊張明德都司楊

正明千總馬福全鄉勇萬彪等山西首跟蹤上攻



慶成帶領遊擊王延年都司失廷舉守備郭洪鄉勇周天章張起鰲等由東首口梁迎頭上攻札克塔爾帶領都司孫維賢吳亨行鄉勇李金銘齊慎等由中路上攻並截住石峽內埋伏之賊其時山上賊匪搖旗壓下我兵屹然不動俟賊匪逼近擊死持旗賊日多人桑吉斯塔爾綸布春等催兵槍上將賊匪逼過東首山梁慶成等督率將弁兵丁橫衝賊隊截為數股札克塔爾復由中路追殺三路併力鎗箭如雨有鎗內裝入鉛子二枚一發斃二人者賊匪登時奔潰竄入石峽希冀埋伏之賊

那文毅公總統陝西軍務奏議 卷四 三

掩襲追兵詎知石峽險窄上下俱有官軍前追後截賊匪不得衝出短兵相接攬殺一處頃刻間屍橫遍地且因賊隊驟馬與婦女幼孩等擁擠不開自相踐踏死者無算驟馬器械包裹拋棄滿溝此次共殺賊一千三百餘名割認首級有首逆馬五子馬狗兒副元帥李旺簡正文楊開貴三名賊目溥老大王玉衝唐老五三名生擒賊日朱坤傳屠用倫二名活賊鍾應華等五百七十二名所有割取首級及俘獲活賊令鍾應華等逐一辨識除大賊口外多係老教子手其在前奔竄之賊於石

嶺無路處所攀援兢止追迫緊急從崖上滾落跌斃者又有二百餘名逃散難民復育千餘奪獲刀矛器械一千餘件驟馬無數卡須寨堡內居民見官兵大勝文武生員來至粟鄉約耆民周達元等數千人在道傍跪迎據稱堡內烟戶本多加以各村避難男婦共有一萬餘人今早賊匪來攻鄉民並無守禦之具且勢將攻陷幸得大兵趕到殲除賊眾圍寨全靈方得保全並因官兵遠來以小米煮粥送至軍營察看感激情詞極為真切臣已面加撫慰酌賞遣回諭令附近居民俱各歸莊安業

那文毅公總統陝西軍務奏議 卷四 四

至滾山奔竄之賊研訊活賊供稱此股屢經痛剿所剩襄陽老教戰手多半被殺僅存數十人矛手亦祇數百人並婦女及裹脅者不及一千已屬十分窮蹙臣查此股敗匪由卡狼寨南竄前係大山老林無兵攔截即可折回川境聞總兵百祥現在龍安境內帶兵駐守該鎮打仗勇往熟悉地利堪以就近迎勦如賊已從無兵地方繞過即可將分布卡兵集為勦賊之用且德楞泰魁倫帶領大兵俱在川省新調廣東廣西官兵及土兵派赴川省者亦陸續可到以目下大局情形而論陝甘尤關



緊要臣前與額勒登保再三商酌詳細奏明自己仰蒙

聖鑒茲探得階州秦州及棧道一帶賊股肆竄地方寬廣僅有額勒登保一路之兵可恃不敷分擊臣若專勦此股置陝甘他股於不問是此敗殘賊眾牽綴一路官兵恐陝甘不能早就肅清轉於大局無所裨益現在一路兵力勢難再分已一面札飭百祥帶兵就近截勦並飛咨德楞泰魁倫相機酌辦臣惟有與額勒登保同心協力速奏蕩平即帶勝兵同赴川省以期迅殄賊氛仰紓

那文毅公總統陝西軍務奏議

卷四

五

宸厪再都司銜守備楊正明帶領貴州兵向來出眾勇往此次打仗在前衝壓殺死真正教匪尤多因單騎出隊追賊三被矛傷陣亡該員素得兵心陣亡後所帶兵丁無不流涕似此出力之員不可多得臣實深為憫惜可否逾格

施恩加等

賜卹之處伏候

聖裁其餘陣亡兵勇不過數名查明照例咨部辦理謹奏

嘉慶五年四月初二日軍機大臣字寄奉

上諭那彥成奏追賊至卡狼寨地方痛勦賊眾殲擒賊目一摺那彥成追勦高二馬五等一股賊匪自前此奏報後半月有餘正深盼望那彥成前在京時曾奏明軍營尋常打仗不復敷衍具奏必得勝仗方好奏報今據奏情形將圍攻卡狼寨賊匪派兵設伏分路進擊殺賊一千三百餘名並將馬狗兒等殲斃自屬勝仗將士亦覺奮勉但那彥成如果將此股賊匪勦淨肅清一路朕必加之恩賞今並未勦盡仍任幾及千名之賊匪由卡狼寨南竄又必蔓延那彥成實難辭咎惟念伊此次帶兵翻山衝冒冰雪兵丁涉水衣履沾濕不避艱險並將幾

那文毅公總統陝西軍務奏議

卷四

六

被攻陷之卡狼寨保護無虞寨內烟戶萬餘人俱得生全猶加嘉獎此時即僅將那彥成予以罰俸處分朕亦不忍出諸口其功過尚足相抵就目下勦辦大局而論自以陝省為重那彥成應仍遵照前奏由甘而陝與額勒登保併力擊勦以期速奏蕩平方為正辦但高馬二姓擊敗餘匪僅交總兵百祥在被截勦恐不能兼顧且現在川西賊匪又有搶渡潼河者德楞泰現有彼處應辦緊要之賊豈能顧及龍安竄匪即令百祥果能圍截難保不又竄回甘省倘百祥堵禦不力竟至越過龍安又添川省一股竄匪並恐裏脅人眾復至蔓延現已降



旨令廣厚在邊境一帶扼要堵剿其竄至龍安之賊俟  
德楞泰等奏到百祥如何堵禦情形再爲指示那彥成  
務須與額勒登保同心協力將此股搜剿淨盡不得復  
留餘孽視若遲而轉速若得一勝仗又舍此顧彼徒勞  
跋涉何時始能集事著將此旨轉告經畧及領兵各員  
知悉朕因盼望軍營捷報宵旰靡寧幾於廢食俱廢近  
有自述詩一首著錄寄那彥成閱看足見朕之焦思那  
彥成豈能漠然不動於中耶至所奏都司銜守備楊正  
明單騎追賊被矛陣亡殊爲可惜著卽加等照都司銜  
咨部予卹

那文毅公總統陝西軍務奏議

卷四

七

恭錄

聖製盼信詩

寸衷盼佳信三省盡稽遲賊情通逃技兵逢暑雨時民灾  
莫能救師老最虞疲

考願尙難畢仰空更益悲

嘉慶五年四月初三日奉

上諭阿迪斯係大學士公阿桂之子上年經朕加恩補授  
成都將軍自應倍加感奮力圖報効伊素有足疾如果  
自揣不能稱職卽當面奏更換乃彼時並無一言懇辭  
到任以後額勒登保等祇令其駐劄大寧防堵自係知

其帶兵勦賊不能得力從此阿迪斯在大寧株守迄今  
半載有餘並未移動前此川北賊匪搶渡嘉陵江擾及  
川西完善地方阿迪斯係本省將軍竟視如膜外既不  
帶兵速往又不據實奏聞經朕節次嚴飭自知獲罪已  
重並接到魁倫令伊勦辦川北賊匪知會心懷懼怯始  
行具摺以冬間腿病復發爲詞懇請斥革以遂其避賊  
之計試思阿迪斯若非心存戀棧何不於上年冬間卽  
將腿疾奏出而必遲至今日乎顯係有意諉卸喪良昧  
心本日復據奏稱伊駐劄大寧並無專防賊匪因患足  
疾不能帶兵勦賊在重慶候旨更不成話阿迪斯旣玩

那文毅公總統陝西軍務奏議

卷四

八

悞於前又復捏病避賊不料阿桂竟有此不肖之子大  
傷伊顏面此而不加嚴辦則滿洲勳舊後裔豈不相率  
效尤阿迪斯著革職拏問交與勒保按律嚴審定擬具  
奏候朕再降諭旨其成都將軍員缺已著德楞泰補授  
所有阿迪斯長子三等侍衛兼頭等輕車都尉那彥瞻  
次子候補中書那彥柱三子那彥福四子六品廕生那  
彥堪本應革職發往伊犁從前阿桂在雲南軍營獲罪  
阿迪斯兄弟卽曾發遣伊寧不記憶但念阿桂屢著功  
勲久任綸扉恪勤供職不忍將伊子孫多人均令遣戍  
且那彥成現在軍營出力今那彥瞻等卽係那彥成嫡



堂兄弟因此格外加恩免其發遣俱著革職在家閒住其阿迪斯承襲公爵及那彥瞻所襲車馬尉世職俱係阿桂所得並著該旗於年終照例辦理

嘉慶五年四月十一日

奏為敬陳感懼下忱事昨經額勒登保恭錄

諭旨一道移送前來知 伯父阿迪斯奉

旨革職等因聞

命之下實深惶悚伏思 祖孫父子兄弟渥受

聖恩 伯父阿迪斯仰蒙

簡任用為成都將軍當此用兵之際輒以腿疾

那文毅公總統陝西軍務奏議

卷四

九

奏請解任冒瀆

聖聰負罪實深 跪誦

諭旨五中愧懼踴躍靡安 係阿迪斯之姪惟當奮勉勤

賊冀為 伯父稍贖愆尤再 准部咨四月初三

日奉

上諭阿迪斯長子那彥瞻次子那彥柱三子那彥福四子

那彥堪本應革職發往伊犁但念阿桂屢著功勳久任

綸扉恪勤供職不忍將伊孫多人均令遣戍且那彥成

現在軍營出力今那彥瞻等係那彥成嫡堂兄弟因此

格外加恩免其發遣俱著革職在家閒住欽此伏念

家世受

國恩至優極渥阿迪斯身獲重罪那彥瞻等本應發往伊

率仰蒙

聖主恩慈

垂念 祖阿桂曾著勲勞不忍悉行遣戍且因 現在軍

營帶兵那彥瞻等係 嫡堂兄弟

特加原宥免其發遣凡此

推恩赦罪實非夢想所敢期 跪誦

恩綸感激涕零尤深悚惕謹

奏

那文毅公總統陝西軍務奏議

卷四

十

嘉慶五年四月十九日軍機大臣字寄奉

上諭那彥成奏聞知阿迪斯率同白陳感懼一摺阿迪斯

既經獲罪所襲公爵業已退出那彥成或以將來襲爵

時那彥瞻既不應承襲那彥寶位分自不及那彥成伊

必坐襲公爵不係乎勦賊立功與否若存此卑鄙之見

即是無福承受朕恩那彥成如果為國宣力著有勳勞

另應酌賞豈不更為榮顯且功名自有定數不可稍存

覬覦之念惟當以勦賊為亟耳勉之慎之至福寧向額

勒登保呈遞之件前已據托津奏到降旨令德楞額泰勒

保查辦矣



恭錄

聖製詩

經畧額勒登保奏報殲斃首逆龐洪勝窮勦匪眾千餘名又巡撫台布奏報在鳳縣堵禦各情形詩以紀

事

賊之長技恃挺走南山依險遁逃蔽折回商維復西奔出

沒七十二峪口前據總督長麟奏報南山北面共有七十二峪口經畧雄師沿路

搜兩甄直壓紅炭溝逆匪欲遁無路千餘邪孽皆殲囚

據額勒登保奏報追剿伍金柱大股匪眾於五月十二日

執獲賊探訊出賊眾已奔銅錢寨屯紮大兵分路抄赴石

子嘴紅炭溝等處隨路擊斃四百餘人賊匪經數路兜圍

翻山亂竄官兵復併力趕殺十餘里斃賊一千餘名生擒

那文毅公總統陝西軍務奏議

卷四 十一

五百五十 龐姓首逆係新附自舍田盧趨死路哀矜勿喜

養仁心憫彼癡愚遭劫數嚴訊獲賊揚六燕等據供此股

洪勝湖廣人三月進營與伍金柱合夥眾人聽他號令所

爭龐有兒卽是其子又龐有兒供龐洪勝在洵陽縣西舍

河居住家屬共二十七口前後被官兵打死散隨認出

龐洪勝並老教頭王者子各首級屬實龐洪勝本有家業

棄產附賊自取破亡前竄邪匪抵黑河幸有兵勇齊揮戈

豈其數應遭劫耶

勦堵併力志聯絡何難一鼓除么膺據台布奏報戴家營

河及洋縣地方經各將領緊躡追至並有斬獲詳察各要

隘分路截勦堵遏不令闖入棧道及西面之嶽縣兩當南

面之界陽沔縣亦合機宜連日大兵屢獲勝仗并力勦辦

聲勢連絡事機大順不難掃蕩餘邪敬感慈佑禱

祝彌 五年征討未歲事寸衷夙夜增惶愧敬願

上天赦照黎庶繼我

考愛民志

嘉慶五年閏四月初十日

奏為瀝情陳奏事臣欽奉

上諭據那彥成奏聞知阿迪斯拏問自陳感懼一摺阿迪

斯既經獲罪所襲公爵那彥瞻既不應承襲那彥寶位

分自不及那彥成伊必須坐襲公爵不係乎勦賊立功

與否若存此卑鄙之見卽是無福承受朕恩那彥成如

果為國宣力著有勲勞另膺爵賞豈不更為榮顯功名

自有定數不可稍存覬覦之見惟當以勦賊為急勉之

慎之欽此查額勒登保遵

那文毅公總統陝西軍務奏議

旨抄錄傳知三月

上諭一道聞有阿迪斯革職拏問一節臣奉到後卽將感

懼情形具奏臣備員樞禁卽如在京面承此

旨本應立卽碰頭認罪今在軍營聞之自當於奏事報便

附陳若明知胞伯獲罪竟無一語提及問心實屬

不安臣拜摺時原未妄存覬覦亦未思及有嫌可

避耿耿此心可以上對

聖主竊念臣仰蒙

聖恩拔擢成全時時勉以公忠大義凡在京在外俯奉

訓諭時刻未敢去心今聞胞伯身獲重罪並不畏懼



天威繫念家運輒以阿迪斯革職拏問為幸妄思襲爵臣

如此居心不肖何以自立於人世且臣年齒甚輕

果能稍有成就自必身受

渥恩若惟知私利是圖自虧心術臣雖至愚極陋亦不肯

如此卑鄙上負

教訓成全之意臣素性愚拙向知廉恥

聖明在上臣亦不敢嘵嘵道辯伏乞

皇上原情詳察全臣為人顏面感激

聖慈實無紀極謹

奏奉

那文毅公總統陝西軍務奏議

卷四

三

硃批知道了

覆奏籌畫大局

嘉慶五年四月十一日軍機大臣字寄奉

上諭前據那彥成奏將甘境大股賊匪痛加剿殺帶兵由

甘入陝與額勒登保會剿陝境賊匪距今已踰旬日未

據續有奏報本日據魁倫勒保奏川北境內有鮮大川

一股竄至儀隴地方又有龍紹周唐大信兩股竄入太

平縣境又有湯姓一股竄入大竹縣境此數股賊內鮮

大川一股本與苟文明在陝省安康境內滋擾現復由

巴州竄至儀隴其龍紹周唐大信兩股係由陝西茨蓬

溝竄入太平縣境是川北賊匪股數尚多半係由陝

那文毅公總統陝西軍務奏議

卷四

西

西竄入計此時額勒登保那彥成俱在陝境剿賊中隔

老林或係得有勝仗將賊匪逼入川境或竟係老林藏

匿之賊潛由小路竄出而額勒登保那彥成因有老林

間隔全不得信俱未可定川北地方現無大員堵剿或

該處原設堡寨有被賊匪攻破以至紛紛四竄剿辦益

難不可不急為勦捕前曾有旨令德楞額專辦川西之

賊魁倫防守潼河勒保專辦川北之賊各路俱有大員

督辦詎料魁倫防守不嚴川西賊匪竄過潼河已將伊

平職拏問合勒保督辦川督與德楞額分勦潼河以東

之賊今據魁倫勒保奏賊匪被勦緊急仍由太和鎮竄



回潼河以東現係勒保在彼營辦而德楞泰尚在潼河  
 以東勦辦分股竄匪均不能前之北額勒登保那彥  
 成一係經畧一係參贊川陝賊匪皆應合籌會勦如陝  
 省現在得有勝仗此時川北各股即係陝省竄敗之賊  
 自應乘勝跟蹤追勦前經屢降諭旨無論何處賊匪均  
 應在本處勒淨今賊匪既由陝竄出伊等已難辭咎若  
 將賊匪趕出陝境即置之不顧則獲罪更重矣若賊匪  
 係由老林潛竄額勒登保那彥成尚未得信於奉此旨  
 後應公同商酌額勒登保係總統督辦之員仍留在陝  
 境督勦那彥成即酌帶兵力前赴川北勦辦儀隴太平  
 那文毅公總統陝西軍務奏議 卷四 五  
 大竹等股賊匪庶川北陝西皆有大員督辦可期迅速  
 集事若伊二人必須在陝合勦亦當於鎮將大員中選  
 擇一二員派領帶兵速赴川北以資勦辦再川陝老林  
 為賊匪遁逃之數向來賊匪一入老林官兵即不復追  
 趕自昨歲那彥成督兵赴陝後親身帶兵深入老林追  
 逐數月殺賊不及一二百名惟據奏稱該處山徑險澗  
 樹木深密以至力不能施展又任賊匪竄出迄無功效  
 今奏賊匪竄至甘境平地那彥成始能大加勦殺連獲  
 勝仗可見賊匪既入老林官兵長技即無所施此時老  
 林內竄聚之賊諒必不少額勒登保那彥成更當熟籌

那文毅公奏議 卷四

受辦總須將賊匪由老林竄出路徑先行派兵嚴密堵  
 截一面分派鄉勇前入老林將賊匪轟出俟其覓路奔  
 竄大兵即奮力截擊方可收以逸待勞之效不可又如  
 昨冬將官兵悉行帶入老林跋涉險峻徒勞無益也  
 嘉慶五年四月十一日會同經畧大臣額勒登  
 保  
 奏為遵  
 旨通盤籌畫實在情形剴切敷陳事竊臣等欽奉三月十  
 三日  
 諭旨額勒登保身為經畧陝甘川楚皆伊統轄陝境將領  
 那文毅公總統陝西軍務奏議 卷四 六  
 皆應在經畧大營聽候調派何僅以防守地方為詞竟  
 不向有賊處分勦如有虛言推卸不聽調者即傳旨鎖  
 拏解京正法勦賊之事如醫之治病若不及早改治病  
 患日深元氣日耗即欲大施攻補均已無及茲特再行  
 申諭額勒登保那彥成等將陝甘勦賊之事通盤籌畫  
 各股賊數若干兵力共有若干必須如何布置何時始  
 能辦竣為一舉成功之計辦賊無過兵餉二端此時調  
 兵為數不少若再添兵遠省則緩不濟急自不如多募  
 鄉勇以資協助若需多添餉項此亦無可吝惜與其遷  
 延時日而費多不若併力一舉而費省今年節氣雖遲

一四三



然剿賊喫緊之時亦惟在四月閏四月之內著額勒登保那彥成等接奉此旨自定限期若再不能同心併力自踐其言老師糜餉罪與邪教等朕必執法從事若自揣不能勝此重任竟無把握亦不妨據實陳奏欽此

等跪誦之下仰見我

皇上廬念軍務

宵旰焦勞

訓諭詳務求良策臣等身為經畧叅贊不能早平賊匪

為

聖主分憂愧懼交深難安夙夜何敢以他詞藉口有意藉

那文毅公總統陝西軍務奏議

卷四

七

延惟是剿賊易而平賊難從前辦賊者未經通籌全局僅係逐股辦去寸寸節節為之此股勢衰他股復熾及移師往剿他股敗殘餘匪旋又勾結增多故五載以來未嘗不擒戮渠魁未嘗不痛殲賊眾而顧此失彼迄未悉數蕩平况軍營將領兵丁原難一律並非有一將皆能帶兵有一兵皆能殺賊亦非非得有數次勝仗即可尅日成功臣等再四商酌若不定剿賊之局似難定滅賊之期以目下情形而論非特更令以前不能竣事且恐為患蔓延更屬無從措手伏讀

諭旨以剿賊譬之治病實為切喻此等竄匪為患雖非危急之症然輾轉流毒耗散元氣受病不覺日深必須察視病源施治方能有效此時病源總在賊能多分股數而我兵力單暫分仍合賊能到處竄逃而我兵不敷調派不能處處邀截欲制分竄之賊惟有分路添兵最為要著茲蒙

訓諭以辦賊在兵餉二端多費亦所不惜並

諭令將陝省將領調派分剿仰見我

皇上睿謨廣運

至聖至明實深欽佩悅服臣等曉夜籌思本欲酌定辦法

那文毅公總統陝西軍務奏議

卷四

六

奏請添兵又以身當重任近於推諉畏難再四躊躇尙未瀆陳

天聽今蒙

聖訓如此明切敢不盡心籌畫據實奏明上副

垂詢諄殷至意竊維辦理賊匪無過剿堵兩法而二者之

中剿賊尤為緊要即如陝西現有賊匪如王廷詔

楊開甲辛聰辛斗張添倫戴掌櫃伍金柱黃三輔

趙世泰張世龍劉添成曾姓龐國勝冉學勝等或

合為數股或分為十數股到處皆可滋擾並無得

力重兵攔截追剿核計陝甘兩省征兵及他省調



至者為數原有二萬餘名此內陣亡病故及患病  
遣回者已屬不少又有奔走疲乏患病留養及怯  
懦無用之山西等處兵丁徒糜糧餉並無實濟所  
存打仗之兵現惟臣額勒登保所帶兵四千一百  
餘名臣那彥成所帶兵四千七百餘名屢得勝仗  
士氣較為振奮此因臣等親身督率秉公懲勸所  
致然臣等兩人才力心思豈能算無遺策實仰賴  
聖主恩慈倚任呼應較靈將士皆肯用命若他路將領並  
無得力重兵出色將弁嚴催勦賊每致踈虞失利  
督催稍緩又不能痛勦至新募之兵未經訓練尤  
那文毅公總統陝西軍務奏議 卷四 九

俞允侯調到軍營時與舊有之兵派出三路分勦每路約  
撥兵四五千名令恒瑞楊遇春慶成分帶此三人  
熟悉軍務奮勉向前均可獨領一路臣等仍就近  
督催稽查稍有怠玩即行嚴察治罪如此布置陝  
省有五路重兵每路之中又可時分時合賊蹤所  
至總有官兵截勦不能再逞牽綴詭計大局辦定  
自可次第成功臣等仰蒙  
聖主天恩畀以經畧叅贊之任日深惴惴晷刻難安自揣  
才力智能實不能膺此重寄今既身在行間即屬  
責無旁貸盡此心力辦去冀於軍務有絲毫之益  
那文毅公總統陝西軍務奏議 卷四 十

不足恃今祇有臣等兩路之兵勦辦多股之賊日  
事奔馳徒疲兵力而無兵追勦各股仍可往來游  
奕黨與又復增添若募鄉勇協助未嫻紀律所得  
口食轉較兵餉為多自不如仍調得力官兵將疲  
乏怯懦之兵撤回使一兵得一兵之用方不致虛  
糜糧餉查前調廣東廣西兵五千名早經豫備仍  
懇  
聖恩飭派前來廣東陸路兵丁較多並懇於原調五千名  
外再調兵八千名速令一併來陝勦賊所有派調  
新兵如蒙

謹就愚庸之見冒昧直陳恭請  
訓示目下添調之兵未到臣等惟有儘現在兵力認真進  
勦斷不敢因有此奏稍有怠緩縷縷愚忱自荷  
聖明洞鑒謹  
奏  
嘉慶五年四月十九日軍機大臣字寄奉  
上諭額勒登保那彥成覆奏通盤籌畫情形並稱陝西現  
有賊匪如王廷詔楊開甲等或合為數股或分為十數  
股到處皆可滋擾等語祇將賊匪姓名羅列而於某賊  
在某處滋擾之處及賊數大約現有若干並未逐一聲



敘至所請廣東陸路兵丁較多懇於原調五千名外再  
調八千名速令一併來陝一節前經降旨令額勒登保  
添調黔兵三千名旋據覆奏以陝省賊股雖多若那彥  
成帶兵回陝即足敷用無庸添派黔兵今那彥成已與  
額勒登保會合何以輒欲於廣東廣西備調兵五千名  
外又欲添廣西兵至八千名之多豈不與前奏大相矛  
盾且額勒登保前奏祇帶兵一千六百餘名今又稱有  
四千餘名前後種種不符可見此次添兵奏摺必係那  
彥成之意額勒登保不過附和其說何茫無定見若此  
况粵東相距遙遠添調多兵必須兩三月方能到陝豈

那文毅公總統陝西軍務奏議 卷四 三

此兩三月中伊等竟在彼坐待雖指內有不肯等候新  
兵之語但亦不過虛詞藉塞據稱不但夏令不能竣事  
恐賊勢蔓延無從措手等語顯係欲遷延過夏始行辦  
賊此則斷斷不能粵東之兵緩不濟急山西本有備調  
之兵伊等以為無用但聞大同一帶之兵頗為趨健又  
有甘涼一帶兵力素為強勁著額勒登保那彥成飛咨  
長麟速調甘涼兵二千名來陝協剿伊等得此生力多  
兵儘可奮力截剿計彼時川北及川西零星賊匪俱當  
剿盡德楞泰又可率領勝兵一同至陝剿辦較之額勒  
登保那彥成現請添調兵數轉多且又得力豈不事半

功倍乎總之閏四月以前必須將陝境一律廓清斷不  
可萌延至秋間之想現在德楞泰帶兵赴川屢獲勝仗  
將潼河東西兩岸之賊悉數肅清現又趕赴川北剿辦  
餘匪實為出力額勒登保那彥成聞之寧不自愧勵且  
朕於德楞泰屢欲厚加恩賞因伊二人尙無克捷好音  
若將德楞泰驟行加恩恐於伊二人顏面有礙故爾遲  
遲是朕於德楞泰尙未酬庸深以為歉即係為伊二人  
稍留地步額勒登保那彥成不可不知朕委曲成就之  
恩感激奮興速圖勦賊若再不知愧勉朕亦不能顧伊  
二人顏面轉將德楞泰之賞抑而不行也

那文毅公總統陝西軍務奏議 卷四 三

嘉慶五年四月十一日會同經畧大臣額勒登  
保 奏為會商勦辦陝中賊匪情形事竊 臣 額勒登保昨由  
茅坪一帶追剿賊匪於本月初十日行抵洋縣之  
水田坪 臣 那彥成自甘赴省取道畧陽漢中一帶  
亦於本日來至水田坪會晤查陝中各股竄匪節  
據探報總在五郡鎮安石泉漢陰等處深山老林  
出沒滋擾 臣 等公同商酌 臣 額勒登保督兵自西  
抄至五郡鎮安之東北進剿 臣 那彥成自西出石  
泉漢陰至東南進剿恒瑞現在帶兵一路在商州



鎮安等處並即知會由東而西而來三路併力  
遇賊即勦但查賊匪勦盡三竄遂而走險亦難保  
其不致逸出我兵儘力追趕一經三竄即或設法  
兜截究恐緩不濟急此時所最可慮者在東竄豫  
省凡豫陝交界之處臣額勒登保先經飛咨吳熊  
光速派兵勇擇要堵禦想該撫接信後自必嚴防  
應請

旨勅下該撫督率將領兵勇等加意偵探務以扼絕賊竄  
豫境爲要至從前賊匪自川竄陝自陝竄甘多因  
棧中要害之處未能嚴備所致現在甘省業已無  
那文毅公總統陝西軍務奏議 卷四 三

賊如南棧之鐵索關新集等處不惟可以杜陝省  
折竄之賊且可使川匪不能竄出今擬派提督王  
文雄總兵札勒杭阿在彼堵截北棧之留壩江口  
方柴關等處要隘甚多今擬派總兵索費英阿長  
春汪啟等在彼分段堵截再各省徵調官兵無非  
爲勦賊之用况陝甘二省更可無分彼此必須合  
兩省兵力分段布置方能聲勢聯絡而各該鎮將  
於分段後果能協力同心於賊未至之前互相偵  
探賊將至之際交相截擊以堵爲勦定無疎虞且  
賊蹤無定亦不可株守一隅又查該提鎮等所帶

官兵雖屬防堵而隨時紮營立卡與賊相通實與  
征兵無異所有鹽糧及應用之軍火等項仍須一  
律運供毋致缺乏該提鎮等庶可盡力辦理將來  
何處疎失卽遵

旨解京治以重罪亦無可藉口臣等已將此各情節詳晰  
札致長麟並飭各提鎮均聽長麟調度官兵不  
敷前經長麟奏明召募新兵自己妥爲趕辦臣等  
刻在陝境似此勦堵兼施當可期於得手又近接  
德楞泰來信於賊匪竄過潼河後帶兵趕勦將逆  
賊雷四旺等殲斃餘家斬獲甚多勒保並帶領黔  
那文毅公總統陝西軍務奏議 卷四 三  
奏  
兵數千前往合鞏川西地方庶不致再有滋蔓謹

嘉慶五年四月十二日軍機大臣字寄奉  
上諭陝境各股賊匪現尙不致鴟張但昨據魁倫等奏由  
陝竄入川北各股賊匪甚多而鄖西地方亦據倭什布  
等奏有賊匪闖入自因陝境之賊被勦緊急其在南山  
屯聚者就近竄往川北而洵陽鎮安一帶賊匪就近竄  
往鄖西並未見額勒登保那彥成在陝西境內勦淨一  
股伊等節次具奏軍營打仗及殺賊數目自俱係實情  
斷不致以無爲有以少報多但額勒登保那彥成在甘



省時斬獲雖多而額勒登保剿賊之賊仍由峽陽逃至  
陝境那彥成勦餘匪亦由白水江關入龍安皆不能  
全股辦竣竟如未曾接仗以致東奔西竄迄無了期此  
等教匪俱係內地奸民非如外域可比但在討外域我  
兵殺伊一人伊部落即少一人若賊匪到處裹脅原無  
一定數目如官兵今日殺賊百人賊匪逃往他處明日  
裹脅百人或千人俱未可定而我兵祇有此數遇有傷  
亡員弁即少一人是賊匪雖日殺而不見少我兵即日  
增而不見多何時始能竣事耶自勦辦賊匪以來已及  
五年朕親政復籌辦軍務亦一載有餘而賊匪尙未辦

那文毅公總統陝西軍務奏議

卷四

三

竣試思我

皇考平定新疆拓地二萬餘里然用兵不過五年遂將從  
古未入版圖之地悉行戡定至今寧謐朕之運籌謀畧  
實遠不逮

皇考時深兢惕至從前大臣克奏膚功榮膺爵賞人才輩  
出今額勒登保那彥成均係滿洲大臣辦此內地亂民  
豈不思迅速成功甘讓前人專美獨不愧於心乎倘因  
循玩愒日復一日必至罷斥治罪更復成何事體現在  
防堵之事已責成各督撫認真辦理額勒登保那彥成  
一係經畧一係參贊務當通盤籌畫胸有把握豫料賊

匪欲窺何處或先期派兵埋伏或親身前往迎截使賊  
匪不能出其範圍庶可以次殄滅若算計皆落賊後僅  
以跟蹤追剿為事則賊匪輾轉奔逃焉能制其死命況  
各省境壤毗連在地方文武已不能稍存畛域之見若  
經畧參贊則數省軍務皆應妥籌全局悉心布置豈有  
將賊匪驅逐由此至彼即云辦賊若在陝言陝則竟成  
陝省之經畧參贊矣前因川北地方空虛無人辦賊已  
降旨令那彥成在彼勦捕此時陝省賊勢就衰那彥成  
竟當遵照前旨酌帶官兵速赴川北其陝境之賊專交  
額勒登保督辦彼此熟商或勦或堵務須籌畫萬全總

那文毅公總統陝西軍務奏議

卷四

三

期閏四月以前一律辦竣毋得再有遲延致干咎戾  
嘉慶五年四月十九日軍機大臣字寄奉

上諭那彥成自本月初一日奏到在卡狼寨打仗情形後  
已及兩旬未經續有奏報朕心刻深盼望日夜焦切今

日額勒登保與那彥成聯銜報到之摺朕以為必係在  
陝西與漢一帶打仗殺賊及加披閱祇係額勒登保那

彥成在洋縣會合商辦分勦陝省賊匪並未與賊接仗

所稱會商勦辦額勒登保督兵自西抄至五郎鎮安之

東北那彥成亦自西由石泉漢陰至東南進剿恒瑞在

高州鎮安等處由東面向西而來三路併力勦賊此時

殊殊

待勝情形

朕二十餘年所辦軍務文成武遂矣

况伊二人



最可慮者賊匪東竄豫省先經飛咨吳熊光加意偵探

堵扼竄匪等語所辦荒謬之至陝省賊匪惟恐闖入豫

境額勒登保那彥成當以截住東面為目前第一要路

乃經畧叅贊均由西面進剿轉驅賊匪向東奔竄而東

面僅有恒瑞國霖二人在彼豈能遏賊全力衝突勢必

闖入豫境額勒登保那彥成之意業經咨明吳熊光在

豫省邊界防堵猶恐吳熊光防堵不力請降旨嚴諭該

撫多派兵勇實力堵禦是二人亦知東面不足深恃無

論賊匪由豫省北趨密邇直隸即以賊匪滋擾之處而

論豫省兩年以來賊踪不至茲逼令北趨使豫省復遭

那文毅公總統陝西軍務奏議 卷四 三

蹂躪該處係平原繁富之區賊匪得以肆行搶掠裹脅

自必日多試思賊匪竄入甘省地瘠民貧之區尙致搶

掠驟馬裹脅多人勦辦三月方能驅出若竄至豫境辦

理豈不更為棘手耶陝省賊匪伊等原應在陝省辦竣

即或豫籌賊匪去路必不得已亦當逼往川北及甘境

地方額勒登保那彥成何不一面咨會德楞泰在川北

邊界防堵一面咨會長麟在甘境堵禦以防賊匪被勦

緊急或竄至該處豈有將官兵全力自西而東轉令豫

省者重將堵賊之事全交吳熊光轉不令陝省督撫在

本境堵勦賊匪一入河南勢必益加散漫伊二人併

力令賊北趨是誠何心豈竟欲朕親統八旗勁旅始將

教匪勦淨彼時即將東面帶兵之恒瑞國霖及守土之

吳熊光並額勒登保那彥成等俱立置重典於事有何

裨益耶額勒登保那彥成俱著傳旨嚴行申飭現在陝

省竄匪股數甚多川西賊匪業經德楞泰勒保痛加勦

殺餘匪仍折回川北已令德楞泰到彼勦辦那彥成竟

不必前往川北此時惟當速圖攻討與額勒登保彼此

熟商於伊二人內分一人速赴東面與恒瑞國霖等扼

住賊匪竄豫之路如賊匪被勦情急竄往川北甘省尙

可令伊二人立功自贖如竟令竄近豫省不但恒瑞吳

那文毅公總統陝西軍務奏議 卷四 天

熊光難辭重咎必將額勒登保那彥成一併拏問治罪

另派大員接辦或朕親征其時伊二人即欲自効行間

亦無及矣

嘉慶五年閏四月十四日軍機大臣字寄奉

上諭額勒登保奏帶兵追截賊匪情形一摺據稱官兵在

分水嶺地方隨勦隨進追殺八十餘里斃賊二百七十

餘名且自三更發兵行走一百五十餘里攀援直上踰

越溝嶺並因天晚力乏暫於魯家岩露處等語閱其所

奏官兵似此備極勞苦將領等亦不避艱險實為可憫

但辦理總不得要領徒勞何益即如此次追勦賊匪官



兵由朱溝梁一帶進發遏賊前竄西北之路而賊匪又折向分水嶺迤往老林雖經官兵躡蹤追殺但訊據獲犯有賊匪張世龍等商量如官兵追緊轉向藍田再入老林之供迨額勒登保等於初四日追至華陽始出老林又因糧米不能接濟暫行駐劄敗殘餘匪復向茅坪一帶奔逃而五郎一帶尚有別股賊匪並有合夥竄入深山之勢是額勒登保雖竭力勦辦而賊仍得依恃老林任意出沒額勒登保係屬經畧由甘入陝為軍中第一大帥其追擊之賊僅係一股殘敗匪徒動為牽掣如此勞苦不能立就殲除其各股著名賊匪又將如何辦

那文毅公總統陝西軍務奏議

卷四

三

理陝省南山一帶雖老林最為深阻易於藏匿但亦必有出入路徑堵賊之法不外杜其竄入竄出二端如果能扼住要隘設法堵禦或將道路挖斷或擇要派令團勇嚴防賊匪烏能出入自如假如遇賊匪竄入老林官兵自不可在老林外閒駐與賊相持即當妥為布置堵其出路或另派兵勇將賊匪轟出賊匪在內無可掠食亦必向外奔竄即可乘機追擊倘賊匪業已竄出老林即當堵其入路不使復行竄往官兵乘其竄至平地之時四面兜截亦可痛加勦殺總應使賊匪既入不得復出既出不得復入庶可收搏擊之效乃各路帶兵大員

每於賊匪竄至平地則以散漫難辦為言而於深山密箐則又稱險峻逼窄難以施展似此動形窒礙藉口因循又安得有既不散漫復不險窄處所待伊等從容辦賊耶至該處老林內容有賊匪若干雖不能得其確數其大概賊股數目自不難約畧而計著額勒登保接奉此旨後將老林內賊匪竄出若干現存約有若干通行發計籌辦至所稱堵者自堵勦者自勦堵者務須逐層圍逼等語實為最要其防堵事宜已節經降旨責成該督撫等實力防範如接奉此旨後老林內已無藏匿之賊即當嚴飭各路兵勇於要隘處所截其再入老林之

那文毅公總統陝西軍務奏議

卷四

三

路若賊仍在老林內奔竄亦嚴飭兵勇截其竄出之路如有防範不力者著即據實嚴參治罪照川省疎縱賊匪竄過嘉陵江潼河之例辦理軍令務在嚴明額勒登保前此辦理一切不無過寬即如吉蘭泰前在白水江一帶防堵任聽楊開甲股匪由虞關闖入甘境其罪甚重額勒登保僅請將吉蘭泰拔去花翎仍留遊擊銜休致回旗試思官員勒令休致祇為尋常無事地方官員年老多病而於公務並無貽誤自可予以休致俾得頂戴榮身若疎縱賊匪玩視軍務亦照常請令休致則軍營人員無所做畏豈能用命此即額勒登保辦理姑息



之一端嗣後當以為戒如有防堵不力之員或令賊匪由老林竄出平地或任賊匪由平地竄入老林俱當查明此股賊匪係由何路踈縱即將該一路疎防之員一面奏聞一面即行鎖拏定擬具奏再此次勦辦教匪已閱四年之久從前帶兵大員因循觀望並不與賊打仗固無足論即如德楞泰明亮等從前奏報打仗殺賊亦係賊至方與接仗從未先向有賊處所截勦又虛報首級捏開賊數而所殺者又係附從裹脅之人以致蔓延日久此實軍營歷來通弊自朕親政後力加整飭帶兵官員等皆知認真打仗而殺賊數目亦不致如前虛報

那文毅公總統陝西軍務奏議

卷四

三

邀功但年餘以來節次具奏所殺賊數或數千至數百名不等是賊勢早當殘蹙而各股竄匪仍在往來奔突勦辦迄無成效朕細思其故總緣賊匪長技在於到處裹脅擇其精壯平日安居飽食者迫之隨行所掠驟馬亦係民人自行喂飼休息膳壯者官兵則往來追勦人疲馬乏勞逸相殊賊匪隨處可以掠食不必攜帶口糧一遇敗逃挺而走險當此炎熱之時即赤身露體皆可乘間竄逸其奔走向為輕捷而官兵則執持軍械攜帶火藥等物已屬累重且軍行餉隨必須糧運接濟方可充腹問遇軍糧到遲即須停待以之躡蹤追擊自常處

於不及之勢似此彼逸我勞返客為主處處總落賊後焉能得力雖近來各路軍營屢有斬獲每次奏到後朕即加之獎賞但伊等與賊接仗惟稱痛加殲戮總未能勦淨一股廓清一路竟如未曾接仗此等賊匪俱係內地奸民非外域可比從前我

皇考平定新疆大小金川及廓爾喀每次奏捷官兵殺賊一人其部落即少一人若教匪於勦敗後仍任到處迫脅則官兵今日殺賊百人而賊匪明日或又裹脅數十人及千人賊數仍屬有增無減是所殺之賊徒有其名而朕之獎賞亦成虛賞即官軍死事者賊匪何日得平

那文毅公總統陝西軍務奏議

卷四

三

豈可不亟思改圖變計耶勦賊之法全在聲勢連絡豫為布置使賊無從奔逸然後合力攻勦始能迅速集事若惟事東馳西逐跟蹤追擊則官兵甫向前追及而賊又已遠去豈能一鼓成擒現在如德楞泰與勒保同在川西彼此信息不通何由併力協勦此即聲勢不相聯絡之明驗今特再行明白宣諭此時總當謀定而戰轉不必因飭催緊急專事跟追殺賊數百人即奏報一次以圖敷衍塞責惟當酌度機宜通盤籌畫勦辦一股賊匪先應確探賊情熟籌形勢將賊匪可以奔竄之處豫行派兵設法堵截互為聲援斷其去路然後大兵近逼



悉力奮擊使賊所到之處皆有官兵攔擋辦此一股卽將此一股悉數殲除勿留餘孽庶可以次殄平額勒登保久歷戎行操守清廉懋著公忠那彥成係軍機大臣自到軍營已逾半載於勦賊情形亦應熟悉且居心公正清漢文皆所通曉伊二人一任經畧一任叅贊勦賊事宜皆其專責尤當悉心籌畫胸有成竹轉不妨詳慎再四卽停待數日布置周妥再行決戰似稍遲緩而辦此一股卽將此一股勦淨機宜轉爲捷速總須處處圖佔先者不落賊人之後則可豫操勝勢昨有旨令那彥成前赴川北與額勒登保雖分兩地但必將堵勦大局

那文毅公總統陝西軍務奏議

卷四

三

彼此會籌聯爲一氣我兵以全力辦賊而賊匪無由奔逸復行裹脅賊勢自必日減而大功可期速竣矣

嘉慶五年四月十八日軍機大臣字寄奉

上諭前據那彥成奏追賊至卡狼寨地方痛勦賊衆殲擒賊匪多名餘匪由卡狼寨南竄前係大山老林無多攔截卽可折入川境總兵百祥現在龍安境內帶兵駐守堪以就近截殺彼時朕披閱之下甚不愜意惟因那彥成帶領將弁等翻山衝冒雨雪甚屬勞瘁且能殺賊多名並救出被圍堡內男婦萬餘人若復加之責備未免過於求全朕心實不忍是以未加懲誡然亦不予獎賞

那文毅公總統陝西軍務奏議

卷四

三

茲據德楞泰等奏稱派防龍安鎮兵百祥等稟報自甘境竄入南坪之賊初三日已過象鼻關在平武縣屬葉棠堡一帶焚掠番衆驚逃薛土官不知下落初六日有賊一二千名在水晶堡躡水過河直上黑水溝一帶焚掠竄逸並另有一股賊衆由文縣竄入南坪勿各寨屯聚各等情此股賊匪闖入川境邊界擾害地方皆由那彥成追賊至卡狼寨時不將餘匪勦盡以致高二馬五等賊擾及川境除川境防堵各員另行查辦外那彥成從前辦理不善之咎實所難辭自當示以薄懲所有那彥成前在隴州龍山一帶打仗殺賊交部議敘軍功加一級紀錄二次之處著改爲尋常加一級其紀錄二次一併註銷嗣後那彥成於勦辦賊匪務須將現辦一股勦除淨盡不使餘匪逸至他處復有蔓延此爲最要



分水嶺之捷 附恭謝 天恩

嘉慶五年四月二十日

奏為分水嶺截物伍金柱大股賊匪首逆受傷擊斃賊

日劉元帥恭摺奏

聞事竊 臣 前與經畧額勒登保相晤當將分路截物緣由

會摺具

奏在案 臣 由石泉漢陰境內迅速趨行聞伍金柱曾柳

大股賊匪與自甘竄來之楊開甲南山新起之龐

國勝等合為一股在洵陽山陽鎮安交界各處滋

擾勢甚鴟張隨取捷徑由恒口翻山前進過黑虎

那文毅公總統陝西軍務奏議 卷四 三

廟古木嶺紫汗嶺梅子嶺等處山高路險多有牽

馬步行之處每日行走總在百里以外二十日至

表德舖探明大股賊匪在分水嶺一帶屯聚是日

又有一小股賊匪竄來合夥分水嶺為鎮安要路

距營七十里 臣 卽於二十七日酌留兵丁看守營

盤挑選奮勇兵丁三鼓進發黎明行抵黃龍舖遇

賊探馬數十人迎頭截殺緊趕前進適遇賊匪迎

來我兵直前奮擊追殺二十餘里殺賊三十餘名

及抵分水嶺復有大隊賊匪據險排列預備拒敵

該處南而北面大山環抱連接支嶺二重均高十

餘里地勢極為險峻賊匪佔據三面山梁夥黨甚

衆復分鎗手矛手四股迎至半山 臣 將所帶兵勇

亦分四路合札克塔爾綸布春桑吉斯塔爾慶成

帶領 臣 別帶一隊在一小包上堵住抄截之路接

應各兵賊匪恃其人衆火器較多開放連環拚命

下撲山上賊匪滾落巨石吶喊助勢綸布春桑吉

斯塔爾兩路由右手進攻槍上支嶺衝壓三次鎗

箭齊發殺賊三百餘名札克塔爾慶成兩路由左

手進攻山尤險仄賊匪甫將鄉勇壓下甘涼固原

兵丁衝冒鎗石爭先競上攬殺一處賊匪見我兵

那文毅公總統陝西軍務奏議 卷四 三

勇猛撤退里許又復衝壓往來數次札克塔爾從

嶺旁斜坡衝上慶成急帶王延年等數人搶住山

梁我兵一齊競進賊匪抵敵不住遂將左手支嶺

奪據殺賊四百餘名維時四路官兵雖已攻得支

嶺而大梁上三面賊匪尙在我兵之外復抄下一

股餘匪欲截兵之後見 臣 所帶官兵先已有備堵

住來路遂卽奔回官兵與賊力戰良久自卯至酉

賊始全行敗退分作三股奔竄官兵追過大山時

已酉末探聞賊匪大夥竄向西南遂帶官兵回營

探明賊蹤卽就近赴西南進剿此次共殺賊七百



餘名奪獲大礮二尊投出難民男婦三百二十名口俱經釋放其臨陣生擒賊匪十四名內有杜相係掌旗賊目李自金久在賊中深知賊情訊據供稱此股係伍金柱等大股還有伍懷志曾姓分管眾賊劉元帥總在前面打仗自搶渡漢江至南山擄人甚多近在鎮安破了幾處巖洞又有洵陽同教龐國勝等帶二千餘人投入賊營楊開甲等一股及南山舊有一小股俱已合夥總要向河南湖廣奔竄因山陽有兵堵截要想從鎮安縣城繞道東竄今被官兵勦敗自必折回等語正在訊問又

那文毅公總統陝西軍務奏議

卷四

三

有續行投出難民徐延福一名據供我在鎮安黃龍舖住家四月十九日被賊裹去燒火做飯二十一日官兵打敗賊匪後是夜聽見賊棚內眾人嘆說自過漢江從未喫此大虧此次折傷數百人伍元帥受傷甚重又無醫生六元帥亦被礮打死我因賊看守稍鬆連夜逃出等語質之杜相李自金各處口音不同所以稱呼不一餘無要供當將杜相李自金及生擒賊匪俱卽正法伏查伍金柱曾柳一股最為狡猾黨與約二萬餘人在南山內東

南一帶滋擾日久焚掠甚慘民間耕種失時田畝多已荒蕪山西本多習教之人又兼乏食如龐國勝之新起附賊者實繁有徒現在已被我兵截勦並據難民活賊供明首逆得受重傷賊目劉元帥業經礮斃但賊黨尚眾仍須併力痛勦必須先將此股撲滅方不致日久蔓延額勒登保現在鎮安以東勦賊相距尚不甚遠擬與會合籌辦務期合力勦淨此股於大局更有裨益謹

奏

嘉慶五年四月二十三日軍機大臣字寄奉

那文毅公總統陝西軍務奏議

卷四

三

上諭本日據國霖奏南路大股賊匪約萬餘人已竄至鎮安之王蟒山又一股數萬人竄至該縣之亂石害又有小股千餘人竄至東路之黃龍舖等語是賊匪大勢均向東竄額勒登保那彥成前次奏報之摺必係聞有賊匪東趨信息始帶兵自西赴東面進勦自知已落賊後故一面飛咨豫省防堵一面奏請諭令吳熊光上緊堵截預為站脚地步其辦理遲緩之咎欲蓋彌彰茲賊匪大股悉數東趨至鎮安商州一帶國霖帶兵不過千餘豈能遏其奔竄之路恒瑞本係在鎮安一帶堵勦何以未見與賊接仗此時究在何處卽著額勒登保等查明



據實具奏至額勒登保那彥成到陝後並未與賊接仗一次又不能妥為安置以致賊勢日漸東趨伊等屢云賊在老林今如此肆行奔逸尚得云仍在老林乎若再不設法繞至賊前悉力堵截豈竟欲縱令賊匪竄過豫省耶伊等既已遲緩於前應急思補救於後此時伊等若能在陝境辦竣賊匪固屬甚善否或將大股之賊截向西南或奔赴川北或逼至甘省尚可容伊等勒賊白贖亦不治伊等調度失宜之罪若竟聽賊匪竄入豫境則伊二人之罪斷難輕恕較魁倫尤重矣稟之稟之現已降旨於直隸調兵二千名山東調兵一千名並將前

那文毅公總統陝西軍務奏議

卷四

五

次山西備調之大同鎮兵二千名令其迅速前赴豫省交吳熊光帶領嚴防東面額勒登保那彥成總當就現有兵數繞赴賊前奮力堵截堅持定見不可心忙意亂轉致毫無把握如賊匪離豫漸遠伊等所帶之兵不敷勦辦則現赴豫省之五千兵尚可調赴軍營應用若此時西路再行添兵勢必更將賊匪逼向東面豫省更為著重所有新調之直隸山西兵丁目下總以防堵豫省為急不能分給額勒登保等應用也

嘉慶五年四月二十九日軍機大臣字寄

上諭那彥成奏截勦伍金柱大股情形一摺覽奏俱悉已

於摺批示前次額勒登保知陝省東面緊要帶兵趕赴鎮安一帶兜勦此次那彥成探聞伍金柱等大股之賊在洵陽山陽鎮安交界各處滋擾亦知陝境東面甚關緊要即統兵由捷徑趕往督率綸布春慶成等奮勇進攻奪據支嶺賊匪敗退分作三股奔逃復經官兵追至大山共殺賊七百餘名大夥賊匪竄向西南所辦俱好但西南係屬何處地方摺內未據聲敘現在那彥成探明賊蹤即就近赴西南進勦務須乘勝直前設法抄圍裹截速將此股賊匪上緊勒除斷不可令其東竄豫省亦不可逼令入楚境現在長麟台布在西南兩面扼住

那文毅公總統陝西軍務奏議

卷四

四

賊匪去路額勒登保由東北緊躡賊蹤前有攔截後有追兵賊自無從他逸可望一鼓殲除至陝省賊匪奔竄地方及現在何股賊匪係何人勦辦陝境州縣與楚豫二省州縣交界地方相距若干里著額勒登保等按照方向繪一簡明地圖附報進呈以備查閱再恒瑞前據截勦伍金柱等大股賊匪恐其奔竄商維即帶兵由山陽一帶抄截今那彥成所奏亦係伍金柱一股何以未見恒瑞帶兵夾擊又聞霖前奏在商州軍嶺地方將賊匪截回本日吳熊光奏稱賊匪竄入商州國霖等不能攔住或係國霖前奏不實或又係一股賊匪竄至國霖



未能截回均著額勒登保查明具奏再賊匪每遇官兵打仗總令裹脅難民在前其精銳在後官兵直前勦殺多係裹脅之民而賊匪轉得乘空奔逃未得痛加殲戮其故皆由於此必須將裹脅之人先行解散方能專注賊匪精銳併力進勦嗣後領兵大員臨陣殺賊時多備大小布旗上書奉旨投出者免死字樣或於陣前豎立或令兵丁分執高聲宣諭俾難民等知有生路自必相率來歸不致爲賊匪代搜鋒鏑至賊前徒手之人自係裹脅難民原可立時收撫即使本係賊匪而臨陣棄械者亦准投出若持械抗拒官兵卽實係裹脅難民無從

那文毅公總統陝西軍務奏議

卷四

四

區別亦當痛加勦殺如此設法辦理亦解散賊黨之一策額勒登保那彥成等當遵照妥辦行之以資

嘉慶五年四月二十四日

命革去花翎奉

上諭長麟等奏移兵江口分段防堵情形種種錯誤甚不明晰陝省各股賊匪分投奔竄自當以嚴防東面爲重豈有引賊入室之理前日因額勒登保那彥成均由西面帶兵進勦勢必將賊匪逼向東趨而東面僅有恒瑞國霖豈能遏賊去路恐致棚人豫境節節降旨飭諭令長麟等知賊匪日漸東竄在鎮安洵陽一帶滋擾卽以

爲賊氛漸遠殊不思賊匪擾及鎮安洵陽去陝漸遠而距豫漸近若統兵重臣及身任封圻者惟以驅賊出境爲事將陝境之賊盡行逼至河南豫省亦不行堵截逼往河北任其竄入直境而直省復從後追逐縱令賊匪直向北趨豈欲朕親統八旗勁旅就近親征乎且閱長麟等所進圖樣於西南兩面層層設卡安兵分段布置堵其後路而東北兩路如何堵禦之處絕不算及則無論賊匪本欲竄往河南正可乘虛突入卽賊匪並非專意東趨而西南兩面見有官兵層層駐守卽欲退回其勢亦有所不能額勒登保等四人經朕委以勦賊重

那文毅公總統陝西軍務奏議

卷四

四

任似此茫無布置惟知跟蹤追勦勢必逼向河南自不能不先予以薄懲額勒登保那彥成長麟台布所得花翎俱著革去並各嚴行申飭此時惟當亟圖改計速行設法抄赴賊前卽一時不能勦淨或將賊匪仍逼回甘省及川北一帶亦仍可立功自贖額勒登保等務須悉心布置堅持定見不可心忙意亂轉致辦理愈無把握至台布所奏築堡出力人員請加鼓勵此時棧內賊蹤已遠所重者惟在合力勦賊不使東竄其築砌寨堡並非目前要務何必輒將承辦之員懇請開復陞用所奏且不准行統俟大功告竣再行覈辦等語



嘉慶五年四月二十五日軍機大臣字寄奉

上諭鎮安一帶竄匪經額勒登保督率官兵殲斃三百餘名生擒姚學賢等十三名訊據獲犯供稱此股竄匪欲由鎮安前往商州並至河南轉到湖北等語陝省東面與豫境毗連最關緊要額勒登保那彥成自應通盤籌畫早為布置俾賊匪不致東竄乃伊等俱帶兵自西而東併力追逼致賊匪日漸東趨始知豫省邊防緊要已屬遲緩焉有兵勇如許之多任聽各股敗殘餘匪肆行奔突又不知緩急輕重仍前尾追額勒登保現已親自督兵前往山陽勦辦那彥成帶兵由漢陰而來自必探

那文毅公總統陝西軍務奏議

卷四

聖

蹤前進如能緊顧東面不令竄入豫省邊界尙是伊等造化此時自應彼此關會繞至賊前奮力截勦如能將大股賊匪由東殲向西路去豫漸遠朕即當加恩賞還伊二人花翎若竟能在陝省境內將各股竄匪盡數殲滅並當另加世職重賞伊二人再不併力抄擊竟任賊匪竄往河南是既經踈蹤於前又不能補救於後則伊二人之罪較魁倫尤重矣再此時陝省分竄之賊俱已轟出南山老林則當防其復行竄入額勒登保那彥成務當督飭各路領兵將弁即於平衍地方奮力勦盡並責成長麟台布等將賊匪可竄老林之路逐一查明設

法預行挖斷蹊徑或各派鄉勇嚴密防堵勿令賊匪被勦緊急又復竄回老林致勦捕有稽時日遊擊祿德打仗受傷著准其回至直隸原營調治如因傷病故即咨部照陣亡例賜卹

嘉慶五年閏四月初六日

賞還花翎奉

上諭額勒登保奏連日督兵在商雒一帶痛勦賊眾餘匪俱遁奔西南離豫已遠一摺覽奏欣慰感謝

天恩不盡前因額勒登保兼程馳至商雒截勦楊開甲等股賊匪知以東面為重並探知戴家營張添倫等股賊

那文毅公總統陝西軍務奏議

卷四

聖

匪竄至雒南地方即飛飭楊遇春等星馳趕擊在兩岔河口地方奮勇截勦殺賊四百餘名生擒男婦七百五十六名口復於老毛溝一帶追及賊匪殲殺多名餘匪俱由米陽河等處往西南逃遁距河南邊境已遠所辦深為可嘉額勒登保著交部議敘並賞還花翎仍賞給金盒四喜玉搬指鑲寶石玉火鍊鑲寶石玉搬指套大小荷包以示優獎至於痛殲賊匪固由額勒登保調度得宜而提督楊遇春督率官兵從山梁下壓並於河邊直前奮擊打仗最為出力著加恩給予雲騎尉世職仍賞給四喜王搬指琉璃銅盒搬指套大小荷包副都統



銜格布舍於賊匪迎拒時計馬隊中必有頭目即與參將楊芳躍馬衝入發箭連斃賊匪格布舍被矛桿打中膀背墮馬復戰均屬出力格布舍著加恩給予恩騎尉世職並賞堪達罕搬指套大小荷包楊芳著賞給畢什古巴圖魯名號照例賞銀一百兩並賞戴花翎仍著額勒登保查明如楊芳已賞花翎並曾給巴圖魯名號即行奏明另降恩旨三等侍衛傳陞於格布舍墮馬時在旁放鎗將用矛賊匪打斃格布舍得無損傷復連放鎗疊斃馬上賊匪騎馬之賊即行潰散深為可嘉著超陞頭等侍衛仍賞給呼嵩額巴圖魯名號照例賞銀一百

那文毅公總統陝西軍務奏議

卷四

聖

兩用示鼓勵其餘打仗奮勇之前鋒校碩登保吉林甲兵額勒登額鄉勇趙文超等仍著額勒登保查明應如何加恩擢賞之處俟奏到日再行分別加恩此外尚有帶兵奮勇出力人員摺內未經聲敘者俱著一併查奏候朕酌加恩獎至那彥成長麟台布三人與額勒登保同係辦賊之人前因賊匪竄近豫省額勒登保未能豫為調度而伊三人亦不能辭咎是以一併革去花翎今額勒登保既將賊匪截回業經賞戴花翎那彥成長麟台布亦俱著加恩賞還花翎可見伊等一人有功即四人同邀恩獎務宜齊心併力速將賊匪剿淨其膺懋賞

若彼此各存意見互相推諉致任賊匪往來奔竄辦理遲延亦當同受重罰也現據額勒登保審訊獲犯所供張添倫與戴四掌櫃彼此吵鬧分路逃竄情形看來賊情已經渙散正可乘機趕辦額勒登保等尤當勉益加勉相機併擊以期一鼓撲滅此時賊匪離豫已遠但被勒緊急或又思竄入老林亦未可定額勒登保等亦當先事籌畫妥為布置杜其竄入老林之弊於物捕自更得力至國霖前在商州未能攔住楊開甲等股賊匪任其竄入維南並奏稱附近賊匪多至數萬國霖素未經歷戎行其人本不足恃但亦應查明國霖在商州時如

那文毅公總統陝西軍務奏議

卷四

吳

果兵力有餘並未與賊打仗輒捏稱賊匪數萬張皇入奏則既畏蕙不前又復捏詞諉卸自應嚴加懲治額勒登保即當一面參奏一面將國霖革職鎖鑰解京治罪如國霖實因賊多兵少與賊接仗不能攔截尚非有心捏飾亦應據實奏現在額勒登保處帶兵得力之人自屬不乏如國霖之庸懦無能留彼無益即飭令回京候旨其商州一帶仍著額勒登保酌量情形如該處賊氛已遠無須防守自不應合有用兵丁在彼閒駐即當撤回大營派撥餉賊倘商州尚須官兵駐紮額勒登保應另派勇幹將領前往該處接帶國霖之兵以資堵禦



嘉慶五年閏四月初十日

奏為節次奉到

諭旨敬陳悚懼情形事竊臣前奉

諭旨所請調兵來陝一節前經降旨令額勒登保酌調黔

兵旋據覆奏毋庸添調此次添兵奏摺必係那彥成之

意額勒登保不過附和其說欽此又奉四月二十四日

諭旨陝省賊匪大股已悉數擾及鎮安商州一帶那彥成

全無聞見惟知跟踪追勦勢將逼向河南自不能不先

予薄懲那彥成所帶花翎著革去並嚴行申飭欽此臣

跪誦之下愧懼悚惶不覺汗流泣下伏念臣自甘

那文毅公總統陝西軍務奏議

卷四

一

一

來陝原係由西向東而探明賊到之處俱係分路

抄截堵其東竄之路惟各股賊匪往來奔竄未能

一鼓殲擒即係臣之咎乃蒙

聖主格外矜原祗革去所帶花翎以示薄懲

恩慈高厚頂感難名至通籌大局奏請添兵一摺本係臣

先有此意商之額勒登保意見相同是以合詞具

奏臣受

恩深重又屢次奉

旨詢問將一切情形據實旨味瀆奏語皆係真情並非

藉延時日臣前次回陝時因與額勒登保身當重

任為平賊大局起見不得不通盤籌畫愚直下忱

自荷

聖慈洞鑒謹

奏奉

硃批覽

那文毅公總統陝西軍務奏議

卷四

一

一



火地溝之捷

嘉慶五年閏四月初十日會同經略大臣額勒登保

奏為連日分督官兵追殺賊匪並現籌先在東南一帶

緊勦情形事竊查陝省賊匪等屢經勦潰後分

投狂竄趨向無常臣額勒登保督率楊遇春格布

舍穆克登布等於九間房採玉窪黑虎廟等處趕

追戴家營張添倫等股賊匪初六日抵鎮安之野

竹坪地方戴張等逆被勦情急向雲蓋寺一帶西

竄又探得孝義之大山岔有一股賊匪在彼搶劫

那文毅公總統陝西軍務奏議

卷四

四

糧石並徑趨北面臣額勒登保先令楊遇春等帶

兵寬道勦辦此股賊匪又派岱森保安福帶兵從

大山岔尾追而進初七日楊遇春等一路於四鼓

發兵躡得該匪等向火地溝寡婦橋等處滋擾楊

遇春格布舍穆克登布率領馬步官兵等由大瓦

溝兩河口抄出午後甫抵寡婦橋迎頭遇賊該匪

等一見官兵膽敢嘯聚多人分佔山梁其騎馬持

矛之賊直撲官兵頗形兇悍楊遇春等驅兵分上

坡坎連環施放鎗箭斃賊多名尙不退却兩山梁

之賊一併逼近於林箐中擲石放鎗楊遇春格布

舍密商分撥馬隊兵勇從北面抄至賊後並攜帶

礮山礮以備轟擊賊匪旋聞後有礮聲立即驚亂

侍衛們欽保愛星阿彥丕勒桑將楊芳千總范雲

龍鄉勇馬懷珠等奮力向前衝殺維時岱森保尾

追趕到其餘馬步官兵亦即爭先競進窮追三十

餘里餘賊均於密林陡山扒越向西奔逸共殺賊

二百五十餘名生擒及搜獲之男婦一百七十四

名口內訊出臨陣受有箭傷大頭目劉永祥係襄

陽教首劉啟榮之子大旗手楊永周探馬頭張明

山等三犯劉永祥傷重已不能言語據楊永周等

那文毅公總統陝西軍務奏議

卷四

五

供稱此股賊匪係冉學勝張世龍合夥共有四五

千人當即凌遲處死將從逆已久之人一併正法

被脅之附近居民概予首釋此次惟藍翎委官烏

爾圖那素左腿受鎗傷臣那彥成所勦伍金柱等

股賊匪前在分水嶺截勦後賊匪由西南竄至王

蟒山爛泥河一帶往來遊奕該處山險林密道路

分歧官兵緊扼東北賊復潛由南面折而向東臣

那彥成若追躡賊後轉致逼令東趨隨自七植子

山紙房溝磨石溝繞出賊前堵住東北赴鎮安要

路與賊尙隔兩重大山賊匪探知兵來即不由路



徑乘夜折回翻山亂竄及派兵趕往見陡砌跌斃男婦大小約有三百餘人官兵復追獲矛手李連升等二十七名其餘賊衆俱由兩河關向東南竄逸查兩河關共有三路一路仍可達洵陽境恐賊匪狡計欲誘官兵至西復山北路折竄當派札克塔爾綸布春桑吉斯塔爾慶成帶兵繞往東南截勦臣那彥成印山鎮安正路扼住東北因臣額勒登保行至野竹坪相距較近遂輕騎至額勒登保軍營會晤面商一切臣正擬酌量分兵勦辦適接恒瑞來信探得楊開甲辛聰賊股從米糧川一帶

那文毅公總統陝西軍務奏議

卷四

一

幸

竄往郎西邊界衝撲鄉勇卡隘恒瑞同國霖劉之仁已帶兵趕赴大壩小壩上津等處攔勦臣等當卽飛行札知務將此股卽行勦洗勿任東竄致入楚境柯藩帶有兵勇在山陽堵禦亦已飭知合其謹防該匪等由郎西折竄山陽之路臣等查賊匪屢經被勦離豫已遠今又折竄東南恒瑞所領之兵尚恐不能兼顧日下冉學勝張世龍戴家營張添倫等股之賊均向江口雲蓋寺等處分股西竄伍金柱股匪爲數較多且恐現竄東南臣那彥成一路之兵以資痛勦臣額勒登保自應一同併力

上緊先辦此股賊匪并自北繞截緊顧東南庶可不致蔓延又慶溥溫承惠因湖北竹谿賊匪竄近平利該鎮等帶領兵勇前往攔勦今慶溥溫承惠前後在貢元和石牛河柳溪山豐口壩等處督率兵勇痛加殲戮共殺賊五六百名擒獲真賊龔恩秀等十九名其餘前後投出被裹男婦一千餘名訊出此股係樊人傑王朝賢爲首臣等又已嚴飭該鎮司務將此股賊匪乘勝趕勦淨盡所帶兵勇內有分外出力者亦令查送前來以便酌量獎勵再各路勦洗賊匪打仗弁兵鄉勇內有受傷陣亡

那文毅公總統陝西軍務奏議

卷四

一

幸

者容另查明咨部辦理又查孝義廳文武衙署卽在大山岔向無城垣前歲曾被焚燒近日築有土城尙有十數丈未經築起該處現有都司周健勇署孝義廳李崗帶有兵勇三百餘名防守此次賊匪猝至該都司等因衆寡不敵未能抵禦以致存貯該處之糧石軍火爲賊焚燒並有陣亡兵丁三名民人亦有被害者周健勇李崗均經退守山梁臣額勒登保業查明長麟將所燒糧石軍火若干何以既經築城又不及早辦竣並陣亡兵丁及被害居民一併就近查辦又欽奉



諭旨以新起教匪龐國勝是否龐洪勝一族命查明具奏查新起教匪投入伍金柱夥內原有二千人在分水嶺截勦後晝夜狂奔日逐逃散者不少臣那彥成詢問活賊李連陞等據稱龐國勝即係龐洪勝是洵陽西岔河人素習邪教業經具結改悔今年伍金柱賊匪經過西岔河龐國勝率領所傳徒弟徒孫二千人投入賊夥如今節次逃散所剩不滿千人等語是龐國勝即是龐洪勝所率賊夥俱係習教之人並非佃戶昨拏獲活賊內有逃出新起之賊臣那彥成查明將其中老弱無用者釋

那文毅公總統陝西軍務奏議

卷四

一

五

放使新起教匪聞知更可易於解散再臣額勒登保統率官兵輾轉勦賊滿漢將領等節次打仗出力者甚多又隨營辦事之文員有由陝省派到者有自川帶來者均能不辭勞瘁亦應量予獎勵謹將各該員分繕清單恭呈

御覽謹

奏

嘉慶五年閏四月十五日軍機大臣字寄奉

上諭額勒登保等奏連日追殺賊匪並籌赴東南一帶勦捕情形一摺覽奏俱悉此次額勒登保一路在大山岔

等處殺賊無多而那彥成追勦伍金柱一股由鎮安扼住東北就近與額勒登保會晤商辦均未能痛殲賊眾且聲敘賊股分竄情形亦未明晰似此東追西擊何時始能蕩事朕盼望軍報寢食靡寧往往旬日半月始接一奏報又不過敷衍打仗情形並未能勦淨一股肅清一處朕心更增焦急况此間相隔軍營數千餘里安能懸揣遙度其勦堵事宜不過就伊等所奏情節隨時訓示及此旨到彼軍務又已移步換形豈皆一一照合即據伊等節次所進圖說及道里方向按圖指示亦不若伊等親在行間見聞確切應如何通盤籌畫方能蕩事

那文毅公總統陝西軍務奏議

卷四

一

五

有期會屢次降旨令經畧叅贊督撫等據實敷陳總未見伊等覆奏殊不可解豈伊等竟至一籌莫展乎那彥成前往軍營將及一載於勦捕機宜未能辦理迅速而陝省賊情自所深悉著即馳驛回京候朕詳細詢問隨宜指示所有欽差大臣關防並著一併帶回那彥成所帶之兵全數交與額勒登保帶領其隨往帶兵之札克塔爾等俱不必回京交額勒登保調派分投勦賊如現在勦捕何路賊匪即不必撤動那彥成既已來京額勒登保係屬經畧長麟台布係本省督撫陝省辦賊之事皆伊三人專責必須速行設法籌辦不可再事因循前



此額勒咨保奏請添兵一萬三千名已續調直隸山東山西甘肅貴州廣東等處之兵撥往軍營為數亦已不少儘敷勦賊之用

那文毅公總統陝西軍務奏議

卷四

五

鄖西之捷 附詳彈

嘉慶五年閏四月二十日會同經畧大臣額勒公勒登保

奏為楊開甲等股賊匪竄至鄖西邊界恒瑞等帶兵截

勦斬獲多人並 臣 等親率官兵倍道繞扼東竄楚

豫之路該匪等仍西折陝境刻即趕緊勦辦各緣

由恭摺奏

聞事竊查楊開甲等股賊匪前竄往鄖西邊界恒瑞當即

帶兵趕赴攔勦 臣 等又因伍金柱賊股為數較多

恐竄東南並即

那文毅公總統陝西軍務奏議

卷四

美

奏明帶兵并力先行勦辦在案旋接恒瑞來信楊開甲

等賊匪攻破鄖西蒿坪壩一天門卡隘我兵若不

覓道抄截恐落賊後恒瑞遂馳有捷徑督兵翻越

重山越抵漫川關賊匪又竄上津相距三十餘里

十五日五鼓合副將李天林遊擊札隆阿都司劉

應魁海進龍並侍衛保邦協領祿成佛爾卿額等

分帶馬步兵進擊午前與賊相遇該副將等奮

力衝殺斃賊二三百名正在得手之際乃賊匪詭

詐兩面山梁俱有埋伏分為數路將我兵圍裹適

恒瑞親率遊擊李朝顯等官兵趕到併力撲進斃



賊多名該匪始行敗退直至二鼓紮生營盤此次  
傷亡鄉勇弁兵一百餘名正慮賊匪過多難以痛  
勦而札克塔爾等亦相距不遠臣等一面飛飭札  
克塔爾桑吉斯塔爾慶成等趕抵恒瑞一路合勦  
又恐該匪等乘間東竄深入楚境復繞道豫疆臣  
等並卽帶岱林保楊遇春穆克登布山竹林闊倍  
道趨行直趨趙家川蒿坪河一帶預扼東面路徑  
賊匪果仍折而向西恒瑞札克塔爾等於十三日  
帶兵趕追探報賊匪隔有兩重大山恒瑞札克塔  
爾等當卽詢明抄截之路於十四日四鼓發兵桑

那文毅公總統陝西軍務奏議

卷四

五

吉斯塔爾慶成帶領兵勇由左路前進札克塔爾  
九十帶領兵勇由右路前進恒瑞同國霖劉之仁  
德忠帶領官兵由中路前進已刻分抵黃鸞舖該  
匪等一見官兵有槍佔山梁排列者有直前抵拒  
者四山嘯聚三路官兵併力攻擊往返衝殺十餘  
次斃賊五百餘名內有鎗斃戴翎頂賊目一名又  
矛刺執旗馬上賊一名據活賊指認戴翎頂者係  
頭目羅貴執旗之賊名葉老八亦係小頭目賊匪  
敗潰後分作四五股逃竄我兵又分投追殺二十  
餘里至麗子關地方沿途斃賊四百餘名前後生

疎

擒二百二十餘名被脅逃出者不計其數將獲賊

逐加訊究據供此股賊匪係楊開甲幸德張添倫

宋麻子合為一夥楊開甲欲由鄂西衝出楚境再

至河南伍金柱助有戰手二千名亦在其內伍金

柱說亦前來却未見到等語當將真賊卽行正法

其餘被裹男婦三十五名口概行釋放所有敗殘

餘匪已向大小壩廟川一路西奔恒瑞等仍卽追

勦臣等當卽飛行知會恒瑞札克塔爾務卽乘勝

趕緊將此股賊匪殲淨萬勿任令東竄為要查陝

之西南鎮安洵陽等處本有賊匪而楊開甲又復

那文毅公總統陝西軍務奏議

卷四

五

前去臣等自當由東向西併力勦辦但賊股既多

飄忽無定棧道江口以及宜羌等處均分有提鎮

帶領兵勇防堵其商維一帶為入豫必由之路兵

備尚覺空虛臣等所帶之兵只敷勦賊不能再行

撥出留駐查前奉

諭旨令就近酌調甘涼兵二千名應用臣等昨已移咨長

麟令其趕緊檄調速赴商維於要隘安設尙恐迂

緩並札商長麟於北棧離賊較遠之處分設各鎮

內抽出一鎮帶領原帶之兵先赴商維俟甘涼兵

到陝再行酌量分撥至鄂西地方該令孔繼樞圖

疎



硃

硃

集郵勇堵禦前此賊匪屢經到彼均能截擊頗為得力此次賊匪衝入蒿坪埡卡該令本在漫川關即帶領團勇馳往向在途聞賊匪又衝至一天門卡督緣時屆收割之期不得不將卡內鄉勇抽撥令其暫行歸農所以卡隘人單猝被衝破茲賊匪雖已西竄此人可貴等又劄飭該令仍將各要隘再加收拾催令收割完竣添足團勇深溝高壘以為有備無患至楚省僅有徐添德等股向在南漳一帶奔逃明亮倭什布等追剿自可剋期竣事此時陝省是賊勢較重然川楚兩省無論何省先行完竣將其

那文毅公總統陝西軍務奏議

卷四

五

本省之兵留防其餘亦可前來會剿臣等惟有隨時盡力趕緊勦辦其恒瑞札克塔爾等所帶兵弁內傷亡各員名容另查明辦理謹

奏奉

硃批覽奏稍慰

嘉慶五年閏四月二十日會同經畧大臣額勒登保

奏查總兵在軍營為領隊大員理宜隨時振作奮勉物賊以為將弁等表率詎有陝安鎮總兵柯藩前經身任提督因勦賊不力降為總兵該員更應加倍

出力以圖自効乃一味因循先在紫陽等處防堵

即未能實力截勦賊匪嗣隨恒瑞一路帶兵輒以

痔漏疾發兩腿疼痛為詞告留山陽恒瑞即撥兵

五百名令其在山陽防守該員即欲藉病養息亦

當在山陽左近擇要安營居住一面上緊調治一

面仍當偵探賊蹤相機截勦乃查楊開甲等股賊

匪路出山陽有賊探十餘人騎馬直至教場該總

兵竟在城中施放鎗礮並不督兵出擊以致賊匪

遠遁如此而不嚴察何以示懲若僅將該員革職

那文毅公總統陝西軍務奏議

卷四

六

旨將陝安鎮總兵柯藩革職即於軍營枷號俟軍務完竣

之日再行釋放俾各路領兵鎮將均知儆惕再查

委署察領德春去冬染患腳氣腫痛不能履步在

五郎調治數月漸就痊可本年正月臣那彥成帶

兵赴甘該員隨至漢中又復患病因令留於郡城

一俟調理稍愈即跟隨台布勦賊及臣那彥成自

甘回陝路過漢中據台布告稱德春病已平復仍

令隨營行至洋縣地方脚氣復發至今未痊雖查

驗尚非捏病規避但當帶兵需人之際該員病體

難空未便姑容任其緩棧相應請



旨將德春勒令休致又查新設靈陝鎮一缺增添營制訓練新兵一切初定章程必須熟諳營務之員方能辦理妥協總兵劉之仁到陝以來甚為奮勉出力而年過六旬精神不甚強壯若責令獨自領兵一路亦恐不能出眾而該員勤奮營務在營年久且節次出師於新設營分操練新兵並將來辦理善後等事尚堪勝任此時似可無庸請旨更調至國霖年雖五十餘歲而氣體軟弱實不能久耐辛苦前在商州帶兵祇有一千餘名當楊開甲等股賊匪竄來之時曾經帶兵趕赴軍嶺一帶期於截擊迨其到時該匪等業經前竄斬獲係零星落後之賊國霖仍復隨後尾追臣額勒登保帶兵到商州時國霖猶在留仙坪一帶堵截尚無畏葸情事其所稱賊匪數萬詢係僅據探報之言未能查察之故國霖亦非敢於捏飾希圖委卸但帶兵打仗須強幹之員國霖究屬不能得力若在京當差辦理尋常旗務尚堪稱職自應合其回京伏候命下俯知起程謹

奏

容安謹按以上二摺拜發後 先公奉

那文毅公總統陝西軍務奏議

卷四

空

諭旨回京於定月二十七日自軍營起程覆命

嘉慶五年閏四月二十一日會同經畧大臣額勒登保

奏為恭謝

天恩事竊臣欽奉

諭旨那彥成與額勒登保同係勦賊之人前因賊匪竄近豫省額勒登保未能豫為調度伊亦不能辭咎是以一併革去花翎今額勒登保既將賊匪截回仍賞戴花翎那彥成等亦著加恩賞還花翎欽此聞

那文毅公總統陝西軍務奏議

卷四

空

命之下感悚無既臣與額勒登保自甘至陝分路勦賊前此賊匪竄近豫境未能預為調度實有應得之咎仰蒙

聖慈不加

嚴譴僅革花翎負疚懷慚方深歉仄及額勒登保在商維勦賊時臣因堵截伍金桂等賊匪未能一同在彼愧鮮微勞乃荷

恩命

賞復花翎頂感之餘尤深愧悚臣惟有欽遵聖訓與額勒登保齊心併力趕緊勦辦以仰副



皇上一體施恩至意謹

奏奉

硃批知道了

那文毅公總統陝西軍務奏議

卷四

三

敘績保荐

嘉慶四年十一月初十日會同陝西巡撫台公布

奏為遵

旨查明出力將弁恭懇

聖恩事竊明亮等前奏殲獲首逆張漢潮李潮一摺欽奉

諭旨將綸布春等分別

加恩兵丁

賞給錢糧並

命臣那彥成將此外出力將弁查明續奏仰見

皇上鼓勵戎行微勞必錄之意查綸布春一路官兵迎擊

那文毅公總統陝西軍務奏議

卷四

三

張漢潮匪衆帶兵之

乾清門頭等侍衛桑吉斯塔爾最為出力且能鼓勵兵

勇懇請

皇上酌量施恩至尋獲張漢潮屍身係遊擊胡定泰帶領

千總李國杰外委吳志得兵丁陳大友張升擒獲

李潮首先上前係兵丁張斌歐朝秀鮑得伏乞

聖恩將胡定泰以應陞之參將補用李國杰吳志得及兵

丁陳大友等五名均請

賞給外委並

賞戴藍翎其餘打仗殺賊員弁兵丁明亮綸布春開送之



員尚為公允惟人數稍多不敢悉行奏保臣等大  
加裁減先將尤為出力者秉公遴選十一員另繕  
清單一併奏請

施恩以示鼓勵其餘再行存記俟續有出力之處再行查

奏再接准經畧額勒登保咨會陝西軍營武職各  
缺業經

奏明由臣那彥成等酌量奏補是以遵照所奏公同商  
定將直隸遊擊都司等缺循例於軍營出力人員  
內遞請陞補謹一併開繕名單恭候

欽定謹

那文毅公總統陝西軍務奏議

卷四

五

奏

嘉慶四年十一月十九日奉

上諭那彥成台布查明前次殲獲張漢潮李潮在事出力  
人員開單具奏乾清門侍衛桑吉斯塔爾最為出力又  
能鼓勵將士著加恩賞給副都統銜仍在乾清門行走  
其尋獲張漢潮屍身之遊擊胡定泰著以參將陞用千  
總李國杰外委吳志得兵丁陳大友張升俱賞給藍翎  
又擒獲李潮首先搶上之兵丁張斌歐朝秀鮑得俱著  
拔補外委並賞戴藍翎其餘打仗殺賊各員內黑龍江  
佐領都爾圖著陞補額外總管防禦齊克坦著陞補佐

領雲南參將傅雲陝西遊擊羅全亮著賞戴花翎廣西  
守備王成傑著賞換花翎黑龍江委官斌德勒圖直隸  
千總郭鎮彪黑龍江甲兵愛通阿鄉勇首已補四川兵  
丁行營千總銜向坤周添章李金銘俱著賞戴藍翎以  
示鼓勵又直隸督標後營遊擊員缺著安慶補授其所  
遺直隸督標沿河口都司員缺著張汝勤補授其所遺  
正定鎮左營守備員缺著酒天培補授直隸宣化鎮赤  
城營都司員缺著巴金保補授其所遺直隸督標易州  
深水汛守備員缺著孔光祖補授

嘉慶四年十二月十三日會同陝西巡撫台公布

那文毅公總統陝西軍務奏議

卷四

六

奏

等前由大峪口統兵進山一路察看新築堡寨團  
練義勇分別曉諭獎勵行抵五郎廳見該處城垣  
係屬新建詢知為前署通判安定縣知縣左觀瀾  
捐資創築該令因上年演放礮位被炸身故當經  
飭令西安府知府朱勳現署通判張約切實詳查  
茲據先後稟報臣等覆查左觀瀾係以分發知縣  
委署五郎通判適值教匪滋事五郎向無城垣難  
以守禦該令捐資創建土城嘉慶三年正月五月  
賊匪攻撲二次俱經督率鄉勇併力擊退十月內  
賊又竄入所屬地方該令以守城必須礮位覓得



舊礮位一尊帶領鄉勇出城操演親自點礮不意礮身炸裂致傷左太陽骨損身故查該故令在五卅三年居官清正深得民心始則捐資築城悉力拒守繼又親圍鄉勇扼要堵擊今被礮炸身故是其心能以殺賊爲事殊堪嘉尚且伊長子因帶領鄉勇打仗亦經陣亡父子均沒於王事情尤可憫

臣等訪查得實不敢壅於上

聞可否將左觀瀾照陣亡例減半給予卹典出自逾格鴻慈用昭激勸又試用從九品王壬運送兵鞋蒞軍營由老林行走至小王澗地方猝遇賊匪被害

那文毅公總統陝西軍務奏議

身受矛傷五處甚屬可憫可否照陣亡例議卹之處出自

聖恩謹

奏

謹按嘉慶四年十二月十九日廷寄內奉

上諭遇賊被害之試用從九品王壬著咨部賜卹又演礮傷敵之知縣左觀瀾因親自點放礮炸致殞卹與陣亡無異且伊長子亦因帶領鄉勇打仗陣亡殊爲可憫俱著咨部照陣亡例子卹並著那彥成咨明該員原籍查詢左觀瀾是否另有子嗣卽行奏明再行加恩照例給

予世職

嘉慶二年三月初八日會同經畧大臣額勒登保

奏爲遵

旨保舉武職出力人員懇請

施恩以昭鼓勵事竊臣那彥成自督兵勦賊以來滿漢武

職官弁人等隨同打仗多有實在出力之人因節

次未能痛殲賊衆不敢遽行保奏昨於龍山嶼汪

家山秀金山等處連次勦殺各股賊匪將領等無

不勇往爭先倍加奮勉臣那彥成前於摺內聲明

那文毅公總統陝西軍務奏議

候與額勒登保會同查核昨復欽奉

諭旨令將出力人員查明具奏仰見

皇上垂念戎行有功必錄之至意茲臣等於在事出力滿

漢人員內詳加查核有應請分別

施恩者共計三十五員名謹開具清單呈

御覽如蒙

聖恩俞允不特該員等感激

鴻慈倍加勇往而臣等亦得收指臂之效於軍務實有裨

益謹

奏



嘉慶五年三月十四日奉

上諭額勒保那彥成會奏龍山鎮汪家山秀金山等處連次勦殺各股賊匪將領等無不勇往爭先倍加奮勉請將在事出力人員分別加恩等語所請遊擊李殿元守備屈端守備銜千總馬正雄三員賞換花翎遊擊馬鳴玉守備楊正明二員賞戴花翎千總李建雄把總趙勇外委滕泗張問喜四員賞戴藍翎以示鼓勵

那文毅公總統陝西軍務奏議

卷四

先

奉

召旋京覆命

嘉慶五年閏四月二十七日

奏為遵

旨回京恭摺具

奏事竊臣欽奉

諭旨那彥成前往軍營將及一載於勦捕機宜未能辦理迅速而陝省賊情自所深悉著即馳驛回京候朕詳細詢問隨宜指示所有欽差關防並著一併帶回那彥成所帶之兵全數交與額勒登保帶領其隨往帶兵之札

那文毅公總統陝西軍務奏議

卷四

先

克塔爾等俱不必回京交額勒登保調派分股勦賊欽此跪誦之下仰見

皇上垂厯軍務

宸衷無一刻稍舒

宵旰焦勞至於少寐減膳凡為臣下者知

聖慮憂煩如此能不動心况臣叨被

渥恩尤非尋常可比當此軍旅重任實不敢稍留餘力無

如限於才質不能速平賊匪為

聖主分憂戰懼慚惶容身無地捫心清夜幾於不可為人

茲蒙



聖慈曲賜保全不加

嚴謹

諭旨馳驛回京臣受

恩深重自應告請留於軍營効力惟念

皇上聖切其殷欲

詢察一切確情以便隨宜

指示臣在陝甘將及一載所有軍務賊情俱所深悉繕摺

敷陳終難詳盡謹遵

旨即行起程於回京時逐一奏陳

聖聽現在帶兵之札克塔爾等及闖營兵丁全數交與額

那文毅公總統陝西軍務奏議

卷四

主

勒登保管帶原領

欽差大臣關防臣

即帶回恭繳臣

拜摺後於閏四月二十

七日自軍營起程由山陽商州藍田出山馳驛回

京謹

奏奉

硃批知道了

嘉慶五年閏四月十六日

命退出軍機大臣不必在南書房行走亦不准在

紫禁城騎馬革去

實錄館正總裁

國史館副總裁

文淵閣提舉戶部三庫總管內務府大臣茶膳房造辦處

總理工程處奉

上諭上年秋間因張漢潮一股賊匪在陝竄擾特派那彥

成前往督兵勦辦那彥成未至陝查張漢潮先經明亮

斌斃所餘逆黨祇係擊退之賊無難乘勢殲除乃那彥

成於賊匪竄入老林後漫無展布惟知帶兵入林跟踪

尋覓徒疲兵力涉歷三冬並未與賊接仗一次轉任賊

匪西竄甘境而川省各股賊匪紛紛攔入陝境那彥成

係特派大臣在陝居首帶兵之人又不能設法攔截聞

那文毅公總統陝西軍務奏議

卷四

主

額勒登保帶兵赴甘伊亦徑趨甘省惟在龍山截勦得

仗仍未將餘匪勦盡旋因竄匪折回陝境額勒登保先

行帶兵赴陝那彥成專辦甘境高二馬五等賊雖得勝

仗仍未勦殺淨盡任此股賊匪竄入川境僅交與總兵

百祥接辦伊棄垂敗之賊領兵赴陝致高二馬五一股

賊匪在龍安地方日漸鴟張至今未能殄滅皆由那彥

成玩縱所致彼時若那彥成緊躡賊踪前赴川境自可

將此股賊匪速行殲除即在川省幫同德楞泰勦賊未

為不可乃必欲隨同額勒登保先後入陝自係那彥成

不幫助德楞泰又欲分額勒登保之功此等淺見薄識



豈大臣所宜居心前次那彥成奏到時朕卽以其所辦錯謬傳旨訓示今高二馬五尙在川境竄擾而總兵施縉竟因勦賊陣亡以零星殘敗之餘匪懸其人川復行裹脅滋擾致令打仗出力勞績最著之施縉臨陣捐軀實爲萬分不值而追溯失事之由皆那彥成輕率貽誤此而不加之懲治何以服人那彥成著退出軍機大臣不必在南書房行走亦不准在紫禁城騎馬伊如此猶豫無能亦斷難兼理各處事務所有原充之實錄館正總裁國史館副總裁文淵閣提舉戶部三庫總管內務府大臣茶膳房造辦處總理工程處均著革去祇留工

那文毅公總統陝西軍務奏議

卷四

七

部尙書鑲白旗漢軍都統及經筵講官銜伊所帶花翎前於革去後復經賞還仍准戴用此係朕推念阿桂舊日勲勞又因阿迪斯現在獲罪已革去所襲公爵成都將軍發往伊犁充當苦差若再將那彥成革職治罪則阿桂之子孫竟無身任大員者是以姑示薄懲那彥成惟當加倍感奮痛改前非勉圖後効以副朕教誨矜全至意

嘉慶五年五月十六日奉

上諭上年朕自親政之初辦理和珅等一案彼時那彥成本係軍機大臣朕看其應對明白似有出息且係原任

大學士公阿桂之孫期其克繼家聲以備任使是以疊次加恩擢用尙書都統派令管理戶部三庫崇文門稅務及各處事務較他人爲多實欲造就成材並非厚於那彥成也伊於該管部旗及各處事件均非一人獨辦尙未見短每日召見時於朕籌辦軍務宵旰靡盬一切皆其所深悉嗣緣勒保明亮等先後獲罪軍營乏人更換朕以那彥成正當壯年應有志上進况曾目睹皇考爲軍營焦急直至

龍馭上賓之日未能解釋滿望伊去督辦或能蕙事以慰在天之靈減朕之咎是以派赴陝西軍營授以欽差大臣

那文毅公總統陝西軍務奏議

卷四

七

關防代明亮統領一帶軍務那彥成亦直任不辭而陛辭之前屢次陳奏伊到軍營後不能卽時打仗求免催促俟可以打仗時卽不遺餘力奮勇直前等語預爲佔脚地步彼時卽覺不愜然業已派令前往亦無忽行中輟之理那彥成出京後途間行走已屬遲緩及到陝省接勦張漢潮餘股漫無布置惟尾隨賊蹤深入老林遷延歲月迄無成效其時大兵俱在山內輾轉跋涉此外全無官兵是以川省之賊乘間竄入甘境那彥成如果能及早分派官兵於陝西邊界悉力殲勦賊匪自必仍折回川而額勒登保卽可無庸赴甘將川省之賊得以



一手督辦不必交付魁倫斷無任聽賊匪竄過嘉陵江  
潼河擾及川西完善地方之事無如那彥成惟知在老  
林盤旋全置他賊於不顧遂至竄甘之賊日久蔓延川  
東川北之賊竄渡川西額勒登保不能兼顧魁倫因是  
獲罪雖經德楞泰在川西疊次勦殺賊匪仍行竄過嘉  
陵江以東荼毒無數生靈費却無限兵力僅能將川西  
疊次之賊截回若溯其失算之由皆那彥成在老林耽  
延所致用人不當朕深引以為咎當額勒登保督兵赴  
甘時張漢潮餘黨由老林逸出那彥成屢奉嚴旨始帶  
兵往甘省截勦惟龍山得有勝仗殺賊尚多此後額勒

那文毅公總統陝西軍務奏議

卷四

七

登保追賊入陝那彥成在甘專辦高二馬五一股雖亦  
有斬獲而餘匪數百人由甘省白水河竄渡關入川境  
那彥成並不緊躡追勦乘其衰敗一鼓掃淨輒將此股  
賊匪委之總兵百祥徑行帶兵赴額勒登保一路以致  
馬五高二等竄近龍安復裹脅擾及附近省會地方經  
額勒登保督同鎮將等屢次堵勦致將奮勇得力之總  
兵施縉因此陣亡賊匪被官兵勦盡仍由松潘番地竄  
近甘境現在阿哈保等帶兵統截是否能回川境勦淨  
此股尚未可知此皆那彥成棄番攻之賊留遺餘孽以  
致於今也朕因那彥成在軍營不能得力且恐掣他人

之肘是以召令回京以便詢問軍營實在情形其在陝  
耽延之罪縱賊入甘之罪及縱賊入川之罪僅予薄懲  
將軍機大臣及所管各處事務兵退仍留其尙書都統  
各大缺並准戴花翎留經筵講官銜乃係格外加恩朕  
曾面諭在京軍機大臣等方以那彥成接奉召回之旨  
自必懇請仍留軍營卽虛詞敷衍亦必應如此而朕亦  
斷不允所請必令來京乃那彥成得旨召回卽束裝就  
道摺內並無懇留一語到京之時連日召見朕微視其  
意亦總未懇請復行前往是其視軍營爲畏途肺腑如  
見迨朕細詢軍營情形語及添兵則以各省無用之兵

那文毅公總統陝西軍務奏議

卷四

七

添調何益語及添餉則以如此虛糜餉項殊屬不值至  
辦賊之道不外堵勦二者那彥成則以官兵追勦賊匪  
愈遠愈疲勢難盡語以防堵機宜伊又以爲兵勇皆  
疲堵已無益前因楊開甲一股竄至洋縣地方王文雄  
帶兵截勦其由白河踏渡之賊有把總王培璉赤身擗  
礮洶水搥擊不令過河西竄朕方加之獎許而那彥成  
則以爲不如聽其竄往川境又戴家營一股賊匪竄至  
黑河有欲趨嶽縣兩當之勢朕卽令楊遇春定桂分兵  
繞道前往搗截那彥成轉以爲不如縱令入甘地勢較  
平轉易辦理若果如此則那彥成前在甘境辦賊何以



不行勦淨又任其分竄川省乎那彥成似此措語遊移毫無把握已非奏對之體乃昨復召見詢以陝省情形據稱皇上洪福自能勦淨賊匪譬如蝗蟲非人力所能捕淨況此事總關劫數如果劫數未完即有健將如札克塔爾慶成等帶領精兵亦不得力此何語耶聞之令人寒心朕又論及額勒登保現今連次得勝之事那彥成復以額勒登保所奏如果不虛再得一二仗即可將陝賊勦淨其意不過因伊甫離軍營額勒登保即連獲勝仗心懷妬忌為此將信將疑之語欲朕猜疑額勒登保阻其成功此等居心豈能逃朕洞鑒試思那彥成於

那文毅公總統陝西軍務奏議

卷四

七

前月二十七日自軍營起程額勒登保即於是日督兵奮勦張漢潮餘黨之在陝者先行辦竣旋於手板崖續得勝仗又將伍金柱一股助惡之首逆龐洪勝殲斃前後殺賊幾及五千人豈竟全不可信且詢以川楚軍營情形據云全不知悉恐亦不免虛誑等語豈德楞額將川西之賊痛加勦殺截回川東川北亦全係子虛乎那彥成游詞熒聽其心實不可問若如伊所云一切堵勦俱屬無用兵餉亦不必添惟委之劫數聽賊自斃此乃存心膜視益手旁觀竟似事不可為置身局外者那彥成身為大臣又係阿桂之孫受

皇考及朕厚恩至為優渥何忍為此搖惑人心之語尙得謂之有天良耶朕召見軍營回京之人原以其身歷行間見聞自確與懸揣臆度者不同冀其稍有畫策贊助萬一即如松筠亦係朕由西藏召回擢任陝甘總督因其辦理未能妥協調任伊犁將軍又因楚省帶兵乏人令其暫署督篆因明亮等勦辦楚境賊股而松筠奏稱患病不能督戰懇請來京而陳軍務朕不得已姑允所請及至到京詢以方畧惟屢請將私鑄私鹽全行弛禁以斷不可行之事瀆奏不休然伊於軍務情形則以團練鄉勇裁撤疲兵及分路堵勦為要尙其漠不關心毫

那文毅公總統陝西軍務奏議

卷四

七

無上見是以僅示薄懲將伊降為副都統職銜前往伊犁作為領隊大臣乃諒其愚悃曲加寬貸若那彥成屢次奏對無一言確實全係一片私心初次召見時尙自認無能負罪引愿繼則毫無愧懼矢口亂道率爾而對豈竟以此等伎倆在朕前嘗試乎朕之初心未將那彥成全行斥革者原係逾格矜全望其悔罪自効亦因簡任大臣不欲輒行更易乃朕用人不得已之苦衷若大臣等不知仰體朕心必欲激朕之怒朕非不能剛斷之主也若將此旨交儀親王成親王大學士軍機大臣會同六部滿漢尚書向那彥成宣示令其明白登答由軍



機處代呈看伊有何分辨俟奏上時再降諭旨

嘉慶五年五月十七日

命革去尙書都統經筵講官花翎等為翰林院侍講奉

上諭那彥成外似有才中無把柄其幾遲鈍遇事狐疑不

聽人言自以為是此次軍前參贊雖有微功不能掩咎

本應革職發往伊犁効力贖罪但阿桂之子孫半年之

內俱行遣戍朕心實有不忍伊等縱不念乃祖乃父朕

豈可不篤念老臣乎那彥成在外不能決勝千里在內

不能運籌帷幄洵為無用分宜置散投閒著革去尙書

都統經筵講官花翎格外施恩用為翰林院侍講在實

那文毅公總統陝西軍務奏議 卷四 五

錄館効力行走八年無過方准食俸至外軍營情形較

前大有起色兵精糧足帑藏充盈額勒登保等三人實

能殄寇秋冬之間必可收功內外諸臣除軍機大臣外

毋得干預軍務務言煽惑違者不貸

嘉慶五年五月十七日奉

上諭工部尙書員缺著琳奎補授鑲白旗漢軍都統員缺

著張承勳補授張承勳所遺正黃旗漢軍副都統員缺

著那彥寶補授那彥寶係阿桂之孫其才具雖屬中平

但現在阿迪斯於成都將軍任內獲咎已發伊犁効力

贖罪而那彥成又革去尙書都統用為翰林院侍講職

分較小即如和珅身獲重罪伊子豐紳殷德尙係固倫

額駙授為駙秩大臣福康安歷任封疆筮筮不飭伊子

德麟現尙承襲員勒阿桂乃勲勞舊臣其子孫轉無一

二品大員朕心實有不忍是以將那彥寶擢授副都統

俾資造就伊惟當感激奮勉力圖報効切勿稍存自滿

以副朕眷舊施恩至意

那文毅公總統陝西軍務奏議 卷四 六

那文毅公總統陝西軍務奏議卷四



那文毅公奉使粵東奏議目錄 官階附

卷五

查辦江西建昌縣知縣劉光控案

遵

飭查辦吉公慶案

卷六

辦辦會匪 告示附

那文毅公奉使粵東奏議

目錄

一

那文毅公奉使粵東奏議卷五目錄 官階附

卷五

查辦江西建昌縣知縣劉光控案

遵

飭查辦吉公慶案

那文毅公奉使粵東奏議

目錄

二



官階

嘉慶五年十月初二日

命實補翰林院侍講

嘉慶五年十二月十六日

命襲騎都尉

先是嘉慶四年五月十五日  
內閣原任大學士公阿桂前在新疆著有勞  
績會賞給騎都尉世職嗣以征勦緬甸獲咎革職  
遂將世職註銷茲據該旗查明具奏加恩將此世  
職著阿桂之三房孫那彥承襲以示朕優眷勳  
舊子孫之至意欽此彼時即有  
旨當經面辭蒙  
命 文毅  
公承襲之  
堂兄那彥寶承襲  
文成公所遺輕車都尉世職  
至是仍以騎都尉世職  
命 先文毅公承襲

嘉慶六年二月二十七日

那文毅公奉使粵東奏議

卷五

擢授詹事府少詹事

嘉慶六年四月十五日奉

上諭前因那彥成在甘省督兵勦賊將高三馬五股匪逼  
勦入川所剩餘匪無多那彥成並不躡蹤搜捕以致日  
久蔓延及那彥成回京召見時奏對又多錯誤是以降  
調示懲于高馬二逆業已生擒夥黨悉行掃蕩亦可稍  
全那彥成顏面且念係阿桂之孫前在軍營帶兵亦曾  
獲有勝仗那彥成著加恩交軍機處以副都統記名

嘉慶六年九月初三日

命充順天鄉試副考官

嘉慶六年九月初八日

擢授詹事府詹事

嘉慶七年二月初七日

擢授內閣學士兼禮部侍郎銜

嘉慶七年二月三十日

命兼署鑲藍旗蒙古副都統

嘉慶七年三月十八日

命充壬戌科殿試讀卷官

嘉慶七年五月初二日

命充教習庶吉士

那文毅公奉使粵東奏議

卷五

嘉慶七年六月十六日

擢兼正藍旗漢軍副都統

嘉慶七年六月二十二日

命充辛酉科拔貢生閱卷大臣

嘉慶七年八月二十三日扈

蹕木蘭跪獻射獲鹿隻

賞戴花翎

嘉慶七年九月三十日

命兼署經筵講官



那文毅公奉使粵東奏議卷五

男容安恭摺

查辦江西建昌縣知縣劉光控案

嘉慶七年十月十二日

命會同侍郎姜公晟馳赴江西查辦建昌縣知縣劉光控

告巡撫張誠基冒功案

嘉慶七年十月十三日奉

上諭昨據步軍統領衙門奏原任江西建昌縣知縣劉光

遣子控告巡撫張誠基冒功邀恩及抑勒劉光賠補虧

空一案當即降旨派令姜晟那彥成前往審辦矣從前

那文毅公奉使粵東奏議

卷五

一

義寧州逆匪劉聯登等聚眾滋擾會據張誠基奏稱聞

信後即親赴該處帶兵打仗勦滅完結是以加恩賞戴

花翎今據劉光控告此事實係該縣署義寧州知州任

內於逆匪起事時即行募勇勦辦張誠基聞信馳抵義

寧早已辦竣旋即攘為己功看來張誠基捏報邀恩事

所不免而劉光騰空未完銀兩若係分文無欠張誠基

亦焉能指不給咨勒令賠繳但劉聯登於何日勦淨何

日該撫始抵義寧州均有月日可稽詢問該處官吏民

人自能確實即劉光應賠銀數亦有冊檔可查無難水

落石出著姜晟那彥成秉公審辦如勦辦逆匪時張誠

基尚未親身到彼即經該縣辦竣而該撫虛報戰功濫

邀恩賞自當治以捏奏冒功之罪姜晟那彥成即一面

將張誠基奏請革職審訊其江西巡撫印務著姜晟暫

行署理候朕另行簡放藩司邵洪提取逆匪案卷並空

白冊檔一節如果訊出扶同更改情弊亦當革職治罪

所有藩司印務即著姜晟派委委員奏請署理那彥成

於審案完竣後即將張誠基押帶回京解交刑部若該

縣所控全虛即當按例治罪不得稍有瞻徇此旨著交

姜晟那彥成查往遵照辦理

容安謹按 先公於此案未及審結奉

那文毅公奉使粵東奏議

卷五

二

命赴粵東查辦吉公慶案故未會奏



遵

勅查辦吉公慶案

嘉慶七年十一月初三日軍機大臣字寄奉

上諭粵東惠州府屬歸善縣地方有添弟會匪滋事一案先於八月二十二日吉慶奏到行抵該處陸續擊獲首夥四十餘名投出脅從者一百九十餘名分別辦理並稱會匪等聞總督到彼即紛紛解散投首地方業已靖謐二十九日奏到摺內忽稱歸善博羅共有會匪一二萬人歸善雖經安貼而博羅羊屎山內匪徒藏匿甚多此二摺所敘情形互異該會匪等既經製有器械糾眾搶掠何以一聞吉慶前抵歸善並不抗拒即肯自行投首情節已覺可疑嗣後所奏各摺始則稱博羅東莞增城龍門等四處均有匪徒既復添入河源歸善石龍三處皆須派兵防堵而瑚圖禮所奏東莞等六處並無會匪滋事不過預為防範吉慶紛紛派兵設卡轉令該處百姓驚疑實屬錯誤及至攻克羊屎山羅溪營賊巢後據稱賊匪共有萬餘擒斬者僅止三千餘人其餘賊眾並未聲明竄往何處而東莞等處賊匪作何辦理亦未提及轉稱羅浮山中亦有匪徒滋擾是否即係羊屎山內逸出之賊始終未經敘明迨攻克羅浮山拏獲首逆

那文毅公奉使粵東奏議

卷五

三

陳爛展四後突於十月二十一日奏到博羅匪徒曾鬼六勾結永安匪徒曾清浩官粵龍等於大鍾嶺地方擁出數千人抗拒官兵吉慶遂請調江西兵二千名並請簡發副參等官十員赴粵帶兵而二十七日奏到之摺祇稱永安匪徒曾清浩等陸續糾夥共有數百人忽多忽少自相矛盾本日奏到摺內又稱曾清浩率領匪夥投出四千餘人官粵龍賴東保兩起尚有二三千人合計賊數又復增多且於曾鬼六一犯並未提及下落而所稱賴東保一起前奏未見其名並請停止前調江西之兵種種歧異不一而足廣東惠潮一帶添弟會匪各

那文毅公奉使粵東奏議

卷五

四

處皆有吉慶至歸善地方驟爾調兵查拏張皇失措屢次攻得賊巢總未將獲賊訊明實在供詞遠行誅戮計歸善博羅永安三處前後正法者不下數千人其中必多濫殺且三月以來奏到各摺總未將因何起事緣由一一聲敘而於官兵忽調忽撤漫無把握種種冒昧糊塗其奏報之摺不過寥寥數語草率已極已將伊革去協辦大學士暫留總督此案始末緣由必當詳查明確那彥成抵粵後即將指出吉慶陳奏不符之處細為訪查務將此案究竟因何起衅是否吉慶濫殺激變據實具陳不必存避嫌之見以參劾吉慶後即可希冀簡任



兩廣總督稍涉含糊亦不得因古慶現已革去協辦大學士有意苛求總當自矢天良秉公查辦那彥成到彼不可稍有洩漏如到粵時會匪尚未辦竣祇稱奉旨前來幫辦搜捕如業已辦完即稱奉命赴粵幫同經理善後撫綏事宜務當留心密訪據實直陳勿負委任

嘉慶七年十一月十二日

奏為奉到

諭旨恭摺覆

奏事竊臣同姜晟於十一月初九日馳至江西省城正在提集人証查對案卷間接奉

那文毅公奉使粵東奏議

諭旨命臣

卷五

五

即赴粵東查核連次勦辦會匪實在情形據實具奏欽此臣即於次日率同原帶刑部司員李威星馳

前往沿途留心訪問抵粵之後自必更有端緒應即欽遵

諭旨指示各情節務得實在確切憑証先行飛奏即赴軍

營親身履勘據實具奏斷不敢稍存趨避亦不敢畧涉徇隱惟有謹遵

指示秉公核實辦理以期無負

天恩任使至意謹

奏奉

奏奉

殊批知道了

嘉慶七年十一月初六日軍機大臣字寄奉

上諭本日又據吉慶奏報內稱官兵勦賊連次獲有勝仗義容墟首匪官粵龍賴東保率領夥匪一千餘人來營投首天字嶂地方派令將弁層層攻勦永安縣城可保無虞惟塘田一帶尚有餘匪未淨等語所奏仍不明晰官兵既稱得勝究係何人帶兵在何處打仗首匪等既經畏懼陸續投出何以天字嶂地方又須官兵攻勦其如何攻勦情形亦未陳明且永安已無賊匪何僅云縣城可保無虞至塘田地方又係何處餘匪何人為首在

那文毅公奉使粵東奏議

卷五

六

彼潛匿其前次摺內所稱將偽元帥薛文勝等二十三名分別審訊此時作何辦法又未提及至現獲賊目陳有達等二十一人內有無得受偽封亦未敘明看來此案始末緣由吉慶所奏多不確實該匪官粵龍等既經蓄意謀逆聚集多人劫掠村莊豈有一聞官兵到彼並未接仗即肯自行投首之理且該匪等雖經投出亦應將為首各犯按律重懲乃吉慶竟欲將投首之犯概行妥為安插並不定擬罪名即所開供單亦經朕日前降旨飭責令其訊取確供詳晰具奏始行遵辦今披閱單內僅將賊首曾清浩官粵龍賴東保三人問取供詞據



供焚劫村莊謀逆顯然何以概行免罪且該犯曾清造等供稱於七月間起意糾結何以至九月滋事時遠有二三千人之多至各寨現已投誠賊目陳有達等僅開載名姓並未將如何投首及有何口供逐一陳奏種種糊塗紕繆實不可解吉慶係久任封疆之人不應如此或竟係吉慶始而張皇激變繼而有意消弭因將起釁緣由朦朧粉飾皆未可知那彥成接奉此旨即迅速馳赴廣東將前後指出各情節秉公查辦現在會匪將次辦竣無須兵力勦捕那彥成到粵時祇稱奉旨前來會審此案務將案內首夥各犯嚴訊明確應定擬者按例

那文毅公奉使粵東奏議

卷五

七

定擬應安插者分別安插據實詳悉具奏不可稍有含糊瞻徇

嘉慶七年十一月十七日

奏<sub>臣</sub>於十一月十一日由江西省城起程馳赴粵東業

經具

奏旋於十三日在新淦縣途次奉到初六日

諭旨吉慶所奏連次勦辦會匪情形均未明晰多不確實

令<sub>臣</sub>迅速馳往秉公查辦仰見我

皇上明見萬里洞燭機宜所有

諭旨內指出各情節均係緊要關目一經

聖明提示曠若發蒙<sub>臣</sub>跪讀之下不勝欽佩之至現在沿

途留心詢問多云官兵屢獲勝仗賊勢解散地方

漸就安謐<sub>臣</sub>趕緊兼程前進數日即可至彼惟有

欽遵

諭旨逐細確切查訊辦理斷不敢稍存含糊瞻徇上負

天恩委任謹

奏奉

硃批覽

嘉慶七年十一月十四日軍機大臣字寄奉

上諭本日據吉慶奏親赴永安所屬之義谷一帶察看被

那文毅公奉使粵東奏議

卷五

八

難民人多有回鄉收割晚禾其投首者亦皆回家不敢滋事等語所奏仍未明晰前令那彥成赴粵會審此案今據吉慶奏到所有投出人犯任令散回各歸本業殊不可解或竟係吉慶因投出匪徒人數衆多並不候旨遵辦率將肆行兇惡各犯概行縱放則該督辦理錯謬之咎已屬不輕那彥成即當嚴行叅奏倘業經放回之後吉慶因接奉前旨又復派兵紛紛查拏必致激生事端吉慶之罪更難曲貸矣且前此擒獲之偽元帥薛文勝等二十三名尚未據吉慶審訊具奏又永安地方既稱靖謐有何防範何以尚須分設營卡至曾鬼六一犯



摺內未經聲敘下落是否即在塘川餘匪之內抑或潛匿深山均須切實查明朕詳閱節次奏報情形與廷臣等議及此事必係吉慶當博羅會匪起釁之初張皇失措濫殺無辜及至勢難歇手又復茫無主見希圖將首從各犯全行放回顛頂了事是始則失之過嚴繼則失之輕縱二者均屬非是然究係懸揣之詞恐未能得其確實那彥成接奉此旨即速到彼秉公嚴密查訪將前後指出各情節一併據實直陳固不可稍涉瞻徇亦不可心存迎合又吉慶另片奏永安縣知縣蒲心浩於會匪滋事不能預為防範請旨革職一節該處地方有會

那文毅公奉使廣東奏議

卷五

九

匪勾結之事該縣漫無覺察以致釀成大案其咎甚重非僅革職所可蔽辜但該縣或先經稟知督撫查辦而督撫竟置之不問則吉慶瑚圖禮均難辭咎其該縣失察處分轉可照例革職著那彥成將蒲心浩親提審訊如果該縣有稟報情事必當查對年月確據方足憑信倘未經稟報仍將該縣嚴察辦理並將失察之督撫等一併附參

嘉慶七年十一月二十三日

奏為奏

聞事竊臣於十一月十七日馳抵廣東境內因陸路紆遠

即由水路順流日夜前進二十二日至清遠縣風聞督臣吉慶回省病故隨於是日申刻據撫臣瑚圖禮差縣丞余瀚報知吉慶於二十日巳刻病故屬實臣越日即可抵省沿途訪問雖會匪業已將次辦竣但恐諸事尚有經理未能周到之處刻下自當以撫綏善後事宜為第一緊要臣亟應將會匪始末情形查實奏明後即赴惠州會同提臣孫全謀妥為經理謹

奏奉

硃批覽

那文毅公奉使廣東奏議

卷五

十

嘉慶七年十二月初一日

奏為遵

旨查訪會匪滋事緣由據實具奏事竊臣前在江西省城接奉

諭旨廣東惠州府屬會匪滋事一案吉慶奏到各摺內總未將因何起事緣由一一聲敘那彥成抵粵後即密為查訪務將此案究竟因何起衅是否吉慶濫殺激變據實具陳欽此臣馳入粵境沿途留心查訪茲於十一月二十四日抵省隨監提督清浩官勇龍賴東保等嚴切審訊緣添弟會名起於福建漳泉粵之惠潮



與之接壤沿習既久遂成土俗粵省民人多聚族而居其客籍寄居者均係無業游民性復曠悍聚黨成羣遂結拜添弟會遇事互相幫助會內亦間有本處之人而係客籍者十居八九其土著民人因客籍結會恐被擾害又因深山耕牛難得牛隻被添弟會偷竊亦各於鄉內糾眾立會每戶按年派錢存爲公項使用名之曰牛頭會兩會之人彼此爭競積怨構讐互爲仇敵已非一日此次歸善博羅永安三處滋事歸善添弟會係陳亞本爲首糾黨數百人欲搶劫牛頭會村莊尚未舉事即被

那文毅公奉使粵東奏議

卷五

十一

已革知府伊秉綬同該縣傅碧萊訪聞拏獲百餘人陳亞本當時脫逃旋亦被獲正法餘黨解散現亦各經安插無事博羅匪犯係陳爛屐四爲首該犯家貨殷實號召匪類附和者衆又爲已正法之智叅和尚邪說蠱惑遂爾妄生逆謀盤踞山隘僞稱名號焚劫村莊抗拒官兵經官兵攻勦揭穴焚巢殲厥渠魁餘黨瓦解地方遂得平靜至永安則因牛頭會內之人聞博羅滋擾恐永安添弟會匪聞風嚮應遂集眾捕拏會首溫登元送官審訊監斃於是會清浩官粵瓏賴東休等遂呼引黨類先

殊

發作難聚夥於縣屬之天字嶂肆出擾害焚殺牛頭會村莊嗣經官兵進剿吉慶發示招撫始陸續投首是此三案歸善則謀逆未成博羅則實爲叛逆永安則因本地民人激起始非謀反後亦抗拒官兵竟成叛逆之勢臣復密詢在省在惠員弁所述顛末大率類此是吉慶辦理此案尙無濫殺激變之事又

那文毅公奉使粵東奏議

卷五

十二

廷寄內八月二十二日吉慶奏到行抵歸善會匪等即紛紛解散投首地方業已靖謐二十九日奏到忽稱歸善博羅共有會匪一二萬人此二摺所敘情形互異該會匪等既經製有器械糾眾搶掠何以一聞吉慶前抵歸善即肯投首情節可疑一節臣查陳亞本聚眾於歸善之稔山白芒花地方欲行搶劫尙未舉事即被訪拏紛紛逃竄此係七月十一二等日之事吉慶於八月初二日抵惠州其時匪徒業已解散無復投首之犯吉慶將獲犯審擬具奏至博羅羊屎山內之賊係陳爛屐四所聚起初不過千餘人嗣因裏脅日衆遂有數千之多吉慶所奏一二萬人亦係約畧之詞又牽扯歸善在內敘次未能明晰又廷寄內吉慶所奏各摺始則稱博羅東莞增城龍門等



四處均有匪徒河源歸善石龍皆須派兵防堵而珣圖  
禮所奏東莞等六處並無會匪等滋事不過預為防範  
吉慶紛紛派兵設卡轉令百姓驚疑一節臣查東莞增  
城龍門河源歸善石龍六處均與博羅接壤陳爛  
殿四脫逃被獲即在增城風門凹地方其餘犯逃  
至橫河土瓜胡鎮一帶係博羅東莞增城龍門交  
界之處吉慶欲堵截竄匪調派兵役在於各處設  
卡防範實無另有匪徒滋擾之事又

廷寄內吉慶奏攻克羊屎山羅溪營賊巢後據稱賊匪  
共有萬餘擒斬者僅止三千餘人其餘賊眾並未聲明

那文毅公奉使粵東奏議

卷五

三

係竄往何處轉稱羅浮山中亦有匪徒滋擾是否即係  
羊屎山逸出之賊始終未經敘明一節臣查得陳爛展  
四於八月初旬起事羊屎山羅溪營羅浮山等處  
均有賊匪分踞經官兵攻克羊屎山羅溪營賊巢  
之後陳爛展四帶匪數百山范家田竄往羅浮山  
之冲虛觀華首臺等處復經官兵勦陳爛展四  
翻山逃逸至增城被獲是羅浮山中匪徒多是羊  
屎山逸出之餘眾原奏未經聲明又  
廷寄內吉慶於十月二十一日奏到博羅匪徒曾鬼六  
勾結永安匪徒曾清浩官粵龍等於大鍾嶺地方擁出

數千人抗拒官兵而二十七日奏到之摺祇稱永安匪  
徒曾清浩等糾夥共有數百人忽多忽少自相矛盾本  
日奏到摺內又稱曾清浩率夥投出四千餘人又未奏  
明安插此四千餘人作何歸結官粵龍賴東保兩起尚  
有二三千人合計賊數又復增多且於曾鬼六一犯並  
未提及下落一節又於十一月十三日接奉

諭旨吉慶奏官兵連獲勝仗義容墟首匪官粵龍賴東保  
率領夥匪一千餘人來營投首天字嶂地方派令將弁  
層層攻勦永安縣城可保無虞惟塘田一帶尚有餘匪  
未淨等語所奏仍不明晰官兵既經得勝究係何人帶

那文毅公奉使粵東奏議

卷五

四

兵在何處打仗首匪既經投出何以天字嶂地方又須  
攻勦且永安已無賊匪何僅云縣城可保無虞至塘田  
地方又係何處餘匪何人為首等因臣查曾清浩官粵  
龍賴東保俱係溫登元糾約入會之人溫登元被  
牛頭會指拏到官旋即監斃曾清浩等挾仇欲圖  
報復各自轉糾黨羽曾清浩官粵龍賴東保各糾  
得三五百人不等並與已獲正法之薛文勝等分  
投逼脅入夥共有二三千人焚劫牛頭會村莊經  
官兵進勦於大鍾嶺九禾市縣城南等處殺賊不  
過數十百人吉慶節次所奏賊人名數忽多忽少



硃

硃

硃

硃

硃

硃

硃

或係接據該地方官與打仗營員稟報未經查明

遂爾入奏至所稱曾清浩率夥投出四千餘人官

粵龍賴東保率夥投出一千餘人臣提訊曾清浩

等據供脅從逃散僅止各帶百餘人投出並無數

千人而吉慶因在匆忙之際又為招撫起見此是吉將

投首各夥犯釋放回家並無安插檔案無從查核

又所奏官兵連獲勝仗天字嶂地方層層攻勦永

安縣城可保無虞等語查曾清浩等投首之後賊

匪解散官兵無復與打仗之事天字嶂係賊匪起

事之區維時尚有餘匪藏匿吉慶派兵搜捕亦無

攻勦情形至永安城南曾經賊匪滋擾彼時官兵

與之接仗而細查原奏亦未提及其所稱永安縣

城可保無虞之語或即指此其塘田一帶係博羅

歸善交界地方查訪亦無匪徒滋擾之事總之吉

慶辦理此案僅據一時稟報入奏每多舛錯即如

曾經打仗之城南九禾市摺內並未奏及而未經

打仗之義容墟輒行摺入伏讀

諭旨此案始末緣由吉慶所奏多不確實誠為

燭照萬里瞭如指掌臣不勝欽服至曾鬼六係勾引起事

要犯研訊曾清浩等據供仍回博羅藏匿臣現又

那文毅公奉使粵東奏議

卷五

五

硃

硃

硃

硃

硃

硃

硃

得有密信該犯逃至附近之長樂縣已迅速購線

捕拏期在必獲以淨根株又

廷寄內吉慶前摺所稱將偽元帥薛文勝等二十三

名分別審訊此時作何辦法至現獲賊目陳有達等二十

一人內有無得受偽封亦未敘明且賊首曾清浩官粵

龍賴東保據供焚劫村莊謀逆顯然何以概行免罪該

犯曾清浩等供稱於七月間起意糾結何以至九月滋

事遽有二三千人之多一節臣查粵東會匪相沿已久

會清浩等雖供於七月間起意糾結而同類之人

所在皆有該犯等引誘逼脅一時烏合遽有二三

千人之多似尚可信至會清浩官粵龍賴東保三

犯焚殺姦淫不可勝數永安被害之家怨痛入於

骨髓至今不能安靜若不將該犯等明正典刑斷

不能服百姓之心臣與撫臣瑚圖禮會審後已將

該三犯斬決亦見傳首梟示另摺具

奏其偽元帥薛文勝等二十三名業經吉慶審辦將薛

文勝與隨同焚劫之薛成由鄒候球曾秀珍童三

曾亡連六犯正法鄒勝龍等八犯分別發遣尚未

具奏至續獲之陳有達等二十一名查據臬司耶

庭濬所存名單吉慶祇發交鍾鳴通等十二名現

那文毅公奉使粵東奏議

卷五

六



禁省監其餘陳有達等九犯並薛文勝案內尚有九犯俱經吉慶在軍營釋令招徠餘黨均未經投回臣現應前往惠州察看辦理已移咨撫臣瑚圖禮確切查明分別審擬具奏以上各條臣細加訪詢並檢各屬稟報原札查核確有可憑謹據實覆奏是吉慶辦理前後三案惟永安過於寬縱而歸善博羅均無貽誤祇因奏敘不明轉似有無窮諱飾情景以致上厘

聖懷臣奉

旨查訪事關緊要斷不敢稍存私見謹據實秉公繕摺覆

那文毅公奉使粵東奏議

卷五

七

奏再臣途次三水聞吉慶病故當即具

奏越日抵省詢係自戕身死深為駭異臣疑其因他處

會匪別有蠢動自揣不能辦理或又別有關係重大之事以致自戕及至細查密訪並無其事查吉

慶操守廉潔居官尚無劣蹟惟辦理永安會匪一

案未將首犯曾清浩等正法被害之家怨言騰沸

紛紛控告不已又懼

上聞慙畏交並兼之病後糊塗遂爾自尋短見實非另有

別情恐厘

聖懷謹

聖懷謹

奏

嘉慶七年十一月十九日軍機大臣字寄奉

上諭那彥成奏遵旨馳赴粵東查核勦辦會匪實在情形一摺吉慶歷任封疆操守素稱廉潔平日亦尚能辦事是以加恩擢用協辦大學士此次辦理會匪一事茫無定見種種繆誤已降旨革退協辦大學士此缺尚未另行簡放有人現派那彥成前往查辦但究係就伊節次奏報情形懸揣而知其是否確係如此必須查核的實那彥成到彼後諒餘賊早已平定即將地方實在情形迅速奏聞並將前後指出各情節詳密查訪秉公直陳

那文毅公奉使粵東奏議

卷五

六

不可因吉慶革退協辦大學士有心周內其罪亦不可因有此旨曲為開脫再聞吉慶平日一切奏摺事件不用幕友現在究係何人代伊擬稿一併查奏又吉慶奏博羅永安被擾村莊安撫難民之處並著那彥成詳悉查勘是否撫卹得宜有無遺漏地方會否虛謚據實奏聞又書敬年已就衰善保黃文燦二人亦屬無能其在粵居官聲名若何是否能勝將軍副都統之任並著查明附奏

嘉慶七年十一月二十三日奉

上諭吉慶辦理博羅會匪一事節次奏報張皇冒昧草率



糊塗前已降旨革退協辦大學士本日奏報永安全境平寧一摺聲敘仍不明晰據稱剿獲賊匪甚多並未奏明人數投首匪眾亦無名姓供詞即所稱妥為安插之處亦未將如何辦理緣由詳悉具奏但云博羅匪徒戮居多投首較少永安匪徒投首居多不得不慮其反側俱應留兵防範等語博羅永安二處地方如果寧謐何以復須多撥兵丁防守是所稱辦理完竣之處竟係顛頂結局吉慶於此事先既失之濫殺繼又失之輕縱伊摺內情形已大畧可見封疆大吏平日不能先事預防致有匪徒滋事本有應得之咎即使辦理妥善功過

那文毅公奉使粵東奏議

卷五

九

僅足相抵今吉慶既已失察於前又復錯謬於後豈可復膺總督之任吉慶著即解任革去雙眼花翎暫留頂戴交與瑚圖禮那彥成會同審訊所有兩廣總督員缺著長麟補授加恩賞戴花翎即馳驛前往長麟未到任以前兩廣總督印務著瑚圖禮暫行署理廣東巡撫印務著那彥成暫行署理俟長麟到粵後瑚圖禮仍回巡撫本任那彥成即來京供職

嘉慶七年十一月二十三日軍機大臣字寄奉

上諭前已節次將吉慶辦理此案糊塗草率之處逐一指出交那彥成查詢參辦本日又據吉慶奏到永安縣全

境平寧摺內據稱孫全謀帶兵於大鍾嶺義容墟等處殲獲賊匪甚多直抵縣城該匪正在圍攻官兵痛加剿殺大獲勝仗各處匪徒聞風畏懼紛紛投首妥為安插其陸續拏獲各匪徒亦已審明辦理塘田地方匪徒亦俱回散並搜拏餘匪數名訊辦其赴營投首者亦經分別安插釋放等語所奏仍不明晰該匪等既經官兵痛剿畏懼投首自應將辦情形及投首姓名人數訊取各犯供詞並如何按律定擬分別安插之處一一聲敘乃僅以紛紛投首妥為安插二語了事其首犯曾鬼六是否亦在投首之內既云永安全境寧靜何以又稱於

那文毅公奉使粵東奏議

卷五

十

博羅留兵一千名永安留兵二千名巡守地方可見投首之人仍未能安插妥協而吉慶又稱良民與投首之人俱回鄉收割田禾恐有械鬪仇殺之事預為地步是名為全境寧靜其實並未完局至前此摺內所稱首犯曾清浩官粵隴賴東保三人是否擅行放回並審訊之偽元帥薛文勝等二十三名究竟作何辦法全未提及且據摺內稱博羅縣匪徒戮居多投首較少永安匪徒投首居多等語是吉慶於查拏會匪一事始則濫殺無辜激成事端及至勢難啟手又復顛頂了事將首從各犯全行釋放情節顯然即伊摺內所陳二語已覺歷

殊

非族懸揣臆度



歷如繪又另片奏獲接濟逆匪硝磺之林亞毛賴亞  
憲二犯據林亞毛供曾拜陳爛殿四為大哥封伊為三  
王爺等語此等得受偽封匪徒自應按律即行辦理何  
待請旨此亦吉慶辦理結息之一端本日已另片論旨  
將吉慶革去雙眼花翎留頂戴解任暨著瑚圖禮身  
任巡撫失察地方會匪滋事原有應得之罪但未經帶  
兵勦辦在省辦理一切尚無不合已令伊暫署兩廣總  
督其巡撫印務即令那彥成暫署著將吉慶交與伊二  
人秉公審訊遵照節次諭旨及本日所諭情節向吉慶  
逐一訊問令其明白登答其最要者在會否將會清浩

那文毅公奉使粵東奏議

卷五

三

官粵瓏賴東保三人放回一節如吉慶竟將該犯等釋  
放即當據實嚴參若釋放後續奉諭旨又復四處查拏  
致滋事端並或查出實有濫殺激變各情節即當一面  
具奏一面將吉慶革職解京治罪至會匪起事始  
末孫全謀在彼勦辦必知其詳瑚圖禮等不妨傳到該  
提督當面訊問會匪究竟因何起事吉慶在博羅勦辦  
時是否濫行誅戮殃及無辜及至永安又如何將首犯  
等概行釋放希圖將就完結之處令其詳悉備陳並論  
以爾係武職大員分祇帶兵勦賊其獲賊後原係交吉  
慶辦理與伊無涉不必心存畏懼代為飾飾係全謀自

必據實說出更無難得其確實再首犯曾清浩官粵瓏  
賴東保三人如吉慶已續經拏獲即著瑚圖禮等按律  
定罪仍候旨辦理如尚未就獲即著瑚圖禮那彥成將  
該三犯設法緝獲但不可紛紛查拏致滋事端其曾鬼  
六一名係為首要犯吉慶屢次摺內未將該犯下落聲  
敘或在投首之內抑尚潛匿他處並著瑚圖禮等留心  
訪拏一律辦理為要

嘉慶七年十二月初六日軍機大臣字寄奉

上諭本日又據吉慶奏到永安地方寧靜情形一摺不過  
寥寥數語仍未將會清浩官粵瓏賴東保三人是否尚

那文毅公奉使粵東奏議

卷五

三

在監禁抑或竟已釋放之處據實具奏而摺尾又稱於  
拜摺後即起程回省是吉慶之意以此事業經辦竣會  
清浩等三犯諒必早經釋放其為疎縱無疑至曾鬼六  
一犯亦未提及實在下落自係逃匿入山並著瑚圖禮  
等遵照前旨查明妥辦又吉慶保奏軍營出力文武各  
員紳士一摺除武員唐光茂等已降旨加恩外其文職  
邱庭滢等各員及紳士名單均著發交瑚圖禮那彥成  
覆加查核其中如有冒濫者即行刪去有遺漏者查明  
添入另行具奏候朕再降恩旨又據奏博羅永安二縣  
酌撥兵丁防守一摺著瑚圖禮那彥成查看該處地方



情形再行妥議具奏又吉慶另片覆奏博羅永安二縣會匪滋事並非勾通洋盜現飭緝拏洋盜等語博羅永安距海較遠此次會匪滋事自未必勾通洋盜但欲緝拏淨盡談何容易著瑚圖禮那彥成飭令員弁實力查拏務使匪徒絕跡以期綏靖地方吉慶各原奏並摺片均著發交瑚圖禮那彥成閱看

嘉慶七年十二月初七日軍機大臣字寄奉

上諭據那彥成奏稱十一月二十二日行至清遠縣地方風聞吉慶回省病故隨於是日申刻據瑚圖禮差人報知吉慶於二十日巳刻病故屬實等語那彥成奏報到

那文毅公奉粵東奏議

卷五

三

時適吉慶亦有四百里奏到之摺即係二十日拜發是日發摺時至早想亦不過卯辰之間且閱其摺內所敘情節較之往常奏報轉為明晰豈早刻尚能照常辦事不逾時旋即身故耶昨日吉慶摺內片稱患病月餘未敢具報並有恐瑚圖禮作踐惟願病不能痊之語即不成話伊此次發摺時如果病勢沉重自必隨摺聲明何以轉無一字提及即瑚圖禮同在省城並不將吉慶身故之處專摺馳奏僅差人知照那彥成又未將吉慶所患何病詳悉報知事屬可疑其中恐有別項情節必須確切查明前因吉慶於會匪一案種種辦理不善是以

降旨將伊革去協辦大學士解任交那彥成等秉公查辦伊現在業已身故即著那彥成就近訪查如果吉慶勦辦博羅永安會匪實有張皇濫殺激成事端等情伊或風聞現派欽差赴粵查辦此事恐獲重罪或另有別項劣款慮其舉發自尋短見則吉慶死有餘辜倘吉慶實因督兵勦捕積勞成疾其辦理會匪一事尚無濫殺

殊

因病

激變等情即有未能妥協之處其咎止於罷斥尚當宥其前愆加以恩恤那彥成不可以吉慶已故將辦理種種舛錯歸罪吉慶一人而置孫全謀等於不問藉此含糊完結亦不可憐其身故曲為開脫那彥成總當持平

殊

一秉至公

那文毅公奉粵東奏議

卷五

三

核辦據實直陳不得一字稍涉欺飾

殊

即瑚圖禮之語亦不可不察也

嘉慶七年十二月初七日奉

上諭據吉慶覆奏將投出首匪曾清浩等遵旨審辦各摺前因吉慶於首匪曾清浩官粵瓏賴東保等投出遽請安插辦理失當曾降旨令其訊明定擬此時既將該犯等提至省中即著瑚圖禮那彥成詳加研鞫如係被官兵拏獲並非自首即應立正刑誅倘曾清浩等三名及陳有達等二十一名均係悔罪率眾投出當訊明情節將該犯等應得罪名照例定擬具奏候旨遵行不必遽請王命正法至曾鬼六一犯尚無實在下落總須嚴飭



將升各地方官上緊提拏毋使漏網再永安山內之賊若聽其日久潛藏勢必搶掠口食甚至復出滋擾居民多受其累亦應遵照昨旨妥為籌辦以期綏靖地方勿任久匿蔓延為要

嘉慶七年十二月十五日

奏為疊奉

諭旨恭摺覆奏事本年十一月二十八日永准

廷寄欽奉

上諭吉慶奏永安地方既稱寧謐有何防範何以尚須分設營卡又另片奏永安縣知縣蒲心浩於會匪滋事不

那文毅公奉使粵東奏議

卷五

五

能預為防範請旨革職一節該處地方有會匪勾結之事該縣漫無覺察以致釀成巨案其咎甚重非僅革職所可蔽辜但該縣或先經稟知督撫查辦而督撫竟置之不問則吉慶瑚圖禮均難辭咎其該縣失察處分轉可照例革職著那彥成將蒲心浩親提審訊如果該縣有稟報情事必當查對年月確據方足憑信倘未經稟報仍將該縣嚴行叅辦並將失察之督撫一併附叅可也欽此又於十二月初一日永准

廷寄欽奉

上諭吉慶奏博羅永安被擾村莊安撫難民之處著那彥

成詳悉查勘是否撫卹得宜有無遺漏又聞吉慶平日一切奏摺事件不用幕友現在究係何人代伊擬稿一併查奏欽此伏查永安地方跬步皆山吉慶於會匪滋事時撫勝於勦人心不服以故鄉勇團聚不散紛紛呈告惟求官為盡數勦殺以除後患而投出之匪黨雖知官兵不加殺戮難保鄉民不復相殘是以投而復匿者不少彼時大局雖定民情尚未甚靖謐吉慶留兵二千名分卡彈壓就當日情形而論尚屬正辦即臣到省後呈告會匪者不下數百均即開誠曉諭並將義民縛送賊目審明實係殺

那文毅公奉使粵東奏議

卷五

五

人放火者即行正法民心稍定團聚之鄉勇業已解散山上寨柵亦拆十之八九其餘山僻零寨數處正在次第辦及一面又詳論餘匪祇誅首惡爾等既知畏法若取有鄰族保結者俱不追究宜各還家安業等語以安其反側之心惟添弟牛頭兩會仇怨不解居處又復相錯此時解散回家彼此懾於官威而不敢動而形迹究不能遽泯仇恨亦未能頓消况現值歲暮窮民度歲維艱一有搶竊情事或致復行圍劫亦不可不防所有永安留兵二千名應請仍行暫留俟至正月間察看情形再



行陸續撤回至博羅民情業已安帖無需兵力彈壓已咨會提臣孫全謀將留防兵一千名陸續撤回歸伍至永安縣知縣蒲心浩已於十一月初旬病故臣調取總督衙門案卷細加查對內八月二十七日永安縣稟報牛頭會人拏獲添弟會首溫登元送官後復帶引兵役拏獲黃亞三等十六名經吉慶批令祇須擒拏首犯不必查緝餘黨又九月初五日該縣稟報添弟會匪各悔過具結緣由吉慶批令認真妥辦各在案至九月二十七日會清浩等起事該縣始行通報總督巡撫各衙門又

那文毅公奉使粵東奏議

卷五

七

調取巡撫衙門案卷查對並無八月二十七九月初五兩稟問之瑚圖禮據稱祇有蒲心浩具報會清浩等起事之稟復詢之隨營辦事之員亦稱奉吉慶諭令凡有發審人犯卽行分別辦理不必通稟是以未經稟報等語現在吉慶蒲心浩俱已身故無庸置議瑚圖禮於會匪勾結之事並未據該縣稟報但身為巡撫於所屬兩次拏辦會匪竟無聞見失察之咎難辭應請

旨將瑚圖禮交部察議至博羅永安被擾村莊吉慶並未議及撫卹經瑚圖禮奏請照水旱之例賑濟業已

那文毅公奏議 卷五

委員查勘臣到後復添派幹員趕緊分投查辦務期難民早沾實惠毋有遺濫所有籌辦章程另片具

奏再吉慶一切奏摺事件係幕友徐嶧桐及廣州府經歷王暹代伊擬稿詢據隨營辦事各員俱稱吉慶性情過急一經探聞軍營信息尚未察實卽繕摺具奏及至得有確切稟報而已多有不符又好自行改竄往往匆促之間以致不能通順其會匪起畔始末前後未能明晰並會清浩等三人尚未釋放臣到省後訊明正法及薛文勝等一起業經吉

那文毅公奉使粵東奏議

卷五

八

慶分別審辦尚未具奏陳有達等一起臣因起程赴惠移咨瑚圖禮審明分別定擬具奏各緣由臣已於前次拜發摺內詳悉具

奏逸犯會鬼六研訊現獲各犯堅供不知去向訪得該犯逃藏長樂密飭該縣偵緝尙無下落現飭各屬嚴密緝務期必獲再本月十一日奉到諭旨飭將會匪因何起事吉慶在博羅是否濫行誅戮及至永安又如何將首犯全行釋放各情節令瑚圖禮與臣向提督孫全謀詢問該提督本駐惠州臣遵

一九一



旨就近傳詢令其逐條登報謹將該提督錄送覆摺恭呈御覽署督臣瑚圖禮現駐省城未及會銜合併陳明謹奏

嘉慶八年正月初三日奉

上諭廣東博羅永安會匪滋事瑚圖禮身任巡撫於所屬地方匪徒勾結毫無覺察以致釀成巨案茲據那彥成查奏僅請將該署督交部察議未免過輕瑚圖禮著交部議處

嘉慶七年十一月二十三日

命署廣東巡撫

那文毅公奉使粵東奏議

卷五

五

嘉慶七年十二月十五日

奏為恭謝

天恩事本年十二月十一日奉到

恩旨命臣暫署廣東巡撫臣恭設香案望

闕叩頭訖竊臣自獲咎戾惴惴難名仰蒙

皇上格外成全棄瑕錄用洵至闕學茲奉

使赴粵辦理撫綏善後事宜惟思竭盡犬馬血誠勉求諸

務妥協乃復重荷

恩綸暫攝撫篆聞

命之下益切悚惶伏念臣於外任封疆一日未曾經歷雖

係暫署然自信未能時深隕越之虞惟有實心實力勉竭駑駘以期無負

任使謹

奏奉

硃批勉之又勉永念汝祖

嘉慶七年十二月初九日軍機大臣字寄奉

上諭前日據那彥成奏報吉慶病故並未將伊所患病勢情形聲敘朕即以其事屬可疑當經降旨交那彥成密為查辦本日瑚圖禮報到片稱吉慶竟係自戕身死實屬大奇之事人孰不愛生惡死苟非有不得已苦情何至輕視軀命前此吉慶摺片內有伊患病月餘恐瑚圖

那文毅公奉使粵東奏議

卷五

三

禮作踐惟願病不能痊並有瑚圖禮因太平關盈餘歸公深恨吉慶南韶道朱棟謠言以致辦理軍務之人觀望等語吉慶與瑚圖禮近在同城如有將總督作踐之處自必人所共見共聞可以留心詢訪至吉慶署內現有親丁家屬亦可擇其明白曉事者詳加詢問吉慶患病係何症候曾服何藥平日曾否有受屈之事無難得其確據其太平關盈餘歸公後吉慶有無從中侵蝕之處瑚圖禮是否因此歸怨吉慶有何憑據道員朱棟作何謠言何以辦理軍務之人心存觀望著那彥成訪查明確秉公據實具奏如吉慶竟係心虛畏罪或尚有別



項劣款自尋短見則吉慶死有餘辜倘另有別情瑚圖  
禮所奏未實朕豈肯令總督大員抱屈而死總之那彥  
成查辦此事惟當一秉至公毫無瞻顧不可因瑚圖禮  
現署總督若將伊系劾即蹈覬覦此缺之嫌設此事果  
與瑚圖禮干涉亦不將那彥成補放總督不必預存避  
嫌之見至吉慶前奏歸善會匪聚眾時提臣孫全謀將  
兵安於城上營汎礮位收回瑚圖禮又奏稱孫全謀辦  
理永安會匪專主招安並不勦捕是此案辦理不善自  
應查明貽誤確情專摺奏奏不可因吉慶已故歸罪伊  
一人而置孫全謀等於不問也

那文毅公奉使粵東奏議

卷五

三

嘉慶七年十二月二十四日

奏為遵

旨覆查具奏事接奉

諭旨那彥成奏稱行至清遠縣瑚圖禮差人報知吉慶於  
十一月二十日已刻病故適吉慶奏到之摺係二十日  
拜發豈早刻尚能辦事不逾時旋即身故又昨日吉慶  
摺內片稱患病未敢具奏並有恐瑚圖禮作踐惟願病  
不能痊之語事屬可疑其中恐有別項情節必須確切  
查明如果吉慶勤辦會匪有濫殺激成事端等情恐獲  
重罪或別有劣款因病自尋短見則死有餘辜倘實因

督兵勦捕積勞成疾其辦理即有未能妥協之處咎止  
罷斥尚當宥其前愆加以恩卹那彥成不可以吉慶已  
故將辦理種種錯繆歸罪吉慶一人而置孫全謀等於  
不問亦不可憐其身故曲為開脫欽此臣前於途次即  
微聞吉慶係在巡撫衙門自戕身死頗懷疑惑但  
一時不得確實是以摺內未經聲敘抵省後查知  
吉慶自戕並非有關係緊要之事誠恐上厯  
聖懷業於拜摺日附片

奏明嗣接見在省各員於談次無心試問均與瑚圖禮  
所述梗概相同緣吉慶素與瑚圖禮不和其在軍

那文毅公奉使粵東奏議

卷五

三

營奏摺敘事不能明晰疊蒙

皇上聖明駁飭後又以瑚圖禮奉

旨查問軍營情形經瑚圖禮陳奏吉慶自此遂深疑瑚圖  
禮有密行參奏之事查惠州去省三百餘里瑚圖  
禮所奏僅據各屬探聽稟報於本處情節自有不  
能盡一之處吉慶因係身任其事其惶懼疑惑或  
亦因此又永安會匪滋事時吉慶恐曠日持久轉  
致蔓延遂主持招撫而孫全謀亦因循隨同辦理  
嗣首匪曾清浩官粵龍賴東保等投誠吉慶並未  
將此三人擬罪其餘賊目投出者問亦釋放永安



硃 硃

被害之家怨憤不平紛紛控告吉慶心中又生悔懼十一月初間吉慶在於永安之義容墟安營駐劄因天氣陡寒速感微疾自此飲食減少精神恍惚其時匪徒已就招撫遂撤兵回省於十九日到署迎接各員均見其顏色憔悴言語亦不明白吉慶次日往拜瑚圖禮出門之頃即吩咐家人好生護送眷口還京途中又出身帶印鑰着人回取關防送交撫署伊家人覺其情景可異留心伺察吉慶進署與瑚圖禮坐談數語忽拔身帶小刀欲行自戕家人上前攔護奪刀甫坐定又起身摘帽向

那文毅公奉使粵東奏議

卷五

重

硃 硃 硃 硃

柱上撞碰瑚圖禮令人相幫攔住吉慶默無一言起至院內行走還坐見瑚圖禮棹上放有鼻烟壺一個直取塞入咽喉衆人趨救措手不及僅從口中捻出匙蓋業已氣堵身故至彼時二人作何言語無由確悉查吉慶在粵數載居官廉潔於公事認真實爲通省第一數年以來粵省所有虧空業已彌補十之八九即其明証惟近來少生自滿往往諸事不聽人言不和之故或亦由此此次辦理會匪三案歸善博羅均屬迅速並無貽誤惟永安過於慈憐初未計及賊邀賈貨必致民心不服此

硃

則其辦理未能妥協轉生疑於瑚圖禮孫全謀二人臣奉

俱係實情與朕及軍機大臣所料不爽分毫

旨確查斷不敢心存成見惟有秉公據實直陳再臣另奉

諭旨吉慶摺內稱瑚圖禮因太平關盈餘歸公深恨吉慶

南韶道朱棟謠言以致辦理軍務之人觀望等語關稅

與軍務毫無關涉朱棟究係作何謠言令臣一併查奏

細揣其意太平關原係巡撫委南韶道管理每年

盈餘五六萬兩不等巡撫得有盈餘銀三萬兩其

餘歸南韶道或有別項公用吉慶於五年二月奏

明歸公因即疑及瑚圖禮深恨必於陳奏軍務之

那文毅公奉使粵東奏議

卷五

重

硃 硃

便挾嫌密行奏奏而朱棟即係南韶道亦疑其造作謠言伏查瑚圖禮亦係廉潔本分之人想亦不應以此介意且瑚圖禮到任在五年六月二十日而奏盈餘歸公在於是年二月則事在瑚圖禮到任以前亦無所用其深恨至朱棟作何謠言及辦理軍務之人作何觀望臣實在未有所聞謹

奏奉

硃批所奏切實之至竟係吉慶自作之孽總在多疑自是

四字無可憐憫

嘉慶七年十二月二十四日



奏臣正在拜摺間接奉

諭旨瑚圖禮如有將總督作踐之處自必人所共見共聞吉慶署內親丁家屬亦可詢問其太平關盈餘歸公吉慶有無從中侵蝕朱棟究係作何謠言辦理軍務之人何以心存觀望著那彥成訪查明確據實具奏欽此竊以總督大員自戍事屬創見仰蒙

皇上嚴切垂詢臣斷不敢復存意見此時吉慶家人已於十二月初四日由水路回京現在無可指証之人

平心而論總督職分比巡撫較大吉慶又兼協辦大學士資格亦深瑚圖禮何能將吉慶作踐吉慶

那文毅公奉使粵東奏議

卷五

五

殊

平日又無劣蹟又何至受瑚圖禮作踐揣度其意恐被瑚圖禮密奏或革職交瑚圖禮審訊之時必至受伊作踐所稱惟恐其將來至此則現在並無作踐可知若實有其事臣到粵已有一月接

見各員未必盡係瑚圖禮私人豈至毫無所聞但論盈餘一事吉慶辦理歸公在先瑚圖禮到任在後亦並非有心專為瑚圖禮一人起見迨歸公後每年照例解京且關務係巡撫專管吉慶亦無從侵蝕至道員朱棟作何謠言臣實未有所聞現在詢問別人自不肯說又無人指証即朱棟亦不承

認其辦理軍務之人作何觀望並未明指其人若

詢明吉慶家人得知朱棟作何謠言又曾向何人

說過則觀望之人必可確指以上各情節吉慶敢

於陳奏必非無因且必尋短見於巡撫衙門情亦

可疑至朱棟為人臣素不認識亦不敢十分深信

吉慶家人現已回京懇

飭軍機大臣就近傳詢如果說有詞據再行質問謹

奏奉

殊批覽

謹按嘉慶八年正月十二日廷寄內奉

那文毅公奉使粵東奏議

卷五

五

上諭據那彥成查覆吉慶自戍情形實係吉慶多疑自是以至輕生皆不出朕與軍機大臣所料吉慶既已身故毋庸置議即將來伊家人進京亦可不必傳詢矣

嘉慶七年十二月十六日奉

上諭原任兩廣總督吉慶平日居官操守廉潔辦理地方公事尚無貽誤前因查辦歸善博羅永安等縣添弟會匪一事節次奏摺俱係寥寥數語聲敘總不明晰其前後自相矛盾之處甚多朕恐其有濫殺激變及有心疎縱情事諭令那彥成於江西審案之後就近赴粵查訊復因永安首匪曾清浩等三犯投出後吉慶不行定擬



輒奏請安插辦理謬誤特將伊革去協辦大學士拔去  
雙眼花翎並解兩廣總督之任旋據瑚圖禮奏稱吉慶  
自戕身故更堪駭異恐其中另有別情茲據那彥成查  
奏歸善博羅會匪實係叛逆吉慶帶兵攻剿殲厥渠魁  
餘黨瓦解地方遂得平靜吉慶辦理此案並非濫殺激  
變惟曾清浩等祇各帶百餘人投首而吉慶則奏稱曾  
清浩率夥投出四千餘人官粵瓏賴東保率夥投出一  
千餘人其官兵攻剿天字嶂賊匪一節並無其事吉慶  
率總員弁稟報虛詞遽爾入奏並將永安投首賊目概  
予宥釋加以賞賚以致民心不服紛紛控訴吉慶慚畏

那文毅公奉使粵東奏議

卷五

七

交並因病後糊塗自尋短見等語吉慶辦理疎縱種種  
錯誤之處固有應得之咎設曾清浩等三犯竟已釋放  
則獲罪甚重今據那彥成奏稱首犯曾清浩官粵瓏賴  
東保三人俱在監禁現今審明正法是吉慶之罪斷不  
至於死且吉慶平日素有廉名即此次獲咎亦不過革  
職或發往新疆効力將來尚可用為巡撫何即遽爾輕  
生況身為封疆大臣即罪在不赦亦當靜以待命豈得  
私行自盡效匹夫溝瀆之為是其自戕一節即吉慶之  
罪實無足惜豈尚可復邀恩卹至吉慶辦理疎縱之處  
既經那彥成查明委無別項情事亦不必再行追論著

那彥成傳知伊家屬扶柩回旗並將吉慶前後獲罪及  
身故緣由通諭知之

嘉慶八年正月二十一日軍機大臣字寄奉

上諭瑚圖禮那彥成奏遵旨查覆各緣由並瑚圖禮自請  
嚴議一摺博羅會匪陳爛屐四糾黨結會平日僱人潛  
買硝磺製造器械蓄謀已久如果地方官早為覺察何  
至釀成巨案茲據奏稱陳爛屐四於八月初八日起事  
該縣於初二日即有風聞拏獲匪犯等通稟審辦等語  
試思該縣風聞具稟距該匪等起事之期祇越數日可  
見平素竟屬全無聞見地方大小官吏總不以稽查奸

那文毅公奉使粵東奏議

卷五

七

宄為事一任匪徒潛行糾結置之不問形同木偶最為  
外省惡習除該府縣業經分別治罪外瑚圖禮身任巡  
撫未能及早查辦本應照所請交部嚴加議處緣該處  
會匪現在業已辦完前已將瑚圖禮交部議處著加恩  
毋庸復予嚴議此後惟當督飭所屬隨時實心查緝不  
得稍有疎忽

嘉慶八年正月初七日會同署兩廣總督瑚圖禮

禮

奏為遵

旨覆奏事嘉慶八年正月初五日欽奉



上諭前此永安會匪投首到官紛紛釋放朕卽以此事係  
吉慶主見而孫全謀係提督大員亦有辦理不善之處  
不可不查辦示儆著瑚圖禮那彥成再行秉公詳查如  
孫全謀釋放之犯祇係脅從夥賊其咎尚在可原若竟  
將爲首之偽總兵等概行釋放甚至現在逃匿未獲之  
曾鬼六等亦係曾經釋放之犯則其咎甚重卽當據實  
叅奏欽此伏查提督孫全謀勦辦博羅會匪節次打仗  
攻克要隘實屬認真出力人所共知至辦理永安  
一案吉慶專主招撫而孫全謀亦因循附和其受  
撫之匪內有著名賊目俱解交吉慶營中辦理卽  
如現在鐵籠嶂爲首之溫亞利卽係吉慶釋放之  
犯孫全謀尚無擅行釋放緊要頭目情事但於受  
撫夥賊未免稍存大意往往有曾經放火殺人之  
犯未能細加區別遠行放回以致受害之家多有  
怨言此在匆忙之際辦理未能妥協惟永安全局  
受撫孫全謀隨同附和意欲速行戡事其事後調  
劑之難實非該提督意料所及誠如  
聖諭其咎尚在可原查該提督平日整飭營伍操守亦甚  
廉潔官聲尚好現在鐵籠嶂尚有餘匪未淨如果  
該提督奮勇自効立破賊巢應仰懇

那文毅公奉使粵東奏議

卷五

完

那文毅公奏議 卷五

皇上天恩准令將功補過倘再一味因循毫無振作臣等  
卽將該提督據實叅奏一併從重治罪謹  
奏奉  
硃批知道了

那文毅公奉使粵東奏議

卷五

十一

那文毅公奉使粵東奏議卷五

一九七



那文毅公奉使粵東奏議卷六目錄

卷六

勦辦會匪

告示附 撫卹難民

那文毅公奉使粵東奏議

目錄

那文毅公奉使粵東奏議卷六

男容安恭輯

勦辦會匪

告示附 撫卹難民

嘉慶七年十二月初一日

奏為查訪永安等縣被賊後情形斟酌籌辦事竊查惠

州府屬歸善博羅永安三邑均被會匪滋擾臣抵

省後密訪起衅始末緣由已得其梗概並接見自

惠州府回省員弁體訪各處近日情形方知歸善

本係起事未成旋即撲滅民情業已安堵博羅實

係有心謀逆被賊擾害之處雖多經官兵痛加勦

那文毅公奉使粵東奏議

卷六

一

殺渠魁伏誅餘黨已散民怨亦平惟永安係居民

先聚人查拏會匪致賊首曾清浩等糾夥讐殺肆

行焚掠吉慶心存姑息於是自謂撫勝於勦提臣

孫全謀亦自受

殊恩之後稍生滿假之心往往於匆促間將殺人放火之犯

一經投首即予釋放回家雖為解散黨羽起見而

受害之家房屋被燒貲財被掠父母妻子被戕眼

見讐人既免刑誅復蒙賞賜怒目切齒怨氣沸騰

而殺人之犯且有既縱之後仍復結黨成羣凌弱

暴寡者官兵來則號為投誠之人官兵去則肆其



猖獗之狀此民情未服而事後調濟之術頗難為理也查粵東濱臨海邊習俗強悍俗有畏威而不懷德見利而不顧身之語遇此凶頑不法匪徒痛加殲戮尙知懲創於通省均為有益若過於姑息不但被害者難泯其不平之氣即為匪之人犯法而不懼於法難保其不復滋事端但現在匪黨業經解散間有零星逃竄潛匿深山者亦祇須購線躡緝毋庸復資兵力搜捕惟身遭荼毒之家若不亟為安撫使其弛怨愜心恐啟互相讐殺之漸查會清浩官粵瓏賴東保三犯是此案元惡罪魁永

那文毅公奉使粵東奏議 卷六 二

安民人無不疾怨據供焚劫凶淫不法已極即因帶夥投首免其凌遲已屬法外之仁斷不能復邀寬宥臣與撫臣瑚圖禮會審後即恭請

王命將該三犯綁赴市曹斬決傳首梟示庶兇徒稍知儆戒而民氣亦可漸平至現在與賊相讐之人亦立有牛頭會名目此中未必盡係良善讐殺之風亦不可長臣已出示曉諭歸善博羅永安民人爾等

無論前此分立添弟牛頭會如安靜守法即屬良民况首惡會清浩等業已伏誅被害之家足以洩忿各宜還家安業如果有曾經殺人在逃未獲之

犯許令指名控告官為嚴拏審辦毋得私相報復並復派委員弁星赴該縣一面亟先安插難民一面購線密訪在逃賊首曾鬼六等務期弋獲毋任漏網臣拜摺後即赴惠州察看如果各安生業即將吉慶所留彈壓兵丁斟酌陸續撤歸營伍此外應行辦理善後事宜即與撫臣瑚圖禮提臣孫全謀妥議次第經理再查粵省會匪所在皆有聲氣相通祇可威懾難德化此次吉慶於永安投首賊目往往即予釋放並加賞賜民心不服而匪徒轉以滋事為得計藐玩官法滅而復起投而復叛之

那文毅公奉使粵東奏議 卷六 三

事不能保其必無現在大勢已定斷無復帶兵搜捕之理惟當以懲首惡安良善為要相機設法妥為料理嗣後倘再有蠢動必須痛加勦辦全粵方可冀久安臣愚昧之見謹據實奏

聞再臬司邱庭濬係始終在事之人情形較熟臣仍帶同前往辦事臣前由江西起程赴粵因奉

旨查訪之事項緒頗多又有會審緊要匪犯並幫辦撫綏善後事宜恐原帶刑部主事李威係初次隨差諸事未能熟悉一人亦難兼顧路過吉安有丁憂回籍知府劉珪係刑部司員出身臣素知該員誠穩



可信辦事熟練隨帶同赴粵幫理一切俟事竣仍  
令回籍守制謹

奏奉

硃批覽

嘉慶七年十二月初一日會同署兩廣總督瑚公  
圖禮

奏為審明永安滋事首匪先行正法事竊惠州府屬永  
安縣會匪滋事一案先據原任兩廣總督覺羅吉  
慶將投首匪犯會清浩官粵瓏賴東保三名委員  
押解到省臣那彥成抵粵後會同臣瑚圖禮監提

那文毅公奉使粵東奏議

卷六

四

該犯等覆加研訊緣會清浩官粵瓏賴東保均係  
永安縣人素行遊蕩不務正業賴東保先於乾隆  
五十二年間毆斃黃亞四擬絞減流遇

赦省釋回籍本年七月間有已死之溫登元起意商同會

清浩官粵瓏賴東保與已獲正法之薛文勝鄒狐  
狸並在逃之謝清錦溫亞禮何亞開會新林亞着  
潘姓結拜添弟會遇事互相幫助八月間有青溪  
牛頭會內藍修文之父藍監生訪知該犯等糾眾  
結會因博羅會匪滋擾恐該犯等聞風響應隨率  
眾將溫登元拏獲送縣審訊溫登元旋印在監病

那文毅公奉使粵東奏議

卷六

五

故該犯等心懷怨恨欲搶殺牛頭會村莊洩忿隨  
分投糾夥會清浩官粵瓏賴東保薛文勝鄒狐狸  
各糾得三五百人不等並溫亞禮等分投逼脅入  
夥共有二三千人屯聚於縣屬之天字嶂適博羅  
餘匪會鬼六逃至該處見該犯等聚集人眾勸令  
起事會鬼六仍回博羅潛匿會清浩官粵瓏賴東  
保隨俱自稱為大王薛文勝鄒狐狸俱自稱為元  
帥於九月二十六日祭旗起事會清浩帶匪數百  
人打劫青溪等處官粵瓏帶匪數百人打劫黃塘  
等處賴東保帶匪數百人打劫中埔圍其餘夥匪  
亦各打劫附近村莊該犯等所至之處焚燒房屋  
姦淫婦女殺戮無辜不可勝數經官兵進剿於大  
鍾嶺九禾市等處勦殺後賊匪各自逃竄會清浩  
官粵瓏賴東保畏懼各帶夥匪百餘人赴營投首  
嚴訊堅供實因被牛頭會捉拏起衅所糾夥匪均  
係添弟會內之人一時烏合會鬼六仍回博羅現  
在不知去向等語加以刑夾矢口不移查律載謀  
反大逆者凌遲處死又例載不法匪徒潛謀糾結  
復興天地會名目搶劫拒捕者首犯擬斬立決等  
語今會清浩官粵瓏賴東保因挾牛頭會指拏之



嫌膽敢分糾黨羽至二三千人之多焚掠村莊殺淫婦女殺戮無辜即與謀逆無異該犯等各率夥匪自爲一股應各以爲首論雖均係自首到案按殺人之例不准首免况該犯等焚殺村莊多至數十處兇殘已極即因其自首免其凌遲已屬法外之仁斷難復邀寬貸等會審後即恭請

王命飭委代理按察使事南韶連道朱棟署督標中軍副將唐光茂將會清浩官粵瓏賴東保三犯綁赴市曹斬決梟示仍傳首永安等處地方示衆以彰國憲而快人心其在逃之曾鬼六謝清錦温亞禮何亞

那文毅公奉使粵東奏議 卷六 六

開會新林亞着潘姓均係緊要賊目已派委員弁購線捕拏務期弋獲毋令漏網謹

奏

嘉慶七年十二月十六日軍機大臣字寄奉

上諭那彥成奏查明博羅永安等縣會匪滋事緣由及吉慶辦理此事頗末覽奏俱悉已有明降諭旨矣又據另奏審明永安滋事首匪先行正法一摺會清浩官粵瓏賴東保三犯因挾指拏温登元之嫌膽敢分糾黨與至二三千人之多焚掠村莊肆行不法兇惡已極實難曲邀寬貸即因其自首免其凌遲緣坐已屬法外施仁豈

得賞其死罪珣圖禮那彥成於審訊明確後將該三犯斬決梟示辦理尙是其在逃之曾鬼六等犯均係緊要頭目務須嚴拏弋獲按律辦理不可任令漏網此外零星逃竄之犯潛匿深山亦祇須購線躡緝自可無庸復資兵力至摺內所稱現在與賊相讐之人亦立有牛頭會名目等語此項牛頭會民人於添弟會匪滋事之初先將首犯温登元擒拏送官本無不合但愚民糾衆立會同干例禁不但添弟會滋事之犯必須嚴辦即牛頭會之名目亦不可有珣圖禮那彥成當詳悉出示諭以現在歸善博羅永安等處添弟會滋事匪徒糾衆焚掠

那文毅公奉使粵東奏議 卷六 七

不法已極經官兵大加剿殺明示創懲其永安首犯會清浩等三名吉總督未經定擬今已奏明正法梟示爾等公忿已洩至糾衆立會大干例禁爾等本係良善之人自應遵王法現在幫同勦賊惟當稱爲鄉勇義民若設爲牛頭會名目則一稱牛頭會一稱添弟會均干法紀無功而反有罪矣爾等惟當永遠革除此名不許再有糾結倘經此次曉諭之後不知悛改仍前邀結多人設立會名甚至藉衆滋事又與添弟會何異王章具在決不輕貸如此剴切曉諭庶該省民人漸知斂戢自不致復蹈糾衆結會惡習至會鬼六等犯此時既尙未就獲



亦可責令伊等幫同訪拏更易踪跡至惠州現有善後事宜應行經理那彥成馳赴該處惟當察看情形妥為籌辦其前此留防官兵即可陸續撤回原伍再那彥成摺內稱孫全謀自受恩之後稍生滿假往往將殺人放火之犯一經投首即置釋回家等語前此永安會匪投首到官紛紛釋放朕卽以此事係總督吉慶主見而孫全謀係提督大員亦有應得之咎續據吉慶奏稱歸善會匪聚眾時提臣孫全謀將兵安於城上營汛礮位收回等語瑚圖禮摺內亦有孫全謀辦理永安會匪專主招安之語本日那彥成摺內亦云孫全謀於投首之人

那文毅公奉使粵東奏議 卷六 八

遽行釋放以致受害之家怨氣沸騰是孫全謀竟有辦理不善之處不可不查辦示儆並著瑚圖禮那彥成再行秉公詳查如孫全謀釋放之犯祇係脅從夥賊其咎尚在可原若竟將為首之偽總兵等概行釋放甚至現在逃匿未獲之曾鬼六等亦係曾經釋放之犯則其咎甚重卽當據實奏候朕酌辦不可因孫全謀於剿辦會匪一事曾經降旨加恩稍存瞻徇之見前因吉慶奏稱有恐瑚圖禮將伊作踐之言會降旨令那彥成查明具奏此時那彥成既查明吉慶竟係畏罪自盡與瑚圖禮無涉其所稱作踐之處自係病中妄語無庸再行查

奏惟所稱道員朱棟播造謠言一節有無憑據仍當查明據實奏聞此時新任巡撫鐵保已有旨令其卽赴廣東那彥成於鐵保到後卽將惠州現在應行經理之處及查拏逸匪等事交令接辦那彥成卽來京復命可也 嘉慶七年十二月十五日

奏為察看永安地方情形拆毀山寨飭散鄉勇辦理撫綏民情業已靖謐事竊永安會匪滋擾起於土客相讐 抵省後已將查訪起衅始末緣由具

那文毅公奉使粵東奏議 卷六 九

此次會匪起事修築舊寨分據為巢到處焚掠其時遠近居民亦爭趨山僻築寨自固迨匪首投出後賊夥各自解散大勢已定惟被焚被劫村莊受其荼毒日擊受撫之匪晏然無事心懷不平積忿之餘竟有不聽官令仍糾眾私相讐殺者以故鄉勇團聚之處几潰散餘匪不敢遽行回家有仍依山寨負隅為固者有日則在家夜則上山寨躲避者是寨柵不拆則百姓不安而團結之鄉勇不散餘匪依舊不散現在總當破其相持之勢而後可以杜其構衅之萌當卽出示曉諭禁止讐殺凡投



硃

出被脅餘匪令該縣取具族隣甘結聽許安業一  
面飭委現駐永安之右翼鎮總兵楊世華惠潮嘉  
道胡克家將各處山寨俱行拆毀旋據該鎮道等  
陸續稟報已拆毀山寨九十餘座收繳器械數百  
件內有民築避賊現係空虛之寨恐將來匪類佔  
據又致滋事隨飭令一律平毀其離城窺遠山僻  
小徑訪聞尚有匪寨數處該匪等尚不能放心恐  
鄉勇等乘間讐殺不敢下寨者每處約有數十百  
人不等已飭該鎮道等設法解散並密行躡探其  
中必有著名賊目潛藏在內務在不動聲色嚴密

那文毅公奉使粵東奏議

卷六

十

硃

緝拏毋令遠颺再臣沿途查看時攀輿呈訴者不  
下數百人俱以家被焚劫制憲仁慈將賊釋放恐  
復遭殺害為詞查閱呈內羅織多人係先經脅從  
現已悔罪者甚多而牽連讐陷亦居其小半愚民  
無知總以盡殺會匪而後快意現當賊氛甫靖若  
按名紛紛查拏少有變端轉不成事體惟添弟牛  
頭兩會實有不相並立之勢若竟不戮一人現在  
呈控之眾既不能服而他處之添弟會尚在觀望  
亦不知所懲畏日來兵役並鄉民陸續緝獲賊目  
官勇鳳等解送臣親提研訊據官勇鳳陳良益劉

亞鳳林榮彬江波泰江亞茂賀爛滿賀石養會亞

九謝開信謝亞魁陳景魁游亞火楊亞四楊和彩

會勇漢會勇遠謝亞九等十八名均供認隨同起

事放火殺人屬實又吉慶審辦薛文勝一起內擬

遣八名尚在惠州監禁未經起解臣復提研訊內

鄭聘鳳馮清魁二犯亦據供認隨同焚劫不諱現

俱傳到指名仇家質証確實該犯等放火殺人兇

殘已極亟宜立正典刑以平眾怨臣審明後恭請

王命飭委惠州府知府楊楷惠州協副將張士英將官勇

鳳等二十名綁赴市曹即行斬決其餘賀有瑞等

那文毅公奉使粵東奏議

卷六

十一

二十八名僅止聽從入會並未隨同焚劫照例擬

遣另行咨部朱學廷等四名訊係被脅服役飭令

該縣取保安插臣復傳集紳耆民諭以嗣後無

論添弟牛頭會人安分守法均為良民此時首匪

已誅即兵役民人縛送各犯訊明會經焚殺各有

讐家指名者均已正法爾等怨憤可釋若再有不

平紛紛讐殺則是不遵官令大干法紀等語明白

曉示該紳耆民等傳諭鄉勇各自省悟相率呈

繳器械存案亦皆解散至各縣稟報被擾村莊永

安共計八十餘處博羅共計一百六十餘處凡賊



踪所經之地焚燒一空瓦礫滿地觸目慘心殊堪憐憫業經署督 臣 瑚圖禮奏請緩徵照水旱之例撫卹小民自不致失所惟俟查勘完竣造冊給票始行散放恐需時日 臣 已劄委原任藩司常齡督同同知丁如玉薩克丹泰李騰霄知縣李應均等查辦博羅惠潮嘉道胡克家督同通判王衷知縣沈權衡楊桂蔭楊時行等查辦永安各趕緊分投查勘並即飭令總理軍需局臬司邱庭濂撥給銀米帶往查清一處即散給一處務使難民均沾實惠速得安生復業所有查辦章程另開清單恭呈

那文毅公奉使東奏議 卷六 三

御覽 臣 復以賊匪猖獗之時內有被脅不從抗志捐軀與夫捐貲守城奮勇捕賊者此等或節烈可風或義勇足尚亟宜彰表以快人心隨遍貼告示飭各該縣確切查訪俟查報到日再行

奏請分別旌賞連日以來各處難民聞現獲匪徒按律懲辦業已悅服又因查辦撫卹生者蒙活命之恩收錄節義死者邀身後之榮感頌

皇仁歡聲載道滄夷頓起憤怨胥平洵足仰慰聖懷再查粵省向無魚鱗煙戶冊保甲之法久未遵行 臣 飭令各該縣就查勘撫卹之便編查保甲既足以

聯鄉里之情又可以稽查奸宄之伏似在善後事宜中不可不辦之事其應行如何斟酌舊制參合時宜俟 臣 遍查情形定有條制再與署督 臣 瑚圖禮會商歸於善後事宜摺內具奏謹將撫綏章程逐條開列恭呈

御覽 謹 奏

一被焚村莊業經署督 臣 瑚圖禮奏明照水旱之例賑卹查水旱成災原視災分之重輕分別賑濟之多寡此次博羅永安賊匪所劫村莊房屋均被焚燒財均被掠奪應請均照九分災之例極貧給賑兩個月每天口每日給米五合小口減半照例價折銀散給

一查造戶口最易淆混非濫即遺每致因循朦混應令各委員帶同地保逐戶挨查即取具地保甘結每查清一村立時散給一村隨將每戶大口若干小口若干明白書於木榜張示釘掛村口俾眾共知其有浮報戶口者一經查出除本戶不准給賑外並將地保重懲如此則胥吏無從欺冒而被難災黎得以實沾

那文毅公奉使東奏議 卷六 三



世惠早安生業

一舉貢監生例不食賑其貧生內有被焚劫最苦者報明該學教官造冊一體給領至家質殷實及有藝業營生者概不准賑濟

一房屋修費定例草房一間給銀五錢瓦房一間給銀一兩查粵東均係瓦房且遭焚劫最苦應請每間給銀一兩以資修葺奉

硃批知道了

嘉慶七年十二月十五日

奏 前奏查明博羅永安拒賊捐軀節婦義民請給

那文毅公奏使粵東奏議

卷六

四

旌表一節若按名照例給予牌坊銀兩似覺過費且將來呈請竟無了期 已於軍需項下撥銀一千兩每縣給銀五百兩於附縣地方建立祠宇令將查出被難死節人名書於木牌亦足以表彰勸勵之意如此辦理似屬便捷即無庸照例咨部以節糜費理合附片奏

聞伏祈

睿鑒謹

奏奉

硃批覽

嘉慶七年十二月二十四日

奏為辦理拆寨撫卹情形事竊 抵惠後因呈告會匪

滋事時被賊焚劫懇求搜捕者不下數百人當將

續獲官粵鳳等五十名分別正法發遣並將飭散

鄉勇禁止讐殺拆毀山寨九十餘處各緣由具

奏並聲明山僻小徑訪聞尚有匪寨數處在案從前已

拆各寨如錫坑獺狸紅石頭角坑等寨最大均係

鄉勇讐殺躲避之餘匪俱經諭散有業可歸者各

自安業無業可歸亦俱編插於各村令該村紳耆

約束並諭該紳耆等亦不得因其曾經從匪遂致

那文毅公奏使粵東奏議

卷六

五

作踐各已安插妥協連日以來據總兵楊世華惠潮道胡克家陸續稟報派令兵役在於深山窮谷之中各處搜查將零星小寨俱已拆毀淨盡並續獲頭目僧化成等十四名又陳有達一起前經吉慶釋放九名內今復行拏獲練文錦廖錦梅藍齊政陳光益四名另行解惠審辦惟距縣八十餘里之鐵籠嶂上有寨柵一座寨內匪徒不肯投出亦不敢滋事等情 以該處山勢險惡人跡罕到其中恐有著名賊目藏匿在內隨飭令廣布線人密探路徑毋令驚竄去後旋據該鎮道等覆查該處



山勢懸崖陡壁高數百丈山上有凹地寬可里許四面無路可通惟有鳥道一綫須攀援旋繞而上該匪等於山口築石堵禦未知寨內虛實隨在下盤獲葉聞興一名訊據供稱伊素在該處砍柴自十一月中旬賊口龔釐戢膽等陸續搬運上山併妻子俱在寨內約有百餘人係畏鄉勇懲殺躲藏並不敢出而滋事山上的人都素不認識却不知

會鬼六有無在內等語臣伏查該寨雖甚險峻但山勢孤聳正在絕地隨派委博多歡伊昌阿惠州府楊楷等前往會同該鎮道等在於留防兵內挑

那文毅公奉使粵東奏議

卷六

六

撥五百名將該山周圍有路可通之處全行挖斷創壕立塹絕其竄逸之路一面遣人上山諭以祇誅首惡脅從罔治如有縛獻首犯者不惟免罪并加重賞倘負固不出竟是顯違官令彼時大兵一到後悔無及等語剴切曉諭該匪等猶懼下山後被義民讐殺尙存狐疑查該匪等雖不敢滋事又不肯投出是其心終不可靠伏讀

聖諭若任其日久藏匿勢必搶掠口食山內居民豈不遭其蹂躪仰見

燭照萬里洞悉軍務情形臣不勝欽佩之至現今提臣孫

全謀以閱兵為名親赴該處察看臣又飭令該鎮道等在於該山周圍嚴密布置該匪等倘知悔悟投出即將著名頭目照例擬罪具奏其餘脅從仍

照錫坑獺狸等寨分別安撫倘始終負固抗拒有必須兵力勦捕之處臣亦不敢遇事姑息以致養癰貽患總期相機酌變使首匪不倖逃法網而餘犯不妄遭誅戮以副

聖主恩威並用之至意至各處撫卹戶口臣因時屆歲暮窮民無食恐有搶竊等事若俟前奏章程奉到

諭旨後始行散放實屬緩不濟急臣不揣冒昧已劄知各

那文毅公奉使粵東奏議

卷六

七

委員即照前奏極貧給賑三個月次貧給賑兩個月每房一間給銀一兩之例查清一村即散給一村使難民均沾實惠早安生理日來據各委員等稟報博羅已散給十分之八九永安已散給十分之四五均於年底可以一律完竣各處居民均感荷

皇仁頌賑之日扶老攜幼遠近歡呼現在墟市貿易耕作如常足以上紓

聖慮臣統俟各處辦理完竣後派員各處抽查並即行履勘將來安設營卡之地一切善後事宜擬定後再



回省與署督臣會商具

奏至現獲之僧化成等十四名並續獲之練文錦等四名內有屢次焚劫或手下曾管領數十百人不等之犯俟解到另行分別審擬具奏謹

奏

嘉慶七年十二月二十四日

奏竊查博羅縣羊屎坑內之伯塘墟建有

關帝廟本年陳爛屐四起事時赴廟卜往東南永安利

否

神賜籤往東南不利往西北吉該匪等將

那文毅公奉使粵東奏議

卷六

六

神像擡行即向西北响水一帶焚劫正值提臣孫全謀

帶兵由此路進剿賊敗入羅溪營又被攻克該匪

等怨

神不佑膽致毀

像棄擲查柏塘墟赴永安甚近當日該匪等若直奔東

南會合永安匪徒居民被禍更慘事更難辦伏查

關帝自我

朝開國以來久著威顯茲於陳爛屐四小醜作亂賜籤

誘令過兵敗潰旋即授首莫非

神靈默佑速得厥功臣因委員查辦博羅撫卹如有此

事隨即恭塑

神像修整廟宇開光之日四鄉男婦瞻謁者竟有數千人無不感荷

威靈歡聲雷動應請

賞賜匾額於廟內懸掛俾山陬海澨無知頑民共知為逆

之人

神明不佑終至竄亡以昭靈貺而著明威謹

奏奉

硃批即行親書發往

嘉慶八年正月十二日軍機大臣字寄奉

那文毅公奉使粵東奏議

卷六

九

上諭那彥成奏辦理拆寨撫卹情形等摺覽奏俱悉據稱

各處零星小寨均已拆毀淨盡惟鐵籠嶂有柵寨一座

匪徒百餘人不肯投出亦不敢滋事等情此種匪徒自

係畏懼鄉勇營殺是以不肯出投但任其日久潛藏恐

搶掠滋事此時自應相機招撫並出示曉諭以爾等依

山固守自係慮鄉民營殺起見但會匪中抗拒官兵者

已將首犯賊目陸續拿獲明正典刑鄉勇義憤已

釋並經出示禁止毋許私相讐殺爾等即本已入會一

經改悔即係良民自應及早解散各歸生業斷不慮義

民等再有報復倘執事不情則是有心違抗大兵一到



概事誅夷噬臍何及如此愷切曉諭庶匪徒等無所疑慮及早束投那彥成即可乘機收撫妥為安置卽有頭目在內伊旣自知悔悟相率投誠與始終抗拒者有間尙可貸其一死倘竟恃險抵拒自不得不懼以兵威卽應咨催孫全謀等上緊勦捕將爲首之犯擒拏正法其餘脅從夥匪酌量辦理其曾鬼六一犯係起事首惡是否卽在鐵籠嶂寨內應探明嚴拏務獲至所奏撫卹難民各事宜自應如此籌辦所請柏塘墟

關帝廟匾額已卽日親書發往敬謹懸掛用答

神麻那彥成俟倭什布到粵遞相交篆後再行起身來京

那文毅公奉使粵東奏議

卷六

三

供職

嘉慶七年十二月二十八日會同署兩廣總督瑚

公圖禮

奏爲遵

旨覆奏事嘉慶七年十二月二十一日接奉

廷寄

諭旨瑚圖禮奏粵東地方結黨拜會者各處多有惟陳爛屐四家頗殷實平日僱人潛買硝磺打造兵器一節陳爛屐四竟敢配造火藥製辦器械府縣等若早行覺察立時嚴辦何至釀成事端該處地方官豈非形同木偶

卽瑚圖禮亦不能辭失察之咎究竟該府縣等會否將陳爛屐四謀逆之事具稟上司何以遷延不辦著瑚圖禮那彥成據實查奏欽此伏查陳爛屐四係八月初八日起事該縣於八月初二日卽有風聞拏獲匪犯謝金秀黎亞姐張庚姐等俱經通稟審辦彼時恐涉張皇欲嚴密查拏尙非遷延不辦惟陳爛屐四業已配造火藥製辦器械其蓄謀已非一日誠如聖諭若早覺察立時嚴辦何至釀成事端前經吉慶將惠州府知府伊秉綬擬發軍臺効力贖罪博羅縣知縣劉嘉穎原擬枷號半年欽奉

那文毅公奉使粵東奏議

卷六

三

諭旨著在省枷號一年滿日發往伊犁効力贖罪欽此至

臣瑚圖禮未能及早覺察立時嚴辦咎實難辭應

請

旨將臣交部嚴加議處以示懲儆又奉

諭旨瑚圖禮奏稱逃竄餘匪藏匿深山窮谷所在尙多可見吉慶所奏永安全境竄謐之語仍屬草率將就了而未了該匪等逃竄深山若任其日久藏匿勢必搶掠口食則山內居民豈不遭其蹂躪自應帶兵入山將實在謀逆之賊搜捕淨盡其餘脅從者不妨量加安撫方爲正辦著瑚圖禮那彥成體察情形妥爲籌辦欽此伏查



永安大兵撤退之後各處被害居民心懷痛恨欲盡殺會匪而後快意以故團聚之鄉勇不散竟有不聽官令私自讐殺者致潰散餘匪及先經受撫之眾竟竄伏山谷依寨自固臣瑚圖禮那彥等均經出示曉諭飭散鄉勇禁止讐殺並令總兵楊世華惠潮嘉道胡克家將各處山寨全行拆毀臣那彥成駐劄惠郡勒限督催前經奏明拆毀九十餘寨所有投出餘匪飭縣取保安插其獲送之官勇鳳等五十名分別正法發遣並聲明山僻小徑訪聞尚有匪寨數處現在設法解散各在案嗣復據

那文毅公奉使粵東奏議

卷六

三

該鎮道等稟報派令兵役入山搜查將山僻小寨俱已拆毀惟鐵籠嶂尚有匪寨一座內藏百餘人因畏鄉勇讐殺據險避匿不肯下寨亦不敢滋事等情臣等查該匪等雖為躲避鄉勇起見但藏匿日久勢必復致蔓延且避不肯出必有著名賊目在內臣等已嚴飭該鎮道等將鐵籠嶂一寨務期相機設法速行拆毀並將寨內賊目與脅從之人分別辦理以靖地方而安良善又奉

諭旨吉慶另片奏歸善會匪聚眾滋事時提臣將兵安於城上營汛礮位收回城鄉人心惶恐等語而瑚圖禮奏

片內又有孫全謀於辦理永安會匪專主招安並不剿捕之語從前吉慶屢次摺內均稱孫全謀帶兵打仗甚屬奮勇今此次奏片內竟似參劾該提督前後自相矛盾孫全謀係武職大員勦賊乃其專責豈有專主招安之理况隨同總督帶兵諸事自由吉慶調度孫全謀安兵城上收回營汛礮位彼時若吉慶以其所辦非是即當嚴行參究何待此時始行奏出竟係吉慶知朕降旨查辦輒思諉過他人自佔地步欽此伏查孫全謀勦辦博羅一案帶兵打仗本屬奮勇至永安之專主招安因吉慶業已出示招撫在先孫全謀遂亦未經

那文毅公奉使粵東奏議

卷六

三

認真勦捕在當時固為解散黨羽起見惟於匆促之間凡投首之犯有曾經放火殺人者未能分別辦理一概省釋回家以致民心不服此實吉慶作主而孫全謀亦因循跟同辦理至將營汛礮位收回城鄉係六月間拾獲匿名揭帖有八月十五攻城之語孫全謀因汛地兵丁較少恐礮位被劫所以收回城內並附近之鄉又移兵近城以為防範之計所辦尚無大錯又奉

諭旨吉慶保奏軍營出力文武各員紳士一摺除武員唐光茂等已降旨加恩外其文職邱庭澂等各員及紳士



名單均著發交瑚圖禮那彥成覆加查核其中如有冒濫者即行刪去有遺漏者查明添入另行具奏候朕再降恩旨又據奏博羅永安防守一摺著瑚圖禮那彥成查看該處地方情形再行妥議具奏又吉慶另片奏博羅永安二縣會匪滋事並非勾通洋盜現飭緝拏洋盜等語博羅永安距海較遠此次會匪滋事自未必勾通洋盜但欲緝拏淨盡談何容易著瑚圖禮那彥成飭令員弁實力查拏務使匪徒絕跡欽此伏查博羅永安現在辦理撫卹拆毀山寨之事所有出力員弁紳士除武員唐光茂等業經奉

那文毅公奉使粵東奏議

卷六

奏

旨加恩外其餘各員並紳士等統俟事務完竣再行核實保奏至所奏博羅永安等處添設防兵一節內已奏之博羅縣羅溪營羊屎山固為險隘其未奏之永安縣天字嶂等處地方更為緊要均須添兵設汛俟臣那彥成察看回省後再行會商歸於善後事宜摺內具奏又此次會匪滋事雖非勾通洋盜而洋盜會匪均須實力查拏方足綏靖地方總兵黃標於緝拏海盜素為奮勇此次攻克羅溪營該鎮亦極出力人所共知臣等已咨會該鎮務將洋盜實力緝捕以期海面肅清並嚴飭沿海各營縣

一體協力偵緝如逸犯會鬼六等務嚴密購拏以絕根株謹

奏

嘉慶八年正月初三日軍機大臣字寄奉

上諭據瑚圖禮那彥成同日覆奏查明吉慶辦理博羅永安二縣會匪情形皆屬已過之事看來吉慶先辦博羅會匪時尚無濫殺激變情事迨永安會匪滋事吉慶撫勝於鞫一味招安將匪徒盡行釋放以致人心不服私相讐殺是以於那彥成赴彼時該處百姓尚以總督仁慈將賊釋放恐復遭殺害為詞紛紛呈訴是吉慶於辦

那文毅公奉使粵東奏議

卷六

奏

理永安會匪一事實屬草率疎縱吉慶業已身故毋庸置議現據那彥成奏稱陸續緝獲案內隨同起事放火殺人屬實之官粵鳳等二十名分別辦理並飭委鎮道將各處山寨俱行拆毀及查勘撫綏被擾村莊所辦皆是現在拆毀山寨九十餘座收繳器械數百件該處民情漸就寧帖境內自可肅清惟地方糾會名目斷不可有愚民等糾眾結會本干例禁今該處因防備添弟會又立一牛頭會名目若不嚴行禁止日後私相讐殺必致如閩省漳泉二府械鬪惡習又與添弟會何異前經諭令瑚圖禮那彥成出示禁止此旨到時著該署撫再



行出示曉諭以爾等皆係安分良民特因添弟會匪焚

掠滋擾是以團結相助今添弟會匪業經官兵將首犯

賊目陸續擊獲明正典刑爾等怨憤已釋惟當安靜守

法若仍前聚眾結會則與添弟會匪均干例禁法所難

寬爾等當各自解散速將會名永遠革除如遇有外侮

亦當鳴官究辦不得私行糾眾讐殺致蹈法網倘此次

曉諭之後不知悔改仍前設立會名邀結滋事王章具

在決不輕貸如此剴切示諭庶該處民人心知畏法自

可漸除積習其撫綏章程均著照所奏辦理至會鬼六

一犯著瑚圖禮那彥成飭令嚴拏務獲以淨根株其永

那文毅奏使粵東奏議

安留兵二千名現在地方甫經安戢自當暫留彈壓

圖禮那彥成當察勘情形如果實就無謠言當以次撤

回又據那彥成奏詢問孫全謀各係該提督帶兵剿捕

於永安會匪投首時均係解交吉慶辦理是孫全謀尚

無辦理不合之處

嘉慶八年正月初七日

奏為永安鐵籠嶂匪徒始終負固現在籌辦事竊臣初

到惠郡時正當良民紛紛呈告並鄉勇私相讐殺

之際其時受撫之匪復行竄匿山寨者所在皆有

經臣嚴切曉諭飭散鄉勇并分委員弁將山寨竄

匪餘匪招撫歸業隨陸續拆毀山寨九十餘座止

有鐵籠嶂一寨匪徒恃險不肯投出彼時未知寨

內虛實在於山下盤獲樵夫葉闈興一名訊供該

寨四面峭峰中有凹地藏匪百餘人因畏鄉勇讐

殺不敢下寨等語當經奏蒙

聖鑒在案續獲自鐵籠嶂潛逃下寨之張亞三一犯

加研訊據供係被賊耶晚逼脅上寨寨內有黃亞

程會鬼六溫亞利龔釐釐等為首該處人跡罕

到上年九月會匪滋事時黃亞程聚集匪徒據此

為巢官兵並未到彼搜捕後來吉總督將會鬼六

那文毅奏使粵東奏議

溫亞利龔釐釐等姓名刊示懸賞購拏所以會

鬼六等也逃到該處躲避迨大兵撤後又因鄉勇

讐殺利害附近曾經從賊之人也陸續竄往逃匿

此時除婦女幼孩不計外壯丁實有七八百人寨

上暨有紅旗寫富逼良民四字寨門有礮臺一座

內有大礮十個鳥鎗約百把火藥約兩擔草蓆百

餘間糧食約千餘石差去招諭的差役四人也都

被他們害了等語復經提臣孫全謀前往該寨察

看形勢該匪等膽敢吹角聚眾在寨上施放鎗礮

查黃亞程原係在被藏匿之人而會鬼六等踪跡



詭秘今復竄聚該處據險自固並將該鎮道等遣令持示上山招諭之人竟行戕害復見官兵巡察放礮抗拒其逆迹已屬顯然該匪等上年滋事時未曾深受懲創竟有輕視官兵之意此次若不痛加勦辦則匪徒無所畏忌勢必復出滋擾焚掠報復良民正宜趁此兜圍勦捕以絕孽根惟該嶂四面陡峭仰攻本屬費力兼之週圍重山疊嶂路徑分歧該匪等計窮力蹙勢必翻山越嶺堵禦勦捕均須兵力現與提臣會商永安留防之兵丁除派撥各處彈壓外實在不敷調遣臣已先後札商署

那文毅公奉使粵東奏議

卷六

三

督臣瑚圖禮轉行飛調提標等營兵丁二千名廣州協等營兵丁一千四百名星赴該處嚴密布置相機攻勦料此烏合之衆不難迅速撲滅該匪等叵測居心終虞滋擾趁其勢未蔓延即行勦辦所期一鼓成擒不留遺孽仍一面刷示曉諭各處民人俾令周知官兵祇誅勦鐵籠嶂抗官逆匪爾等先經受撫各歸村落安生守法即為良民毋有驚恐等語明白曉示以安反側之心至各村良民得蒙撫卹深知感激

天恩一聞鐵籠嶂之事無不踴躍赴營告充鄉勇其意雖半為快其私營順其情而用之亦極可以得力謹奏

嘉慶八年正月二十四日軍機大臣字寄奉

上諭那彥成奏永安鐵籠嶂匪徒始終負固現在籌辦緣由一摺據稱鐵籠嶂山寨有黃亞程曾鬼六溫亞利龔釐戩膽等為首據險自固並將鎮道遣令持示招諭之人竟行戕害見有官兵巡察膽敢放鎗抗拒等語該匪等脅聚多人負隅固守逆跡顯然即無緊要首逆在內亦應痛加勦辦俾匪徒知所畏懼况有首惡曾鬼六潛

那文毅公奉使粵東奏議

卷六

三

逃在彼自宜上緊兜圍勦捕淨絕根株那彥成因該處重山疊嶂路徑分歧恐賊匪等計窮力蹙翻山越嶺與瑚圖禮札商飛調提標等營兵丁二千名並廣州協等營兵丁一千四百名星赴該處嚴密布置相機攻勦務當趁賊匪勢未蔓延直搗賊巢將曾鬼六等犯一鼓成擒勿留餘孽但祇須勦辦此寨賊匪其餘各處民人仍當通行出示曉諭以鐵籠嶂賊匪敢於恃險叛逆戕害差役抗拒官兵是以不得不加懲創爾等先經受撫各歸村落即使從前曾經入會但能安分守法即為良民官兵必不稍事株連爾等毋庸心生疑慮惟糾眾立會



大千例禁凡屬善長百姓更應稟遵王法况現在開鐵籠嶂匪徒抗官爾等尙赴營告充鄉勇踴躍急公豈可復私自立會致干法紀所有牛頭會名目爾等當永遠革除毋得再有糾結如此剴切曉諭庶可以靖善長而安反側於勦捕更爲有益所有搜捕鐵籠嶂匪徒之事卽專責成那彥成會同孫全謀辦理鐵保已調任山東巡撫中途聞信自必轉回或已行抵粵東那彥成亦不必將印篆交代惟當俟俟什布到彼接受督篆後那彥成再將撫篆交與瑚圖禮接管所有廣東地方事務交該督撫等專心妥辦那彥成應將鐵籠嶂會匪一事辦

那文毅公奉使粵東奏議 卷六 三

竣再行來京復命至前次發往廣東効用之吳俊於該處地方情形素爲熟悉卽著那彥成調至軍營差遣委用

嘉慶八年正月十七日會同廣東提督孫公全謀奏爲攻破鐵籠嶂賊巢勦散聚匪生擒首逆黃亞程龔釐賊膽偽軍師僧寬成偽元帥林亞著等八名並酌撤兵丁事竊永安上年九月間會匪滋事時黃亞程聚夥藏匿鐵籠嶂迨大兵撤退釐賊膽僧寬成林亞著邨文龍邨晚邨文佐鄭亞五僧化成潘姓卽潘老虎連長并已死之邨文秀未獲之自

鬼六温亞利等先後竄聚依附該犯及附近拜會爲匪之人因畏鄉勇懲殺亦陸續逃至該處躲避除婦女幼孩不計外約有六七百人先經遣役四名持示上山曉諭限以三日投出免死背被拘留不放又有該處紳士杜仁溥張景仰向爲本處民人所信服情愿親赴山寨說令投誠乃該匪等懸不畏死竟敢將六人全行戕害實爲可惡之極若不速行撲滅終爲地方之害而附近觀望之人轉生反側查該嶂山腰起伏連亘數十里路徑紛歧而山頂比衆山獨高四面攢峰壁立中有凹地寬二三里該匪等於山頂周圍築寨四面路徑相通之處俱安設礮臺堆積糧木大石等擬俟各路兵齊將各處隘口盡行堵斷然後四圍兜捕以期一網打盡本月初十日署都司寧舒許廷桂守備董定銓千總廖振雄帶兵由嶂背西南一路巡哨該匪等見而施放鎗礮旋有二三百人自山壓下欲行拒敵寧舒等所帶官兵奮勇激烈猛不可遏隨向上直撲孫全謀望見卽乘我兵銳氣親自帶兵飛往督勦并先派探路之參將唐光茂亦飛赴東南七星墩一路幫同總兵楊世華前部同德

那文毅公奉使粵東奏議 卷六 三



昌守備唐文才鄭文麟督兵直撲賊寨遊擊胡俊  
鴻達色帶兵由東北貓眉頭一路協勦惠州府知  
府楊楷帶領鄉勇在賊之後路上害地方堵勦四  
路夾攻賊匪據險分頭抗拒鎗礮並發擲石下撲  
我兵人人奮勇賊殺爭先鎗礮迎敵自午至申  
孫全謀一路之兵殺賊三十餘名賊匪抵敵不住  
退上山寨我兵乘勢仰攻用礮轟擊打死十餘人  
連奪礮臺兩座都司寧舒許廷桂守備董定銓干  
總廖振雄首先搶上山梁又奪佔第三層礮臺總  
兵楊世華一路亦鎗斃賊匪三十餘名德昌等亦

那文毅公奉使粵東奏議

卷六

三

俱搶上山腰楊楷所帶鄉勇亦俱佔住山隘賊匪  
畏懼退守寨門因時屆酉末天色已黑且賊寨堅  
固山路崎嶇難以進攻各就所奪山面劄營欲俟  
次早黎明四路並進直搗賊巢詎該匪等見官兵  
攻勦利害又因礮臺已被打破三座各賊膽落遂  
於是夜五更乘黑由山崖絕壁滾跌四散逃竄經  
各路官兵知覺分投追捕痛加勦殺共鎗礮打死  
及滾崖跌斃賊匪一百餘名生擒一百十五名隨  
飭令官兵與鄉勇等在附近山內分投搜捕又  
陸續搜獲賊匪一百二十九名委員將獲犯研訊

內有偽元帥林亞著邱文龍邱亞晚邱文佐鄭亞  
五連長六名偽軍師僧寬成一名看守礮臺頭目  
洗亞二凌亞魁盧毓英鍾亞門鄭益龍五名又於  
殺死屍身令鄉勇逐一指認內有偽元帥邱文秀  
一名鑄造火藥之謝朝信一名鑄造礮位之黃得  
升一名又於賊寨內搜獲婦女幼孩一百一十餘  
名奪獲大小礮十門鳥鎗三十九杆長矛挑刀三  
十三件鉛子二篋火藥半箱木印三顆布旗數十  
面又經帶領鄉勇搜山之始興縣知縣楊桂蔭趕  
至吹羅嶂地方搜獲首逆黃亞程一犯惠州府知

那文毅公奉使粵東奏議

卷六

三

府楊楷趕至義容山中搜獲首逆龔釐殿膽一犯  
原任布政司常齡在藍塘地方搜獲偽元帥潘姓  
即潘老虎會化成二犯黃亞程被擊時情急拔刀  
自刎未死擡至呈驗已不能供飭令該犯族弟黃  
亞石認明屬實旋即斃處死並將龔釐殿膽會  
寬成林亞著邱亞晚邱文龍邱文佐鄭亞五會化  
成潘老虎連長十犯訊取供詞後即在該處凌遲  
處死並割取已死首匪黃亞程等首級一併懸掛  
犯事地方示眾其頭目洗亞二等五名並曾經與  
官兵打仗之葉亞三等八十四名均行斬決餘犯



硃

並以後續獲之犯再行分別辦理所有婦女幼孩一百一十餘名口飭交該縣訊明隣佑親屬取保安插山寨立時平毀其未到督標等營兵丁一千二百五十名已飛札署督 臣 瑚圖禮即行停止查永安會匪未經嘗試官兵而合邑之山亦再無高險過於鐵籠嶂一處者未經攻破之先居民惶惑賊亦猖狂茲官兵奮勇一日之內攻破賊巢痛加勦戮不惟居民歡悅並先經受撫之匪無不震懾兵威並訊獲犯供稱攻寨之日眾賊互對啼哭總言明早官兵一定破寨這樣利害不如大家逃回

那文毅公奉使粵東奏議

卷六

五

硃

散夥等語是該匪等經此番痛懲必不敢再滋事端惟會鬼六溫亞利尚未就獲研訊龔釐戩膽等僉供是夜各人逃出自求活命並未商約逃往何處實在不知他二人下落若逃至隣縣語音不同必被盤獲不過在各處山洞內藏躲為苟延殘喘之計 臣 現督飭兵勇於深山窮谷中遍處搜捕務期必獲以絕根株再現在博永兩邑撫卹已竣惟永安尚有聞賑歸來難民尚須補放鐵籠嶂內之賊亦勦除殆盡旬日內搜捕完竣後即可將兵丁撤令歸伍 臣 等將應當安營設汛之處勘定趕緊

硃

修立營卡應撥之兵即令駐劄留防之兵可以全撤所有在事出力員弁前會蒙

聖恩令 臣 那彥成與署督 臣 瑚圖禮會查另奏統俟 臣 等

將前後合計秉公會奏量加鼓勵再此次陣亡兵丁五名濠山未回兵丁一名外委兵丁內受石傷

五十三名均不甚重再 臣 那彥成前奉

諭旨飭查提 臣 孫全謀上年勦辦永安會匪有無辦理不

善之處等因經 臣 查得上年會清浩等聚眾滋事

時吉慶專主招安而孫全謀亦因循附和此則其

辦理未能妥協當經據實覆

那文毅公奉使粵東奏議

卷六

五

奏並聲明現在鐵籠嶂聚匪抗拒如該提督能立破賊

巢應仰懇

皇上天恩准令將功補過在案茲該提督奮勇督兵於一

日之內攻奪賊巢勦散聚匪雖尚有會鬼六溫亞

利二犯未獲而賊匪勦除殆盡且首逆頭目亦已

殲擒過半辦理尙屬迅速可否將該提督前次辦

理未協之處免其置議出自

天恩再博羅縣首逆陳爛展四之弟陳爛展五在逃未獲

臣 到惠後即飭該縣嚴密購線緝拏茲據署博羅

縣知縣李湮稟稱正月十三日據差役利華等將



殊

該犯拏獲到案查陳爛屐五係陳爛屐四胞弟上年隨同起事曾經管領多人焚劫村莊荼毒生靈無數茲脫逃數月就獲自應立正典刑臣已劄飭臬司卸庭滌就近訊取供詞卽於該處正法示衆謹

奏奉

硃批覽

嘉慶八年正月十七日

奏鐵籠嶂賊巢未破時有該縣監生張景仰捐職從九品杜仁溥赴縣告稱情愿親往寨內招令該匪等

那文毅公奉使粵東奏議

卷六

奏

自行投出該縣素知該職員等爲鄉曲所信服隨遣令去後被該匪等拘留不放茲將獲犯訊悉該職員等到寨後匪首黃亞程竟通令入夥該職員等辱罵不屈被黃亞程喝令一併殺害查杜仁溥張景仰素行俱屬端謹今踴躍急公罵賊捐軀洵堪憫惻該職員等均有子嗣可否照外委陣亡之例

賞給難廢之處出自

皇上格外天恩謹

奏

嘉慶八年二月初六日

命以內閣學士署理吏部侍郎並交部議敘奉

上諭那彥成等奏攻破鐵籠嶂賊巢勦散聚匪生擒首逆黃亞程僞軍師僧寬成僞元帥林亞著等一摺覽奏欣慰該處添弟會匪徒多半係客籍寄居無業游民因地方土著民人設立牛頭會彼此構鬪上年博羅等處匪徒卽因此起衅當經勦辦完竣並令嚴禁牛頭會名目今鐵籠嶂匪徒恐被牛頭會讐殺築立寨柵自爲守衛原未欲遽加勦辦節經那彥成出示曉諭不但不行解散並將遣去諭令投出之紳士人役等六名全行戕害

那文毅公奉使粵東奏議

卷六

奏

實屬叛逆不法那彥成以鐵籠嶂賊匪負隅抗拒若不速行撲滅終爲地方之害因會同孫全謀調集官兵四路攻勦該匪等仍敢據險抵拒官兵等爭先搶上山隘該匪等始行畏懼俱乘夜由山崖絕壁滾跌逃竄官兵分投追捕於一日內卽將賊巢攻破共殲擒賊匪四百名並拏獲首逆黃亞程僞元帥林亞著僞軍師僧寬成等按律懲治地方立就肅清辦理妥速皆由那彥成調度得宜所致文宣現出學差那彥成著加恩以內閣學士署理吏部侍郎並交部議敘那彥成未到以前仍著瑚圖靈阿署理提督孫全謀前次附和吉慶專主招



撫此時賊匪內卽有經該提督釋放後仍行滋事者是孫全謀本有應得之咎姑念此次勦捕鐵籠嶂伊親自督兵迅速辦竣功過尙足相抵都司寧舒許廷桂守備董定銓千總廖振雄首先搶上山梁均屬奮勇知縣楊桂蔭趕至吹羅嶂地方搜獲首逆黃亞程甚屬能事寧舒許廷桂董定銓廖振雄楊桂蔭俱著交部議敘其被害之紳士杜仁溥張景仰著照外委陣亡例賜卹遣役四名著照兵丁陣亡例賜卹至曾鬼六溫亞利二犯係起事首惡現在逃逸應飭令地方文武上緊緝拏毋令漏網其該處居民並當出示曉諭以鐵籠嶂匪徒當出

那文毅公奉使粵東奏議

卷六

奏

示招撫時若肯自行投出解散夥黨必當予以生全斷不輕加誅戮詎該匪等不特不知悔罪且將遣去官役一併戕害逆跡顯然若稍事姑容則兇徒無所懼今官兵一到搗破賊巢不逾日卽將匪黨悉數殲除可見孽由自作國法難逃爾等惟當勉爲良民安分謀生毋得自作不靖致罹法網如此明白曉諭更足以安善良而消反側永安地方甫經寧謐所有被難民人前經奏明撫卹那彥成自應在彼督率妥辦俟倭什布一抵廣東瑚圖禮那彥成遞相交卸篆務並將撫卹事宜交該督飭屬經理務使實惠及民那彥成卽起程來京供職

其原任藩司常齡隨在軍營搜獲偽元帥潘老虎等二犯尙爲出力並著那彥成帶同進京候朕降旨

嘉慶八年二月初一日會同廣東提督孫公全謀

奏爲永安全境收靖撤兵蕺事事竊照官兵攻克鐵籠

嶂賊巢業經將勦辦情形恭摺奏

聞在案查永安會匪因從前大兵調集時見擒賊不卽嚴

誅妄測意存招撫竟至夜郎自大目無法紀故復

有鐵籠嶂聚匪不散抗拒官兵之事經此番痛加

攻剿一日之內搗穴焚巢狐鼠之羣殄滅擒賊略

盡台境人民於欣快之中彌懷震懾臣等日在山

那文毅公奉使粵東奏議

卷六

奏

中往來駐劄察看避難民人紛紛襁負而歸趕緊

修理房屋畊種春田前經委員分投撫卹按口給

銀業俱完竣百姓感戴

皇仁比戶相慶其墟場市集數月來幾於空無人煙今則

負戴襍還蔬米盈闕扶老攜幼來都者無不歡形

顏色光景極爲熙恬查百姓當賊起之際以官兵

早到爲幸迨乎事定又盼兵去而農安臣等察看

現在永安全境可以放心所有各處調赴之兵亟

應全撤祇留該縣原舊營汛及善後議添之兵足

資彈壓其各路糧臺亦應次第撤去早節糜費已



督飭文武員弁迅速妥協辦理其各處鄉勇或隨兵打仗或作眼拳賊俱經隨時獎賞但此等鄉勇團結之民宜散而不宜聚現在諄飭各鄉矜耆將此項鄉勇速令歸農毋得仍前結聚並欽遵

諭旨出示曉諭不許再結牛頭等會滋事尋獲白雁法網一面委員分赴各鄉取具不敢讐殺甘結至賊匪與官兵抗拒其先經從賊拜會之人連口來竟有為兵勇作線擒獲著名首匪者訊供知其曾入會為匪意欲擒賊免死此等畏懼似出真情亦一體與以賞賜查良民原易撫慰而脅從最難安插臣

那文毅公奉使粵東奏議

卷六

單

等曰夜思維卒無善策今當兵威大振之後正可乘此機會妥為辦理隨派知府嵇承開帶領委員赴各處就撫之家明白開導亦令其出具悔罪不敢為匪亦不敢容留匪人甘結存案據該匪等欣然樂從極為踴躍以為出結之後官可信我必不究辦義民讐殺亦可據以控告是因畏懼之餘轉得安插之道刻下不但民與賊相讐賊難容且賊能擒賊威法方為大振想來不致復有他虞查鐵籠嶂內賊匪茅棚三十餘座止可容數百人當日殲擒者除婦女幼孩不計外實有五百數十名

續又搜獲埋屍數十具連日以來據各員弁民役又拏獲首匪鄒鳳翔等六十六名統計臨陣殲戮及先後搜擒不下七百餘人是該寨聚集匪徒業已搜捕殆盡現雖會鬼六溫亞利兩犯在逃未獲若山谷窮窟一役之力可以就擒等將續獲之鄒鳳翔等委員研訊內鄒鳳翔一名係已正法賊目鄒狐狸之子與黃亞程等為首又曾新曾義溫亞二謝滿四名均係匪目又張亞三一名聽從已正法匪首黃亞程下手殺死紳士張景仰杜仁溥當將鄒鳳翔凌遲處死曾新曾義溫亞二謝滿張

那文毅公奉使粵東奏議

卷六

單

亞三五名梟首其餘林振清等均行斬決隨飭尋獲被害之紳士張景仰杜仁溥二人屍身傳喚其家屬厚加賞卹令其收葬並將張亞三與前正法之黃亞程首級委弁賞赴蠟石地方祭於其家即於該村懸掛俾眾目共覩以洩公忿而慰幽魂等查此事大局已臻完善連日將善後事宜辦定與署督臣 勅圖禮札商會銜具

奏即將此事責成於原任藩司吳俊令該員留駐永安督同府縣妥為辦理其在逃之會鬼六連日獲犯研訊據供該犯平日嗜酒賭錢好與人鬪訟粵省



稱為爛崽即北省之所謂匪類泥腿富會匪起事時民人等恨其無賴即將其名首列控告此次鐵籠嶂匪徒拒抗係黃亞程翼齋戲膽鄉鳳湖為首溫亞利係溫登元之姪遂亦推之為大王又因會鬼六略能識字故為軍師等語現在分飭安詳員弁兵役於永安交界各要隘處所帶領緝日改裝易服設法查拏該犯係奉

旨購拏之人自知不能倖脫此時不過自伏巖洞或躲匿坑蔡即使餓斃白戕亦總有屍身踪跡可以尋驗現在自當撤兵安民為要即責成於該地方官訪

那文毅公奉使粵東奏議

卷六

聖

拏斷不至於漏網臣那彥成於拜摺後即回至惠郡料理數日再行回省再此次永安會匪滋事前督臣吉慶原奏係博羅會匪會鬼六於官兵攻勦時逃至永安復行糾聚是該犯在兩處滋擾勾結實為首逆渠魁節奉

諭旨飭拏至再至三臣督令文武員弁各處搜查無踪影前在青溪時拏獲鐵籠嶂匪犯逐一向其跟究會鬼六下落總無與該犯認識者其時即有言其並未在鐵籠嶂之內臣恐係員弁等久緝無獲畏難飾卸及回駐苦竹派派役復加體訪該犯係博

羅石壩村人石壩距苦竹派僅止十里境壤相錯苦竹派多有認識會鬼六之人知其本係黃姓之子名黃亞二隨母改嫁會姓名鳳蘭混名鬼六會做過石匠又能出戲略識字義因游蕩失業喫酒賭錢拜會遇事與人尋衅又替人做狀取利苦竹派人受其擾累恨者頗多查粵東稱人之狡譎者為鬼六以此人俱稱之為會鬼六其實永安天字嶂鐵籠嶂兩處會匪屯聚該犯是否在内毫無憑據臣復詢之員弁等俱稱上年永安會匪起事吉慶駐劄苦竹派該處民人赴控因平日屢被該犯

那文毅公奉使粵東奏議

卷六

聖

擾害衙恨徹骨誣列該犯之名謂其到永安為首糾眾造反冀圖雪恨其時吉慶因博羅之匪已經戡定永安又有匪徒屯聚誠恐

聖明斥責故於具奏摺內聲敘該犯在博羅地方經官兵攻勦逃至永安復行糾聚以見其並非另起其實若果有勾結情事亦斷不能一人前往臣那彥成所獲各犯不下千人何以並無一博羅人在內是博承會匪判然兩事以此可見臣仍未敢信以為實適獲到該犯之弟曾亞閻據供與所訪相同並稱該犯於上年十一月內出門不知去向或因從



前曾在沿海一帶山中打石此時聞查拏緊急下  
海逃逸亦未可定等語臣恐係會亞聞狡供仍督  
飭文武嚴行查拏今又獲到首逆溫亞利帶赴省  
城會同督撫鞫訊據溫亞利堅供並不認識會鬼  
六伊上年會到苦竹派趁圩聽聞人說會鬼六係  
博羅爛崗常到苦竹派擾害村人以此人都恨他  
伊於天字嶺鐵籠嶂兩處起事屯聚並無會鬼六  
在內止有鄒鳳翔混名鄒鬼六均同官與龍龔釐  
戩膽等稱為大王等語反復研究矢口不移查鄒  
鳳翔業經拏獲正法粵東土音鄒與曾相似其曾

那文毅公奉使粵東奏議

卷六

署

鬼六之另為一人及並未越境糾聚在鐵籠嶂抗  
拒官兵核諸地方輿論與伊弟曾亞聞及現犯溫  
亞利供辭俱已昭合是該犯不過曾經拜會之地  
方棍徒將來弋獲後亦不致重辟但係奉  
旨嚴拏之人今臣訪訊既確不敢不據實奏陳以紓  
宸廑除仍交督撫督飭地方文武認真查緝獲後務將該  
犯詳細訊究是否逆首抑並未作亂僅係會匪之  
處另行陳奏謹

奏

嘉慶八年二月初一日會同署兩廣總督瑚公圖禮

奏為道缺緊要懇

恩補放以資整飭事竊廣東惠潮嘉道胡克家係臬司即

庭濠取中門生業經

奏請迴避在案例應與隣省道員對調惟查惠潮嘉風

氣獷悍土客稜處往往結會樹黨辦理一不得人

遂至釀成事端現在博永兩邑賊匪淨殲大勢已

定惟調劑土客招集流亡清查叛產及一切保甲

善後事宜均須次第籌辦恐新調人員不能熟悉

情形轉於地方無益殊有關係原任山東藩司吳

俊歷任粵省十有餘年該員素日官聲與其才具

那文毅公奉使粵東奏議

卷六

署

久在

聖明洞照之中現蒙

恩飭令來粵効力臣等知其於該處風土人情實為熟悉

已將擬定善後章程委交該員督率料理臣等不

揣冒昧謹請將該員與以降品頂戴補授惠潮嘉

道專其責成若辦理不善以致地方有事惟該員

是問臣等為地方需人起見謹公同商榷意見相

合至原任廣東藩司常齡居官操守廉潔為人誠

實自軍興以來辦理諸務極為認真前在博羅亦

曾帶兵打仗此次鐵籠嶂即其首先查出稟報又



復拏獲曾化成潘老虎二首犯惟二人俱係兩司  
大員其可否

施恩之處出自

皇上天恩謹

奏

嘉慶八年二月十九日軍機大臣字寄奉

上諭那彥成奏永安會匪靖謐情形一摺覽奏俱悉其另  
摺奏惠潮地方民情強悍請准惠潮道就近調兵以資  
彈壓一摺已交倭什布辦理矣再前任山東布政使吳  
俊據稱現將永安善後事宜專責該員如已將善後一

那文毅公奏使粵東奏議

卷六

吳

切辦理完竣即著帶同來京另候錄用如尚有經手事  
件即交與倭什布俟事竣後即飭令來京候旨

嘉慶八年二月初一日會同署兩廣總督瑚公圖禮

提督孫公全謀

奏為酌籌博羅永安二縣善後事宜分晰臚陳事竊查

博羅永安二縣會匪滋事擾害閭閻業經次第殄

滅綏靖茲當撤兵之際民漸歸農亟宜妥籌善後

以期永遠又安<sup>臣</sup>等相度情形公同商榷該二縣

雖皆附近惠州而疊嶂層巒紆迴險阻幅員四至

遠至一二百里其中鄉圍里約大小崎零查以前

如天字嶂等處奸民為患動至十餘年今得幸其

初起立即撲滅更宜妥為辦理以絕亂萌是日前

之務莫要於力行保甲添設兵防繕修城郭而添

弟牛頭二會從前角立紛起名有民賊之分實樹

競爭之勢今賊平事定則二會均應遵

旨立法申禁永杜弊端至若廓清境宇禁造刀鎗凡民寨

賊寨鐵廠鐵爐尤應拆毀稽查以塞弊端而清匪

孽<sup>臣</sup>等酌議善後數條繕列清單恭呈

御覽如蒙

允准即責成原任布政使吳俊妥為經理如行之有效則

那文毅公奏使粵東奏議

卷六

吳

將惠潮各屬次第查辦以及通省更為完善謹

奏

一保甲之法宜隨地制宜以收實效也查博羅永

安二縣添弟會匪結盟聚眾焚殺抗拒其始不

過奸民搶竊什伍為羣厥勢甚易剪滅因其父

兄容隱隣保明知不首遂至釀成事端保甲不

行流弊至此查該二邑跬步皆山民居錯雜有

土籍客籍之分而客籍之中其祖貫又復不一

族別類殊勢難混一今欲編查保甲勢不能編

客入土又不便土客分編顯存形跡致啟猜嫌



應委明幹之員分赴各都各約每戶編一小門牌註明姓名年歲行業弟兄妻妾子女及寄居人口揭於各家門首於是每十戶編為一大牌設一牌長牌長若由官選充則恐其不協人情且土客之間稍存意見弊易滋生應令一牌十戶內土民客民同保舉一人充為牌長取具不敢袒土欺客及袒客欺土衆心允服甘結繳縣仍於大牌內註明牌長姓名揭於村口又累十牌為一甲造一甲冊令十牌牌長公舉一人為甲長掌管甲冊又累若干甲為一約造一約

那文毅公奉使粵東奏議

卷六

吳

冊令各甲甲長公舉一人為約正掌管約冊均照舉充牌長之例取具各牌長甲長甘結繳縣其編定之後牌長每日執牌親往十戶門首的審有無出入死亡人口逐一核對於牌內註明添減並查明有無偷竊淫殺隨時層遞呈報印佐官懲辦其有結盟拜把不法及土客互讐重情由牌長飛報甲長約正轉報該縣即時查拏如有隱匿即將牌長等分別治罪並將該管文武員弁叅處仍令十家互為保結一家有犯十家同坐如此層層鈐束善勸惡懲又復寓分於

合地方可期安謐保甲之成效著矣

一約正宜優以禮貌也查一約之內戶口既多客土不一約正之責任甚重若以賤役視之不足以警鄉愚應於致仕鄉宦及貢監生員中遴選充當以三年為率如三年之中該管鄉里並無聚眾結會不法等事將該約正優加獎勵如係鄉宦貢監納職則由縣詳請咨部給予加級頂戴生員則申請學政遞行拔補增廩增廩則給予敘職即行退約由地方紳耆公同保舉另選充當并不准公同具呈請留以杜盤踞之漸如

那文毅公奉使粵東奏議

卷六

吳

三年之內敢有把持武斷逞私圖詐及狗庇匪徒不行首報查出隨時分別詳請褫革從嚴究辦如此彰瘴分明於地方似有裨補一博羅永安二縣應添撥弁兵以資防守也此次會匪滋事官兵調派較多此時歲事撤兵該二縣處萬山之中應酌量添兵以資防守前督臣吉慶將酌添兵數具奏今詳加核議原奏尙有不敷及無須安設之處唯該二縣拜會之民既多若各處零星散置民多兵少轉有勢逼人會之事而且一時調集不便應



請仍照原數於各要隘一二處所安營兵威既  
 多人多耳目不便亦有互制之形查博羅縣係  
 惠州協左營管轄原分防千總一員外委一員  
 兵五十一名應添兵九十九名外委一員合原  
 防共兵一百五十名千總一員外委二員仍歸  
 惠州協副將統轄博羅縣屬之羅溪營范家田  
 地方險要應於羅溪營設千總一員外委一員  
 兵一百名於范家田設立把總一員兵五十名  
 均歸提標中營參將統轄其永安縣城係惠州  
 協右營管轄原分防都司一員千總一員外委  
 二員兵一百四十九名除分防各塘汛外實存  
 城都司一員千總一員外委一員兵五十七名  
 應於縣城添兵一百四十三名外委一員合原  
 防共兵二百名都司一員千總一員外委二員  
 應立為永安營以存城千總為管轄以新設鐵  
 籠嶂守備為兼轄以存城都司為統轄歸提督  
 巡轄永安縣屬之鐵籠嶂九禾市二處係通縣  
 適中之地山形深峭易於藏奸應於鐵籠嶂設  
 守備一員外委一員兵一百五十名九禾市設  
 千總一員外委一員兵一百五十名即以新設

那文毅公奉使粵東奏議

卷六

五

九禾市千總為管轄以新設鐵籠嶂守備為兼  
 轄以都司為統轄歸提督巡轄以上共添兵六  
 百九十二名守備千把外委十一員應於督標  
 五營內抽撥千總一員外委三員兵二百四十  
 六名撫標左右二營內撥外委二員兵二百名  
 提標五營內抽撥千總一員把總一員外委二  
 員兵二百四十六名尚有鐵籠嶂應設守備一  
 員無可抽撥應將惠州協駐防歸善縣城之千  
 總一員裁撤於鐵籠嶂設守備一員如此扼要  
 庶幾有裨守禦其防守兵丁原缺照數由原營  
 挑補撥防之後缺出若再由原營撥送則兵丁  
 離籍赴防未免苦累應於撥防地方就近召募  
 田各牌甲約正等公舉誠實壯健能習技藝之  
 人驗補並責其並無為匪甘結通緝所有應行  
 修建衙署兵房及巡營會哨如何稽察之處另  
 行查明咨部辦理

一城垣亟宜修固也查博羅永安二縣俱依山為  
 城博羅之城尚屬鞏固間有塌損之處應令該  
 縣自行粘補永安則四面皆山峰巒林立處處  
 可瞰城中該城基址本狹城身又極卑薄此次

那文毅公奉使粵東奏議

卷六

五



會匪薄城滋擾城內衙署倉庫監獄民房頗為  
危急今賊平事定亟應委員確勘相其形勢培  
厚增高俾嚴緝得資保障其應築丈尺工料按  
照中城則例查估不得因仍簡陋俟勘明分別  
奏咨辦理

一添弟會業經勦辦此時仍應嚴禁其牛頭會應  
遵

旨永行禁絕以杜弊端也此次博羅永安會匪糾集多兇  
肆行不軌殺人焚屋罪大惡盈經大兵攻勦大  
懲駢誅其餘助惡脅從分別斬梟發遣固足以

那文毅公奉使粵東奏議

卷六

五

仰

國法而快人心此時仍應申明嚴禁永絕根株至該匪  
等起事之初百姓保護身家按牛派費僱募鄉  
勇以為守禦之謀於是遂有牛頭會名色其心  
雖非好為亂階難保無不逞之徒藉報為名乘  
機劫殺甚而擇墮村愚私肥囊橐是一會滅而  
一會復熾誠如

聖諭必致釀成漳泉械鬪之習閭閻難冀安亟應一併  
禁止以杜弊端其禁之法即責成牌長甲長  
約正逐戶編查明開導每十家取聯名互結

一紙註明如十家之內有結添弟會牛頭會之  
人即據實舉報若容隱不報別經發覺即行連  
坐該牌甲約正等耳目較近聞見尤宜弭患未  
形結會之風可期盡息

一各處寨柵應行拆毀并永禁修築以免賊匪窟  
匿也查博羅永安二縣會匪滋事村民多於山  
頭嶺角修築寨柵以為捍衛之計亦有賊匪糾  
眾結寨在內藏匿者奸長淆混分別為難現在  
飭令文武將各處寨柵全行拆燬惟愚民迷惑  
或因已築之寨惜不肯拆或因已拆之寨土木

那文毅公奉使粵東奏議

卷六

五

尚存又私行修復一處如此各處效尤地方文  
武查辦不力日久仍成匪窟關係實屬非輕應  
責成各牌甲約正等隨時稽察如民間仍有修  
築寨柵者即就近呈報警汛移知文員會同查  
勘除將寨柵立時拆燬外其為首修築者如係  
會中投撫之人柳號半年杖一百隨從修築之  
人柳號三個月杖八十如係平民為首柳號三  
個月杖八十隨從柳號一個月杖六十若牌甲  
約正等不行呈報經文武員弁查出該牌甲等  
與為首修築之人同罪查寨柵非如器械火藥



可以閉戶製造山嶺巖際一望而知如該處文武失察非止疎玩應嚴叅從重治罪如此明立科條庶不敢復萌故智而匪徒亦無所憑依

一私造軍器應行嚴禁也查烏鎗礮位與天藤牌器械久奉嚴禁不許民間私造惟長槍刀矛等項因例無明文民間借防禦盜賊為名不啻家家藏蓄而欲禁私蓄必先查私造惠屬設爐打造兵器間有營兵貪圖重價賣與民間以致聚眾鬪狠輒釀事端應責令各營該管將弁將該營能造器械之兵造具名冊申送所有造過兵器鑿成某營某兵字樣在上并取不敢私賣結狀倘造成之後不鑿姓名混賣匪人察出照例嚴行治罪并將該管營員叅處現在民間所有器械地方官悉令赴官呈繳量行給賞並令牌甲長約正將有無私藏兵器隨時稽查呈報是亦防患弭盜之一端

一鐵廠最易藏奸宜設法嚴禁也查永安縣上黃沙地方有鐵廠一處遂谷深巖村落寫遠鐵商開採鐵沙赴惠州府城及廣州佛山等處售賣原有層層稽核惟其開採時必須召募工作往

那文毅公奉使粵東奏議

卷六

五

往有不逞匪徒及犯事在官之人竄匿其中受

僱趁食或採砂鑄鐵打造犯禁器械最易滋生事端似宜添設營汛以資彈壓稽查俟事屬營兵俱能鑄鐵造器若就廠設汛誠恐不肖之兵以私鐵製造違禁器械圖利售賣是欲查弊而適以滋弊應責成該管巡檢按旬赴廠稽查並令開廠之人按月出具並無窩匪及私造違禁器械切結呈縣通繳倘該商作奸捏結及巡檢得賄徇隱准令附近約正等赴縣呈報將廠封禁另行召充並治該巡檢及該商應得之罪窩

那文毅公奉使粵東奏議

卷六

五

奸私鑄諸弊可以漸絕奉

硃批該部議奏

嘉慶八年二月初一日

奏為惠湖民情曠悍請變通准令道員就近調兵以資

整飭恭請

聖明

訓示事竊查各省巡道多帶兵備職銜載在

勅書編之印篆其實並無管兵之責緣

國家文武分途統歸總督節制武員不得干預地方文員亦不啻帶營伍立法本為盡善臣訪察與省情



形如督糧肇羅二道本非兵備其餘南韶高廉雷瓊三道所管地方民俗尚不甚強悍惟惠潮嘉道所管之惠潮二屬民間結盟械鬪之案效尤接踵當其倉卒起事文官衙門差役民壯人少不能查拏欲移營調兵則定例不奉總督牌劄不准輕動惠潮距省數百里及千餘里不等文書往返逾旬往往小事釀成大事總因格於定例就地不能調動一兵以致輾轉糾結滋蔓傷生及事後緝拏地方官畏於生事多聽其自送兇手而為首之惡不除過時依然械鬪從前不肖官員每因械鬪訛詐

那文毅公奉使粵東奏議

卷六

奏

民人銀錢今則械鬪之後民人轉可挾制官府且本屬幸遇豐年錢糧或少為交納若遇歉薄之歲竟至抗糧不納官府代賠者居多是民習驕驕逆而官府乃至束手無可如何似此因循隱忍實有日甚一日之勢臣欽奉

恩命來至粵東目擊情形實深憂慮天良具在不敢不直

切陳奏惟有仰懇

皇上俯念惠潮二屬兇頑惡習亟宜懲創

准令該道一遇地方有事即於該處各標營內就近咨調

兵弁協同彈壓擒拏查粵東大案動輒數百百人

其勢不得不須兵力遇有賢能懂事之員或私自出資聘請兵丁辦理則此一事必能結實穩妥否則苟且因循至大不可問且與其聽其私自借兵莫如奉公准其咨調得以及早懾以威嚴使始燃之火立時撲滅不特於禁暴誥奸之道大有裨益而夷獯襍處之方

國體亦極有關係再查現在廣州府屬之海防理瑤二同知因彈壓夷獯各有兵一百名自為一標準其自行差操列於營制巡道亦係監司大員非丞倅守令可比茲請准其咨調兵弁事後即便歸伍於

那文毅公奉使粵東奏議

卷六

奏

營制並無更移似可變通辦理但應立定限制每調不得過五百名亦不得因准咨調遇事張皇以致激生事變臣詳查案卷確核情形又復博採衆論實非他省他道可比原欲列入善後章程辦理因礙於定制部議難以准行故不辭冒昧專摺奏懇

恩俞謹

奏

嘉慶八年二月十九日軍機大臣字寄奉

上諭據那彥成奏惠潮地方民情獯悍遇有結盟械鬪之



案文官衙門差役民壯人少難於緝拏又格於定例不能調兵以致釀成大案請嗣後准令惠潮嘉道咨調兵弁但不得過五百名等語惠潮地方民情獷悍抗糧械鬪之案接踵效尤自應嚴行懲創如那彥成所奏准令道員調兵以便查緝事不可行國家設官定制文武分途不容兩有干預巡道係屬文員若派令管轄弁兵不但呼應不靈於體制亦屬未協且該管提鎮將備等官轉得置身事外向來緝拏奸匪原不獨責之文員即所在營員亦均應稽查彈壓總督統轄閩省文武惟當於平日留心整頓嚴飭該營員等幫同文員查緝匪犯

那文毅公奉使粵東奏議

卷六

奏

遇有地方要務應派兵彈壓緝捕者經文員知會一面申報總督一面派兵辦理該營員等焉敢不畏懼遵若必令文員調派兵丁設有械鬪等事應行緝拏之案地方官因有兵可調紛紛派往遇事張皇甚至激成事端尤為可慮且帶兵一事本難責之文員該省惠潮道一缺現係漢員即滿員中亦豈皆熟悉兵事况如閩省漳泉一帶地方民俗刁悍與惠潮等屬相似向來亦俱無道員調兵之事設該省督撫等亦欲仿照辦理紛紛瀆請更張舊制成何政體地方公務全在文武一心和衷協力自可緝暴安良永臻寧謐何必令文武官員攜

越職掌乎所有那彥成請准道員調兵一事殊可不必優什布到任後即遵照諭旨將營伍事宜加意整飭以期於詰奸有神那彥成原摺并抄寄閱看再永安鐵籠嶂會匪滋事之處本日已據那彥成奏到勦辦完結民情安堵惟為首之會鬼大温亞利二犯尚在逃匿倭什布於到粵後務當飭屬嚴拏毋致漏網仍將現在是否就獲之處先行附便具奏

嘉慶八年閏二月初四日會同兩廣總督倭公什布廣東巡撫瑚公圖禮

奏為續獲首逆温亞利與該犯全家及著名頭目陳有

那文毅公奉使粵東奏議

卷六

奏

達等審明并鄰縣另獲首匪温亞石等傳受不法情形分別辦理根株淨盡事竊查永安全境救安撤兵歲事經 臣 那彥成孫全謀於由青溪回駐苦竹派時專摺

奏

聞在案因逸匪會鬼六温亞利及著名頭目陳有達何亞開賀三隴等在逃未獲 臣 那彥成回駐惠州府城督飭文武嚴密查拏詎該犯等自官兵攻破鐵籠嶂之後自知罪大窮竄深藏連旬以來所委各路員弁帶領線勇兵役設法尋踪不但村市圩場查



歷殆遍卽巖洞坑箐亦無不逐一搜探茲據惠州府知府楊楷督同經歷陳國銓巡檢董源太於羊樹礮地方拏獲首逆溫亞利一名又據各處紳衿將頭目陳有達賀三隴何亞開三名拏交各委員解到查溫亞利與已正法之黃亞程龔釐戩膽鄒鳳翔在鐵籠嶂聚匪抗拒俱稱大王該犯猶爲悍黠其陳有達係上年曾清浩等滋事案內已投復叛之犯何亞開係與曾清浩等同時入會之犯均經奏明有案而賀三隴於官兵攻破鐵籠嶂之前潛行下山招集醜黨欲行接應後聞鐵籠嶂打破

那文毅公奉使粵東奏議

卷六

卒

卽四處逃匿今俱經弋獲巨惡已無漏網賀三隴被獲時復拒殺鄉勇一名更爲兇惡可惡臣那彥成當提陳有達何亞開賀三隴三犯逐加研訊據供始而隨同溫亞利龔釐戩膽曾清浩等在天字嶂起事伊等俱爲大頭目各處焚殺復同溫亞利上鐵籠嶂盤踞抗拒各等情當將該犯等斬決梟示其溫亞利一犯係溫登元之姪首先結拜添弟會情節尤重因先據興寧縣知縣莊自儀稟報訪得該縣石馬墟地方有匪徒溫亞石等自永安潛回在鐵山嶂糾衆拜會之事當卽密差勇役於江

西廣東交界地方拏獲首犯溫亞石一名又緝獲從犯溫起頭溫石二劉山子徐司務卽徐昌高溫何十滿溫紹卽溫集得溫觀生溫淑英等八名並查出逆詞表文本職解赴省城審辦等因查永安興寧二縣疆界毗連溫亞利與溫亞石同姓而溫亞石又自永安潛回聚衆恐其有互相勾結之事必須質訊明確方可究底裏而淨根萌臣那彥成辦理永安事竣臣倭什布已度嶺入粵臣那彥成卽於二月二十四日自惠州回至省城連日與臣倭什布瑠圖禮提犯公同鞫訊據溫亞利供上年五

那文毅公奉使粵東奏議

卷六

空

月有興寧西鄉人溫亞石卽溫亞四來伊村內傳授伊叔溫登元及該犯添弟會抄本逆詞伊叔與伊同糾官粵龔釐戩膽曾清浩賴東保等入會復輾轉糾人伊叔被人告發到官監斃溫亞石卽逃回興寧到九月內溫亞石寄信與伊說在興寧地方又已糾人拜會將來大家照應伊卽帶同官粵隴等在天字嶂地方殺人豎旗四處焚掠後又同黃亞程龔釐戩膽等盤踞鐵籠嶂抗拒等情供吐不諱復提溫亞石與之質對確係當日到伊家傳授逆詞之人復據溫亞石供出於不識姓名舊



書攤上買得抄本逆詞表文內有印文隨照雕木  
戮傳授與溫登元叔姪又在興寧本籍糾人拜會  
聞溫亞利們被官兵攻圍不敢滋事旋被官府訪  
聞緝拏逃至廣東江西交界地方被本縣差役跟  
獲等供復提溫越頭等逐一訊問除徐司務卽徐  
昌高溫觀生溫淑英業已在監病故外據溫越頭  
溫石二供聽從溫亞石糾約入會又復輾轉糾人  
據劉山子溫何十滿供聽從溫亞石糾約入會據  
溫集祿供聽從溫越頭轉糾入會各等情查溫亞  
利首先拜會糾聚多人焚殺抗拒罪大惡極應照

那文毅公奉使粵東奏議

卷六

空

大逆凌遲處死律凌遲處死溫亞石卽溫亞四起  
意糾夥結拜應照匪徒潛謀糾結復拜添弟會名  
目搶劫拒捕斬決例擬斬立決梟示溫越頭溫石  
二聽從入會又復輾轉糾人均應照聽從被脅而  
素非良善者絞決例擬絞立決臣等於審明後卽  
恭請

王命飭委按察使卽庭滄督標中軍副將保興將溫亞利  
等分別凌遲斬梟絞溫亞利之母與伊兄弟三  
人已經拏獲現禁縣監俟查明照例緣坐其劉山  
子溫何十滿卽溫紹伯溫集祿止於聽從入會並

那文毅公奏議 卷六

未轉糾亦未隨同搶劫應於溫越頭等絞罪上酌  
減一等杖一百流三千里仍比照叛案干連流犯  
發往烏喇地方安插管束查永安會匪滋事始於  
天字嶂而終於鐵籠嶂仰仗

聖主天威次第殄殲俘獲而溫亞利及陳有達等竄逃山  
谷未淨根株未免尙煩

聖歷今已盡行弋獲並予嚴誅是此事大局已臻完善又  
究出溫亞利等叔姪拜會係鄰縣之溫亞石越境  
傳授而首夥亦已成擒審明辦理尤足以清匪孽  
而靖人心至會鬼六一犯尙無下落想窮蹙游魂

那文毅公奉使粵東奏議

卷六

空

亦不虞稽獲查該犯實非會首亦並無勾結之事  
其原委經臣那彥成詳細訪察現在另片奏明惟  
既係會匪亦不得聽其漏網仍須上緊嚴拏務獲  
其與溫亞石案內逸犯多係聽糾之人仍令該  
地方官上緊緝獲歸案辦理至此案拏獲溫亞利  
之惠州府知府楊楷到任在會匪起事之後數月  
以來帶領勇役搶隘捕匪始終出力本地紳衿俱  
聽其約束前經緝獲首逆龔釐戩膽今復將巨匪  
溫亞利設法搜獲以完大局實屬勇幹向前其隨  
同查緝之經歷陳國鈺巡檢董源太亦屬出力其

二二九



應否

加恩分別均予鼓勵之處出自

聖主鴻裁至博羅永安二縣難民撫卹業已辦竣其善後

事宜責成原任藩司吳俊次第辦理臣那彥成於

拜摺後即遵

旨起身進京恭復

恩命謹

奏

嘉慶八年閏二月二十五日軍機大臣字寄奉

上諭那彥成等奏續獲首逆溫亞利等分別定擬一摺已

那文毅公奉使粵東奏議

卷六

奏

交刑部核議具奏其懇請鼓勵各員之處亦均降旨分

別加恩矣至另片奏查明博羅縣會匪會鬼六並非首

逆一節據稱該犯本名鳳蘭因向來游蕩失業與人尋

衅種種擾累地方居民恨粵東稱人之狡謫為鬼六

因以鬼六名之上年會匪滋事時遂將該犯名字誣列

其實並無勾結抗拒情事其勾結為首之劉鬼六一犯

早經官兵拏獲正法與該犯無涉訊與各供均符等語

會鬼六雖非為首要犯其鬼六名字係地棍通稱但該

犯擾累閭閻本非安靜之輩且曾經入會尤屬不法倭

什布仍督飭地方文武認真緝拏俟審明後照例辦理

具奏那彥成前已有旨令其前赴浙江審辦職員張江  
梅呈控鹽務一案著即遵奉前旨取道赴浙審明具奏  
再行回京

嘉慶八年正月十七日

奏為普天同慶川陝楚大功告成恭賀

天禧事臣伏讀川陝楚大功告成

諭旨不勝欣抃當即傳集文武員弁敬謹宣示無不踴躍

歡騰額手稱慶隨即刊刷騰黃俾窮鄉僻壤爭先

傳誦同深慶賀緬維教匪自乾隆六十年戡定楚

苗之後起事由宜都當陽等處闖入豫省蔓延至

那文毅公奉使粵東奏議

卷六

奏

陝諭陝及川流竄擾攘肆為民害

高宗純皇帝運

神機

廟算命將出師屢殲首逆嘉慶初年

授璽

聖壽日高猶時時以小醜未平黎庶未安上煩

殷厯迨至

鼎湖龍馭以前仍有

望捷之什

皇上每與廷臣道及莫不欷歔愴惻凡謁



陵致祭未嘗不因此而倍增悲感誠

繼

志之孝思無窮實亦中外大小臣工并億萬民庶所念念

不忍忘者臣目見耳聞尤深焦急

皇上丕承基緒爰

賜經畧督師

指授機要數載以來渠魁授首更僕難終徒因餘孽鼠竄

狼奔軼轉裏商致有紛紛羣醜未易急切聚殲臣

曾履行間備悉匪徒伎倆雖未嘗敢拒

天戈惟恃出沒靡常久煩勦捕

那文毅公奉使粵東奏議

卷六

奏

皇上孝思敦摯追維

高宗純皇帝遺念綦切無日不歷

聖懷思拯三省民人於水火中卽偕宇內羣生長享

太平無事之福臣仰見

萬機而外

訓飭戎行信賞必罰足令將士用命是以蓬屯蟻聚實繁

有徒者至是胥歸殄滅惟

聖念之憂勤著

天威之震疊上成

高宗純皇帝未竟之緒下綿

國家億萬年無疆之休

天孝光昭

武功耆定實為天下臣民之所同慶自此我

皇上紓戡亂之心更可從容以

勤求治理將見吏肅民醇風移俗易

集禧延洪罄無不宜者均於此時也臣受

養之

殊恩荷矜全於格外夙閱邸抄幸事機之順利茲聞凱奏

果喜報之溢來際此三省之么孽全消七年之戎

戈頓止共安樂利永慶

那文毅公奉使粵東奏議

卷六

奏

昇平臣奉使粵東未獲躬親舞蹈

官墀惟有望

闕叩頭雀躍歡抃謹繕摺隨報

奏賀

天禧仍卽專差進京恭遞

如意伏祈

皇上睿鑒謹

奏奉

殊批普天同慶率土臚歡感荷

天恩



考佑倍深寅畏益求治安曷敢少懈

那文毅公奉使粵東奏議

卷六

五

附告示

示為剴切曉諭事照得永安縣會匪曾清浩等聚眾滋事欽承

聖天子垂憫一方之民厄於水火期登衽席而安全之

簡命本閣部堂馳赴永邑相機籌辦現已行抵粵東省垣

當提會清浩官粵隴賴東保等親提鞫問嚴行夾

責令其備受官刑該犯供認均係焚劫村墟毒害

良民之首犯是於法既不准自首於罪亦絕無可

寬現在會同廣東巡撫恭請

王命將會清浩等綁赴市曹正法傳首梟示後本閣部堂

那文毅公奉使粵東奏議

卷六

六

即剋日東蒞布

皇仁以撫輯弭殘肅

天威而殲擒首惡俾哀鴻安集山宇澄清第念永邑居民

性鷲而悍聞其平時每以片言忤觸即逞兇斃命

矧遭茲焚殺淫掠之慘而著名兇匪轉置不問其

中有脫網潛歸一經民勇知覺肆其積忿恣意戕

害抑知庶民版蕞殺之刑

國典重交讐之法倘逞怨殺戮則良民不長轉犯擅殺

之罪且此等焚殺兇徒本屬法難寬縱與其叩恨

而私行殘斃身列爰書何如經官而明正典刑快



紆積忿本閣部堂深慮爾民之無知取戾也合先  
剴切曉諭爲此示諭該縣居民及者色人等知悉  
查本案原係匪殺起衅尙非有意謀逆爾等如有  
被害者靜候地方官查明撫卹所有本案不法匪  
徒前經正法各犯供指有名者自有冊籍可稽卽  
使未經供指而此種兇悖首惡斷不能匿跡消聲  
本閣部堂自當飭令將弁上緊搜拏務使首犯盡  
獲以正

國法而快人心倘此番誥誡之後仍敢抗違不遵擅行

讐殺如係會匪殺斃良民固當處以凌遲極刑並

那文毅公奉使粵東奏議

卷六

七

將家屬緣座若係良民殺斃會匪亦照擅殺律擬  
抵其有身被逼脅無奈從賊者准予投首爲從者  
一概不追論以彰法外之仁如被脅及爲從之人  
有能將著名首犯縛獻者除免罪外仍與重賞總  
期鯨鯢就戮悉清頑梗之囂氛庶幾墟市無驚共  
仰

昇平之盛治各宜凜遵毋忽特示

示爲剴切曉諭事照得本部堂前赴青溪一帶審  
辦鐵籠嶂匪犯沿途有民人紛紛控告會匪懇求  
緝拏者查永安會匪前此滋事首匪會清浩官粵

那文毅公奏議 卷六

瓏賴東保等因係首惡業經正法至如年前復上  
鐵籠嶂屯聚之匪實屬怙惡不悛已經提督率領  
將弁官兵痛行勦殺至四五百人其逃出之首匪  
黃亞程邛亞晚龔釐毀膽林亞著練朝龍僧蓮長  
等均就戈獲惟會鬼六溫亞利尙在兔脫餘匪亦  
拏到三百餘人現在嚴審卽口盡法處治倘日內  
續獲曾在鐵籠嶂逃出者自應歸案辦理此外如  
係從前曾經拜會入夥後因悔罪受撫前經出示  
曉諭准其回家安業復爲良民不復追其既往合  
行剴切曉諭爲此示仰控告會匪人等知悉爾等

那文毅公奉使粵東奏議

卷六

七

毋得挾怨逞私告理前此未經痛勦爾等自應不  
平現在鐵籠嶂之犯業已誅殺殆盡破其巢穴戮  
其妻子論數亦已足以相抵至未上鐵籠嶂之犯  
又不敢別生事端卽於平民無異所有疊瀆呈詞  
全不受理如有妄行指拏或挾讐焚屋殺人者卽  
將軍法從事決不寬貸各宜凜遵特示

示諭居民人等知悉照得爾等遭匪徒焚掠戕害  
本堪憐憫本閣部堂調集官兵將竄聚鐵籠嶂匪  
徒痛加勦戮臨陣殲斃三四百名生擒四五百名  
訊係頭目及曾經殺人放火者分別凌遲斬決此



爾等所共見共聞者爾等受害之家見匪徒駢首就戮怨憤亦可漸平何得復行贖刑普人姓名紛紛控告豈官兵誅戮不下千餘人尙不足償爾等被害之命耶况首匪曾鬼六黃亞禮溫亞利等八名現在懸賞購拏爾等探得踪跡不妨赴營縣密稟引拏爾等不但可除害並可得重賞迺自攻破賊巢後陸續拏獲首犯黃亞程龔釐戡膽耶亞晚等正法而曾鬼六等尙在逃未獲並不見爾等躍探踪跡赴營縣稟報徒羅列被脅人姓名圖洩私忿不知

那文毅公奉使粵東奏議

卷六

七三

國法既伸私忿當釋爾等均係無知愚民恐為無賴訟棍希圖激生事端以遂其私心之所慙愚本閩部堂深悉種種情弊此等伎倆斷不能行毋得妄想為此示仰居民人等知悉嗣後呈控會匪呈詞全不受理各宜回家安業不得聽訟棍播弄曉曉瀆控致干未便特諭  
為曉諭鄉民敬

聖畏

法事照得博羅縣會匪首逆陳爛展四起意滋事時於本年八月初八日帶領賊眾在該縣之栢塘墟

關帝廟內卜問往東南永安抑往西北羅浮山焚掠惟時

聖帝賜簽默誘以不利東南利於西北該匪等即遵向西北响水善政司一帶焚劫正逢提督大兵由此路進剿該匪等望風敗竄匿入羅溪營中迨大兵攻圍該匪等佔據險隘抵死抗拒正在進攻之時忽見賊營所裝火藥無故自焚匪徒驚竄羅溪營遂破該匪等以

那文毅公奉使粵東奏議

卷六

七三

神靈不佑屢遭敗竄膽敢肆其兇惡毀像拆廟然不旋踵而即被擒授首此事爾等百姓想俱聞知查該匪陳爛展四首先謀逆焚劫村莊其荼毒兩人民者不少然當時若非聖帝誘往西北不遇大兵則勢必焚掠東南兩人民必更遭其蹂躪乃蒙神靈默佑俾不稽誅是神靈之惡惡善善者甚明其默喻兩人民以為善惡惡之意又甚著也夫我國家自定鼎以來列聖相承將二百載深仁厚德其被於爾等者爾等愚昧或忘



帝力而不知即如

關聖帝君威靈素著因爾等家祀尸享之

神而自

本朝以來効順昭靈屢膺

封爵此皆爾等之所共聞即以陳逆之小醜跳梁尙且默

佑而顯戮之更可見我

國家億萬斯年百靈擁護矣爾百姓亦何事而不為

盛世良民必欲自罹法網而至於為

神所殛乎夫

神之不佑即

那文毅公奉使粵東奏議

卷六

七

天之不容也焉有人生世上

天不容之而能長久者且

神既惡惡而誘之於禍必能好善而昇之以福爾等果

能棄惡從善何慮不轉禍為福乎本部堂奉

使來粵深以撫綏爾等為心茲以

關聖之靈特遣官前往致祭擬即重修

廟宇以答

神庥特恐爾等僻壤窮鄉不盡知悉為此示諭軍民各

色人等嗣後爾等務宜敬

神畏

法安分守已父子兄弟交相勉勸以陳逆為前車之戒則

將來同享

太平之福而迓

神靈之庇者本部堂深於爾等有厚望焉毋違特示

示為亟飭查報並行曉諭事照得

聖世不廢刑誅民俗尤資禮教彰善癉惡並著於壁經子

祀

賜旌久垂為

國典肆兇敢行悖逆明憲在所難寬受害及彼貞良遺

魄定應猶教故有立坊表於患難之中則必議優

那文毅公奉使粵東奏議

卷六

七

崇於卹綏之後用昭物則庶愜人心比者博羅永

安等處會匪狂馳以致城市鄉村之間居民毒虐

原火之燄孔張池魚之殃不少一時玉石同燼何

所區分所在鋒鏑難逃盡歸劫數固不能辨其何

賢何愚亦徒付諸可悲可憫已至變生倉猝即有

矢死之心憤發臨時遂奮捐軀之力凡孝義節烈

均堪嘉尚者荷實跡之可徵必載傳於已事或泣

血以刺警胸或慷慨而櫻賊刃或從容而守潔或

凜烈以全貞是皆正氣之攸鍾允宜風聲之亟樹

也本部堂奉



天子命馳驅而來懲姑息則已戮鯨鯢撫瘡痍而欲歸鴻雁業已遴派員弁次第設施復念匝野蟲沙而外百里陰風窮山灌莽之中一般燐火其間有英魂附草碎骨生香若不闡此幽光曷以伸夫大義現在劄飭軍營効力原任布政使常齡督飭惠州府知府并博羅永安各縣知縣迅即詳訪確查該處被賊而死者所有孝義節烈紳衿軍民婦女跡其殺身成仁之事採諸動色輿嗟之言使奇行不至就湮盛節可以為勸本閣部堂自應據實陳

奏仰望

那文毅公奉使粵東奏議

卷六

七

恩施或列祀典或表里門庶幾除惡務盡善善從長編廬比屋皆有興起之心海濱山陬共享

昇平之福該布政使等毋得濫受捏飾虛詞不加察實反致埋沒美事滋多脫遺合並曉諭為此示仰博羅永安被擾地方人等知悉各憑聞見之真闡揚人善勿存混淆之見圖遂已私公同結報聽候核行果符輿論無愧典章本閣部堂有厚望焉本閣部堂仍捐賞銀五百兩飭令各該縣於城中擇地另立祠宇用彰幽隱之光以宏教化之道公善有心各宜知悉特示

示為曉示餘匪申明約法以廣皇仁事照得匪黨結會倡自兇徒持械相戕遂至讐殺以成此變本閣部堂法嚴首惡意切安良業將會清

浩等審明斬首梟示以伸

國法以快人心其餘各犯始緣逼脅而入夥繼為鄉黨所不容竄伏深山不敢歸里進退實為狼狽良民輒復懷疑聚勇戒嚴彼此相持不下職是之由本閣部堂仰體

皇上之仁寬爾等自新之路准其投首速改前愆令親族鄰佑保結赴本管官處呈明領回洗心安業並聽

那文毅公奉使粵東奏議

卷六

七

紳耆約束教訓該紳耆鄰保等亦不得因其曾被脅從多方挫辱合行出示為此示諭脅從餘匪知悉爾等不敢抗拒官兵倘知畏法因而竄逃山谷計止貪生特開誠布公亟宜各釋私忿速尋保領免干

憲典藉獲餘生此本閣部堂所以為爾等謀安全之計申誥誠之文者至深切也爾等具有天良應知省悟宥其既往相率偕來倘若冥頑不靈負固不出則是自絕其生一旦玉石俱焚悔無及矣其各凜遵毋違特示



示為明白曉諭事照得永安鐵籠嶂餘匪負隅本署部院就近調兵勦捕專治以抗拒之罪並非將已經悔罪者全行勦捕也茲官兵於月初七八兩日連獲勝仗攻破賊巢全行殄滅至從前業經悔罪投誠回家安業者原未飭拏誠恐爾等心懷疑懼尚未周知合行出示曉諭為此示諭矜耆軍民人等知悉爾等義民即便遵照前示互相知會速行歸業永享

昇平之福毋得再集鄉勇私相讐殺餘匪業已剪除亦可消其積怨不必再行紛紛呈告此後有讐殺者

那文毅公奉使粵東奏議

卷六

表

以擅殺論有深山築寨者以抗官論有曉曉不已輒復越控者必將峻訟之人根究嚴懲

國憲具存斷難寬貸均宜凜遵毋違特示

示為再行明白曉諭事查鐵籠餘匪自外生成恃險不服本部堂遣人上山委婉開導至再至三乃該匪等依然負固不知向化是以不得已調集諸路大兵進剿不日即可撲滅爾等從前受撫各安生業之人均係良民勿得自相驚擾紛紛上山逃避理宜各歸村落安享昇平之福切莫再行煽惑并仍准告當鄉勇如果勦賊有功分別加賞子官

那文毅公奏議 卷六

有差為此再行曉諭各宜醒悟勿致自悞此諭

示為明切曉諭事照得鐵籠嶂匪犯築居山寨煽惑愚民經職員杜仁溥張景仰及兵丁差役先後入嶂諭以利害冀其解散乃敢負固不服將杜仁溥等一併殺害凶殘已極叛跡昭彰本閣部堂調集兵勇四路兜擒將鐵籠巢穴立即蕩平殲斃數百人擒其首惡龔釐戩膽黃亞程邱文隴邱亞晚等盡伏刑誅仍分布兵勇緝拏逸犯會鬼六等釜底游魂斷難遠逸其餘被脅愚民經此番痛懲之後皆亡魂喪膽不敢復滋事端地方既就平靜兵

那文毅公奉使粵東奏議

卷六

表

勇即宜裁撤合行出示曉諭為此諭永安閩縣紳耆軍民人等知悉自示之後各勇即速遵照各歸鄉里共享

昇平除逸匪會鬼六溫亞利何亞開鄒鳳翔黃亞禮賀三隴會宇宏陳有廷陳亞四即陳棟等九犯按名緝拏務獲辦理外其餘被脅愚民皆回家安業不得妄拏所謂鐵廠渠魁脅從罔治爾士民宜共體此意無負本閣部堂諄諄告誡之苦心各宜凜遵毋違特示

那文毅公奉使粵東奏議卷六



那文毅公奉使浙江直隸黑龍江河南奏議卷七目錄

卷七

讞定張江梅控案 浙江

讞定張克諧韓士林西靈額諸控案 直隸

察擬將軍那公奇奏事 黑龍江

察訊王永安控案 河南

那文毅奏

直隸黑龍江河南奏

目錄

那文毅公奉使浙江直隸黑龍江河南奏議卷七

男容安恭輯

讞定張江梅控案 浙江

嘉慶八年二月二十日軍機大臣字寄奉

上諭本日刑部具奏張江梅呈控鹽商汪丙泰等浮價病

民鹽運使張映璣庇商不准核減一摺著即交那彥成

回京順道前往審辦那彥成接奉此旨即自興起程由

江西前赴浙江將張江梅呈控之案提集人證一宗秉

公查審該處鹽飭例有官設定價商人汪丙泰因從

前銀價昂貴任意浮增及至銀價漸平鹽價仍不減

那文毅奏

卷七

節經張江梅赴各衙門控告商人等既經具呈願減二

文該縣亦出示准行自應將浮價酌減何以運使張映

璣轉批仍照前價不准核減嗣經張江梅歷控本省藩

司督撫批令核減而該運使復堅執一詞仍不減

價難保無庇商病民及從中染指等情著那彥成傳到

張映璣令其將因何前後不准減價之處據實登答倘

審有別項情弊即著指名嚴參懲辦至該省鹽價是否

實係浮增恐張江梅所供亦係一面之詞那彥成到彼

後就近查詢該處民人不難得其確實再延豐為本省

鹽政於增減鹽價事宜皆其專責倘該鹽政實有袒庇



商人情弊亦著一併查參具奏

嘉慶八年閏二月初十日

奏為欽奉

諭旨覆奏事竊臣於閏二月初六日自廣東省城起程回

京恭覆

恩命是日途次接奉

諭旨令臣順道前往浙江審辦張江梅呈控鹽商汪丙泰

等浮價病民鹽運使張映璣庇商不准核派一案

臣遵即由江西改途赴浙江查辦俟到日提集犯

證訊有大概情形先行奏

奏參

聞至參草廣東藩司常齡前奉

恩旨令臣帶同入京茲臣既赴浙審案應令該員自行回

京候

旨謹

奏奉

硃批知道了

嘉慶八年三月十九日

奏為遵

旨查審具奏事臣於三月初六日馳抵浙省適原告張江

梅亦於是日遞解到省當提集一切人證卷宗逐

細查詢錄浙鹽行銷兩浙及江蘇之蘇松常鎮太

倉等府州安徽之徽州廣德建平府縣江西之

廣信府屬共一百二十五州縣每年額銷七十萬

四千六十餘引共完正課銀六十萬餘兩設立杭

嘉紹松四所甲商分隸引地各地散商赴場煎配

引鹽捆運至所掣驗上棧挨運銷售各屬價值向

按程途之遠近盤剝之難易核計成本隨時長落

乾隆十六年欽奉

諭旨向來各省鹽價原聽其自相交易無官為定制之例

祇可因時調濟欽此在案三十一五十七等年所經戶

部咨令浙省開報成本價值經原任鹽政熊學鵬

全德等以浙鹽引地遠近不同課則高低互異每

掣視產鹽多寡情形按本定價現在各屬價值每

觔自一分六釐四毫至二分二釐不等悉照本核

定請免開報咨部覆准各在案六十年前任鹽運

使秦震鈞詳明前任鹽政岳謙將原定鹽價銀數

核照時值錢價畫一行銷每觔制錢二十四至三

十二三文不等現在張江梅所控之錫金二縣原

定價銀三分按照彼時錢價賣錢三十文蘇州長

元吳三縣原定價銀一分八釐八毫按照錢價賣

元吳三縣原定價銀一分八釐八毫按照錢價賣



錢二十八文此浙省鹽價參差不齊及核銀賣錢之舊定章程也嘉慶六年五月間張江梅赴蘇探親見伊戚王勇義向裕生鹽店買鹽百觔價錢二千四百文取有該店發票存據因與常屬鹽價不符隨攜票回至金匱縣向陳恒茂舖買鹽每觔索價三十文復向同春舖買鹽五十觔每觔價錢二十九文張江梅以蘇常接壤價值懸殊並以從前所定銀數核之目前錢價更有浮多隨以鹽猶剝民等詞先後赴縣府具呈詳經運使張映璣以常屬詳定價錢三十文核計商配成本並未浮多批

那文毅奏浙省鹽價

卷七

四

府飭縣銷案張江梅復先後赴巡撫藩司及兩江總督衙門呈告該督批令蘇州藩司會同浙江運使核議詳報維時鹽政延豐據常州府詳請核定賣價亦批令運使確核議詳旋經運使張映璣會同藩司汪日章詳稱商鹽賣價例應核計成本現雖價錢漸長而柴瀨水脚食米工資較前倍增僅堪以錢價之有餘補成本之不足至蘇郡鹽色本低水程又近所以無錫金匱不能仿照一律銷售應俟土瀨旺起再行核減等因詳覆該督並咨明鹽政銷案此張江梅屢次具控該運使張映璣前

後不准減價之原委也臣查閱張江梅呈內有錫金商人呈請減價二文經縣出示准行該運使復出示不准減價一節尤為緊要關目恐實有庇商病民及從中染指情事傳詢運使張映璣覆稱錫金商人自願減價二文並未赴司具稟我出示仍照原價售賣因每年於菜市旺銷之際俱須通行出示申明定價並非因商人自願減價反出示攔阻上年吳震二縣商人因成本較常屬稍輕又引鹽壅滯情願減價六文我即據呈詳請出示准行有案可憑豈有准減六文反不准減二文之理訊

那文毅奏浙省鹽價

卷七

五

之商人汪丙泰等供稱因私販價賤引鹽濫銷原想暫時減價居民見價值不甚懸殊不買私鹽則私販必裹足不前然後仍照原價售賣此係暫時權宜之計我們想定價之外如要加增自當稟明運司詳請遵行若於定價內情願減價諒亦官法所不禁所以止呈請兩縣出示並未稟知運司等語劄查錫金二縣知縣覆稱據呈出示並未詳明運使屬實又張江梅呈內有商人捐餉報効藉此浮價開銷則捐項全出於民商輸竟無其實一節詢據該運司張映璣覆稱各屬鹽價照銀數核定



錢文係乾隆六十年之事後來陸續捐餉四百萬兩在嘉慶四年以後並未加增價值現有案卷可查又張江梅呈內有私設公棧提引行賄一節據汪丙泰等供稱公棧係衆商運鹽到地彙總堆貯之所商人公同經理以便挨運行銷不致彼此爭先搶賣各屬皆然並非起於近時亦非錫金二縣私設至提引之事因數年來官引滯銷商人積欠累累公議每百引提鹽五引以清積欠歸清停止又運鹽上棧辛工火食等項在在需費恐有疲商掛欠又提數引以爲經費公同揭算並不由官

那文毅奏浙省鹽務疏

卷七

六

爲經理原係商人自行辦理之事有何行賄之處前此商人祝開遠因提引賬目未清涉訟後經衆商公同算明息案有卷可查質之張江梅供稱我聽見公棧提引作費心疑必係斂爲行賄之資其實並無確據不敢誣賴至我呈內說據運使詳稱以目前之有餘補從前之不足是其浮價業已自認等語原係希圖聳聽其實運司詳內是以錢價有餘補成本不足並無目前從前字樣再三究詰張江梅惟有俯首認罪無可置辯查兩浙行銷各屬鹽勛價值隨時售賣載入戶部例冊卽原定每

勛賣銀一分六釐四毫至二分二釐不等錢隨時價核算各部有案亦聲明仍核計成本隨時長落並非一定成例惟是價值之低昂既視成本則成本之輕重自應推詳臣提取錫金二縣商人成本底賬逐細核算以一引而論如柴浦煎工牽算三千四百文其襍支等項牽算四百九十文捆運等項牽算二百三十餘文掣配等項牽算七百五十餘文開運等項牽算三百五十餘文加以完納錢糧並辦巡辛工火食等項隨時而計每勛成本約需二十餘文商人終歲營運將本牟利原期稍沾

那文毅奏浙省鹽務疏

卷七

七

餘潤若大加裁減轉可藉口墮引悞課於鹽務大有關繫臣平心酌核該商等前經在縣呈請情願減價二文雖係暫減豈有不自顧成本之理應卽照所請將錫金原定每勛三十文之數減去二文每勛賣錢二十八文則於商不虧於民不病彼此俱可相安其餘各屬分隸四省成本輕重不同一時未能確細查核其應如何分別酌減一文二文之處應交與該鹽政會同各該省撫臣提取各成本底簿逐一算明酌中核定後仍令該鹽政隨時留心察看如果將來有應須調劑之處仍照隨時



長落舊例妥協辦理總不得任意低昂致滋弊竇  
所有嘉慶三年以後錢價漸長鹽價未落通綱核  
算該商等獲利已多未便令其飽充私橐應責令  
四所商人於通綱內罰繳銀一百萬兩俟捐款完  
結後分作二年完交存庫報部備撥運使張映璣  
訊無庇商染指情弊在商人等孽孽為利原無足  
責該運使專司鹽務理宜隨時留心查辦乃當錢  
價漸昂並不調取該商等成本底賬詳悉核算酌  
中調劑非尋常踈忽可比應請

旨交部嚴加議處鹽政延豐於增減鹽價是其專責乃僅

交部議處錫金二縣於該商等呈請減價並不

卷七

八

批司確議據詳完結未能隨時查核亦難辭咎應  
請交部議處錫金二縣於該商等呈請減價並不  
詳明鹽政運司私自准行出示雖減價自與增價  
不同惟增減均係鹽務攸關不得私自擅辦該二  
縣亦有不合應由撫臣查取職名送部察議張江  
梅控減鹽價尚無挾嫌索詐別情惟呈內抄錄原  
詳任意刪改字面希圖聳聽殊屬狡獪且呈告商  
人提引行賄一節審係子虛按將曖昧不明姦賊  
款蹟汚人名節例應擬軍該犯到案即行供明與  
始終誣執者有間應革去從九品於軍罪上減一

等擬杖一百徒三年商人汪丙泰等審無串通把  
持情事其於錢價漸長未將鹽價核減業已認攤  
歸繳應免其置議無干省釋謹將該運使親筆摺  
摺並張江梅等供詞恭呈

御覽再臣應俟

批摺回日再行回京覆

命謹

奏

嘉慶八年三月二十九日奉

上諭那彥成奏審擬江蘇從九品張江梅呈控鹽商汪丙

交部議處錫金二縣於該商等呈請減價並不

卷七

九

泰等浮價病民一案內稱該商人等自嘉慶三年以後  
錢價漸增鹽價未落獲利已多未便令其飽充私橐請  
令罰繳銀一百萬兩等語該商人等如有賄囑營私專  
利病民情事自應照例治罪今祇因錢價已增鹽價未  
能隨時減落在該商等孽孽為利不過欲多沾餘潤與  
行賄病民者有間所有議罰銀兩著加恩寬免餘著該  
部核議具奏

嘉慶八年五月十一日回京

命署戶部右侍郎兼理錢法堂事



識定張克諧韓士林西靈額諸控案 直隸

嘉慶八年七月初三日

命同侍郎周公廷棟馳往直隸學憲魏潤二縣審案

嘉慶八年八月初二日會同侍郎周公廷棟

奏為奏明事 臣等奉

命前至樂亭審辦案件 臣 那彥成適於望後偶感風寒又

轉患痢疾業已全愈隨將兩案情節盡心研鞫審

結不敢稍有遺漏又接有刑部來咨為生員張克

諧等控告鹽務奏請於 臣 等經過豐潤就近查辦

奉

那文毅奏使浙直隸龍江等處

卷七

十

旨依議欽此 臣 等即於審明兩案後即行起程擬至豐潤

一面繕摺一面查辦及抵豐邑據帶來戶部郎中

裴顯相面稟伊籍居直隸與被告原任御史鄭澂

及該商原任編修吳裕德本係同鄉素曾相識此

案究係鹽務求自行迴避等情而 臣 周廷棟亦係

直隸順天人遂商之於 臣 那彥成言鄭澂從前亦

曾認識吳裕德同城居住慶弔相通均是鄉親 臣

查同鄉原無迴避之條而 臣 那彥成因患痢疾

於求愈多服大黃愈後心氣尚虛血分受傷不時

頭暈精神未全復舊 臣 周廷棟又以遠嫌不便一

入審辦 臣 伏思此案張克諧等所控首重鹽包加

重磁碼皮條等項均須切實查驗方為確證是以

刑部未便差員於數百里外核對其礙難審斷之

處實由於此 臣 等公同酌議當即提取秤鹽磁碼

皮條面同原告張克諧等當堂閱看磁碼俱係部

頒式樣惟皮條分兩輕重不等又訊之張克諧等

鹽筋係自何處尚未改包據供指去縣城百里小

集地方尚有舊日未改之鹽包 臣 等即派司員歸

椿覺羅齡福同豐潤縣知縣袁維清帶同原被兩

告前赴小集令張克諧等自行指出未改之包取

那文毅奏使浙直隸龍江等處

卷七

十一

回縣城當堂取同將鹽包秤驗大小不一其最重

者若連皮條秤較多至四五筋十一二筋不等去

皮條秤較亦不過多至二十餘筋及三十餘筋不

等總以不足原控四百四十筋之數查戶部祖碼

向來不准請出京城總應解京方可比較今鹽包

既經秤較確實而磁碼又應解京比較方可定案

其餘情節俱可就人證卷宗審斷定擬應請仍交

刑部審辦以成信讞查有永平府理事同知覺羅

承恩綠地畝案內前來聽審茲訊係虛無自應仍

行赴部引



見臣等於其赴京之便即將砒碼皮條封固並原被一切人證卷宗飭令順便解往備審一面將查核砒碼皮條與秤驗鹽包各情節詳細咨明刑部辦理

等於拜摺後即前赴

行在恭候

恩命謹

奏奉

硃批刑部知道

嘉慶八年八月初二日會同侍郎周公廷棟

奏為遵

聖

旨

那毅奏獲盜匪請將盜案一併審擬具奏事竊查樂亭縣民人韓義琦具控伊侄韓士林身死不明一案等連日細心研鞫緣已死之韓士林係在樂亭縣民人安如盤當舖內作夥計與舖夥孫性添素相戲罵適韓士林於六年十一月憑舖中僱工人郭桂作媒聘關俊基之女為媳孫性添在旁戲罵韓士林與關家結了箇王八親家等語韓士林因此氣忿便欲退親嗣後累經口角俱經安景周等勸解安景周恐其不成以致左事隨在當舖內查出銀錫一副令其聘定於十二月二十五日韓士林仍懷念回家安景周又恐其

那毅奏獲盜匪請將盜案一併審擬具奏事

聖

旨

聞事令人找回韓士林心總不甘至三十日因年底取贖當物甚忙於二更時候孫性添往後出恭韓士林尾隨在更房門外等候俟其經過將孫性添扭入房中聲言糟蹋太甚脫去衣服彼此揪打韓士林將更房牆上所掛小刀抽出向扎孫性添奪刀恐嚇致傷韓士林心坎倒地隨即殞命先是舖夥魏應候在更房前一層抽取當物聞聲往看見韓士林與孫性添揪扭一人不能拉勸隨至櫃房告知安景周孫豁然劉定遠同往勸解比及趕到韓士林已經氣絕孫性添害怕哀求安景周掩飾遂應允起意移屍孫性添將韓士林衣服穿好背起屍身孫豁然劉定遠左右幫擡安景周持燈將屍棄於舖西井中回至更房將血蹟打掃乾淨兇刀埋在灰內即於次日呈報捏稱韓士林因瘋跳井至初二日該縣周魚相驗時該犯供韓士林係屬自戕僅承認移屍是實而伴作當場原報因傷身死該縣遂即當場填寫屍格後於初三日衙役李吉始於當舖更房灰堆內尋出兇刀相驗在先尋出兇刀在後乃該縣原詳冊內却稱刀傷比對相符實堪詫異訊之該縣周魚供稱當場填寫



屍格本係註明因傷身死至次日在署中審訊因  
研訊犯證不能究虛實情恐怕誤入人罪又迫於  
限期故於初詳時將原格銷毀改填自戕字樣至  
比對相符一語亦係初二日以後填寫皆係卑職  
糊塗該死只求加倍治罪復加詳訊有無助縱情  
事復供稱現在已蒙訊出正兇并非自戕如有賄  
囑誰肯掩藏迨韓義琦在永平府呈控經知府屈  
為經調取人犯牌委盧龍縣知縣秦守鍾審訊該  
縣一問作鈕紀供稱因傷身死即行掌責又據  
刑書供稱屍格上自戕字樣係秦知縣改填等情

那文毅奏復浙省龍江甯奏議

卷七

古

詳加訊問據秦守鍾供稱作原報因傷身死是  
因傷顯係被扎即就被扎追問因作總不將被  
扎情形說得確鑿是以將他掌責的至屍格實係  
周令送府卷內既填寫自戕至我原疑心係屬被  
扎後經本府將人犯提去自審的未能審出真情  
何敢推脫呢總是糊塗只求治罪又該府知府屈  
為經於樂亭縣初詳時未能審出又經臬司以罪  
名不符嚴駁又經本省總督批飭韓士林何至以  
戲罵細故遂爾戕生且刀從何來亦無着落批駁  
原甚明白將以上情節逐一向伊訊問據該府供

那文毅公奏議 卷七

稱韓義琦赴院司控告因委盧龍縣審訊又因韓  
義琦控秦令審訊不公是以親提審訊後經總督  
臬司駁飭又令盧龍縣先行審問因傳喚屍母懸  
案未到以致遲延至今卑府身為知府於人命重  
案僅據人犯混供詳覆實屬嚴率糊塗惟有懇求  
奏明嚴加治罪若有賄囑情事倘將來發覺願加  
倍治罪各等語查孫性添本係舖夥無力行賄如  
有賄囑必出自財東安如盤隨問之安如盤有無  
賄囑據供生員被他們拖累恨如切齒還肯替他  
花錢打點麼其中並無賄縱等情似無遁飾此案

那文毅奏復浙省龍江甯奏議

卷七

古

現經將韓士林被扎審出眾證確鑿正兇已得其  
韓士林屍身自可無庸檢驗以免暴露至起意移  
屍人犯與承審失出各官均應照例定擬查律載  
鬪毆殺人者無論手足他物金刃並絞監候又例  
載凡毆故殺人案內兇犯起意埋屍滅跡其聽從  
擡埋之人如審係在場幫毆有傷律應滿杖者照  
棄屍不失律擬杖一百徒三年其在場並未傷人  
止於聽從擡埋者照尊長地隣棄屍為首律杖六  
十徒一年又律載凡官司初檢驗屍傷因不實而  
罪有增減者以失出入人罪論失出減五等又律

二四五



載若申上司事有差誤上司不覺失錯准行者各  
遞減下司官二等又律載若告二事以上重事告  
實輕事招虛但一事告實者皆免罪各等語此案  
孫性添以口角糾故致殺韓士林一傷殞命應照  
例擬絞監候秋後處決安景周實係起意移屍並  
未幫毆應於滿徒例上減一等杖九十徒二年半  
孫豁然聽從擡屍應照律杖六十徒一年劉定遠  
業經病故應毋庸議樂亭縣知縣周魚於相驗時  
既知因傷身死於出詳時又填白牋未能驗出致  
死緣由幾令正兇漏網又該府知府屈為經既經

刑部奏准浙江巡撫龍濟濤奏議 卷七 六

轉詳且屢經督臬駁飭並未審出真情耽延至二  
十箇月之久該府屈為經該縣周魚均應照失出  
人罪律減罪人五等於孫添性死罪上減五等杖  
七十徒一年半盧龍縣知縣秦守鍾於奉牌委審  
之事竟致差誤應照遞減下司官二等係承審周  
魚原案應於周魚杖七十徒一年半上減二等革  
職杖一百韓義琦告韓士林被扎既經得實照例  
免罪魏應候到案既行供明係首先破案之人應  
准免罪其餘安如盤等皆屬無干概行省釋再該  
省總督臬司俱經飭委該府詳審並未核轉應毋

庸議謹

奏奉

硃批刑部核擬具奏

嘉慶八年八月初二日會同侍郎周公廷棟

奏為遵

旨審擬具奏事竊臣等奉

命前至樂亭查辦宗室西靈額控告地畝一案臣等於七

月十二日到縣調齊人證連日督率戶部郎中裴

顯相員外郎齡椿太僕寺員外郎覺羅齡福虛衷

研訊緣乾隆四十一年宗室西靈額之子聰秀契

刑部奏准浙江巡撫龍濟濤奏議 卷七 七

典家人嚴三聰嚴榮等父子一戶而嚴三聰又將

家存業經故絕舊主三保住房地空紅契一紙典

與聰秀名下價銀八百兩係嚴榮堂兄嚴純作中

聰秀典地時並未指地段四至佃戶花名惟憑嚴

純承攬地畝每年包交租錢迨嚴三聰病故以後

伊子嚴榮不能包租聰秀即欲收回地畝而嚴純

明知原係空契無憑指對經聰秀節次赴永平府

理事同知暨樂亭縣呈控尙未結案聰秀又赴戶

部呈控行令理事同知覺羅承恩帶同嚴榮等親

詣勘丈嚴榮不能指出實在地畝處所但憑空契



所載四至東西南北俱至道總計共地一百三十餘頃則契非此地已無疑義迺嚴榮率將場坵莊民人任珣等民地一頃數十餘畝混行妄指希圖指人之地自卸其責嗣於嘉慶五年十月據宗室聰秀在旗呈稱永平府同知勘丈不公復經戶部行文直隸總督飭委宣化府知府蘇勒通阿率領嚴榮指丈復行勘丈得任大學等祖遺自置民地連前指任珣地共二頃六十餘畝該民人等均右契據糧串可憑又丈得旗奴葛英名下地一頃餘畝俱係嚴榮妄指查兩項地畝核與聰秀原控情

那文毅奏復浙江巡撫龍濟濤奏議

卷七

六

節不符將嚴榮於本年五月內解送戶部與伊主聰秀質對經戶部派委司員前往宗人府審訊據聰秀之父西靈額以永平府同知承恩受賄八百兩典史金介五從安姓當舖兌出承恩貪銀毀詳又安姓設立英雄會聚眾數百人西靈額前曾使人清查別項地畝亦係英雄會黨羽將家人毆打近因李尚新在保定府呈告將英雄會改名金剛隊各帶黑小刀一把以為暗號及任大學為該縣拜壽各情節續控經戶部具奏前至樂亭縣審辦等情臣等研訊據嚴榮供稱小的祖上是三保住

家人因三保住故絕是小的父親嚴三聰於四十年自己出名典與聰秀為奴三保住名下有地四頃房三十五間坐落樂亭縣場坵莊存有紅契一紙小的亦不知地在何處至四十一年所存之房地紅契典給聰秀典價銀八百兩每年包租制錢一百三十二千這是小的父親做的事小的從來沒有替聰秀收過地租房租聰秀控告後永平府同知并宣化府知府先後勘丈地畝房間都是小的混行指丈的共丈得任珣等及葛英地三頃六十來畝與三保住紅契所載毫無干涉再小的

那文毅奏復浙江巡撫龍濟濤奏議

卷七

七

三十四歲會充當本縣衙役又當旗鄉長於四十九歲止纔不當衙役了旗鄉長票是嘉慶五年永平府同知追去了這些事都是小的做的如今小的妄指人家之地以為父親所典之地實在糊塗該死只求治罪就是恩典至於老主人西靈額續控安姓如何走動衙門永平府同知有無受賄小的俱不知道不敢說供等語臣等派員將地逐段查勘均與宣化府知府蘇勒通阿前丈相符因再訊之西靈額之家奴劉成供稱於五十年始行經管取租並沒見種地佃戶亦不知道地段四至惟



據嚴榮領看兒過場地莊家北寺東地四段亦止一項三十一畝那時並沒指對地邊等語亦與聰秀典地時並未對明地畝情節相符是嚴榮所指之地委非三保住紅契所載除該民人任珣等名下地二項五十餘畝應准照契管業交納民糧外其葛英名下地一項餘畝應照例入官咨明戶部核辦其嚴三聰得過聰秀房地價銀八百兩應在伊子嚴榮名下著追給還聰秀收領至該宗室西靈額因伊子聰秀所控地畝未能查出輒以承平府同知承恩受賄毀供捏詳典史金介五從安姓

聖毅奏養濟道續龍江河奏議

卷七

三

當舖兌出等情續控 臣等當令西靈額與承恩金介五三面質對并據承恩供稱西靈額說卑職係受任大學之賄查任大學名下止有地九十餘畝焉有為地九十畝行賄八百兩之事且其地是任大學祖上所遺又何須行賄如說我毀供捏詳現有咨部文冊可憑如何毀捏並據典史金介五供稱如有過付等情情願加倍認罪且查安姓即係安四已經病故等語問之西靈額亦不能確切指實至所控英雄會一節訊之該家人劉成供稱因曾與嚴國棟男女七八打架聽見人說他們都是

英雄會內人回京告訴主人知道是有的金剛隊也是聽人傳說的小的並沒有見過黑鞘刀實在指不出確實憑據質訊西靈額亦不能供指確據即所稱李尙新曾經控告之處調齊永平府原案係李尙新唆訟誣告並無英雄會確據 臣等因問該管道府營縣等有無其事據各員均出具境內實無英雄會名目印結等情 臣等查地畝一節聰秀執其紅契自應呈之地方官詳細確查尙無不合惟西靈額所控英雄會及同知承恩受賄兩端皆屬大干法紀如果屬實自應按律科斷乃西靈

聖毅奏養濟道續龍江河奏議

卷七

三

額總以英雄會係得之傳聞八百兩係屬意揣又云黑鞘刀即係隨身佩帶小刀更以自京至樂亭往返千餘里誰肯與我作證語言執拗所對皆非所問徒以控地之微情自蹈妄告之重咎糊塗任性已極應照例核辦查律載冒認誣賺局騙計賊准竊盜論罪祇杖一百流三千里又律載誣告人死罪未決杖一百流三千里加徒役三年又律載旗人犯罪流二千里者枷號五十日每等亦遞加五日各等語此案有契無地嚴榮應照冒認房地肇興訟端原價銀八百兩照律計贓論罪杖一百



流三千里宗室西靈額所告英雄會及承恩受賄  
八百兩俱屬虛誣應照例杖一百流三千里折柳  
號六十日查係宗室請

旨交宗人府照例辦理家奴劉成係聽從家主使令應鞭  
責發落其永平府同知覺羅承恩典史金介五訊  
無別情應照舊供職任大學訊無行賄及與知縣  
拜壽等情應與一應人證概行省釋謹

奏奉

硃批刑部核擬具奏

嘉慶八年七月二十日

那文毅公奏議

卷七

三

擢授禮部尚書

命兼戶部三庫事

命總理太常寺鴻臚寺樂部事

察擬將軍那公奇泰事 黑龍江

嘉慶八年十一月十八日

命會同侍郎宜公興花公尙阿馳赴黑龍江查辦將軍那

公奇泰等被控案

嘉慶九年正月初四日會同侍郎宜公興花公尙

阿

奏為遵

旨查訊那奇泰等改換奏摺及協領等頂撞上司違例私

遣領催委前鋒出境各緣由一併據實覆

奏事竊臣那彥成於十二月初三日自京起程十二日

那文毅公奏議

卷七

三

路過

盛京會同臣宜興花尙阿兼程前進於二十二日到齊

齊哈爾等自入境以後沿路察看地方情形詢

問兵丁屯戶已知今歲六月嫩江水漲田禾被淹

其未淹者秋收尙有可望忽於七月二十二三等

日被霜收成實為歉薄等到後當即遵

旨詢問那奇泰玉衡二人一面派委員外郎鶴綸譚光祥

主事覺羅官保住佐領嚴明阿將協領羅爾德善

等隔別詢問據那奇泰稱本年七月二十二三等

日田禾被霜詢問協領額爾德善等俱云只可作



三分收成應徵額糧問或可完舊欠倉糧不能交納亦不必接濟口糧等語我因協領等並未呈報被霜情形詢問玉衡玉衡亦說未經呈報八月二十九日我同玉衡親往各屯查勘將已割田禾逐一打驗約畧似有四五分年景隨問協領等似此年景何以不能交糧協領諾思濟等俱以管下佐領等都說不能交糧之語回覆隨又傳喚佐領烏勒卿阿等詢問俱與額爾德善等所稱相同我查向來奏報收成分數係由八旗協領於八月呈報五分以上正欠全交四分以下分別辦理此次協領等並未呈報只口說三分既係三分何以又稱不必接濟該協領佐領等異口同聲顯有捏飾情弊旗人屯丁等歷年積欠過多今年若再照被災辦理殊非慎重倉儲之道遂同玉衡商酌定為收成分四分將協領奏領一併奏奏十一月初九日方查出乾隆十七年舊案每垧地方收糧倉石二石一斗作為收成三分今歲每垧地只收糧倉石一石四斗應作為二分初十日發摺之後協領于森保等五人具呈請借口糧我想既有舊案可遵又有協領佐領等呈報因即與玉衡商定將奏摺趕

那奇泰使浙流蘇龍江河奏議

卷七

五

同改為收成二分將協領五員奏請議處等語那奇泰玉衡二人所供無異臣那彥成先經奉有諭旨如訊出那奇泰等有追改奏摺等弊即傳旨將那奇泰玉衡革職並令臣宜興署理將軍印務適於二十六日奉到諭旨因那奇泰星夜趕回黑龍江一節恐有彌縫掩飾情弊令臣等悉心詳查同日又奉到諭旨以墨爾根副都統額勒理面奏那奇泰有追回奏摺改繕情事交與臣等詳細查究臣等當即宜讀諭旨將那奇泰玉衡革職臣宜興已遵即接印署事隨據那奇泰將追回原摺呈出閱看臣等隨問那奇泰玉衡將因何先奏四分後改二分究竟應作幾分有何確見且前此奏摺將協領五員一併奏請解任迨改繕奏摺只將協領五員奏請議處所奏情節輕重迥別是否風聞協領等私發奏摺商量改換究係何人主見有何情弊之處向那奇泰玉衡逐一嚴加訊問那奇泰玉衡僉稱我們實因不知舊例應作幾分協領等口說無憑旗人屯丁積欠過多若再任意延展年復一年倉儲總無實貯是以冒昧奏報四分收成佐領烏勒卿阿托克屯保

那奇泰使浙流蘇龍江河奏議

卷七

五



倭密善阿海墨倫泰等五人隨同協領干森保等五人俱有不能交糧之語是以將協領佐領等一併參奏迨查出舊案後方知前奏錯誤是以改換奏請接濟口糧將舊欠展限完繳至初十日所遞呈詞只有協領干森保等五人列名詢知向來佐領並不呈報分數俱係協領作主是以未將佐領參奏並非風聞協領等私發奏摺將原摺趕回此係我兩人商同辦理總是糊塗冒昧只求從重治罪等語臣等再三研鞫那奇泰玉衡惟有伏地叩頭痛哭認罪僉稱無才無能不能壓服屬員以致協領等輕藐頂撞又因查辦不實過於害怕將奏摺趕回改換實非風聞伊等私發奏摺方行補奏我等若有風聞豈有先參得重後又改輕呢只求詳情隨據協領額爾德善等供稱七月二十二三等日田禾被霜顆粒不足批穀過多遂約畧定為三分收成求將軍副都統將應交舊欠十九萬六千七百餘石口糧展限一年完交八月二十九日將軍大人親往各屯打驗回來後不依要作為四分收成我們再四懇求總未允許反要將我們參奏遂商同繕摺要求

那文毅奏復浙江蘇州河南奏議

卷七

三

皇上施恩十一月初八日做出摺稿初九日教佐領舒隆阿寫成初十日將軍副都統發摺之後我們即於是日私差領催能得委前鋒完受賈摺由草地進京等語詢之協領干森保諾恩濟卜拉光六善保等所供俱屬相同臣等伏查乾隆十七年報災舊案係由驍騎校佐領協領呈報將軍覆查屬實始行辦理此次何以不照舊案辦理且既係三分收成何以額爾德善等於將軍前口稱不必接濟又不預先呈明直至十一月初十日那奇泰發摺之後始行呈報且所遞奏摺內又未將分數確實奏明隨向協領額爾德善等詢問爾等作為三分收成有何確見何以摺內並未聲明且爾等不應奏事如果為旗人屯丁生計起見將軍副都統不肯據實陳奏爾等祇可直達部科何得僭越陳奏據額爾德善等供稱我等向來從無打驗之例此次所稱三分收成實未親身打驗只係約畧之詞指內並未聲明是我糊塗我們向來辦理災賑原無定例總由我們回明將軍定作幾分即可奏明辦理今年因求過將軍副都統總不肯依是以商同竟自發摺陳奏實係糊塗只求治罪等語臣等隨

那文毅奏復浙江蘇州河南奏議

卷七

三



傳喚本處兵丁屯戶等面加詢問據稱向來豐收之年每地一垧計六畝可得禾一百餘捆每捆可得十六七八碗不等每二碗合倉升為一計每一垧地可得倉石八九石今歲每地一垧只得六七十捆因顆粒不足批穀較多每捆自二碗至十二碗不等均勻合算每捆可得四五碗每垧地可得倉石一石二三斗臣等細加核算實係收成二分有餘額爾德善所稱三分及那奇泰等初次摺內所報四分均係率意臆斷不足為憑查齊齊哈爾地實寒苦戶鮮蓋藏每歲種地自四月至八月

鄂文毅奏准江蘇奏議

卷七

天

即止若遇七月降霜雖無旱澇亦不足一年之食上年收成僅止四分今復遇此歉收自應早為接濟並懇

天恩照例蠲免額糧將舊欠一體緩徵庶生計有資丁力不致拮据乃那奇泰毫無定見既未能查明舊案確定分數復不能壓服屬員又將奏摺追回擅自更改且十一月初九日既經查出舊案何以不即改繕奏摺直至協領等呈報之後方將原摺趕回種種謬妄糊塗誠如

聖諭可惡可恨其追回奏摺一節臣等在途逐站挨查於

吉林所屬之金珠山站已經查出實據與額勒琿所奏相符那奇泰係由草地回城尙無囑令掩飾情弊那奇泰玉衡業經奉

旨草職應請

旨交刑部宗人府照例治罪協領額爾德善等於收成分數並不確查亦未照例呈報既稱不必接濟忽又請借口糧且並未查照成案辦理輒敢使領催委前鋒僧遞奏摺臣等正在審辦之際於十二月二十七日續奉

聖諭因玉衡奏到匿名字帖一摺交

卷七

天

等查訊明確奏草究治隨據額爾德善供稱十二月初五日署將軍收有匿名字帖一箇向我們查訊領催能得委前鋒完受下落我即當堂出認是我等五人私自差遣進京遞摺應得何罪但憑處治是實等語是額爾德善既已違例私遞奏摺又復目無長官結黨把持積習串通牢固不解誠如

聖諭刁風亦甚可惡除投遞匿名揭帖之人容臣宜與上緊查拏務獲外應請

旨將協領額爾德善與協領千森保諾恩濟卜拉克六善保等一併草職交部治罪佐領舒隆阿聽從額爾



德善指使代繕奏摺應請

旨交部議處領催能得係托克屯保佐領下人托克屯保

於十一月二十四日那奇泰未經發摺之先已經

解任其佐領事務係驍騎校明福署理明福未能

查出呈報托克屯保十一月十六日復任亦未能

查出呈報委前鋒完受係阿拉什佐領下人在前

鋒營穆克登布屬下當差穆克登布係本管之人

不能辭咎阿拉什之咎稍可從輕均未能查出呈

報應請

旨將佐領托克屯保阿拉什穆克登布驍騎校明福交部

那文毅奏使浙江直隸龍江高奏議 卷七 三

分別議處該管驍騎校薩拉金保於領催等私自

出境未能覺察亦應請

旨交部議處領催能得委前鋒完受未奉將軍副都統差

遣輒敢聽從協領等指使私自齎摺進京應令該

管官鞭責革退柳誠示眾那奇泰玉衡 那彥成

押帶進京聽候擬罪額爾德善干森保諾恩濟卜

拉克六善保等委員解京交部治罪謹

奏

容安謹按此案旋奉

旨以那公奇泰玉公衡各予降官其餘諸員弁降懲有差

嘉慶九年二月初二日回京

命兼署工部尚書

嘉慶九年四月十二日

命兼署鑲藍旗蒙古都統

那文毅奏使浙江直隸龍江高奏議 卷七 三



察訊王永安控案 河南

嘉慶九年六月初一日

命馳往河南查辦事件

嘉慶九年六月初一日軍機大臣字寄奉

上諭本日據社康等奏河南嵩縣武生王永安呈控王雷等編造妖言邪說傳習誦念又製造鐵車器聚眾斂錢一案據供伊於七年二月初一日路過王雷門首聽見許多人念經俱係悖逆之語伊向王雷盤問假意入夥王雷等給伊妖書二本妖言一張伊即赴嵩縣首告周知縣隨密稟上司並帶伊進省到巡撫衙門後來並未

聖安 奏為請據原任嵩縣知縣周書同將武生王永安呈控

卷七

三

審訊惟據周知縣傳說巡撫教伊赴紫荆關副將處投効又是年十一月內假師縣教匪趙重安到嵩縣樊店地方同王雷等打造四輪鐵車一輛鐵燈六十餘盞又有器械等項經地方赴縣首告周知縣審訊後將鐵車存庫完結後來趙重安等又打造鐵車該地方等赴布政使衙門呈控總未究辦等語並將原呈進呈鄉曲愚民若惑於邪說不過喫齋念經地方官原可隨時化導無庸概行查辦今據王永安所控王雷等編造妖詞語多悖逆既經該武生首縣密稟自應詳查虛實奏明辦理如果係該武生誣捏即應將王永安按例懲治何以

該撫於知縣帶伊進省時並不面詢明白轉傳令紫荆關投効似欲磨之使遠且據稱趙重安等製有鐵車器械意欲何為該縣於地方首報後亦應根究確實何僅以貯庫完案現已降旨諭令那彥成馳赴豫省以閱視河工為名密為查辦並著溫承惠隨同辦理惟當不動聲色慎密確查將為首之要犯拏獲數人其餘夥黨不可多有株連仍著馬慧裕將王永安所控各情節是否屬實先行覆奏將此傳諭馬慧裕並諭溫承惠知之

惠

嘉慶九年六月十三日會同河南布政使溫公承

聖安 奏為請據原任嵩縣知縣周書同將武生王永安呈控

卷七

三

王雷等編造妖言邪說一案情形先行恭摺奏聞事竊 那彥成於本月初三日自京起程十一日馳抵衡家樓工次 臣馬慧裕 溫承惠到工恭請 聖安 那彥成恭捧 諭旨交 臣馬慧裕 溫承惠敬謹跪讀並將王永安原呈交付閱看查原呈內有密稟縣官周書同將妖書呈明存案等語周書同係原任嵩縣知縣了憂後奏准留辦之員 等當即密傳詢問據周書同稱我前在嵩縣任內嘉慶七年二月間有武生王永安以



縣屬中溪村民人燒香念經從習邪教恐謀為不軌等情來署面稟並呈有黃紙書寫流言一張我當將王永安留於署內假以查勘水利為由親赴該村密訪其時適當中嶽廟會居民扶老攜幼朝山進香此係風俗如此由來已久不得指為邪教查看所誦經言多係鄙俚之詞並無違悖語句我當即面諭居民毋許燒香誦經自蹈法網一面出示廣為曉諭一面留心密訪委無邪教謀逆情事亦無另來告許之人詰問王永安因何憑空妄稟據稱燒香念經即係違例更恐因此滋事是以冒

列聖奉天德新書卷七

卷七

語

昧陳稟我因王永安不曉事體若治以誣告之罪恐以後真有邪教地方居民畏罪不言隨將王永安訓飭遣回並於因公進省之便面稟顏巡撫顏巡撫說我所辦尚合機宜並諭令隨時留心切勿大意王永安先曾在軍營投効彼時仍欲赴邊防効力五月初間我又進省王永安亦到省稟求我即回明顏巡撫顏巡撫諭令前往荆紫關蔡副將處聽候差操王永安因丁憂未往此係實在情形等語等查王永安原呈內稱有妖書二本呈縣存案其赴荆紫關効力係周書同帶伊進省巡撫

諭令前往何以周書同所稱不符且周書同既已查明該處民人所誦經本並無違悖語句即應向王永安追問所遞流言係從何處得來王永安既已自認冒昧何不錄供存案隨向周書同逐一詰問并詢以顏總督現在直隸可以請

旨就近詢問倘顏總督覆奏與你所說不符你就該拏問治罪你既說該處並無邪教你敢出結嗎隨據周書同稱當日王永安只遞有黃紙流言一張並無妖書字蹟我曾問他流言是那裏來的他說是親戚家學來的我因他只是口說並未具呈是以未

列聖奉天德新書卷七

卷七

語

曾深究亦未錄供存案他原求過我要往軍營効力我代他求過巡撫差他前去這些都是實話只求奏明交顏總督覆奏如有不符情願治罪至我當日查過中溪村地方實無邪教我情願出結如今情願隨往查拏等語等伏思鄉曲愚民間知例禁往往惑於邪說喫齋念經誠如

聖諭地方官原可隨時化導無庸概行查辦至於編造妖書語涉悖逆斂錢聚眾煽惑人心關繫非輕周書同所稱只係一面之詞未足據為信讞查王永安原呈內所稱偃師縣教匪趙重安修造鐵車打造



器械一節如果屬實自應立即查拏免致滋蔓臣等惟有遵

旨不動聲色慎密確查臣那彥成現仍在工閱看河隄臣

溫承惠借盤查倉庫為名星夜前往河南訪察情

形一面遴派幹員往嵩縣偃師登封洛陽宜陽等

五縣將王永安所開姓名逐一訪拏到案後查明

是否實有妖書有無悖逆形跡務期嚴密確實不

致株連據周書同稱王永安所控嵩縣王雷等十

人不難起獲如有疎脫情甘認罪臣溫承惠亦即

令其隨往查拏至臣馬慧裕係嘉慶七年五月二

那彥成奏准旨飭總督汪源奏請 卷七 奏

十六日到任王永安首告事在二月係陞任巡撫

顏檢任內之事除臣馬慧裕另摺覆奏外應請

旨飭問直隸總督顏檢令將周書同如何密稟如何令王

永安赴紫荊關投効之處自行據實覆奏臣等俟

人犯提齊再行詳細嚴查辦理謹

奏

容安謹按 先公於此案未及審結奉署陝甘

督篆之

命移交馬公慧裕訊辦

嘉慶九年六月十三日

奏為馳抵豫省衡工查看新築堤壩事竊臣欽奉

諭旨命往河南查看新築堤壩一應工程遵即於十一日

馳抵衡家樓工次次日即會同額勒布等周歷隄

壩詳加履勘撫臣馬慧裕護河督臣徐端亦於十

二日先後到工查得新築越隄與補還舊隄兩層

緊貼工長計三百九十餘丈頂寬共十五丈高二

丈八尺與老隄相平三面皆包鑲淤土其南面隄

根一帶護崖埽段現鑲出水丈餘及五六尺不等

由越隄東行里許足資抵禦其在大壩西南之挑

水壩一道計長二百五十餘丈上下均鑲埽埽現

那彥成奏准旨飭總督汪源奏請 卷七 奏

高水面七尺壩高壩面五尺又西為迎水壩計長

九十餘丈現在埽高水面五尺壩高壩面五尺此

兩壩皆為大壩後護兼以逼溜直貫引河據各工

員等稟稱各壩土埽工程皆隨時察看水勢酌量

鑲築如逐漸壓實即須逐漸加培是以逐段高低

有不能盡行遣一之處由挑水壩直接大壩之西

於老灘上築有土埽三百餘丈與大壩相連以護

壩後漫注之水自大壩折而北為西壩尾土工斜

接北岸老隄其長與東壩尾相等而高則又加三

尺寬則多加二丈其跨壓串溝處所遠折而南為



東壩尾土工該工綿長一千一百數十丈頂寬三丈有餘其北首東面即舊河身側濠之水寬約三百餘丈臨水壩工出身五尺其加培之土壩高出壩面七尺又迤南壩尾七百餘丈均在老灘之上計高灘面丈許直接大壩之東該處築有順水壩一道長四十餘丈斜護引河頭北岸藉以挑溜南趨兼防大壩東首搜後之患又折而西經過大壩長有六百餘丈合上下水邊壩寬約三十丈上水邊壩現高水面八尺正壩又高邊壩三尺壩頂南面一帶所加之土又高正壩六七尺不等統計大

那文毅公奉使浙江蘇州河南奏議

卷七

奏

壩高出水面約一丈七八尺形勢極為雄壯工程堅實均已逐段鑲做防風以禦上游漫灘之水所有四面培築土料工程均屬齊整堅實至大河水勢溜走中泓引河頭南岸挑砌之處據稱日有刷塌勢頗暢順現在溜平工穩足以仰紓

聖懷再

臣初三日自京起程行至良鄉縣夜間大雨自涿

州至保定一帶途間積水氾濫自二三寸至一尺許不等田禾十分暢茂自保定以下經過正定順德廣平等府屬州縣詢問農民僉稱正在盼望甘露連得透雨數次豐收可以預卜至河南境內今

歲麥收稍形歉薄秋糧待澤正殷自入彰德府後每日皆有大雨田間積水充盈禾苗正在滋長極為歡豫工次人夫亦俱安靜謹

奏奉

硃批覽奏俱悉

嘉慶九年六月十四日

命仍為軍機大臣

擢兼鑲黃旗漢軍都統

那文毅公奉使浙江蘇州河南奏議

卷七

奏

那文毅公奉使浙江直隸黑龍江河南奏議卷七



那文毅公初任陝甘總督奏議目錄

陝甘通志卷八

卷八

恭謝

天恩

陝省教匪善後事

酌留防兵 遣散游民

緝捕零匪

安鄉勇以置新兵

卷九

緝訊逆匪

稽核軍功頂戴

核實軍需平餘

那文毅公初任陝甘總督奏議

目錄

一

蒙古行鹽

調撥哈密馬匹

議駁監糧

請緩城工

請仍驛路之舊

恭報回甘

容安謹按嘉慶九年六月 先公奉

命署理陝甘督篆駐劄陝西籌辦三省教匪善後事宜陝

西地方事件雖與制府會銜多係中丞主政甘

肅雖以制府兼攝巡撫維時 先公駐劄陝西

未至蘭垣地方事件奏委蔡方伯廷衡代辦及  
至抵甘不旬日即奉  
命調任兩廣總督故此任奏議內未載刑錢章奏

那文毅公初任陝甘總督奏議

目錄

二



那文毅公初任陝甘總督奏議卷八目錄

卷八

恭謝

天恩

陝省教匪善後事

酌留防兵  
遣散游民

緝捕零匪

安鄉勇以置新兵

那文毅公初任陝甘總督奏議

目錄

那文毅公初任陝甘總督奏議卷八

明容安恭輯

恭謝

天恩

嘉慶九年六月十八日

命署陝甘總督

嘉慶九年六月十八日軍機大臣字寄奉

上諭那彥成等奏訛據原任嵩縣知縣周書同審訛王永

安呈控王雷等編造妖言邪說一案已降旨令馬慧裕

嚴行審辦矣本日據蔡廷衡奏總督惠齡患病身故懇

那文毅公初任陝甘總督奏議

卷八

請簡員補放陝甘總督事務殷繁現值搜捕餘匪籌辦

善後事宜均關緊要一時簡放無人著那彥成前往署

理即由工次馳驛赴陝與方維甸面晤籌辦一切如有

應行會辦之事即暫駐陝省接印任事俟餘匪肅清散

遣鄉勇諸務經理妥協那彥成再赴蘭州辦理本衙門

事務

嘉慶九年六月二十二日

奏為恭謝

天恩事本月二十二日准軍機大臣字寄嘉慶九年六月

十八日奉



上諭陝甘總督著那彥成前往署理即由工次馳驛迅速  
赴陝欽此臣當即恭設香案望

闕叩頭恭謝

天恩伏念臣識淺才疎仰沐

殊仁再任尚書勉趨公涓埃未効茲復荷蒙

恩旨署理總督聞

命自

天感激無地查陝省現在辦理善後事宜搜拏零匪散遣

鄉勇在在皆關緊要甘省為邊疆重寄事務殷繁

伏思臣初膺外任諸多未諳惟有仰懇

那文毅公初任陝甘總督奏議

卷八

二

皇上天恩隨時隨事

指授機宜臣勉竭愚誠遵循辦理庶得事事妥協以期仰

副

高厚鴻慈於萬一臣拜摺後即於次日自豫起程馳赴陝

西與方維甸面晤如有應行會辦之事即遵

旨暫駐陝省接印任事再臣奉到

諭旨內

殊筆令臣迅速前往臣右腿舊染風濕近日復發膝蓋筋

脈骨軟每日行走只可二百餘里查河南至西安

省城一千四百餘里臣儘力加緊行走約計七八

日必可到省任事謹

奏奉

硃批近日各部事件廢弛甚多不得不加整頓水滯民玩  
誠朕之過亦庸碌諸臣必欲朕負嚴刻之名奈何其善  
體朕意察吏安民毋負知遇勉之

嘉慶九年七月二十一日

奏為恭繳

硃諭敬陳感激下忱事竊臣本月十一日奉到

批摺內

硃諭諭那彥成知任官唯賢得人則治陝甘重鎮外接新

那文毅公初任陝甘總督奏議

卷八

三

疆非公正廉明不能率屬非精明強幹不能治民以誠  
信取番回以清介示僚吏讞獄不厭精詳練兵必求精  
銳汝誠國家柱石之臣有為有守惟有稍恃已之聰明  
不求人之謀議夫一已之才力有限仕途之叩壑難窮  
務資兼聽並觀之益莫為掩耳盜鈴之事汝雖署理即  
同實授莫存五日京兆之見當體朕用人之苦衷不可  
固辭近日已有旨命汝仍入軍機原無用汝外任之意  
孰意此缺忽出內而大學士尚書外而督撫竟不得人  
不得已命汝署理汝應勉力辦事毋負委任方維甸深  
可信任朱勳蔡廷衡皆有才幹堪為輔助慶章才識可



用惟守之一字未可深信汝密識於心從容察看此旨  
即行抄寫時刻瞻觀大有益處殊諭即行繳上特諭欽  
此臣跪讀之下感激涕零伏念臣年輕世僕毫無  
知識仰蒙

皇上再造深仁棄瑕

委任不期又奉

旨署理陝甘總督臣自念向年備職京員未曾外任深恐  
不能勝此重寄有負

聖主造就之恩但陝省現當辦理善後事宜臣年力有餘  
正當學習上進且渥承

那文毅公初任陝甘總督奏議

眷遇問心亦難於推諉是以臣謝

恩摺內並不敢言辭任迨到陝後接臣兄那彥寶來信蒙  
垂念臣母即令迎養來署臣雖糊塗尚有血氣心知如此

淪肌浹髓之

恩不知報稱何以爲人在臣亦自決意受任不敢存五日  
京兆之見惟有勉竭血誠力圖報効又恐才識短

淺少所閱歷正在茫無定見之時恰蒙

特頒訓諭教以大臣之體指其氣質之偏示以僚屬之賢  
否臣至愚極陋但能凜遵

聖訓即可倖免愆尤至蒙

天語褒嘉益令臣慚懼交並汗顏無地竊念臣自當差以  
來事事仰賴

恩主教誨成全不過謹慎小心苟求無過茲復荷  
至仁垂教

指示周詳臣除將奉到

硃筆敬謹瞻繳外仍朝夕瞻拜捧讀時事事細釋

聖言俾得有所做惕不敢少自放佚總期改過盡誠以圖  
後效至方維甸與臣自幼熟識爲人辦事彼此素

所深知此來互爲勸勵規戒相期併力齊心將現  
在調停新兵裁撤鄉勇諸事宜已誤者悉心更正

那文毅公初任陝甘總督奏議

現辦者務善其後必求永遠安定方爲不負

委任臣自幼在

內廷參養多年一旦遠違

丹陛不惟遇事無所欽承五夜自思亦不圖今日身爲外

臣言念及此益令犬馬戀

主之忱刻紫寢食

君門萬里瞻慕情深惟有叩求

仁恩容臣將善後事宜辦理完竣二三年後  
簡放得人換令回京得日近

天顏長承



教澤此臣萬不敢希圖之事實臣刻不能忘之心

天高地厚之

恩實如家人父子臣不揣冒昧直陳惟求

聖恩俯賜鑒察謹

奏奉

硃批每日所行之事不論鉅細先以毋欺為主是非須容

人講論是者行之非者置之勉此數語思過半矣

嘉慶九年八月十四日

奏為恭繳

硃批

那文毅公初任陝甘總督奏議

卷八

六

諭旨叩謝

天恩事竊臣前奏恭謝

天恩一摺欽奉

硃批近日各部事件廢弛者多不得不加整頓水滸民玩

誠朕之過亦庸碌諸臣必欲朕負嚴刻之名奈何其善

體朕意察吏安民毋負知遇勉之欽此臣跪誦之下仰

見

皇上行政用人時縈

宸念以臣愚陋實不足仰副

高深然自幼依侍

丙廷敬維

聖主日理萬幾一秉大公至正因才

教養

天地為心常荷包容憐覆之

恩從無刻覈苛求之事即諸臣中偶有才德不能兼備氣

質不無偏倚者俱上煩

聖恩教誠委曲成全以期才歸有用此實

聖量含宏亦可見得人之難而

聖人用人為更難也臣仰承

恩遇驅使有年得以少增知識今恭讀

那文毅公初任陝甘總督奏議

卷八

七

睿訓始知為政之本惟在用人果得其人則政事易舉臣

自維才具庸愚

恩深識淺然年力方強果能仰體

天心以副

寬仁大德可以永遠承受

天恩即係臣糊塗造化又欽奉

硃批諭旨每日所行之事不論鉅細先以毋欺為主是非

須容人講論是者行之非者置之勉此數語思過半矣

欽此仰蒙

聖諭教臣以戒欺求慊之功以收虛衷集益之效感激欽



佩悃忱莫能名狀伏念臣仰蒙

皇上撫育深恩自當差以來每以毋欺自勵遭遇

聖主若果欺飾摸稜不求上進早自難逃

洞鑒之中惟臣下愚之性遇事操之過急往往似不能容

物實非敢出之有心茲蒙

聖慈諄諄教誡自係臣躁矜未釋氣質未平惟有恪遵

訓諭時刻警惕不敢稍存自是之心至地方公事無論鉅

細均關

國計民生臣細心體認竊以為事之大者尚屬共見共

知若事小或有疎畧往往因毫末之微肇成大釁

那文毅公初任陝甘總督奏議卷八 八

言念及此誠日日在兢持惕勵之中臣雖竭盡心

力猶覺無以上酬

恩遇下對軍民夙夜愧懼方深不惟不敢自是亦且無識

無才不暇自是茲蒙節次

訓諭臣惟有敬謹錄出時時恭閱不啻親承

提命日侍

天顏敢不竭盡愚忱勉益加勉以冀仰酬

教養成全至意再臣前奏令臣長子容安照例隨係欽奉

硃批准其隨任咨明本旗從來受恩易報恩難其勉之

此竊臣仰蒙

格外鴻慈令將臣母迎養來署已屬逾格

體卹茲復

准令臣子隨侍前來俾資長途奉養舉家頂感迥逾尋常

謹照例咨明本旗並將節次奉到

硃批敬謹封繳謹

奏

嘉慶九年九月十一日

奏為恭謝

天恩事竊臣接閱邸抄恭讀

諭旨前因查辦戶部寶泉局虧短銅劬一案那彥成任內

那文毅公初任陝甘總督奏議卷八 九

收銅五運著降三級從寬留任欽此伏念臣仰荷

聖恩委任經理錢法自嘉慶八年五月初八日至七月初

七日奉差樂亭縣審辦案件兩月之間適值運到

五運銅劬是以任內共收五運雖臣暫時署理未

能深悉情形然究係失於查察咎無可辭乃蒙

皇上鴻施不加重譴僅予降三級從寬留任荷

包容於格外寬夢想所難期臣跪誦之餘感愧悚惶莫能

名狀嗣後惟有隨事隨時實心體察不敢稍存懈

忽以仰副

聖主曲賜矜全之至意謹



奏奉

硃批所繳批並奏摺俱留中時覽務期言行相符時刻小心勿自作聰明不納人言汝才識俱佳祇恐自是切記朕言必成大器勉之

那文毅公初任陝甘總督奏議

卷八

十

陝省教匪善後事

酌留防兵 遣散游民

緝捕零匪

嘉慶九年七月初八日會同陝西巡撫方公維甸奏為會商辦理情形事竊臣那彥成於豫省差次接奉

諭旨仰蒙

皇上天恩署理陝甘總督當即星馳就道於七月初二日

行抵陝西與臣方維甸會晤詢據探報川境一起

零匪由太平地方東竄大寧楊遇春派兵截勦在

龍頭寨殺賊數名賊匪隨奔往柴扒山藏匿額勒

登保養冲阿等分路帶兵往勦賊已先遁經額勒

登保等分路追截已向西南折竄聞額勒登保德

那文毅公初任陝甘總督奏議

卷八

十一

楞泰俱在軍營患病昨據糧員稟報額勒登保較

前稍愈現已力疾帶兵德楞泰在高坪緩養數日

痢已漸止楊遇春亦因傷發紅腫兼患瘡瘍近日

疼痛稍為輕減秋令已交暑濕漸退額勒登保等

病症自可調理就痊至地方委員搜捕零匪情形

經臣方維甸向臣那彥成詳細告知現在黑河地

方較前漸就靖謐金雞河一帶報有搶掠之案已

調通判維昂前往與道銜知州陳祁分投查緝並

飭臬司朱勳酌赴各路督率查拏仍留委員在黑

河山內嚴搜毋任稍有疎懈查黑河迤西與甘省



之秦階地方毗連數月以來查拏緊急日下雖匪踪斂戢尚恐其遁往甘省邊境臣那彥成復飛飭鞏秦階道朱爾漢督率地方官一體緝捕務使零匪無從竄匿以期盡絕根株其餘一切事宜尚須公同商辦俟臣那彥成與臣方維甸酌籌具奏後再行遵

旨前赴甘省所有總督關防經藩司蔡廷衡令中軍副將劉管城等齎送前來臣那彥成業於初六日接印任事謹

奏

那文毅公初任陝甘總督奏議 卷八 三

謹按嘉慶九年七月十六日廷寄內奉

上諭那彥成等奏其餘一切事宜須公同商酌者亦著妥議具奏

嘉慶九年七月初八日

奏為體訪兵力賊情酌籌辦理事竊額勒登保等所辦零匪未能戡事臣此次來陝細加訪察緣此股餘匪自去年秋間竄至漢南在川陝邊界老林往來潛匿該處東西二千里南北數百里與太平開縣大寧一帶相連在在皆深林密箐路徑亦陡仄異常賊匪倚恃險阻輾轉奔竄官兵深入窮追帶

兵大員皆能不辭勞瘁然賊匪狡詐百出賊愈猖而兵愈疲依舊不能得手遲延之故實由於此額勒登保等奉

命專征當此屢蒙

嚴飭之時親身督催設法鼓勵官兵入林兜剿斷不敢為更張之請若果能得一二次痛仗固可即時殄滅但賊情詭詐裹脅日增賊數衆多勢必分股以便分路搶掠又可牽綴官兵現在官兵雖有萬餘力已疲乏若再分路趕追更無休息之時奔走窮山先已自困不但不能制賊且恐賊匪偵知我兵疲

那文毅公初任陝甘總督奏議 卷八 三

做乘間逸出林外或奔楚境或渡漢江各處山內土棍匪徒乘機附和實為可慮臣愚昧之見宜急分戰備之任以為休息兵力之計即使戰事稍遲亦斷無蔓延之患查現在賊數不過數百以十圍五攻而論勁兵不過數千即數勦捕額勒登保等楞秦等打仗奮勇實心為

國久在

聖明洞鑒之中應請

勅下額勒登保德楞泰派委將軍提督大員各帶兵丁分駐川陝老林之外於賊近之時探踪迎擊若賊在



老林藏匿不必窮追藉以休息兵力額勒登保德  
楞泰等另派奮勇官兵往來川陝相機探踪入林  
搜勦如額勒登保德楞泰等所帶之兵稍疲即可  
於川陝分駐兵丁內更調抽換庶兵力更番休息  
養其銳氣川陝老林之外亦有預備不至闖入楚  
境偷渡漢江似於軍務有裨臣管見所及專摺具  
陳謹

謹按嘉慶九年七月十六日廷寄內奉

上諭據那彥成另摺具陳兵力賊情請分戰備之任無庸

那文毅公初任陝甘總督奏議

卷八

古

專事入林搜勦一節此則非是川境山內零匪雖節經  
搜捕不過數人至一二十人其大夥股匪總未痛加殲  
戮現在屢次飭催帶兵大員等尚不能尅期蕩事若明  
諭之入尚得謂之稍從急乎以在邊隘防守一任賊匪潛匿老林東奔西竄無人  
追捕勢必裹脅日增何時始能辦淨况川陝邊界老林  
東西一二十里南北數百里在在有路可通若欲到處  
駐兵防守安得如許兵力沿邊布置設稍有未周必致  
賊匪乘間竄出仍不能制其死命於事何益那彥成此  
議不可令軍營帶兵人員聞知致有鬆勁也

嘉慶九年七月二十二日會同陝西巡撫方公維

何

奏竊查川陝零匪經我兵痛勦所剩祇二百餘人如再  
連得一二次勝仗不日即可蕩事臣等不勝欣喜  
盼望之至但成股零匪全平將來議撤大兵陝省  
仍請酌留二三千名尤須聲威素著大員帶領在  
各邊隘之處巡查駐劄以資彈壓約須半年以後  
方可以次撤動雖鹽糧不無小費然事關機要且  
有調劑各營新兵約束已散鄉勇等事得此兵威  
鎮服於全局大有裨益謹

奏

那文毅公初任陝甘總督奏議

卷八

古

嘉慶九年八月初二日軍機大臣字寄奉

上諭那彥成等奏將來議撤大兵陝省仍請酌留二三千  
名尤須聲威素著大員帶領彈壓一節自應如此辦理  
指日零匪全平邊隘均須防守屆時或將遠省客兵先  
行裁撤其陝甘本省之兵不妨稍遲歸伍此次額勒登  
保將次回至西安那彥成等可面向籌商應將何營兵  
丁酌留若干名並於鎮將大員內應留何人帶領如何  
分駐巡查彈壓之處妥議具奏

嘉慶九年八月初六日會同陝西巡撫方公維何

奏為探明官兵追勦零匪分別遣撤鄉勇安靜情形事



竊<sup>臣</sup>等前將官兵勦賊大獲勝仗情形奏蒙

聖鑒連日復據探報該匪自鳳凰寨痛勦之後勢漸窮蹙

隨由平利馬鞍山向金子臺一帶北竄德楞泰帶

兵自黃墩一帶探踪追截賽冲阿楊遇春馬瑜等

分路緊追並有分出零匪三四十人在川境小垭

子老林藏匿等情<sup>臣</sup>等以零匪經此次痛勦之後

誠恐四散奔逃嚴飭興安漢中地方官如賊匪零

散務卽實力稽查搜緝毋使漏網逃竄所有來陝

各路官兵糧餉已飭令分投運供源源接濟前赴

川省採買之米項據委員岐山縣知縣郭立誠等

那文毅公初任陝甘總督奏議 卷八 六

稟報在順慶等處買米一萬石七月十八日已起

運米四千八百石約計八月底可至漢中儲備充

裕可以接至新穀登場軍食無虞缺乏至山內匪

徒除節經搜獲之外現又據署郿縣知縣高甲稟

報該縣典史金大典拏獲搶奪匪犯方老么一名

又遊擊張聯奎委員屠大琮稟盤獲匪徒王文光

一名又張聯奎稟報拏獲匪犯李雲華一名現在

飭司覆訊分別辦理其黑河一帶復拏獲匪犯黎

秀清一名現飭地方文武員弁會同委員嚴緝陝

甘兩省併力搜查自可漸次淨盡謹

奏

嘉慶九年八月十六日軍機大臣字寄奉

上諭那彥成方維甸奏探明官兵追勦零匪各情形一摺

覽奏俱悉賊匪自鳳凰寨被官兵痛勦之後竄入化龍

山老林復折向八百溪一帶老林奔遁前據德楞泰奏

到賊勢益形窮蹙狂奔散匿現已督飭賽冲阿楊遇春

及鎮將等分投扼勦不日自可悉數掃蕩至南山匪徒

前方維甸每次奏報搜捕情形自數十名至十數名不

等此次各路搜獲者祇有四名可見零匪漸形稀少惟

是從前賊匪成股突竄官兵得以躡踪兜擊此時情急

那文毅公初任陝甘總督奏議 卷八 七

四散隨處潛藏卽如摺內稱有分出零賊三四十人在

川境小垭子老林躲匿今德楞泰督兵分路緊逼恐該

匪等一被擊散潛向陝境山林分竄賊目苟朝九苟文

潤難保不變易姓名溷迹零星殘孽中希圖倖免那彥

成方維甸當通飭地方營弁及各寨堡等一體留心緝

捕淨盡而於首要各犯尤應嚴密偵查務獲毋任漏網

如果能將苟朝九苟文潤拏獲無論文武官弁及兵勇

民人均著照前定賞格賞給示獎且卽屬那彥成方維

甸之功不可不加意督緝也

謹按嘉慶九年八月十四日會同陝西巡撫方



公維甸

奏連口據軍營探報零匪被官兵兜勦勢更窮蹙首逆  
苟文潤已被軍功趙洪周投入賊營刺殺餘匪盡  
伏老林夜間潛出摘食包穀經楊遇春伏兵截於  
隴頭寨殺賊數名將賊衝為兩段丟棄器械衣物  
甚多隨分起由太平寨馬黃壩等處狂奔官兵緊  
躡窮追沿途復有斬獲等語臣等查覈所探情形  
零匪即日可期淨盡第恐紛紛渙散或致潛匿稽  
誅此時搜緝查拏尤為緊要臣等已飛飭與安一  
帶各地方官併力齊心鼓勵寨勇等隨地擒捕一  
那文毅公初任陝甘總督奏議

卷八

六

有所獲即優加獎賞總期剷絕根株毋使一名漏  
網方為妥善謹

奏奉

硃批實心勉力緝拏餘匪

嘉慶九年八月二十七日會同經畧大臣額公勒  
登保陝西巡撫方公維甸

奏為遵

旨會籌善後分別酌留官兵分段駐守巡查鎮撫及現在  
殘匪零星南奔擬先行凱撤西南防兵事竊臣額  
勒登保欽奉

上諭前據那彥成等具奏大兵議撤時陝省尚須酌留二  
三千名並聲威素著之大員帶領暫駐已降旨令與額  
勒登保妥為籌辦本日額勒登保摺內稱陝省現有防  
勦官兵一萬四千名瞬息撤兵之時著即於此內派留  
精兵數千名以資彈壓其應如何酌派大員駐守巡查  
鎮撫之處額勒登保與那彥成方維甸面晤之時正可  
妥為議定具奏欽此臣額勒登保於二十日行抵西  
安與臣那彥成方維甸會晤連日遵

旨妥為商辦伏查陝省邊界東西綿亘數千里防範必須  
周密是以臣額勒登保酌定共留防兵八千餘名  
那文毅公初任陝甘總督奏議

卷八

七

又賽冲阿楊遇春現帶勦兵五千六百餘名共計  
防勦官兵一萬四千餘名均係陝甘兩省官兵

奏蒙

聖鑒在案現接德楞泰來信連日分投搜勦所有潰入川  
界之五六十人經馬瑜派兵搜勦擒斬二十多人  
剩匪不過二十餘人三五零星已深入川境馬瑜  
田朝貴等督兵緊躡而前其逃入化龍山之六七  
十人亦二三十人十數人為羣四散竄匿向羅篁  
溝楊道士溝分逃有南入川境之勢賽冲阿楊遇  
春派兵搜緝亦有斬獲德楞泰現在川陝邊界親



督搜緝卽日可期辦竣等語各地方官稟報亦屬相同據此情形指日卽可肅清邊界已臻靖謐所有陝省防勦官兵現在卽應分別酌撤以節鹽糧將來更應酌量留防以資鎮撫臣等公同悉心商酌查宜沔一帶接連川甘爲陝省門戶本派總兵國興阿副將吳亨衍遊擊德忠帶領宜夏涼州甘肅各營官兵四千餘名分段防範又紫陽之毛壩關一帶毘連川界亦分駐延綏官兵一千二百餘名巡防搜緝現在該一帶久經靖謐匪踪亦遠所有此項官兵自應先行凱撤但全數撤完又恐

那文毅公初任陝甘總督奏議

卷八

三

漢中宜沔一帶城池營汛未免空虛且漢中屬各營官兵多有在楊遇春一路隨同搜勦地方甫有趙恒裕等謀逆之案亦不可無兵巡查彈壓茲擬於宜夏官兵內酌留一千名協防漢中宜羌一帶地方其餘宜夏涼州甘州延綏官兵四千七百名卽行凱撤分起回營尚剩防勦官兵一萬名一俟德楞泰搜捕完竣馳奏捷音大兵議撤之時再行查照臣那彥成方維甸前奏酌留官兵以資彈壓惟是邊界綿長巡緝必須周密前奏酌留官兵二千三百名恐尚不敷分撥臣等悉心籌商應俟養

冲阿楊遇春帶領勦兵議撤時將各官兵通行挑派將平素得力之固原提標屬兵酌留一千二百名河州鎮兵八百名陝安鎮兵八百名共計陝西本省兵二千八百名再於甘省西寧鎮兵內酌留八百名宜夏鎮兵內酌留五百名共留防兵四千一百名其帶領鎮將查陝安鎮總兵王兆夢係屬本轄地方應留防邊界並隨時辦理本鎮營務再酌留西寧鎮總兵九十帶領本鎮官兵至將領內應酌留副將閻俊烈吳廷剛吳亨衍三員叅將祝廷彪李朝顯二員遊擊廖世俊馬隆伊星阿馬良

那文毅公初任陝甘總督奏議

卷八

三

棟楊得陞張起鰲六員都司柯連仲馬仕相祁祥宋鉞曹良臣王殿甲朱保呂天俸八員以資分帶官兵楊遇春係本省提督聲威素著且能得兵民之心應留該提督統領其分段駐守鎮撫之處必須在於三省交界要隘地方臣額勒登保曾於上年具奏三省提鎮會哨章程一摺仰蒙

硃

皇上勅部議准行知在案因大兵未撤尚未舉行臣等查照酌覈現在陝省南界之東接連川楚最關緊要應於所留官兵四千一百名內令西寧鎮總兵九十帶本鎮兵八百名駐劄安康紫陽屬之南天



門漳河坪一帶巡緝彈壓常川搜捕卽與川省之  
太平官兵會哨令陝安鎮總兵王兆夢副將閻俊  
烈帶領本鎮兵八百名駐劄平利屬之八仙河一  
帶巡緝彈壓常川搜捕卽與楚省二竹川省大寧  
官兵會哨尚有官兵二千五百名卽交楊遇春帶  
領在西面西鄉漢中一帶分派將領擇要分駐巡  
緝鎮撫與川省之廣元通南江一帶官兵會哨常  
川搜捕並督飭九十王兆夢兩路搜緝該提督一  
面在漢中西鄉整飭新設營制訓練新兵以期兩  
有裨益其次應撤防勦滿漢馬步官兵五千餘名

那文毅公初任陝甘總督奏議

卷八

三

均隨賽冲阿全行分別撤回各原營歸伍其楊芳  
所帶防江官兵一併撤回將六成勦兵鹽糧卽行  
停止查照臣額勒登保會同前督臣惠齡原奏馬  
二步八營制辦理惟該鎮兵丁數年以來常川在  
外搜勦防守尚未能歸伍按照馬戰守糧分晰定  
額凱撤回營之日卽應照辦除馬糧二成業經奏  
准外步糧八成應以四成作為戰糧以四成作為  
守糧查明撤回兵內如係鄉勇入伍著有勞績及  
年力強壯之人應均勻分派以馬糧戰糧撥補設  
有不敷卽以本地招募者挑揀足額其餘仍歸四

成守糧作為定額庶各兵丁知有等差自必各自  
奮勉嫻習紀律以圖次第拔擢更足以收束身心  
至外省鎮將如南贛鎮總兵喜明山西秦將哈豐  
阿等亦均一併凱撤楊遇春率同王兆夢九十統  
帶暫留官兵隨時往來督飭搜緝統俟明年各處  
山林委無伏匿零星匪地方實在全臻靖謐臣那彥  
成方維何再行察看情形奏

聞撤交楊遇春帶領回營嗣後再照臣額勒登保  
奏定章程令提鎮等於春秋兩季會哨俾邊界永臻  
固謹

那文毅公初任陝甘總督奏議

卷八

三

奏

嘉慶九年九月初四日軍機大臣字寄奉

上諭額勒登保會同那彥成等奏酌留官兵分段駐守及  
先行凱撤西面防兵各情形一摺覽奏俱悉陝省邊境  
一帶卽日零匪肅清自當留兵鎮撫前經諭令會商籌  
辦茲據奏稱俟賽冲阿楊遇春帶領勦兵議撤時通行  
挑派共酌留防兵四千一百名交各鎮將等分段駐守  
仍留提督楊遇春統領所辦皆是但山林潛竄餘匪節  
經搜捕將次淨絕此時留兵分駐原因地方甫靖或恐  
尚有伏而未起之匪徒須藉兵力彈壓使知畏懼日久



自可潛消倘奉行不善弁兵等或有意邀功必致藉搜查為名擾害良善濫殺無辜迨至查訊明確固已受其累且又須將妄拏之弁兵正法治罪豈非徒滋刑獄殊有關係現在額勒登保即日回京著那彥成方維甸通飭該鎮將曉諭弁兵等各於界內留心防範如有逆跡已萌似前此拏獲之趙恒裕者自當上緊嚴緝或實有形跡可疑之人亦應一律盤詰固不可稍有疎縱亦不可任令貪功滋事此為最要至會哨一事不但此時即應舉行竟當按照章程永遠遵辦以鎮邊陲那彥成等亦當飭知該鎮將實力奉行毋致日久生懈

那文毅公初任陝甘總督奏議

卷八

五

嘉慶九年九月初四日會同陝西巡撫方公維甸奏為三省全功告厥敬陳歡忭下忱事竊臣等接准德

楞泰咨會知餘匪全數掃蕩三省大功已成業於八月二十八日由六百里馳奏捷音並咨送摺稿前來臣等恭誦之餘無任欣忭伏思此項零賊一載以來在川陝邊界往來奔竄倚恃老林苟延殘喘我

皇上宵旰焦勞盼捷至為殷切仰蒙

睿謨指示機宜懸立重賞用是窮搜林箐士氣奮揚將大小賊目羅思蘭等次第殲擒首惡苟文潤又為趙

洪周殺斃獻功賊黨內離奔逃無路茲復逆得勝仗荷朝賢王添詔等悉行斬獲餘氛殄滅捷音馳報慶洽敷天臣等職司守土適際功成慶幸忭舞下忱莫能言喻此後緞緝閭閻安戩除莠在在均關緊要臣等惟有督率地方文武將善後一切事宜妥為籌畫務使民皆復業永享昇平以仰副

聖主保大定功安民求治至意謹

奏奉

硃批培養元氣全在卿等督飭有司實心經理勉之

那文毅公初任陝甘總督奏議

卷八

五

嘉慶九年十一月二十六日會同陝西巡撫方公維甸

奏為寧陝及漢南各鎮協營新兵借項置買地畝酌籌辦理情形事竊臣等前奏調劑寧陝新兵案內擬請仿照屯田之例寓兵於農量為置買地畝以備每年添補兵糧之用經軍機大臣議奏以事屬可行令臣等詳細籌議奏

聞其動用銀兩一併酌籌款項奏明辦理臣等伏查南山及漢南地方山大林深藏奸最易斂奉

特旨於南山內設立寧陝鎮營招募新兵六千名並於漢



南陝安鎮漢中協舊有鎮營增添營汛新兵二千六百一十七名

睿慮周詳所以鎮撫嚴疆者至為深遠又因陝鎮處萬山之中食物昂貴與陝安相同一律加給米折等銀

恩施已極優渥臣那彥成到陝與臣方維何體察陝新兵情形多係無業鄉勇應募入伍之人性情桀驁如或衣食拮据未免約束為難果能生計充餘訓練可成勁旅

奏請置買陝鎮營兵丁地畝添補兵糧以為安輯久那文毅公初任陝甘總督奏議

卷八

美

遠之計仰蒙

聖慈允准當即劄行該鎮宣布

聖恩陝新兵頂戴歡呼安分守法較前已為安貼現已並無逃伍之人惟漢南陝安鎮漢中協各標營新兵亦多由鄉勇募充本年入伍之勇均派歸漢南各營自不便與陝陝稍有歧視應將陝安鎮營漢中協營並陽平關寧羌畧陽等處新兵與陝陝新兵一律置買地畝俾裕生計查兩鎮一協及提標陽平關等三營除各營舊兵外通共奏明添設新兵八千六百一十七名無論馬兵及步戰

各兵每兵一名給予十兩價銀之地共應需銀八萬六千一百七十兩此項銀兩若動用各營儲贖馬乾銀兩徑請開銷未免糜費若先動

帑項再於置買地畝抽存糧石變價歸款又恐年歲豐歉不齊難以按年清還日久或致懸宕臣等公同商酌山內各營雖經議准額設二成馬兵然山徑崎嶇用馬不能得力前次籌議新兵分例即將緩買一成馬匹將節省馬乾銀兩加增米折今請將二成馬匹全行緩買即以節省馬乾銀兩歸還借動買地之項計自本年十二月起至嘉慶十一年

那文毅公初任陝甘總督奏議

卷八

美

六月止以一成加增米折以一成扣歸買地借款至十一年七月停止加增米折後即將節省二成馬乾悉數扣繳前後約計至嘉慶十五年冬季總可將借項全數扣完如此通融辦理以各該營馬乾籌補該營買地之用庶

帑項不致虛糜兵食益臻充裕現當農隙之時民間售地者較多飭司於本年地丁項下借支銀八萬六千一百七十兩交陝總兵楊芳陝安鎮總兵王兆夢漢中協副將唐文淑等趕緊置買提臣楊遇春本在漢南亦令就近督率統俟各營置買齊全



再令地方大員會同營員踏勘立界查明業主原契眼同發價將過稅印契彙交藩司衙門封存照造細冊分送督撫提鎮及該管衙門備案並開明地段頃畝造冊咨部存查每年應交錢糧一面由該營交納一面呈報督撫查覈互相鈐制稽查自不至有盜賣抗糧情弊所有此項山地若悉令兵丁墾種距營較遠地方不便耕作若悉令召佃取租則陝省佃種山地通例佃戶應得十分之七兵丁所得轉屬無多似非置地恤兵本意若令地方官徵收租銀報解日久弊生恐不免挪移拖欠且

那文毅公初任陝甘總督奏議

卷八

天

租銀究非糧米令兵丁支領銀兩自行買糧輾轉出入亦不合算臣等愚昧之見除兵丁自種之外或覓貧民傭耕或令原佃認種均交本色糧石按數勻給各兵豐年有餘仍報明存貯以備歉年之用從此汗萊日闢老林漸開巡查易周兵民相習山僻之地亦不能聚匪徒實於營務地方皆有裨益至山地之段落頃畝數目及勻給各兵細數須俟置買齊全試行耕種一年後再將一切章程另行詳細妥定奏明報部永遠遵行謹

奏

嘉慶九年十二月初七日奉

上諭那彥成等奏籌議陝及陝南各鎮協新兵借項置買地畝情形一摺據稱陝安鎮營漢中協營並陽平關靈羌畧陽等處新兵與靈陝新兵皆須一律置買地畝俾裕生計統計馬步戰兵八千六百一十七名每名給與十兩價銀之地共應需地價銀八萬六千一百七十兩請於嘉慶八年地丁項下先行借支在於節省馬乾項下扣還並交靈陝總兵楊芳等趕緊置買兼令提督楊遇春督率辦理等語靈陝及陝西等處新兵多係無業鄉勇應募入伍生計未免竭蹶自當先令衣食充餘

那文毅公初任陝甘總督奏議

卷八

天

方可一律訓練且深山老林逐漸開墾則汗萊日闢耳目易周亦不致有藏垢納汙之事所奏自屬可行著照所請每新兵一名借給地價銀十兩共銀八萬六千一百七十兩在於九年地丁項下借支並准其於節省馬乾項下分年扣還至嘉慶十五年冬季全數歸款至提督楊遇春總兵楊芳等平素帶兵打仗最為勇往惟當責以訓練新兵至於買地納糧丈尺踏勘等事必須詳細經理且伊等所用不過營中字識等於一切事件恐不能諳習此事著酌派臬司朱勳或其餘道員內熟悉地方情形辦事結實者令其會同該提鎮詳悉籌辦務



臻妥協該部知道摺併發

嘉慶九年十月二十六日會同陝西巡撫方公維

甸

奏為酌籌散遣山內游民以靖地方事竊南山及漢南一帶山大林深游民裸處凡佃種山地採伐木植之人尚有鄉約客頭寨長廂客等稽查管束其現在散遣之鄉勇有業者悉已歸農無業者分充兵役不虞別滋事端惟外省外縣游蕩客民無計謀生聚集日多最易為匪節次拏獲之匪徒除零賊之外訊明多係游民若不亟為清查不但搶掠案

那文毅公初任陝甘總督奏議

卷八

三

犯一時難以肅清且游民日存山內往來即未經為匪亦與匪徒相混緝捕尤難辨別自應設法散遣以清奸宄之源伏查此項游民約有數種一係從各營告退之新兵一係數年前革退之鄉勇一係隨營貿易之夫役一係隨營攘竊之閒人大抵流落南山者已革退兵勇為多流落漢南者人夫較眾當賊匪未平之時或受僱運糧防卡或隨營負販營生甚或尾隨官兵搶奪賊物冒充鄉勇詐騙酒食尚俱有趁食之處今已勒捕肅事大兵次第凱旋此等無籍之人謀生失所雖欲回籍力有

不能祇得三五為羣在山內到處游蕩天氣漸次寒冷衣食無資難保不聚而為匪<sub>臣</sub>等與提督楊遇春總兵楊芳王兆夢往返札商並據興安府知府龍萬育等查稟情形公同酌議若將山內游民即行查拏驅逐不但無以安置貧民轉恐激而生事自當乘此天氣寒冷無衣無食思歸故里之時出示開導捐給衣服口食遣送各回原籍庶可不動聲色肅清山境弭患未萌茲先將楊遇春一路隨營貿易人等交知府龍萬育遣送已據該府稟稱派員各處曉諭人情甚為踴躍情愿回籍者頗

那文毅公初任陝甘總督奏議

卷八

三

多於十月初八初十二等三日已遣送過一百四十餘名並有願在楊遇春處充補額兵之人來者尚多行之已有成效其餘各路軍營皆可仿照遣送至南山內流落兵勇楊芳及所帶弁兵素多認識可以曉諭喚出即交楊芳照此遣送辦理可期妥協所有經過沿途地方<sub>臣</sub>等已通行劄飭逐站轉送各出用印收管按名造報以憑隨時稽查

奏奉

硃批所辦甚好南山之內終有隱憂必得精明強幹懂事



而不生事辦事而不畏事之人方能鎮服卿等時時留意勿忽

那文毅公初任陝甘總督奏議

卷八

三

安鄉勇以置新兵

嘉慶九年七月初八日會同陝西巡撫方公維甸

奏川省軍營隨征陝勇臣方維甸因不便遠行調回

奏明緩撤業蒙

俞允而額勒登保移送六月初六日所發摺稿雖稱從征

鄉勇未便一時全行散遣致啟其疑而摺內復稱

現擬將應撤陝勇分起送至興安漢中並接准額

勒登保來函令臣方維甸即行派員前往與

撤之意稍殊又未續奉即撤

諭旨但恐川省軍營業將此項鄉勇送回勢難中止是以

那文毅公初任陝甘總督奏議

卷八

三

一面飛飭興安府知府龍萬育並飭知陝安道德

明額妥協經理一面派委知府朱絨馳往邊界會

辦頃接龍萬育稟稱川省軍營征勇尚無撤動之

信惟奉額勒登保劄飭將王兆夢所帶之王英黃

傑鄉勇先行裁撤除入伍各名外其餘送往興安

散遣安插等語是軍營此時征勇尚在川省並未

即行調回自應暫緩辦理惟王英等鄉勇二百餘

人既在陝邊業經額勒登保劄知該處文武裁撤

應令該道府等查明有業無業之人按照

奏准章程分別安辦臣等伏思隨征鄉勇多係游民今



給予壯丁口食餽口固所樂從第其中有桀驁不馴之人向來隨在軍營即係利於搶掠今充壯丁仍恐畏地方官管束必有本無家業之人而詐稱有家者亦有籍隸此縣詐稱彼縣者若不詳細詢問遽行遣回仍恐去而為匪無從稽查已嚴飭地方官逐一詢問不令稍有混冒又鄉勇改充新兵一節該勇等因守糧不敷口食往往不願入伍自應酌給馬糧戰糧以資鈐束但入伍新兵仍當分散各營不可聚集一處並非一經歸營即能帖服查寧陝安漢中各鎮協營俱有鄉勇入伍之人

那文毅公初任陝甘總督奏議

卷八

三

隨在軍營者尚有大員管帶其存營防守新兵內逃伍滋事皆所不免甚且潛結夥黨為抗拒本管官員之計兵習易驕不可不防其漸如近日寧陝新兵雷紹唐毆斃民人甘文成一案同伍兵丁李友清等黨護兇手膽敢不服拘拏即此一端可為驕縱難制明証等詳察情形酌籌整飭務期新兵咸知畏法以收鄉勇歸營實效不致再滋事端其餘一切事宜尚須公同商辦俟那彥成與方維甸酌籌具奏後再行遵

前赴甘省所有總督關防經藩司蔡廷衡令中軍副將劉管城等齎送前來那彥成業於初六日接印任事謹

奏

嘉慶九年七月十六日軍機大臣字寄奉

上諭那彥成方維甸會奏一摺內稱裁撤鄉勇令充壯丁仍恐畏地方官管束又復流而為匪至改充新兵該勇等因守糧不敷口食往往不願入伍且歸營新兵逃伍滋事皆所不免甚或潛結夥黨以為抗拒本管官員之計各等語軍營裁撤鄉勇自宜遵照歷次所定章程或

那文毅公初任陝甘總督奏議

卷八

三

大營充伍或分派各州縣充當丁壯如兵役皆非所願則交原籍地方官妥為安插倘有不安本分之處則該管營員及州縣地方官皆可隨時鈐束就案懲辦伊等從前隨營出力時已各酬其勞績今撤回後自當有犯必懲以消其桀驁不馴之氣若必如那彥成等之多方顧慮豈此等裁撤鄉勇竟任其散而無紀耶那彥成應仍與方維甸詳察情形妥籌辦理

容安謹按後二年寧陝新兵滋事經西安將軍德公楞泰等主於招撫陝西巡撫方公維甸劾其辦理失當奉



旨將德公等降黜叛兵蒲大芳等發遣新疆該兵等抵戍  
復有勾結造犯蠢動之意是時松公筠任伊犁  
將軍覺察

奏悉伏誅

嘉慶九年七月二十二日會同陝西巡撫方公維  
甸

奏為體察寧陝鎮新設官兵亟須整飭調劑會籌具

奏事竊照陝省善後事宜惟安插鄉勇調劑新兵二事

最關緊要臣等前次摺內已將大概情形具

奏在案連日以來逐細體察所有撤勇事宜章程既屬

那文毅公初任陝甘總督奏議

卷八

三

周妥現在認真辦理已可行之無弊惟寧陝新兵

營制散漫兵丁縱恣實為隱憂不可不防微杜漸

緣該鎮新設馬步守兵六千名藉以分布巡防並

可安插鄉勇立意未始不善迨招募時營員只期

足額未暇詳擇以致應募者或落後鄉勇或革役

逃人或賭博匪棍大抵皆游手無籍之徒應名充

數暫圖食糧繼因所得分例不敷養贍又復心性

不定輒思他去往往上月應募下月脫逃此營逃

出更名至彼營入伍營弁希圖補額不究來歷任

意濫收甚至有晝則當兵夜則出而拘摸或串同

匪類劫掠以圖分肥此等桀驁之徒本難控馭若

該管營弁等能識重輕各就所轄之兵開誠化導

尚可冀其日漸月摩祇遵約束無如該弁等大牛

係軍功拔補鄉勇出身習染相同本亦未能諳習

紀律將備等遂兩相率姑容即偶有申明軍紀之

員該兵等勢孤則陽奉陰違勢眾則公然違玩甚

至有密約數十人為一黨一人有犯羣起扛幫或

樹幟紛爭或倡言散夥該管將備幾至束手無策

不得不以好言解散以致日形驕縱此等情形操

之過急或致別滋事端然竟置之不問勢必釀成

那文毅公初任陝甘總督奏議

卷八

三

尾大之患前此雷紹堂等之抗官滋事曾經臣方

維甸具

奏之案即其明驗查寧陝兵丁帶出防勦者多留營差

操者少該鎮總兵楊芳久在軍營防勦並未回鎮

營制原未全定臣方維甸聞有此等情形曾經

奏明知會楊芳密查設法散歸別營並與督臣惠齡商

辦因惠齡患病日重未及辦理今臣那彥成奉

命來陝與臣方維甸日夕講求欲為弭患未然之計一在

籌其口食一在散其徒黨竊思寧陝額兵六千內

馬兵六百名除馬乾銀不計外每名每月運米折



尚支銀二兩四錢得項較為優厚步兵二千四百名尚支銀一兩九錢守兵則僅支銀一兩四錢山內食物昂貴該兵等目下不免少形拮据自應亟籌生計使之無可藉口若多事賞號或超拔名糧恩極則驕更難駕馭莫若仿照屯田之例寓兵於農既可安其身家藉以消其桀驁查南山自賊匪蹂躪之後百姓徙亡未復全業荒蕪之產多有情願售賣者等已令臬司朱勳道銜陳和等於入山搜捕之便查看田地情形量為置賣以備每月添補兵糧之用所需價值動用各營截曠馬乾以

那文毅公初任陝甘總督奏議 卷八 三

營中有餘辦理營務似尚可行若有不敷捐廉辦理或借動

帑項於所收糧石除添給兵丁外每年抽存若干按年

變價歸還原款俟查明數目多寡

奏明酌辦似此兵食既足則軍政可肅約束須嚴有犯

必懲並於各營張貼嚴明告示以不可犯法之

條如營員將犯法之兵據實報出不妨寬其失察

之咎以杜因循隱忍之弊至此等未明紀律之兵

犯法懲治固其罪所應得究念會著微勞亦覺少

有可憫然似此性情犷悍之輩常川與集久亦終

非善策莫若散調各營其中如千把外委等員與

兵丁最為切近平日果能約束亦最為得力若係

桀驁難馴之人轉為眾兵倡首等再四籌畫擬

於舊有各營弁員內酌選請習行伍者守備千總

以下應請不拘例限隨地隨時量為對調步兵

丁或酌拔他營馬糧以散其勢庶新兵管領得人

足資訓練而新兵撥入舊營者亦可隨隊學習可

期兩有裨益將來零匪全清之後陝營兵只須

足數分布似不必額定六千之多於事未見有益

而經費無窮亦非長久之計此後酌看地方情形

那文毅公初任陝甘總督奏議 卷八 三

或撥歸別營或量為裁汰凡有應須籌辦損益之處容再悉心會議妥定章程另行請

旨辦理等察看新兵現在情形不能不亟為整飭調劑

謹合詞縷晰詳陳伏祈

訓示遵行謹

奏奉

硃批軍機大臣妥議具奏

謹按嘉慶九年八月初一日廷寄內奉

上諭據那彥成方維甸等奏會籌整飭調劑陝鎮新設

官兵一事此項新兵既經應募入伍即應遵守營規有



犯必懲但該兵丁等半以游民充數罔知紀律若聚處日久難保不滋生事端自不若分散各營則勢孤而約束較易至所食錢糧或於該兵等生計不敷亦應設法添補俾免拮据則日久自可相安除將原摺交軍機大臣妥議具奏外那彥成等仍當與額勒登保熟商將該鎮新兵如何妥為控馭或分別酌撥他營或將舊營備弁量為對調以資管領之處悉心詳議章程再行具奏將此傳諭那彥成方維甸並諭額勒登保知之

謹按嘉慶九年八月初六日會同陝西巡撫方

公維甸

那文毅公初任陝甘總督奏議 卷八 聖

奏應撤陝省原募鄉勇係王英等所帶在陝邊防鄉勇

二百四十三名往川隨征鄉勇九百九十六名此

項在陝邊防鄉勇內情願入伍者四十一名其餘

二百二名先已飭令興安地方官等分別遣回安

插其在川隨征鄉勇有籍隸川黔等省者數百名

若俟帶至陝省再行分別遣撤未免道路紆回人

數擁擠前經札商額勒登保或由陝省派員前往

川省軍營就近辦理嗣接額勒登保覆信在川隨

征鄉勇內情願入伍者二百八十五名其餘應撤

鄉勇查明四川三百五十五名貴州一十八名額勒登

保俱已在軍營給與賞銀就近遣令回籍毋庸陝

省派員赴川照料惟陝甘楚豫等省鄉勇三百八

十八名額勒登保親帶至陝分起裁撤派員送交

興安道府並知府朱紱散遣等復嚴飭各該員

查照章程逐程專員護送按名點驗取具印收節

節稽查其家無恒業願充丁役之人即已分散各

原籍州縣給與口食安插該勇等歡欣感激行走

安靜並無一名逃逸目下軍營鄉勇業已全撤山

地方官陸續接收詢明有無家業遣送安插已有

九起不日可以辦竣仍令開具籍貫花名清冊再

那文毅公初任陝甘總督奏議 卷八 聖

由各該府隨時查考彙報以期各遵約束日久相

安伏祈

奏

奏

謹按嘉慶九年八月十六日廷寄內奉

上諭那彥成等奏分起遣撤各鄉勇行走安靜辦理尚為

妥協

嘉慶九年八月二十七日會同陝西巡撫方公維

甸

奏為軍營撤遣鄉勇地方官接收後俱已遣送到籍安



插妥協情形事竊照陝省應撤隨征鄉勇一千二百三十九名先經<sub>臣</sub>等將額勒登保分路遣撤交地方官送回安插已有九起緣由奏蒙

聖鑒連日復據興安地方官開單具稟續又遣送鄉勇四起連前共十三起業經全數完竣並據各廳州縣稟報前來<sub>臣</sub>等按數覈查除額勒登保在川遣撤川黔二省鄉勇三百二十三名入伍三百二十六名外其陝西交地方官分路遣送鄉勇籍隸陝西者較多計四百一十八名其餘籍隸甘肅等省者一百七十二名先在平利興安按名點驗委員妥

那文毅公初任陝甘總督奏議 卷八 呈

為護送出具印收節節稽查甚屬安靜凡各省之人俱由邊界地方送至各該省首站交收取回用印收管其本省之人皆已回籍並無一名逃散現在報充壯丁者八十一名又外省願在陝省充當壯丁一名此外如生計維艱陸續告充丁役者亦飭地方官遵照章程准其仍復著役一體造冊具報總期永遠相安不致流而為匪以仰副

聖主綏靖地方至意再凱旋貴州官兵九百餘員名經額勒登保飭交總兵劉瑞等分為兩起由興安水程取道楚省回黔亦經妥為照料出境謹

奏奉

硃批欣慰覽之

那文毅公初任陝甘總督奏議 卷八 呈

那文毅公初任陝甘總督奏議卷八



那文毅公初任陝甘總督奏議卷九目錄

卷九

緝訊逆匪

稽核軍功頂戴

核實軍需平餘

蒙古行鹽

調撥哈密馬匹

議駁監糧

請緩城工

請仍驛路之舊

那文毅公初任陝甘總督奏議

恭報回甘

目錄

一

那文毅公初任陝甘總督奏議卷九

男容安恭輯

緝訊逆匪

硃

嘉慶九年八月十四日會同陝西巡撫方公維甸  
奏為趙恒裕張希賢等在漢中地方潛行勾結謀為不

硃

軌經鄭忠祥舒洪先期出首立即密飭速拏業將  
要犯全行七獲地方無事訊明大概供情先行恭

摺馳

硃

奏事竊臣等接據陝鎮總兵楊芳密報並南鄭縣知  
縣李師白密稟據五品頂戴鄉勇頭目鄭忠祥及

那文毅公初任陝甘總督奏議

卷九

一

硃

已撤鄉勇現充南鄭縣役之舒洪報稱有南鄭縣  
苟家河民人張希賢曾拜涇陽縣民趙恒裕為師

煽惑謀逆暗約伊等在鳳縣寧汜一帶以約人開

銅廠為名勾結棍徒並已散鄉勇於七月二十四

日起事欲乘漢中兵備空虛入城搶劫伊等伴為

應允設法令已撤鄉勇胡浦賺得約人書信為據

鄭忠祥即赴楊芳軍營呈首舒洪並副役張耀投

南鄭縣知縣李師白密稟等情臣等接閱之下不

勝駭異隨密行熟商刻下零匪即可蕩平問閭日

就靖謐若大員率兵前往查辦不但民心惶懼且



恐首犯等聞信驚颺辦理轉至費手當即一面密飭漢中地方文武各官於南鄭鳳縣等處購線查拏一面密委糧道素納令西安府同知葉世倬馳赴趙恒裕涇陽原籍嚴查並以畧陽地方曾開銅

廠該犯既藉復開銅廠約人恐在該處糾合亡命又令磚坪縣丞丁貴輿馳赴鳳縣畧陽一帶密訪臬司朱勳聞信亦即就近馳赴漢中督同查緝茲

據南鄭縣知縣李師白率同署典史朱樞並會同委署都司王卓即赴苟家河將張希賢拏獲越日又同委員革職知縣何紹衣會同營員將鄭老么

高小二馬文龍亦皆拏獲隨又前往南鄭城固交界之原公地方將趙恒裕拏獲經臬司朱勳親提各犯研鞫稟報前來緣張希賢居住南鄭縣苟家河向不務正因與素識之王兆熊圖開銅廠獲利

上年冬底曾約該犯先後至西安商辦該犯到後找尋王兆熊不見適在黑虎巷廟內遇見涇陽縣民趙恒裕閒談趙恒裕以扶乩可問未來之事該犯即令扶乩占問王兆熊相見日期屆期果與王

兆熊相遇該犯遂深信不疑嗣因銅廠不能請開另覓生計屢無就緒復向趙恒裕卜問前程趙恒

裕隨起意煽誘以該犯聚集鄉勇赴營可獲富貴之言先行試探該犯聽從次日往拜趙恒裕為師授以符呪趙恒裕即告以官兵均在邊界防勦漢中府城無兵又無營兵巡查各路遣散鄉勇及山

內新兵人數甚多易於勾結現在太陰星落在漢江南岸二十八宿已經下凡十月內可以動手日後富貴不小即令該犯回家假開銅廠為名糾約好漢張希賢回籍聞知素識之鄉勇頭目鄭忠祥於四月內自提督楊遇春軍營回家該犯告以密謀鄭忠祥未即應允假稱俟趙恒裕到來再議六月內張希賢令鄧五兒接趙恒裕至漢中即在鄧五兒家中居住並即密約縣役舒洪為內外應合之計鄭忠祥以會充楊遇春親隨鄉勇屢次立功得有五品頂戴舒洪以會充鄉勇旗首撤遣後又充縣役均不肯聽從謀逆彼此互商擬即出首是月十九日張希賢復邀鄭忠祥舒洪往見趙恒裕其時趙恒裕托病不言令張希賢轉告鄭忠祥等以漢中兵少庫中存有軍器糾人混入城中放火為號佔取郡城即可戡官劫庫有人即可起事不便再遲至十月又令張希賢付銀十五兩並與暗

那文毅公初任陝甘總督奏議

卷九

二

那文毅公初任陝甘總督奏議

卷九

三



號書信二件以爲在他處約人寄回証驗張希賢復約鄭老么入夥鄭老么轉令高小二赴寧沔糾人鄭老么又囑馬文龍招集鄉勇並未說出真情該犯等均向張希賢索取盤費張希賢一時無銀給付鄭老么等尚未糾人鄭忠祥舒洪恐其勾結滋事卽欲赴楊遇春軍營首告因趙恒裕所給暗號書信難以辨認恐首告時該犯抵賴欲設法賺出親筆書信以爲憑據卽在茶鎮地方令曾充鄉勇之胡沛送信至張希賢處誑稱鳳縣及毛坪華陽一帶業已招集多人索取回信張希賢信以爲

那文毅公初任陝甘總督奏議 卷九 四

實卽令趙恒裕寫給回書有銅廠之事業已定奪兄台務必二十四日回府一同去之語並面告以七月二十四日在府城起身胡沛趕回告知鄭忠祥舒洪以日期已迫楊遇春遠在川省惟恐緩不濟事卽於七月十七日就近赴總兵楊芳軍營並南鄭縣衙門呈首隨將趙恒裕張希賢鄭老么高小二馬文龍等隔別審訊前情供認不諱等伏查漢南一帶餘氛已將淨盡該犯等探知漢中一帶無兵彈壓輒敢煽誘勾結謀爲不軌實屬罪大惡極仰賴

皇上洪福未遂奸謀業已先期敗露不數日內將要犯全

行就獲地方靖謐無事實爲至幸茲據臬司所訊

供詞已屬確鑿第該犯等既經起意滋事恐所勾

結者尚不止此數人卽現獲之鄭老么等既已從

逆所供未付盤費尚未糾人之語恐亦未可深信

現已委員飭提嚴究另行定擬具奏等以辦理

此案固不便輾轉株連張皇查拏然案情重大倘

有供出緊要之犯亦須按名拏究以盡根株其趙

恒裕涇陽本籍經同知葉世倬會同該縣王恭修

親至縣北臨涇鎮該犯家內查有伊母晏氏並妻

那文毅公初任陝甘總督奏議 卷九 五

吳氏均已拏獲詢明趙恒裕於正月外出行醫實

不知爲匪情事詢訪鄰右均稱並無匪徒往來該

員等逐細搜查有圓光水道符咒二紙並四書本

草卜卦等書十六本別無悖逆字跡並據鳳縣畧

陽寧羌沔縣地方官及委員等查明山內居民均

屬安靜實無匪徒聚集堪以仰慰

聖懷至軍功五品頂戴鄭忠祥係提督楊遇春親隨鄉勇

舒洪亦係造撤鄉勇旗首在本縣充役伊等因係

在官管轄之人安分守法深明大義不肯聽從爲

匪且胡沛亦係曾充鄉勇三人竟能設法誘出書



信據以首告尤屬能事容俟案定之日再將鄭忠  
祥等與緝犯出力人員另行奏請

施恩謹

奏

嘉慶九年八月二十五日奉

上諭那彥成方維甸奏鄉勇鄭忠祥舒洪首告潛行勾結  
謀為不軌之趙恒裕張希賢等各要犯密行查拏全數  
弋獲審明大概情形一摺訊據供稱南鄭縣民人張希  
賢拜涇陽縣民人趙恒裕為師煽惑謀逆暗約鄭忠祥  
等在鳳沔一帶以開銅廠為名勾結棍徒並已散鄉勇

那文毅公初任陝甘總督奏議

卷九

六

等意欲於七月二十四日入漢中府城搶劫該鄉勇鄭  
忠祥舒洪伴為應允即令鄉勇胡沛賺得書信為據一  
同投首當經該督撫等密飭地方文武分投查拏將張  
希賢趙恒裕及夥犯鄭老么高小二馬文龍等全數拏  
獲所辦甚好漢南一帶餘氛久經掃蕩淨盡該犯張希  
賢等輒敢借圖開銅廠為名煽誘勾結謀為不軌實屬  
罪大惡極地方官一聞首報不動聲色按名查拏不致  
要犯漏網現在地方寧謐民情照常辦理實為妥速所  
有查拏匪犯各員俱當加恩獎勵著該督撫將摺內硃  
批圈出之南鄭縣知縣李師白署典史朱樞委署都司

王卓查明該員等有無陞銜翎枝應如何施恩之處同  
革職知縣何紹衣一併據實保奏至鄉勇軍功鄭忠祥  
舒洪二人先經趙恒裕等告以密謀糾令入夥欲為內  
外應合之計該鄉勇均不聽從遂彼此互商定為首告  
之策而鄉勇胡沛於賺得該犯書信確據後一聞該犯  
定期起事之語隨即趕回送信一同投首地方官因得  
乘該犯等未經發覺之先按名弋獲該鄉勇自散撤以  
來平日安分守法而又深明大義不墮邪謀實堪嘉尚  
前日德楞泰奏到鄉勇軍功趙洪周身陷賊中能將首  
逆苟文潤乘間殲斃來營獻功朕心深為嘉獎業已降

那文毅公初任陝甘總督奏議

卷九

七

旨加恩今鄭忠祥等亦係鄉勇能如此守正急公自當  
特沛恩施俾各省鄉勇聞而鼓勵鄭忠祥著加恩以五  
品頂戴賞戴花翎即以千總補用俟得缺後仍送部引  
見舒洪著加恩賞給八品頂戴賞戴藍翎即以外委拔  
補其鄉勇胡沛著查明現在有無頂戴俟奏明後再行  
施恩又硃筆圈出之南鄭縣副役張耀著該地方官優  
加獎賞所有查獲張希賢等各犯著該督撫等即審明  
定擬一面具奏一面即於該處正法

嘉慶九年八月二十五日軍機大臣字寄奉

上諭那彥成方維甸奏鄉勇鄭忠祥等首告趙恒裕張希



賢等勾結謀逆當將案犯全獲審辦一摺所辦甚好已明降諭旨矣趙恒裕等一案現據該署督等飭提嚴訊如有供出緊要之犯自須按名拏究亦不可多有株連此時餘氛將淨零匪更形湮散或思潛竄山林那彥成方維甸總當飭令地方文武隨時偵緝務絕根株爲要嘉慶九年十月十八日會同陝西巡撫方公維甸奏爲審明趙恒裕張希賢等謀逆一案遵

肯定擬具

奏事竊臣等前將拏獲勾結謀逆之趙恒裕張希賢等訊明大概供情先行馳

那文毅公初任陝甘總督奏議

卷九

八

奏欽奉

上諭著卽審明定擬一面具奏一面卽於該處正法欽此

臣等連日將陸續提齊各犯悉心研訊緣趙恒裕

籍隸涇陽縣行竊度日並習扶乩向寓省城黑虎

巷三聖宮張希賢籍隸南鄭縣素不務正因與素

識之王兆熊圖開銅廠約至省城商辦嘉慶八年

十一月二十一日張希賢至省找尋王兆熊不遇

適遇趙恒裕閒談趙恒裕談及扶乩可問未來之

事張希賢卽令扶乩占問王兆熊下落乩書十二

月初三日會面至期張希賢果與王兆熊相遇遂

深信乩語靈驗嗣張希賢因銅廠久經封閉不能

呈請開採另覓生計屢無就緒九年二月十八日

晚張希賢復令趙恒裕扶乩卜問前程趙恒裕稔

知張希賢曾習武應考並因山內零匪未淨起意

誘令聚眾搶掠從中取利隨以集勇赴營可獲富

貴之言先行試探張希賢聽從次日往拜趙恒裕

爲師習學符咒趙恒裕卽告以官兵均在邊境防

剿漢中府城無兵巡查各路遣散鄉勇及山內招

募新兵人數甚多易於勾結現在太陰星落在漢

江南岸二十八宿俱已下凡十月內漢中必有刀

那文毅公初任陝甘總督奏議

卷九

九

兵卽可乘時動手獲大富貴囑令張希賢回家假

稱開銅廠爲名糾約好漢起事張希賢聽信隨於

二月二十一日起身回籍探知素好之鄉勇頭目

鄭忠祥於四月內自提督楊遇春軍營回家隨往

告以密謀鄭忠祥未卽應允假稱俟趙恒裕到來

再議張希賢隨賃住鄧成後院空房五月初六日

張希賢僱覓鄧成之子鄧五兒進省送給趙恒裕

銀信接其赴漢議事鄧成父子均不知其逆謀趙

恒裕於六月十五日至漢中卽與張希賢同寓次

日趙恒裕進城探看歸告張希賢若有三四百人



即可混入城內搶占張希賢又密約曾充鄉勇旗首現充縣役之舒洪為內應鄭忠祥舒洪暗商出首佯為聽從十九日張希賢即約鄭忠祥舒洪往見趙恒裕趙恒裕預留敗露推卸地步不肯與鄭忠祥等會面即捏稱途中感冒風寒托病卧床令張希賢約鄭忠祥等至偏僻處所告以漢中兵少南鄭縣庫中存有軍器糾人混入城中放火為號殺官劫庫即可占取郡城乘此機會糾人起事不必遲至十月動手趙恒裕隨寫暗號書信二封並囑張希賢出銀十五兩給鄭忠祥舒洪收受囑令

那文毅公初任陝甘總督奏議 卷九 十

糾約有人將暗號書寄回作為驗證以便約定日期齊集鄭忠祥舒洪假意應允二十四日張希賢又約鄭老么糾人入夥鄭老么應允轉令高小二向定河一帶糾人高小二不敢聽從鄭老么囑令勿洩漏而散鄭老么撞遇馬文龍就行糾約因其酒後言語不謹謊稱官募鄉勇囑馬文龍招集擒賊受賞並未說出真情馬文龍亦即應允鄭老么因糾人須用銀兩在黃官嶺催素識之李貴送書至府城取銀捏稱張希賢許借銀兩亦未告知遊謀情事嗣因張希賢無銀給予尚未糾人鄭忠祥

舒洪慮趙恒裕勾結成事即欲赴揚遇春軍營首告因趙恒裕所給暗號書信難以辨認恐首告後趙恒裕等抵賴就設法賺出親筆書信以為憑據即在茶鎮地方遇見曾充鄉勇之胡沛囑其送信至張希賢處謊稱舒洪在鳳州及毛坪華陽一帶招集四五百人問取起事日期張希賢信以為實趙恒裕擇定二十四日齊集府城起事寫給回書張希賢並囑以各帶錫鈴為號胡沛趕回告知鄭忠祥等鄭忠祥因為期已迫即就近赴總兵楊芳軍營舒洪帶同副役張耀前赴南鎮縣俱各出首

那文毅公初任陝甘總督奏議 卷九 十一

經南鄭縣知縣李師白率同署典史朱樞會同護都司王卓並革職知縣何紹衣先後將趙恒裕等首夥各犯全行擎獲適臬司朱勳在興安聞信趕至捉犯訊供並查明張希賢等家內並無收藏悖逆不法字跡具稟前來隨令糧道素納飭委同知葉世倬馳赴涇陽縣搜查趙恒裕家內止有圓光水遁符咒二紙並四書本草卜卦等書十六本此外別無悖逆字跡提犯至省隔別研訊據供前情不諱反復究詰實係甫經勾結即行敗露此外別無糾約之人矢口不移實之鄭忠祥舒洪等亦僉



稱張希賢之外實在無勾結之人案無遁飾查律載凡謀反及大逆但共謀者不分首從皆凌遲處死知情不首者杖一百流三千里又例載凡逆案內律應緣坐男犯十六歲以上者發往黑龍江給索倫達呼爾爲奴其緣坐婦女交值年旗酌給有力之滿洲蒙古漢軍大臣文職三品武職二品以上官員爲奴又例載容留外省流棍者照勾結引來歷不明之人例發近邊充軍各等語此案趙恒裕起意乘南山零匪未淨借以扶乩誑誘張希賢聚衆搶掠謀佔漢中府城池張希賢聽從糾約鄭

那文毅公初任陝甘總督奏議

卷九

十一

忠祥舒洪並鄭老公入夥鄭老公轉誑馬文龍糾人起事隨經鄭忠祥舒洪出首尚未轉糾有人其同謀反逆已行實屬罪大惡極趙恒裕張希賢鄭老公均合依謀反大逆但共謀者不分首從皆凌遲處死律俱凌遲處死臣等於審明後業經遵

旨恭請

王命卽行正法並傳首犯事地方梟示高小二被鄭老公糾約未肯聽從但既知逆情不行告首當此地方甫經肅清之時自應嚴加懲創若照知而不首本律擬以滿流尚覺情浮於法應請發往伊犁給種

地兵丁爲奴鄧五兒雖不同謀但既留張希賢在家居住又受僱赴省傳送銀信迎接趙恒裕前赴漢中亦未便僅照勾引來歷不明之人例發近邊充軍應請一併發往伊犁給種地兵丁爲奴以示懲儆鄧成係屬家長任聽伊子招留匪徒在家並不禁止應照勾引來歷不明之人本例發近邊充軍李貴不知鄭老公等謀逆情事但妄行受僱與逆犯送書索取銀兩亦未便輕縱應於高小二等遣罪上減一等杖一百徒三年至配所折責四十板安置馬文龍被鄭老公誑哄奉官招募鄉勇捕

那文毅公初任陝甘總督奏議

卷九

十二

捉餘匪並不知謀逆情事惟不查明來歷妄行聽從究屬不合應請照不應重律杖八十加枷號一個月滿日折責發落鄧成次子土地保在外傭工不知伊父兄容留趙恒裕等在家應請免議王兆熊止與張希賢商開銅廠因封閉日久不能呈請開採各自走散並無不合應無庸議所有趙恒裕之母晏氏妻胡氏張希賢之妻袁氏俱應緣坐照例解京給有力之滿洲蒙古漢軍大臣文職三品武職二品以上官員爲奴起獲符咒及各書信案結銷燬至失察此案之地方文武各員卽係孳獲



案犯之人現奉

恩旨令<sub>臣</sub>等查明保奏應請免議謹

奏奉

硃批刑部核議具奏

嘉慶九年十月十八日會同陝西巡撫方公維甸

奏為遵

旨查明首告逆謀之鄉勇並拏獲匪犯各員分別顯懇

恩施事竊<sub>臣</sub>等欽奉

諭旨鄉勇鄭忠祥舒洪首告潛行勾結謀為不軌之趙恒

裕張希賢等各要犯密行查拏全數弋獲所有查拏匪

那文毅公初任陝甘總督奏議

卷九

古

犯各員俱當加恩獎勵著該督撫將硃筆圈出之南鄭

縣知縣李師白署典史朱樞署都司王卓查明該員等

有無匪銜翎枝應如何施恩之處同革職知縣何紹衣

一併據實保奏其鄉勇胡沛著查明現在有無頂戴俟

奏明後再行施恩又硃筆圈出之南鄭縣副役張耀著

該地方優加獎賞欽此仰見

皇上沛澤無遺微勞必錄之至意伏查該員弁等均無匪

銜翎枝南鄭縣知縣李師白相應懇

恩以同知直隸州知州陞用先換頂戴署典史朱樞本係

候補州判應請以知縣陞用原任盤桓縣知縣何

紹衣前因賊匪竄出峪口該縣扶同隱匿稟報遲

延經<sub>臣</sub>方維甸奏請革職應請准其在陝捐復留

陝補用護都司王卓係本營千總應請以守備拔

補鄉勇胡沛雖未與鄭忠祥等一同出首而其賺

取書信慎密能事且見日期已迫趕回送信其功

與舒洪相等舒洪已蒙

恩賞給藍翎外委其胡沛一名並無頂帶應請一併

賞戴藍翎以外委拔補以示鼓勵副役張耀業交該地方

官優加獎賞謹

奏

那文毅公初任陝甘總督奏議

卷九

五

嘉慶九年十月十八日會同陝西巡撫方公維甸

奏為奏

聞事竊陝省餘氛初淨邊界地方遼濶人心甫定又有趙

恒裕陶鳳朝等案<sub>臣</sub>等督飭各屬不時留心稽查

茲據邊境地方官稟報探聞川省達縣太平東鄉

地方有匪徒假稱招募新兵頂補陣亡糧缺希圖

糾約搶奪業將為首之黃貴並聽從招人之何思

復等十名拏獲訊出起意糾眾搶掠實情並拏獲

羅思杰供出有夥匪欲赴陝省定遠廳地方招人

之事等情<sub>臣</sub>等即飛飭定遠同知嚴如煜密行查



拏去後旋據該廳於未經奉劄之先接奉德楞泰密劄飭查當經查明該廳城內吏役兵丁以及民人商賈為數無多易於稽查徧加訪緝竟無影響等語<sub>臣</sub>等查漢中一帶兵燹之後人心易搖而無業之徒習於游蕩更易勾結定遠與太平緊相毘連是該犯等輾轉赴陝招人亦屬事所必有該廳所屬境內均係大山深林各路寨堡及散處民人甚多不可以為城內居民現查無聽糾之人即可放心且西鄉一縣亦距川較近恐亦難保無轉相糾約之事除嚴飭該廳縣文武各員一體訪糾外

那文毅公初任陝甘總督奏議

卷九

六

查新調漢中府知府朱絨業已赴任該守久在軍營并於邊境情形亦屬熟悉<sub>臣</sub>等飛飭該守馳赴定遠西鄉一帶督率該廳縣等不動聲色密行查拏一面飛致德楞泰如續經訊出在陝勾結之人即將該犯姓名密行札知以便按名查拏如有緝獲即就近解赴川省歸案實訊辦理此等匪徒於畧匪肅清之後尚敢借端糾人搶奪必須從嚴懲辦即使被誘之人未必皆知該犯等起意實情而轉相糾約之犯必係同謀不法斷難姑容惟當於嚴密之中持以鎮靜祇將要犯緝獲毋使株連<sub>臣</sub>

等因事關緊要是以由驛奏

聞謹

奏奉

硃批嚴密查緝鎮靜辦理有犯必重懲未犯莫騷擾勉之嘉慶九年九月二十五日會同陝西巡撫方公維甸

奏為查出興安匪徒惑眾斂錢一案獲犯研訊民情靖

謐情形事竊<sub>臣</sub>等接據興安道府來稟安康縣所屬牛蹄舖一帶匪徒陶鳳朝等惑眾斂錢轉相煽誘受騙出錢之人甚多臬司朱勳在宜陝得信

那文毅公初任陝甘總督奏議

卷九

七

後即馳赴興安查辦適該道府等督率該縣已將要犯陶鳳朝陳有信等拏獲經該司逐加審訊緣陶鳳朝於本年二月間約同陳有信楊宏道汪天臣龍勝輝李勝白燕庭彩等指稱僱募民夫運送兵勇骨殖編造千領百領十領名號陶鳳朝自認為千領令陳有信等認當五百領及百領十領頭人轉約平利縣民李九濬告以每付骨殖可領運脚銀七十二兩若充當夫頭一名共領運骨殖五包可領運脚銀三百六十兩運送之後並賞頂戴榮身先令出銀謀充此役李九濬信以為實陸續



給過銀五十四兩該犯等得銀之後捏造批詞告以業經奉批不准認充李九澹即向索討原銀陶鳳朝等無銀給還致相爭鬧李九澹即赴縣控告隨將陶鳳朝陳有信楊宏道龍勝輝燕庭彩等先後拏獲並究出轉相糾約及被騙出錢之李文龍楊耀庭傅榮胡太吳志高温宗乾鄭洪才彭朝綱等一併拏獲到案其未獲之犯現在密行查拏等情稟報前來臣等竊查軍興以來軍營糧臺僱用人夫為數不少從無千領百領等項名目該犯等指僱夫運送骨殖為名何以私立名號且各營傷

那文毅公初任陝甘總督奏議

卷九

十八

亡兵丁俱係隨時送回原營並無存積該處事屬荒唐何以眾人均受其惑即使一二人被其愚弄何至有轉相糾約之人况愚民嗜利焉有先令出資而後令領價輒相聽從之理其中情節種種可疑旋又據各處文武稟報情節各有不同恐不免有藉詞糾眾不法情事臣等伏思此案人數過多且立有千領百領名目詐財聚眾案關重大自應不動聲息嚴密飭拏要犯務使徹底查明妥速完結方為全善臣等又恐趙恒裕等謀逆一案在事人員甫奉

恩旨優獎或人人存邀功冀賞之心致累無辜於事大有關係現飭該司持以鎮靜訊明實在供情祇將案內緊要人犯逐名拏獲嚴行審訊分別辦理若實係被騙之人概免查究以杜株連滋擾之弊謹奏

嘉慶九年九月二十九日軍機大臣字寄奉

上諭那彥成方維甸奏拏訊安康縣所屬牛蹄舖一帶匪徒陶鳳朝等指僱夫為名惑眾斂錢一案現據各處文武稟報情節各有不同恐不免有藉詞糾眾不法情事又恐人人存邀功冀賞之心致累無辜等語此案陶鳳

那文毅公初任陝甘總督奏議

卷九

十九

朝等指稱僱募民夫運送兵勇骨殖私立千領百領等名號並以充當夫頭者於運送後可得頂戴榮身之語轉向糾約誘騙令先出銀謀充曾陸續得受李九澹李文龍等銀錢是該犯之意祇在詐財似尚無聚眾不法情事地方官一經查出即將要犯等立拏到案現經臬司朱勳馳往該處將惑眾斂錢一節訊有確供自非架空虛捏希冀邀功但既據各處文武稟報情節各有不同自應徹底根究以成信讞著那彥成等轉飭該臬司詳加研鞫如陶鳳朝等實係藉名糾眾斂錢並無別有不法之處祇應將得受銀錢之犯按律定擬具奏就案



完結其出錢各犯皆係無知被騙之人情尚可原自應一概省釋以免擾累

嘉慶九年十一月十六日會同陝西巡撫方公維

何

奏為審明匪徒陶鳳朝等假捏招夫誑騙銀錢一案分

別定擬具

奏事前據興安地方官拏獲陶鳳朝等犯先將臬司審

訊大概供情奏蒙

聖鑒在案茲檄提案犯並原告李九瀝來省先委藩司慶

章糧道素納逐加質訊與臬司朱勳所審情節相

那文毅公初任陝甘總督奏議

卷九

三

同 臣 等復親提研鞫緣嘉慶九年正月內陝楚四

川邊界地方傳言大功告成即日撤兵節年陣亡

兵丁骨殖皆須僱募長夫背送每名可領腳價數

十兩愚民希獲厚利轉相傳播有安康縣客民陶

鳳朝因聞同縣客民李勝白言及此事亦愿充夫

二月內囑令龍勝輝赴平利探聽旋經龍勝輝探

明係屬訛言實無其事三月內陶鳳朝以各處皆

有僱夫謠言易於哄誘起意藉此騙錢告知李勝

白龍勝輝並素識之燕廷彩陳有信劉金魁俱各

應允陶鳳朝當與伊義父楊洪道商定誑騙之計

捏稱泰山廟內曾寄放陣亡兵丁骨殖將來各路

軍營尚有二千餘副骨殖俱由興安僱夫轉送索

倫並雲貴地方每送一副僱夫一名給腳價銀七

十二兩於腳價內先給領安家銀三十兩包夫五

名者為夫頭包夫十名者為十領夫頭如充當十

領夫頭即可領銀七百二十兩由此百領二百領

五百領千領夫頭按數遞加領銀甚多仍賞頂戴

受僱之人皆須向千領夫頭報名先給定銀方准

當夫陶鳳朝假充千領夫頭令李勝白龍勝輝燕

廷彩陳有信劉金魁假充五百領百領十領夫頭

那文毅公初任陝甘總督奏議

卷九

三

分投約人給銀報名楊洪道又到處揚言曾經見

過諭帖陶鳳朝實係千領夫頭領辦僱夫之事使

人聽信不疑陶鳳朝隨赴劉家墳地方租住張安

飯店後聞房誑騙鄉民楊洪道時往商議陶鳳朝

與李勝白龍勝輝燕廷彩陳有信劉金魁先後騙

過三十八人而陶鳳朝所騙之吳志高李文龍亦

轉約二人陳有信所騙之汪天臣亦轉約七人汪

天臣轉約之何文龍楊耀廷李勝美又轉約十二

人楊耀廷轉約之胡顯名傅榮又轉約八人李勝

美轉約之張傳富又轉約一人各處報充銀錢多



寡不等陶鳳朝分別許以五百領百領十領等項夫頭名日並充當散夫除首從同謀七犯外共騙過六十八人得銀三百四十九兩零陶鳳朝自用銀二百六十七兩零龍勝輝分用銀二十兩燕廷彩分用銀二十五兩陳有信分用銀十五兩劉金魁分用銀二兩八錢楊洪道分用銀二十兩李勝白恐事敗露心存畏懼並未分銀其輾轉約人各犯均不知假捏情節亦未得過銀兩嗣因被騙之人催問何時領銀起程陶鳳朝捏稱省中解到銀兩方可支領七月初七日有陳有信所招之李九

那文毅公初任陝甘總督奏議

卷九

三

濳復往查問遂捏造額勒登保批語一帶給付楊洪道亦在旁酌改數字大意言定有運送骨殖之事將來聽候傳喚李九濳本不識字持批央人閱看識出假捏情弊向陶鳳朝索討原銀未給李九濳遂赴縣控告獲犯審悉前情實係詐騙銀錢並無聚眾不法情事等以川省黃貴等假名招兵一案先係趙思煥以招夫背送骨殖為名其後始改捏招兵今陶鳳朝假捏之語與趙思煥相同川省既訊出聚眾謀搶情節恐該犯等亦與川省匪徒勾通意在搶掠隨向陶鳳朝詰訊據供僱夫背

送骨殖的話不是小的首先編造原是竹谿平利安康西鄉南鄭定遠各處地方傳說無人不知小的不過指此名色騙錢使用並非要糾眾搶掠四川與湖北陝西連界想來這謠言傳到四川那裏的人也借招夫名色邀人鬧事並非小的勾串至趙思煥黃貴二人小的都不認識等語稟據臬司朱勳面稟本年二月內平利地方有竹谿背夫傳播招夫謠言曾經該縣石珩查拏柳責核其月日尚在陶鳳朝假名招夫之前可見三省邊界原皆有此等訛傳是以川陝匪徒不謀同辭胥借此言

那文毅公初任陝甘總督奏議

卷九

三

惑眾其非串通一氣似屬可信但陶鳳朝等假捏招夫如果僅為騙錢何以捏造千領夫頭五百領夫頭等項名目恐係部署黨與另有不軌情事復將各犯隔別嚴訊據供千領五百領等名本是守備王英所帶鄉勇的名目王英向在安康平利防勦眾人都知道這些名色如今小的們假捏招夫原是騙報名的使費若只招些散夫得銀有限必須捏造總領腳價的夫頭哄人貪利報充纔能多騙銀錢因此照鄉勇舊有的名色捏造千領五百領等項夫頭叫人多出使費並不是真派這些頭



目希圖滋事臣等復詰以誑騙銀錢祇能掩飾一時豈不慮及日後敗露控告索討自係借名聚眾欲俟招集人多再行脅同搶掠據供眾人已經受騙斷不肯甘心聽從小的們同謀知情的只有五六人豈能通脅多人鬧事況且零星招人報名從沒有約過日子在某處會齊那裏有聚眾的事小的們俱是無業的人原想多騙些銀錢逃走脫身沒有別的圖謀不料李九澹看破控告不及脫逃就被拏獲各等語體察各犯供詞祇認騙錢尚恐有串通狡展圖避重罪情事因思此案係李九澹告出各犯設有他謀李九澹必不為之隱諱隨提李九澹訊問諭以爾係首告破案之人陶鳳朝等是否另有糾眾滋事情節爾能說出實情各犯皆治重罪既可洩爾被騙之忿又可照漢中鄭忠祥等首告逆匪之例仰邀恩獎當據李九澹供稱前被陶鳳朝等騙去銀兩忿恨控告如果伊等有不法情事據實告出正可洩忿邀功豈肯代為隱瞞但伊等實祇騙錢並無別故亦不敢憑空誣賴反復開導矢口不移臣等詳核案情疊經研訊均與原審無異惟地方官初稟此案

那文毅公初任陝甘總督奏議 卷九 五

時係陶鳳朝為首而總兵王兆夢又報稱係傅榮為首並稱所招人夫曾給予安家銀兩情節稍有不符臣等前次奏後即行劄查該鎮茲據王兆夢查覆傅榮係散子坪客民聽從楊耀廷招充夫頭給過陶鳳朝報名銀兩自又在散子坪轉邀傅貴等七名充當散夫委係被騙並非首犯散子坪鄉約祇知傅榮在該處招過人夫因即稟報該鎮以傅榮為首又因傅榮誤信陶鳳朝先領安家銀兩謊言轉向所招人夫告知該鄉約不知詳悉遂稱會給予安家銀兩該鎮據情轉報故與興安地方官所稟不符今已查明通案首犯實係陶鳳朝並非傅榮所招人夫亦未得過安家銀兩質訊各犯僉供如一案無遁飾查律載用計詐欺官私以取財物者並計贓准竊盜論免刺若冒認及誑賺局騙拐帶人財物者亦計贓准竊盜免刺又竊盜贓一百二十兩以上絞監候又名列載律稱准者罪止杖一百流三千里又例載詐為察院及其餘衙門文書誑騙財物者發近邊充軍各等語此案陶鳳朝指稱招夫事後銀錢共得贓銀二百六十七兩事後捏造偽批摺

那文毅公初任陝甘總督奏議 卷九 五



塞與詐為印信文書誑騙不同自應仍照誑騙本律准竊盜論罪止杖一百流三千里惟該犯設計詐財捏造千領五百領夫頭等名目誑騙多人並稱充當夫頭可得頂戴尤屬誕妄未便仍留內地應請改發伊犁等處給兵丁為奴楊洪道同謀商騙散布謠言又為陶鳳朝斟酌偽批摺混厥罪維均應請一併發往伊犁等處給兵丁為奴以示懲儆其聽從糾約騙錢分用之龍勝輝燕廷彩陳有信並聽從糾約誑騙未經分銀之李勝白俱照為從減一等各杖一百徒三年至配所折責四十板

那文毅公初任陝甘總督奏議

卷九

美

安置吳志高李文龍汪天臣楊耀廷李勝美胡顯名傅榮張傳富八犯係被陶鳳朝哄騙不知假捏情事惟該犯等輾轉招夫皆非安分之徒張安容留陶鳳朝在店雖未知情分賊亦屬不合均應照不應重律杖八十各折責三十板其餘被騙出錢之人均免置議已到案者概行省釋未到案者免其查究逸犯劉金魁何文龍飭緝獲日另結陶鳳朝等所得銀錢照追給主謹

奏奉

硃批刑部核議具奏

稽核軍功頂戴

謹按嘉慶九年八月二十五日廷寄內奉

上諭前據德楞泰奏藍翎五品軍功趙洪周將荷文潤鐵斃獻功而此次趙恒裕等又係軍功鄉勇鄭忠祥等首告拏獲可見鄉勇中頗有奮勉出力之人自當優予恩施俾知感奮但朕聞軍營各路鄉勇所給軍功頂戴自四五品至七八品不等並不奏明咨部多係帶兵大員隨時獎賞給以委牌卽督撫以至司道亦有一體賞給者頂戴乃國家名器非臣下所應擅予軍營帶兵大員果因鼓勵人材何難奏明請旨卽加以超擢總應秉自

那文毅公初任陝甘總督奏議

卷九

老

上裁設人數稍多亦當彙奏咨部查核似此私行賞給難保無冒濫情弊而該軍功等撤回原籍後特符滋事亦所不免現在軍功已將全竣所有此次凱撤鄉勇業經議定章程無庸置議外究竟軍功名目起自何年何處軍營係何人首先賞給之處已諭令兵部確查案據外著那彥成方維甸就近查詢並詳檢歷年軍營檔冊有無奏咨成案奏聞辦理

嘉慶九年十月二十六日會同陝西巡撫方公維

何

奏為遵



旨查明恭摺奏事竊臣等欽奉

諭旨軍功名日起自何年何處軍營係何人首先賞給之

處已諭令兵部確查案據外著那彥成方維甸就近查

詢詳檢歷年軍營檔冊有無奏咨成案奏聞辦理欽此

臣等查從前出師征討外夷皆係兵丁原無鄉勇

卽內地勦捕亂民如王倫蘇四十三張文慶等案

爲日無多其時隨征兵丁內有偶著勞績酌加獎

勵者不能遽邀擢拔卽由帶兵大將軍賞給頂戴

有行營千總把總外委之名因此等獎賞虛頂皆

係軍功所得亦爲軍功千總把總而緣營俗稱卽

那文毅公初任陝甘總督奏議

卷九

天

徑謂之軍功兩字名目實沿於此迨至臺灣勦賊

時征兵之外始有義民大半係自備口糧保護鄉

里幫同守城勦賊帶兵大員及道府等始有賞給

軍功頂戴之事將軍常青會奏過三百四十餘名

福康安接辦軍務亦賞給義民首五六品至七八

品頂戴事竣時經福康安通查請補文員二十五

名武弁九十二名頂戴榮身者一百九十三名開

摺具奏是兵丁之軍功頂戴山來已久而鄉勇之

軍功頂戴實始自臺灣此次陝甘川楚河南等省

勦捕教匪鄉勇之得有軍功頂戴者人數猶衆其

中偶有

奏賞者其餘多係酌量賞給並未奏咨臣等詳檢陝省

冊檔前撫臣秦承恩於嘉慶元年三月內具奏與

安各屬勦殺賊匪單內有平利縣鄉勇首劉鳳周

等得有七品頂戴之語此係陝省奏明軍功頂戴

之始至帶兵大臣及督撫司道等官隨時獎賞未

經具奏者皆由軍營自行給照並不互相咨會無

案可稽實不能確指起自何人何處查教匪滋事

起於湖北彼時湖北用兵或者帶兵大員卽有賞

給頂戴之事亦未可定再此次得有頂戴鄉勇嘉

那文毅公初任陝甘總督奏議

卷九

天

慶八年正月經軍機大臣會同兵部議覆額勒登

保條奏善後事宜案內議准奉

旨賞給頂戴之軍功情愿入伍者准照所得頂戴酌量拔

補未經

奏明由各帶兵大員司道賞給執照頂戴者均令查明

由督撫換給執照彙齊造冊咨部存案十一月內

復經大學士九卿議覆勒保清查軍功頂戴案內

欽奉

諭旨飭令地方官廣爲曉諭鄉勇等自行呈驗執照註明

年貌籍貫三代勒限報部以杜假冒一載以來陝



省因餘氛未靖民多結寨而居呈驗執照者無多  
尚未一律換照依限核咨現在勦捕零匪事竣  
等復飭屬通行曉諭令即呈驗執照註明造冊惟  
是時閱九載人數衆多現存者多有出外貿易在  
家者患病之人一時不能到齊已故者又恐有賣  
照頂冒情弊尤須詳加稽核應請展限一年遵照  
奏定章程詳查彙咨以副  
皇上慎重名器嚴杜冒濫至意謹

奏奉

硃批依議妥辦咨部知道有功者不可泯沒無功者勿令

那文毅公初任陝甘總督奏議

卷九

三

冒認

核實軍需平餘

嘉慶九年九月二十五日會同陝西巡撫方公維  
甸

奏為遵

旨詳查據實覆奏事竊 臣等欽奉

諭旨吳熊光等奏查湖北濫用平餘一摺分晰開單進呈  
因思川陝楚三省皆經動撥軍需今湖北查有濫用平  
餘川陝二省亦必不免著將吳熊光等原摺抄寄閱看  
勒保方維甸當照此辦理查明節年濫用銀數共有若  
干將應追各員名銀數及實係領兵官員用過犒賞分

那文毅公初任陝甘總督奏議

卷九

三

別開單奏明候朕核辦該督撫務須徹底清查秉公詳  
核不可因見此次朕將領兵各員賞犒銀兩免其着追  
即將別項濫用一併混列領兵各員賞項之下希圖諉  
免倘有朦開將來別經查出惟該督撫是問川陝二省  
現俱辦理報銷如果有例不合銷委因迫於時地並非  
侵肥入己者准其據實奏聞朕當酌量辦理倘有意蔽  
混虛捏灑銷該督撫不能當此咎戾也將此傳諭勒保  
方維甸並諭那彥成知之欽此當經 臣等恭錄飭行藩  
司慶章會局詳查茲據該司慶章等查明嘉慶三  
年以前扣存平餘無多並將應賠濫用銀數核明



詳請具

奏前來伏查軍興以來各省皆有濫用銀兩楚省所用

係屬軍需平餘陝省所用即是軍需正項緣楚省

支發軍需本有扣存二分四分八分平餘陝省各

局向來未存此項即採買車腳等款例扣之一分

平餘亦多未照例扣存檢查三年以前冊檔發過

軍需銀九百八十八萬四千五百一十兩零又知

州周安邵捐復之項歸入興安軍需支發銀六千

四百兩共計實發銀九百八十九萬九百一十兩

零內祇軍火軍裝數款計銀一十一萬二千三百

那文毅公初任陝甘總督奏議

卷九

三

餘兩曾扣過一分平餘銀一千一百二十三兩零

除支發盤費藥料之外僅存銀六十二兩零是以

例外濫用因平餘無多皆於正項內動支所有三

年以前濫用銀數陝省查出較楚省猶多臣方維

甸於上年到陝時曾同原任侍郎額勒布初彭齡

查辦軍需共查出浮支濫應銀六十五萬三千四

百一十餘兩業經額勒布等

奏明分別追賠其未核浮支之銷冊及未開濫應糧員

臣方維甸復督率軍需局司道續查出銀五十二

萬二千四十五兩六錢現已另摺開單具

奏共計兩次查出浮支濫應銀一百一十七萬五千四

百五十餘兩內除糧臺州縣等官應賠浮支數外

凡宜興秦承恩溫承惠等軍營濫應之項均於本

員名下着追如係領兵大員濫應銀兩仍令隨營

糧員賠交毋庸豁免所查應賠銀數浮支者以刪

減銷冊為據濫應者以自行開報原文為據不敢

牽混狗隱移開如有軍營實用例不准銷之款再

當遵

旨奏請

聖訓亦斷不敢虛捏灑銷代人受過再軍需內採買車腳

那文毅公初任陝甘總督奏議

卷九

三

等款原有例扣之一分平餘陝省多未扣存此時

辦理報銷仍將例扣款項核出應存平餘以杜牽

混惟從前司庫撥發興安總局漢中等處糧臺銀

兩及各局各臺轉發各員之項是否實係足平事

隔多載亦須徹底根查前任藩司局員多已陞調

現任陝省者尚有臬司朱勳潼商道吳沂道銜直

隸州知州陳和知府周光裕並曾經領銀之員容

再逐一詢明核實奏

聞至甘肅用過軍需銀兩是否扣收平餘作何支用容

臣那彥成回蘭後督率軍需局各員詳細查核實數



另行具奏謹

奏奉

硃批秉公查辦不可牽混

那文毅公初任陝甘總督奏議

卷九

三

蒙古行鹽

嘉慶九年八月初六日

奏為欽奉

諭旨先行恭摺覆

奏事竊臣於本年七月二十六日欽奉

上諭前因阿拉善口鹽偷越行銷漸至楚省地界有礙准引節經諭令山西巡撫設法查禁而口鹽侵越之弊仍未能絕昨張師誠來京陛見時曾面諭回任後將晉省所食口鹽販運情形查訪具奏茲據奏稱水運口鹽在晉省祇有黃河一道別無歧路現在查明磧口鎮所到

那文毅公初任陝甘總督奏議

卷九

三

蒙古鹽船較前大為減少委無越界多販情弊惟訪聞阿拉善另有鹽海地方在阿拉善之南界與甘肅接壤雖非蒙古自行運售而甘肅民人常往挑取輾轉接販可由漢中直下等語是甘省民人販運蒙古鹽筋以致偷越湖北侵灌淮綱賴有路徑可通不可不嚴行查禁所有阿拉善地方與甘省毗連處所應如何嚴立章程設法防範毋任偷漏販運之處著那彥成率同蔡廷衡悉心籌議具奏伯麟等原摺著抄寄閱看欽此仰見聖主惠民通商澄清流弊之至意伏查阿拉善口鹽運供晉省太原等處民食其船隻必由臨縣之磧口鎮



經過該處上下游皆與陝省葭州吳堡宜川三  
邑地方對岸從前原不免有越境偷漏之弊自上  
年撫臣伯麟欽奉

諭旨嚴立章程酌定每船裝鹽數目以東岸磧口鎮為泊  
船總匯不許於上下游之天橋孟門鎮龍王辿等  
處任意停留撫臣方維甸復於西岸陝省葭州屬  
之萬戶峪吳堡屬之橫溝村宜川屬之西龍王辿  
分設卡隘嚴密稽查按月稟報是晉省既清其私  
販之源而陝省復杜其偷越之路臣詢之方維甸  
並原委承辦之道員楊馥俱稱實力奉行防範頗

那文毅公初任陝甘總督奏議

卷九

美

為周密今伯麟等摺內聲敘情節奸販等由甘省  
鞏秦一帶入陝省隴州分途入楚來踪去跡歷歷  
如畫其說自非無因必當徹底嚴查即為設法禁  
絕臣現已密飭藩司蔡廷衡遴委委員速赴阿拉  
善之南體察鹽海出產之處籌畫防範章程務期  
杜絕奸民牟利之源而又不可稍有紛擾其鞏秦  
等處私販出入必經亦當設卡巡防遏其去路查  
道員楊馥原委查辦陝省私越偷漏之事現因迴  
避赴甘尚在西安辦理交代臣已當面委令馳赴  
鞏秦一帶不露聲色嚴密查報又陝省白河一縣

殊

為入楚要途其西鄉一縣亦另有由川入楚之徑  
臣因臬司朱勳現在漢南已飭其就近妥為查辦  
至伯麟等摺內敘述知府廣玉等所言可見積弊  
流傳為時已久何以向來任聽奸販等來往自由  
地方官毫無覺察恐不免有得受陋規明知故縱  
情事此時清理固不必過事張皇亦必當嚴為禁  
革統俟該司道等徹底清查稟復到日臣再與蔡  
廷衡悉心熟籌另行奏請

訓示謹

奏奉

那文毅公初任陝甘總督奏議

卷九

三

殊批知道了

謹按嘉慶九年十二月二十七日廷寄內奉  
上諭那彥成另摺奏阿拉善鹽務情形一摺已有旨諭知  
方維甸蔡廷衡矣



調撥哈密馬匹

嘉慶九年九月十六日

奏為調撥哈密供差馬匹恭摺奏

聞事竊查哈密每年應需供差馬三百匹向在巴里坤牧

廠馬匹內撥給茲查原任督臣惠齡案准哈密大

臣來咨該處撥用嘉慶七年供差馬匹截至嘉慶

九年二月止實存馬四十六匹不敷供差請將巴

里坤扣留嘉慶九年備撥馬三百匹照數撥解以

資應用等情臣接任後詳加查核哈密供差

馬匹自嘉慶七年撥解馬三百匹之後截至嘉慶

九年二月尚存馬四十六匹則嘉慶八年應撥馬

三百匹自可毋須重撥臣現在飛飭巴里坤總兵

撥馬三百匹作為嘉慶九年分例撥馬匹即令選

派兵役迅速解往哈密交收以資供差其巴里坤

廠所存應撥哈密嘉慶八年分差馬三百匹既已

無須解往自應設法疏通以免在廠擁擠查肅州

甘州永固涼州西寧等提鎮營嘉慶十年春夏二

季均有應行領價買補馬匹且該處均有馬廠可

以留牧且距肅州較近不致長途疲乏應將前項

馬三百匹留為肅州等營十年分春夏二季合例

那文毅公初任陝甘總督奏議 卷九 奏

倒馬補缺之用庶馬廠不致有擁擠之患而各營亦可省買補之煩於

帑項亦為節省再查巴里坤存馬除分撥外尚有出羣

騶馬九百三十二匹足備嘉慶十年分撥給哈密

供差並各營季額倒馬之用謹

奏奉

硃批所辦是知道了



議駁監糧

嘉慶九年十月十六日會同陝西巡撫方公維甸  
奏為酌籌陝省捐納監糧詳查例案體訪市價先將實

在情形縷晰奏陳恭請

聖訓事竊照前任督臣惠齡撫臣祖之望會奏善後事宜

摺內奏稱陝省額貯倉糧自軍興以來動支甚多  
存貯無幾不特急應補足原額並須分別加貯請  
暫開納粟作監之例收糧實倉等因經軍機大臣  
會同戶部議奏以其事尚屬可行惟每名應捐穀  
數是否悉照乾隆三十九年舊案辦理抑或今昔

那文毅公初任陝甘總督奏議

卷九

單

情形不同量為增減且概收本色或致市價增昂  
該省現在捐監原為補足封貯銀兩今又請捐粟  
實倉其封貯銀兩作何籌辦未據聲明行令將如  
何酌量變通之處妥議章程聲明具奏在案伏思  
陝西倉貯空虛自應亟籌備貯若通省採買穀石  
糧價運脚需用繁多且按照部價每石僅發六錢  
實屬不敷市價派買擾累勢所必然今議請暫開  
監糧誠為籌補倉儲良方臣等檢查舊案陝省收  
捐監糧始於乾隆三年至乾隆九年前撫臣陳宏  
謀定立章程最為周妥其時常平倉穀並未動支

缺額係將捐監穀石作為額外儲蓄共應收捐穀

一百六十五萬餘石二十二年又經陳宏謀奏請

定邊等七州縣再收穀三十五萬石二十九年

前撫臣明德奏准添設府倉令各府收捐穀三十四

萬石於三十一年七月奉

旨撥發部帑三百萬兩為甘省買補倉糧之用因將陝甘

監糧停止所有節次議定各府州收捐穀數目均

隨時按照各處糧價合之捐監例交銀數以為差

等是以乾隆三年定例各府州俊秀每名捐穀自

一百二十九石至二百二十五石不等九年因糧

那文毅公初任陝甘總督奏議

卷九

單

價漸貴陳宏謀奏減穀數自八十石七斗五升至  
一百八十三石六斗不等二十二年二十四年三  
十年歷任撫臣將西安延安鳳翔同州各府乾州  
綏德兩州捐穀分別遞減彼時皆實係收捐本色  
糧價增昂則穀數奏減故能收捐無弊倉貯充盈  
迨至乾隆三十九年前撫臣畢沅因甘省收捐監  
糧亦請復開陝省捐監事例原奏摺內即以歲告  
屢豐穀賤傷農為辭一時希冀准行辦理遂不無  
虛飾是年所定捐穀數目原未合算時價不但  
照節年所減之數且較乾隆九年穀數轉有加增



卽以西安一府而論乾隆九年原定每名捐穀一百一十四石七斗五升三十年已減至八十六石乃三十九年復開監糧時又增爲一百二十石相去三十載穀價豈能轉賤推原其故不過以收捐本色爲名其實多收折色又以所收折色銀兩按照部價派買民間徒然苦累農民倉貯仍難補足茲旣爲籌補倉儲起見議開監糧自應切實辦理杜絕向來弊端概收本色惟是近年陝省糧價倍昂更非乾隆三十年以前可比各府州所報糧價尚係將各屬牽算較實在市價減少已與從前糧

那文毅公初任陝甘總督奏議 卷九 聖

價不侔卽如漢中興安商州等府州從前米糧極賤今則加至數倍爲通省最貴之區今昔情形實已迥異查陝省捐監正項運照費部飯等項共收銀一百三兩五錢若將此數計算中等市價僅合穀五六十石不等比對舊案穀數或減一半或減三分之二爲數未免太少部議亦斷難准行若意存遷就仍照舊例穀數收捐合之目前糧價較落庫交納折色銀兩多至倍蓰竊恐納粟無人捐例徒爲虛設總須各屬捐穀之價與藩庫捐銀之數相等按數核明無從避多趨少使有糧者就地納

粟有銀者來省捐銀所費皆同任從民便方於歸還封貯補足倉儲兩事各無妨礙 臣等仰荷 聖主厚恩事事惟期核實如果所定章程實在可行方敢奏請辦理若穀數難以減少收捐不能踴躍於倉貯無甚裨益莫若將納粟作監之例仍請停止 臣等通盤籌畫欲補陝省倉儲舍此別無他法卽收捐數目較舊案未免減少未敢率行定議理合據實縷晰奏

聞謹 奏

那文毅公初任陝甘總督奏議 卷九 聖

嘉慶九年十二月初七日奉

上諭那彥成方維甸奏酌籌陝省捐納監糧情形一摺前因陝省額貯倉糧自軍興以來動支甚多亟應補足存貯該督撫等奏請暫開納粟作監之例收糧實倉經部議令妥酌章程具奏今據那彥成等奏稱近年陝省糧價倍昂若查照舊例穀數收捐合之藩庫交納折色銀兩多至倍蓰恐捐生不能踴躍等語自係實在情事著照所請將納粟作監之例暫且毋庸辦理但倉儲關係緊要仍著方維甸就近體察市價情形一遇歲豐穀賤之時再酌量情形奏明辦理那彥成等摺併發



請緩城工

嘉慶九年十月十六日

奏為籌議固原等處城垣工程暫緩興修以裕經費事

案查前奉部咨令將嘉慶八年咨報文內聲明固原平涼阜蘭岷州四處城垣因雨水衝損並坍塌過甚急應修理又涇州城垣被水衝損均應作速確勘估計造具冊結奏報辦理等因遵查固原平涼阜蘭岷州涇州等五處並上年續報隴西秦安階州鹽茶禮縣靜寧六處均因秋雨過多城垣被水衝損又本年春間漳縣具報該處城垣因歷年

那文毅公初任陝甘總督奏議

卷九

四

久遠坍塌過甚詳請急為修理共計各該州縣城垣一十二處工程均關緊要自應遵奉部示奏請諭旨一律估勘興修以資捍衛但查司庫經費現在不敷又無別款借墊前項工程需費浩繁約畧估計總需銀一百餘萬兩之多當經飭令藩司蔡廷衡復行委員逐細確勘茲據詳報各該處城垣雖不壯於觀瞻尚無妨於攸閉應請暫緩修理統俟經費充裕再行次第估計奏請辦理等情前來伏思各該州縣城垣既屬無妨攸閉現在庫項不能敷餘自應暫為稍緩俟經費充足再行估辦仍飭各該

州縣先就坍塌過甚擇其緊要處所酌為粘補以資保障庶要工可以稍紓而經費不致竭蹶謹

奏奉

硃批所見甚是知道了

那文毅公初任陝甘總督奏議

卷九

四



請仍驛路之舊

嘉慶九年十二月初五日

奏為察訪甘省驛路情形無須遷改請仍其舊以免更

張事竊 臣初抵西安博採輿論將兩省因革事宜

留心察訪僉以甘省改設驛路一事多有未便竊

以驛站係臬司專政當經飭委甘肅按察司崇祿

親往新路查勘實在情形去後旋據稟稱新路地

勢較之舊路本屬平坦惟靖遠境內黃河阻隔每

至夏秋河水漲發灘險浪急過渡維艱不若蘭州

浮橋行走便捷且此路係避山而行地勢窪下每

那文毅公初任陝甘總督奏議

卷九

呈

至大雨時行積水難涸亦多阻滯前督 臣 惠齡委

員履勘時適值冬日道路乾燥未及詳察今復細

詢居民實為沮洳久其自靖遠至鹽茶固原一

帶地方遼澗數千里內絕少人烟凡解送餉鞘及

遣發犯人雖添設營汛墩臺撥差護送而地僻人

稀亦恐不免疎虞之慮似應毋庸改設等情並會

同藩司具詳前來 臣復於沿途詳詢耆民並遇新

疆來往人員逐加訪問亦皆不以新路為便竊查

舊路州縣城池以及墩臺營汛甚為聯絡百餘年

來一切差使從無貽誤今所稱不便行走之處惟

會寧縣屬之七十二道脚不乾溝及安定縣屬安

定橋被水衝斷茲 臣經過該處留心察看查七十

二道脚不乾溝之南另由山上取道行走遠近與

溝內相等而土山開路亦不費力其安定舊橋雖

衝若另行築基重建所費亦不過五六千金此二

處一經修理即無阻滯之虞雖新路驛站安設之

後經費漸有節省而現在即需動項五萬餘兩加

以公館橋梁等項地方官自行捐修亦需銀四五

萬兩甘省地方瘠苦恐又敢不肖之員藉此虧缺

之端 臣愚昧之見更立新制不若遵循舊章既可

那文毅公初任陝甘總督奏議

卷九

呈

於舊路稍為修葺即成安途似毋庸過事更張致

多繁費 臣耳目意計所及不敢不據實

上陳謹

奏奉

硃批既不便行旅竟毋庸辦理為是



恭報回甘

嘉慶九年九月二十五日

奏臣那彥成抵陝以來與撫臣方維甸悉心籌酌善後

事宜現在鄉勇均已安插似可無事至陝省各營

新兵得蒙

聖恩賞借馬乾置地均可衣食豐足無不人人歡忻安分

守法再加教練可成有用之兵惟散遣各營夫役

閒雜人等現在按定章程不日亦可辦竣是善後

要事無過此數端今已定有規模臣擬於拜摺後

即可回蘭州任所將地方事件並年終稿案趕緊

那文毅公初任陝甘總督奏議

料理以後陝省善後尚有應辦各事臣仍與方維

甸隨時札商妥議籌辦統俟明歲春間陝地畝

置買齊全業經耕種臣再行來陝周歷南山及漢

南一帶親為查勘謹

奏奉

硃批知道了

那文毅公初任陝甘總督奏議卷九

那文毅公兩廣總督奏議目錄

卷十

恭謝

天恩附遵旨奏調賢員

控馭外夷

修備水師附籌畫緝餉經費推薦

整飭鹽務附議覆朱侍御復開陽江河運鹽故道

請變通失察械鬪處分

審讞械鬪案

叅劾總兵不能約束兵丁案

那文毅公兩廣總督奏議

查核南番二縣控案

卷十一

緝捕會匪告示附

勦撫洋盜告示附

卷十二


勦撫洋盜附變通接濟洋匪並失察官處分明白覆奏推薦

卷十三

勦撫洋盜告示附

卷十四

擒巨匪李崇玉始末





罷斥逮問

那文毅公兩廣總督奏議

目錄

二十一

那文毅公兩廣總督奏議卷十目錄

卷十

恭謝

天恩

附遵

旨奏調賢員

控馭外夷

修備水師

附籌畫緝餉經費 推薦

整飭鹽務

附議覆朱侍御復開陽江河運鹽故道

請變通失察械鬪處分

審讞械鬪案

叅劾總兵不能約束兵丁案

那文毅公兩廣總督奏議

目錄

三

查核南番二縣控案



那文毅公兩廣總督奏議卷十

上海市庫史文  
獻圖書館藏

男容安恭輯

恭謝

天恩

附遵 旨奏調賈員

容安謹按是時粵東洋盜土匪猖獗日甚先

公特承

恩命調任兩廣到任後昕夕不遑力加懲創是以章奏紛

紘茲謹擇有關整飭修防並緝獲投誠著名案

犯各奏載入其吏治刑錢向由巡撫衙門專政

會辦各件乃率由舊章故未錄載

那文毅公兩廣總督奏議

卷十

嘉慶九年十一月二十三日

擢調兩廣總督奉

上諭那彥成自署理陝甘總督以來辦理地方事務尚屬

妥協著調補兩廣總督並馳驛前往速赴新任不必來

京請訓其陝甘總督員缺著倭什布調補

嘉慶九年十二月初五日

奏為恭謝

天恩事竊

臣於十一月二十八日行抵蘭州正擬恭報抵

任日期並陳奏地方事宜於本月初三日欽奉

諭旨以粵省洋匪滋擾由於會匪勾結將

臣

請任兩廣總

督以資查辦竊維

臣

質本庸愚今蒙

皇上天恩先令署理陝甘茲復調授兩粵每遇有事

驅策悉皆以

臣

年力有餘多方

指示令

臣

可以學習上進將來期有成就

天高地厚之恩迥非泛常可比

臣

聞

命之餘感激悚惶夢寐無已凡

臣

精力心思所能到之處

必期竭盡愚誠力圖報稱惟是才識短淺深恐有

辜

聖德倍覺衷懷戰惕莫知所措伏查粵省洋匪情形誠如

聖諭海船不能直泊岸口必須小船接濟且其食用米糧

那文毅公兩廣總督奏議

卷十

二

菜蔬均非船中可以多種之物專恃搶掠所獲無

多亦必有人為之接濟如令該匪等搶掠既多小

船亦可有不須接濟者至遂溪等縣瀕臨海中被

劫之案近年誠有乃竟敢編造逆詞偽印居然有

不軌情事自當遵照

皇上指授機宜練兵整備訪惡懲奸嚴密查辦

臣

愚見洋

盜不必盡係會匪會匪亦必有洋盜之人是會匪

勾結洋盜之說實事所必有而亦未必盡然

臣

惟

有實力實心認真查辦務期戰守修備有犯必懲

以靖海疆至奉



旨交查之件容<sub>臣</sub>留心察訪一得實情卽行具奏斷不敢

稍有隱飾瞻徇茲<sub>臣</sub>將甘省地方事件面交藩司

蔡廷衡照舊代理卽於初五日起程俟抵西安面

晤撫<sub>臣</sub>方維甸將陝甘善後未竣事宜逐一交代

向須就延數日卽馳驛趕赴粵省接印任事謹

奏奉

硃批任大責重辦理不易一切實心勉力凡事須講求至

當切勿自以爲是勉之毋忽另有旨諭

嘉慶九年十二月十七日軍機大臣字寄奉

上諭那彥成奏接奉調任兩廣總督諭旨恭謝天恩一摺

那文象奏兩廣總督奏議

卷十

三

覽奏俱悉粵東海疆要地近來盜劫頻聞匪徒肆行無

忌地方營伍廢弛已極是以特調那彥成前往以資整

飭現據奏稱於初五日自蘭州起程俟抵西安面晤方

維甸將陝甘善後未完事宜逐一交代就延數日卽馳

赴粵省等語善後事宜該省方維甸本係熟手只須面

行交代卽當迅速赴粵不必多延時日那彥成受恩深

重身任封圻潔已率屬固不待言而地方事件任大責

重惟奮發天良實心勉力凡事須講求至當認真妥辦

以期日漸整頓切勿自以爲是稍涉孟浪勉之望之

謹按嘉慶九年十一月二十三日廷寄內奉

上諭他省員弁內如有能事熟諳可資得力者那彥成相

信有素不妨奏明發往差委其該省現在員弁亦當隨

時留心甄察出力者固應保奏其緝捕懈弛者卽應據

實叅劾俾知勸懲

嘉慶九年十二月初十日

奏<sub>臣</sub>欽奉

諭旨准令將他省得力人員奏明發往

聖慈垂念海疆靡所不周欽感尤難言喻查從前隨<sub>臣</sub>在

粵辦事之原任山東沂州府丁憂知府劉珪江西

吉安府人明白諳練深悉粵東情形計該員此時

那文象奏兩廣總督奏議

卷十

四

應當服滿合無仰懇

勅部飭令該員前往廣東候補之處出自

天恩至現任陝甘候補試用人員初涉仕途於公事未能

諳悉其現在之員均有經手軍需及地方事件難

以遽離容俟行抵西安再與撫<sub>臣</sub>方維甸籌商遴

選另行奏

聞謹

奏

嘉慶九年十二月十七日軍機大臣字寄奉

上諭那彥成摺內懇請發往之知府劉珪該員服闋赴部



業經簡放雲南臨安府知府早已請訓赴任亦未便另行撤回廣東本省官員豈乏明白請練才具卓越之人那彥成到後留心試看自可得人此外或有平素深信外任熟諳現未得缺人員亦不妨奏請發往但總當於本省屬員內秉公訪察果係賢員即當保舉其疲玩因循者即應據實劾使之知所勸懲吏治自日有起色矣

謹按嘉慶九年十二月二十七日廷寄內奉

上諭那彥成所請各員內候補通判易萬里本無實缺之員著即照那彥成所請改發廣東候補其鞏秦階道朱

那文毅公兩廣總督奏議

卷十

五

爾漢青州府知府李戴春二員若即於廣東現任道府內對調安知所調之人又非粵東得力之人朕何從懸揣總候那彥成到粵後察看該省道府內有人地不甚相宜者密行奏明再將朱爾漢李戴春二員特旨對調可也此係特旨不可屢次奏請試思有才幹之員何首不需用若京中官員有所素知可信者不訪密奏發往試用該撫督同吳俊將一切事宜詳細妥籌設法辦理固不可稍事因循亦不可求治太急務期文武同心合力次第整頓以靖海疆而副委任

容安謹按請調易萬里等員乃會方公維甸具奏故未具載

諭內准請京員旋即請調奉

旨先以蔣公攸銜朱公爾廣額温公承志發往以道府用後蔣公官至大學士朱公官至道員温公官至按察使

那文毅公兩廣總督奏議

卷十

六



控馭外夷

嘉慶十年三月十三日會同粵海關監督延公鼎

奏為映咭喇國呈進表貢接奉

廷寄恭摺覆

奏事竊臣等接奉

上諭據倭什布等奏映咭喇國呈進表貢請旨遵行一摺

自應照例賞收著那彥成等即行查照辦理欽此臣等

當即欽遵

諭旨傳諭夷目諭以該國王呈進表貢業荷

大皇帝賞收併諭以

那文毅公兩廣總督奏議

卷十

七

大皇帝

君臨萬國

恩被四表無論內地外夷均係

大皇帝百姓即如汝國鐘表大呢羽毛等物原非中國必

需之物所以准汝國貿易通商者皆出

大皇帝垂憐外夷子民一視同仁之恩此次汝國王恭進

表貢

大皇帝鑒汝等恭順之心

諭令賞收

諭令我等大人們好生恩待汝等併管束內地商人平允

交易汝國來此貿易之人亦須安分謹遵禁令毋

得有違將進到表貢委官恭送進京再

降恩旨至汝國王子大臣等與中國中堂大人們書信禮

物

天朝法度森嚴大臣從無外交之事汝等帶來禮物斷不

必送出惟所帶書信必須交出我大人們也不敢

私自拆閱將原封恭呈

大皇帝御覽再請

發回至汝國管理貿易頭人不過專為汝國貿易事務並

無別項面見稟議事件只須在此好好管束汝國

那文毅公兩廣總督奏議

卷十

八

之人不得違禁生事自來中國大人從無私謁私

見之例我大人們謹遵

大皇帝恩旨體恤夷商管教內地民商公平貿易就是了

汝等須知

天朝法度須感

大皇帝之恩等語明白曉諭該夷目等人人額慶歡欣叩

頭感服伏查外洋各國夷人見小圖利中國布帛

茶葉等物亦其日用急需各夷國又自互相齟齬

是以生恐別夷國間其往來貿易其書信因從前

未經收受是以帶回澳門今臣等明白宣諭伊等



呈出原封書信禮單臣等又將副本令人譯出清稿一併呈

覽查各國洋船向來灣泊均有一定處所澳門離省三百餘里係西洋夷人常川居住向止准西洋夷船二十五隻更替貿易其餘各國夷船例應收泊黃埔欲收泊黃埔必須先進虎門虎門離省一百六十里山岸陰沙自然天險其護貨兵船祇准在虎門外之潭仔零丁等洋面灣泊而黃埔虎門潭仔零丁等處層層礮臺常川均有兵船巡防該夷船收埔時臣等兩衙門仍派有武弁關役彈壓稽查立

那文毅公兩廣總督奏議

卷十

九

法極為周備至各國夷商俱無兵船惟啖咭喇國貨船有兵護送而該國商船亦無兵船惟其國王貨船始有兵船四隻護送其兵船在虎門外交易後隨同貨船回國不准少有逗留臣等兩衙門亦派有兵役防送其餘各夷國貨船內均有礮火器械自資防範於例原准攜帶至該國原表稱歡喜効力等語隱躍其詞誠如

聖諭自係問洋面不靖或需伊等出力之意查夷人不過沾沾計利即如上年澳門夷目願備兵船二隻幫同師船出洋緝捕臣延豐即以體制不符且不能

殊

改寫有誤見勝於

得力與倭什布議以後停止夷船協捕於本年正月會

奏在案而此二隻洋船迄今無踪亦實無遭風失事等事細揣其情形不過藉協捕為名可以免此二船出入納稅而啖咭喇國自亦得聞此事希冀效尤免稅又恐澳門夷船出力有功或待彼國冷淡其意不過如此至各該國夷船船隻既大多載礮火向來洋盜俱不敢搶劫澳門等要處又有師船巡防不致少有疎失可以毋慮

那文毅公兩廣總督奏議

卷十

十

有風聞臣等或身任封圻或職司關鑰急切辦理不能得手晝夜圖維同深憤恨惟有同心協力務請洋氛惠商安民以仰副皇上柔遠安良之意所有表貢另行專員資進外謹先將該國所寄各書信禮單並譯出封呈

御覽謹

奏

嘉慶十年四月二十日軍機大臣字寄奉

上諭那彥成等覆奏啖咭喇國呈進貢表一摺覽奏俱悉啖咭喇獻表輸誠呈進方物前已降旨加恩賞收現在



那彥成等奏明專員賚京俟到京時頒給勅書賞件用示懷柔至摺內稱澳門夷目願備兵船協同緝捕之處延豐以體制不符且不能得力與倭什布商議停止所見甚是緝捕洋匪內地自有兵船豈有天朝借資外夷之理且安知伊等不窺探虛實因此生其輕視之心乃倭什布三義助上年於夷船請往協捕時旨昧允准今該夷船已杳無蹤跡可見並非認真出力那彥成延豐能見及此較之倭什布三義助有識多矣至各國洋船向來灣泊既有一定處所自當仍循其舊那彥成等惟當督率所派員弁隨時留心稽查彈壓勿稍疎懈又據

那文毅公兩廣總督奏議

卷十

十一

覆奏譯出喚咭喇貢使所帶該國宰相寄呈天朝中堂大人書信一節那彥成等論以禮物斷不必送出惟所帶書信必須交出我們也不敢私拆將原封呈覽等語此語甚是但看所譯寄與天朝中堂書信其語氣似專向一人而言並非公信那彥成等當再加以詢問究竟書內所指中堂係屬何人若該使臣稱係寄呈天朝中堂之公信則當明白告知以總督關部俱駐劄粵省經管各國夷船兩國寄呈書信向無不合至於天朝大學士不止一人皆隨大皇帝在朝辦事從無外交爾國宰相不應寄呈書函禮物此後不得再有呈遞那彥成等

詢問時看該使臣如何登覆著隨時具奏

嘉慶十年六月初六日

奏為遵

旨覆奏事竊 臣等欽奉

上諭那彥成等覆奏喚咭喇國呈進表貢一摺覽奏俱悉但看所譯寄天朝中堂書信其語氣似專向一人而言並非公信當再加以詢問究竟書內所指中堂係屬何人欽此 臣等跪誦之下仰見

皇上睿慮周詳曷勝欽佩即飭洋商等傳諭該夷目令其將該國所寄

那文毅公兩廣總督奏議

卷十

十一

天朝中堂之信究係寄與何人不妨明白指出大皇帝亦不加責備但不可稍有諱飾並遵旨諭以

天朝大學士不止一人皆在朝辦事從無外交不比總督監督係專管汝國來往事件之人此後爾國陪臣不得再有寄呈中堂大人們書函禮物茲據洋商等稟據該夷目復稱本國僻處重洋實不知天朝有幾位中堂亦不知中堂名姓亦不過照常辦理是以所寄書函並無專指惟有稟遵

諭旨即速寄知本國嗣後不敢再行呈寄中堂信物等語



並譯出夷稟詞語極為恭順臣等覆加查覈所稱不知中堂名姓書信並無專指之處似屬可信至澳門夷目願備兵船協同緝捕一節前欽奉

諭旨即將嗣後永遠停止及出洋未回之二夷船挨查下落緣由附片具

奏在案茲據澳門委員胡湛稟稱上年隨同師船出洋捕盜夷船二隻均於五月內次第回澳即諭令嗣後不必再請協捕當即歸額營生照常貿易是該二夷船誠如

聖諭並非認真出力不過借緝捕為名其實影射營運以

那文毅公兩廣總督奏議

卷十

十三

冀漏稅地步臣等惟有留心查察嗣後倘該夷目等再有呈請仍不露聲色止不許其請亦不道破其情獎俾各夷船安心貿易以示懷柔而昭體制謹

奏奉

硃批覽

嘉慶十年十二月十五日

奏為俄羅斯夷船來廣貿易不便甚是進行恭請

聖訓事竊臣於陸豐途次接准前任監督延豐咨商本年十月內有啞啞國即俄羅斯夷商嚙啞嚙啞

二船載有皮張銀子來廣貿易該監督因該國向與

天朝通市係在

京師北口之外由旱路行走今由海道至廣試做買賣事雖創始其願請情詞頗為恭順若不准其開船輪稅卸貨似非懷柔遠人之道是以咨商臣會銜具

奏伏思俄羅斯僻在極北彼處所最要者中國所產大黃向止許其在恰克圖一帶通市國雖強大實因此制其生命今請來廣貿易恐奸商貪利稽察稍

那文毅公兩廣總督奏議

卷十

十四

疎大黃不難多得且來往熟悉海道及內地情形殊非好事臣正在議駁間適接延豐來字以新任監督阿克當阿抵粵延豐即日交卸印務奏報起程已將此案事宜列臣之銜具摺拜發臣接信後已阻止不及因飛札與新任監督暫止其開船卸

貨以免日後滋弊查乾隆五十三年間松筠奉

旨專辦恰克圖通市之事臣雖能記憶未知其詳應請

旨飭軍機處查明准駁再行辦理謹

奏

嘉慶十年十二月十五日奉



上諭那彥成奏先准延豐咨商有路啞國即俄羅斯商船  
 二隻載有皮張銀兩來廣貿易應准開船輸稅咨商會  
 銜具奏那彥成正在議駁間又接延豐來字以新任監  
 督阿克當阿抵粵延豐即日交卸起程將此案事宜會  
 銜具奏那彥成阻止不及因飛札與新任監督暫止開  
 船卸貨以免日後滋弊各等語此事前據延豐奏到朕  
 即以伊等所辦羸率傳旨申飭並將延豐議處那彥成  
 孫玉庭均交部察議諭令吳熊光即查明該商船如尙  
 未卸貨即令停止納稅奏聞候旨遵行茲那彥成奏俄  
 羅斯僻在極北向止許在恰克圖一帶通市今請來廣

那文毅公兩廣總督奏議

卷十

十五

貿易恐奸商貪利私售且來往熟悉海道及內地情形  
 亦多未便等語那彥成辦理此事與朕意相符所見甚  
 是那彥成有此一節可嘉其在粵東總督任內所獲各  
 罪愆將來議上時朕尙可加恩末減現在那彥成業已  
 飛札阿克當阿止其開船卸貨吳熊光應即會同阿克  
 當阿曉諭該商以爾等商船向止在恰克圖通商貿易  
 本有一定界限不可輕易舊章著即將船隻貨物駛回  
 本國不許在廣逗遛並著吳熊光迅飭沿海各口岸或  
 該商駛往別處海口懇求通市均一體駁回並著嗣後  
 嚴密稽查如各海口有似此越界欲求通市者俱實力

禁止免滋事端

嘉慶十年十二月十五日奉

上諭昨因延豐於路啞國商船至粵擅令交易一事辦理  
 羸率已降旨申飭並因延豐摺內有札商那彥成及會  
 商孫玉庭之語是以將延豐交部議處那彥成孫玉庭  
 交部察議本日據那彥成奏稱於陸豐途次接准延豐  
 咨商路啞國即俄羅斯商船二隻來廣懇請貿易咨商  
 會銜具奏那彥成正在議駁間適接延豐來字以新任  
 監督阿克當阿抵粵延豐即日交卸已將此案事宜會  
 銜具奏那彥成接信後已阻止不及因飛札新任監督

那文毅公兩廣總督奏議

卷十

十六

暫止開船卸貨以免日後滋弊各等語那彥成所見甚  
 是與朕意適相符合而前此延豐具奏摺尾後聲敘督  
 臣那彥成現在出省巡閱與之札商並與撫臣孫玉庭  
 面商意見相同合詞具奏是延豐於辦理此事既經札  
 商督臣並不候那彥成札覆是否准其貿易之處熟商  
 妥辦輒敢擅將意見相同之語誑詞入奏實屬專擅乖  
 謬前經交部議處尙覺稍輕延豐著交部嚴加議處那  
 彥成於俄羅斯商船來粵通市接延豐札商時即欲議  
 駁原無不合所有前次交部察議之處著即行撤回至  
 孫玉庭現駐在省城於延豐會商時未經阻止亦隨同



准令卸貨輪稅實屬銷課玉庭仍著交部察議

那文毅公兩廣總督奏議

卷十

七

修備水師 附籌畫緝勦經費 推薦

謹按嘉慶九年十一月二十四日廷寄內奉

上諭據長麟奏稱伊在兩廣總督任內曾經製造米艇若干隻並有商民捐辦若干隻用以出洋捕盜最為便利等語聞近年來營官以船身損壞不便駕駛地方官則以修費不貲互相推諉遂致終年停泊日久徒歸朽廢前經倭什布等奏請將繪船改造之米艇三十三號懇於關務盈餘項下動支銀四萬兩修理業經降旨准行又據奏該省初造米艇九十三號今沿海東中西三路各有米艇數十隻亦經軍機大臣議令將實在船數咨

那文毅公兩廣總督奏議

卷十

六

部查核那彥成到任後即查此項米艇現在實有若干隻如有損壞即應督飭地方官上緊修整以備出洋勦捕之用至修船等項一切均須經費前曾據倭什布等奏請將關鹽盈餘銀十四萬兩全數留存支用又請於武職空缺養廉及田房稅羨項下每年約餘銀二三萬兩一併動用亦經議准施行仍著那彥成悉心設法通盤籌畫如該省尚有閒款可以留貯備用者不妨奏明歸入緝捕項下支銷總須經費裕如方可責成捕盜即如海船舵工一項聞好手多為賊船僱用蓋由小民趨利若鶩在賊船中得受僱價較多是以樂為之用若官



為僱用時亦酌加工價伊等自必欣然就僱方足資駕  
駛之力那彥成惟當隨事妥籌行之以實轉不必稍存  
惜費之見致有空礙廢弛也那彥成年富力強受恩深  
重尤應虛衷集益整飭吏治申嚴武備緝除匪黨肅清  
海洋以副委任

謹按嘉慶九年十二月十八日奏內

奏查補修米艇並一切經費誠如

聖諭必須於開款籌撥支銷使經費裕如方可責成捕盜  
諄諄令臣當顧大局莫惜小費然事當期於核實臣固不

敢拘泥鮮通亦不敢因有此

那文毅公兩廣總督奏議

卷十

十九

旨遂令任意糜費惟有悉心籌度於無益之費不准稍涉

通融而於有益之費斷不肯畧為靳惜亦必請

旨動用總期節濫用以濟實需庶經費不致虛糜而緝盜

可收實效謹

奏

謹按嘉慶十年正月二十四日廷寄內奉

上諭緝捕盜賊必須經費充裕平時足資籌備遇有劫掠  
之事齊心追捕方能得力聞從前粵東原有關稅及鹽  
務各項盈餘銀二十萬兩提出作捕盜經費吉慶任廣  
東總督時因安南阮光縉窩留洋匪多在該國江坪地

方潛匿粵省洋面尚為安靜其時又值川陝軍務需用  
浩繁吉慶遂將該省關鹽各項盈餘銀兩提出歸公原  
為一時權宜之舉後阮福映并有安南不復窩留洋盜  
以致積年匪徒俱遁入內地沿海口岸劫掠現在粵東  
情形較前不同其捕盜經費自不免於支絀此時川陝  
軍務告成何必將此區區公項解京支用所有吉慶從  
前提出歸公之項自應仍留該省作為捕盜公費前會  
諭令優什布等籌撥捕盜款項總未據伊等詳晰覆奏  
那彥成等接辦後務當通盤計算寬為籌備將沿海地  
方各酌給緝捕之費勿使辦公拮据查明吉慶從前歸

那文毅公兩廣總督奏議

卷十

二十

公各款若係奏案仍奏明留粵以為捕盜經費或此外  
別有可籌款項亦不妨奏明辦理庶一切防捕有資地  
方文武無可藉口以期盜匪漸次肅清則裨益於民生  
國計者甚大正不可惜小費而忘遠計也

嘉慶十年二月二十四日

奏為遵

旨酌籌緝捕經費恭摺奏

聞請

旨事竊臣籌議海陸情形及辦理章程業已另摺奏請  
聖訓所有應需經費尤須預為籌備方不致臨時周章臣



屢次接奉

諭旨諄諄令臣籌備經費不可因小悞大臣並將

諭旨宣諭各文武司事官員莫不感懼畏服同深歡頌查

自乾隆五十九年製造米艇緝捕洋匪以來歷年

費用自六七萬至十餘萬不等雖每年亦有擒捕

而現在洋匪不但不能見少轉見其多臣恭譯

指示各機宜得知與其經年費用徒致虛糜何若寬為籌

備早收實效一經肅清則永遠節省誠為

運籌決勝之至計

洞悉全局之要機令臣開悟愚蒙辦理早得握要查從前

那文毅公兩廣總督奏議

卷十

三

粵東太平各關及官鹽原有盈餘在外捐為緝捕

之費並不報部開銷及嘉慶五年經前督臣吉慶

奏請充公嗣廣西潯梧二關銀六萬兩留存兵餉

粵海關銀三萬兩由該關自行解京餘銀十四萬

兩已蒙

恩准留為粵東修造船隻及捕盜官弁兵丁口糧之用臣

檢查舊案近年以來官弁兵丁口糧一項即需銀

七八萬兩不等至於船隻礮械更無一定以米艇

常年在洋冲涉波濤或與賊接仗或風擊礮冲一

經損壞動輒數千餘兩若槓槓蓬索時需修理即

火藥鉛彈弓箭亦必須隨用隨補而修造工料皆

屬急需未免市價居奇較之例價不止倍蓰以致

動形掣肘此外調防兵丁口糧舵工水手每年又

需銀十餘萬兩計關鹽盈餘實有不敷雖經優什

布等奏請在於武職空缺養廉及田房稅羨餘剩

銀兩內動支但此二項亦僅二三萬兩於事仍屬

無濟現擬添造米艇三十二隻并配製礮械等用

即需銀十三萬餘兩船隻既多即須添撥弁兵并

修理舊船加以口糧等項需用更繁臣仰蒙

聖訓不可吝惜小費斷不敢因有此

那文毅公兩廣總督奏議

卷十

三

旨濶涉浮濫然亦必須通盤計算使經費不致支絀方期

克收實效查廣東每年地丁雜項均有一定支款

不能有餘業已歸公之款均有經費之項不使停

解若仍復陋規亦無此體制臣現與藩司廣厚再

四籌維惟有以本省之項濟本省之用庶較省便

查各省收納監生銀兩現在欽奉

上諭自十一年為始每屆收足十萬兩即補還封貯具

奏一次欽此臣伏思各省封貯銀兩原以備地方緊急

之需粵東現在緝捕洋盜并購緝土匪爛厝在在

均須動項辦理而無款可撥此項捐監銀兩每年



約收銀二十餘萬兩並非正款且封貯本為留應  
 急需今既有急需自可暫緩封貯即將此項捐監  
 銀兩自嘉慶十年為始同關鹽盈餘作為捕盜經  
 費臣仍督率藩司一切撙節支用不准稍有浮冒  
 核實報銷庶經費不致支絀每年如有餘剩仍收  
 歸封貯俟海疆安謐封貯歸足即奏明請  
 旨停止可否如此辦理之處奏懇  
 訓示遵行至緝捕盜匪需用之項太多實不能無外銷之  
 項再為熟籌酌辦謹  
 奏

那文公兩廣總督奏議

卷十

三

嘉慶十年三月十六日奉

上諭前因粵東緝捕洋盜經費不敷節經降旨諭那彥成  
 預為籌備免致臨時周章茲據奏稱該省添造米艇配  
 製礮械及添撥弁兵修理舊船給發口糧等項需費繁  
 多所有留粵支用之鹽關盈餘及武職空缺養廉田房  
 稅羨各項銀兩支用不敷請將該省捐監銀兩作為捕  
 盜經費暫緩封貯等語各省收納捐監銀兩前已有旨  
 令於嘉慶十一年為始將所收之銀補還封貯今粵東  
 緝捕需費既多又無別款可以籌撥著照該督所請准  
 其將該省捐監銀兩暫緩封貯作為捕盜經費該督務

須督飭所屬一切撙節支用不得稍有浮冒並著將所  
 收捐監銀兩每屆收足十萬兩及支用款項若干奏報  
 一次仍於年底將收銀總數及支用各款分晰彙奏一  
 次至所稱緝捕盜匪需用之項太多實不能無外銷之  
 款等語捕盜需用經費雖款項繁多但總須逐款報部  
 庶有稽核若祇令在外支銷則是經手之員易於借名  
 影射必致將並未動支無可開銷之款概行列入殊非  
 慎重帑項之道該督惟當確核實銷按款報部不得有  
 外銷名目致滋弊端

嘉慶十年四月二十日

那文公兩廣總督奏議

卷十

四

奏為遵

旨覆奏事竊臣那彥成前以粵東緝捕洋匪經費不敷懇  
 恩將封貯捐監銀兩自嘉慶十年為始同關鹽盈餘作為  
 捕盜之費荷蒙

允准並

諭督飭所屬一切撙節支用不得稍有浮冒並著將所收  
 捐監銀兩每屆收足十萬兩及支用款項若干奏報一  
 次仍於年底將收銀總數及支用各款分晰彙奏一次  
 欽此仰見

睿慮周詳無微不至於寬為籌備之中仍寓嚴實辦公之



意<sub>臣</sub>等即將欽奉

諭旨宣示司事各文武官員莫不欽服感頌查粵東洋面不靖師船常川出巡所駕水艇時須修整動輒數千餘金而官兵口糧亦有經費其船上應用器具及軍裝礮械等件補製修造在在均係急需<sub>臣</sub>等此次辦理確遵

聖訓斷不敢吝惜小費亦不敢苟且草率貽誤事機凡有一切支用<sub>臣</sub>等俱時時留心嚴加察覈司道等亦均各有所司公同稽察斷不令稍有浮冒濫銷其中但有可省者亦概從裁減且船隻器具以及一

那文毅公兩廣總督奏議

卷十

三

應費用之件果能堅固結實即可長久備用縱有

損壞修理亦易不需大費<sub>臣</sub>等仰蒙

高厚天恩惟有稟遵疊次

聖訓諸事務從謹慎確實節無用以濟有用以仰副我皇上任使之意<sub>臣</sub>等謹遵

諭旨自十年正月起統俟收足十萬兩及作何開銷之處奏報一次仍令藩司將每月所收捐監銀數詳<sub>臣</sub>等衙門以備稽覈至年底將收支各款分晰查明又彙奏一次所有截至九年十二月止收存銀五萬四千三百二十兩仍派員解部謹

奏奉

硃批覈實辦理不可浮冒

嘉慶十年八月十三日會同廣東巡撫孫公玉庭奏為沿海捕務需用礮火籌議添製事竊照官兵出洋捕盜火器之利捷於刀矛攻遠摧堅惟礮位最關緊要非預為籌備恐臨時不足以資配用現在東中西三路洋面配船配兵及沿海五千餘里各屬添建礮臺礮樓在在均需礮火查定例存營礮位三十年准製十五年准修備帶出洋火藥每年於歲底綜計用過勛數咨部核銷併製造需銀均准

那文毅公兩廣總督奏議

卷十

三

在於公費內開銷歷經遵辦在案現當捕務喫緊之際據各屬詳請添給礮位及具報炸損各礮候確切查明應賠應製分別核辦外所有原給礮汛兵船各礮位遇有轟擊年久口門寬大或震裂炸損難於點放者自應隨時換給臨時方不悞事但鑄造新礮生鐵必須陶鎔熟鐵仍須錘鍊併置辦泥模爐竈有需時日鑄成之後演式不合又必挑換另鑄方堪撥用非一時所能猝辦<sub>臣</sub>等與司道等公同籌議應即寬為製造收貯省局庶幾有備無患此次應請添鑄生鐵三千勛大礮十位二



千觔大礮二十位一千五百觔大礮二十位一千二百觔大礮二十位一千觔大礮三十位八百觔大礮三十位五百觔大礮四十位共礮一百七十七位共重一千九萬八千觔按礮每位配封口五十個羣子二百五十個共重二萬九千觔熟鐵子母礮八十位每位連子四個重一百五十九觔按配鉛子六千個共重一千五百觔查生鐵礮每百觔例價銀三兩二錢四分熟鐵子母礮每位例價銀二十六兩四錢九分二釐熟鐵劈山礮每位例價銀一十四兩零七分九釐封口羣子每百觔例價

那文毅公兩廣總督奏議

卷十

七

銀二兩一錢七分六釐鉛子每百觔例價銀三兩五錢按照核計共需銀一萬零九百三十八兩二錢零五釐火藥以硝磺柴炭膠工器具併計每百觔例價銀三兩九錢一分五釐五毫共需銀三千九百一十五兩五錢二分共需銀一萬四千八百五十三兩七錢零五釐此項礮火係為備用製辦司庫並無閒款可動查有嘉慶七年分前督臣吉慶等附片奏明修整中路舊米艇案內鹽商捐辦添製礮械銀一萬兩繳貯藩庫尚未動用應卽在於此款內儘數動支委文武大員監工趕緊製造

尙不敷銀四千八百五十三兩七錢零五釐應請在於藩庫支存公費項內奏支動用工竣造冊咨部核銷再照粵東歷辦礮位火藥例價不敷均需捐資津貼前項生鐵礮需津貼銀五千四百六十四兩八錢熟鐵礮需津貼銀二千四百四十八兩零四分封口羣子需津貼銀一千零五十九兩九錢六分鉛子需津貼銀三十八兩火藥需津貼銀二千八百九十九兩五錢共尙需津貼銀一萬一千九百零一兩三錢除前存之商捐銀一萬兩於例價儘數動支外再有不敷臣等與司道公同捐辦

那文毅公兩廣總督奏議

卷十

天

據廣東藩司廣厚臬司吳俊會詳請  
奏前來 臣等確核屬實謹  
奏奉  
硃批照所請辦理

嘉慶十年十一月十一日

奏為紳士捐資修建城工礮臺並勸添礮卡安兵事竊照陸豐縣甲子所城瀆臨大海烟戶殷稠為洋匪出入窺伺之地會匪李崇玉又復生長是鄉春間查拏該匪被逃之後經陞任惠潮道吳俊碼石鎮洪藩鏘先後勘得該處城垣坍塌甚多港口礮臺



向有東西兩臺之名實係俱在港東其港西並無  
鍵鑰於守禦之方未甚周密應添建港口西面礮  
臺一座又東西蘇公廟及東宮渡前應各建小礮  
臺一座待渡山頂應建望樓一間又芒湖北岸之  
鹽埠前石頭潭西宮廟等處應各建小礮礮一座  
又甲子西鄉之鹿欄山尾港口等三處應各建礮  
礮一座又華涌鄉前之圭湖地方應建礮臺一座  
將各情形繪圖貼說並該道府縣等稟請倡捐候  
示前來臣細加確核該處為惠潮兩府適中要隘  
之地且李匪既已奔竄下海更恐不免勾結水陸

那文毅公兩廣總督奏議

卷十

三九

匪徒登岸滋擾必須有備無患正在籌議間即據  
甲子所紳士李道振李經猷林淑周劉家耆劉家  
新劉毓承等各具呈籲請捐貲出力分別建修前  
項工程該紳士等誼篤桑梓深可嘉尚當即賞給  
匾額以示獎勵去後茲據該縣等具報各工俱已  
完竣臣即於查閱營伍之便親至甲子逐一勘驗  
一切工料因毫不假手胥役是以均皆堅實可以  
經久當即傳齊各紳耆耆老而加優獎諭以守望  
相助之義遇有洋匪過岸游奕即須協力同心嚴  
密查禦本地地方設仍有結盟拜會聚匪械關如李

崇玉其人者必須早為舉報或拏送治罪以淨根  
株不可養奸滋蔓致貽鄉里之害該紳士等無不  
頌戴

皇仁互相教誡共安耕鑿以樂

昇平其首先倡導捐貲出力之紳士候補縣丞劉家耆貢  
生李道振監生李經猷林淑周劉家新劉毓承等  
應請

聖恩給予加銜頂戴以為表率而示激勸所有貼防兵丁  
及礮械火藥等項即經查照舊設新添分別酌為  
派撥存貯俾資捍衛至其餘沿海口岸均屬緊要

那文毅公兩廣總督奏議

卷十

三九

賊匪一經登岸失事者往往十居八九固由營伍  
廢弛而推原其故實亦由礮臺不盡得力礮臺多  
在沿河空濶之所稽諸前明志載原為防大股倭  
寇而設藉壯聲勢使賊有後慮不敢深入今承平  
日久兵額亦減而其地則孤立無援百餘人便可  
圍劫所謂天柱地維兵家之所深忌臣親加履勘  
百計籌維祇有於臺旁添設礮卡勢成犄角方得  
此擊彼應之勢即就各村墟所有望樓礮礮舊址  
勸令興修併察看緊要處所亦令添設現在沿海  
頗稱得力臣又復親臨獎賞民情更加踴躍可以



仰副

皇上慎重海疆之至意謹

奏

嘉慶十年十一月三十日奉

上諭據那彥成奏粵東甲子地方濱臨大海素為洋匪出入城垣坍缺港口西面等處應添建礮臺墩臺及望樓城臺等項據該處紳士李道振等稟請捐貲出力分別修建以資捍衛現已各處完竣懇恩量加優獎等語該紳士等誼篤桑梓首先倡導捐貲修建急公可嘉候補縣丞劉家奇著加恩賞給知縣職銜貢生李道振著加

那文毅公兩廣總督奏議

卷十

三

恩賞給州判職銜監生李經猷林淑周劉家新劉毓承等均著加恩賞給主簿職銜以示鼓勵該部知道摺併發

整飭鹽務

附議覆朱侍郎復開陽江河運鹽故道

嘉慶十年五月十六日

奏為請寬欠銷鹽引處分並分年帶銷積引以裕奏銷事竊兩廣鹽務省河各埠額引六十萬零九千一百五十二引徵餉銀四十九萬四千七百六十七兩九錢九分二釐潮橋各埠額引二十萬零五千三百五十八引徵餉銀一十二萬六千四百一十四兩八錢五分四釐全藉場鹽旺收轉運迅速方於課餉引目無有墮悞蓋粵鹽行銷七省道路遠近不齊水陸險夷不一惟能配鹽如期斯商人不

那文毅公兩廣總督奏議

卷十

三

致悞運陸續到埠斯州縣不致欠銷其

奏銷限期則係遞年壓銷於每年十二月底造冊

題報自來遵辦在案惟自前年冬底以至去夏陰雨連

綿池塌浸淡不能起滷晴日甚少耙曬無時鹽筋

失收以致課餉引目不能及時徵銷經前督臣倭

什布於上年十月中

奏請將嘉慶八年

奏銷展限至本年六月內辦理在案嗣於本年二月奏

到部文不准展限臣當即嚴飭運司蔡共武趕緊

辦理茲據該運司造冊前來臣詳加查核省河應



徵餉銀俱係全完潮橋應徵餉銀核算已完分數計六分二釐八毫二絲欠完分數計三分七釐一毫八絲除照例詳晰造冊具

題外仍嚴飭催令續徵以清餉款至粵省應銷引目向係先課後鹽是以此次

奏銷雖核之課餉全數統計已完九分有餘而引目則省河與潮橋均未能全行銷拆通計各州縣督銷引目分數省河自全銷至欠銷四分以上不等潮橋自全銷至欠銷八分以上不等合算分數共欠完三分六釐一毫查定例州縣官欠銷引鹽核其

那文毅公兩廣總督奏議

卷十

五

所欠分數應行分別議處粵省鹽務

奏銷各州縣行銷引目自改綱後歷年俱係全完惟上年實因雨多鹽少海運維艱鹽不能及時到闕源源運埠以致各州縣無鹽可銷並非緝私不力有鹽而不能督銷者可比况課餉已完九分有餘費雖莫貸情亦可原但業已不能足額自有照例應得處分此次冊開各州縣欠八分以上例應革職者二員欠六分七分例應降調者三員欠四分至一分應降職降俸停陞者則有一百六十五員之多若因此俱干吏議降革者即須離任即降職者

亦於調補多有窒礙蓋產鹽半藉天時原不盡關人力本因無鹽而不銷並非督催之不力下情確係如此臣亦不敢壅於

上聞再四思維惟有仰懇

天恩俯念課款已完九分有餘至於欠銷引目亦非事出無因應如何法外施

仁量予寬假之路出自

聖慈未敢擅便其欠完引目三分六釐一毫計鹽四十六萬零七百一十二包為數甚多現距年底

奏銷之期只有十月既須拆九年新引又令補拆八年

那文毅公兩廣總督奏議

卷十

五

舊引其勢實有不能可將現欠積引分作三年帶銷以紓商力之處尤出

皇上逾格

鴻施至該運司蔡共武職司謹運不能督飭各商轉轉運以致州縣欠銷雖因歉收難運所致並非督催不力然既積成短欠咎有攸歸現據該司自行詳請察處前來理合隨摺附奏請

旨交部議處至嘉慶九年

奏銷應於本年十二月底造冊

題報現在天多晴明場產較旺配鹽趕運可望暢銷惟



此時甫經

奏銷拆行新引扣至年底為時已促民間食鹽有數勢

不能兼人而食併口而銷應否

奏請展限辦理容臣隨時察看情形再行具

奏臣蒙

皇上

高厚恩施至優極渥事事惟期核實整頓不敢稍存迴護

為屬員開脫處分亦不敢稍有捏飾致引餉有悞

徵銷不揣冒昧謹會同廣東巡撫臣百齡合詞恭

奏謹

那文毅公兩廣總督奏議

卷十

三五

奏

嘉慶十年六月初十日奉

上諭據那彥成奏兩粵鹽務因上年雨多池塌浸淡海運

維艱欠銷引目三分有餘計鹽四十六萬餘包為數甚

多奏銷時既須拆九年新引又令補拆八年舊引其勢

實有不能不懇恩准其分年帶銷等語著加恩將兩粵

現欠積引分作三年帶銷以紓商力該部知道

嘉慶十年九月二十六日

奏為查明粵省鹽務積弊據實陳奏請

旨遵辦事竊查粵東鹽務在乾隆五十二三年間商疲久

重引墮

帑虧前督臣孫士毅福康安於極弊之中設為改埠歸

綱之法令眾商集銀一百四十餘萬兩以為轉輸

資本並犁定一切章程

奏明更新辦理是改綱為粵省鹽務一大關鍵果能遵

守範圍何至積弊日深至於束手難辦臣於本年

正月到任因鹽務係總督衙門專管即向運司蔡

共武與鹽務大小官員及局埠各商諮諏利病復

檢查從前改綱原案與現行事例逐一覈對並無

一款相符而其所以不符之故亦均不能明晰登

那文毅公兩廣總督奏議

卷十

三五

答且先據各處民人紛紛以鹽價增昂赴控並有

原捐綱本之黃上熹等亦在臣與撫臣百齡衙門

具呈許控綱商舞弊等情臣於鹽務本屬未諳溯

查十餘年來歷來接任之人每於蒞任之初俱有

一番查辦各年餉課亦尚無虧而總未能剔見底

裏以致各商現辦事宜後先矛盾於是私利歸商

官不能秉公而鹽務益壞若不亟予清釐流弊將

來竟無從著手惟事係鹽務積弊運司先事未能

查明自應迴避臬司案件過煩無暇他及是以臣

前經







既已提庫收存即與公項無異局商領本轉輸羨  
交而本自在且十數年來所銷積引裕息採買鹽  
勛及所收工伙為數不貲乃嘉慶三年經前督臣  
吉慶奏明尚有未提庫鹽本三十六萬餘兩現在  
實存運庫銀止七萬餘兩連轉輸之銀亦不過二  
十餘萬兩其虛懸及借墊者竟至八十餘萬兩前  
虧雖補後虧更多此弊之顯而易見者也臣查綱  
局十五年來冊檔底簿籍盈箱累案牽混朦朧經  
臣督率藩司廣厚暨委員及該局運司司事人等  
秉公核對計局商共賣積引裕息採買三項鹽勛

那文毅全兩廣督奏議

卷十

三

二百二十七萬六千餘包約計得羨銀二百萬兩  
零除交完舊欠及各公項銀一百五十七萬餘兩  
尚應餘銀四十餘萬兩共收工伙等項銀四百八  
十四萬五千兩零除去冊開支用銀三百七十三  
萬餘兩尚應除銀一百一十萬餘兩其支用各款  
實在必需之項固多虛糜濫用之處亦正不少至  
於轉輸鹽本更不應借墊雖俱有案可稽並非竟  
無著落而漸虧漸絀殊與通釐根本攸關查鹽務  
本屬腥膻利之所存即弊之所存臣受  
恩深重督理通釐體知局中積弊百端不能不徹底清查

爰定章程使利歸於公於通省大有裨益歷來之  
所以不能查辦者蓋先為所免而後從而徇之十  
有餘年勢成積重清查之始該商等亦不免意存  
覬覦轉以不肖之心來相猜度今臣悉心耐性按  
冊憑文將諸弊和盤托出鹽務官員與商人等始  
深知畏懼現據該商溫永裕張履和吳昆同陳維  
屏衛履泰麥廣源陳章松等呈稱商等辦理局務  
錯謬糊塗極應查封治罪但係愚昧不善經理情  
願將帑本十三萬兩零鹽本及尾欠八十九萬兩  
均願認賠出再認繳銀四十萬兩共銀一百四十

那文毅全兩廣督奏議

卷十

四

三萬兩本年先繳銀四十萬兩其帑本十三萬兩  
零於明年連息交清鹽本及商民尾欠八十九萬  
兩分作六年補完其已借墊之鹽本如有收回之  
銀一併繳充公用以贖前愆等情查該商等願請  
繳本罰銀冀圖贖罪是止知保護身家而不知森  
嚴  
國法自難允其所請惟是歷查冊賬官非一任任非  
一人自改綱以來鹽務之無沾染者不過一二人  
執法而辦必與大獄其中官員之存亡陞降不下  
數十人案屬既往於現行之事亦未必盡皆有實



濟臣受

恩至重任勞任怨原所不辭但事須有益於現在徒邀風  
厲之名而轉非實心辦事即現在商人一時更換  
亦不得人若封產治罪伊等於數年前即恐破案  
貲財亦早多方隱寄臣轉轉思維茫無主意此事  
一經參奏便闕重大其應如何辦理仰懇  
睿裁訓示俾得有所遵循實為至幸謹

奏奉

硃批軍機大臣會同戶部朱珪長麟議奏

嘉慶十年十一月初九日軍機大臣字寄奉

那文毅公兩廣總督奏議

卷十

聖

上諭本日軍機大臣會同戶部議覆那彥成所奏查明局  
商積弊亟應查辦一摺粵省行鹽章程自乾隆五十五  
年定議停止發帑改埠歸綢於省河設立公局令衆商  
厚集鹽本提貯運庫由局商領本赴場收鹽存局衆商  
分赴鹽櫃領鹽運銷立法本為詳備那彥成前經奏稱  
溯查十餘年來鹽務日壞係官商奉行不善應徹底清  
查而該處官商所以辦理不善之處那彥成並未能詳  
晰指陳懇何緩辦至部中祇能稽覈鹽課完欠數目現  
據戶部奏稱查改綢後至嘉慶七年鹽課均係年清年  
款並未拖欠更無從查辦該省官商積弊看來此事非

那文毅公兩廣總督奏議

卷十

聖

目擊該處行鹽情形不能覈實辦理吳熊光現已莅任  
粵東著即將粵省鹽務自改埠歸綢後十數年來官商  
等如何辦理不善之處詳細查數如查明實有侵蝕影  
射等弊即應嚴參懲辦不可稍有瞻徇至於局船一項  
原為運鹽而設據那彥成聲稱額設本有二百七十餘  
號現在祇存四隻等語局船即間有遭風失水及日久  
朽壞等事亦何至以二百七十餘隻之多僅存四隻日  
前溫汝迺奏粵省洋盜滋擾情形即稱賊劫大洲場燒  
鹽船六七十隻又至電白港搶鹽船七十餘隻又搶水  
東鹽船二十餘隻等語可見該省洋盜恣肆任意焚搶  
船隻無所不至且以官設局船被盜匪搶去是不惟徒  
糜工費竟似局船轉為洋盜所資藉矣吳熊光併應體  
察情形應如何修復局船俾資轉輸運並如何實力  
稽查防範不至復有被盜匪焚劫之事務須妥協籌辦  
其那彥成所奏新增工伙私取暗羨等名目現據部臣  
奏稱並非報部之款係屬額外浮收亦著吳熊光查覈  
應如何裁減並將此等名目始自何時查明參奏至歸  
局之積引暗估正綱加配之帑息有礙準地以及採買  
餘鹽不以留配正引徑聽局商私運種種弊竇亦宜一  
律查禁務俾課帑商情兩有裨益吳熊光接奉此旨著



即將粵省行鹽一應章程及剔除積弊之處詳細籌酌  
悉心妥議具奏

容安謹按兩粵鹽務積弊日久 先公秉公持

正力求整頓欲為

國課求實貯不避眾怨直陳

補座又復不為己甚故有懇免處分之請蓋於積重難返

之餘為

國為民以求實濟茲奏入

告值以收撫洋盜解任

命交後任吳公熊光酌議

那文毅公兩廣總督奏議

卷十

聖

嘉慶十年七月十二日會同廣東巡撫孫公玉庭

奏為勘明陽江河道難以疏濬遵

旨覆奏事竊 臣 接准前撫 臣 百齡咨會欽奉

上諭御史朱桓奏海盜專以搶劫鹽船為利請開陽江內

河故道洋匪失利自然解體等語奉

諭旨發交 臣 等查辦欽此當即會同前撫 臣 百齡飭行布

政使廣厚鹽運使蔡共武委員查勘去後茲據藩

運兩司詳稱遵飭委督糧道章銓親往確勘肇慶

府屬之陽江縣與高州府屬之電茂博茂茂暉各

場雖稱接壤中隔山路不通舟楫並無舊河淤塞

之蹟縣城迤東八十里有河流一道曰那龍渡河

水暢流上至馬牯跳而止距恩平縣之山前舖仙

人河陸路五十里中隔金山坪松嶺岡兩山難以

開鑿陽江志載前明成化六年僉事陶魯欲於馬

牯跳開鑿使通恩平山前舖甫開數里遇石而廢

舊蹟猶存此即所謂陽江改道鹽船向未能通又

陽江縣城迤北溪流一綫發源於石羊山九里至

大瑯始有溪形濶不過四五尺二十八里至黃村

溪面稍寬石露水淺十五里至水圍寨僅通小舟

又十五里至黃坭灣達於大河與新興河頭之水

那文毅公兩廣總督奏議

卷十

聖

支派各別隔越山路四十五里一水東注一水南

趨兩源不能匯歸縱或不惜工費疏鑿成河使二

水合流而地勢高低二十餘丈宜瀉易竭即或設

閘蓄水而來源甚少一值乾旱即剝船亦不能行

似於運務無益又麻濠河一段在陽江縣城之西

亦有前明僉事陶魯開挖故蹟遇石灘而止此地

距電茂等場更遠與東北兩水不相聯屬勢難疏

鑿等情具詳前來 臣 覆查無異再嘉慶八年局運

各商曾呈議及此經藩司廣厚飭委肇慶府五泰

高州府杜安詩會同確勘原議



奏請開濬因難以施工而止查粵東在待未靖海運維艱如可設法改由內河轉運鹽勛極爲利商便民之舉茲勘悉前情覈與從前查過情形相合勢難疏鑿至該御史所奏陸豐縣甲子所移駐員弁各款俟<sub>臣</sub>巡邊時親赴該處周覽形勢再爲妥定章程

奏請

訓示施行謹

奏奉

硃批詳察後再具奏

那文毅公兩廣總督奏議

卷十

聖

容安謹按此事未及再奏旋即交卸移交後任

請變通失察械鬪處分

嘉慶十年六月初六日會同廣東巡撫百公齡

奏爲恭懇

聖恩變通械鬪定例以期歸案核實緩靖地方事竊<sub>臣</sub>等

莅任粵東接閱各州縣詳報命案每起有一二命

至五六命不等兇器則竹銃居多犯半皆一姓

檢查已結舊案情節相同者不一而足悉心體訪

蓋緣粵東地處海濱民俗强悍械鬪之風所在皆

有而潮州府屬接壤閩省漳泉械鬪惡俗習染吏

深較他府爲尤甚或小忿而釀成多命或一衅而

那文毅公兩廣總督奏議

卷十

吳

狠鬪多年溯其肇畔根由因粵省人民聚族而居

者甚多往往大姓則自成一村即小姓亦不過一

二姓即成一村村中各立宗祠各置祭田或歲歛

錢穀以爲公費其初原爲聯絡同氣卹族爲公道

後漸有無賴爛崽垂涎公費百計激成事端以便

於中分肥或打傷某姓一人或強取一物兩姓之

爛崽相爲勾通各假發公憤恣意本族紳耆爲首

而紳耆樂於百事因而預謀糾約修備器械備借

訟師預買頂兇代替之人無事不需費用無費不

計侵貪先將宗祠祭產公攤之項作爲械鬪之費



若有不敷又復逐戶歛錢按畝科派計議既定然後定期復仇鳴鑼聚眾分給烏鎗竹銃金刃器械其生衅之烟患無不自認當先餘各執械隨往互相對壘維時鎗械擲擲戕斃紛紛實不知何人為何人所殺傷即在場之人亦不能指實從此兩造怨恨相結仇讐不解或趨山樵牧或越陌耕耘出必遇仇仇必相殺因而鬪風日熾枝節叢生鬪畢之後先謀於訟棍次計於頂兇一經承認生前即子厚資死後亦有公攤田地養其父母妻子隨將其人供養宗祠其實並不在場械鬪安享尊優一

那文毅公兩廣總督奏議

卷十

七

鄉以為斃羨倘派出之人不肯頂兇則父不以為子妻不以為夫遂至終身不齒兇惡習實堪痛切而其刁詐挾持更有甚者聞屍親呈報到官往往藏匿屍身抗官相驗必須密訪跟尋鎮靜查起若操之過急非公然抗拒則殘毀屍骸未有不償事者趨驗之後兇犯則率稱遠逃見証則多云外出其實非遠逃外出也由於主謀首禍或所議頂兇猝有變更或所派銀錢不敷使用備詞逃避藉此宕延而訟棍又從而挑撥無計不出地方官一聞械鬪命案慮于失察處分百計圖維巧為規避

又迫於例限不能不詳故將所報之案或鬪斃數十人即改為數十案若者爭田起衅若者爭山起衅若者口角微嫌大率捏作尋常鬪毆通報其有烏鎗火器傷人者又改作竹銃為某某沿山捕雀見親屬與人鬪毆趨趨幫護不期藥發致傷斃命如此情節千篇一律挪移月日錯綜其事具文通避多方挾制實為弄巧成拙而主謀之人居心狡獪即擬定頂兇亦不肯輕易送案州縣日日緝兇而兇窩愈固事柄業已倒授竟至無可如何必待

那文毅公兩廣總督奏議

卷十

八

主謀之人歛足訟費買准頂兇扮出見証始行送案地方官因詳報在前即始終朦混招解頂兇之人因得重賄亦直認不辭屍親填滿慾壑雖明知頂兇不肯控告案情既定徒殺無辜而械鬪之風仍然不戢率於所辦兇犯並非在場械鬪之人亦並非主謀為首唆訟之輩所以法雖立而民不知懼案雖辦而冤枉愈多此等惡習實為可恨臣等到任以來將各縣詳報命案細心察核內有一縣連報數案姓氏相同日月不遠或有烏鎗竹銃傷人等案俱馭令從實招審不得仍循故轍並諭以



將來過堂時倘訊出械鬪頂兇情節定即嚴行叅辦若能悔過自新據實平反自寬其已往之咎總須將首禍之爛崽好事之劣紳訟棍與當先鬪狼之人務獲嚴究按律重辦蓋嚴於首禍主謀方絕械鬪之原破其唆訟頂兇方無枉縱之患此現在辦理情形如是然械鬪之案州縣諱詳捏報固屬不肖而例議過嚴避重就輕亦下情之所不免查例載兇徒聚眾械鬪如衅起一時並非預謀聚眾者失察之地方官有心故縱者革職失於覺察不行查拏者降一級留任如能將在場首從各犯嚴

那文毅公兩廣總督奏議

卷十

兇

拏全獲者免其處分若獲犯到案不行懲治代爲開脫者照故出入人罪例議處又失察私藏鳥鎗及私造鳥鎗發賣者罰俸一年其業經嚴查之州縣一年內有失察私造私藏一次者降一級留任二次者降一級調用又地方有私造私藏竹銃者將失察之地方官照失察鳥鎗例罰俸一年各等語茲粵東械鬪命案州縣慮及處分甚重遂致多方掩飾分案詳報案情失實奸民愈爲得計百姓習於械鬪釀禍益深等再四熟商將欲準情而執法蓋先減法以原情惟是定例奉行多年臣等

曷敢輕議請改奈法益嚴而徒增粉飾故習不能驟更官屢易而事同一轍貽悞終歸胡底合無仰懇

聖恩飭下吏部刑部將失察械鬪處分作何少從輕減械鬪之首禍主謀訟棍以及首先鬪狼與實在殺人正兇之犯作何區別輕重之處均與詳議奏請聖裁臣等不敢僭擬倘蒙

允准稍爲變通寬其既往儆其將來地方官無所迴護罪坐所重奸民亦知有犯必懲庶使案歸核實而分案消弭等弊既可杜絕則械鬪惡習亦可潛移默

那文毅公兩廣總督奏議

卷十

辛

化矣臣等爲現在地方情形起見不揣冒昧據實合詞陳奏是否有當伏乞

皇上睿鑒施行謹

奏奉

硃批軍機大臣會同該部悉心妥議具奏



審鞫械鬪案

嘉慶十年十月十二日

奏審叅革告病在籍知縣孫映輝等糾眾械鬪事竊查

海陽縣人原任山東金鄉縣告病回籍知縣孫映

輝聽從孫阿麟與已革生員林哲卽林畝等各自

斂銀兩姓互鬪致傷斃林阿南等四十四命先經

撫臣孫玉庭赴湖督辦查明奏叅嘉慶十年奉

諭旨將孫映輝革職交那彥成與撫臣百齡迅提案內人

証嚴行審訊從重定擬具奏又據孫永清孫承利以孫

映輝被林畝等疊次糾眾焚劫傷斃多命伊族人

那文毅公兩廣總督奏議

卷十

五

抵禦格鬪傷斃林姓地方官不究焚劫刑勒招認

械鬪等情赴都察院控告奉

上諭孫永清孫承利來京翻控若不覆加研訊不足以服

其心百齡已陞任湖廣總督著專交與那彥成親提犯

証秉公審訊不必與孫玉庭會辦如果所控屬實孫玉

庭原辦不免屈抑卽據實申理將孫玉庭及承審各官

一并叅奏若原辦並無錯誤該革員身蹈重罪復主使

族人捏造虛詞希圖翻案則其情尤爲可惡卽奏明加

倍治罪以懲刁頑欽此嗣又據孫克悟赴都察院控告

伊族人孫監卽孫其觀估毀祖墳又挾嫌毀屋說

斃二命呈內牽涉本案孫阿力被林元棟等致傷

身死一層亦奉

諭旨將此案人証親提到省秉公研訊定擬具奏原告孫

克悟解往備質欽此當卽飭提犯証林哲等并據解到

原告孫克悟孫永清孫承利除據報案犯林青娘

等二十五名先後在監及取保病故又查孫克悟

控告孫監等一案係孫克悟之父孫宋長等傷斃

孫癸卯等三命孫姓本族自相互鬪與本案無涉

應分案另行審辦外隨提犯督同司道親加研鞫

孫映輝等與林哲卽林畝等俱籍隸海陽縣孫映

那文毅公兩廣總督奏議

卷十

五

輝等住居西林等鄉林哲等住居山兜等鄉兩姓

村居附近田畝毗連俱藉公共官塘車水灌溉嘉

慶五年三月初一日天時亢旱塘水淺涸孫映輝

族人孫捷元等與林阿混等爭車塘水互相打架

各執竹尖桃竹銃禾鎗禾刀等械孫姓被傷身死

三人林姓被傷身死一人三月初四日孫捷元等

在公共官塘高養魚苗林阿杰等往阻爭鬧打架

孫林二姓又各被傷身死一人三月初五日林阿

混起意商同林阿杰等三十九人各徒手搶奪孫

映輝當鋪銀錢衣物分別賣錢俵分共估值紋銀



四百二十八兩零自此兩姓挾讐孫姓族人孫阿麟起意商同孫紹利按田派取銀錢作為互關費用主使族人報復該參員孫映輝即幫番銀三百圓交孫阿麟孫紹利收貯族眾亦各按田派銀交孫阿麟孫紹利收用給與各人口糧遇事彼此幫護毆打林姓族人林哲卽林畝聞知亦邀同林太謙等商議按田派銀作費糾約族人報復以後自五年六月起至是年十二月止孫林二族輒因細故持械爭鬪者二十四次共計林姓致死孫姓二十三命孫姓傷斃林姓二十一命又於是年十月

那文毅公兩廣總督奏議

卷十

五

初旬孫捷元見林欄經田禾成熟起意糾同孫客子等四十五人各持刀挑搶割田禾二十畝得穀三十三石零賣銀二十五圓均分林畝先後共派得番銀九千圓先於嘉慶六年林畝因差拘緊迫將銀三千圓寄存親戚呂石姝銀店欲買兇送官結案經該前縣黃令訪聞追出貯庫嗣因孫映輝以當貨被搶急須賠償呈請將追出林畝買兇賊銀給領賠還當貨經黃令給過番銀一千圓餘存二千圓因孫映輝被搶賊數尚未獲犯訊確未經准給存貯縣庫林畝所派番銀除被追出三千圓

外又用去一千三百圓尙剩四千七百圓林畝私取銀七百圓與蔡希琴開當生息孫阿麟與孫紹利共派得番銀三千五百圓均已花用此兩造歛銀互關疊斃多命并互相搶奪之原委也比各屍親事主赴縣稟報因恐挾嫌互關兩造均應嚴究不敢據實呈報各就本日起衅分案報驗經該縣詣驗據情通詳批行參緝孫映輝林畝等又恃勢庇兇以致犯難弋獲特臬司吳俊在惠潮嘉道任內訪知前情飭令地方官嚴拿該犯等見事緊迫紛紛賄買孫阿五等九人分案頂認正兇先後送

那文毅公兩廣總督奏議

卷十

五

案投審經臬司吳俊督飭府縣將孫映輝設法擒獲并陸續緝獲各兇犯到案適撫臣孫玉庭按莅潮州審理潮陽縣械鬪要案復委員會營督率兵役前往圍捕始將林畝卽林哲搜獲並起出該犯存剩關費番銀及侵蝕私開當店本利又陸續緝獲各逸犯飭委潮州府等訊明將孫映輝奏參革審備細訊悉前情并詰訊孫映輝先因究出捐銀助關情由畏罪情急起意做就呈稿裝點林畝等疊次焚劫佔墳毀屋該縣家人得賄串同書差延案勒令和息并庫吏及縣令之子勒索不遂扣存



林姓賊銀並委員及府書逼令伊寫供狀供認出銀助鬪等情粘抄各稿藏帶在身乘委員提審時有該參員堂弟孫永清叔祖孫承利前往探望該參員即將呈稿同粘抄密交孫永清孫承利囑令赴都察院衙門具呈希圖益准派員來粵另審可也

那文毅公兩廣總督奏議

卷十

五

以翻案脫罪孫永清孫承利應允向孫映輝之父孫世元各取盤費銀十兩進京照稿繕呈投遞此孫映輝畏罪圖翻主使親屬赴京翻告之情由也詰訊之下將粘抄內款跡逐層徹底根究始據孫映輝供認俱係裝點情由糊塗混控無從狡賴照例將各案共毆後下手致命傷重致死之林阿混等十二人及本案兇手各斃各命之林阿釐等二十四人均依因爭鬪擅將竹銃施放殺人者以故殺論均擬斬監候其在逃三年後就獲之林三貴等五人照例改擬斬立決林哲印林畝孫阿麟起意糾派銀兩互鬪以致兩造傷斃四十四命之多實屬禍首罪魁均比照聚眾共毆原無必殺之心毆死三命而非一家者將率先聚眾之人不問共毆與否擬絞立決已革山東金鄉縣知縣孫映輝明知械鬪有干法紀乃不約束族人輒聽從孫阿

麟捐銀助鬪致斃多命又庇護族中兇犯不令到官殊屬不法照為從減等問擬於孫阿麟絞罪上減一等罪止杖流惟該參員於被獲審明後膽敢冀圖翻案脫罪捏造疊次焚劫行賄勒索逼令招認各重情主使親屬孫永清孫承利赴京翻控尤為狡詐請改發伊犁充當苦差孫永清孫承利依舊越赴京奏告重事不實發邊遠充軍例為從減一等問擬杖徒孫提元起意糾夥四十五人執持刀械搶割林欄經田禾林阿混起意糾夥三十九人搶奪孫映輝當店均依搶奪十人以上照糧船

那文毅公兩廣總督奏議

卷十

五

水手例擬斬立決其餘從犯并受賄頂兇之孫阿五等俱定擬流徒杖責孫克悟告詞失實歸於控告孫監案內另行究結林阿混等搶奪孫映輝當賊已經給領孫提元等搶割林欄經田禾照估追賠各犯派收關費及賄買頂兇各賊并孫映輝淨領賊銀照數追出同先經追出林畝賊銀一併入官作捕盜經費逸犯孫芋生等飭緝務獲另行究結兇器解驗案結銷燬無干省釋屍棺飭屬領埋所有失察械鬪及失察受賄頂兇并監斃斬絞等犯各職名隨文開報另錄各要犯供單繕摺呈



覽謹

奏奉

硃批刑部速議具奏

那文毅公兩廣總督奏議

卷十

七

叅劾總兵等不能約束兵丁案

嘉慶十年六月二十六日會同廣東巡撫百公齡

奏為武弁不能約束兵丁肆擾商店文員袒護奸商刻

剝致肆現在地方業經靜謐飭提官弁兵商至省

集訊請

旨將總兵遊擊知縣一併革審以肅閭政而靖刁風事據

韶州府知府王衍福稟稱四月二十三日右翼鎮

標兵丁趙尙明等因領餉之後赴舖換錢爭價起

衅打毀錢店招牌什物等情臣等查客民開張舖

店如有交易不公之處地方官早應飭令平價至

那文毅公兩廣總督奏議

卷十

庚

兵丁果被客民擡價刻剝何難赴官稟理乃擅敢

打店毀物聚眾生事必係該文武辦理不善以致

激成事端當即飭委因公在省之南韶連道朱棟

候補知縣宋其焯並廣州協副將唐光茂湖陽營

遊擊馮聯科等馳赴該處查拏起衅鬧事兵民解

究去後旋據朱棟唐光茂等稟稱每營兵丁每屆

領餉均因家用急迫齊向店舖易換錢文而韶郡

錢舖數十家大半多係江西客民每遇該營散餉

之期市中驟增銀數千兩錢價頓昂該客民又建

造豫章會館一處公會集議把持行市擡價居奇



各兵平日積怨已深此次因每銀一兩欲向舖戶多換錢一二百文不允一時逞忿打毀各舖招牌等物該客民卽具呈曲江縣衙門欲求重辦兵丁賠還毀壞什物遊擊趙延植聞知因詳查起衅爭鬧之人不得遂稟知該鎮該鎮率將巡街兵丁陳觀治等先後棍責插耳箭遊示遊擊趙延植又倡言告知錢舖將來欲扣各兵餉銀抵還打毀物件各兵心益不平共疑趙延植有心狗庇商民又恐送縣究治適值該營操演領取器械之時路經豫章會館遂進店尋毆詎客民先已躲避該兵丁等

那文毅公兩廣總督奏議

卷十

堯

卽將館門打壞並未傷人遊擊趙延植前往彈壓見各兵人眾喧嘩避入縣署各兵復集縣門申訴該鎮楊世華該府王衍福前往理論各兵疑懼不散該府示以印諭始各散去該鎮楊世華回署後被伊母斥責不能管束兵丁致釀事端該鎮愧懼交加用小刀刃傷脖項旋經家人救阻傷口尙輕現在業已就痊其滋事之兵丁趙尙明等業經自行投首地方甚屬安靜各等情前來臣等查江西客民於兵丁傾餉之際牟利把持該縣溫駿平時既不預爲查禁臨時又不秉公拘究該鎮與遊擊

趙延植亦不詳查各兵起衅根由轉將無辜之巡街兵目棍責插箭致激眾忿滋事種種乖謬難保不無袒護奸商苦累兵丁情事至該總兵楊世華曾隨臣那彥成在惠州辦事知其才具庸平前次業將不能整頓營伍密具考語具

奏在案今所屬兵丁不守紀律以致聚眾毆店實屬庸懦無能迨被伊母訓斥之後輒欲冒昧自戕尤屬糊塗不知大體必其平日尙有刻扣苦累不恤兵丁因致積忿生事亦未可知且營內器械是否各兵丁因操演領出抑係擅自攜取希圖逞兇當此

那文毅公兩廣總督奏議

卷十

卒

海疆重地整飭營伍之時更不可不徹底根究以懲刁悍現將各弁兵等行提來省審訊其業經逃回原籍之錢舖客民飛咨江西撫臣飭拘解粵歸案究辦外相應請

旨將右翼鎮總兵楊世華中營遊擊趙延植曲江縣知縣溫駿一併革職以便提同案內兵丁客民嚴審定擬另行具

奏至韶州府王衍福甫經到任且於兵商滋事之際能鎮靜彈壓不致釀起大事辦理尙無不合可否免其置議之處出自



天恩臣那彥成遴委副將唐光茂暫署右翼鎮總兵篆務  
遊擊馮聯科接署該營遊擊員缺並會同臣百齡  
飭委候補知縣宋其煒暫行署理曲江縣事並令  
查明各該文武任內有無經手未完事件分晰另  
報謹合詞奏謹

奏

嘉慶十年閏六月十九日奉

上諭那彥成百齡奏右翼總兵楊世華中營遊擊趙延  
植不能約束兵丁肆擾商店曲江縣知縣溫駿祖護奸  
商請一併革職一摺楊世華趙延植溫駿均著革職交

那文毅公兩廣總督奏議

卷十

空

該督撫提同案內兵丁客民嚴審定擬具奏但此案楊  
世華不能約束兵丁致釀事端不過庸懦無能即被伊  
母訓斥何致輒欲自戕恐其平日尙有剋扣苦累不恤  
兵丁因致積怨生事俱未可知著那彥成等詳細研鞫  
如訊出別情一併歸案定擬其韶州府知府王衍福甫  
經到任辦理尙能鎮靜著免其議處

容安謹按此案未及定讞移交後任

查核南番二縣控案

嘉慶十年八月初十日會同廣東巡撫孫公玉庭  
奏爲查明南海番禺二縣班館情形據實覆奏事竊查  
前任撫臣百齡會同臣那彥成具

奏南海番禺二縣私設班館私押人犯差役詐贓官媒

賈姦一案欽奉

諭旨令臣等查明具奏查刑名監獄係巡撫專政百齡於  
本年三月到任之始即訪知南番二縣班館密委  
員查辦查明後向臣那彥成告知四月內各委員  
始向臣那彥成稟知五月內臣那彥成在百齡署

那文毅公兩廣總督奏議

卷十

空

中百齡告以兩縣私設班館之事究竟應辦理與  
否臣那彥成告我們受

皇上厚恩身任海疆督撫首在懲激劣員盡役此事自應  
辦理越日百齡具會稿飭委署嘉應州知州吳敬  
權惠州府通判馮廷正鹽庫大使吉安等前赴南  
海縣理事同知英吉永寧通判王衷兼州府經歷  
王楷等前赴番禺縣會同各該縣王軾趙興武查  
辦旋據以並無私設私押詐贓賈姦等情詳覆至  
六月十一日百齡親至臣那彥成署中手出參稿  
等候畫諾會



奏<sub>臣</sub>那彥成閱至兩縣差館數十押犯數百盡役官煤  
 焚賊賣姦押犯之所同於囚籠黑獄其酷虐情形  
 可為髮指百齡始而密訪繼而明查及明查無據  
 復於旬月之後具稿參奏自必另有確憑必非憑  
 空臆造事關清理庶獄整飭官常法所必辦即當  
 面畫奏付與於十三日繕寫拜發此百齡查辦兩  
 縣班館與<sub>臣</sub>那彥成會委奏之原委也迨是月  
 二十六日百齡奉

旨陞任兩湖總督<sub>臣</sub>那彥成兼署巡撫篆務嗣<sub>臣</sub>孫玉庭  
 到省接篆正在檢卷查辦間據參草知縣王軾趙

那文毅公兩廣總督奏議

卷十

奎

興武以該縣等所設班館歷年久遠節次詳稟有  
 案並非私設人犯俱係各上司衙門發收及自理  
 待質應羈並非私押等情稟訴與前次委員等詳  
 覆大略相同當即飭司另行委員覆查去後茲據  
 藩司廣厚臬司吳俊稟據委員孫同知南炎會  
 代理南海縣候補同知王衷詳稱南海縣署內有  
 帶候所六間惠福巷內有羈所一處番禺縣署內  
 有差館十二間均為押犯之所溯查乾隆四十一  
 年前督<sub>臣</sub>李侍堯清查兩縣羈押人犯其時即有  
 此數處不知起自何年因省會案件繁多入犯例

應監禁之外必須有此羈所以資收候歷來循照  
 辦理後於四十六年前任南海縣徐與蕃因羈犯  
 衆多稟請將城內起雲里之空閒倉屋通融收管  
 是此數處俱係本省查稟有案歷年久遠並非近  
 來私設且所押之犯多係各上司衙門提審發收  
 及各該縣自理待質一時不能釋放取保者每縣  
 各立循環二簿逐日登註犯名呈送臬司衙門過  
 硃判日備案至原奏南海另有差館五十處番禺  
 另有差館十二處如果係本官不知差役私押焚  
 賊賣姦舞弊玩法則民人冤苦慘毒莫甚於此復

那文毅公兩廣總督奏議

卷十

齒

據查得南海差館四十四處內有犯者止二十四  
 處番禺差館十二處即係署內向設之差房十二  
 間並非另有差館各差間有得受押犯飯錢者而  
 南海有犯之二十四處因署內窄狹並無差房各  
 差俱於衙門附近租住民房聽候差使均照粵東  
 人家門首標貼堂名伊等租房住宿亦隨俗標貼  
 以便找尋傳喚因起雲倉等處地窄人多不敷收  
 犯故凡差役奉票拘傳稟審未審暫時帶候並有  
 審後飭差取保一時未有保人或應提証候質俱  
 即於各差和館住歇其到案事由各衙門俱有卷



宗可據實非縣差瞞官私押且差則住徙無常犯亦時無時有歷任知縣以其並無定所定時未經詳稟立案其被羈人犯僅止送給差役飯錢並無被勒銀兩犯婦發交官媒看守並無賣姦惟因南海民婦陳黃氏被後夫陳風季控其潛逃在保人何朱氏家候訊私與姦夫劉亞明往來何朱氏從前曾充官媒因事革退其實現充之官媒係黎朱氏而非何朱氏其事並不相涉病斃人犯陳偉鄧傳興鄧提登鄧學華藍英昌林吉賓等六名俱係外縣命盜案內人犯取保病故並非死於羈所等

那文毅公兩廣總督奏議 卷十 五

因據此是南海縣於舊有班館之外交差租館收犯又失察差役得受飯錢番馬雖止有舊設之署內差房十二間此外別無差館而失察衙役得受犯人飯食錢文與南海事同一律百齡奏內未經分晰聲敘至所稱各館安設木柵四圍堵塞形同囚籠將訛詐不遂之人閉錮其中竟如黑獄先後各委員詳內俱無此語因將案卷再四緝閱百齡有專稿札行通判馮廷正內稱據該倅面稟各差館內設立木柵板屋令其據實稟復是囚籠黑獄之語必係該倅面稟百齡始據以入奏而該倅始

終未經稟復 臣復飭司令委員南炎曾等赴各差館覆加查勘隨據稟稱南海縣差館四十四處內二十處並未帶候有人應毋庸往查外其從前查有收押人犯之義和堂等二十四處俱係向民人並駐防旗人租住內有用板壁將一屋隔作兩間壁頭壁用木柵以通風日又或正屋之後另有套屋一進兩進又或正屋中間另造小閣兩邊板壁前面欄以小柵以便上下棲住緣粵東地窄人稠房屋不能如他省之寬敞從前租屋時房主修造即係如此卑職等將附近住家之房屋查看數處

那文毅公兩廣總督奏議 卷十 奕

似此者正復不少其非差役因羈押人犯新造可知等語該司等復親赴勘查無異是所謂囚籠黑獄之語似涉子虛又復傳詢馮廷正據稱並未將差館木柵板屋之語面稟百齡查奏稿必與案卷相符而百齡又斷無憑空臆造之理今查卷既無確憑委勘則情形不合必係該通判馮廷正見巡撫銳意查辦此事故為裝點其詞及奉飭查始終不敢稟覆殊屬逢迎取巧應請

旨將該通判馮廷正交部議處南海縣知縣王斌於舊設班館之外交差租館羈犯雖非私押究未詳稟有



案又失察差役得受飯錢其咎較重番禺縣知縣趙興武雖無另設差館而失察差役得受飯錢與南海無異現均奉

旨發往伊犁効力贖罪應毋庸議班館既非私設人犯又非私押所有歷任之知縣及上司職名可否邀免查參應請

旨訓示定奪至那彥成於此案會稿在前及奏後復查情形不符且閱百齡夾片奏內聲明將起雲倉等處差館舊料拆毀添建新館以為軍流以下人犯及一切候審人証收候之所則是拆舊建新事同

那文毅公兩廣總督奏議

卷十

七

一轍若不為分晰查辦不足以服王軾趙興武之心臣那彥成從前因巡撫衙門專政事件百齡能認真辦事自應會同劾奏是以不加詳察即畫諾會銜但究係疎忽茲蒙

皇上恩賜議敘實不致濫行叨竊所有等會查南海番禺二縣班館情形謹繕摺據實覆奏謹

奏

容安謹按此奏以解任未奉

硃批

諭旨

謹按嘉慶十年八月初十日會奏內奏查向來督撫衙門奏摺奉有

硃批如遇原奏之督撫業經調任而由何省拜發者仍資回何省核辦前百齡在粵特與那彥成會

奏查辦南海番禺二縣班館一摺係參劾省會知縣同

日具奏者尚有參劾英德縣知縣王亨祺逼勒銀匠墊辦錢糧一案亦關緊要與百齡會銜具奏

之後百齡陞任兩湖總督孫玉庭隨後到任據

參革知縣王軾趙興武各以班館收犯並非私設私押具稟訴辦現在飭司委員覆查另辦惟會奏

那文毅公兩廣總督奏議

卷十

六

班館之摺於六月十三日由百齡巡撫衙門拜發歷來粵東摺差至京往還不過七十日此摺遲至八月初旬已逾八十日猶未到粵而前此尚有六月初二日百齡具奏巡撫衙門例摺逾九十日亦尚未到孫玉庭先經派弁迎查八月初六日摺差外委韓文進額外外委張朝元始同時回省並無實到

硃批止有百齡寄等文書四角當即拆閱係百齡將兩次奏摺內所奉

硃批



諭旨抄錄移知其原摺

諭旨未經移交臣孫玉庭當向該弁等查問到京出京日

期及途次情形據韓文進稱伊於六月初二日賚

摺起身是月二十七日到京七月初五日回至湖

北黃梅百大人早有諭帖與黃梅縣將伊截留給

與驛馬乘騎於初八日至武昌省城百大人將奏

摺并看留存至十五日始給文起身回粵等語又

據張朝元稱伊於六月十三日賚摺起身又六月

十六日到京七月十二日回至湖北黃梅百大人

已諭黃梅縣將其截留給與驛馬令其迅速行走

那文毅公兩廣總督奏議

卷十

九

十四日至武昌省城百大人將奏摺留下給文同

上次摺差韓文進於十五日自武昌起身今八月

初六日到省等語臣等查自京至粵黃梅係屬要

路該處離武昌省城五百餘里並非近便今百齡

將粵省摺差諭縣截留給驛馬繞至武昌百齡拆

閱後又不將

殊批及原奉

諭旨封固交差賚回僅抄錄行文同於隔省關白之件查

兩次奏摺俱係粵省事件而班館則奉

旨交臣那彥成查辦王亨祺則奉

旨查抄事須密速乃沿途連次邀截又不寄回原摺

諭旨除一面移取原奉

批摺

諭旨以符定制所有摺差回粵遲悞緣由謹據實陳奏謹

奏

嘉慶十年八月二十四日

奏為特參被劾不甘復連次具稟訴許之南番二縣知

縣事竊照前撫臣百齡會同臣那彥成具

奏南海番禺二縣私設班館私押人犯一摺於本年八

月初六日准百齡在湖北武昌省城截留

那文毅公兩廣總督奏議

卷十

十

殊批

諭旨抄錄寄粵

上諭一道查此案具

奏之後百齡陞任兩湖臣那彥成兼署撫篆臣孫玉庭

到任檢查案卷南海縣押犯之帶候所惠福巷起

雲倉三處番禺縣押犯之署內六間為歷來羈犯

之所詳稟有案南海縣於帶候所等三處之外又

有差館數十處係各役租賃民房聽差住宿之所

其中有犯在館者二十四處番禺縣於署內六間

之外又有差房十二間亦押犯在內雖非私押實



係私館各縣差役俱因人犯在館住宿取用水米柴薪藉以索取銀錢該叅令等漫無覺察實屬罪有應得惟該叅令等於未奉

諭旨之前以並無私設私押等情赴

稟申訴且據王軾稟稱百撫臺嚴禁非刑而自已製造手足聯枷令委員在撫署審犯上枷其製以

二木合爲一面上下挖孔以關犯人之手足令其不能臥立故有匪犯譚亞籠與枷示游街之吳建

有同日枷斃今轉以叅員等私設班館私押之犯等情奏叅心中實在不甘並繪具手足聯枷式樣

那文毅公兩廣總督奏議 卷十 呈繳前來 臣等正在查辦間該叅令等復具稟許

訴百齡在粵時門上任二係百齡妾弟自到任至於離任威嚇逼勒兩縣供給並買辦物件共價銀一萬一千餘兩屢次請給未給及百撫臺陞任兩湖始終未經傳見臨行時將署中值錢什物及勒買之件搬運一空此時各店戶索討紛紛叅員不得不將苦衷瀝稟等情

臣等查州縣首以刑獄爲重叅草知縣王軾趙興武於舊設班館之外復有私館狎犯各差得受犯人飯食銀錢乃於被叅後各先後以百齡製造手足聯枷斃人犯及門上

任二係百齡妾弟逼勒兩縣代辦供應等情曉曉稟訴如係虛誣則是挾嫌反噬如其屬實則是迎合於前狡訴於後

臣等若壅於上聞勢必赴京具控事關以下許上爲吏治官常所系該草令等應暫停起解謹具摺會

奏並將王軾等稟摺一併進呈

御覽仰懇

皇上欽派大臣來粵一面移提任二歸案審訊以期水落石出虛實分明俾該革令等無所藉口庶足以儆刁風而懲猾吏至粵東岸匪海盜充斥縱橫一切

那文毅公兩廣總督奏議 卷十 緝捕籌費情形有非

臣等奏臆所能盡者欽差到此親睹親聞回京面

奏自必更加真切可以上慰

聖懷謹

奏 謹按嘉慶十年九月十五日廷寄內奉

上諭那彥成所奏一事已派吳熊光托津前往湖北審辦

著傳諭那彥成等即將已革知縣王軾趙興武並百齡

截留之摺差二人及百齡所製之聯枷一併派委妥幹

大員押帶前赴湖北沿途探明欽差將次到省再帶赴



武昌聽候質訊

嘉慶十年十一月初七日奉

上諭前據那彥成等奏已草南海番禺二縣知縣王賦等稟出百齡在巡撫任內用聯柳致斃二命又派伊家人任二傳令兩首縣代辦供應物件並於離任時將一切玻璃紫檀物件搬運下船並又據查稱那彥成有與百齡聯銜具奏各摺百齡到湖北後將摺差截留僅抄錄硃批行文等款情節重大特派吳熊光托津馳往查辦先據吳熊光托津奏到查訊大概情形一摺據稱百齡供認在廣東任內曾因懲辦棍徒用過聯柳其與那彥

那文毅公兩廣總督奏議

卷十

七

成會奏之摺因係巡撫衙門主稿是以於到湖廣後將摺差截留行文知會至於在粵省起程時將署內各物件用人夫二千餘名搬運下船堅不承認請將百齡解任質訊其印務遵交瑚圖禮兼署已降旨允行本日復據吳熊光托津奏到續行究出任二寄頓一摺據稱連日詳細研訊據任二供稱六月初二日百齡自廣東起身時眷船隨後行走將歷年積存之件並廣東署中原備器用傢伙私自搬取下船於到楚後覓得漢陽李姓棧房運往安放百齡均不知情等語當將任二寄頓各件逐一查明其百齡署內衣物等件亦行查封內即有

木器掛燈等項亦係廣東之物據百齡供稱均係任二私自安放實不知情惟自認糊塗昏愎等語並據將百齡供單進呈百齡素號精明豈有於伊家人私帶物件安置署內竟毫無覺察之理殊不足堪且披閱單內有買房六處買地五十餘頃為價不少伊本年出京時曾聞其稱盤費不敷向人挪移銀兩竟似清貧有素而現在查出所置產業如此其平日所為恐未足深信百齡於廣東巡撫任內與總督會奏事件不將硃批移交總督僅行恭錄知照又因懲辦惡棍製用聯柳均屬錯謬今又查出伊署內現有存貯廣東物件是其巧詐營私

那文毅公兩廣總督奏議

卷十

七

不可不徹底訊明辦理現在吳熊光已赴廣東總督新任百齡著革職拏問交托津會同瑚圖禮提同伊家人任二及廣東人証詳細質訊將所控自廣東攜帶各件一一點對無任隱匿推卸俟審訊確實後再將百齡前此供認二款一併核擬情罪按律定擬具奏  
容安謹按是時 先公以辦理收撫洋盜解任百公為南海番禺二令所控鑄職獲咎 先公與百公友誼素深相契相敬然在公言公竟有不能代飾者厥後 先公重沐  
天恩游擢陝甘制府百公亦重膺兩廣制府辦理海洋諸



政收撫投首次第肅清有函致 先公以海洋  
肅清諸賴前型殷殷誌意交情益固 先公敬  
之益加是彼此不以一時之得失介懷非公而  
忘私者孰能若是

那文毅公兩廣總督奏議

卷十

七

那文毅公兩廣總督奏議卷十

那文毅公兩廣總督奏議卷十一目錄

卷十一

緝捕會匪 告示附

勦撫洋盜 告示附

那文毅公兩廣總督奏議

目錄

一



那文毅公兩廣總督奏議卷十一

男容安恭輯

緝捕會匪告示附

嘉慶十年二月二十一日

奏為龍門縣會匪糾眾搶劫立即殲擒撲滅地方無事

現飭提省嚴辦事竊照粵東廣惠兩府交界一帶

山海交錯之區民俗最為蠻梗每有不法匪徒糾

眾結會易滋事端臣抵任後正在認真訪察嚴飭

查辦間茲據龍門縣知縣師保元署增城營參將

寶與稟報該縣匪徒關亞璵與長寧縣匪徒陳傳

那文毅公兩廣總督奏議

卷十一

一

俊糾眾拜會幾及千人於本年正月二十一日在

縣屬墟地派朱尚圍等處滋擾村莊竟敢直逼城

外東北廂搶掠當有署守備胡佐朝帶領兵役奮

力攻擊殲斃抗拒匪犯二百餘名生擒關亞璵等

六十餘名餘匪四散逃匿附近村墟又被各鄉村

民人零星殺死四五百人並獲小鐵礮六門旗幟

十餘件續據署長寧縣知縣李榮稟報在於從化

縣屬之魯箕寮地方將要犯陳傳俊並匪黨二十

餘名一併拏獲各等情臣以該犯等膽敢糾眾多

人製備礮械居然劫掠實屬目無法紀隨派卸篆

廣州府知府福明永寧通判王衷及因公在省之

四會縣知縣楊時行並委候補都司唐文才協力

查拏審辦去後茲據該府福明等稟稱督同該縣

師保元提犯研鞫並懸賞購緝獲匪犯劉阿達

等十名通判王衷知縣楊時行帶同委員李凌翰

分路前往墟地派朱尚圍等處查勘搶劫情形陸

續捕獲匪犯廖亞貴邱孔才等十二名又據候補

都司唐文才獲解匪犯伍亞太等四名隨提集先

後所獲人犯研訊大概供情緣關亞璵籍隸龍門

與長寧縣匪徒陳傳俊即監生陳國蕃素相熟識

那文毅公兩廣總督奏議

卷十一

二

本年正月十五日關亞璵前往陳傳俊家閒談共

道貧苦該犯起意糾夥結拜兄弟乘機搶劫得贓

分用陳傳俊應允遂分投糾集夥黨關兆惠等四

十餘人於是月十八日在長寧縣屬河崗地方結

拜不序年齒共推關亞璵為大哥陳傳俊為二大

哥其餘依齒序立拜盟關亞璵以拜會人少復起

意諭令各人自行糾夥關兆惠等隨各自分糾十

餘人不等約定二十二日會齊搶劫旋經長寧縣

訪聞查拏各犯持械竄入龍門縣境內沿途搶掠

圍裹樵牧人等逼脅幫挑器械在於墟地派朱尚



圍地方肆行搶劫旋被官兵鄉民人等擊殺擒獲  
屢訊不諱其格斃各匪犯據該縣師保元帶同現  
獲各犯前往指認指出有名匪黨潘定如等八十  
一名其餘輾轉糾約被各鄉殺死者無從指出姓  
名屍身四五百具經縣掩埋等情現仍飭令嚴緝  
零星餘犯以絕根株俟提到現犯來省確審實另  
摺

奏辦外所有擒獲會匪究辦情形先行具奏

聖鑒再此次拏獲會匪查明候補守備胡佐朝最為出力  
龍門縣知縣師保元署增城營參將寶興於所轄

那文毅公兩廣總督奏議

卷十一

三

地方匪徒糾結滋擾不能先事覺察本有應得之  
咎第念該匪甫經起事地方文武立即協力斬獲  
多名兼獲渠魁匪黨立時撲滅不使蔓延辦理尚  
為迅速可否仰懇

皇上逾格

恩施免其處分量加鼓勵俾官常互相激勸實於通省捕  
務有裨謹

奏

謹案嘉慶十年三月初九日廷寄內奉

上諭殲擒龍門縣會匪關亞璫一案計百齡現亦將次到

粵著該督會同提省迅行確訊奏聞至署守備胡佐朝  
如何出力之處著即查明據實保奏如實有分外奮勉  
勞績即破格超擢朕亦不靳恩施其知縣師保元參將  
寶興於所轄地方匪徒糾結不能先事覺察本有應得  
之咎今能協獲多名功過適足相抵仍著那彥成秉公  
訪察如該二員實在擒捕出力尚覺功浮於過亦即著  
實奏聞朕尚酌加獎勵也

嘉慶十年五月十六日會同廣東巡撫百公齡

奏為拏獲糾眾結會搶劫拒捕傷斃鄉勇之會匪審明  
分別定擬恭摺奏

那文毅公兩廣總督奏議

卷十一

四

聞事竊照廣東龍門縣匪徒關亞璫與長寧縣匪徒陳傳  
俊糾眾拜會搶劫村莊被官兵勇役村民人等立  
即殲擒撲滅生擒渠魁關亞璫陳傳俊等一百餘  
名地方無事先經 臣 那彥成恭

奏明提省審辦嗣欽奉

諭旨殲獲龍門會匪關亞璫等一案計百齡現亦將次到  
粵著該督會同提省速行確訊奏聞欽此 臣 復經分別

飭查去後嗣據各該處文武將匪犯關亞璫陳傳  
俊等共一百三十名先後押解赴省併聲明案犯

黃二興朱裕高徐亞池劉亞奇四名在龍門縣病



故劉阿達關亞得廖炯答三名在中途病故又查明徐逢潰等二十四名已聞擊畏罪自盡續又據報邱孔才等五十三名先後在監病故茲據按察使秦瀛會同布政使廣厚督同廣州府知府福明等將現犯審擬招解前來 臣等隨提犯督同親加研鞫緣關亞儘籍隸龍門與長寧縣匪徒陳傳俊即捐職陳國蕃素相熟識嘉慶十年正月十五日關亞儘赴陳傳俊家間坐關亞儘起意商同糾夥結拜添弟會乘機搶劫村莊得贓分用陳傳俊應允關亞儘隨糾得已獲之關兆惠周亞三廖亞潰潘五妹黃亞端姚亞二葉四娘已獲病故之石亞二石二潰邱庭周李林保劉阿答黃二興朱裕高受傷身死之潘定如余文泳未獲之鍾良王亞月張三羅立開陳生楊老八劉彬賢二十三人陳傳俊亦糾得已獲之譚李妹黃石金關上富鄧亞儘鄧亞細葉亞二譚翰祥關陳保朱亞健已獲病故之譚元芳邱孔才邱孔祿受傷身死之徐亞英張亞火關智仁關載千未獲之李大中十七人連關亞儘陳傳俊共四十二人各出銅錢二百文交關亞儘買備牲醴等物於正月十八日在長寧縣屬

河崗地方結拜不序年齒共推關亞儘為大哥陳傳俊為二大哥其餘依次序列關亞儘將會匪歌訣開口不離本舉手不離三傳授眾人一同結拜畢歃血飲酒並無盟書會簿關亞儘以人少不能搶劫復令分投糾夥再拜總會陳傳俊隨糾同已獲該犯之子陳開吉即陳應吉入會關兆惠轉糾得已獲之羅四已獲病故之葉亞保徐亞灶邱亞庚徐勤仔受傷身死之王全水劉亞秦劉會堂朱如高徐亞水聞擊自盡之徐逢潰徐巨深徐水養徐香潰未獲之龔錦奉余雲籠劉籠章劉石雞仔共十八人周亞三轉糾得已獲之葉二妹朱亞二已獲病故之劉亞勝刁亞四受傷身死之徐水勝徐亞保徐錫洪徐亞宜徐緯熙徐呂中未獲之曾亞二共十一人石亞二轉糾得已獲病故之關亞復劉亞興陳呈保徐亞池劉亞奇受傷身死之徐水潰徐亞芳徐得勝徐煥標徐得修聞擊自盡之徐亞宇徐連保徐亞興徐亞相未獲之劉大頭龐劉亞策即劉狗仔容共十六人廖亞潰轉糾得已獲之廖亞雲劉亞廣曾亞力受傷身死之徐昌萃徐亞科徐四朋謝有恭徐成潤徐海澤聞擊自盡



之徐亞昌徐玉書徐閏超徐茂興未獲之陳榮俊  
張其龍余亞復周泳茂黃錦茂共十八人石二貴  
轉糾得受傷身死之徐亞活徐亞淋徐潤保謝亞  
深徐容潰徐亞得聞拏自盡之徐水姐徐景文徐  
麗文未獲之廖亞文劉亞廣朱羅嬌劉亞得共十  
三人邱庭周轉糾得已獲之潘石惠駱火生陳南  
生李木水已獲病故之李亞元關亞得受傷身死  
之徐亞文徐亞徒徐亞道謝亞復徐亞淋聞拏自  
盡之徐和得劉則劍未獲之劉九容劉五緝共十  
五人潘五叔轉糾得已獲之陳亞石葉亞興已獲

那文毅公兩廣總督奏議

卷十一

七

病故之關翰雲廖亞敬葉亞四受傷身死之徐亞  
阜廖亞諾徐亞和徐銳洪聞拏自盡之劉亞第未  
獲之葉亞得葉亞山共十二人黃亞端轉糾得已  
獲病故之邱棕應未獲之邱棕權黃亞庚張亞火  
徐景芳共五人姚亞二轉糾得已獲之劉悅潰劉  
亞得五木石已獲病故之徐亞第受傷身死之徐  
亞進徐亞友徐木潰徐四養徐亞羣徐亞林徐四  
鳴徐亞復聞拏自盡之劉啓分劉林興未獲之萬  
亞石萬亞二廖三仔共十七人劉阿達轉糾得已  
獲之伍亞太石聯沾石亞天已獲病故之鄭亞龍

李耀城受傷身死之徐亞初徐亞安徐木火徐名  
居徐宴懷徐亞勝徐松德聞拏自盡之劉超羣劉  
亞廖劉亞昌劉亞賓共十六人李林保轉糾得已  
獲之廖亞二徐亞景已獲病故之徐三才徐建章  
劉三受傷身死之徐鳴德徐金復徐四保徐遠揚  
徐懋光徐寬德徐容德徐鉅誠未獲之薛長勝萬  
火土廖亞細廖復勝共十七人葉四娘轉糾得已  
獲病故之黃亞受受傷身死之徐奉潰廖亞南伍  
亞鍋未獲之羅亞玉邱棕權共六人譚李妹轉糾  
得已獲之譚潮標受傷身死之徐亞有萬水石劉

那文毅公兩廣總督奏議

卷十一

八

亞生徐曰宏廖蒼培徐布升未獲之陳亞長馬亞  
才共九人黃石金轉糾得已獲病故之廖幅達受  
傷身死之劉輔章劉亞元劉亞龍劉閏徐亞潰未  
獲之黃平漢黃金奉劉叮燈敬揚猪肚共十八人關  
上富轉糾得已獲之潘觀火已獲病故之陳四妹  
廖潮畛未獲之葉錫揚黃金生共五人鄧亞璩轉  
糾得已獲之陳承才陳亞志徐亞雙陳亞湖已獲  
病故之陳三林陳光太陳添維陳興才鄧亞六未  
獲之潘定隴共十人鄧亞細轉糾得已獲之劉亞  
三曾二賴觀養黃水木已獲病故之陳士傳潘贊



畧賴四妹黎三伍容第未獲之徐扁嘴共十人葉  
亞二轉糾得已獲之黃亞籙徐三複莫名傑張水  
木已獲病故之黃亞羅未獲之石二奉共六人譚  
翰祥轉糾得已獲之陳亞保陳開一黃泳業徐黃  
潰萬亞潮諸必允黃芳林黃光厚已獲病故之萬  
受一黃進升未獲之劉維公仔共十一人譚元芳  
轉糾得已獲之黃璧珍張亞籠廖襍羣廖金水萬  
亞弟張亞細張致城廖石保已獲病故之萬海干  
黃奕祥未獲之葉紅鷄仔共十一人邛孔才轉糾  
得已獲之廖從志徐亞舉已獲病故之萬創鳴受

那文毅公兩廣總督奏議

卷十一

九

傷身死之徐亞賢徐煥鳴徐新潰未獲之邛亞度  
邛亞三共八人邛孔祿轉糾得已獲病故之黃籙  
嬌徐奇仔受傷身死之劉亞爵劉順德未獲之朱  
必運羅亞務共六人關陳保轉糾得已獲病故之  
劉虔業徐斗受受傷身死之劉亞六劉山炳劉達  
得劉瑞英劉輔鼎未獲之李亞二楊火養共九人  
朱亞捷轉糾得未獲之李亞羊李三狗潘逢茂馮  
水養共四人潘定如余文泳鍾良王亞月張三羅  
立開陳生楊老八劉彬賢徐亞英張亞火關智仁  
關載千李大中亦各糾得不識姓名三四十人並

不識姓名夥黨又各轉糾得二三十人不等黃二  
興朱裕高未經轉糾共夥九百餘人每人出錢一  
百零八文交潘定如余文泳鍾良王亞月劉彬賢  
製買旂幟器械潘定如將伊家前在荒山掘得小  
鐵礮六門取出劉炳賢豫備火藥定於正月二十  
二日會齊結拜乘機搶劫旋經長寧縣訪聞查拏  
各犯不及拜會即於二十一日各持礮械竄入龍  
門縣境內其徐筋仔朱亞二刁亞四劉悅潰劉亞  
得徐亞弟伍木石石聯沾鄭亞籠石亞天李耀城  
徐亞景劉三黃亞受廖潮珍陳承才陳三林陳亞

那文毅公兩廣總督奏議

卷十一

十

志陳光太陳添維陳興才鄧亞六徐亞雙陳亞潮  
陳士傳潘贊畧曾二賴觀養賴四妹黎三黃水木  
伍容弟黃亞羅黃亞籙徐三複莫名傑張水木陳  
亞保陳開一黃泳業徐三潰萬受一萬亞潮諸必  
允黃進升黃芳林黃光厚黃璧珍張亞籠廖襍羣  
廖金水萬海千萬亞弟張亞細張致城黃奕祥廖  
石保等五十七名不及知會未經同往關亞盞陳  
傳俊率同各犯沿途滋擾圍裹在山坡樵牧之葉  
火土印葉蛇皮廖能深劉亞生刁亞經徐景鳴巫  
亞長石筋仔葉旋潰廖橫辦保九人逼脅幫挑器



械在墟地派朱崗圍地方搶劫劉殿昌劉得仁劉禮唐等各家銀錢衣物直至龍門縣城外東北廂地方正在劫掠各舖戶同鄉勇等齊出喊拏各犯拒捕關亞盡傷斃鄉勇區亞得一人陳傳俊傷斃鄉勇李亞林一人鍾良傷斃鄉勇廖近祖一人王亞月傷斃鄉勇譚能智一人朱亞捷傷斃鄉勇區亞奉一人關兆惠周亞三石亞二廖亞潰石二潰邱庭周譚李妹黃石金關上富鄉亞盡亦拒傷鄉勇林才等十人該縣師保元會營督帶兵役趕至查拏關亞盡陳傳俊率眾抗拒兵役鎗斃齊發傷

那文毅公兩廣總督奏議

卷十一

十一

斃潘定如等二百餘名將關亞盡等六十餘名立時拏獲並獲礮械旂幟餘犯四散奔逃又經各附近村民同時格殺賊匪四五百名並獲回所劫銀錢衣物續據長寧龍門從化等縣先後獲解陳傳俊劉阿達等到省審辦由該府司審解復經臣等再三研詰各犯堅供實係關亞盡起意糾黨結拜搶劫並無盟書會簿及另有夥黨亦無謀為不法情事屢鞫不移案無遁飾查律載凡謀反大逆但共謀者不分首從皆凌遲處死財產入官又例載比照反逆定罪之案正犯照律辦理其家屬一概

免其緣坐又不法匪徒潛謀糾結復與添弟曾名目搶劫拒捕者首犯與曾經糾人希圖搶劫之犯俱擬斬立決又洋盜案內被脅服役之犯如被拏獲者杖一百徒三年又名列載斷罪無正條援引比附定擬各等語本案關亞盡起意糾黨幾及千人結拜添弟會搶劫村莊拒斃鄉勇區亞得等五命並傷多人復率眾抗拒官兵即與大逆無異陳傳俊首先聽從糾夥搶劫亦率眾抗拒殺斃人命厥非惟均除罪應斬決病故之劉阿達黃二與朱裕高徐亞池劉亞奇關亞得廖幗達七名及解省

那文毅公兩廣總督奏議

卷十一

十一

取供病故罪應斬決之石亞二石二清邱庭周李林保譚元芳邱孔才邱孔祿葉立保徐亞灶邱亞庚劉亞勝關亞復劉亞興陳呈保李亞元關翰雲廖亞敬葉亞四邱棕應徐三才徐建章陳四妹萬創鳴黃棘嬌徐奇仔劉慶業徐才受等二十七名罪應擬遣之徐筋仔刁亞四徐亞弟鄭亞籠李輝城劉三黃亞受廖潮珍陳三林陳光太陳添維陳興才鄧亞六陳士傳潘贊略卽化育賴四妹黎三伍容弟黃亞羅萬受一黃進升萬海干黃奕祥二十三名罪應擬徒之廖能深刁亞經巫亞長三名



及受傷身死之潘定如余文泳徐亞英張亞火關  
智仁關載于王金水劉亞秦劉會堂朱如高徐亞  
水徐水勝徐亞保徐錫洪徐亞宜徐緝熙徐呂中  
徐水潰徐亞芳徐得勝徐煥標徐得修徐昌萃徐  
亞科徐四朋謝有恭徐成潤徐海澤徐亞活徐亞  
淋徐閏保謝亞深徐容潰徐亞得徐亞文徐亞從  
徐亞通謝亞複徐亞琳徐亞阜廖亞諾徐亞和徐  
銳洪徐亞進徐亞友徐木潰徐四養徐亞羣徐亞  
林徐四鳴徐亞複徐亞初徐亞安徐木火徐名居  
徐夏懷徐亞勝徐松德徐鳴德徐金複徐四保徐

那文毅公兩廣總督奏議

卷十一

三

達揚徐懋光徐寬德徐容德徐鉅誠徐牽潰廖亞  
南伍亞鍋徐亞有萬水石劉亞生徐曰宏廖蒼培  
徐布升劉輔章劉亞元劉亞籠劉閏徐亞潰徐亞  
賢徐煥鳴徐新潰劉亞爵劉順德劉亞六劉山炳  
劉達得劉瑞英劉輔鼎九十名及聞擊自盡之徐  
逢潰徐巨深徐水養徐香潰徐亞宇徐連保徐亞  
興徐亞相徐亞昌徐玉書徐閏超徐茂興徐水姐  
徐景文徐龐文徐和德劉則劉劉亞弟劉啟分劉  
林興劉超羣劉亞廖劉亞昌劉亞賓二十四名不  
議外關亞盡陳傳俊卽陳國蕃均請比照謀反大

逆但共謀者不分首從皆凌遲處死律皆凌遲處  
死陳閏吉卽陳應吉關兆惠周亞三廖亞潰潘五  
妹黃亞端姚亞二葉四娘譚李妹黃石金關上富  
鄧亞盡鄧亞細葉亞二譚翰祥關陳保朱亞捷羅  
四葉二妹廖亞雲劉亞廣曾亞力潘石惠駱火生  
陳南生李木水陳亞石葉亞興伍亞太廖亞二譚  
潮標潘觀火劉亞三廖從志徐亞舉三十五犯聽  
從入會搶劫或轉糾夥黨或拒捕殺傷鄉勇均合  
依不法匪徒潛謀糾結復與添弟會名目搶劫拒  
捕首犯與曾經糾人希圖搶劫之犯俱擬斬立決

那文毅公兩廣總督奏議

卷十一

四

例俱擬斬立決以上三十七犯情罪重大未便稍  
稽顯戮審明後 臣等卽恭請  
王命飭委按察使秦瀛督標中軍副將劉惟馨將關亞盡  
等三十七犯綁赴市曹分別凌遲斬決關亞盡陳  
傳俊朱亞捷各拒斃鄉勇一人關兆惠周亞三廖  
亞潰譚李妹黃石金關上富鄧亞盡拒傷鄉勇林  
才等十人應與拒傷鄉勇病故之石亞二石二潰  
邱庭周一併戮屍梟示以昭炯戒朱亞二劉悅潰  
劉亞得伍木石石聯沾石亞天徐亞景陳承才陳  
亞志徐亞雙卽徐亞三陳亞潮曾二賴觀養黃水



木黃亞錄徐三複莫名傑張水木陳亞保陳開一  
黃泳業徐黃潰萬亞潮諸必允黃芳林黃光厚黃  
壁珍張亞龍廖襍羣廖金水萬亞弟張亞細張致  
城廖石保三十四犯訊止聽從糾約尚未拜會亦  
未轉糾夥黨及隨同搶劫拒捕均應於關兆惠等  
斬罪上量減一等杖一百流三千里仍比照叛案  
干逆流犯例分解黑龍江吉林並伊犁等處安插  
管束照例刺字葉火土即葉蛇皮劉亞生徐景鳴  
石筋仔葉旋潰廖橫辦保六犯訊係被脅隨行逼  
挑器械並無入會搶劫情事應比照洋盜案內被

那文毅公兩廣總督奏議

卷十一

五

脅服役之犯如被拏獲者杖一百徒三年例杖一  
百徒三年至配所各折責四十板各犯父兄牌頭  
保甲飭行原籍查拘照例分別發落草役旗幟火  
藥據供係潘定如余文泳鍾良王亞月劉彬賢製  
備鐵礮係潘定如在荒山掘獲潘定如余文泳已  
受傷身死鍾良王亞月劉彬賢在逃未獲無甹跟  
究來歷現在嚴飭查緝獲日另行究結礮械等物  
分別留營備用銷毀劉殿昌等被劫銀錢衣物俱  
經各自獲回毋庸議追關亞璣陳傳俊財產仿行  
各原籍查封入官該二犯係比照反逆定罪家屬

例免緣坐陳傳俊即陳國蕃揭職執照飭縣追繳  
送銷受傷身死之鄉勇區亞得等五名併受傷鄉  
勇林才等十名飭縣查明分別恤賞醫調各屍棺  
飭屬領埋監斃人犯管獄各職名查取另送謹

奏奉

硃批刑部核議具奏

謹按嘉慶十年五月十六日奏內

奏署守備胡佐朝於匪犯直逼城外關廂立時帶領兵  
役轟擊殲擒守禦得力查該弁本係候補守備現  
署守備相應請

那文毅公兩廣總督奏議

卷十一

六

旨賞給都司銜以示鼓勵永寧通判王衷廟子角司巡檢  
姚培欽幫同獲犯多名亦應請  
旨賞給議敘其署廣州府知府英吉龍門縣知縣師保元  
長寧縣知縣李榮署增城營參將寶興於所屬匪  
徒滋事不能先事覺察本有應得之咎祇因辦理  
尚為迅速仰懇  
皇上天恩免其處分謹  
奏

謹按嘉慶十年六月初十日廷寄內奉

上諭據那彥成等另摺奏審辦龍門會匪關亞璣等一案



署守備胡佐朝於匪犯直逼城外關廂時守禦出力著  
加恩賞給都司銜其通判王衷巡檢姚培欽獲犯多名  
著加恩交部議敘以示鼓勵至署廣州府知府英吉知  
縣師保元等據那彥成百齡奏稱伊等辦理此案尙爲  
迅速懇求免其處分等語此案關亞璫等糾黨幾及千  
人一同拜會自非一日之事該府縣等平日所司何事  
其不能稽查之咎本當照例懲處姑念此次辦理尙爲  
迅速加恩寬免若再因循泄泄有失察此等匪徒糾會  
之處必當從嚴叅辦不能再爲寬宥矣

嘉慶十年五月十六日會同粵海關監督延公豐

那文毅公兩廣總督奏議

卷十一

十七

奏欽奉

上諭據倭什布延豐奏上年澳門幫同捕盜夷船著那彥  
成延豐卽諭知夷人等以伊等船隻不能得力令其速  
行駕駛回澳嗣後勿得再用夷船幫同捕盜欽此臣那

彥成檢查案卷上年夷船捕盜臣延豐以體制攸

關且不能得力於上年十月咨明倭什布嗣後停

止夷船出洋捕盜當經轉飭夷目遵照在案茲荷

聖明指示仰見

睿慮周詳臣等曷勝欽服除飛飭藩臬兩司暨澳門委員  
等欽遵

諭旨卽令該二夷船駕駛回澳嗣後永遠停止出洋捕盜  
以示懷柔而昭體制一面飭知沿海文武員弁並  
咨明鄰省督臣撫臣一體轉飭挨查務得該二船  
實在下落再行復奏謹

奏奉

硃批知道了

嘉慶十年五月二十日會同廣東巡撫百公齡

奏爲拏獲結會圖搶匪犯審明分別辦理事竊據署廣

東欽州知州朱依敬稟報訪得州屬地方有匪徒

拜會滋事隨即會營查拏並關移隣封營縣一體

那文毅公兩廣總督奏議

卷十一

十六

堵緝先後拏獲匪犯黃添相曾洪然等十八名等

情旋據廣西上思州稟報會營拏獲本案首夥葉

鳳軒等九名并獲木戳印布各物訊據供認本在

欽州地方糾黨拜會並與黃添相等搶劫鍾姓牛

隻等情因一案而分兩省犯供或有不實不盡輒

轉行查轉多遲滯飭據廣西省亦將拏獲各犯解

併廣東省歸案辦理前來飭司并發委員審辦去

後據報案犯梁友仁等十一名取供後先後病故

并據委員廣州府知府福明等將現犯審明由按

察使秦瀛審擬招解前來臣等隨提犯督同司道



親加研鞫葉鳳軒即葉老四籍隸歸善該犯至  
欽州那勒墟遇素識之東莞縣民王連盛邀其同  
住隨有未獲之鄭疑發即純猷梁大有曾老四走  
至共設貧苦葉鳳軒起意糾人結拜添弟會搶劫  
村墟得賊分用王連盛等應允遂各分投糾約葉  
鳳軒糾得已獲之黃萬金即黃金升等五人王連  
盛糾得未獲之李老二等六人鄭疑發糾得未獲  
之曹老六等五人邱純猷糾得已獲之黃亞大即  
黃口振等二人梁大有轉糾得未獲之周亞科等  
五人曾老四糾得未獲之王隆皆等三人每人出

那文毅公兩廣總督奏議

卷十一

五

銅錢二百文交葉鳳軒買備香燭白布等物王連  
盛因鄭疑發請曉刻字令其鐫刻順天行道長木  
戳一個又編造彪彪彪三字刻尖戳三個於五月  
十三日共黨三十二人一同赴王連盛家結拜不  
序年齒共推葉鳳軒為大哥王連盛等依齒序列  
葉鳳軒分結各犯白布一塊印蓋上順天行道同  
彪彪彪木戳為記并傳給開口不離本舉手不離  
三暗號飲血飲酒各敬王連盛又陸續糾得已獲  
病故之黃添相等十八人連前合夥共五十人於  
六月十五日又在王連盛家結拜共推王連盛為

大哥王連盛因拜會人少囑令各人分投糾添夥  
黨另拜總會各散嗣黃添相糾得已獲之黃維榮  
及已獲病故之王世鳴等四人未獲之阮亞得等  
共十一人林元秀糾得已獲之曾洪然等三人及  
已獲病故之宋景雲等二人宋景雲轉糾得已獲  
之黃正潰即黃亞奉等二人及已獲病故之鄭亞  
受未獲之蘇幅山等五人曾洪然轉糾得已獲之  
陸景潮及已獲病故之詹亞四二人繆武經轉糾  
得已獲之蘇幅漢未獲之蔣老二等四人蘇世立  
鄭疑發即純猷梁大有曾老四各糾得不識姓名

那文毅公兩廣總督奏議

卷十一

三

一二人不等約共六十餘人於七月初一日同在  
那晚村外僻處結拜總會共推王連盛為總會首  
拜後各散旋經欽州訪聞會營拏獲究出黃添相  
於是年六月二十八日聽從葉鳳軒起意夥同鄭  
疑發等十一人搶奪欽州破基地方鍾姓牧草大  
小水牛十二隻賣得番銀一百二十六元均分維  
時葉鳳軒等逃至廣西上思州地方經該州兵役  
連戳記印布拏獲究出黃萬金等聽從王連盛起  
意夥同邱純猷等十五人共二十五人搶劫欽州  
那棉村韋國泰家銅錢千四文番銀二十六元



衣物五件將衣物賣得銅錢八百文同劫得銀錢均分黃萬金又聽從王連盛起意夥同陽江八等八人搶劫欽州甯橫村黃加六家銅錢七千二百文衣服十件將衣服賣錢均分等情再三研鞫各供前情如繪究無盟書會簿及謀爲不法別情未戳所刻順天行道四字係要順天良行公道不存反心彪彪三字係取會中書信往來迅速彪彪二字係取和合之意此外亦無另犯案夥究詰不移案無遁飾查例載不法匪徒潛謀糾結復興添弟會名目搶劫拒捕者首犯與曾經糾人及

那文毅公兩廣總督奏議

卷十一

三

情願入夥希圖搶劫之犯俱擬斬立決等語本案葉鳳軒卽葉老四起意糾黨結拜添弟會黃萬金卽黃金升梁友仁聽從入會隨同搶劫應與曾經轉糾之黃添相等五犯均合依不法匪徒潛謀糾結復興添弟會名目搶劫拒捕者首犯與曾經糾人及情願入夥希圖搶劫之犯俱擬斬立決該犯等情罪重大未便稍稽顯誅等審明後當卽恭請

王命飭委按察使秦瀛督標中軍副將劉惟馨將葉鳳軒卽葉老四等四名綁赴市曹斬決訖並將病故之

梁友仁等二名戮屍一併傳首犯事地方梟示以昭炯戒李從新等十八犯俱係聽從結拜並未轉糾夥黨亦未隨同搶劫均應於葉鳳軒等斬罪上減一等杖一百流三千里比照叛案干連流犯分解黑龍江伊犁等處安插管束照例刺字王世鳴等六犯於取供後病故均毋庸議黃亞三誑係李從新在西省誣扳應卽省釋犯屬人等飭行各原籍查拘照例發落所獲木戳印布卽行銷燬買贓之人據供不識姓名同未獲印布據供去棄無憑提訊查起各犯在外搶劫滋事原籍牌頭甲保無

那文毅公兩廣總督奏議

卷十一

三

從查察均毋庸議逸犯王連盛等嚴飭勒緝務獲另結被劫各案有無事主稟報是否諱匿及孳獲隣省會匪職名俟查明分別照例辦理謹

奏奉

硃批刑部速議具奏



告示附

示為切諭民容痛改拜會惡習以全生命事照得

我

國家

聖聖相承深仁厚澤亘古未有殊方絕域莫不共臻淳風

廣東地方士安絃誦民習耕漁風俗本為敦樸緣

其介居島夷利兼山海五方之人裸處營易僑寓

孤單客民懼土豪之欺陵苦差胥之滋擾交結夥

伴共相幫助漸次訟棍爛熈均入其中倡為添弟

會名色以為夥黨既多可以不畏強禦而土著之

那文毅公兩廣總督奏議

卷十一

三

民懼外民黨羽日眾亦復煽引有田廬之人結會

相抗到官則互作詞証在鄉則分棚毆鬪山陬海

澁到處皆然竟成不可解之惡習查土客所結之

會並非若白蓮聞香清香天主各教左道惑眾圖

謀不軌其情本為可原但地方設有官府原以扶

弱除強良民被人欺壓可以告官申理州縣或有

袒庇上司衙門甚多決無縱容豪惡之理何得糾

結黨眾自陷刑章查

朝廷於拜會一事法令極其森嚴特以爾民既然結會

則會中不法棍徒作奸犯科生出事端必至株連

爾民又或伊輩闖禍脫逃爾民代其坐監受刑若

至別有行劫拒捕大罪則爾民雖未同行而為其

夥黨一樣性命難活家產難保爾民鄉愚無知但

說拜會有益詎識後來如許累害

朝廷一片哀矜之意定出森嚴法律以為懲之於有罪

之後不如禁之於未犯之前可以多為保全無如

從前地方官從不留心教導以致爾民誤入迷途

又或於起初犯法之人未能嚴行懲辦以至相習

成風釀成事端不得已用兵剿除如從前博羅永

安各案數千賊犯一鼓成擒纍纍受戮事變既成

那文毅公兩廣總督奏議

卷十一

三

決難為亂民曲宥詎不可憐可憫合行剴切曉諭

為此通諭土客民人知悉爾等安守本分各勤生

業即為

盛世良民何苦聽奸人愚弄自尋死路試思前數十年

廣東並未曾有會百姓如何安居樂業如今相習拜

會何以盜賊日多兵革時用可知此事有害無益

我

朝兵威強盛遇有奸民滋事無不登時撲滅博羅永安

之案係本部堂手辦之事為時不遠爾等諒皆目

擊耳聞也本部堂現在揀兵選將日夜操練聞有



風聲即飛騎兜剿玉石俱焚各屬鄉黨中年老者  
民讀書士子明理知事之人務必互相勸戒將結  
拜利害與愚民講說洞晰已入會者即行解散未  
入會者不可聽從查有勾結為首奸民執迷不悟  
紳耆自縛送到官免至地方受累或即在會之人  
自知悔罪具呈稟首不特不治以罪尤當從重加  
賞倘有從前在會現已改過自新兵役人等藉端  
嚇詐者一經訪問或被告發即治以罪爾等務體  
本部堂苦口婆心猛自省悟勉為善良倘再執迷  
兵威所加後悔無及切切毋違特示

那文毅公兩廣總督奏議

卷十一

三五

勦撫洋盜 告示附

嘉慶九年十一月二十三日軍機大臣字寄奉

上諭現在有人呈告廣東省洋匪放肆由於會匪勾引漁  
船接濟上年十一月內連劫遂溪海康兩縣村莊四處  
今年四月內又劫遂溪縣一處擄男掠女村民盡受其  
害等語並據呈出洋匪逆詞一紙實為可惡匪黨勾結  
為奸擾害商旅甚至登岸肆劫業經屢次諭令該督撫  
設立章程認真緝捕今據呈稱遂溪海康兩縣年來疊  
被劫掠自係必有之事且呈出逆詞內公然敢書偽號  
並有偽官偽印其謀為不軌情形已可概見雖逆詞所

那文毅公兩廣總督奏議

卷十一

三五

稱祇係恐嚇鄉愚之詞然不及早查辦設該匪勾脅日  
多肆行無忌或致鄉愚等漸亦畏避其鋒辦理轉行費  
手因思倭什布年已漸老海疆重任恐不足恃那彥成  
年富力強前年勦辦粵東博羅永安會匪一事諸凡妥  
協於該省地方情形亦尚明晰現已降旨將那彥成調  
授兩廣總督即令馳驛前赴新任那彥成到粵後當督  
飭文武整頓地方修飭武備一切妥為經理以副委任  
而尤以緝捕洋匪會匪為要務即如逆詞內所稱偽號  
自必有一謀逆為首之人其所稱寧海副將軍金玉侯  
者亦必實有其人瀕海地方當必亦有風聞且該匪等



勾通登岸內地亦必有引線窩匪處所那彥成務須不  
動聲色密行訪查虛衷諮詢博採輿論俟得有確實踪  
跡再行派委明幹可靠之文武員弁設法偵緝務獲兇  
渠切不可稍有宣露轉致透漏風聲所有洋匪逆詞一  
紙著發給那彥成閱看該匪既膽敢張貼偽示自必不  
止此一紙該省員弁豈無耳目倭什布孫玉庭身任督  
撫亦必有所見聞何以從未奏明查辦著那彥成密查  
如倭什布孫玉庭竟茫然不知此事則是形同木偶若  
曾見逆詞並不據實陳奏更屬有心隱匿那彥成即當  
分別參奏勿稍瞻徇

那文毅公兩廣總督奏議

卷十一

三

謹按嘉慶九年十二月十八日奏內

奏為洋盜會匪情形臣細釋疊奉

聖明指示並合之臣所見所聞情事節節緊要

洞中機宜瞭如指掌目今之計總以捕洋盜安會匪為急

捕洋盜必須厚集兵糧廣備船隻乃有時備之而

盜未必即至不備又不能保其不來此等機宜臨

時方能斟酌然總須有備無虞於沿海州縣嚴密

巡防先令絕之使不能登岸最為緊要海疆遼闊

以臣耳目心思豈能處處周到是在地方文武備

理得宜臣再廣搜博採務期辦理盡善而所委辦

之人果能貫心任事將臣等商酌之法實力奉行  
並能將臣等所未見到之處亦能隨時經理方為  
妥善誠能得人上下文武齊心併力必可一氣辦  
成海疆日就清謐惟粵東地方民有餘力而文武  
吏治驕貴疲玩積習亦不能免客民當甫經懲創  
之後雖不敢妄動而土民又從而百計激之利其  
謀叛可以憑仗官兵之勢肆其殺掠可得貲財充  
當鄉勇亦可得有賞賜地方平定之後又可冒佔  
叛產入已輕生重利性近搖苗不知進退此等情  
事早蒙

那文毅公兩廣總督奏議

卷十一

三

聖明洞鑒會明降

諭旨並令張挂明示曉以祇論謀逆不謀逆並不論拜會

與不拜會仰見

燭照幾先二年以前業已

預料及此目今無論其是否會匪既為洋盜又為之勾通

接濟其罪固不容少道而土民奸詐刁告假公快

私之弊亦斷不可長此中輕重之機均須倍加斟酌

至粵東械鬪之風極為可慮然亦賴有此事彼

此兩不相下互相為制是以不能成事即偶如博

禾之案其鄉勇之出力更甚官兵亦不難即時竣



事以上各情節謹據臣所知如此恐慮

聖念先此奏

聞惟事機移步換形此時或又有不同容俟臣到後再為

留心體察應如何辦理之處虛心商酌再為具陳

謹

奏

嘉慶十年正月二十四日軍機大臣字寄奉

上諭近聞廣東洋匪較多一由於營伍廢弛一由於經費

不敷營伍所以廢弛之故皆因兵丁等多與洋匪聲氣

相通每遇出洋巡緝該兵丁等不但不能出力並與洋

那文毅公兩廣總督奏議

卷十一

二五

匪相通消息致令遠颺且於本管督撫提鎮各官漸不

知畏懼文員雖亟欲設法擒捕竟至無計可施武官因

所帶兵丁與洋匪潛相勾結呼應不靈即欲督捕亦非

一人所能勦辦是以動形掣肘洋匪乘間劫掠肆行無

忌今朕特調那彥成百齡馳赴粵東大加整飭綏靖海

疆接任後自能設法辦理但須熟察情形妥為籌度切

不可過於急切轉致激成事端即如武隆阿富蘭素稱

帶兵勇往是以調赴粵東然亦必須所帶兵丁同心戮

力方可掃蕩賊氛若兵丁俱觀望退縮該鎮等又豈能

勦捕得手並著那彥成等轉飭武隆阿富蘭嚴密查察

設法整頓不可輕率冒昧該省水陸各營兵額不下數

萬若謂盡與洋匪交通亦斷無其事該督等當持以鎮

靜將通省營伍留心整頓仍隨時察看機宜不動聲色

妥為辦理

嘉慶十年二月二十一日

奏為查明通省情形籌酌大概章程先行奏

聞事竊查粵東吏習因循營伍廢弛以致陸地搶劫頻仍

洋面盜匪充斥屢次接奉

諭旨合之現在情形歷歷如繪仰見

聖明洞鑒瞭如指掌臣不勝欽佩之至臣任事以來接見

那文毅公兩廣總督奏議

卷十一

二五

文武大小官員虛心採訪知現在粵東洋面盜賊

猖肆如烏石二吳十一指鄭一朱潰等著名最大

之賊近據探聞烏石二附和黎氏餘匪匪船約有

八九十隻竄往瓊南一路鄭一吳十一指匪船亦

有六七十隻不等在惠潮一帶朱潰本係閩匪自

上年竄入粵境匪船有四五十隻亦在閩粵之間

遊奕其餘四散分劫者或三五隻或十餘隻在附

近洋面飄蕩無定大小船隻總計有三百餘號分

路行劫遇貨船搶劫後潛往各處銷贖遇米船劫

為食用近日附海各村多有勾通接濟之人亦間



有圖利愚民以該匪肯出重價竟有非其同類私用小船賣米糧者至各口岸兵弁雖不能明指其勾通然米糧私自出洋者甚多此類豈竟毫無見聞事亦大有可疑容俟訪查明確再行嚴辦目今捕盜舟師三路署提督魏大斌帶四十三號米艇自大鵬營至雷白一帶為中路南澳鎮總兵杜魁光帶米艇十一號署總兵林國良帶米艇十號外搭配僱覓貨料船十四號自南澳至平海一帶為東路至西路祇有叅將何英帶十餘號米艇在瓊南一路近有遭風損壞者所剩兵船不滿十隻查

那文毅公兩廣總督奏議

卷十一

三

魏大斌自上年十二月十六日帶船出海於正月十六日在沱壺洋面遇風撞損船隻駛進道河修整臣與之接見五六次問其海洋大概情形漫然不知又問其現在辦理何以不能得手並如何方可獲賊應添兵多少添船多少將備何人出力何人畏縮東西路何路打仗出力之處伊總模糊答應又令司道等前往公商亦不能說明情形而臣率同司道親至兵船撫勞兵丁踏看應修船隻順卽驗其礮火器械大半子不合堂藥多渣末其餘刀鎗長短不齊不能快利弓箭亦祇虛名至修造

船隻文員多不能用足十分工料而營員挑選過甚亦因之可以藉口此次現修現造之船臣親身率領司道眼同該署提督驗看令其指出一有不妥立即更換惟各營員總以船隻不多又不能堅固為詞不肯出力捕盜而該船所緊要需用之礮火器械不知查問可見平日祇以多兵堅船為自固之計而礮火器械置之不問並無殺賊之心提督所帶之船如此其他可知至魏大斌帶兵未見出力人亦糊塗提督統帥於調遣布置全賴彼得力似此庸懦之才萬不可以勝任似應請

那文毅公兩廣總督奏議

卷十一

三

旨降調更換查現在米艇八十三隻可用者共五十七隻其餘二十六隻年久朽壞難於修整前督臣倭什布奏造三十隻合計八十七隻分往各路仍未免見少自當設法再為趕造三十三隻共一百二十隻再於朽廢二十六隻米艇內擇其可以修理者亟為修整多一船卽得一船之力均為配足軍火糧餉分為東中西三路派委奮勇出力鎮將分帶果能有功准臣秉公保奏破格超陞倘若仍前退縮勞師糜餉臣據實嚴叅辦理以挽披靡陋習再向來師



船出海飄駛無定往往信息不能相通積年漫無稽考因得遂其畏避之計今設法於文員中間有從九品降旭昇花東苑二人情願告隨出海即飭令該員等將師船開行灣泊處所無賊日行多少有賊日行多少并賊船遠近有無遇賊打仗逐日存記按十日一報而各口岸各州縣亦令其不時訪探賊踪與師船動靜隨時稟報倘有欺捏不符亦可查核惟海疆寥濶東西綿延三千餘里知名礮臺百有餘處此外港汊紛歧處處均可上下海內舟師大幫掃除追捕而岸口防守緝查更關緊

那文毅公兩廣總督奏議

卷十一

三

要現擬責成各文武地方官員以專其任令有海口各州縣責其訪緝奸商土匪接濟勾通勸諭約束各村團勇為分巡分防而各州縣才具不齊費用不足交本府督率辦理相機通融籌畫為督巡督緝至各道員事本簡少專責令在所屬境內不時來往巡查為總巡總緝武職各海口礮臺換撥可靠千把大處或用都守修整器械稽察出入為分巡分緝各鎮協大員常川巡邏稽查守臺兵弁如有不妥之人立即辦理更換仍嚴緝私自出入勾通接濟之人為督防督緝至提督為通省大員

帶印入海險涉風濤少有疎虞大體攸關更難住手轉須大幫兵船為其防護且運省水陸兵丁六萬有餘祇有提督一缺應查應辦事件亦不直廢弛魏大斌既不勝任而水師又不得人應請旨或調或

簡無論水陸人員但須勇往精明可為統率之人令其在於陸路來往巡防亦可探訪賊蹤總持全局相機調度布置為總巡總緝仍另委妥信之人嚴密訪查師船以捕獲大幫賊匪為功曠日糜費為罪各地方以訪獲私通斷絕接濟為功失察透漏為

那文毅公兩廣總督奏議

卷十一

三

罪如此海陸巡察防緝文武併力或期於事有益至於陸路內河各州縣地方近來土匪爛熳土語即匪類以及會匪往往潛煽會聚動即數百餘人肆其搶掠臣抵粵未及一月已有兩案其餘潛滋暗長者當不止此此實臣前次未多經見之事竟不圖一變至此大約由於洋盜不靖奸民恃有通逃之所故敢肆行無忌然事不能保其必無總在留心先事辦理亦應責成於本道府督辦本屬地面捕務查各州縣往往顧及處分以致因循釀成大案今請但能有事辦結不但想



恩免其處分仍可加之鼓勵又若購線解囚各費人數既多所需亦不能少州縣愛惜小費貽誤事機亦所時有應責令本府於所屬州縣通融協濟一屬有事各屬幫辦亦以緝獲爛崽土匪會匪為功若致釀成事端將道府一體嚴加治罪至於上年前任督<sub>臣</sub>倭什布撫<sub>臣</sub>孫玉庭清查通省倉庫虧缺七十六萬請限四年零一季全行彌補今查各州縣防守口岸緝捕土匪各事均須購線懸賞視事之大小所費不等彌補倉庫原為要緊但限期過緊未免拮据亦係實情應請

那文毅公兩廣總督奏議

卷十一

三

旨展限至八年彌補全完各州縣必思感激

天恩諸事益加奮勉責以緝捕伊等亦無可藉口至<sub>臣</sub>才

識本屬庸愚事既繁劇精神心力實有不暇日給

之慮現擬在舊有軍功廠內添派熟悉幹練文武

大員專司其事<sub>臣</sub>再與撫藩臬<sub>臣</sub>等虛衷商酌日

夕講求可期收集思廣益之效伏念<sub>臣</sub>受

恩深重報稱無由惟有竭盡愚誠不惜心力事事恪遵

指示必可仰仗

皇上鴻福安靖地方克底有成惟積習既久事緒繁劇誠

如

聖諭不可過於急切轉致多事<sub>臣</sub>亦不敢因奉此旨少有怠緩容俟<sub>臣</sub>等熟察情形隨時具奏謹

奏

嘉慶十年三月初九日軍機大臣字寄奉

上諭那彥成奏查明粵省情形籌酌大畧章程一摺據稱探聞現在洋面盜船大小計有三百餘號而捕盜米艇合計祇有八十七隻未免見少請設法趕造三十三隻共一百二十隻均為配定軍火糧餉分路派員出洋緝捕等語著照所請辦理但此項米艇趕造齊全較之盜船祇三分之一多寡仍屬懸殊即再行製造多船而內

那文毅公兩廣總督奏議

卷十一

美

地奸匪與海盜信息相通緝捕仍屬無益那彥成惟當

督飭地方營伍於陸路及各口岸地方嚴行訪緝如會

匪土匪等使不得與洋匪勾通其銷贖賣米匪徒隨時

查禁斷其接濟而兵弁尤當留心管束絕其通盜之路

則盜源既靖海洋自可漸就肅清不可徒計船隻多寡

以海捕為事也至署提督魏大斌據稱帶兵未見出力

人亦糊塗請旨降調更換現在水師總兵內一時無堪

勝任應用之人且簡員補放到粵後又恐不能得力仍

著那彥成察看魏大斌如實不能勝任查有劣欵即行

據實參奏並於該省總兵內擇其可任提督者遴保數



員奏請簡放又所稱從九品降旭昇花東苑告隨出海  
卽飭令該員等將師船捕盜情形逐日存記按旬一報  
等語此等微末之員本不足恃卽所報確實該二員亦  
祇於配坐之一二船或能悉其大概其通幫兵船情形  
安能一一周知所辦竟可不必至所奏該省倉庫虧缺  
之項請展限彌補一節粵東現在辦理防緝事宜購線  
懸賞在在需費著照所請展限緩至八年彌補完竣以  
示體卹

嘉慶十年二月二十一日

奏爲訪獲結黨通洋匪徒事竊臣於正月二十二日抵

那文毅公兩廣總督奏議

卷十一

三

粵後據在省司道密稱據海豐縣知縣張再英稟  
稱風聞縣屬之梅壠地方有匪徒蔡亞堂楊亞練  
等邀結土匪勾通洋盜圖劫墟場業經密諭以不  
動聲色速訪查拏等情今據該縣稟稱查得該縣  
地方形勢洋匪搶劫梅壠必由東港新村兩處登  
岸卽會同鮑門汎把總張懷亮督率紳士林楷等  
設法堵禦適據義民首劉映辰等探得楊亞練楊  
徐生二名勾結洋匪之後山新村登岸潛回當卽  
擒獲送縣懲辦隨究出勾結洋匪鄭烏豬等約定  
於本月初二日放火爲號圖搶墟場舖戶等情時

值碣石鎮李漢升駐劄汕尾堵禦匪船卽時派委  
弁兵分路先後擒獲首夥匪犯蔡亞堂等三十七  
名刀械等物所有海邊匪船鄭烏豬等亦卽聞風  
遠颺查該犯等勾結洋匪膽敢於

仗

皇上威福得以及早將首夥各犯擒獲多名未能滋擾現  
在嚴飭速提來省審訊併飭拏案內逸犯務獲究  
辦一面嚴飭地方文武悉心查察併傳諭以所辦  
尙好下次再有訪獲再爲一併奏請

那文毅公兩廣總督奏議

卷十一

三

皇上施恩以後斷不可存因循避讓之心更不可以貪功  
致增擾累仍飭將此案匪徒究擬定案另摺恭報  
謹

奏

謹案嘉慶十年三月初九日廷寄內奉

上諭那彥成另摺所奏訪獲結黨通洋匪徒蔡亞堂等一  
案及殲擒龍門縣會匪關亞磻等一案計百餘現亦將  
次到粵著該督會同提省進行確訊奏聞

嘉慶十年二月二十四日

奏團練一法本古人寓兵於農遺意兵之衛民恒不如



民之自衛現在勾結之禁既嚴接濟之奸浸少賊  
匪日就窮蹙勢必伺隙撲岸焚掠村莊沿海一帶  
港港相接路路可通破臺塘汎僅能守禦一處不  
能遍為顧及馳報該管地方官及舟師等處又恐  
緩不濟事臣等前經出示並通飭沿海各屬勸諭  
紳耆於各村墟自為團練以資捍禦其需用礮位  
或將就近營縣小礮借撥或據該紳耆呈請自為  
捐價官鑄編號暫行借用俟事定後收回仍隨時  
委員嚴密查察不使滋事並勿任官差稍有擾累  
以期綏靖閭閻謹

那文毅公兩廣總督奏議

卷十一

五

奏奉

硃批覽

告示附

示為勸諭沿海士民舉行團練以衛身家事照得  
海洋盜賊窟藏島嶼出沒波濤歷為邊患舊制因  
奸民與賊勾通接濟將沿海數千里立界荒棄  
聖祖仁皇帝俯念民艱特弛此禁百姓得以開墾居住百  
數十年海境之上雞犬桑麻盡成樂土衣冠文物  
無異名都本部堂撫茲豐盈之象彌殷保乂之懷  
因念各營汎星羅碁布固足捍衛地方但地廣戍  
稀兵之衛民恒不如民之自衛查團練一法本古  
人寓兵於農遺意果能實力舉行則對宇望衡皆

那文毅公兩廣總督奏議

卷十一

四

成勁旅鳴鑼一響秉鋤耒之夫即為摩劍擁盾  
之眾防守村莊最為便營村莊中非一家一姓之  
人則性情各異無用賞用刑之柄則號令不行必  
須立定章程堅明約束其中讀書明理之紳衿公  
正服眾之耆老尤須開導愚民使知本部堂晝夜  
焦勞多方布置皆只為爾閭閻試思賊情詭秘防  
緝稍疎爾民廬舍為賊所焚老弱為賊所裹奔走  
此離後悔何及若心中利害既明白無不踴躍從  
事且現在勾結之禁既嚴接濟之奸浸少賊匪漸  
次窮蹙則撲岸掠食搶劫村莊尤情事所必有沿



海一帶港港相接路路可通礮臺塘泚僅能自守  
馳報大營未免緩不濟事不得不亟行團練用資  
捍衛合行出示剴切曉諭爲此曉諭濱海州縣各  
地方士民人等知悉爾等於沿海之數十里分出  
段落先將某處共有幾村某村人戶若干某家壯  
丁幾人開具清單無論紳衿及在官服役家有三  
丁者總須一人入練人單不及數者許二三家朋  
出一丁甲長卽充練頭小村合三數處大村則或  
一二處設爲一團公舉紳士耆民殷實明幹者報  
充正副團總專主約束設立號簿晝則派人偵探  
夜則輪撥巡邏於扼要之處或捐設礮樓登高瞭  
望伏路把截各團預備號礮望有賊踪一礮傳信  
各村警備二礮賊踪已確團總督率練勇持械出  
村三礮賊匪將近分堵要隘一村有警各村救護  
一團遇敵各團堵截州縣印官不時親自下鄉查  
點試驗人數齊整者獎賞抗玩不行者責懲務使  
里黨互相聯絡首尾相應如常山之蛇果能齊心  
合力擒魁殺賊地方官據實稟報核其功之大小  
團總或

奏予職銜或旌以匾額共事出力之人賞給銀兩優示

那文毅公兩廣總督奏議

卷十一

聖

鼓勵倘鄰村被劫坐視不救則團總練長咎有難  
辭或因號礮不明則將卡勇責懲章程既定沿海  
一帶卡倫嚴密聲勢雄壯到處均成金湯不至似  
從前之荒棄亦可免異日之流離豈非爾邊民之  
福各州縣於文到之日卽行遵照辦理不得視爲  
具文一稟塞責本部堂卽日親巡海峽實心辦理  
者據實保  
奏因循貽誤者嚴行叅究信賞必罰決不稍爲寬貸各  
宜凜遵毋違切切特示  
示爲曉諭士商共切同仇掃除海氛事照得海洋  
盜賊自外生成弄兵潢池神人共憤本部堂恭承  
聖明指授方略命將選師期於滅此朝食日前賊匪竟敢  
率其醜類駛駕大幫躡入內河本部堂當卽飛調  
李紱將鄭都司左翼順德香山各師船並飭運司  
僱募紅單船一百二十隻分派楊知府李通判蕭  
經歷陸縣丞等帶領鄉勇由獅子洋等處會同水  
師分道截剿連日以來據各路稟報均皆打沉賊  
船擒擊賊匪送轍審辦在案因思海洋盜賊猖獗  
至此總緣從前官府畏葸姑息養癰貽患以致夥  
黨日衆心膽日大洋患之成雖由來已久而本部

那文毅公兩廣總督奏議

卷十一

聖



堂任重封疆悼茲蒼黔皆我赤子忍聽鯨鱷肆其  
吞噬每念爾民屠戮之慘流離之苦輒為對食忘  
餐臨風揮淚誓與此賊不共覆載並於朔望之期  
默以此心禱祝

神祇惟是

王師固甚雄勇而賊徒星散慮其東竄西逸或至顧此失  
彼不能不望我士民齊心戮力共切同仇且兵之  
衛民決不能如民之自衛官之愛民決不能如民  
之自愛民間儘有尚義之人無奈地方官抑不報  
聞即間有殺賊之事又為地方文武掩為已功以

那文毅公兩廣總督奏議

卷十一

聖

致義士灰心勇夫喪氣本部堂深念爾民之累害  
並深知爾民之憤鬱合行出示剴切開諭為此曉  
諭紳耆人民並紅單漁蛋人等知悉賊既如此擾  
我百姓本部堂義與此賊勢不兩立除飛調各陸  
路營兵嚴把港口分配大隊舟師由內河搜捕直  
抵外洋爾等沿海沿河村莊紳耆務遵前劄速行  
團練賊來便行堵截免致上岸滋擾其地方民人  
並紅單漁蛋能隨同師船出洋勦捕亦即量給口  
糧分配子藥果能擒擊巨魁立即奏予官階但有  
斬絞賊匪亦即優加獎賞共期滅賊決不失言爾

士民均宜體本部堂捍衛民生一片苦心熱腸不  
得觀望坐失事機切切毋違特示

示為勸諭商民開濠築堡永資捍衛事照得易重  
設險之占傳重恃陋之戒李牧守邊先務收保湯  
和籌海徧設臺隍良以聚處方可共生而有備所  
以無患近日海濱口岸值有賊踪遊奕內應奸民  
故為張大賊勢恐駭愚民往往一夫夜呼合市皆  
擾數匪突犯連村並驚賊得乘虛登岸據逃民之  
廩藏掩竄商之貨物從容搬運連船盈艙以致賊  
勢鴟張而民生日困如果民間有所憑依一應性

那文毅公兩廣總督奏議

卷十一

聖

畜貨物均皆收藏有地遠近安堵什物相保形跡  
可疑之人不許混處無事則各安生理有警而共  
相堵禦處處壁壘賊匪自不能以深入即深入而  
野無可掠自然饑疲官兵趕至內外夾攻何難一  
鼓成擒爾等有識士民亦知計慮及此特以保衛  
地方必須挖濠築堡而村愚愛惜小費心多不齊  
無肯直任怨勞不免互相觀望或未經官為倡率  
轉令不肖官吏藉以挾持誣賴不思此事貧富均  
皆有益在富家貲財既多賊來不能攜帶婦女老  
弱跑走不及人貨固難兩全窮民雖無家財而難



破器具亦要錢買且年壯力強賊匪定要擄當水手此等週賊情形十分狼狽詎可漫無防維坐受流離之苦本部堂爲民父母痛癢相關刻刻爲爾民籌思查濱海地多泥沙不能如西北之土性堅疑直打堡城但依山可接石寨傍水卽有水圍築城之法因墟集村莊之長短廣狹度其形勢周圍開成陡濠廣二丈深一丈二尺土起內岸排種木條作塹濠中積水通計土塹水濠高至二三丈賊匪不能扒越堡門駕橋往來有警將橋撤去乘塹堵禦塹濠係何人地基仍令徧栽竹木地險旣增

那文毅公兩廣總督奏議

卷十一

五

地利亦可無棄若饒裕村墟竟用大窰磚封砌圍牆約厚一尺高一丈二尺卽可隔絕賊踪在富民不過於自己宅院之外再加一層牆垣而貧民向無墻垣者亦得有所屏蔽爾民共處村集非爲宗族卽係戚友富者多出貲財貧者勿惜力役衆擎原爲易舉只在倡率有人現如廣州之佛山新會之江門高州之梅萊雷州之赤坎順德之容桂陳村等鄉人烟稠密貨充裕均爲賊匪垂涎總宜未雨綢繆若經賊匪焚劫則悔之已晚前月內據惠潮道稟報陸豐縣紳士捐修甲子所城本部堂

當將該紳士等賞給匾額飭檔存記俟彙齊咨奏優獎在案各口岸設有文武員弁者迺宜倣照鼓勵

紳士商民設法籌辦如未設有官弁則現在保舉之紳耆旣係地方所公舉自爲地方所服從保護梓里尤屬義無容辭合行出示曉諭爲此通諭沿海紳耆商民人等知悉爾等於要緊口岸設有文武員弁者卽審地勢或挖濠塹或打圍牆稟請地方官派選首人分別興工如未設有員弁該紳耆亦卽於要緊地方當作濠堡者稟報首人設法籌辦一面由地方官申報將來各工完竣本部堂定

那文毅公兩廣總督奏議

卷十一

五

當核其勞績之大小分別咨

奏優予議敘爾士民旣可自衛身家亦可奮起功名均宜踴躍從事俾沿海一帶永有金湯之固長享磐石之安毋再觀望有負本部堂殷殷保衛之懷切切毋違特示

示爲通飭曉諭協力緝捕事照得粵東一省環海依山各屬州縣濱臨大洋港汊紛歧適因萑苻未靖匪船四出遊奕雖礮臺汎地碁布星羅舟師巡船梭織遊緝然官兵之捍衛有常而賊船之窺伺靡定現在本部堂整飭戎行捐造米艇添僱紅單



等船四路截擊兜擒夾擊此時釜底遊魂勢已萬分窮蹙是以袁亞明陳五等八起悔過投首胡亞發李宗會李福生等九起殺賊獻功指日洋面可以肅清爾等民人諒亦共有聞見惟是向來盜匪全恃岸匪勾通接濟米糧以資餉口近日各處口岸稽查嚴密不能稍有透漏盜匪無以自養爭思上岸擄掠沿海袤延數千里一時兵力勢難兼顧不得不藉居民之團練共為隄防之計但必須妥議章程酌籌經費方可經久現據香山縣紳士鄭敏達劉源濬等呈稱濱縣四面通海防範維艱因

那文毅公兩廣總督奏議

卷十一

七

集城鄉內外各處村鄉紳耆酌議籌備捕禦事宜凡有田一畝者每月捐銀八釐經營伊始用度浩繁合議欲收一年經費約有一萬餘兩即將此項銀兩為通縣緊要隘口設立水柵礮墩礮卡器械之用並僱用民船召募壯勇數百名以資捕禦其一應隨時費用口糧查香邑各村香燈田畝約計六千餘頃議照順德容桂兩鄉捐餉事例每田一畝每年捐錢八十文主佃各出一半分上下兩造交收四鄉禾稻成熟多出巡船防護俟盜匪平靜即行停止等情并開列防盜章程十條稟請批示

遵行前來本部堂覆加查核所辦妥協周詳可期實效似此急公衛里實堪表式除已優加獎勵飭令速即照辦外因思沿海各州縣情形大略相同均可仿照施行不過因地制宜稍加通變各紳耆等踴躍向義亦到處皆然况捍衛桑梓即所以保護身家富者出資既無偏枯貧者出力亦稱報効至舖戶人等買賣在彼尤非無業可比當宜共謀保護即此未雨之綢繆可無意外之滋擾亦何樂而不為為此示諭沿海州縣紳耆士民人等知悉現在盜氛未戢本部堂督同文武多方籌辦實心

那文毅公兩廣總督奏議

卷十一

吳

勦捕不遺餘力若民間再能守望相助眾志成城則戰守有備何難剋日掃除共樂昇平已將香山紳士所議各條款抄發各州縣爾等如能照辦即稟明地方官將章程成式悉心公議應增應減宜從宜違核實辦理仍由各州縣轉稟本部堂聽候優獎倘假公濟私藉名科派滋生事端抑或從中撓阻有意把持不特無功且將獲咎惟在爾等公舉紳耆公正素著之人經理其事庶於閭閻無累而於緝捕有益本部堂有深望焉各宜凜遵毋違特諭



那文毅公兩廣總督奏議卷十二目錄

卷十二

勦撫洋盜附變通接濟洋匪並失察官處分 明白  
覆奏 推薦

那文毅公兩廣總督奏議

目錄

那文毅公兩廣總督奏議卷十一

那文毅公兩廣總督奏議

奏議

卷十一

異



那文毅公兩廣總督奏議卷十二

男容安恭輯

勦撫洋盜附變通接濟洋匪並失察官處分 明白

嘉慶十年四月二十日

奏為遵

旨覆奏事竊臣前於籌辦緝捕章程摺內以魏大斌不勝

提督之任請

旨另行簡調旋奉

諭旨署提督魏大斌據稱帶兵未見出力人亦臣等請旨

降調更換現在總兵內一時無堪勝應用之且簡員

那文毅公兩廣總督奏議

卷十二

一

補放到粵後又恐不能得力仍著那彥成察有魏大斌

如實不能勝任查有劣款即行據實奏並該省總

兵內遴保數員奏請簡放欽此查該署提督於上年十

二月十六日至本年正月十六日統帶兵船四十

餘隻在沱渚洋面遭風撞損回至省河修理查沱

渚係內洋離省五百餘里計師船四十餘隻配駕

兵丁二千餘名錢糧經費一月不貲署提督一月

之久所巡不出五百里之內又不識風色以致將

船隻撞損及修理完竣又需一月工夫如此遷延

時日至五六月又藉口夏令風暴不能開

行挨至秋令開行船隻倘又小有損壞再為修理

則直至冬令方可捕賊糧餉虛糜日復一日伊於

何底水師陋習貽誤稽遲相率徬效種種可恨臣

焦灼痛憤面飭劄催迄無功效若不將該署提督

嚴行叅辦即各路水師亦難望日起有功且即以

其才具而論其庸懦退怯之形通省文武皆知其

不能勝任不特臣一人之見提督統轄閩省武職

眾人表率况粵東海疆重地又值多事之時不比

腹地營員易於稱職若因其並無別項劣款稍事

姑容不行陳奏以致將來貽誤臣亦不能自辭其

那文毅公兩廣總督奏議

卷十二

二

責至粵東各鎮協臣有曾接見者又有未曾接見

而文稟時時往來者大率求其可勝提督之任之

人一時竟不可得謹

奏

嘉慶十年五月十二日奉

上諭那彥成奏廣東提督魏大斌不能勝任一摺魏大斌

本係棄瑕錄用之員經朕格外恩施命其署理提督該

省正當緝捕緊要之時自應奮勉出洋督辦捕務乃據

那彥成奏稱該署提督於上年十二月內統帶兵船出

洋一月之久所巡不出五百里之內且因管駕不善致



船隻遭風損壞又復藉詞修理遷延時日等語魏大斌庸懦無能實蹈水師惡習本當即予罷斥治罪姑念水師人才難得從寬降補千總以觀後效倘再不知悔改仍前玩延必當從重治罪其廣東提督員缺著許文謨補授所遺高廉羅鎮總兵員缺著樊雄楚補授

謹按嘉慶十年五月十二日廷寄內奉

上諭據那彥成奏魏大斌難勝提督之任一摺提督統理一省營伍責任綦重魏大斌庸懦無能自難勝任現已明降諭旨將伊降補千總効力示懲但提督員缺緊要前經降旨令那彥成遴員保奏乃伊此次摺內又稱

那文毅公兩廣總督奏議 卷十二 三

無可勝提督之人豈即懸缺不補乎今姑就那彥成單開各總兵量為比較內許文謨一員考語較優伊前在軍營出力會賞加提督銜是以即將該員補放矣

嘉慶十年五月十六日會同廣東巡撫百公齡

奏為節次擊獲外洋內河及陸路各盜匪現在提省審辦事竊查粵東海濱廣斥逼近大洋年來萑苻不靖劫掠頻聞陸路匪徒每多勾通接濟表裏為奸以致盜風日熾臣那彥成到任後即虛心博訪設立章程

奏定分巡分緝總巡總緝督巡督緝令各文武遵照辦

理百齡到任後亦即督飭各府州縣設立緝捕月報會哨各口岸巡船勸諭紳耆齊心縛獻化導匪黨改過自新嚴防水必先防陸之條行滅賊必先滅糧之法數月以來續據各文武稟報擊獲外洋內河陸路盜賊及勾通接濟偷賣私販鉅細匪徒均經提省審辦但案犯既多定讞有需時日謹將具報大概情形先行奏

聞據南澳鎮總兵杜魁光護左翼鎮總兵林國良署香山協副將許廷桂等稟報帶領兵船因李崇玉落海悉力窮追在東路洋面會合緝捕偵探南澳長山

那文毅公兩廣總督奏議 卷十二 四

尾外洋有盜船二十餘隻聯踪遊奕督率將弁兵丁協力追捕放礮擊沉盜船五隻各匪船均由黑水夷洋逃竄官兵乘勢攻擊圍擊大匪船一隻梟取盜首楊宿颺等首級三顆生擒洋盜王元順等三十四名殺賊八名割取辨記八副起獲生熟鐵礮大小八門及牌刀器械火藥旗幟等物據海口營參將何英稟報督帶兵船在雷瓊一帶洋面巡緝至抱虎洋面奮力攻圍放礮轟擊打沉盜船二隻賊匪紛紛落水督率兵弁追近跳過賊船殺死賊匪十餘名生擒盜犯黃喜逢等二十六名口起



獲生熟鐵礮五門銅礮一門及火藥器械等物據  
護海門營參將陳鳳高督帶營弁各駕兵船巡緝  
在於牌角洋面遇有盜船即放礮攻擊該匪船撞  
碎擊碎當擒獲盜匪黃河清等十六名口又據新  
會縣知縣徐鑑稟報據巡洋兵役在於香山大冲  
口洋面撞遇匪船拏獲沙邊料船一隻匪犯吳兆  
能一名餘匪逃走在船起出大礮烏鎗挑刀旗幟  
等物據署平海營參將范世韜稟報見有盜船駛  
至巽寮港外撞沙擱淺督率勇役擒獲盜匪張亞  
二等七名並獲大鈞船一隻據候補鹽經歷劉

那文毅公兩廣總督奏議

卷十一

五

禹平稟報督帶兵役巡緝在汕尾地方擒獲上岸  
探路之盜匪陳興疑一名據署甯白縣知縣盛植  
才稟報會同都司王應詔先後拏獲登岸洋匪楊  
榮興等十六名據海豐縣張再英稟報率同縣丞  
戴玉衡巡檢徐維珩在沿河各隘口拏獲洋盜傅  
亞友等十九名據海安營守備伍朝陽稟報督帶  
弁兵巡至七星洋面會同雷防同知永輝督率兵  
役擒獲洋匪羅大興等二名據署香山縣彭昭麟  
稟報准署香山協右營把總毛國斌在大托山脚  
海岸獲解客民張盛等貨船被劫案內逆盜蔡太

富一名據廉州府張世倬稟報署欽州知州朱依  
敬在防城白皮練等處海岸地方拏獲盜犯黃斌  
等四名并獲私運酒米之匪犯陳傑一名遂溪縣  
章廷樺稟報飭役在白臘溝地方拏獲洋匪鄒永  
義等三名以上均係在洋拏獲之犯又據署香山  
縣知縣彭昭麟稟報會營督帶兵役在該縣秋風  
角內河拏獲賊匪李湖益等三名又獲案犯蘇亞  
鐘等二名又據報陸續緝獲賊匪楊亞興等六名  
及載運盜械之盧廷廣等二名又於順德縣地方  
拏獲賊犯阮亞真等八名據順德縣知縣沈權衡

那文毅公兩廣總督奏議

卷十一

六

稟報在縣屬地方拏獲行劫黃純廣等渡船逸盜  
蘇亞滿等四名又據稟報督率巡檢章予之帶領  
巡船兵役追拏盜匪至清源鄉賊匪棄船逃竄捉  
獲馮亞就等二名並獲賊船一隻及礮械等件據  
署欽州知州朱依敬稟報會營督役拏獲盜犯獨  
眼徐等十六名併獲小船二隻搜獲器械四件據  
署番禺縣河泊所大使劉璵稟報督帶丁役在於  
大港口河面擒獲買米洋盜黎亞三並匪黨周和  
陞及周和陞之父周長英妻鄭氏係盜首鄭一之  
妹并幼孩亞帶水手周滿章吳勝錦等七名口將



船隻器械一併拏獲據廣州府佛山同知官德稟報督率兵役緝獲積案巨盜盧亞長卽渾名大碌藕一名據署永靖營遊擊張元麟稟報飭令千總劉光耀督帶兵丁在於官涌地方拏獲行劫惠州渡船案內盜犯麥榮複一名據新會營叅將楊森稟報督率弁兵協同縣役及委員金璋等在江門井坭涌口先後拏獲行劫石龍渡夫梁栢榮及原任廣西陽朔縣譚燮官船案內賊犯羅亞六劉亞浩等五名據增城縣主簿俞世琦會同番禺縣沙灣司巡檢沈清蔚稟報督率差役營兵在新村河

那文毅公兩廣總督奏議

卷十二

七

面拏獲匪犯康誼明一名據南海縣知縣王軾稟報飭差在番禺腊德河面拏獲匪犯賴亞元等三名並搜獲布疋衣飾及順刀三把又據稟報在澳口河面拏獲行劫簡世標布店盜犯何亞妹一名併起獲賊艇布疋等項又據稟報在縣屬地方拏獲行劫張敬揚渡船盜犯陳六九等四名又據報准四會縣獲解案犯胡亞複等八名又據報准三水縣獲解案犯龍能耀一名又據報准署高要縣知縣陶然獲解案犯黃幅旦等二名據署順德協副將楊長棟稟報千總馮大剛在所屬河面拏獲

那文毅公奏議 卷一一

行劫譚燮官船盜犯呂亞耀等三名又據稟報署把總潘雄超在桂洲停步渡頭拏獲行劫虎門渡船案內夥犯楊亞杜一名又據稟報把總吳永慶梁殿祥在於水勝基尾等處拏獲行劫經歷蕭宣案內盜犯陳賢貴曾亞國二名據博羅縣梁寶繩稟報差役協同營兵拏獲行劫鍾炳淳盜犯譚亞月一名據鶴山縣樊世祊稟報會營督率兵役拏獲積盜王蛋家等四名以上均係內河拏獲之犯據海豐縣知縣張再英稟報所屬洋面有盜船被風擊沉各盜覓水上岸逃至鵝埠地方經鵝埠司

那文毅公兩廣總督奏議

卷十二

八

巡檢程長發拏獲盜犯陳亞二等六名據署平海營叅將范世韜稟報探有大匪在大澳海邊竄岸督飭武弁會同文員拏獲盜犯何亞瑞等七名通盜奸匪陳亞代等二名又據稟報據署千總黃成鳳楊為幹在松園海邊緝獲匪犯許亞畫等二名又會同平海司巡檢拏獲匪犯蔡道士一名據前潮州府知府陳鍾稟報在東隴黃岡等處拏獲盜匪朱大桿一名又拏獲通盜土匪黃阿大一名又據鹽運使蔡共武稟報候補鹽大使陶桂楨在省城盤獲買米盜匪陳亞耀一名據署潮州府南澳

三七三



同知馬澆稟報洋匪分駕杉木小船或龍岸圖劫或登岸砍柴督同兵役追捕紛紛逃竄先後捉獲盜犯莊阿珍等二名據碭石鎮稟報據營弁拏獲出洋為盜散夥逃回之匪犯沈亞復等四名據署新會縣縣丞金惠忻稟報督率兵役拏獲盜犯李裕榮併被擄蛋婦李阿二共二名口據碭石鎮右營把總吳連高稟報巡至葛秀地方盤獲登岸洋匪許亞成一名據署陸豐縣知縣呂濼稟報縣屬監生陳元榜等查有洋匪陳特信潛逃上岸回家探望率領丁壯拏獲解縣據署高要縣知縣陶然

那文毅公兩廣總督奏議

卷十二

九

稟報差役巡緝賊匪至石龍村地方見有賊船當即駕艇飛趕匪徒棄船上岸即隨同營弁追獲賊犯古亞富等三名連賊船並獲又據稟報在縣屬先後拏獲蔡以清家被搶案內匪犯謝大滿等二名據署徐聞縣沈樹仁稟報在縣境盤獲盜匪許元亨即捐元亨一名據肇慶協副將三格稟報督率弁兵協同高要縣差在金利墨岡村拏獲搶奪林昭案犯黃浩中一名據番禺縣趙興武稟報會營拏獲陳亞進被搶案內黎亞樹等三名據恩平縣屈澤霖先後詳報會營節次拏獲行劫司徒李

氏案內盜犯區亞聚張亞祿等張煥銀等五名據新會縣知縣徐鑑稟報拏獲行劫林作寬布舖案內盜犯梁泳喜等九名據大埔縣李緯稟報會營拏獲行劫沈立華家案內盜犯劉阿愷即劉則一等八名據博羅縣梁寶繩等稟報會營拏獲蔡章堯當舖被劫案內逸盜黃楊化四等二名據南海縣王軾詳報差役協同營兵先後拏獲行劫縣民李廣盛酒米舖陳祥門船隻案內盜犯丁亞子等十名據海口營參將何英稟報帶領官兵赴省配船出巡行至雷白縣屬孛子途次盤獲登岸洋

那文毅公兩廣總督奏議

卷十三

十

匪郭亞嘩等二名以上均係陸路拏獲之犯統計先後據報獲犯共三百餘名口有在外洋內河行劫殺人者有勾結濟匪者有逼脅服役者有被擄押禁者罪名輕重不同即文武各官稟報情形亦僅據該犯被獲時初供未經確審難保其無枉無縱現將各犯連提解省督飭悉心研鞫分案審擬以成信讞并隨到隨辦以免案犯擁擠至各海口設立礮臺扼險制勝最關緊要等嚴飭沿海鎮將大員督飭守臺各兵慎重防守毋少疎虞前據署大鵬營千總梁朝富稟報有匪船停泊池潭礮



臺經守臺把總黃振魁奮勇擊追當獲代匪寄書之陳春茂一名解究又據稟報該臺把總職見小船一隻在臺下灣泊有船戶劉亞長來臺稟說伊被曾亞回僱請駕船裝載火藥運赴匪船今又領匪銀單再往採買因船小駕駛不前故暫為灣泊伊恐拖累是以稟請拏究俾分清濁等語即帶兵目將船內曾亞回李雲連劉亞複三名拏獲併搜出匪單一紙並番銀四十四圓詢據劉亞長劉亞複同供於二月初二日被曾亞回李雲連僱請駕船裝載火藥前往曾亞二王亞四船交收詢其藥

那文毅公兩廣總督奏議

卷十二

十一

從何處來據供在東苑長平與陳亞三買得挑至懸尾交收該礮臺當盜匪滋擾之後復有匪船私買火藥一事是盜匪奸民互相濟惡處處均有因嚴飭各臺汛弁兵加意巡緝各臺汛弁兵亦聞風知警惟海門營所轄之赤澳礮臺界連閩粵向為洋匪出沒之所嗣據護海門營叅將陳鳳高稟報二月十六日有大幫匪船數十號駛至神泉洋面寄旋即駕杉板快船三十餘隻擁近礮臺登岸經守臺官兵放礮堵禦詎盜匪三百餘名蜂擁直上礮臺焚燒營房打傷兵弁搶劫礮火由外洋東窺

等語查洋匪搶劫礮臺實堪髮指除護叅將陳鳳高係帶兵出海其餘守臺營弁雖云寡不敵眾然疎於防守咎實難辭已檄提該臺把總翁禮士及兵丁等解省從重究辦一面嚴飭沿海文武懸賞購線偵緝本案首夥各犯務獲解辦旋據澄海縣稟稱拏獲盜犯溫阿鵠等二名供認隨同盜首總兵寶在赤澳打劫礮臺不諱等情俟提省確審實情另行專摺具

那文毅公兩廣總督奏議

卷十二

十三

奏又據潮州鎮總兵武隆阿稟報據派往密查各臺汛千總黃進回稱四月初六日辰刻有匪船二十餘隻乘霧至大雞母澳礮臺右手小旂地方下旋隨駕杉板上岸搶佔後山攻撲礮臺該礮臺把總馬龍率兵八十餘名用鎗礮抵敵自辰至午濃霧稍開見賊匪三四百人半在極後山頂餘各伏近臺小山岵憑高施放鎗石緣該臺地勢居下西北兩面不能避身內有兵丁五名受傷正在撲敵間適有柘林寨小雞母澳馬頭山各汛官兵及柘林鄉勇馳往應援賊匪隨奔下船逃逸隨往躡看山坡血跡猶存賊匪受傷者亦復不少各等語該地弁兵能不避艱險實力堵禦尙屬出力已飭該鎮酌



加獎賞以示鼓勵臣等先後抵粵以來寸心焦灼  
蚤夜講求不特外海內河及陸路口岸要隘地方  
調度布置務令周匝無遺即著名之嶽役玩卒奸  
民爛思及游手無藉之徒無不隨時訪察隨事懲  
創總因粵東幅員廣濶全在於地方文武併力殲  
擒不分畛域始能剪除匪類掃蕩海氛但吏治因  
循營伍廢弛已非一日臣等竭力整頓獎拔實心  
緝捕之員汰斥關茸無能之輩庶使人知激勸速  
收指臂之效惟是臣等受

恩深重辦理一切均未能即時見功實無以上副

那文毅公兩廣總督奏議

卷十二

七

委任惟有協力和衷務求早靖海疆以仰答

高厚鴻慈於萬一謹

奏

嘉慶十年六月初十日軍機大臣字寄奉

上諭那彥成等奏節次擊獲外洋內河及陸路各盜匪現  
在分別審辦一摺覽奏俱悉洋匪土匪勾結為患日聚  
日多皆緣吏治因循營伍廢弛歷任地方大吏不能督  
率文武實力整頓以致積習難返那彥成百齡於到任  
之後能悉心講求設法董勸閱其摺內所叙現在文武  
各員在於洋面陸路先後報獲者總計有三百餘名漸

能認真緝捕所辦尚好孫玉庭現已調補廣東巡撫伊  
與那彥成惟當協力和衷加意整飭以期海疆日有起  
色該省盜匪奸民互相濟惡處處皆然實為可恨甚至  
如摺內所稱近日海門營將稟報盜匪三百餘名停  
泊蜂擁直上礮臺敢於焚燒營房打傷兵弁搶劫礮火  
而去而潮州鎮武隆阿所報大雞母澳礮臺地方又有  
賊匪三四百人公然駕船攻撲並至佔據山岵憑高施  
放鎗石以致兵丁等多有受傷似此顯為叛逆成羣作  
隊動輒數百人即與川楚教匪無異不過外海為逋逃  
之數一經追捕即紛紛逃竄海洋不致蔓延內地耳但

那文毅公兩廣總督奏議

卷十二

十四

此等匪徒一日不淨洋面地方一日不得寧謐那彥成

曾經出師陝甘勦捕教匪此時辦理之法即當如前此

之實力搜捕總期根株淨絕勿令稍留餘孽方為不負

委任所有此次海門營疎防礮臺之處除將陳鳳高

帶兵出洋應行免議外其把總翁禮士及兵丁等著那

彥成等按律懲處同已獲各犯一併審擬具奏

容安謹案是年八月初五日奏審明定擬遵

旨各歸各案覆奏共七摺內照江洋行劫大盜比響馬強

盜例斬決二十三名戮屍五名照奸徒將米穀

偷運外洋接濟奸匪例絞決七名照逼勒接賊



一次例發往黑龍江為奴五名照強盜父兄知情分贓例軍流三名照被擄服役例杖徒三十  
三名照不應重例杖責四名省釋被脅無辜十  
六名同奉

硃批刑部速議具奏

嘉慶十年六月二十六日會同廣東巡撫百公齡

奏為遵

旨提訊明確按例分別辦理恭摺覆奏事竊照調任撫

孫玉庭前在潮州府訪獲海陽縣地棍楊咱咄陳

阿斗等私鑄礮位售賣漁利并澄海縣土豪林泮

那文毅公兩廣總督奏議

卷十二

十五

林五結交盜首接濟洋匪并將失察之該管府縣

專摺

奏叅欽奉

諭旨林泮林五二犯支結盜首接濟洋匪尤為罪大惡極

著那彥成百齡速行提訊明確問擬斬梟以昭炯戒不

可久令稽誅海陽縣知縣姚秉哲澄海縣知縣何青於

所管地方地棍土豪私鑄礮位及私運礮火米糧出口

接濟盜匪並逞兇斃命姦佔恣行不法各案不能查拏

究辦闕茸怠玩已極僅予革職不足蔽辜姚秉哲何青

均著革職發往伊犁効力贖罪該管知府陳鎮漫無覺

察業於另案革職仍著暫留廣東另候諭旨欽此遵即

檄飭潮州府將案犯楊咱咄陳阿斗林泮林五等

解省由廣東布政使廣厚按察使秦瀛督同廣州

府知府福明廣州府永寧通判王衷審擬招解並

據聲稱南澳營兵冊內查無原奏所稱賣火藥之

李阿竈名目等情前來內除林五一犯於未奉

旨以前先後赴 等衙門列款控訴官員丁役贓私另摺

奏明請

旨遵行外 等即督同司道親提楊咱咄等逐加研訊緣

楊咱咄陳阿斗均籍隸海陽縣楊咱咄於嘉慶五

那文毅公兩廣總督奏議

卷十二

十六

年三月內聞出海商船俱欲攜帶鐵礮起意商同

現獲之陳業勤陳阿連陳阿朝未獲之陳阿蘭合

本收買廢鐵私鑄礮位售賣獲利均分陳業勤等

應允各出本銀二十圓往各村墟向不識姓名人

陸續收買廢鐵僱已獲之鐵匠劉烏妹方阿恭劉

伯亨劉阿壘未獲之方阿五方利生六人在該縣

土名東底鄉外山窩搭蓋草寮開爐鑄造是年十

一月初間有商船戶王朝定鑄二百五十礮鐵礮

五個又六年四月內吳春哥吳報太定鑄三百礮

鐵礮三個二百礮鐵礮五個又八年八月內王協



廣劉唐老定鑄二百八十觔鐵礮六個三百五十  
觔鐵礮四個又是年十一月內吳誼與林特定鑄  
四百觔鐵礮四個三百觔鐵礮四個又九年十二  
月林五揚合與定鑄五百觔鐵礮六個王潮李強  
定鑄五百觔鐵礮六個前後共鑄過鐵礮四十三  
個內林五揚合與五百觔鐵礮六個每百觔價銀  
一十二圓其餘每百觔價銀一十六圓通共鐵礮  
計重一萬五千零三十觔價銀二千二百八十四  
圓零五錢七分六釐除支給劉烏妹等工銀四百  
二十七圓外剩銀一千八百五十七圓零五錢七

那文毅公兩廣總督奏議

卷十二

七

分六釐楊咱么等均分各散陳阿斗於嘉慶六年  
五月內聞知楊咱么鑄礮獲利亦起意商同已獲  
之陳阿吉陳阿暗未獲之吳阿富陳阿夾合本收  
買廢鐵鑄造陳阿吉等應允隨各出本銀十六圓  
僱陳長年往各村墟向不識姓名人陸續收買廢  
鐵亦僱鐵匠劉烏妹等六人在該縣土名湖子洲  
山窩搭蓋草寮開鑪鑄造是年六月內有商船戶  
陳縱太定鑄二百觔鐵礮六個五百觔鐵礮二個  
言定每百觔價銀一十五圓共銀三百三十圓又  
八年六月內林泮定鑄二百五十觔鐵礮三個四

百觔鐵礮二個言定每百觔價銀一十五圓共銀  
二百三十二圓半又七月內蔡四老定鑄四百觔  
鐵礮三個言定每百觔價銀一十二圓共銀一百  
四十四圓又九年十二月林笨陳牛定鑄五百觔  
鐵礮四個言定每百觔價銀一十二圓共銀二百  
四十圓前後共鑄過鐵礮二十個計重六千九百  
五十觔得價銀九百四十六圓半除支給劉烏妹  
等工銀二百零八圓半外剩銀七百三十八圓陳  
阿斗等均分各散此楊咱么陳阿斗等積年私鑄  
鐵礮售賣漁利之情由也至林泮即林成瑞捐州

那文毅公兩廣總督奏議

卷十二

六

同職銜在澄海縣屬樟林地方開張行店并置造  
商船出洋貿易林泮屢次夾帶鐵鍋往安南暹邏  
等處售賣以此致富嘉慶五年七月內林泮因已  
故無服族兄林阿烏之繼妻余氏少艾遂姦佔為  
妾余氏後即甘心跟隨又七年三月內李亞來偷  
竊林泮蚶子被獲林泮令在逃之工人林橄攬將  
李亞來用繩捆縛丟棄海內淹死又八月內林泮  
姪婦張氏家內被竊衣物林泮疑係陳阿七薛阿  
顯施阿矮許周成并不知姓之阿賈行竊令已獲  
之工人林阿早未獲之工人林阿房林阿墩林阿



向林阿黨林阿坤林阿建陳阿鐵陳阿臍將陳阿七等捉回拷打因不承認以許周成年幼釋放復商同林阿卑林阿房陳阿鐵陳阿臍將陳阿七薛阿顯施阿矮阿貢用繩捆縛掠棄海內淹死屍親人等俱畏兇橫不敢告究又八年二月陳阿輝行竊林泮大呢被獲林泮合工人林阿花將陳阿輝用繩捆縛赴海掠棄陳阿輝掙脫縛繩跑走又是年六月內林泮聞有福建盜船劫得貨物在港外售賣貪圖價賤用番銀五百二十圓向盜船買得胡椒一百包令在逃工人陳阿慳陳阿惡駕艇偷

那文毅公兩廣總督奏議

卷十二

九

運轉賣又是年六月內林泮向陳阿斗定鑄二百五十觔鐵礮三個四百觔鐵礮二個給銀二百三十二圓半偷運上船應用又是年十月內有不識姓名賊匪七人行竊林泮稻穀三十餘石被獲林泮合工人林阿卑林阿房林阿向林阿建同未獲之工人林阿旺林阿派李丹升林阿友將賊匪七人用繩捆縛掠棄海內淹死又九年七月內有福建鄭老童盜船在漳林港外遊奕林泮起意勾通以便貨船出入并接買贓物隨向南澳人李阿竈購買火藥二担并猪羊各物令陳阿慳陳阿惡運

至鄭老童盜船致送鄭老童亦回送林泮象牙十枝林泮又向鄭老童價買象牙一百枝轉賣獲利又是年七月內林泮船泊南澳河而鄭老童盜船駛過因礮位短少向林泮船上搬去鐵礮二門此林泮姦佔族嫂并逞兇殺命及交結盜首接濟洋匪之實情也臣等以楊咱咄等疊次私鑄礮位恐有接濟盜匪情事林泮淫兇肆橫亦恐尙有不法別情連日隔別嚴訊加以刑夾各犯矢口不移似無遁飾案犯劉烏妹林阿卑俱在番禺縣監病故飭委南海縣知縣王賦驗訊禁役人等並無凌虐

那文毅公兩廣總督奏議

卷十二

十

情弊查例載私鑄大小礮位者不論軍民人等及鑄礮匠役一并處斬妻子家產入官又沿海軍民人等潛通海賊同謀結聚正犯比照謀叛已行律處斬梟示不知情之父兄仍照不能禁約子弟爲盜例杖一百又殺三人而非一家者擬斬立決又律載謀殺人造意者斬監候從而加功者絞監候各等語本案楊咱咄陳阿斗各起意商同陳業勤陳阿吉等私鑄礮位售賣漁利劉烏妹方阿恭劉伯亨劉阿壁受僱鑄造厥罪維均應照本例科斷除罪應斬決之劉烏妹已在監病故不議外楊咱



咄陳阿斗陳業勤陳阿蓮陳阿朝陳阿吉陳阿曙  
方阿恭劉伯亨劉阿壘均合依私鑄大小礮位不  
論軍民人等及鑄礮匠役一并處斬例俱擬斬立  
決林泮姦佔無服族嫂余氏為妾并主使溺斃竊  
賊接買盜贓罪止絞遺其心疑陳阿七等行竊捉  
回拷打不認復商同林阿罕等將陳阿七等四人  
捆縛溺斃亦罪止斬決惟勾通洋盜鄭老童送給  
鐵礮火藥例應斬梟且欽奉

諭旨以該犯罪大惡極提訊明確問擬斬梟即遵照科斷  
林泮即林成瑞合依沿海軍民潛通海賊同謀結

那文毅公兩廣總督奏議

卷十一

三

聚正犯比照謀叛已行律處斬梟示例處斬梟示  
各犯情罪甚重未便稍稽顯戮於審明後恭請

王命飭委廣東按察使秦瀛督標中軍副將劉惟馨將該

犯楊咱咄陳阿斗林泮等十一犯綁赴市曹處斬

楊咱咄陳阿斗均係起意鑄礮首犯與林泮俱傳

首犯事地方懸掛示眾以昭炯戒林阿罕聽從工

主林泮淹斃無辜陳阿七等四命并竊匪多人係

殺傷凡人應以凡人首從論林阿罕合依謀殺人

從而加功者絞監候律擬絞監候已於取供後在

監病故應毋庸議林泮之兄林阿訛訊無知情分

賊照例擬杖一百飭縣查拘發落各犯訊無另有  
犯案窩夥林阿奴於工主林泮平日橫行不法並  
未預謀其不行首報亦律得容隱應與訊無行竊  
林張氏家物之許周成并畏兇不敢控告之屍親  
陳林氏均予省釋林余氏先被林泮姦佔後即甘  
心跟隨應照姦同宗無服親之妻例各枷號四十  
日杖一百余氏係犯姦之婦杖決枷贖當官嫁賣  
身價入官楊咱咄陳阿斗林泮等家產飭縣一併  
查明入官分別估變造冊賞覈充作捕盜經費仍  
將支用款目據實報銷其楊咱咄等妻子例得入

那文毅公兩廣總督奏議

卷十一

三

官應否解赴黑龍江給披甲人為奴相應聲明聽  
候部議售賣廢鐵之人據供不識姓名無憑提訊

塔寮鑄礮處所係屬荒山並無鄰佑里長均毋庸

議起獲鑄礮器具并所搭草寮飭縣銷燬林泮即

林成瑞捐照追繳咨銷楊咱咄等私鑄礮位案內

逸犯陳阿蘭方阿五方利生吳阿富陳阿夾王潮

吳春哥吳報太王協廣劉唐老吳誼與林霖楊合

興李強陳長年陳縱太蔡四老林笨陳牛又林泮

濟盜殺人案內逸犯林橄欖林阿房林阿壁林阿

向林阿黨林阿坤林阿建陳阿鐵陳阿臍陳阿輝



林阿花陳阿懋陳阿惡林阿旺林阿派李丹升林阿友及盜首鄭老童并賣火藥之李阿窳嚴緝獲日另結本案監斃斬犯劉烏妹絞犯林阿罕管獄職名係番禺縣典史陳能平相應附奏又本案失察私鑄礮位及通盜濟匪之惡任地方文武各官及各上司職名俟查明另奏供招送部謹

奏奉

硃批刑部覈擬具奏

嘉慶十年閏六月十三日

奏

那文毅公兩廣總督奏議

卷十一

三

旨查金玉侯偽文一紙並查倭什布孫玉庭二人知有其事否今細訊該犯據供鄭七之子鄭維豐年十七歲曾受安南偽封為金玉侯等語查金玉侯既實有其人而偽文一紙荒謬已極實堪髮指必得上緊設法查拏盡法處死以彰

國法而昭炯戒至外海盜匪風行似此狂吠之詞每因窮蹙無聊藉此虛聲恐嚇鄉愚全無實事然地方百姓得以咸知警備益堅同仇之志現在於所獲盜犯內亦有搜出字跡者不過勦襲小說鼓詞習套實不值上瀆

宸聰是以未卽瑣碎具

奏至金玉侯偽文一事臣直至今日始知其確切倭什

布孫玉庭二人應得處分可否邀

恩寬免之處出自

皇上天恩臣不敢妄請謹

奏

嘉慶十年七月初六日軍機大臣字寄奉

上諭那彥成奏查金玉侯偽文一事據稱金玉侯係鄭七之子鄭維豐曾受安南偽封等語鄭維豐一犯膽敢襲受偽封編造偽文不法已極該犯此時附入何幫益船

那文毅公兩廣總督奏議

卷十一

三

亟應上緊查拏每獲盜犯卽詳究鄭維豐實在下落自無難得其踪蹟該犯曾受偽封或因查拏緊急潛赴越南藏匿亦未可知那彥成若查明該犯現在越南境內卽當倣知該國王就近縛送內地按律審辦又總兵寶一犯糾衆上岸搶劫礮位焚燒兵房罪大惡極且該犯以總兵二字命名亦必係從前得受安南偽封尤應嚴拏務獲勿任漏網再李崇玉一犯前於查拏脫逃後至今尚未弋獲該三犯係著名稔惡那彥成當通飭地方文武一體嚴密查拏不可稍有鬆懈至金玉侯偽文一事那彥成於到任數月後始查訊明確從前倭什布孫



王庭在任時自向未知有此事所有倭什布孫王庭應得處分著加恩寬免

嘉慶十年六月十五日會同廣東巡撫百公齡

奏為拏獲焚劫礮臺盜匪又疎失之弁兵審明分別辦

硃

理事竊據署惠來縣知縣李應均稟報縣屬赤澳

礮臺於本年二月十六日黃昏時候被洋匪駕艇

攏岸入臺焚劫該臺把總翁禮士同守兵抵禦被

賊拒傷劫去礮位器械焚燒兵房情事當即帶同

役勇趕至適沿海巡緝之把總李開勇亦聞信帶

兵赴援協同追捕各匪已分投駕船逃逸等情

那文毅公兩廣總督奏議

卷十二

三

等據報即飭署惠潮嘉道吳俊就近委員前往確

查勘驗一面飛檄該處文武嚴密查緝盜匪務獲

并行提疎失兵弁翁禮士等赴省審辦嗣據委員

會同勘明赤澳礮臺兵房礮位鳥鎗刀械火藥等

項被盜焚劫屬實查驗防守該臺把總翁禮士及

兵丁委係抵禦被傷並據代理澄海縣事東界鹽

場大使王元鳳稟報會營拏獲本案盜犯温亞鵠

鍾春生二名及被擄服役之鄧亞班陳長毛金亞

兌三名連盜船器械並獲等由先經

奏在案復飭提各犯赴省委員歸案辦理隨據報革弁

翁禮士及革弁張葉高等十二名均於取供後先

後病故茲據委員審明由司審擬招解前來

督同親鞠緣澄海縣民温亞鵠同船戶鄭良維水

手林亞聰等於嘉慶八年六月二十日被盜首吳

含隆管下老板李四拱盜船在於陽江洋面將温

亞鵠并陳良維等擄捉過船押令鄭良維等服役

温亞鵠入夥嘉慶十年二月十五日老板李四拱

盜船與盜首吳含隆及總兵寶等船戶同駛至惠

來縣屬神泉港洋面寄旋總兵寶因伊船缺少火

藥礮械稔知赤澳礮臺均有貯備起意商同前往

那文毅公兩廣總督奏議

卷十二

三

劫掠吳含隆等允從十六日黃昏時候總兵寶吳

含隆李四拱等與温亞鵠鍾春生等共三百餘人

攜帶火礮刀械坐駕三板脚艇至赤澳僻處登岸

總兵寶因該臺大門在東令吳含隆分帶温亞鵠

鍾春生等百餘人由西邊潛往自與李四拱等向

北吶喊而至翁禮士查見即同兵丁林朝勳等放

鎗抵禦總兵寶等暫避不退吳含隆與温亞鵠等

乘間走至臺東將門打開總兵寶等一齊擁入翁

禮士等出臺攔阻總兵寶等即喊温亞鵠等拋擲

火礮焚燒臺門兵房翁禮士令兵丁黃朝高等撲

硃 硃 硃

硃



救自與林朝勳等向捕總兵寶刀傷翁禮士左腿

吳含隆及傷林朝勳右膝並傷鄭明光右臂膊

殊

及李耀右腿把總翁禮士因受傷畏怯先行跑避

兵丁黃朝高等亦隨奔跑溫亞鶴鍾春生等分搶

殊

破位刀械並火藥等物同各盜轉回艇內運至總

兵寶大船收貯維時海門營把總李文勇在沿海

一帶地方巡緝署惠來縣知縣李應均同時聞信

各帶兵役趕到盜船分投駕逃不及擒捕李四拱

船隻於是月十九日駛至澄海縣屬南澳洋邊因

缺少淡水令溫亞鶴鍾春生押帶被擄服役陳長

那文毅公兩廣總督奏議

卷十一

三

毛鄧亞班金亞兌坐駕脚艇赴岸汲取代理澄海

縣事東界鹽場大使王元鳳飭役協同營兵巡至

將溫亞鶴等連艇隻器械一併拏獲稟解到省究

出溫亞鶴自被擄入夥之後在洋劫擄勒贖共七

次鍾春生自被擄入夥後在洋劫擄四次其守臺

兵丁黃朝高等則堅供委因賊匪猝入臺內焚燒

抵禦受傷一時畏懼跑避致被劫去破械等項並

無通盜送給及裝傷掩飾情事其盜犯溫亞鶴鍾

春生亦止隨同焚劫破臺並未拒傷兵丁究詰不

移似無遁飾該犯等情罪重大未便稍稽顯戮審

明後等當即恭請

王命飭委按察使秦瀛督標中軍副將劉惟禛將溫亞鶴

鍾春生二犯照江洋行劫大盜響馬強盜例押赴

市曹斬決傳首犯事地方梟示以昭炯戒鄧亞班

陳長毛金亞兌三犯俱係被擄服役並無隨同劫

掠及接贖情事均照洋盜案內被脅服役之犯如

被拏獲者照例杖一百徒三年至配所各折責四

十板鄧亞班已於取供後病故應毋庸議把總翁

禮士防守赤澳礮臺被賊猝入焚燒不能率兵竭

力抵禦輒因受傷畏怯先行跑避各兵隨同奔逸

那文毅公兩廣總督奏議

卷十一

三

致賊劫去礮械各物應照臨陣先退本例科斷翁

禮士應革去把總照官軍臨陣先退者斬監候律

擬斬監候秋後處決已於取供後在監病故應毋

庸議兵丁黃朝高等隨同把總翁禮士奔避應照

為從科罪黃朝高併因病留縣醫治之林逢春等

五十七名均革去名糧於翁禮士斬罪上減一等

杖一百流三千里至配所各折責四十板林朝勳

等三名曾經抵禦受傷與黃朝高等情罪有間均

請於黃朝高等流罪上減一等杖一百徒三年至

配所各折責四十板翁耀等十三名已於取供後



病故應毋庸議臺兵蔡喜等一名因悞探斥革王貴大江鳳先因患病給假醫調林亮遞送公文外出均屬無干請免置議並免提訊被劫礮位及焚燒兵房飭令惠來縣佑明價值著落該管營員賠修各兵遺缺飭即補充以資防禦起獲盜艇器械分別留營備用變價充公劫擄逸盜總兵寶吳舍隆李四拱等飭行沿海營縣及巡洋員弁嚴緝務獲究辦本案拏獲焚劫礮臺盜犯二名內溫亞鵠一名係澄海縣人該地方官例應查拏鍾春生籍隸饒平並非澄海民人例應議叙所有拏獲鄰境

那文毅公兩廣總督奏議

卷十一

三

盜犯一名文員職名係代理澄海縣事東界場大使王元鳳相應開設至武員職名應俟查明辦理又赤澳礮臺距縣城六十里且係營員帶兵駐防與州縣同城者迥別惟署惠來縣知縣李應均失於防範咎有應得又海門營把總李文魚雖非該處專汛之弁第既奉委巡查不能先事查察堵禦咎亦難辭相應附奏聽候部議又本案疎防之兼轄統轄文武各職名應俟查明照例開奏謹

奏奉

硃批刑部速議具奏

嘉慶十年六月十五日  
奏為拏獲拜會為首逃下盜船主謀迭劫抗拒官兵之首犯審明辦理恭摺奏

聞事竊 荷蒙

恩命調任兩粵辦理洋盜事事謹遵

指示機宜先嚴營伍併修整礮臺兵房點足兵額俾藩維鞏固聲勢連絡更嚴辦奸民勾通接濟每遇審訊洋盜必切細根究米糧軍火來歷以致盜命而絕盜源現經審出勾通接濟者已有十餘起統俟彙案具

那文毅公兩廣總督奏議

卷十二

三

奏並訪查公正紳耆旌賞匾額俾知趨正急公倘有素悉匪類蹤跡者亦一體留心躡緝稟報嗣於本年六月初六日據遂溪縣分發教諭洪德元即用從九品梁思堯生員梁思垣署廣州協右營守備張仁稟報查得先為會首後為洋盜首之符老洪改易姓名潛匿省河譚作金運鹽船內當即密飭中軍副將劉維馨帶領兵役將該犯拏獲立即飭布按運三司督同廣州府福明審擬招解 隨又捉犯親加研鞫緣符老洪籍隸海康嘉慶六年六月間在原籍地方聽從已獲之林添申起意結拜添



弟會林添申旋因拜會人少令符老洪分頭結拜符老洪另糾得已獲之溫日升等九人在西門坡地方結拜又糾得已獲之溫老景等十四人在英埔領地方結拜均不論年齒推符老洪爲大哥欲俟八月十五日同赴高山坡地方同林添申結拜總會再往村莊城市搶劫財物尙未起事卽被營縣訪拏林添申等九十九名解省審辦該犯聞拏逃至東海地方投下盜首烏十二船內入夥烏石二時受安南僞封稱爲清海大將軍以符老洪頗有智識封爲典司軍師船上每事聽其號令該犯

那文毅公兩廣總督奏議

卷十二

三

帶同烏十二在洋同盜首鄭一東海伯卽吳十一指等連幫劫過洋船二隻鹽船二十六隻又在廣州灣放雞馬尾各洋面抗拒舟師三次皆係該犯主謀調度烏十二又向各船勒抽銀兩艚船每鹽百包索銀五十圓商船則視其貨物之多寡每船索銀五七十圓至三五百圓不等符老洪等俱發票收銀坐地分贓迨本年四月間聞知省河打造船隻出洋捕盜籌辦嚴切該犯恐他人不能探聽消息遂親自赴省併買綢緞等物改稱王姓至電白城外之邵三公家租房暫居探有素好之船戶

譚作金受三江埠司事劉三僱倩運鹽赴省卽向譚作金搭船同行并借給譚作金番銀七百五十圓開發欠項約至省後向劉三埠館討取銀兩加利給還由電白開行抵省仍認王姓銀主同譚作金到三江埠館向司事劉三討取銀兩旋被訪聞拏獲譚作金先已上岸聞風脫逃屢審符老洪供認前情不諱併據供出烏石二等盜船歷有梅彖之曹三東海之陳順興運銷贓物並有電白之黃老三東海之吳文通宋國興礪洲之周老電何老邱遂溪之鄧大吳川之老求哥接濟糧食等語究

那文毅公兩廣總督奏議

卷十二

三

詰不移似無遁飾查乾隆六十年間欽奉上諭盜犯林誥膽敢拒捕核其情罪卽當問擬凌遲嗣後遇有此等案件一體嚴懲欽此本案符老洪先經糾夥拜會爲首希圖搶劫因查拏嚴緊逃下盜船入夥爲盜首烏石二主謀迭劫屢抗官兵俱由該犯從中調度又有僞號軍師典司實屬罪大惡極應按林誥之例凌遲處死臣審明後當卽恭請王命飭委按察使秦瀛督標中軍副將劉維馨將符老洪一犯綁赴市曹凌遲處死仍傳首該犯原籍地方梟示以昭炯戒謹



奏奉

硃批刑部速議具奏

謹按嘉慶十年六月十五日奏內

奏為分發教諭洪德元即用從九品梁思堯生員梁思

垣留心查緝俾要犯就擒中軍副將劉維馨署廣

州協右營守備張仁會同拏獲鄰境盜犯亦屬出

力可否量予鼓勵之處出自

天恩謹

奏

嘉慶十年七月初六日奉

那文毅公兩廣總督奏議

卷十二

三

上諭那彥成奏拏獲盜犯待老洪審明正法所有密查稟

報之分發教諭洪德元即用從九品梁思堯生員梁思

垣會同拏獲之督標中軍副將劉維馨署廣州協右營

守備張仁均屬出力可否量加鼓勵等語劉維馨張仁

洪德元梁思堯梁思垣均著加恩交部議敘以示獎勵

嘉慶十年六月十五日會同廣東巡撫百公齡

奏為拏獲在洋疊劫及載運酒米接濟之盜匪審明分

別辦理事竊等到粵以後因查緝捕洋盜必先

絕其接濟節飭各屬嚴密訪查去後嗣據前署廣

州府知府英吉督同新安縣知縣朱麟徵訪獲新

安縣屬在洋疊劫潛回置買酒米接濟洋匪之洗

亞科一名又獲受僱運送酒米出洋銷換之陳二

貴魯迪蒼奈大頭三名飭解來省確審究辦旋報

案犯魯迪蒼於取供後病故據委員審明由司審

擬招解前來等提犯督同親鞠洗亞科陳二貴

等均籍隸新安縣據洗亞科供認於嘉慶九年三

月內投下盜首總兵四即陳亞四船上入夥前後

在洋行劫三次復買酒米換贖一次陳二貴奈大

頭二犯供認與現獲病故之魯迪蒼與受僱未獲

之魯小蒼駕船載運米酒出洋接濟盜匪一次再

那文毅公兩廣總督奏議

卷十二

三

三究詰別無另犯將該犯照江洋行劫例情罪重

大未便稍稽顯戮審明後等即請

王命飭委按察使秦瀛督標中軍副將劉維馨將洗亞科

一犯綁赴市曹斬首傳首沿海地方梟示以昭炯

戒陳二貴魯迪蒼奈大頭三犯均係受僱聽從魯

小蒼載運酒米出洋接濟盜匪合依奸徒將米穀

偷運外洋接濟奸匪絞決為從減一等例杖一百

流三千里至配所各折責四十板魯迪蒼已於取

供後在監病故逸犯總兵四即陳亞四等嚴飭沿

海文武緝拏務獲究辦謹



奏奉

硃批刑部核議具奏

嘉慶十年七月初一日

奏為拏獲糾約多匪越境肆劫並拒捕斃命逃回之首

夥各犯事據嘉應州吏目傅國柱稟稱該州於三

月二十八日夜三更時分州城南門外有盜匪多

人明火執仗打劫事主陳增盛陳寶泉葉寶興錢

店拒傷事主鄰佑並鎗斃戴阿連一名經文武員

弁聞信帶領兵役出城擒獲即向東路逃逸等情

適署嘉應州知州吳敬權因公在省即面諭星馳

那文毅公兩廣總督奏議

卷十三

三

回任嚴密查拏將首夥各犯立限務獲旋據該州

稟稱抵任後選派幹役在豐順新渡地方拏獲船

戶吳宗保一名又在大埔地方拏獲盜犯蕭朋程

一名到案將二犯嚴加審訊據吳宗保供三月二

十六日有不識姓名二十餘人在高坡地方僱伊

船到新渡二十七日早起岸云欲赴嘉應州買繭細

約定初二日回船令伊在新渡等候載往潮州售

賣二十九日有鄉民多人趕賊適上岸聞走聞信

往看船已被人撐過對岸伊因查問鄉人疑其將

船渡賊即被拏獲又據蕭朋程供被福建平和人

陳單刀逼勒入夥共有二十一人於三月二十八

日來至嘉應州地方陳單刀將伊留於離州十餘

里之山坑看守包袱同眾持械往州行劫得賊後

分給賊銀至豐順縣紫荊圍地方盜夥林阿富又

將追趕之鄉民廖阿標拒傷即由新渡起岸分路

行走被獲又供陳單刀林阿富同帶路之陳阿章

於二十八日天明先來州打聽看過錢店有無銀

錢餘存陸續到州三更時分行劫內有黃姓被城

上擲石打傷頭顱此人與陳單刀林阿富極有武

藝來時當先去時斷後陳單刀先會劫過福建峯

那文毅公兩廣總督奏議

卷十三

三

寺等處店舖被官兵將伊住房燒燬今現住伊表

弟黃阿連山寮內同時行劫之黃阿狗等十八名

俱係福建漳州府屬人各等語臣詳核犯供陳單

刀所糾夥黨多係閩省匪類膽敢越境肆劫行傷

事主店鄰並沿途拒捕傷人實堪髮指但居址姓

名既指供如繪無難立擒嚴懲以除漳潮數郡之

害一面飛咨閩省一面密委委員赴潮州一帶地

方跟踪密躡務獲究辦茲據委員陶希忠稟報該

員抵漳後即稟明汀漳龍道漳州府會營查拏一

面在外購線密緝先訪得夥黨陳慶一名在南靖



殊 殊 殊

草坂社地方藏匿稟知道府差率經其家長送出  
又訪獲蕭朋程所供林劫一名又在漳浦縣屬之  
烏獅地方將盜首陳單刀即陳三多率獲並獲夥  
盜陳亞章即陳章一名押解至郡漳州府督同龍  
溪縣現在審訊並據汀漳龍道特通阿稟同前情  
各等因前來查該犯等係漳郡積匪雖漳郡所屬  
尚有應訊之案然粵省嘉應州關廂近地連劫三  
家賊逾數千而拒傷者十餘人傷斃者二命案關  
重大自應歸於粵省審辦即飭嘉應州知州添派  
妥役前往漳州迎提併將案內緊要夥犯一體購

那文毅公兩廣總督奏議

卷十二

三

線密拏務期全數弋獲歸案嚴辦庶匪徒知儆而  
越境肆劫之風稍為斂戢謹

奏

謹按嘉慶十年七月二十日廷寄內奉

上諭據那彥成奏拏獲糾約多匪越境肆劫並拒捕斃命  
逃回之首夥各犯一摺陳單刀等犯經該督飛咨閩省  
並密委委員前赴潮漳一帶躡緝務獲既據該委員陶  
希忠稟稱在漳浦地方拏獲陳單刀等四犯即應徑解  
粵省審辦何以轉又押解漳郡審訊恐該犯等實係閩  
省拏獲該委員不無邀功朦稟情事那彥成等當查詢

明確如該委員果有此等情弊即當據實奏至陳單  
刀等犯該督現飭嘉應州派役迎提如業經提到即著  
迅速審辦若尚未提到則此等要犯長途押解恐稍有  
踈虞轉致遠颺况該犯等本係閩省積匪犯案自必不  
少或將嘉應州案犯及供詞等項咨交玉德就近訊明  
結案亦無不可總在那彥成等斟酌妥辦可也

嘉慶十年七月初一日

奏為拏獲在洋積年盜首鄭亞鹿全幫沉溺并拏獲夥  
盜審明辦理事竊據潮陽縣知縣謝濤會同該營  
員陳鳳高等於本年五月十五十八等日督同兵

那文毅公兩廣總督奏議

卷十二

三

役拏獲逃回盜首鄭亞鹿并又跟究拏獲夥犯共  
四十名等情查鄭亞鹿統眾鴟張久為東路腹  
心之患今既就獲從此惠潮洋面除一巨魁不致  
蔓延滋長當即飭司飛提來省審辦去後據報案  
犯劉斧頭支等五名均於取供後病故又李亞復  
一犯年未及歲先由該縣訊明保釋並據委員廣  
州府知府福明將現犯審擬由按察使秦瀛招解  
前來提犯督同司道親加嚴究緣鄭亞鹿籍隸  
潮陽與閩省大盜首朱潰管下小盜首金開孰識  
該犯於乾隆五十四年間經金開引下朱潰船內



入夥後即另為盜首自帶一幫賊船於閩粵洋面迭肆擄劫共有盜船十餘隻夥盜七百餘人十餘年來劫擄殺人屢次抗拒舟師皆以年分久遠不能記憶時日惟據舊案查訊供出嘉慶五年閏四月初二日曾在閩省三澎洋面與官兵打仗一次傷過官兵六年三四等月隨同已獲正法之莫觀扶等助安南與農耐打仗數次復同至西路洋面伺劫是年八月初六七等日自左翼鎮黃標在吳川縣屬廣洲灣洋面向捕該犯率領名下各船對敵傷過官兵七年正月初一日在吳川縣屬洋面與已獲正法盜犯朱亞三聯幫伺劫夥同劫搶該縣東礮臺礮位八年正月二十六日又與前左翼鎮黃標師船在香山縣屬橫洲洋面相遇向捕該犯抗拒傷過官兵九年三月二十九日在海豐縣屬與楊朦九盜匪聯幫伺劫同搶石獅礮臺因被斃斃旋即逃回潮陽縣海門洋面劫搶李仲宏漁船該犯動手殺死水手李輞興陳得清二人九年五月內因該犯無服族叔鄭茂常報官引拘該犯聞知即設計哄騙鄭茂常到船碎屍剝腹棄海十年正月內在澄海縣屬放雞洋面劫得姚萬

豐貨船一隻連船劫得奪銀八千餘兩朱潰聞知當即奪去五月初四日該犯因挾前嫌齊集夥船於南粵洋面與朱潰對敵被朱潰搶去夥船數隻該犯又駛回適遇海門營舟師追剿將賊船用鎗礮轟損該犯與劉斧頭支等亮水上岸即被兵役擊獲計該犯一幫賊船十餘隻被朱潰搶後又復遭風隨遇師船打仗盜夥賊船全行沉沒又究據供出該犯劫來各賊向多交於惠來縣前詹鄉詹季練胡厚勤胡式添等變賣并向謝智招陳豐老各處買米接濟此外劫擄之案甚多實在不能記憶等語又同時續行擊獲夥犯現於取供後病故之劉斧頭支鄒亞五鄒亞居史蝦蛤等四犯均係該犯先後於各洋面漁船擄捉入夥隨同行劫已非一次又獲該犯胞弟鄭亞打一犯訊係本年二月內入夥該犯分船行劫得贓亦經多次又據供跟究續獲鄭亞赤陳亞同二犯各在本船接賊一次又鄭亞看李亞複二犯在船服役又獲鄭式本併已故之鄭潮文二犯因與該犯同族九年五月會赴該犯鄭亞鹿船探察該犯托其探聽官兵消息鄭式本等貪圖借銀伴為應允當向該犯各借



番銀三十圓借後上岸並未探給信息亦無隨同  
為盜又獲鄭逢進一犯亦因窮苦往探得過該犯  
幫給番銀二十圓亦無為盜情事又獲鄭响咄一  
名訊因九年二月二十五日在潮陽縣海門洋面  
捕魚船隻被擄鄭响咄送給鄭亞鹿番銀五十圓  
將船贖回究非同夥反覆質詰眾供如繪臣將該  
犯等審明後即恭請

王命飭委察使秦瀛督標中軍副將劉維馨將鄭亞鹿  
鄭亞打照支解人例綁赴市曹分別凌遲斬決同  
取供後病故之劉斧頭支鄒亞五鄭亞居史蝦蚶

那文毅公兩廣總督奏議

卷十二

三

戮屍一併傳首沿海地方懸掛示眾以昭炯戒鄭  
亞赤陳亞同訊無隨同擄劫情事惟被擄後各在  
本船接賊一次合依洋盜案內被劫接賊一次例  
發往黑龍江給打牲索倫達呼爾為奴俱照例刺  
字鄭式本鄭潮文均係鄭亞鹿族人因鄭亞鹿托  
令探聽官兵信息即伴為應允騙借銀兩究無實  
在探信情事核其情罪固與探報消息致賊逃竄  
者不同亦與潛通海賊同謀結聚者迥異惟既得  
銀允許實屬不法鄭式本鄭潮文均照為賊探聽  
消息通線引路照強盜窩主不行又不分贓律杖

一百流三千里例量加一等發往附近充軍至配  
所杖一百各折責四十板鄭潮文已經病故應毋  
庸議鄭亞看被脅服役合依洋盜案內被脅服役  
之犯如被拏獲例杖一百徒三年至配所各折責  
四十板鄭逢進收受鄭亞鹿番銀二十圓計重十  
四兩四錢折實紋銀十三兩一錢四分八釐該犯  
與族盜往來殊非守分未便僅照知強盜後分贓  
計所分贓准竊盜為從論擬以杖責致滋輕縱應  
請杖一百徒三年至配所折責四十板免刺鄭响  
咄因船隻被劫備銀贖回情尚可原應於在冊服

那文毅公兩廣總督奏議

卷十二

三

役年未及歲之李亞復經縣先已省釋均請免議  
逸盜朱潰金開同究出會代消贓並代買米之詹  
季練胡厚勤胡式添謝智招陳豐老等飭行各原  
籍及沿海文武併捕盜員弁嚴緝獲日另辦謹  
奏奉

硃批刑部核議具奏

嘉慶十年七月初一日

奏為續經拏獲外洋內河陸路各盜匪並勾通接濟之  
土匪彙摺奏

聞事竊臣前將各路舟師並地方文武捕獲盜匪業經恭



摺

奏明在案一面飭提各犯赴省確審究辦現在核審具  
奏一面仍嚴督各文武多方緝捕迄今陸續海洋接仗  
與沿海內河陸路搶劫並濟盜消賊及搶礮臺各  
犯先後弋獲各具稟報前來理合彙摺具

奏據護左翼鎮總兵林國良署香山協副將許廷桂會  
稟督帶師船在獨牛遙見尖山洋面有盜船遊奕  
即督同各將備及委員等追至平洲外洋將近盜  
船賊匪放礮抵拒兵船施放鎗礮打死賊匪無數  
擊沉賊船二隻賊匪落水被浪捲沒尚有匪船五

那文毅公兩廣總督奏議

卷十二

四

隻奔散逃遁各兵船分赴追捕趕至白沙洋面見  
匪船三隻擊沉一隻賊匪紛紛淹斃擊獲二隻生  
擒洋盜胡榮鳳等二十六名起出礮械旗幟火藥  
會簿約帖等項署香山協副將許廷桂稟報督帶  
師船在高欄洋面擊沉盜船二隻擊獲盜船二隻  
生擒洋盜李明秋等四十六名口起出礮械藥彈  
等項又據會同海口營參將何英會稟督帶兵船  
巡捷至新寧大金洋面見有匪船遊奕即奮勇追  
捕放礮攻擊將匪船擊獲生擒盜犯李陳由等十  
三名起獲礮械旗幟等項又探得亞公洋面有匪

船遊奕即率兵船飛赴搜捕匪船竄龍風灣山旁

冲礁擊碎各匪船水上岸隨令各弁兵開闢三板

往山搜捕擊獲盜犯陳木養等十四名又據會稟

帶領兵船搜捕一出大金門一出烏猪外洋見鳳

凰尾外有盜船遊奕兩路會台追至黑水遠洋與

賊相近兵船放礮擊沉盜船三隻賊匪被浪捲沉

尚有匪船四隻分投竄遁各兵船圍攻施放鎗箭

賊匪紛紛落海生擒洋匪董亞二等男婦大小十

名口殺賊首級二顆獲賊船二隻並獲礮械藥彈

旗幟等項鳥鎗五桿腰刀五把俱有建鎮建寧營

那文毅公兩廣總督奏議

卷十二

四

汛字樣並獲福建兵丁吳騰蛟聶高二名係在金  
門洋遇盜截劫哨船被擄押禁瓊州府張增稟龍  
門協千總華蘭帶領捕船巡至雷州洋面見有盜  
船當即駛往圍擊施放鎗礮打沉賊船二隻盜匪  
受傷落海不計其數尚有盜船三隻追至瓊山天  
尾洋面與盜船相近華蘭即首先跳過盜船與各  
盜互相格鬪格殺盜匪四名梟取首級格傷盜匪  
十餘名落海生擒盜匪吳亞空等二十二名船二  
隻起獲礮械鳥鎗旗幟火藥等項尚有盜船一隻  
分撥捕船追出外洋用礮擊沉時有署海口營守



備李春駕船起至協同瓊山縣知縣鄭溶等拏獲  
鬼水上岸盜匪歐亞水等三名以上皆在洋接仗  
擒獲之犯潮陽縣知縣謝濤會同海門營參將陳  
鳳高督率兵役等拏獲洋盜陳亞開一名又獲洋  
盜余亞順等五名新安縣朱麟徵稟報巡檢朱永  
岳陳謨督率鄉民漁戶等在硬礮頭洋面捕獲盜  
船一隻打沉盜船二隻生擒盜匪蔡成基等三十  
五名口起出刀械礮火等物新會縣知縣徐鑑稟  
獲洋盜洪亞就十五名口署吳川營都司盧端稟  
報把總張國理在海旁盤獲登岸偷取淡水洋匪

那文毅公兩廣總督奏議

卷十二

畧

黃慶等三名又在博立汛海旁拏獲洋匪朱成旺  
一名署電白縣知縣盛植才稟會營在博賀等處  
地方盤獲洋匪馮紹安等八名又會營拏獲洋匪  
周之尾等十名署電白營都司王應詔稟把總彭  
高在博賀港海旁拏獲洋匪李亞三一名署新會  
縣縣丞金惠所稟在石礎沙仔尾地方石船上盤  
獲盜犯周亞一等三名署廣海營外委趙大邦等  
稟在甫草蛋行村地方協同委員拏獲盜匪林祖  
車等五名署海門營參將陳鳳高稟拏取水之  
盜匪劉阿夥等六名廣海寨把總劉升稟拏獲盜

匪趙亞四一名署雷州營參將富珠隆阿稟外委  
陳元亮在大坡地方拏獲盜匪蘇武正一名又外  
委王敬行拏獲代盜寄信之林友欽二名又額外  
外委周式偁拏獲登岸伺劫黃孝等五名署廣海  
寨中軍守備王朝安在大麻洋面拏獲賊船一隻  
並礮械火藥賊棄船鬼水登岸逃走即令弁兵上  
岸追獲張興張利二名又把總劉升帶兵同縣役  
拏獲盜犯陳亞二等二名原任惠州府知府楊楮  
稟拏獲洋盜陳成愷一名又洋匪詹亞德一名陳  
亞作一名又會同順德營縣拏獲洋匪李亞四等

那文毅公兩廣總督奏議

卷十二

畧

二十五名大鵬營參將會欽選稟獲洋匪羅木秀  
等四名並礮械等項署新安縣知縣田文燾稟會  
營拏獲盜匪陳亞土等二十一名新寧縣知縣王  
志槐稟差役在蛋行村背洋面見有數賊由外洋  
駛來登岸取水經縣役協同汛兵鄉民駕船擒捕  
賊匪拒捕被殺二人將船打碎當即拏獲李南祐  
等五名起獲刀械又獲被擄服役逃回之梁亞牛  
一名又經事主指獲林明便一名署新寧縣縣丞  
杜華林稟據巡役稟瞭見師船在涪洲東外洋面  
追拏盜船當即馳赴風灣海邊率同該處鄉勇截



捕擒獲盜犯盧二壽等十一名其盜船二隻已被  
師船焚燒香山縣知縣彭昭麟稟據巡役緝獲盜  
犯關亞保等二名署那扶營都司林克順稟探有  
匪船經師船追捕逃竄近紫羅山躲避卽督率  
弁兵協同鄉老拏獲盜匪黃立順等十五名又追  
至大龍山搜獲盜匪陳亞南等七名查係盜首鄭  
一先鋒快船署海康縣知縣高經祥稟會營前後  
拏獲洋匪黃朝高吳天美劉維保等十八名署澄  
海協副將王國寶稟拏獲趕劫漁船之賊艇追捕  
賊匪跳水淹沒擒獲小匪船一隻盜匪林阿盛等

那文毅公兩廣總督奏議

卷十二

署

二名署遂溪縣知縣段長基稟在蘇黎渡地方拏  
獲盜首凌阿大一名又拏獲上岸買米之盜首羅  
吳炳等二名署阜司巡檢徐維琦稟在小漠港拏  
獲盜匪蔡阿英等十名以上皆在洋爲盜之犯鶴  
山縣知縣樊世枋稟會營拏獲盜犯王亞滿等二  
名廣州府知府福明稟順德龍江地方拏獲行劫  
高州府經歷蕭宣坐船案內盜犯黃志然等三名  
撫標左營守備李福泰稟在裏水村地方訪獲盜  
匪陳顯林一名南海縣知縣王軾詳會營緝獲縣  
民胡從嘉等船被搶案內賊犯陳亞代一名陽江

縣縣丞王辛干總胡聯標會稟在東莞縣蘇湧海  
口獅子洋邊拏獲屢次搶劫渡船盜犯陳亞寬一  
名順德縣知縣沈權衡稟會營拏獲盜犯梁亞明  
等二名並獲船隻器械儋州知州曹世華在籍候  
選知縣何天球候補縣丞陸來會稟拏獲盜匪黃  
英拔等八名又梁亞牛等六名河清汛外委李光  
泰拏獲盜匪余動二一名委員趙瞻雲等拏獲盜  
犯梁萬有等四名潮陽縣知縣謝濤詳緝獲搶劫  
案犯歐天佐等七名署順德協副將楊長棟稟候  
補外委馬定安同巡丁在舊寨地方拏獲匪犯程

那文毅公兩廣總督奏議

卷十二

哭

亞天等二名在籍候補知縣何天球稟會營在睦  
州河面拏獲匪犯胡清德等四名以上皆在內河  
行劫之犯鶴山縣知縣樊世枋詳會同各營員先  
後緝獲有案逸盜林亞第等四名陽江縣縣丞王  
辛干總胡聯標會稟在南海赤崗地方拏獲匪犯  
直亞富一名併起獲兇刀二口恩平縣知縣屈澤  
林詳拏獲盜犯黃亞遲等二名署順德協副將楊  
長棟稟督率屬弁陸續拏獲匪犯黎亞等九名順  
德縣知縣沈權衡詳先後拏獲匪犯吳骨應等十  
二名三水縣知縣洪先燾稟先後緝獲匪犯關亞



二等五名署石翼鎮左營遊擊倭恒額稟所屬弁  
 兵拏獲匪犯吳復元等二名候補巡檢張家順候  
 補守備鍾垣會稟拏獲匪犯李耀成一名九江汛  
 守備盧朝光會同九江主簿李敬思拏獲賊犯何  
 琪琛等三名羅定州知州張純賢詳會營拏獲賊  
 犯梁賢才等三名東安縣知縣朱一謙詳會營拏  
 獲兇賊林維等四名候補守備劉輔朝稟先後緝  
 獲盜犯招貴秀等二名又會同從九品田子華拏  
 獲霍亞受一名原任守備羅羅紀試用從九品趙  
 瞻雲會稟拏獲盜犯吳亞盛等二名候補從九品

那文毅公兩廣總督奏議

卷十二

兇

王賜稟先後拏獲盜犯李複興等四名又拏獲搶  
 劫客船匪犯陳國標等十二名南雄協副將何君  
 佐稟外委周德興拏獲搶案賊犯李觀俚一名又  
 額外外委何益榮拏獲匪犯葉盛賓等二名佛山  
 同知官德稟緝獲逸盜黃亞有一名在籍候選知  
 縣何天球稟會同順德紳士胡鳴鸞等並該汛把  
 總朱明亮拏獲匪犯鄧亞望等三名候補從九品  
 舒成把總脫文興會稟緝獲逸盜陳亞津一名併  
 搜獲順刀鎖匙等項清遠縣知縣饒應泰稟會營  
 及巡檢高謙益拏獲拒傷事主案犯彭亞傑等二

名東莞水師都司唐盛高稟署千總袁綱拏獲經  
 事主指出匪犯鄭啟先等五名撫標左營千總守  
 備李福泰稟拏獲賊犯蘇亞章一名又拏獲賊犯  
 親屬馮亞四一名新會縣知縣徐鑑詳拏獲劫案  
 逸盜林亞生等二名順德縣紫泥司巡檢章予之  
 稟拏獲駛駕蝦筍艇行劫匪犯陳亞北等七名並  
 起獲船隻火藥等項又稟拏獲匪犯周昌敬即周  
 亞敬一名南海縣王軾會營先後緝獲盜犯郭亞  
 喬等十八名又黃鼎司巡檢吳顯純同縣差拏獲  
 匪犯陳紹東等六名又拏獲賊匪梁社帶等二名

那文毅公兩廣總督奏議

卷十二

丑

并獲窩贓人梁天保一名惠來縣知縣李應均稟  
 訪獲積盜黃阿貫等十七名以上皆在陸路行劫  
 之犯臣前奉  
 諭旨洋盜以海為藪較之陸路倍難總應先截清洋匪陸  
 匪勾結之後先辦陸匪勿令勾結之後先辦陸匪則洋  
 匪不攻自潰欽此仰見  
 睿慮周詳動中機要臣實深欽佩當即悉心欽遵辦理查  
 向來審辦洋盜於勾通接濟之人未經究及伏思  
 盜匪礮火得自何處米糧買自何人所劫贓物於  
 何地銷售一切船中需用之物於何方購置不有



岸匪接濟斷難肆其鴟張臣每遇審辦洋盜時必  
層層究詰如有供出卽按名密拏究辦並通飭緝  
捕各員於獲犯時俱遵照嚴鞫茲據原任惠州府  
楊楷稟督同海豐營縣拏獲接濟洋盜黃孟煌等  
三名署順德協副將楊長棟稟報署左營守備楊  
光千總宋邦雄同委員何天球拏獲通盜匪犯黎  
勝利等二名廉州府張世倬廉州營遊擊劉琬會  
稟拏獲私販火藥濟匪人犯李元興等二名署海  
康縣高經祥稟拏獲私買米猪接濟洋盜之張大  
興等二名又會營拏獲通盜銷贓林德進等二名

那文毅公兩廣總督奏議

卷十一

奎

并獲贓物又拏獲連鐵濟匪吳老長一名又會營  
拏獲接濟洋盜酒米等物匪犯方亞倫等十名饒  
平縣知縣唐文藻稟會營拏獲私賣酒米食物接  
濟洋匪麥亞比等四名署海陽縣知縣馬緯雲稟  
盤獲受僱運煤夾帶鐵劬匪犯李吼一名及船戶  
蔡成祖一名新會縣知縣徐鑑稟會營拏獲交通  
洋盜持接引贖之梁亞爛等五名并艇一隻雷瓊  
道海鮮稟會同瓊州府張增飭令文昌縣李文枚  
及武舉楊輝拏獲通盜賣贓匪犯馮坑上等二名  
署澄海協副將王國寶稟拏獲私運大鹿茸出海

民人林喜進等三名碣石鎮洪蕃鏘稟把總吳連  
高拏獲買米連往賊船之鄭興相等四名歸善縣  
知縣康傑稟拏獲通盜奸匪陳拔疇一名署電白  
縣知縣盛植才稟前後拏獲通盜濟匪之吳聯豐  
等四名署高州府知府唐錚稟會營拏獲私造火  
藥接濟匪犯溫正昌等二名署吳川營都司盧端  
會同吳川縣朱振聲拏獲私帶火藥接濟洋盜之  
招觀高一名吳川縣知縣朱振聲詳會營拏獲私  
運瓜酒食物接濟匪徒姚祖堯二名春江協都司  
李朝雄稟外委李廷玉拏獲往賊船贖船之李保

那文毅公兩廣總督奏議

卷十一

奎

連等四名雷州營參將富珠隆阿稟拏獲私運桐  
油米石接濟匪徒吳有明等五名署雷州府知府  
宗聖垣等稟拏獲代盜銷贓并接濟酒米匪犯及  
上岸代盜買米之犯吳潮注等三名署雷州府宗  
聖垣嘉應州戴錫綸代理遂溪縣知縣段長基會  
稟緝獲接濟米糧銷贓匪犯陳歧沙二等六名代  
理遂溪縣知縣段長基稟先後拏獲買米接濟匪  
犯林三符許有昌等七名陞任高州鎮總兵許文  
謨稟拏獲私造火藥通盜匪犯周上昌等二名惟  
是向來洋匪全仗土匪勾接今既嚴加搜捕該犯



等覓食維艱愈思上岸打劫臣慮及此屢經嚴飭加意防守詎歸善縣所屬之盤沿東西兩礮臺竟被洋匪攻破劫去礮位軍械傷斃兵弁當獲賊犯陳亞石一名現在飭提該臺弁兵等并所獲賊犯解省從重究擬另行具

奏并飭沿海文武懸賞購線偵緝務將本案首夥各盜拏獲嚴辦茲據該縣康傑稟小漠鄉洋面有盜船一隻經役勇駕船擒捕拏獲羅火生等十四名并獲箭三十七枝俾上有忠協右營等記又無字記箭四十四枝因捕匪人眾將匪船踏沉淹斃盜匪

那文毅公兩廣總督奏議

卷十二

五

十餘人鄉勇林亞旺等五人亦被淹斃又據惠潮嘉道吳俊稟鹿欄埔鄉民陳士敬等指獲盜匪馬建一名係隨同盜首黃正嵩從碇州東來在歸善鹽州地方打劫東西礮臺殺傷兵弁搶去礮位鳥鎗之犯又據鷺埠司巡檢徐維珩稟在百安鄉海壩拏獲盜匪鄭賢德等四名內鄭賢德即係隨同打劫盤沿礮臺夥犯各等情以上各獲犯統計六百四十餘名囚人數眾多俱速提解省督飭悉心研鞠按律定擬務得及早清結以清囹圄再行彙奏分咨可省煩瀆又據師船委員試用從九品降

旭昇稟風聞漁船人說盜首鄭一與另幫盜首烏十二於六月間在大澳洋面搶劫猪船得猪三三隻因分猪起衅彼此插旂對仗傷斃賊匪數十名後至海門地方復行對仗又傷斃賊匪百十餘名打破賊船數隻俱向外洋駛去等語查洋盜素相聯絡一氣遇事互相救援所以恣行海上今因其自行伙併乘此機會上緊緝捕或竟將大股賊匪藉此殲除亦易於為力已嚴飭舟師相機籌辦伏查洋匪雖多大半由於盜首之擄捉威脅其甘心從盜者實屬無幾臣到任後即於各海口出示

那文毅公兩廣總督奏議

卷十二

五

曉諭有能殺賊投首者寬其既往予以自新茲據代理澄海縣王元鳳稟有被盜擄捉逼脅服役不甘從盜殺死賊匪三名斫傷一名逃回投首夏阿南等八名並繳到船一隻百子礮二門刀十把海豐縣鷺埠司巡檢徐維珩稟許阿內等八名殺賊三名投首又胡亞發等二十五名殺賊首紅痣狗黃亞金等十名先因被盜捉擄押令服役不甘從盜殺賊三名賊婦一口逃回投首又據稟被流擄捉逼脅服役不甘從盜乘間逃回林明光等三名



赴麻斜汛投首又稟赴營移送被擄不甘服役乘間逃回杜亞璫等六名海豐縣張再英等稟有縣屬浪涌鄉職員徐績等帶領被盜擄捉不甘爲盜殺賊一人逃回投首之鄭章盛等十六名并繳到船一隻五百觔大礮一門過山礮一門刀九把新宜縣王志槐稟有被擄逼脅入夥不從乘間殺死賊匪六人逃回投首之林觀養等十名並繳到船一隻百子礮二門子母礮一門以上先後投首共八十六名伏查該民人等不甘爲盜并有殺賊之功不可不卽加鼓勵臣隨驗有才具可用者分別

那文毅公兩廣總督奏議

卷十二

奏

其中或起意爲首殺賊之投首人酌量補給外委或額外委馬步名糧卽令跟隨緝捕不願入伍者亦俱妥爲安插不使一名失所以示招徠臣自督辦以來各屬文武功過尙未綜核容俟確查擇其出力拏賊者仰懇

天恩准

臣會同撫

臣孫玉庭秉公保奏謹

奏

嘉慶十年七月二十日軍機大臣字寄奉

上諭那彥成奏拏獲外洋內河陸路各盜匪並勾通接濟之土匪一摺粵東瀕海地方盜劫頻仍經那彥成嚴飭

文武多方緝捕此次先後弋獲盜匪土匪統計六百四十餘名現俱飭提解省審辦著那彥成等於案犯提到後迅速督飭鞫訊分別定擬具奏早就清結至所稱此次先後投首民人八十六名不甘爲盜並有殺賊之功不可不亟加鼓勵該督隨驗其才具酌量補給外委名糧妥爲安插又據稱各屬文武功過容俟確查擇其出力拏賊者保奏其不肯出力者一體查參等語地方文武緝捕不能出力者既已查參示懲則奮勉之員自當量加獎賞但此係本省捕盜與軍營打仗殺賊出力者不同那彥成曾任參贊不可視同軍營保奏人員懇請

那文毅公兩廣總督奏議

卷十二

奏

賞戴花翎藍翎亦不可臆列多人開單籲請惟當擇其實在捕盜勤能出眾者遴選數員秉公保奏或請給議敘或賞給陞等陞銜其未有賞缺之員或請令儘先補用已足以示恩施而昭鼓勵至賊中投首之人尤當詳細訪查明確果係內地良民被盜擄脅不甘從賊因而殺賊獻功赴官投首者自應加之拔擢若本係盜匪或因窮蹙來歸則其平素所犯劫掠傷人之罪不知凡幾卽因悔罪自新亦不過貸其一死已屬法外施仁豈可令其濫膺恩賞乎

容安謹案此奏內各犯於是年七月初一等日



審明定擬具

奏照大逆例凌遲四名照江洋行劫大盜照響馬強盜

例斬決四十五名戮屍八名照逼勒接賊一次

例發往黑龍江為奴五十名照強盜父兄知情

分賊例軍流一名照被擄服役例杖徒三十二

名省釋被脅無辜四十名同奉

硃批刑部速議具奏

嘉慶十年七月十八日

奏為酌量情形條奏請

旨事竊臣辦理洋盜以來欽奉

那文毅公兩廣總督奏議

卷十一

奏

廟謨密查口岸嚴斷接濟銷賊以絕奸宄而清盜源業經

查獲多名於彙

奏摺內詳細列入但去莠固以安良卽民愚亦須矜憫

自應仰體

皇上好生之德遇事

奏明恭請

訓示查律載奸徒偷運米穀潛出外洋接濟奸匪者擬絞

立決又沿海地方奸豪勢要及軍民人等私造海

船夾帶違禁貨物下海潛通海賊同謀結聚及為

嚮導劫掠良民者正犯比照謀叛已行律處斬梟

示全家發近邊充軍又例載凡地棍奸牙違禁將

米穀麥豆稞糧偷運出口及在洋接濟奸匪者該

管各官照違禁出海例分別查議又違禁出海該

管州縣不知情革職永不敘用該管府道各降三

級調用各等語查粵東現經拏獲通盜濟匪各犯

其審係積慣通賊者自屬法無可貸惟有一種濱

海愚民不過為些微小利冒法行險如內地買物

每價一兩盜匪可出數倍移賤就貴其實亦不知

例禁之嚴至于立決現被拏之犯往往有數兩之

賊而不得不按例定擬若其中私通接濟至盈千

那文毅公兩廣總督奏議

卷十一

奏

累萬或如船隻軍火等項或實有勾結情事自不

容少道而無知之民私相買賣為數無多實覺賊

輕法重臣受

恩深重身任封圻亟應推廣

皇仁合之現在情形稍為變通辦理應請將賊在十兩以

外者按律治罪其在十兩以內者卽照洋盜之接

賊例定擬其有心接濟勾通者雖一兩以下亦不

援減地方官有實在不能振作一任奸民來往勾

通接濟者經臣等查出卽隨時祭

奏治罪若因從先失察後知愧奮將勾通接濟奸民自



行查擊稟報者亦應請免其處分在各員自當倍  
加感激實力查拏亦可免回護諱匿之弊庶於辦  
理洋匪淨絕盜源似有裨益臣愚昧之見是否有  
當伏懇

皇上睿鑒

勅部議覆施行謹

奏奉

硃批該部議奏

嘉慶十年七月二十五日會同廣東巡撫孫公玉  
庭

那文毅公兩廣總督奏議

卷十二

奏

奏為續經拏獲外洋內河陸路各盜匪併接濟之土匪

彙摺奏

聞事竊臣等仰蒙

聖訓一面督捕外海一面先嚴內地勾通接濟不除不足  
以致盜之命陸路內河土匪不除久之亦終增盜  
黨半年以來辦理少有眉目所屬各文武近日亦  
漸能多方設法認真緝捕茲據陸續拏獲外洋內  
河陸路並接濟盜匪之犯各具稟前來署澄海協  
副將王國寶稟署千總陳國亮革職知縣楊桂蔭  
拏獲洋匪陳亞聯等三名被擄船戶許亞春一名

又稟把總謝逢貴同外委麥文高拏獲洋匪杜廷

貴等三名又稟署把總陳錫拏獲洋匪陳亞梅等

三名署海康縣高經祥稟典史方祖彥巡檢程志

廣會營先後拏獲呂發等十七名又稟會同候補

府經歷金鳳池千總金世理拏獲洋盜陳亞二陳

相二名又稟典史方祖彥拏獲勾引擄劫匪犯陳

妃林等二名署大鵬營外委劉大光拏獲盜匪張

亞七等四名並三板船一隻挑刀四把又外委賴

鷹揚拏獲被擄押禁之陳亞發等二名護左翼鎮

林國良稟巡至新寧縣屬下川尾外洋拏獲代盜

那文毅公兩廣總督奏議

卷十三

奏

押運鹽船匪犯黃文富及舵水人等共三十六名

并船一隻又署廣海寨遊擊黃朝輔及船戶和合

在洋擒獲盜匪林亞廣等一十四名口並獲銅礮

一門百子礮二門竹槍十二枝電白縣盛植才稟

電茂場大使姚鈞盤獲被擄服役王亞尙張氏二

名口又稟拏獲洋匪梅瑞初一名署電白營都司

王應詔稟把總鍾鳴貴外委邵天喜盤獲被盜押

禁趙充昌一名雷州營參將富珠隆阿稟額外

委王臣敬督同縣役拏獲洋匪陳蔡林一名揀發

知縣李溇惠州府司獄許章琿會稟拏獲洋匪賴



亞九等三名又擊獲練紀壽一名歸善縣康傑稟  
 平政司巡檢黃光綸擊獲被擄送回之許成坤一  
 名潮州鎮總兵武隆阿稟千總林天暢協同縣役  
 擊獲搶劫案犯林亞禹一名又擊獲洋盜朱潰夥  
 匪陳亞和一名海豐縣鷺埠司巡檢徐維珩稟會  
 營先後擊獲洋盜畢亮韜等六名署惠州協副將  
 馬兆瑞稟小漠汛兵駱得鳳等擊獲洋盜方亞好  
 一名該鄉民歐孟祥等擒獲洋盜陳亞養等三名  
 婦女四口並船隻器械又擊獲林亞機一名吳川  
 營都司盧端稟督同千總陳勝先後擊獲洋匪易

那文毅公兩廣總督奏議

卷十二

空

清等六名東莞縣陶必榕稟候補把總李得興等  
 擊獲洋匪莊亞七一名署惠來縣李應均稟擊獲  
 盜犯陳亞搭等三名那扶營都司林克順稟把總  
 蔡邦擊獲洋匪陳亞合等二名電白營都司王應  
 詔稟外委朱秋元同博茂場差役擊獲洋匪李亞  
 什等二名新會營參將楊森新會縣徐鑑會稟千  
 總余得彪等擒獲洋盜謝亞三等十三名並大礮  
 二門藤牌刀槍旂鼓等項海豐縣張再英稟署歸  
 善縣丞齊守業擊獲洋盜鍾懷端一名署通同劉  
 光輝稟擊獲洋匪鄭亞尙等五名並盜船一隻器

械等物署石城縣劉敬熙稟會同化石營都司鍾  
 垣擊獲盜匪蔣邵歧等三名轟斃盜匪三十餘名  
 署東莞營都司胡光烈稟署千總袁綱擊獲洋匪  
 陳敬泰一名代理饒平縣傅修孟稟擊獲盜犯蘇  
 亞引一名署陽江縣辛朝俊稟海陵司巡檢宋至  
 龍擊獲洋匪楊承祖八名賊婦陳氏等二口並擄  
 獲鐵礮一門匪船一隻又稟縣丞黃宗薦擊獲盜  
 匪陳亞二等五名新寧縣王志槐稟投首民人潘  
 長洲等縛送洋盜朱佳城一名以上皆在洋為盜  
 之犯署順德協副將楊長棟稟外委陸廷揚擊獲

那文毅公兩廣總督奏議

卷十二

空

船戶喊稟勒寫欠字之匪犯蔡長發等三名又稟  
 外委鍾朝英擊獲盜犯梁亞丁吳亞寶二名又稟  
 把總李鎮邦帶同縣役擊獲盜犯梁云芳等五名  
 原任惠州府知府楊楷會同順德縣沈權衡香山  
 縣彭昭麟新會縣徐鑑新會縣丞金懋忻千總楊  
 光余德彪等督帶兵役乘坐巡船捕獲王亞二等  
 二十六名併起獲線人黃葉開指出在良潭埋藏  
 之生鐵礮一門子母礮六門礮子十一劔封口子  
 半壘烏鎗五桿腰刀六把鎗刀四十件順德縣沈  
 權衡稟會同署番禺縣吉安香山縣彭昭麟及順



德協弁兵擊獲盜匪黃葉有等二十九名新會營  
參將楊森稟把總馬如龍督同縣役擊獲盜匪羅  
朝輝一名署番禺縣吉安稟擊獲盜犯梁亞六等  
四名又稟會同東莞縣陶必榕順德縣沈確衡增  
城縣程義莊擊獲盜犯林就源等三名香山縣彭  
昭麟稟擊獲盜犯陳大隻四名南海縣生員吳連  
擊獲盜犯歐陽容信等六名又關敬奇一名佛山  
同知官德稟擊獲順德縣巨盜陳亞才一名撫標  
右營守備劉博稟擊獲盜犯趙亞清等二名開平  
縣吳廷揚稟擊獲盜犯黃亞子司徒昭茂等十二

那文毅公兩廣總督奏議

卷十二

三

名高要縣王承熙稟會營擊獲匪犯陳亞四等七  
名羅定協副將和隆額稟外委區衡昭督同縣役  
先後擊獲吳茂和等三名又解到自行投首賊犯  
曾亞陳一名肇慶協副將三格稟把總翟鵬飛擊  
獲搶奪婦女之黃亞全等四名並賊艇一隻原任  
福建金門鎮總兵何定江稟擊獲盜匪吳長高等  
五名廣海寨外委蕭顯揚擊獲匪犯余亞超一名  
順德協副將楊長棟稟千總李鎮邦擊獲匪犯吳  
和恒等四名三水營都司富僧額稟把總楊嵩擊  
獲匪犯鄧以進一名順德縣沈權衡稟會同順德

協場長棟擊獲盜犯吳禮江卽七指等二十三名  
又稟會同香山番禺新會各縣及把總朱明亮等  
擊獲盜匪盧卓城等二十一名新寧縣王志槐詳  
擊獲盜犯袁亞九一名督標中軍副將劉惟馨稟  
署都司楊大鵬擊獲盜犯梁有名一名以上皆內  
河盜竊之犯督標中軍劉惟馨稟把總莊興貴擊  
獲賊犯區會蕃一名積賊黃亞宗一名又稟把總  
羅明太擊獲匪犯梁亞三一名又稟守備盧朝光  
擊獲賊匪羅亞煥一名增城營參將寶興稟擊獲  
賊犯鍾三貴一名又稟弁兵會同縣役擊獲賊犯

那文毅公兩廣總督奏議

卷十二

四

姚亞賤一名肇慶協副將三格稟把總陸廷顯擊  
獲賊犯黎三鳳一名賊犯蕭亞執等二名又稟兵  
役擊獲用藥迷竊之匪犯鄧世宗等三名高要縣  
王承熙稟會營擊獲匪徒徐士活等二名又稟擊  
獲賊匪嚴近英一名又稟會營擊獲送竊賊犯黎  
亞三等二名署右翼鎮遊擊倭恒額稟把總張振  
鳳擊獲窩匪周東奇一名又稟把總吳福元督同  
縣役擊獲賊犯潘斗隆一名又稟擊獲賊犯劉詩  
璧等二名又稟把總張振鳳擊獲賊犯徐樹仔一  
名督糧道章銓稟巡檢章予之擊獲匪犯甄基彥



一名督標水師營參將陳耀稟外委龍會陞擊獲積匪鄧亞雄一名黃柱良一名署潮州府劉光輝稟前署揭陽縣李漢會同署遊擊陳灝督同署湖口司巡檢周福玉擊獲私賣火藥匪犯蔡阿嚴等五名潮陽縣謝濤稟擊獲劫犯劉阿慈等三名清遠縣迴歧司巡檢方士俊稟擊獲盜犯馬亞成一

名鶴山縣懋世方稟率同典史翼廷樞擊獲盜犯楊亞二等四名英德縣李逢泰詳泮口司巡檢沈南齡擊獲盜犯黃亞德等三名署永安府丁方洲詳會營緝獲賊犯曾亞秀等五名署始興縣莊自

那文毅公兩廣總督奏議

卷十一

奎

儀稟獲搶犯魏朝皮古魏僑皮古二名潮州城守營守備王大魁稟外委許振鳳擊獲賊犯潘福壽等二名署乳源縣朱榕稟會營擊獲盜犯鍾丁賢一名博羅縣梁寶繩稟會營擊獲逸犯莊亞相一名從化縣劉念典稟會營擊獲賊犯董亞道等三名三水營都司富僧額稟把總楊嵩擊獲賊犯何能昌等二名候補縣丞劉子揚稟擊獲賊匪高瓊

有一名新寧縣王志槐詳擊獲盜犯游亞壽等六名又詳擊獲逸犯朱光迪一名署曲江縣宋其焯稟濠裏司巡檢李廷蘭擊獲匪首林汝富一名增

城縣程義莊詳擊獲賊犯劉亞檢一名署儋州知州孫海觀詳擊獲兇賊李亞肥等四名代理南海縣王衷詳擊獲兇賊彭亞養一名署陽山縣劉承龍詳擊獲賊犯盧亞挽等六名署右翼鎮唐光茂稟把總劉燦榮擊獲匪犯李應春等三名韶州府王衍福稟礮下司巡檢沈國鴻會同把總劉燦榮擊獲著名爛崽黃斷達一名順德縣沈權衡詳擊獲盜犯周禮詳一名又詳擊獲兇盜周華觀一名

又詳協同營兵緝獲案犯陳亞貴等三名西寧縣沈寶善詳擊獲竊犯嚴居化一名普寧縣鄭承斐

那文毅公兩廣總督奏議

卷十二

奕

詳擊獲賊犯陳朝祿一名三水縣洪先燾詳自行投首兇賊福會東一名東安縣朱一謙詳會營緝獲賊犯陳標等四名代理澄海縣王元鳳詳緝獲賊犯郭武魁等三名候補巡檢張家順稟擊獲匪犯余表活一名署那扶營都司林克順稟擊獲賊匪區亞長一名南雄協把總辛佐才稟擊獲賊犯周串耳一名南雄協副將何君佐稟擊獲匪犯鄧柱斗等七名又稟保昌縣典史鄭慶長擊獲劫犯陳運山一名清遠縣知縣饒應泰稟會營擊獲私挖礦砂犯人馮可先等五名提標後營遊擊唐文



才稟記名外委朱班等拏獲會匪馬東山等二名  
 督糧道章銓稟紫泥司巡檢章亨之拏獲會匪曾  
 亞妹一名以上皆陸路盜竊為匪之犯署海康縣  
 高經祥稟拏獲通盜濟匪林拔元等二十名又稟  
 會同把總榮陞拏獲代匪銷贓之黃卷登等四名  
 併船一隻及搭船回家之高那養一名又稟會同  
 外委林應陞盤獲私運酒米濟匪鄭老尾一名陳  
 其貴一名巡檢程志廣拏獲通盜李維反等二名  
 典史方祖彥拏獲代盜運送酒米匪犯吳瓦堂一  
 名護左翼鎮林國良署香山協副將許廷貴海口

那文毅公兩廣總督奏議  
 卷十一  
 奏

營參將何英會稟外委方正剛拏獲代人向盜贖  
 回船隻周亞潤一名潮州府朱爾賡額稟拏獲積  
 年濟盜匪犯林光明一名署雷州府宗聖垣稟拏  
 獲濟盜匪犯鄧大爹一名署高州府唐錚稟拏獲  
 濟盜匪犯龐日新一名又稟督同石城縣劉敬熙  
 拏獲濟盜匪犯何蓮等二名新寧縣王志槐稟盤  
 獲通盜匪犯譚大保等五名並搜獲銷贓單物代  
 理遂溪縣段長基稟拏獲販米濟盜之彭添春許  
 老赤二名併知情運送之寶施仁一名署瓊州府  
 同知宮秉鑑稟會同文昌縣李友枚拏獲代盜買

贖得賊之韓羅銅一名督標中軍副將劉惟馨稟  
 守備張仁訪獲通盜濟匪之陳老大等二名歸善  
 縣康傑稟紳士鄧時宜解到濟匪吳亞保等六名  
 惠州府陸元宏稟拏獲接濟匪犯楊向堂一名以  
 上皆通盜濟匪之犯統計獲犯五百餘名口現飭  
 名俱無口供實屬奇聞汝心隨地易放縱多視亦好運  
 飛提省城迅速審辦俟積有數案及十案內外即  
 由驛具

奏一次庶辦理簡易不致屢煩驛遞等仍不時嚴督  
 文武實力緝拏務期海疆綏靖商旅無驚以仰副  
 我

那文毅公兩廣總督奏議  
 卷十一  
 奏

皇上委任之至意再盜匪在洋事事必須岸匪接濟故到  
 處皆有勾通之人等欽遵  
 諭旨先清土匪為制盜之源即一二負販愚民肩挑些微  
 食物賣與盜船亦必嚴密查拏按律辦理令該犯  
 等不能來去自如食窮路絕是以時思上岸搶劫  
 其人烟稠密處所經等示諭紳耆良戶以守望  
 相助之義均能堵禦嚴密失事向少惟孤懸海上  
 之礮臺汛地間被蹂躪近據報到潮陽縣之蓮澳  
 礮臺歸善縣之大星汛被劫現在飭提礮臺汛地  
 各弁兵等到省確審文武疎防情形分別功過從



實擬辦另行具

奏又新安縣佛堂門礮臺於六月二十三日有三板匪船十餘隻賊匪數百人登岸手執紅旗十餘面各持器械蜂擁而來攻圍礮臺經貼防外委劉玉章督率兵丁奮勇拒敵自負至千打傷賊匪多人傷斃二名賊見守禦嚴密不能攻擊紛紛退回匪船駛逸並獲所棄紅旗鎗刀火箭噴筒各件又海豐縣之長沙礮臺於閏六月十六日夜有大小匪船十餘隻由外洋駛入內港攻擊礮臺正在危急之際經署守備李用縣丞戴玉衡帶領兵役馳往救

那文毅公兩廣總督奏議

卷十二

究

援內外犄角直至天明該匪始行逃竄外委陳朝勳被礮傷斃兵丁梁大陞等三名俱受有重傷臣等聞信之下卽飛飭各路舟師及沿海文武務將打劫礮臺各犯悉數擒拏懲辦以彰

國法而快人心惟外委陳朝勳能捨身護救實爲可

憫應懇

恩照陣亡例議恤其受傷兵丁臣等已俱加賞資以示獎

勵謹

奏

嘉慶十年八月初七日奉

上諭那彥成奏審明洋盜通盜濟匪各犯分別辦理彙摺奏聞一摺據稱目下獲犯較多若循舊逐案具奏固屬既多擁擠而逐件具奏亦未免事涉煩冗將審結之案或十案或十餘案彙摺奏聞一次等語所奏殊不成話

該省拏獲洋盜及各項匪徒均係問擬重辟居多該督

於審明後自應逐案奏聞候旨交部核辦此係舊章有彙摺具

奏之理朕日理萬幾從不稍憚煩勞至於刑名案件人

命至重凡外省奏到審案及部臣核議奏疏無不將情

節供勘詳細披閱始行定案那彥成到粵以後朕何嘗

以該省案件較煩諭令稍從簡便乃輒稱逐件具奏事

那文毅公兩廣總督奏議

卷十二

十

涉煩冗耶此大試思一摺之中敘述至十數案頭緒既煩人

犯重多且此內尙有該督審明後業經恭請王命正法

之犯驟轉不清若云目下獲犯較多則從前之該省獲

犯亦復不少該督但能迅速審辦由驛馳奏候結又何

患囹圄壅積乎督撫爲封疆大吏無此辦事之法看來

那彥成竟不免心存憚煩任意更改舊章由四百單著傳旨申飭

仍交部議處所有本日彙奏各案一摺著發還交那彥

成核明各歸各案分晰定擬由驛馳奏毋得再有草率

所有此次被礮傷斃之外委陳朝勳著咨部照陣亡例

賜卹



嘉慶十年八月二十一日軍機大臣字寄奉

上諭據那彥成等奏續經拏獲外洋內河陸路各盜匪土  
匪彙案奏聞一摺所奏非是前因那彥成將通盜接匪  
各犯彙案具奏當經降旨申飭並交部議處此次所奏  
續獲盜匪統計五百餘名尚未詳敘供詞仍欲俟審明  
後併案奏聞希圖簡便事關盜匪重案豈容任意草率  
試思案情各有不同罪名亦須分別科斷若籠統牽混  
將如何發交部議耶即如本日那彥成等另摺所奏拏  
獲疊劫盜匪各犯亦係併案辦理因案犯尚不致過多  
是以批交部議然已頭緒紛亂供情未能全備朕日理

那文毅公兩廣總督奏議

卷十二

主

萬幾披覽章奏從不稍厭煩多那彥成等身任封疆大  
臣於緝捕案件不應自憚煩勞若以省奏贖為愛君則  
負朕簡任苦心矣那彥成等著傳旨申飭嗣後凡遇拏  
獲盜案務須審訊明確分案辦理速為完結即恐多費  
驛站亦應於由驛馳奏時分繕數摺一併封入馳遞毋  
得仍前草率

嘉慶十年八月初十日

奏為恭奉

恩綸據實明白覆奏事本年八月初九日臣摺報回粵欽  
奉密封

諭旨臣伏地百叩骨顛汗流不能起立伏念臣少無學問

長沐

生成

皇上念係阿桂之孫望其成人繼祖為

國家出力為有用之才數年間由書生用至六卿統兵

參贊乃以措置乖謬辜負

恩慈分宜終身屏黜乃蒙棄瑕宥肯復試以諸曹之事洵

還其舊日之階

恩重咎深愧多感集更

屢念邊疆緊要

那文毅公兩廣總督奏議

卷十二

主

昇以總督重任數月之內由陝甘調任兩粵莅任以來見  
粵東之患莫大於洋盜而緝盜為總督之專責  
皇上委任臣亦以此為至急至要之務惟臣無識無才年  
輕識淺從前為

欽差到粵時雖曾訪知通省梗概而於海面口岸實在情

形盜匪實在踪跡勦捕如何著手一切茫無把握

若貿貿從事則盜情詭變百出捕盜兵役仗倆亦

詐偽無窮以臣一人之精力心思欲辦此滿海之

賊加以事事生疎必致無功貽誤查通省海面三

千餘里曲折盤錯實有五千餘里水兵調海者一



萬數千名造船鑄礮徵兵撥餉交撥紛紜旁午不  
過無用兵之名其實與用兵無異臣自分此事斷  
非一人智慮所能辦理是以博訪周諮虛衷求益  
詳查從前案卷每年雖屢有獲盜而盜仍有增無  
減至近日則遍海皆是海有數萬之盜盜有千號  
之船從前輿論播傳殆非訛謬緣海中之賊即係  
岸上之人岸上有人窩盜為之接濟銷賊則今日  
海中殺千百之賊明日岸上又逃下千百之匪海  
中岸上是二是一辦理之法誠如

聖諭總應截清洋匪陸匪勿令勾結之後先辦陸匪則洋

那文毅公兩廣總督奏議

卷十二

七

匪不攻而自靖臣欽悅佩服惟有敬謹遵循首先查辦

接濟岸匪以冀洋匪漸除漸少此事從前實未經

辦及臣恪遵

指示後下手方合機宜非欲自炫其長形人之短也查捕

盜貴嚴審盜貴速又貴密密速之道非以羣力羣

策為之則不能集事臣識見既未能深遠精神又

未能周到雖有幕友只可料理尋常文書稿案日

行之件令其記載出入若少有關緊要者仍必

須親自辦理至於海疆捕務更不能幫助蓋審辦

盜匪在岸必究其窩家夥黨在海必究其係屬何

幫係何頭目而尤要者何人為之勾通接濟若會

匪則必有倡首之人何年傳習何人何處黨羽若

干前在公所審犯時竟有強盜行毆圖脫且有以

盜保盜者事龐人稜消息最易漏洩是以臣將此

事移至署中辦理臣就近即可督審曾經附摺

奏明以期密速查辦之始係令藩臬兩司總司其事各

路修理兵船製備礮械籌撥銀糧其事仍歸藩司

解到盜匪臣立時督審審出岸匪接濟窩家會首

一面撥員赴拿仍將人犯交臬司復審定案臣糊

塗愚見原欲集思廣益能速而又能密以期實效

那文毅公兩廣總督奏議

卷十二

七

數月以來海上打仗經官兵擊斃落海生擒與夫

各路拿獲勾通接濟奸匪及內河陸路土匪並洋

盜水米缺乏窮蹙投誠者不下三千餘人實皆仰

仗

皇上輝赫天威

廟謨指授臣得有秉承而各文武皆知專志辦賊合心協

力鼓舞奮興似可漸挽積玩之習惟因查辦以來

兩司意見不免參差緣藩司廣厚明白急公凡於

捕盜有益之事無不向臣切直指陳遇公事常有

斟酌稟阻而任勞任怨不必盡如人意往往取忌



同寅即以目下情形而論海中岸上陸路內河強劫勒贖接濟之事無日無之何匪則遍處皆有不過伏而未動一經訪獲供夥動盈千百起出經詞違悖不經閱之令人髮指該司廣厚能將洋盜路數情形會匪糾煽踪跡及海岸勾通接濟伎倆於平日即訪明首從將名單密向臣告知臣得知實情密訪查拏不至張皇虛枉平心而論臣身受

渥恩有斯重任地方之情形如此皇上之責望如此是粵省之安危休戚與臣之身家性命相連通省文武大小官弁以及紳士耆民苟有一

那文毅公兩廣總督奏議

卷十二

七

計一言之得臣均當虛心延攬以期有裨於公而自免罪戾何況廣厚世受

國恩正當幫助臣辦理此等大率且凡屬軍務錢糧行於

藩司刑名行於臬司臣從未專委藩司一人審定

盜案均有行文印稿可憑至前任臬司秦瀛才識

拘迂不勝繁劇粵省案件本多由伊遲悞者亦復

不少臣初到時即諭以番辦洋盜必須追究勾通

接濟伊意思似不以爲然屢次送審並不研究所

有獲辦勾通接濟之犯均係臣親提審出現有案

卷可查至督撫會審洋盜係臬司專責乃公堂之

上居然盹睡會令巡捕喚之則知其心並無辦賊之志可知臣見該司多病無才原欲再行察看一兩月據實具奏因其蒙

恩陞任浙江藩司雖未得邊奏亦擬將來密陳至臣之設

局專辦洋盜會匪土匪以及勾通接濟傳習黨羽

強盜窩主審出即拏獲到即辦其罪名輕重仍由

臬司定案詳參並不從局中定案達部通行惟求

密速於體制實不敢更易他若刑名錢穀案件係

巡撫衙門專政者遇有通詳會稿辦理之件臣亦

必細心推勘外此則從無過問臣糊塗之見專心

那文毅公兩廣總督奏議

卷十二

七

查辦洋盜會匪是以專設此局不過欲令通省大

小官弁兵民人人心中知有此專局即人人心中

知洋盜會匪之可恨無不矢志同仇爭思用命可

望有功臣將辦理洋盜局移於署中一切加嚴加

密且屋宇無多並非另有更制究竟臣年幼無知

因急公而疎於世故既如臣之

龍眷復忌臣有事功逞其陰中之技竟以此上煩

磨厯但臣受

恩至重無論軍功局之設與不設亦必乘此少有順利之

機誓必掃除洋盜此志此心雖死不瞑務以杜讒



問之口上酬

君父用人苦心至臣自莅任到今已屆八月每日卯初即起接見官員議論公事至午未時方散而文書稿案絡繹紛紜考驗官員提審人犯無不親手裁辦至亥末方能休息若遇要事燈下見官亦所時有此實通省文武均知之事八月內因各官稟見稍遲令巡捕傳知先到者先行進見是日適藩司先到當即傳見一面牌示各官務於卯正齊集挨次進見議事以便各人及早回衙門辦事牌文在案敬將原稿呈候

那文毅公兩廣總督奏議

卷十二

七

御覽臣自從前得罪以來自分虛有此身無顏可對君父而

皇上恩私曲逮始終欲其改過成人今復蒙

恩授以海疆重大之任是臣頂踵髮膚無非

聖明再造即使勞苦倍人十百尚不足以贖罪即使勉日

將海賊辦盡亦不足以酬

恩若不顧咫尺

天威輒自意耽樂逸則是失心狂易豈可復齒人倫大抵

酒筵歌舞之事乃奢縱者之所為臣精神用度摺

節之尚日不暇給若恒舞酣歌則非有寬閒之光

陰有餘之財力不能為此臣計二月至今省中餽送公讌及臣母親到署共演戲十二次此省會官民及臣衙門文武巡捕等所共聞共見者亦可查問際此海氛不靖

聖主焦勞臣不但無逸樂之事並不欲有逸樂之心乃蒙聖明垂詢及此輾轉思之惟有憂惶慚悸而已臣質本迂疎閱歷又淺一心惟欲整飭廉隅以濟公事故總督衙門原有洋行規費六萬六千圓花錢臣俱不欲收受監督延豐近在同城并各商俱在

皇上可以降

那文毅公兩廣總督奏議

卷十一

七

旨查問鹽務中亦有總督公費銀三萬兩臣以現在捕

盜緊要經費繁多鹽務既有此項自當作爲公用

每一千兩交中軍掌管凡遇捕盜不能開銷之款

俱於此內支用仍按月造冊鈐印備案亦可清查

再肇慶府之黃江厥原係總督所管之園由知府

徵收臣現今其查明稟覆亦斷不肯沾染此外節

規壽禮一切禁絕至衙門日用全特

皇上所賞之養廉除去扣款外每月得銀七百餘兩幕友

七人修膳與夫一切家人夫役工費飯食之用尚

未見足豈能歌舞歡娛復增浪費此等委瑣之事



原不應奏瀆

聖聰致蹈矯廉希

恩之習今奉

諭旨訓飭不得不據實陳奏臣前經具奏若在

聖主前少有欺詐舉家必食其報臣一身與妻子即無所

惜寡母尚在苦節數十年臣又何忍其哀邁之年

應此不吉之誓語茲幸遭遇

聖明垂慈婉轉下詢區區愚悃尚可少陳一二倘不蒙

詢問是臣不自知亦終身不能表白臣之罪滋重矣此事

係臣立身事

那文毅公兩廣總督奏議

卷十二

七

主大節所關若朦朧虛實則臣杌隉徬徨心神一日不定

又將何以任事伏惟

聖明鑒察驚悚惕息語言不知所措所有奉到

密諭謹遵

旨呈繳叩謝

天恩并據實明白覆奏謹

奏

嘉慶十年九月十九日軍機大臣字寄奉

上諭那彥成接奉硃筆諭旨另行覆奏一摺覽奏已悉據

所奏情形該督在粵尚無恒舞酣歌自耽安逸之事實

所深願至因公宴會演劇亦所不免那彥成受恩深重

惟當益矢慎勤不可因此貽誤公事為要至在督署設

局辦理洋盜此則不可緝捕洋盜固當慎密辦理以免

吏胥走漏消息但不必因此另設公局名目轉涉不經

該督以廣厚尚能辦事奏瀛則精神少遜今朕早將奏

瀛陞任浙江藩司該省新任臬司吳俊才具明練堪以

委辦該督正當與孫玉庭督率兩司同心協力妥為籌

辦以期漸靖海洋不可稍存成見方於公事有益又據

稱將一切陋規概不收用亦不必外省應辦公事需

費甚多地方陋規如實係無關利弊者相沿既久不妨

那文毅公兩廣總督奏議

卷十二

全

仍循其舊以資公用即如另摺所奏籌添礮火一事該

省現當捕務喫緊之際礮位鉛火自應寬為添置均照

所請辦理除作正開銷外所有例價不敷之項那彥成

或即將陋規銀兩貼補應用俾該省稍節捐費亦無不

可總之以公辦公轉不必過於剔除致形竭蹶那彥成

自能善體此意也原摺留存其示稿二紙著發還

嘉慶十年八月二十八日會同廣東巡撫孫公玉

庭

奏為大夥盜匪投誠分別妥為安置事竊臣等前次具

奏奉獲外洋內河各盜匪案內會將各屬先後稟



報被盜擄脅不甘從盜逃回投首之夏阿南等七起共八十六名分別辦理各緣由附摺

奏明在案 等敬謹遵奉節次

皇上指授機宜嚴立章程禁絕水陸奸徒勾通接濟近來仰仗

聖主威德照臨各口岸員弁亦能認真舟師稍有稽考而盜匪漸次乏食窮蹙 等又相其機勢廣為出示曉諭許以自新寬其既往近日聞風歸化接踵而至者頗多必得辦理妥善庶海洋可冀廓清今據前任惠州府知府楊楷海豐縣知縣張再英等各

那文毅公兩廣總督奏議

卷十二

全

稟報該縣典史調署鵞埠司巡檢程長發率同客紳大埔縣監生杜嘉明鄉勇夏昌言羅維萬吳懷德線人劉富洪安和等招諭賊首袁亞明帶領餘夥及水手舵工共三百零一名口繳呈大開渡船一隻齊桅船一隻大拖風船九隻大小鐵礮六位大小百子礮四十九位大小斑鳩礮六位大小鉛子四十個鐵心木礮一位烏鎗二桿鐵彈二十七斤舊鉛鐵五十五斤火藥三十六斤有零挑刀三十枝長柄刀一百八十枝竹槍一百八十枝短刀一百三十四枝鐵尖挑刀五枝藤牌二十三面大

小鐵鍊十條并柴牌馬釵鑷刀串子等多件到縣情願投誠又據歸善縣知縣康傑稟獲殺賊投首尚未到縣先被拏住之曾亞發張尚標陳亞二古惟富四名又據署陽江縣知縣辛朝俊稟據海陵島司巡檢宋玉龍詳稱有麥亞荷等二十三名不甘從盜上岸投首併繳送雙桅船一隻大小生鐵礮五位火藥四十斤大小封口二十八個長挑刀二十二桿短刀六把竹扎槍十五枝手鎗二桿藤牌六面到縣又據順德縣紫泥司巡檢章予之稟有蛋民黃能滿投稱被盜吳亞北將伊夥伴七人

那文毅公兩廣總督奏議

卷十二

全

捉去又有鹽船上張亞晚等四人先被擄脅在船服役近因海口嚴密食米缺乏船泊山邊搶取番芋伊乘間逃回投首已先與被擄之夥約為內應等語該巡檢章予之即帶領弓兵縣差催船趕至香山橫門外令黃能滿做眼認遇賊船經張亞晚等望見先將賊船上大礮火藥推棄下水有兩賊拒捕被弓兵何鎮截傷落水隨將盜匪吳亞六等六名口擒獲併雙桅大船一隻餘剩鐵礮四門及認旗烏鎗挑刀各項器械稟解到首黃能滿張亞晚等共十一人俱不甘從賊報信到官兼為內應



幫助獲賊實係立功投首又據順德縣知縣沈權  
衡稟報有投首之馮亞連柯亞保及難婦黃江氏  
三名口據供同何亞帶等八人被盜擄脅服役不  
甘乘夜商同將盜首蘇亞惠陳亞美殺死另有被  
禁之闕亞貴亦將賊首大礮復殺等分路散去伊  
等特來投首等語查大礮復係鄭一幫得力頭目  
據稱被闕亞貴等殺死實屬有功又據海豐縣鴛  
埠司巡檢徐維珩稟稱八月十五日五更時分正  
在巡查間忽見港口有大開波匪船一隻揚帆直  
入當即會同守汛把總吳連高施放大礮匪船上

那文毅公兩廣總督奏議

卷十二

全

有李宗會蔡亞仁二名覓水登岸呈驗割取首級  
一顆據供船上男婦大小總共四十五名口因聞  
袁亞明投誠意欲回來不料老板與總管財富不  
肯因乘中秋節夜酒醉之時李宗會蔡亞仁等動  
手將財富洪亞洪夫婦並賊首亞選嫂總管亞保  
等殺死投首併繳大礮五門安南銅礮一門火藥  
二百四十餘觔器械藤牌紅旗多件等語查亞選  
嫂一船係鄭一股內大頭目作惡多年今得剪除  
實為快事以上六起共投首人三百八十七名口  
臣等先後接據稟報查向來投首人等不過為首

那文毅公奏議 卷一二

一二人到案其餘黨夥無人照料徑行分散或全  
夥到官而輾轉稟報候示為日既久無人給發口  
糧旋復逃去併有奸惡首役因其平昔為盜藉詞  
嚇詐搜索貲財種種不協往往既來者懷疑復去  
聞風者裹足不前是地方官不為妥籌安插之方  
嚴立稽查之法雖有投首之名而盜賊有增無減  
有去無來於事仍鮮實濟海洋遠闊盜匪分幫嘯  
聚奔竄靡常約畧名數不下十餘萬人舟師卽上  
緊搜拏未必遽能悉數殲滅今能漸有向化之人  
其人心日就渙散正可乘此機會妥為辦理今得

那文毅公兩廣總督奏議

卷十二

全

日就肅清現仍一面嚴督舟師上緊追勦務使各  
賊知畏威而來歸命益得迅速奏功是各賊肯於  
投誠實粵東辦理洋盜之一大轉機也臣身受  
渥恩遇事不敢草率怠惰務竭心力求其至當此時立有  
章程奏請

聖明指示將來卽可遵照辦理查投首各起內袁亞明一  
起人數較多一面飭沿路各文武嚴整防範併預  
派原任知府楊楷候補通判易萬里帶領委員等  
馳赴鮑門飭將招諭之客紳線人鄉勇人等優加  
獎賞各犯之家口婦女先令登岸居住嚴禁各地

四一一



方無賴爛棍及書差兵役人等不得乘機欺詐  
搶一面令其繳齊職位將人口造冊點查其中有  
情願歸農者查明實有產業可以謀生及有親族  
可以依倚即飭委差伴送酌給路費飭原籍地方  
官傳到親族鄰佑取結保領回家安業仍將收管  
送查備案其實在無業可歸者當下賞給資斧交  
該衙門充當壯丁夫役不時稽查均令一月一報  
務使實有安身之地不致再流為匪本人所有衣  
物銀錢按名給還以資生理其有年力精壯情願  
入伍者賞給馬步名糧聽候轉發各營學習或隨

那文毅公兩廣總督奏議

卷十二

全

舟師出洋緝捕其因通信捕獲之盜匪吳亞六等  
六名口現飭解省審辦另行具

奏至袁亞明等或率眾投首或殺賊有功應請

皇上格外

天恩將袁亞明黃能滿張亞晚李宗會蔡亞仁賞給把總  
候補麥亞荷賞給額外委候補以示鼓勵而樹  
風聲再此次獎賞銀兩併押送口糧各項需費均  
係臣自行捐給此後聞風而來者投首人數若多  
一應押送安插守候口糧應需銀兩為數未能預  
計可否仰懇

聖恩俯准酌量每名各項費用准給銀十兩在於藩庫  
捕項下作正支銷俾有資本可以營贖庶投誠之  
後永為良民不致再有反覆之患倘地方官藉此  
虛捏濫支及胥役侵漁詐索等弊立即嚴察究辦  
至此項情願入伍之人臣親加撫諭看其情景感  
戴

皇仁實出至誠目下人數尚不為多或將舵工水手得力  
之人分撥師船或散給各營入伍易於辦理將來  
如有大幫投首其中情願入伍者多難於安置再  
當妥細斟酌請

那文毅公兩廣總督奏議

卷十二

全

旨遵行謹  
奏

嘉慶十年九月十九日軍機大臣字寄奉

上諭那彥成等奏大夥盜匪投誠分別安置一摺據稱賊  
首袁亞明等六起共投首人三百八十七名口現飭將  
人口造冊點查其有業可歸者即飭原籍地方官傳到  
親族鄰佑取具保領回家其無業可歸者交各衙門充  
當壯丁夫役其情願入伍者賞給名糧均發各營學習  
或隨舟師緝捕並請將袁亞明等分別賞給把總及額  
外委等語洋盜被拏窮蹙相率投誠自可貸其一死



但必須妥為安置此等犷悍匪徒總宜散不宜聚該督等擬令交各衙門充當丁役殊未妥協若令人伍食糧則尤不可粵省綠營不肖兵丁本有私通盜匪之事今若令投首匪徒隸名營伍更得聲氣相通稽察不易設有調發緝捕難保其不透漏消息至袁亞明等賞給把總外委亦覺過優該匪等稔惡已久皆罪應誅戮之人今特以其悔罪自新曲加寬宥已屬格外恩施何得遽錫以官職該督等奏稱此後投首者每名賞給資斧銀十兩此尚可行該匪等原由衣食無資流而為盜既經投首自當量予加恩俾資養贍若名器則不可倖邀即

那文毅公兩廣總督奏議

卷十一

全

欲為鼓勵招徠起見亦應令其當差出力如幫同緝捕等事著有微勞始可奏明賞給官職此時不必遽行拔補所有袁亞明等各起人口仍著那彥成等再行妥籌此等匪徒自來投首尚不可吝安插使之四散而處可以日久相安方為妥善

謹案嘉慶十年八月二十八日奏洋盜袁亞明

投首奏內

奏原任惠州府知府楊楷於惠州任內失察差役徐芳私通會匪一案部議革職留任該府熟習捕務勤幹有為前於病痊之後查拿各路匪犯一百餘名此次袁亞明大幫投首係該守購線招徠辦理

甚為妥協洵屬奮勉出力之員可否仰懇

聖恩准將部議革職留任之處予以開復又海豐縣警埠司巡檢徐維珩屢次拏獲盜犯蔡阿英鄭賢德傅亞友畢亮翰等各起多名曾辦理投首多名又順德縣紫泥司巡檢章予之緝捕出力屢次拏獲匪犯陳亞北馮亞就甄基彥甄亞妹等各起一百餘名均經審辦具

奏在案此次該二員又能殲擒賊首招撫多人亦屬能事應請以應陞之缺陞用又在籍候選知縣何天球前經幫同拏獲盜匪黃英拔胡清德鄧亞望

那文毅公兩廣總督奏議

卷十一

全

黎勝利等各起百餘名辦理團練與招撫各事宜極其出力查粵省海疆遼闊賊匪遍處皆有官兵不敷布置必須團結民力現在各路紳民或捐貲築臺築礮或力籌團勇或身任管約情形甚為踴躍乘此爭先嚮義之時正應優請

恩施使知感荷

皇仁翦惡旌良以臻治理俟有實効再將出力之人查明彙奏外所有何天球一員可否先請從優賞給陞銜以為標榜而示獎勵之處均出自皇上天恩等未敢擅便謹



奏

謹案嘉慶十年九月十九日廷寄內奉

上諭知府楊楷緝捕出力所有前在惠州府任內失察差役私通會匪一案革職留任處分著加恩准其開復巡檢徐維琦章予之屢經獲盜此次辦理招撫多名均著加恩以應陞之缺儘先陞用在籍候選知縣何天球辦理團練出力著加恩賞給六品陞銜以示鼓勵

嘉慶十年九月初二日

奏為接奉

批諭及續獲水陸盜匪並勾通接濟之土匪恭摺奏

那文毅公兩廣總督奏議

卷十二

允

聞事竊臣前於審辦洋盜一摺奉

旨申飭並交部議處當經欽遵分案具

奏茲於拏獲盜匪摺內臣等欽奉

批諭以所奏獲盜犯五百餘名尚未詳敘供詞仍欲俟審明後并案奏聞希圖簡便傳旨申飭欽此查獲犯五百餘名係據文武初報具奏雖俱有羸供但尚未解省審定是以不敢遽錄入

告今蒙

訓示提撕臣等聲敘不明之罪無可置辯跪讀之下愈增

惶悚緣臣等欽遵屢次

指授機宜嚴督文武多方設法認真辦理半年以來已具

奏獲犯一千四百五十餘名口臣等仍一面督兵

打仗一面上緊緝捕自前次奏報後又據各屬陸

續稟獲外洋內河盜匪三百二十名口陸路各匪

一百零八名接濟匪犯七十七名通共五百零五

名口現在飛飭各屬提犯赴省作速審辦俟定讞

後遵奉

諭旨各歸各案分晰具

奏斷不敢希圖簡便稍涉草率以期仰副我

皇上慎重刑名詳審讞獄之至意謹

那文毅公兩廣總督奏議

卷十二

允

奏奉

硃批覽

嘉慶十年九月初二日會同廣東巡撫孫公玉庭

奏為搜捕盜巢及擒獲洋匪多名事竊粵東濱海地方

皆有盜船停泊之所而大幫匪船倚為巢穴之固

則惟英川屬之廣州灣為尤著該處有井泉可供

汲飲港澳可避風濤西近湛川北接赤坎皆有米

糧足資接濟乘東風之便則直趨瓊州西南風起

則徑向東中兩路游劫得利又復歸泊而盜首鄭

一吳十一指烏石二等皆係附近之人夥黨勾結



根株蔓衍極爲盤固臣那彥成到任之後細加訪  
察具悉情形若非痛加剷洗絕淨根株不足以靖  
盜源當卽一面劄委原任知府陳鎮馳赴赤坎等  
處截其米糧出口要路仍一面劄委左翼鎮林國  
良督帶署香山協副將許廷桂海口營參將何英  
以及叅遊都守委員等配駕兵船八十餘號前往  
搜捕又咨行提臣厚積兵力就廣洲灣西北兩岸  
屯紮以防盜匪情急通竄並飭高雷兩府督同吳  
川遂溪兩縣派勇守卡遇有逸盜上岸協力擒拏  
茲據該鎮等稟報於七月十三日寅時行抵廣洲

那文毅公兩廣總督奏議  
卷十一  
十一

灣洋面望見盜船密布灣口見兵船將近卽開礮  
拒捕該鎮等督率兵弁向前開礮攻擊正在對敵  
之際灣內又駛出盜船數十隻前來接應合力拒  
抵官兵奮勇施放連環鎗礮自卯至午擊沉盜船  
七隻賊匪紛紛落海箭射石擊全行被浪捲沒官  
兵勇氣百倍追捕益力拏獲賊船三隻仍竭力前  
追直抵碇洲外洋有賊船二隻被兵船攏近拋擲  
火器立時焚燒賊眾投海者無數又拏獲大開波  
一隻大快艇一隻先後共生擒男婦七十九名口  
大小鐵礮二十六門旗幟刀鎗九十餘件其餘賊

船舍命向大洋四散奔逸時將日暮風勢狂亂陡  
起颶風不敢窮追卽收入廣洲灣港內見兩岸搭  
蓋草寮半係賊黨接濟米糧銷售贓物之所又沙  
坡上有空船數十隻擱淺修整徧搜並無人迹所  
有空寮空船盡屬盜物卽令全行燒燬自近年來  
廣洲灣久爲賊據經此次痛勦此舉尙屬奇勉方得掃清查本日  
陣亡兵丁四名重傷弁兵水手十四員名輕傷弁  
兵水手二十四員名又據派在廣洲灣各隘口截  
拏逸匪之吳川營都司歐鳳鳴海康縣高經祥礮  
洲巡檢周璉把總寶振龍東陽巡檢王汝琦先後

那文毅公兩廣總督奏議  
卷十一  
十二

稟報在清訓海旁等處殺死盜首鄭一之弟鄭三  
頭目陳國華等數十名生擒李朝興等二十二名  
並獲船隻礮械各等情此次賊匪失其依據分股  
奔竄隨據龍門協副將舒萬年稟二十六日突有  
匪船四十餘隻攻打龍門經該副將督率弁兵奮  
勇擊退而對岸之牙山礮臺孤懸海中詎該匪船  
阻拒水道使龍門於牙山隔斷不能救援乘夜將  
礮臺攻破放火焚燒守臺千總林鳳高兵丁羅萬  
貴等三十餘名拏命拒敵俱被圍劫可恨又稟盜首鄭  
能發之母妻在羅浮僻處藏匿經東興汛守備李



硃

名桂孳獲解至中途被匪眾奪回並擄去守備一員將營房燒燬外委陳孔惠被賊各等情前來查龍門屬欽州治所地處極邊遠在海外臣等接閱之下即飭新任高州鎮總兵樊雄楚由陸路海口營將吳英由海道星速前往會同該協舒萬年水陸兜擒並飛咨提臣就近督捕又劄委廉州府張世偉署高州府唐錞馳赴該處嚴拏併查明被劫情形與弁兵下落及有無延燒民房妥為撫恤俟稟覆到日再將疎防各員據實奏

奏臣等正在籌辦間又據電白縣盛植才稟距縣城十里之興平港外土名放鷄洋面有匪船百餘號在彼遊奕港內現泊有配足引鹽尚未開行之船百餘號該匪意圖搶劫當即會同場官營員督帶兵役鄉勇分頭防範詎七月二十一日午刻盜船已抵港外衙尾直進臺汛弁兵開礮轟擊該匪等亦放礮抵拒場官姚鈞楊星耀隨又分給各鹽船礮

那文毅公兩廣總督奏議

卷十二

叁

硃

火鳥鎗曉以同仇大義齊心協力互相救援維時各船無不奮勇鎗礮齊發擊壞匪船一隻各匪船仍換幫駛進並放三板入港相持至申刻又擊壞匪船二隻先後斃賊數十人擄三板內陳亞八

硃 硃

一名賊船始退出港外是夜大風忽起至二十二日午刻始息賊匪仍駕三板進港經該縣等督同把港各船戶及兵勇擊壞數船斃賊百餘生擒賊匪十餘名各匪船至夜始退二十三日辰刻大小匪船百餘號不避鎗礮蜂擁直入聲稱報復內有大開波船數號勢甚凶橫因距城甚近典史楊鏗將守城大礮十尊趕運至天鵝墩對准賊船分挑施放擊中數隻賊勢稍怯忽賊船火發烈焰漲天延燒匪船官弁督率兵勇乘其慌亂連發鎗礮賊匪竄逃溺死者無數其不及出港者即棄船登岸

那文毅公兩廣總督奏議

卷十二

肆

硃

官弁兵勇分路截捕拏獲安南二等並前所獲共一百六名口二十四日早瞭望匪船駛出蓮頭外洋據高州府杜安詩稟該府於二十六日趕至電白提督亦由吳川到來會同分派各員把守要路二十七日晚外仍有盜船往來遊奕二十八日午後該匪駕三板乘潮進港經興平山天鵝墩等處放礮擊退至戌刻該匪等乘天色昏黑將船駛進蓮頭約有七八十人持械登岸即督率兵勇奮力堵禦傷斃盜匪多名生擒陳維紀等十六名餘皆奔回匪船逃逸各等情臣等以盜匪情急圖食東



西奔竄意圖搶劫雖據各該處文武竭力拒退前  
後獲犯二百數十名然盜首及夥匪均未全行就  
獲現在飛飭舟師作速擒勦以靖海疆再廣洲灣  
向係盜窩今經廓清亟應安立章程以弭後患而  
附近隘要處所亦應逐一料理妥善方爲一勞永  
逸之計查有東海地方與廣洲灣遙對方圍約計  
百數十里土地衍沃烟戶稠密內中居民通盜者  
十居八九向設巡檢一員職微任重呼應不靈擬  
移駐叅遊營頭庶聲勢壯盛可以遙相控制又可  
與砲洲營爲犄角之勢其麻斜渡激沙渡舖仔墟

那文毅公兩廣總督奏議

卷十二

七

白鴿寨暗舖墟等處均係瀕海要區應令添建礮  
臺營汛移駐文員以資防範彈壓現委署高州府  
唐錚前往踏看情形妥議章程俟<sub>臣</sub>等再與通省  
熟悉情形之員悉心酌定後再行

奏請

訓示遵行至電白興平港向爲鹽船聚泊之所盜匪素所  
垂涎今圖劫未成恐後復有滋擾之事且距該縣  
城甚近亦應相度形勢添建礮臺爲有備無患之  
計謹

奏

嘉慶十年九月十五日軍機大臣字寄奉

上諭那彥成等奏搜捕盜巢及擒獲洋匪多名一摺粵東  
洋匪嘯聚日久此次經該督等督率官兵於廣洲灣洋  
面奮力攻捕擊獲船隻器械擒獲多名將兩岸草寮燒  
燬掃清所辦尚屬奮勉惟該匪等失所依據竟敢駛船  
攻打龍門將守礮臺官兵圍劫其盜首鄭能發之母被  
守備李名桂擊解時匪衆膽敢於中途奪回並將該守  
備擄去又興平港外洋面盜船經弁兵用礮轟擊該匪  
始而放礮抵拒旋且蜂擁直入聲稱報復又蓮頭地方  
亦復有七八十人持械登岸看此情形竟與叛逆無異

那文毅公兩廣總督奏議

卷十二

八

可恨之極似茲到處散竄勢較猖獗不可不大加懲創  
雖經該督等認真督捕業將廣洲灣賊巢掃蕩但匪夥  
勾結蔓延必須兜圍勦捕以淨根株那彥成等竟當調  
集精兵遴派出色營員帶領於水陸要隘設法圍截痛  
爲殄除方足以靖海洋如帶兵乏員卽奏明請旨簡發  
其有實在出力者准令據實保奏越次超遷須同心協  
力上緊籌辦不可稍涉踈懈所有廣洲灣捕盜陣亡之  
兵丁四名著查明咨部賜卹守備李名桂現在有無下  
落著那彥成等確切查明如係被賊戕害卽與被戕外  
委陳孔惠一併咨部賜卹至龍門礮臺千總林鳳高兵



丁三十餘名被盜圍劫後是否被戕該弁兵等現在有無下落並著查明覆奏其場官姚鈞楊星耀典史楊鏗運給軍火礮位尙屬出力應如何各加獎勵之處並著該督等酌量保奏候朕施恩

嘉慶十年九月初五日

奏為遵

旨將審辦盜匪各歸各案分晰定擬仍行馳奏事竊前

將審明洋盜通盜濟匪各犯分別辦理聲明彙摺

奏

聞茲於八月二十六日接奉

那文毅公兩廣總督奏議

卷十二

七

諭旨以臣心存憚煩任意更改舊章著傳

旨中飭併交部議處仍將各案發還另辦再奏欽此臣跪

讀之下感激惶悚聞

命自

天置身無地伏思臣久依

禁近親見我

皇上日理萬幾從不稍憚煩勞最為真確臣世受

重恩身任總督分應殫竭心力勉圖報稱亦不應稍憚煩

勞乃至糊塗冒昧以路遠而妄希簡便雖思忠愚

孝未有他心而錯謬之罪已無可解

皇上即嚴行懲治立賜罷斥尙恐不足蔽辜茲蒙

聖恩曲加寬宥僅予申飭交部議處臣實不勝感極涕零

嗣後惟當痛自刻責加勤加奮以仰副

訓誨成全之至意此次原辦洋盜通盜濟匪奏件謹遵

旨覈明各歸各案分晰定擬繕齊一併馳奏外至續發彙

奏辦理盜犯胡榮奉吳亞空等各案亦應更正仍

逐一覈辦隨後補

奏謹

奏奉

硃批知道了

那文毅公兩廣總督奏議

卷十二

七

那文毅公兩廣總督奏議卷十二



那文毅公兩廣總督奏議卷十三目錄

卷十三

勦撫洋盜 告示附

那文毅公兩廣總督奏議

目錄

一

那文毅公兩廣總督奏議卷十三

上海市庫史文

男 容安恭輯

勦撫洋盜 告示附

嘉慶十年九月初四日會同廣東巡撫孫公三玉庭

奏為續報著名盜首窮蹙投誠事竊 臣等前將各路投

首盜匪三百八十七名口並籌議安置章程均經

具

奏在案 臣等荷蒙

皇上指授機宜嚴辦勾通接濟匪徒絕盜之糧制盜之命

一面仍督飭舟師痛加勦捕水陸逼迫使其畏威

那文毅公兩廣總督奏議

卷十三

一

授命於辦理之機更為得力查西路廣洲灣之賊

前經舟師會勦雖擒獲只二百餘人而當時擊沉

各賊大船實有七隻又獲船六隻統計殺傷淹斃

者不下五六百人賊匪向在廣洲灣寄泊盤踞肆

無忌憚從未經此痛勦至是賊始寒心四處竄逸

而廣洲灣之西又有東海村一處周圍三百餘里

居民稠密米穀富足半皆勾通接濟之人即為羣

盜窩聚之所如巨寇吳十一指者即生長其地故

羣稱之為東海伯刺一劉唐伯烏石二等著名巨

匪亦係附近之人盤踞既深根株難拔自廣洲灣



賊散之後臣等以為不可坐失機要正宜趁此將東海一路亦即經營辦妥旋據代理遂溪縣段長基業已乘勢即將東海地方又與廣洲灣接連之激沙渡白鶴塞舖仔墟水流溝那簡墟等處凡有消賊接濟之匪悉行拏獲一面解省究辦一面編查保甲并於要隘處所酌設礮臺礮樓勸諭鄉耆團練丁勇以資捍衛是東海肅清西路之賊失其巢穴該代理縣竟能如此辦理殊可嘉許臣等又於各路拏獲盜犯及投首人內訊據供稱自查拏接濟匪徒以來賊匪初未計及至五月後米糧絕

那文毅公兩廣總督奏議

卷十三

二

少然尚有船內餘糧近日漸有不給之勢每日僅得餽粥一餐因而互相怨尤現在偷販出口者雖不能盡絕偶有一二十石偷出者其初尚出貴價爭買至此時急切不能待買往往爭先劫奪以致私販不能獲利亦絕稀少又盜首擁資自給夥匪窮餓因而忿怨爭殺又近日各盜或因劫食上岸其被脅擄之人多有乘勢逃散其人心已不能自固又向來各著名大盜分佔地界行劫今因謀食過急因而踰界行劫互相爭併者亦有之臣等仍悉心籌辦又將先後投首之人或漁蛋線人不惜

重賞用間用謀益令惶惑猜慮一面催兵打仗通之以威更可速其來歸之念迺自前次奏報後旬日之間仰仗

皇上德威據各屬稟報著名盜首率眾投出各起有八百四十餘名口現仍上緊布置廣為設法督率文武各員弁恪遵

聖訓共矢天良緝捕巡防始終不懈看來事機極其順利賊黨愈形瓦解其勢日削其技日窮似不難掃除淨盡永息海氛仰慰

聖主宵旰屢念查此次平海營參將李光顯稟報投誠洋

那文毅公兩廣總督奏議

卷十三

三

盜大頭目林亞發一起本有船二十六隻與許雲相分管先於七月內求線人向同知南炎會轉稟臣等即商令臬司吳俊密給諭帖許其免罪投誠并即令其設法擒拏李崇玉為贖罪之地該犯極其踴躍再又令千總王殿邦設法盤窩嗣因陡遭颶風與許雲相幫船飄散未能得手轉至風聲漏洩為眾所仇斫併打仗失船六隻不能寄旋洋面隨同千總王殿邦前來投誠率領大開波船八隻舵工水手男婦三百四十一名口呈繳大小鐵礮五十一位烏鎗挑刀藤牌腰刀長短三百九十八



件火藥封口羣子沙子多件當即劄委惠潮嘉道  
蔣攸銛前往照料安插辦理又據海豐縣知縣張  
再英碣石鎮右營守備李用率同縣丞戴玉衡鵝  
單司巡檢捐陞縣丞徐維珩典史程長發等稟報  
盜首韓斗鳳一起即係前次向知府楊楷等投誠  
袁阿明等之分股袁阿明投誠之後韓斗鳳等船  
被颶風飄散今聞袁阿明投誠得所駛赴鵝埠司  
投誠共大船四隻舵工水手男婦二百零二名口  
呈繳礮位器械共三百四十七件又據鵝埠司巡  
檢徐維珩稟有張長貴沈四傳各帶船一隻共船  
二隻舵工水手二共九十一名呈繳大小礮位十  
四門器械一百一十件前來投誠又據臬司吳俊  
稟有連商捐納職員鄧時宜稟稱有洋盜鄭一分  
支之大盜首陳五帶船六號頭目六名散盜一百  
七十二名情愿投誠懇求漁船傳知派巡洗馬湖  
之約副王維綱轉告該商察其來意頗誠勸令先  
繳礮位器械代稟到司並由該商各給口糧候示  
等語又據惠州協副將何君佐稟據鄧時宜稟稱  
訪知盜首李福生係歸善縣人久有思鄉之意因  
令其弟職員鄧從龍前往勸令投誠詎大頭目張

那文毅公兩廣總督奏議

卷十三

四

那文毅公奏議 卷一三

大眼二洪羅順李亞八及安南人駱亞養賊心未  
改欲拘留鄧從龍勒贖又欲用礮火攻擊鄧從龍  
坐往之船幸李福生招呼同船盜夥曾亞滿等二  
十七人同心救護將張大眼二等四名即時殺死  
割取首級二顆搬運器械上岸懇請投誠現在均  
飭從化縣知縣李瀟前往妥協安插辦理以上續  
報五起共投首人八百四十名口查林亞發為最  
大頭目在洋十四載與鄭一劉唐伯烏石二等同  
為著名盜首據稱被風飄散之許雲相十二船將  
來亦必設法招致等語又陳五亦係與鄭一分幫  
之大頭目今與鄭一散夥來歸是此次投誠之匪  
並非零星小幫可比人數既多自應密飭加意防  
範不使滋生事端并委明幹員弁分投前往照依  
前定章程逐一妥速分別料理安插並將出力招  
撫之人先行優賞外其被殺梗議賊匪之首級仍  
飭懸掛海口示眾以昭炯戒 臣等伏讀前次欽奉  
上諭仰徵我  
皇上於恩威並濟之中仍寓  
慎重名器之意 臣等實不勝欽佩悅服茲值投首之人紛  
紛接踵而至其中有僅止小夥賊匪窮蹙來歸者

那文毅公兩廣總督奏議

卷十三

五

四一一



不過貸其一死量為安插不令失所至草心効順  
率領夥眾又或能殺死梗議巨匪則其情畧有可  
原臣等為籌辦通省洋盜起見應

奏明請

旨加恩以為風聲之樹所有此次圖功遭怨接仗捐船之  
林亞發并蓄志已久率眾段誠之韓斗鳳二名又  
首倡殺賊獻功之李福生一名可否仰懇  
皇上格外

天恩均賞給千總頂戴候補又率眾數十人投首之張長  
貴沈世傳及出力幫同殺賊之曾亞滿均請賞給

那文毅公兩廣總督奏議

卷十三

六

把總外委頂戴候補以廣招徠於洋面事宜實有  
裨益至此等洋匪狼子野心誠如

聖諭均係罪大惡極之人豈可濫邀

恩賞但為一時權宜之計應暫寬其既往現在倘有可用  
之處將來果肯出力不妨驅使若稍有罪過即當  
從嚴誅除倘竟仰賴

皇上天威大小文武齊心奮力得能迅速肅事則事後甄  
別裁汰亦尚易為辦理臣等愚昧之見是否百當  
伏候

訓示遵行謹

奏

嘉慶十年九月二十五日軍機大臣字寄奉

上諭那彥成等奏續報著名盜首窮蹙投誠一摺據稱洋  
盜林亞發等五起率眾投誠共有八百四十餘名口查  
此內林亞發陳五均係洋盜內著名頭目非零星小幫  
可比現俱分別料理安插不令失所請將盜首林亞發  
等數名分別賞給千總把總外委頂戴候補以廣招徠  
並將辦理出力員弁南炎曾等加恩鼓勵等語粵省洋  
盜前據那彥成等奏有投誠之事此次續又投出八百  
餘名其勢自益窮蹙看來該督撫督率辦理尚屬認真

那文毅公兩廣總督奏議

卷十三

七

此等獷悍匪徒為惡已極今投出之後自當加恩收撫  
但人數既多究難深信若謂此八百餘名俱心懷叵測  
固未必然但竟云人人草而草心無一二反側之徒恐  
亦難恃總之安插之法宜散而不宜聚那彥成等惟當  
分投安置使之入少勢孤日後自無他慮並當傳集該  
盜等諭以爾等皆屢經犯法罪在不赦今蒙皇上格外  
天恩特加赦賞並令安插得所爾等當從此勉為良善  
若再稍有滋事不肯安分必當加倍治罪至爾等在洋  
日久果能熟習水性情願効力並准爾等隨同官軍出  
洋捕盜更可奮勉亦思爾等此次殺賊投誠圖功遭怨



已與羣盜爲仇勢難兩立惟有幫助官軍出力勦捕將其餘盜首等乘勢殲除爾等方免後患將來果著有功績卽當奏明陞獎如此剴切曉諭伊等自必知感知懼可收以賊攻賊之効至現在那彥成等請將伊等賞給千把外委之處未免過優所有請賞千總之林亞發韓斗鳳陳五李福生均著先賞給外委至請賞補把總外委之張長貴沈世傳曾亞滿均著先賞給額外外委毋庸給予頂戴將來果能緝捕立功再行量予陞擢可也

謹按嘉慶十年九月初四日會同廣東巡撫孫

公玉庭奏內

那文毅公兩廣總督奏議

卷十三

八

奏出力員弁內除徐維珩一員前經保奏陞用其理瑤

同知南炎曾甚著勞績應請

旨交部議敘運商州同職銜鄧時宜卽鄧兆龍捐貲購線

用心招徠州同職銜鄧從龍親至賊船瀕危成事

請

旨給予加銜頂戴代理知縣候補直隸州州判段長基等

獲勾通接濟賊匪一百餘名所辦東海激沙等處

緝甲團勇方清賊巢其功誠不可沒應請以知縣

用用示鼓勵出自

聖恩等奉旨准便謹

奏

謹按嘉慶十年九月二十五日廷寄內奉

上諭辦理出力員弁均加恩照那彥成等所請同知南炎曾著交部議敘其捐貲購線之運商州同職銜鄧時宜卽鄧兆龍及親往招撫之州同職銜鄧從龍均賞給加銜頂戴又拏獲賊匪一百餘名清查賊巢之候補直隸州州判段長基著以知縣陞用以示鼓勵

謹按嘉慶十年九月十二日會同廣東巡撫孫公玉庭奏內

奏據歸善縣知縣康傑督率先後獲犯林亞啟等十一

那文毅公兩廣總督奏議

卷十三

九

名並獲火藥器械各物等情飭委員審明由司招解前來臣等督同親鞫綠林亞啟曾亞敬張亞狗三犯籍隸歸善新安番禺等縣該犯等據供俱係被擄入夥前後在洋劫擄多次劉亞安一犯據供被擄服役後逼脅在本船接賊一次並無隨同過船搜賊情事陳亞羅陳亞長賴亞九陳繼受四犯均據實供爲盜服役並無上盜接賊之事彭亞三胡亞保二犯據供與病故之葉時仁均係代人向盜求贖被擄人口未成委無接濟情事等語再三究詰各供如一矢口不移似無遁飾各犯情罪重



大未便稍稽顯戮審明後 臣等當即恭請

王命飭委按察使吳俊督標中軍副將劉惟馨將林亞啟

等三犯照江洋行劫大盜照響馬強盜例綁赴市

曹斬決傳首沿海地方梟示以昭炯戒劉亞安係

被脅服役後在本船接賊一次合依洋盜案內接

賊一次例發黑龍江給打牲索倫達呼爾為奴照

例刺字陳亞羅等四犯訊止為盜服役均合依被

擄服役之犯如被孥獲者例杖一百徒三年至配

所各折責四十板彭亞三等三犯並無接濟情事

其向盜求贖係由事主囑托與串匪勒贖圖利者

那文毅公兩廣總督奏議

卷十三

十

迥異惟不報官查拏亦有不合應照不應重律杖

八十折責三十板遞籍交保約束胡亞保草去更

夫葉時仁已經病故應無庸議逸盜陳亞養等嚴

飭沿海營縣上緊嚴緝務獲究辦現獲火藥器械

分別留營備用變價充公謹

奏奉

硃批刑部速議具奏

嘉慶十年九月十二日會同廣東巡撫孫公玉庭

奏據兩廣鹽運使蔡共武侯補鹽大使陶桂楨盤獲洋

匪陳亞耀一名併搜獲盜信等情飭委審辦茲據

委員將該犯陳亞耀并提集事主人証區益和等

三名審明由司招解前來 臣等督同司道親加研

究緣陳亞耀籍隸番禺據供聽從未獲之鄧潮輝

駕艇出洋行劫後又投入盜首李班逢船內入夥

前後在洋行劫擄人勒贖共六次殺死水手一人

該犯因攜帶銀兩潛至省河欲行購買食米登岸

被獲區益和何亞名二名據供係冒昧賣給盜匪

草席并代為轉買貨物並非知情故賣亦不知陳

亞耀在洋為盜情事張亞輔一名據供陳亞耀委

係擄捉伊鹽船內水手勒贖正盜前因人已贖回

那文毅公兩廣總督奏議

卷十三

十一

急欲回省以免再被盜劫致未稟報等情屢鞠不

移案無遁飾該犯情罪重大未便久稽顯戮審明

後 臣等當即恭請

王命飭委按察使吳俊督標中軍副將劉惟馨將該犯陳

亞耀照江洋行劫大盜照響馬強盜例綁赴市曹

斬決傳首沿海地方梟示以昭炯戒區益和何亞

名訊不知情但不查確實將貨物冒昧賣給并代

為轉買亦有不合均應照不應重律各折責陳亞

耀父兄陳信先陳亞赤陳亞合陳亞安飭縣查拘

照例責處陳信先年逾七十照例收贖追出贖銀



充公該犯訊無另有犯案事主張亞輔囚人已贖  
回且急欲回省以免再被盜劫致未稟報應無庸  
議盜信已經銷毀破械來應盜首李班逢在逃無  
憑跟究逸盜李班逢吳亞八等飭行沿海營縣嚴  
拏務獲究辦謹

奏奉

硃批刑部速議具奏

嘉慶十年九月十二日會同廣東巡撫孫公玉庭  
奏據新會縣知縣王志槐派撥兵役協同事主張清廣  
在於廣海地方認獲盜犯林明便一名等情飭提

那文毅公兩廣總督奏議

卷十三

十一

該犯赴省委員審辦茲據委員審明由司招解前  
來等隨提犯督同司道親加研鞫綠林明便籍  
隸新會據供平日販賣鮮魚度活嘉慶九年五月  
內被盜首張亞發擄捉過船逼脅入夥前後在洋  
行劫六次等語再三究詰矢口不移似無遁飾該  
犯情罪重大未便久稽顯戮審明後等恭  
王命飭委按察使吳俊督標中軍副將劉惟馨將林明便  
一犯照江洋行劫大盜照響馬強盜例綁赴市曹  
斬決傳首沿海地方梟示以昭炯戒逸犯張亞發  
等並接濟之陸亞復飭行嚴緝務獲究辦謹

奏奉

硃批刑部速議具奏

嘉慶十年九月十二日會同廣東巡撫孫公玉庭  
奏據新會縣知縣稟報有洋匪數十人乘間赴新前村  
等處劫擄當即會營督帶兵役追捕在崖門海面  
見有盜匪行劫商鹽船事主逃走即前向施放鎗  
礮打傷盜匪多人落水身死各盜匪丟棄所劫鹽  
船一隻商船一隻坐駕大船往大洋駛逸當經將  
商鹽各船獲回仍復四處巡捕又遇前項盜船奮  
勇追拏各盜換駕快船逃走拏獲落後大船一隻

那文毅公兩廣總督奏議

卷十三

十二

擒獲盜匪洪亞就等十五名口等情當即飭提各  
犯赴省審辦據報被擄押禁之陳亞三病故據委  
員廣州府知府福明將現犯審明由前任按察司  
審擬招解前來經提犯督同審明分別辦理彙  
摺具

奏欽奉

諭旨著核明各歸各案分晰定擬由四百里馳奏  
查本案盜犯洪亞就鄭亞眼葉人受巫亞九梁十  
五五名籍隸潮陽饒平新安歸善香山等縣該犯  
等先後被擄及投下盜船入夥在洋隨同擄劫並



焚燒村莊十四五次或行劫并焚燒村莊四次吳亞四張瓊僉徐明律朱信其胡孔捷區義興李亞四鄧亞三八犯均供認被擄服役吳莊氏一口訊認被擄在船等情屢審各犯供認前情不諱查例載江洋行劫大盜照響馬強盜例立斬梟示又洋盜案內被擄在船止為盜服役並未隨行上盜如被擄獲者杖一百徒三年各等語本案盜犯洪亞就陳亞眼葉人受巫亞九梁十五在洋疊次擄劫並焚燒村莊該犯等情罪重大未便稍稽顯戮審明後 臣 當即恭請

那文毅公兩廣總督奏議

卷十三

古

王命飭委按察使秦瀛督標中軍劉惟馨將洪亞就鄭亞眼葉人受巫亞九梁十五五犯照江洋行劫大盜照響馬強盜例綁赴市曹斬決仍傳首沿海地方梟示以昭炯戒吳亞四等八犯訊止被擄在船服役並未隨同上盜均依例杖一百徒三年至配所各折責四十板陳亞三係被擄押禁並無接賊服役情事已經病故應與被擄在船之吳莊氏均無庸議吳莊氏遞回原籍保釋另船盜犯梁亞昭等亦已擄獲另案辦理逸犯李英芳亞受等郭大食二飭行沿海文武嚴緝務獲究辦盜船變價充賞

所獲商鹽船隻查傳事主給領謹

奏奉

硃批刑部速議具奏

嘉慶十年九月十二日會同廣東巡撫孫公玉庭奏據吳川縣知縣朱振聲會營督率兵役駕船緝捕見有盜船駛近限門海口當即督率巡役追捕適東礮臺官兵巡至會合圍擊施放鎗礮將盜船擊沉各犯紛紛落水逃走鎗礮擊斃數名生擒盜犯陳老輩等三名飭委員將現犯審明由司招解前來 臣 等提犯督同親鞫緣陳老輩籍隸遂溪據供嘉

那文毅公兩廣總督奏議

卷十三

五

慶九年正月內投下盜首狗了三管下老板周恭孫船內入夥隨同在洋行劫三次內殺人一次又圖劫未成一次吳聚尉黃馨二犯據供聽叫入夥圖劫未成等語再三究詰各供如一矢口不移似無遁飾該犯情罪重大未便稍稽顯戮審明後 臣 等當即恭請

王命飭委按察使吳俊督標中軍副將劉惟馨將陳老輩一犯照江洋行劫大盜照響馬強盜例綁赴市曹斬決傳首沿海地方梟示以昭炯戒吳聚尉黃馨二犯訊係隨同圖劫尚未得賊亦未傷人均依強



盜未得財又未傷人從犯例杖一百流三千里至配所各折責四十板照例刺字買贓不識姓名夷人無憑提訊查起周恭孫船內食米火藥係向江坪居住之廉州府人周亞三買用其潮州石碓內食米火藥係向白龍尾居住之廉州府人余亞大買用礮械來恩周恭孫等在逃無從跟究逸盜周恭孫等並接濟之周亞二等飭行沿海文武嚴緝務獲究辦謹

奏奉

硃批刑部速議具奏

那文毅公兩廣總督奏議

卷十三

六

嘉慶十年九月三十日會同廣東巡撫孫公玉庭奏為拏獲在洋行劫勒贖濟匪盜犯審明分別辦理事竊臣等於審訊洋盜問出雷州洋面有盜匪陳岐沙二等在洋疊次劫擄併買物接濟當即飭委嘉應州戴錫綸前往會同該府營縣嚴密查拏隨據署雷州府宗聖垣嘉應州戴錫綸代理遂溪縣知縣段長基等稟報先後拏獲盜匪陳岐沙二等九名等情飭提各犯解省審辦茲據委員審明由司招解前來臣等提犯督同親鞫緣陳岐沙二黃老燦即黃朝賢吳老螺林有念四犯俱籍隸遂溪該

犯等供認或投下盜船或聽糾入夥先後在洋行劫勒贖併接濟盜匪多次內黃老燦即黃朝賢一犯先經犯案擬徒在配脫逃復行為盜伍亞車即伍朝發吳大布即吳朝親吳朝注三犯據供運米接濟盜匪多次葉猪仔客即葉正佳一犯據供將猪鷄各物售賣與盜匪多次陳老光即鄧亞振一犯據供被擄服役後逼脅在本船接贖一次再三究詰各供如一矢口不移似無遁飾各犯情罪重大未便稍稽顯戮審明後臣等當即恭請

王命飭委按察使吳俊督標中軍副將劉惟馨將陳岐沙

那文毅公兩廣總督奏議

卷十三

七

二黃老燦即黃朝賢吳老螺林有念四犯照江洋行劫大盜照響馬強盜例綁赴市曹斬決傳首沿海地方梟示以昭炯戒伍亞車即伍朝發吳大布即吳朝親吳朝注三犯屢赴盜船賣米接濟均合依奸徒將米穀接濟奸匪例擬絞決俱照例先行刺字葉猪仔客即葉正佳一犯僅將小猪鷄鴨烟蔗運至盜船售賣與米穀麥雜糧不同惟通盜漁利應比照奸徒將米穀豆麥雜糧偷運外洋接濟奸匪擬絞立決例量減一等杖一百流三千里改發黑龍江等處給披甲人為奴陳老光即鄧亞振



一犯被擄服役後逼脅在木船接賊一次合依洋盜案內接賊一次例發黑龍江給打牲索倫達呼爾為奴均照例刺字黃老燦即黃朝賢犯案擬徒在配脫逃配所看役並非知情故縱均毋庸議船隻破械火藥據供不知來歷且盜首烏石二等在逃無憑根究各犯所得賊銀照進入官充用逸犯吳文通等及盜首烏石二等飭行沿海營縣及巡洋舟師嚴緝務獲究辦謹

奏奉

硃批刑部速議具奏

那文毅公兩廣總督奏議

卷十三

六

嘉慶十年九月三十日會同廣東巡撫孫公玉庭奏據電白縣知縣盛植才會營督率兵役村民在於蓮頭海旁緝獲洋匪梅遂初一名等情當即飭提赴省委員審辦茲據委員審明由司招解前來等提犯督同親鞫緣梅遂初籍隸新寧據供嘉慶十年五月內投下盜首王四哥船內入夥隨同在洋劫擄一次圖劫未成一次等情再三究詰矢口不移似無遁飾該犯情罪重大未便久稽顯戮審明後等當即恭請

王命飭委按察使吳俊督標中軍副將劉惟馨將梅遂初

一犯照江洋行劫大盜照灣馬強盜例綁赴市曹斬決傳首沿海地方梟示以昭炯戒該犯訊無另犯別案亦無同居親屬知情分贓逸犯王四哥等飭行沿海營縣嚴拏務獲究辦謹

奏奉

硃批刑部知道

嘉慶十年九月三十日

奏為舟師打仗獲賊就近訊明分別正法定擬事竊

因捕務喫緊親駕米艇撫巡士卒申明賞罰使各將弁兵丁齊心協力上緊勦捕不致貪逸避賊行

那文毅公兩廣總督奏議

卷十三

七

至東莞地方探聞伶仃洋外現有匪船遊奕即飛飭順德協副將李光顯等師船即速擒剿嗣抵虎門即據該副將稟報即日帶同已革守備羅耀紀等在香山縣屬之白鶴洲望見浪白各洋面有大小船二十餘隻即率兵船分投星往追捕盜匪正在劫奪鹽船見師船追到當即星散獲回被劫重載大鹽船一隻復追至大虎洋面賊船漸近兵船兜圍放礮轟擊賊亦轉達開礮拒敵各弁兵奮勇連環攻打鎗礮齊發傷斃賊匪甚多賊勢漸不能支該守備羅耀紀駕坐外委何英一船乘勢當



先橫截撞翻撈盜船一隻又擊沉撈船拖風盜船三隻而該草備帶往投首入伍之羅成振吳海進陳養興隊自譚均等尤爲出力奮勇爭先下海皂水撈獲盜首陳亞和等多名署千總曹輝清等船亦自旁追攏擊獲齊桅盜船一隻快艇一隻匪衆紛紛落水各駕三板擒捕因風大月黑不能指拏餘賊俱隨波捲沒將船隻駛回點驗獲賊三十名口當卽報解臣船上隨飭委署佛山同知易萬里候補同知懷沅東莞縣知縣陶必榕候補縣張思聰等逐加研鞫錄取確供申送前來臣卽督同

那文毅公兩廣總督奏議

卷十三

三

運司蔡共武肇羅道朱爾漢親行提訊緣陳亞和周亞包張亞三麥亞鐘陳尙科陶亞三陳亞六陳亞妹倫亞堂九犯籍隸新安歸善新嘉東莞順德番禺各縣不等據陳亞和供稱因有哥子陳亞章被賊擄去本年七月二十六日到香山四船上探聽哥子不見卽被香山四留住派管三板船一隻併撥舵工頭目陳亞六們共十四人本年八月內記不起日子隨同香山四會齊亞保仔共三幫船有二十餘隻駛至番禺新造墟打劫各舖該犯持刀上岸劫得穀豬三隻九月二十一日又跟隨香

山四駛至澳門西白簾洋面行劫鹽船一隻押令鍾金祖在本船接遞贓物併擄捉鹽船上朱亞元卿亞恩過船押禁十月初四日在香山不識名洋面打劫山貨船一隻擄捉陳亞尾杜亞四二人過船逼脅入夥不從押禁船底初七日同香山四各幫二十餘隻在香山洋面遊奕被師船撞過各船逃散六船落後被礮打傷各船上夥盜各自落水不知死活該犯被獲等語又據周亞包供認隨同打劫新造墟各舖又打劫黃浦潭洲俱持刀上岸張亞三供認在新造墟潭洲黃浦隨同打劫麥亞

那文毅公兩廣總督奏議

卷十三

三

鍾供認行劫四次陳尙科供認劫擄五次陶亞三供認打劫鹽船一次陳亞六供認行劫三次陳亞妹供認行劫四次倫亞堂供認隨同打劫三次又梁潮昇黃亞才鍾亞金謝亞定盧亞季侯亞四黃亞進七犯俱供認在船接贓一次謝景賢何亞帶杜振升李宗等四犯俱供認被脅服役並無上盜接贓情事朱亞元卿亞恩及婦女幼孩杜王氏杜阿執等十名口均係被擄押禁船底並無從盜服役等情再三究詰矢口不移案無遁飾各犯情罪重大未便久稽顯戮審明後臣等當卽恭請



王命飭委肇羅道朱爾漢署右翼鎮唐光茂將陳亞和周

亞包張亞三麥亞鐘陳尙科陶亞三陳亞六陳亞

妹倫亞堂九犯照江洋行劫大盜照響馬強盜例

綁赴市曹斬決傳首犯事地方梟示以昭炯戒梁

湖昇黃亞才鐘金祖謝亞定盧亞季侯亞四黃亞

進七犯接賊一次應發往黑龍江給打牲索倫達

呼爾為奴俱照例刺字謝景賢何亞帶杜振升李

委宗四犯被擄服役均照例杖一百徒三年朱亞

元卯亞思陳亞尾杜亞四被擄押禁應與婦女杜

王氏杜亞執杜亞蒂及幼孩杜北勝杜亞蚊郭亞

那文毅公兩廣總督奏議

卷十三

三

璽均印遞籍省釋逸盜香山四等嚴飭沿海文武

緝拏務獲究辦疎防職名查明另參謹

奏奉

硃批刑部議奏

嘉慶十年九月三十日會同廣東巡撫孫公玉庭

奏為審明畏怯逃避以致礙臺失事之弁兵併拏獲盜

匪分別辦理恭摺奏

聞事竊 臣 那彥成先據歸善縣知縣康傑惠州協副將馬

兆瑞等稟報歸善縣屬盤沿東西兩礮臺被洋匪

登岸搶劫礮位器械傷斃兵丁并先後拏獲盜犯

陳亞石吳勝底等各情形業經彙摺具

奏一面飭提該礮臺弁兵及拏獲各盜犯解省委員審

辦據報兵丁莫迪才黃國禎吳得陞脫逃駱得勝

患病未到案犯陳亞石鄭亞六游遇培李元陳上

明五名取供後先後病故茲據委員廣州府知府

福明等將現犯審明由按察使吳俊布政使廣厚

審擬招解前來 臣 等隨提集弁兵盜犯督同司道

親加研鞫緣歸善縣屬盤沿港地方向建東西礮

臺兩座距縣城一百九十餘里東礮臺安設大小

礮五位并火藥烏鎗刀械派外委劉俊達帶領隊

那文毅公兩廣總督奏議

卷十三

三

目陳鳳陞朱茂亮及兵丁廖元光等共三十名防

守西礮臺安設大小礮五位并火藥烏鎗刀械派

行營外委汪彪帶領隊目楊有得葉廷貴及兵丁

邱日確等共三十名防守因陸豐縣民吳勝底羅

火生於嘉慶九年八九月間先後投下素識未獲

之老板謝景風船內入夥該船有盜夥三十餘人

并刀械等物吳勝底等只認識老板謝景風盜夥

周亞六孫亞羅王燕洪亞槐陳俊秀謝張文林易

棕亞見亞端亞添老謝十二人餘俱不識嗣有現

獲之莊亞房洪亞尾陳亞笑及現獲病故之陳亞



文陸續捉下老板謝景鳳船內八夥又現獲病故之陳亞石籍隸海豐在新安縣長洲洋面捕魚被盜首黃正嵩擄捉下船派過管下頭目亞爲快馬船內入夥該船有盜夥三十餘人并刀械等物陳亞石只認識頭目亞爲盜夥金亞富餘俱不識又陸豐縣民馬亞建先於嘉慶五年間以馬山名字充當甲子營兵嗣因誤操草伍於嘉慶十年正月十四日投下素識之盜首黃正嵩管下頭目李立春船內入夥該船有盜夥二十餘人并刀械等物馬亞建止認識頭目李立春盜夥李會錦元合亞

那文毅公兩廣總督奏議

卷十三

三

心亞複全木六人餘俱不識嘉慶十年六月初一日謝景鳳亞爲李立春各船同盜首黃正嵩等船隻駛至歸善縣大星洋面寄旋黃正嵩因伊船缺少火藥稔知盤沿港東西礮臺貯有火藥礮械起意商同前往劫奪謝景鳳等允從初二日早黃正嵩謝景鳳亞爲李立春與吳勝底羅火生陳亞石馬亞建等共一百餘人攜帶刀械坐駕三板脚艇駛至盤沿港僻處登岸從山上繞近東礮臺時西礮臺行營外委汪彪前赴該處與外委劉俊達商議捕務兵丁練朝陞因嬭母身故黃德昌患病均

那文毅公奏議 卷十三

先告假回家謝朝高遞送公文駱文耀差資家信陳上明劉耀明赴縣請領餉米曾遇龍差往查緝賊匪該外委劉俊達查見該匪等率衆上岸卽差兵丁黎鎮綱楊耀赴縣并惠州協請救一面與行營外委汪彪帶同隊目陳鳳陞朱茂亮兵丁黎朝鳳陳門富廖元光等施放鎗礮擊斃不識姓名盜匪三人賊人恃衆搶上礮臺該弁劉俊達等與黎朝鳳等向捕盜首黃正嵩拒傷黎朝鳳陳開富身死劉俊達汪彪畏怯先行跑避陳鳳陞等亦隨後奔逃均失跌受傷吳勝底羅火生等分搶礮位刀

那文毅公兩廣總督奏議

卷十三

三

械火藥等物與各盜轉回艇內復向西礮臺劫掠時兵丁黃進安余得亮張朝發張勝龍梁文陞吳高何得華羅上彩莊得高九名因甫奉撥防收拾行李尙未到臺王有亮因兄故駱得勝患病俱先告假回家該行營外委汪彪已赴東礮臺商議捕務兵丁莫迪才黃國楨吳得陞見賊衆驟至不能抵禦先下臺跑走隊首楊有得葉廷貴兵丁邱日雄等亦隨後奔避均失跌受傷吳勝底羅火生等分搶礮位刀械火藥等物轉回艇內運至盜首黃正嵩大船收貯迨行營外委汪彪趕回西礮臺業

四三一



已失事追捕不及比黎鎮細楊耀明赴營縣具報  
歸善縣知縣康傑即會營督率平政司巡檢黃兆  
綸帶領兵役馳赴追捕因各盜船已分投駕逃止  
頭目亞為一船是日下午駛至鹽州洋面行劫鹽  
船經該營縣兵役駕船追至圍擊殺傷盜匪三四  
人落水未知生死夥盜陳亞石驚慌見水逃避被  
兵役拏獲頭目李立春一船於六月初三日駛至  
海豐縣甲子港洋面馬亞建隨同李立春行劫不  
識姓名事主鹽船二隻隨後李立春令馬亞建上  
岸探聽官兵消息被陸豐縣役協同營兵拏獲老

那文毅公兩廣總督奏議

卷十三

三

板謝景鳳一船於六月十八日駛至歸善縣小漠  
洋面適歸善縣康傑會營追至圍拏吳勝底等驚  
慌見水逃走被兵役拏獲此吳勝底等隨同未獲  
之謝景鳳等行劫礮臺被獲之原委也并究出吳  
勝底羅火生洪亞尾及病故之鄭亞六先經隨同  
謝景鳳在洋陸續擄捉現獲之洪亞生馮南英周  
亞祐陳振懷李亞魚黃添生黃亞添過船逼脅入  
夥不從押令服役該犯吳勝底等復又隨同謝景  
鳳在洋行劫多次謝景鳳逼令洪亞生馮南英周  
亞祐陳振懷在本船接遞贓物一次馬亞建先經

在洋行劫二次莊亞房陳亞笑投下盜船入夥先  
後隨同謝景鳳在洋劫擄多次並無隨同打劫礮  
臺等情嚴詰弁兵劉俊達等委因賊匪衆多抵禦  
不住一時畏怯逃避致被劫去礮械等項並無通  
盜送給情事盜犯吳勝底羅火生洪亞尾馬亞建  
等實止隨同劫擄并行劫礮臺並未拒傷官兵此  
外別無不法情事嚴加究詰衆供如一矢口不移  
似無遁飾查例載江洋行劫大盜照響馬強盜例  
立斬梟示又洋盜案內被脅接贓一次發黑龍江  
給打牲索倫達呼爾為奴又被脅服役之犯如被

那文毅公兩廣總督奏議

卷十三

三

拏獲者杖一百徒三年又律載官軍臨陣先退者  
斬監候各等語本案吳勝底羅火生洪亞尾馬亞  
建在洋疊次劫擄并隨同行劫礮臺莊亞房陳亞  
笑在洋擄劫多次均屬不法吳勝底羅火生洪亞  
尾馬亞建莊亞房陳亞笑均合依江洋行劫大盜  
照響馬強盜例立斬梟示該犯等情罪重大未便  
稍稽顯戮審明後 臣 等當即恭請  
王命飭委按察使吳俊督標中軍副將劉惟馨將吳勝底  
羅火生洪亞尾馬亞建莊亞房陳亞笑六犯綁赴  
市曹斬決並將病故之鄭亞六陳亞石戮屍一併



傳首犯事地方梟示以昭炯戒洪亞生馮南英周亞祐陳振懷被擄服役後逼脅在本船接賊一次並無隨同行劫情事均合依洋盜案內被脅接賊一次發黑龍江打牲索倫達呼爾為奴例發黑龍江給打牲索倫達呼爾為奴照例刺字李亞魚黃添生黃亞添訊止為盜服役並無隨同上盜接賊情事均合依被脅服役之犯如被拏獲杖一百徒三年例杖一百徒三年至配所折責四十板外委劉俊達防守盤沿港東礮臺當賊匪猝入行劫並不督率兵丁竭力抵禦輒心懷畏怯先行跑避致各兵隨同奔逃被賊劫去礮械各項行營外委汪彪係撥防西礮臺因赴東礮臺商議捕務見賊劫掠並不協力抗拒輒與劉俊達一同先逃厥罪惟均應照臨陣先退本律科斷劉俊達除私役兵丁賫送家信輕罪不議外應與汪彪均革去外委照官軍臨陣先退者斬監候律俱擬斬監候秋後處決照例先行刺字兵丁陳鳳陞等二十五名雖無首先退避情事惟隨同外委劉俊達等奔逃實屬怙怯應請革除名糧於劉俊達等斬罪上減一等杖一百流三千里均改發伊犁等處酌撥各城充

那文毅公兩廣總督奏議

卷十三

三

當苦差游過培李元業已病故應毋庸議陳鳳陞紀得海張鳳彩吳春黃等供稱親老丁單惟情罪較重毋庸取結留養兵丁練朝陞黃得昌王有亮駱得勝告假在先謝朝高遞送公文駱文耀差賚家信陳上明劉耀明赴縣請領餉米曾遇龍往緝賊匪黎鎮綱楊耀明赴營縣具報黃進安余得亮張朝發張勝龍梁文陞吳高何得華羅上彩莊得高甫奉撥防收抬行李尙未到臺均毋庸議發回歸伍陳上明業已在寓病故應毋庸議駱得勝患病未到並免提訊盜犯吳勝底等父兄飭縣查拘照例發落各犯訊無另有犯案其在洋行劫原籍牌頭甲保無從查察謝景鳳等盜船礮械各犯委不知其來歷亦未經由營汛口岸各犯弁兵實無知情故縱收受陋規情弊均毋庸議兵丁黎朝鳳陳開富均因捕賊受傷身死應請照例賞卹相應聲明聽候部議被劫礮位軍械飭令歸善縣估明價值著落該管營縣賠補各兵遺缺飭卽充補以資防禦再查礮臺被搶所有疎防兼統專轄文武各員弁均應查明分別叅辦此次盤沿失事一案知縣巡檢本不同城例止開叅聽候部議唯礮臺

那文毅公兩廣總督奏議

卷十三

三



係陸路惠州管轄與水師營分礮臺濱臨外海者不同且係東西兩處礮臺被劫現屆洋匪充斥全在該管各文武齊心協力武則督率弁兵文則團練役勇上緊巡防堵緝不予以隙自不致有意外之虞屢經嚴加檄飭乃該管惠州協副將馬兆瑞歸善縣知縣康傑諸事因循平政司巡檢黃兆綸係分防附近專管之員平時均毫無防範實屬有忝職守若不從嚴參辦無以示儆於將來應請旨將惠州協副將馬兆瑞歸善縣知縣康傑平政司巡檢黃兆綸照溺職例一併革職留緝以為玩視海防

那文毅公兩廣總督奏議

卷十三

三

者戒至本案疎防兼統文武各職名仍俟查明照例分別辦理西礮臺兵丁莫迪才黃國楨吳得陞見賊赴臺行劫輒首先跑走與臨陣先退無異均應照例擬斬俟緝獲究辦逸盜黃正嵩謝景鳳等及賣米之謝亞九等飭行沿海營縣及巡洋舟師嚴緝務獲究辦再盜犯陳亞六陳亞石二名遣犯游遇培李元二名均係帶病進監病故管獄職名例毋議處請免開報謹

奏

嘉慶十年十月初二日

奏為續報洋盜投誠事竊照沿海盜匪經臣等實力督率各文武上緊巡防嚴拿勾通接濟一切米糧軍火棕鐵油麻之物全行查禁陸續稟獲之犯又有數百餘名察其情形實漸窮蹙復又多設方法用謀用間偵之賊匪近日接濟既少僅能食粥夥黨日亂不甚敢於傍岸一經傍岸脅從者大半跳水走散故近來各口岸逃回被擄之人甚多其頭目率將器械收起至打劫時方給各人持用無事時將眾人關禁艙底恐其生心內變是以彼此懷疑自相解散大幫之船與殺賊投誠者遂多接踵

那文毅公兩廣總督奏議

卷十三

三

而來前此先後據報投首共一千三百十二名口業經臣會同撫臣將各緣由節次恭摺具奏在案茲續據順德縣沈權衡紫泥司巡檢章予之各稟稱前次投首已經奏報之馮亞連帶同殺賊逃回之何亞帶黃亞齊二名赴縣據何亞帶供稱向係鹽船水手與馮亞連同時被盜擄捉過船逼脅掃艙煮飯因不甘從盜與馮亞連密商乘間殺死賊首蘇亞惠又有同船被擄之黃亞齊們也幫同將賊黨朱陳盈即陳老三殺死馮亞連又殺死賊目陳亞美又有被禁服役之關亞貴殺死大賊



首大礮複分路逃回因問馮亞連已經得所免其帶來投首等語又據運商職員鄧時宜稟稱有總頭目陳自新即陳亞揚並陳協瑞投稱伊等久有投誠之意不敢行劫船中日食不敷先將散夥一百十餘人近家可歸者沿途放令回籍今陳亞揚帶同妻子並頭目七名副頭目九名散夥二十名大小船二隻陳協瑞帶同頭目四名散夥三名大船一隻繳送大小礮五門并刀械多件懇為轉稟等語又據運商鄧時宜稟報探得總盜首烏石二現發快船六七隻在歸善新安交界之鹿角洋總

那文毅公兩廣總督奏議 卷十三 三

路阻擊各處投誠船隻經該商僱備索罟漁船十三號並鄉勇兵役等馳赴防範旋據伊弟鄧從龍來報該洋面止有盜船五隻並不敢拒敵據稱實係烏石二之頭目張奇勝等六名散夥一百零二名船五號烏石二令在總路提擊投誠船隻該頭目等久有投誠之心實不願從賊詎請賊令來此乘便投首經該商察看屬實當即將五船卸解礮械搬繳查無隱匿照舊捐給口糧候示又據運商鄧時宜稟稱有洋盜... 五名帶船五號散夥一百一十五名駛至洗馬湖轉求先來之

那文毅公奏議 卷一三

張奇勝代請投誠各等語又據鵝埠領司巡檢徐維珩稟報有匪船兩號揚帆直駛內港當即會同把總吳連高施放火礮堵禦該匪船人等高聲叫喊稱係殺賊歸順隨有五人梟水登岸並持首級三顆前來訊據陳城利林榮耀林士宗林亞華林亞悅等同供伊等兩船除殺死八人外現在船內尚有四十人因黃正嵩大幫匪船停泊金鑲石洋面特派先鋒陳友發一船前來汕尾鮎門把港打單我們早欲歸順陳友發一船故殺死來投並繳礮械等六十四件又據墩白場鹽大使德英稟正

那文毅公兩廣總督奏議 卷十三 三

在辦理前經奏報之韓斗鳳沈世傳各起間又有聞風來投之張城才等四名帶船四隻夥盜一百零九名經線人陳希舜等據情轉稟又據平政司巡檢黃兆綸稟有匪船一隻在小漠港外停泊隨即往捕該船匪並不抗拒咸稱殺死賊首正要登岸投首該巡檢上船搜查船內有吳亞興等男婦十一名口並鐵礮二門蒲包內人頭一顆船尾屍身一具又有方亞好三名先已上岸被營盤獲訊據吳亞興等供稱先後被盜首陳亞生等擄捉過船因不甘從盜先將盜械什物丟棄海中商同乘



問殺賊投首先被陳亞生知覺砍殺一人落海大  
家下手將陳亞生及夥匪細華亞發亞意四人一  
齊殺死細華們三人屍首拋海祇留陳亞生屍身  
在船作據並用蒲包裝貯首級正欲攜取上岸投  
首等語據左翼鎮外委翟超漢押送投首洋匪馮  
悅華男婦六十一名口併船隻礮械到省當即飭  
委南韶道朱棟等分別安插再訊據馮悅華等稱  
被盜首劉唐伯即鄭老童的快艇頭目老稍二擄  
捉過船逼脅入夥隨同在洋攔阻客商打單贖水  
等事實係無奈從賊又畏罪不敢回來近日水米

那文毅公兩廣總督奏議

卷十三

五

火藥缺乏又聞各憲出示許以投首免罪就與陳  
亞幾們熟商因老稍二不允與他打仗陳亞幾李  
亞有蔡亞帶三人被老稍二礮火打傷老稍二船  
上也被打傷數人連夜乘風馳赴虎門礮臺投首  
等語又據拿獲接濟匪犯因悔罪情願作線招賊  
之陳善操稟有劉唐伯幫內大頭目陳亞九帶領  
流緝拖風齊桅船三隻首夥男婦共九十名口大  
小礮十七位併刀械等項悔罪投誠並據查明內  
有安南人阮亞三阮亞四二名陳亞九即係劉唐  
伯之義子張亞九等語又據新寧縣湛川司巡檢

杜華林稟報稱東北口外洋有盜船一隻寄旋先  
有小船一隻入港投稱陳亞相黃亞丁林亞慶俱  
係在船頭目因盜首鄭亞龍不肯隨同投誠陳亞  
相起意商同眾人將鄭亞龍及舊頭目亞六乘睡  
殺死又將舵工亞已舊頭目亞貴併自行投落不  
識姓名梗議之人俱推落海帶領男婦三十三名  
口駕船來澳投誠等語又據潮州府知府朱爾廣  
額署澄海縣知縣謝景淳各稟稱有匪船黃亞四  
即黃茂一幫停泊萊蕪懸書竹竿乞准投首即令  
頭目陳開烈等四人上岸叩頭其意甚真又塗剝

那文毅公兩廣總督奏議

卷十三

五

洋面有盜首黃亞九即黃德泰一幫又鳳巖洋面  
有盜首關兆金一幫又大萊蕪洋面有巨盜首許  
雲相及王騰魁楊勝廣三幫在彼觀望據黃茂稟  
稱各幫俱有投誠之意無線可引即據  
奏留之知縣楊桂蔭又委員胡以宣章鏞宗德懋王金  
等均願親赴各幫曉諭遂會同營員帶領黃茂連  
次往返示以誠信各幫俱俯首願投內許雲相三  
幫更屬船大人勇經各員屢次開導均極傾心輸  
誠黃茂一幫計一號黃德泰幫船四號共繳送大  
小礮一百位火藥五百餘觔器械八百八十三件



投到大小男婦四百八十九名口關兆金一幫船二號大小男婦八十九名口繳呈大小礮十九位火藥一百二十筋器械二百十九件許雲相王騰魁楊盛廣三幫船十號大小男婦六百六十九名口共繳呈大小礮一百二十七位火藥五百十筋器械七百八十九件以上投首各起共一千八百六十三名口查所供被殺之大礮復實係著名首惡竟得殲除陳亞生亦即前次投誠林亞發之同幫賊目陳友發係黃正嵩之先鋒頭目始終怙惡以致被殺張奇勝係烏石二之大頭目烏石二令

那文毅公兩廣總督奏議

卷十三

美

其阻擊私逃船隻今其率眾前來且有蓄志已久出於無奈之言其情亦有可原黃茂即黃亞四許雲相均係歷久著名大幫強盜而潮州府所辦六幫計船二十七號共一千二百七十餘名口數更不少臣節據各屬稟報即飭委明幹大員督同該地方文武員弁照前妥協辦理安插具報其為首及副頭目人等情願入伍者飭提省逐一察驗前以

皇上網開一面之恩無不感激叩頭僉稱願効死力以贖前愆所有此次投首人內可否仍懇

皇上格外天恩將黃茂吳亞興陳城利張奇勝許雲相陳亞松賞給千總頂戴林榮耀林志宗林亞華林亞悅何亞帶黃亞齊陳自新陳協瑞張城才馮悅華陳阿九黃德泰關兆金王騰魁陳友發戴仕發黃亞泰陳開烈賞給把總外委頂戴之處臣未敢擅便候旨施恩再查投首之人前三次奏報併此次續報統計三千一百七十餘名口仍照前議章程辦理但安插之事期於核實不得不嚴立處分俾各地方官咸知警惕嚴加管束應請以後入伍歸農充役各項

那文毅公兩廣總督奏議

卷十三

美

交各營各縣按月查點彙冊報核如有不善管束失於查察以致逃去者請旨飭部嚴定處分以示法守至現在尙有續來投首者窮而歸命於事理斷不能揮之使去為盜然事機愈順愈當加倍慎重將來為數漸多則安插之地亦有人滿之虞入伍者不能暫增糧額無業者又無從給懇開田而內中亦有為盜多年曾經殺害居民有指名相仇之人此時既不可加之誅戮又不可聽其聚處以致別滋事端臣悉心籌畫必思計出萬全再行妥擬章程奏請



訓示遵行再此次辦理投首盜匪為數過多撫臣孫玉庭  
恐將來善後事宜難於辦理意欲示立限期逾期  
不准收納與臣意見不同是以未經會銜但事關  
重大臣不敢不先行馳奏所以此次出力各文武  
員弁亦未敢一人擅自保奏陞賞聽候  
諭旨應否准保以示鼓勵之處隨後查明再行補奏請  
奏

嘉慶十年十月初二日

奏為辦理洋盜勦撫事宜恭摺奏

聞請

那文毅公兩廣總督奏議

卷十三

奏

旨事竊查粵東洋匪滋事十餘年來沿海數千里深受其  
害自乾隆五十八年以後年年捕盜費日以廣盜  
日以增臣到粵數月確查情形深維大計恪遵  
皇上指示機宜遏絕勾通嚴禁接濟激勵官弁咸發士民

正氣業已奮揚近又將廣洲灣賊巢勦淨賊眾亦  
極寒心其米糧等物間有透漏賊黨既多亦非些  
微可以敷食情形十分窮蹙臣又預飭礮臺塘汛  
嚴密防堵間有撲岸之賊亦均未能得利戰守之  
資頗為嚴備臣仍復不遺餘力兼用熟悉盜踪與  
新舊投降之人廣為間諜使之自相疑貳自相殘

殺所以投首者紛紛踵至查嘉慶五年原有投首  
之事因辦理不善勒示限期逾期不來即不收納  
當即欽奉

諭旨以為以立限為辭總不成話倘逾限不來不准其投  
首盡置之於法乎抑概行拒絕聽其赴洋為盜乎實無  
此辦法嗣後仍當隨時收留妥為安置無得拘定期限  
致多窒礙欽此臣查出原案敬謹跪讀頓開塞滯辦理  
益可遵行業經兩次將投首之案與撫臣孫玉庭  
聯銜具奏詎撫臣忽別存意見先欲立限受降臣  
未能允從繼又以辦理多有未協不肯會銜另自

那文毅公兩廣總督奏議

卷十三

奏

陳奏查盜匪既經投誠誠如  
聖諭未便予以斷誅亦未可拒而不納復使去而為盜之  
理即如數十萬教匪蒙

皇上

睿謨廣運不數年而悉歸蕩平何嘗不勦撫兼施得以成  
功迅速孫玉庭在粵前後已半年有餘往年盜匪  
浸熾之時於勦守之事未聞一有布置且洋盜情  
形併未知悉亦未經專摺奏明  
聖主今又以投誠為非則勦撫二者俱無所施不知更有  
何策可以盡善若臣亦扶同隱諱趨避斷斷不敢



且查現在大幫盜首鄭一烏石二東海伯劉唐伯黃正嵩郭婆帶李湘青總兵寶鄭維豐與已投誠之林亞發許雲相黃茂等即當時限外未收之盜至今貽害無窮臣受

恩深重自應竭盡血誠任勞任過斷不敢因循畏難致染外官故習但自分才識短淺不敢自以為是兩次至撫署而商意見未能盡一所有投首各稿又令司道等往返五次請撫臣畫押執意不肯臣以關係重大斷非一人私意可臆斷之事又劄會在省司道公同核議亦皆不以立限為是以撫為非今

那文毅公兩廣總督奏議

卷十三

單

奏

一原議海中盜匪不下數萬若盡行招撫非數十萬金不可後難為繼而捕費更用何項此經費甚難也查廣東捕盜經費近年以來借防堵為名每歲公私需用不下數十萬兩勦撫兩不得力總未辦去一股賊匪此項虛糜實無底止臣前議每投首一名請准開銷安插銀十兩若果

用銀數十萬即可散劇賊數萬則此項究歸核實較之空談勦守徒費無益者豈不懸殊且全海之賊既不能盡勦亦不能全撫正宜乘此機會散賊黨羽其勢既孤則勦捕更得迅速完事是辦撫之費即辦勦之資前經屢奉

諭旨令臣不得愛惜小費致悞大事臣自接辦以來所辦各事除兵餉貼防之費開支正款一切緝捕經費俱係臣籌款辦理仍擬將來籌辦備用

一原議投首所殺之賊是否確係盜犯無從查其底裏是殺賊投首未可盡信也查投誠之人必

那文毅公兩廣總督奏議

卷十三

單

須將船隻礮械盡行繳官即使賊自首級無從查考而所繳之船有出洋大開波大紅單大拖風之類其礮位有二三千觔五六千觔不等現俱交官註冊不能虛假且船隻礮械非可猝辦必積之十餘年而後資以為用今既繳官即令再有反覆亦須再積數年目前已可無患至云所獻賊自首級難於盡信然為大局起見止可權為包容使虛聲所播賊黨自相猜疑於辦賊實有裨益且既已悔罪投誠勢不可再加之審訊設將現在投首之人竟審辦一二人則全局



盡散不但聞風竄足即業已投首之衆人人自危殊非息事安人之道

一原議盜犯投首之後不聞劫掠案由即得脫身免罪而該地方文武各官無從銷案徒受處分是循名責實礙難分理也查地方官尋常盜案果能拏獲首夥自可寬其處分其平日廢弛失於防守致村莊蹂躪殘害生命不加重罪已屬皇上格外之恩臣等身為大員費盡苦心辦至賊人窮蹙來歸之候豈又轉為伊等計及開脫處分且賊人窮而顛投亦萬無分別某人係某案之盜文

那文毅公兩廣總督奏議

卷十三

聖

武處分未清不敢收納之理如必欲訊明則滿海之賊人人有案必待地方官一一查拏則永無辦盡之期譬之接仗之時勢不能辨明某某曾到某處然後施放鎗礮若就撫之時因難銷處分而不受是打仗之時亦將因有礙開復而不殺勦撫大計均以地方官之處分格而不辦名曰守法而跡涉瞻徇况在事文武如果出色出力

聖恩尙准破格保奏倘得海疆肅清

皇上亦必將已往之愆格外寬免臨時仍懇

准請 旨

一原議賊匪非真悔罪特因貪利而來官吏意在邀功不惜重金為市是偏重招撫致生謗議也查從前辦理招撫之時知府大員俱至賊船彼此拜往至議船值若干礮值若干外賞三四十金不等然一奏之後除賊首數十交營管束餘人樂置不議聽其自散今則實因查拏勾通接濟既嚴窮而來投大非往日之許賞勸降可比粵省官場民俗好為造作謠言然虛實自在

那文毅公兩廣總督奏議

卷十三

聖

此等大事不能因浮議遂為中止至其中有殺賊來投者有自至礮臺兵船報降者此又係何人出資購到若官吏邀功之說竊思地方遇有大事但思臣等賞罰不公不能提撥在事人之精神倘人人各懷立功之志爭先恐後是即人心轉機較之近年上下疲玩縱賊勾連因循貽誤者又當何如

聖明自可洞鑒臣亦無庸多辯

一原議此等盜犯無恒產恒業回籍之後衣食無資故智復萌因之勾結匪類是岸上之盜日益



滋多也查海盜因近年官吏積玩因循水陸合成一氣是向來陸路之盜本已不少現在陸路嚴緊設竟挺而走險或如從前之勾通安南或在海中竊據島嶼為患益深辦理更為費手今置之岸上即使野心不改別生事端尚有踪跡可尋得以制其生命不至如海捕之徒費無功臣亦籌及將來人數衆多或於廣西間曠地方安插給墾俾其去海既遠亦得衣食有資惟事關重大必須與通省曉事官員悉心妥議然後可以條奏請

那文毅公兩廣總督奏議

卷十三

器

旨所有現在安插之人只有嚴行責成各州縣協營按月查點冊報嚴定處分則責成既專防範自密矣一原議投誠賊目加之頂戴居然高出齊民之上等語查率衆來歸為功從前辦理例有明文卽如現在就撫之林亞發黃茂許雲相均係著名大盜所率投誠之數千人如須打仗殺盡雖兵力可靠而糜費已恐不少且如不許以投誠絕其自新之路則窮而竄食五千里之口岸焉能保其必無疎失一經登岸焚劫搶殺民命何堪今不費一兵不糜一餉不過以千把之頂戴權

示羈縻賞為首之數人而餘黨悉皆安貼兩相比較又孰得而孰失也且入手辦理稍可從優現仍督兵打仗加力上緊嚴防口岸此後賊黨日形窮蹙來者更多又不妨漸從輕減以示等威必不至泛濫無止

容安謹按以上三奏以先公解任蒙

諭交吳公熊光查訊

上諭恭載於後

嘉慶十年十月二十二日

奏為續收投誠各起妥為安插事竊照洋盜投首各起

那文毅公兩廣總督奏議

卷十三

器

前經節次具

奏共三千一百七十五名口分別辦理在案茲臣自省

督帶新配各兵船先出虎門大洋西入礁門潭洲一帶洋面順道查閱營伍礮臺卽嚴諭水陸將弁兵丁務須協力同心奮勉殺賊以圖立功受賞况乘此投首人等絡繹來歸之候非痛加勦滅不足以堅其悔罪之心士氣更為百倍振作而各屬派委巡防之文員亦覺踴躍從事旋據投効候選未入流戴均恩稟稱在惠州一帶購線緝拏洋匪行抵海豐縣屬之汕尾港口有周啟道蔡亞獅二人



投稱蓄心投首屢勸盜首亞思夥盜亞雙同來伊等不依因將亞恩殺斃亞雙跳水身死今割取亞思首級為據率夥眾共二十一名并繳船一隻鐵礮四門器械各件懇請轉稟等語又據陽江縣海陵司巡檢宋玉龍春江協外委陳亮宗等稟稱有大盜首總兵寶之快馬中拖漁船一隻頭目葉亞伍等三十七名口到馬尾山澳內投首並收到鐵礮七門火藥八觔挑刀紫鎗六十二件短刀十五柄烏鎗三股又各一桿當同礮臺外委陳亮宗義勇職員馮國瑞陳鴻謨等批解核辦等語又據粵

那文毅公兩廣總督奏議

卷十三

吳

閩南澳同知馬澆稟稱有線人右營記名外委陳永式收到賊首林漢忠帶領大小盜船二隻水手舵工共三十五人大鐵礮二門子母礮一門子礮三門百子礮四門火藥二鐮鎗刀藤牌三千四件等情願歸化不敢為盜現在辦理等語又據番禺山同知候補通判易萬里東莞縣知縣陶必裕候補巡檢唐欽仁等稟稱有頭目李潤復等殺死盜首黃亞四割取首級帶同夥黨何成位等男婦二百四十一名口及船隻礮械畏罪投首據供被賊首黃亞四擄捉過船逼脅為盜自知身犯死罪久

已有心投首因孤掌難鳴常與同夥蘇亞義葉奉春等商勸黃亞四投首無奈伊聽信心腹黃自貴李亞四何亞七三人言語執迷不悟適泊大鵬海邊遇另幫頭目何陳位陳亞發等船亦同在彼寄旋有熟識之張亞白過船告知伊已投首免罪入伍蒙易分府馬分府何庫廳各官諭令出海立功如有不甘從賊之人勸令趁早投首若有梗議阻撓者殺死獻功更為義勇其時何成位陳亞發一同聽聞無不踴躍首肯惟黃亞四等四人始終執迷是夜李潤復等乘黃亞四睡熟將伊砍倒蘇亞

那文毅公兩廣總督奏議

卷十三

聖

義等上前幫助黃自貴等驚起將蘇亞義砍傷手臂葉奉春砍傷頭顱蘇亞義之妻李氏上前救護亦被砍傷面門賴何成位陳亞發等過船大眾將黃自貴三人砍落海中割取黃亞四首級合夥前來繳呈拖風流繪船大小七號大小鐵礮三十五門鉛子火藥烏鎗刀械多件等語以上投首各起共三百二十九名口此內殺賊獻功者二起餘皆率眾輸誠懇求免罪 臣當將各該犯等好為問取供詞錄呈

聖鑒所有現在賊匪窮蹙情形自可仰邀



洞照無塵

聖慈再奉到

諭旨著傳集各投首人等諭以爾等皆屢經犯法罪在不赦今准投首併令安插得所當從此勉為良善若再稍有滋事不肯安分必當加倍治罪如能幫助官兵出力剿捕著有勞績即當奏明陞獎等因欽此欽遵臣跪讀之下仰見我

皇上仁智如天使民遷善遠罪之至意如此剴切曉諭使伊等知感知懼必可收以賊攻賊之效惟恐該匪等土語聾牙臨時宣說難於通曉當將

那文毅公兩廣總督奏議

卷十三

哭

諭旨內飭諭一段敬為摘出詳加申說列作牌文即將其人之年貌籍貫分別入伍歸農開列於後除婦女幼孩外各給一紙令其收執俾觸目警心勿萌故智即互相傳觀亦可使怙惡之徒忽發猛省此事一經

睿謨指示洞中機宜臣等辦理益得主腦覺肅清海氛真非難事矣至安插之法誠如

聖諭宜散而不宜聚大約頭目多願入伍散夥多願歸農蓋頭目多係老盜久在洋面必已擁有厚貲既恐吏役地保索詐又畏舊仇報復且實已無地可歸

在該犯借入伍為保全身家之計臣等亦可因此施以束縛且現蒙

聖恩准予頂戴虛榮而伊等已自誇為官長即使偶有反覆投入舊夥亦不能保賊之不疑此實

聖人深識遠慮控制機要尤非臣下所能仰窺萬一者至散夥本係脅從之徒既不能如盜首之享凡而終日險冒風波實有進退無歸之苦故每據線人稱

說持往曉諭殺賊立功告示宣讀之時竟有聽之流涕者又來投之人往往有亟思完聚但求速放還鄉併散給銀兩亦不要領者看其情勢實形瓦

那文毅公兩廣總督奏議

卷十三

哭

解內若無業而又無能之人每起中又不過數人撥發各衙門充役稍有衣食謀生亦足滿其志量查前督臣吉慶任內曾辦投首一千七百餘名將著名各盜首安插入伍餘黨聽其自散迄今數年其自散者未聞另有滋事之案而入伍者現如都司林孫把總陳剛外委蔡世爵等遇賊打仗奮不顧生又如陳添保曾受安南偽封寶玉侯自投首之後率其子堵安插南雄極為守法現在投首數千人散在各屬均有收管冊檔按月點驗存亡具報現俱安靜無事蓋粵民輕喜易怒聚固易而散



亦難於復聚好利輕生不耐勞苦臣屢試如此問之在粵年久之人亦咸以為然至臣年幼無才屢奉

訓示驅策受

恩深重十餘年來亦覺少有所識固不肯瞻徇因循沾染外官習氣但顧私己不顧公事至當大事要機必深觀遠慮博採旁搜求其至當何敢冒昧急功致留後患况事情重大即已之身家性命攸關亦不得不倍加鄭重臣愚拙之資早經

聖明洞察而為臣子區區圖報之心合之耳聞目見實在

那文毅公兩廣總督奏議

卷十三

辛

情事亦不得不因便陳明以上慰數千里之

慈念至在事文武出力人員統俟查明分別保奏陞賞以為激勸謹

奏

容安謹按此奏因 先公已解任未奉

上諭

嘉慶十年十一月初六日

奏為紅單鹽船夾攻盜匪多名事竊照紅單運鹽船隻素能捕盜該船多係舵工水手合資造成不肯輕於捨棄船身靈便易於駕駛又重載水手率皆強

而有力之人洋盜頗知畏懼近因積年廢弛賊勢既勝該船戶等間亦有濟匪銷賊乘機謀利之事不可不設法鼓舞招徠使其與盜為仇而我因之得用其力再四籌畫即密與運使蔡其武商令僱

募此等船隻物色閒曹佐襍之有膽量及呈議呈請自贖之武弁等押帶出洋如有獲盜者該船戶准其抽配鹽餉各員弁許其保奏無不踴躍從事旋據廣糧通判李臨轉據告假回籍兩淮試用鹽知事麥紹標情願捐備二十隻親身帶領該通判李臨捐備十隻浙江拔貢生王有壬捐備二十隻

那文毅公兩廣總督奏議

卷十三

壬

共成五十隻聯幫協捕臣東上時即留蔡共武一面查辦鹽場口岸等事一面就近督率該船戶勦捕茲於陸豐途次接據蔡共武稟報該通判李臨帶用派委額外委黃璋從九品趙瞻雲効用蔡草守備譚璋督率前項紅單船五十號探聞外洋有大幫匪船即於十月十九日齊赴厓門值新會縣知縣徐鑑亦配有繪船六隻巡緝到彼通判李臨即督同麥紹標趙瞻雲黃璋等於二十日駛至大矜洋面遇有盜船四十餘號即上前追捕賊匪施放鎗礮互相攻擊自二十日亥時打至二十一



日寅時被傷水手十餘人各船仍抵死不退愈加奮勇將賊船打沉數隻賊屍盜匪及落水死者二百人被浪捲沒不能打撈擊住盜船二隻生擒男婦九十三名口除傷重身死外實獲生盜鄧亞五等七十一名口并獲有礮火器械及賊匪圖記等物經該通判將所獲各盜發交新寧縣解省審辦并將首先過船殲獲盜匪之鹽務司事楊培徐麟候選未入流麥大生告假回籍江蘇候補主簿麥榮及船戶梁升茂等聲明前來查此項紅單船隻素能捕盜而又漸至通盜潛滋暗長大有可虞

那文毅公兩廣總督奏議

卷十三

至

盜二船及生擒盜匪之司事船戶等當即從優捐賞銀一千兩令即分別給發至該通判等本無緝捕之責竟能協力同心認真辦賊均屬奮勉可嘉應請量加鼓勵以策後效謹將各職名開列清單

恭呈

御覽聽候

皇上施恩至目下西路各盜經臣分遣前往間諜之投誠人嚴在綱伍大成等據稟將告示多散賊船以行煽惑之計盜首烏石二等近日查擊手下蓄意投首之人多行殺戮以致衆情愈形疑貳臣仍密札各路辦理洋盜委員遇大幫先剪散其黨羽小幫直誘惑其頭目此計既行不可如從前之有來即撫總須故意勒指使其改殺別賊獲獻首犯方為有功准其來投羈縻不絕我愈緩而賊更自內亂內亂之時愈久則來歸之念益堅將來成功善後亦易辦理容俟臣續辦有西路情形再行具陳謹

奏

嘉慶十年十一月二十八日奉

上諭據那彥成奏催募紅單鹽船五十隻於大衿洋面剿捕鹽船殲斃盜匪二三百人攻獲盜船二隻生擒盜匪

那文毅公兩廣總督奏議

卷十三

至



九十餘名口此項紅單鹽船係與運使蔡其武倡商備辦通判李臨鹽知事麥紹標拔貢生王有壬捐貲僱備並從九品趙瞻雲等協力勦捕均屬奮勉懇請量加鼓勵等語蔡其武著加恩交部議敘通判李臨著賞給五品頂戴試用從九品趙瞻雲著以縣丞陞用拔貢生王有壬以州判選用鹽知事麥紹標未入流麥大生主簿麥榮均著賞給加銜頂戴蔡其武守備譚璋著准其開復外委黃璋著以把總補用該部知道

嘉慶十年十一月初六日

奏為東路巨寇黃正嵩遵諭殺賊獻功率眾投誠分別

那文毅公兩廣總督奏議

卷十三

奏

辦理事竊 臣因東路惠潮一帶朱濟黃正嵩等著名大幫巨寇各在海豐澄海外洋寄泊據報皆有投首之意又李崇玉一犯亦在甲子外洋遊奕必須親自督辦勦撫事宜當於虎門舟次具摺

奏明一面分派原任提督孫全謀率領大幫舟師西下一面催趨順德協副將李光顯帶領大幫兵船東上惟恐中路空虛當即預為籌畫將投首可用之船修整二十隻派弁帶兵八百名在獅子洋一帶防堵以壯聲勢因 臣日向東趨去省較遠一面咨會撫 臣就近督辦中路防堵事宜又飭參將何英

帶領師船三十三隻由西路梭巡東上至新寧大澳以為策應各分派去後隨即改途馳赴惠潮 臣未出省之前先據委員署佛山同知候補通判易萬里候選通判馬鼎梅候選知縣加六品銜何天球稟稱據監生唐芝及先來投首之林亞發袁亞明又線人陳義勇等投稱東路黃正嵩一幫久有投誠之念因恐夥眾未必一心必得有人前往開導庶伊等信而有徵可使眾心鼓動即令其攻殺就近之鄭流唐亞婆帶等幫併令設法擒拿李崇玉為贖罪獻功之地等語 臣隨即密飭監生唐芝

那文毅公兩廣總督奏議

卷十三

奏

帶領線人稟報一面導以大義黃正嵩感激悔悟矢誓歸正適十月十五日與鄭流唐船相遇黃正嵩即乘黑夜之中將鄭匪一幫打沉數船擊殺多匪當即求唐芝上岸轉報 臣伏思黃正嵩既得罪別幫勢不能在洋久存其失計來投必不能再有反覆正宜乘此機會再加勸諭令殺賊立功以堅其志因復令唐芝等傳諭黃正嵩汝所稱殺賊情形雖有唐芝口視但總須獲有船賊為據方見真心去後旋據唐芝等稟十月二十四日探知李崇玉船到黃正嵩即行近擊打沉拖風船一隻未



能擒獲李匪黃正嵩甚為悞悞十月二十三日鄭流唐又向西路邀合亞婆帶鄭保養等大船數十隻前來尋衅報復黃正嵩率眾奮拒彼此打沉數船互有傷夷黃正嵩船內撥點被殺二十二人在急迫時適有通判易萬里等先遺去之投首人陳亞晚陳亞九及家丁張明又有黃正嵩通信定約之張亞良等六人伏於鄭流唐船之左右接應卽在三板船上拋擲大罐直到大船致傷鄭流唐頭面手臂燒去鬚髭大半鄭幫大亂踉蹌駛逸黃正嵩益加奮勇拉住亞婆帶二船殺死大頭目亞

那文毅公兩廣總督奏議 卷十三 奏

今得仰仗 天威使巨寇羣歸正事機實為順利當派肇羅道朱爾漢往鮎門督同易萬里等妥速辦理安插事宜據黃正嵩繳呈冊開各頭目散夥共一千四百二十名婦女幼孩三十四名口開波拖風流繪等大船三十六隻內獲獻船二隻大小鐵礮自二千至六七百觔共二十位五百觔至六七十觔共三十位柴礮二門大小百子礮一百四十一門斑鳩礮十三門共二百六門鳥鎗勾鎌馬叉藤牌長短刀各器械共一千二百七十餘件又火藥封口羣子等件查從前唐芝等稟稱黃正嵩人材健壯頗有義氣能孝其母併云作盜須為大盜作官須作大官要作忠臣之語臣因卽密囑肇羅道朱爾漢留心查看如果可用亦應錄取當經該道督同各委員逐一點查按名給賞分別入伍歸農復用言激試而黃正嵩果然有心報効情願殺賊立功贖罪並開出得力夥黨一百八十餘人請賞給三船作舟師頭敵該道卽一併帶領前赴海豐聽候發落并據稟稱黃正嵩之母許氏惟恐各船頭目衆心不齊扶杖親歷各船一分付從此改邪歸正

那文毅公兩廣總督奏議 卷十三 奏



共戴

天恩毋得少有異心等語大衆感動罔不帖服臣以其母能知大義甚屬可嘉且欲用其子不可不感其心當卽自行捐賞銀一千兩以示優異提問黃正嵩等叩頭感謝

皇上不殺之恩謹聲雷動又諭以爾等既知改悔前非先經奉有

聖旨傳諭爾等務須勉爲良善歸農者保守身家入伍者出力報効立功此是轉死爲生關頭爾等此時只算初世爲人此後不可自悞等語當賞黃正嵩頂

那文毅公兩廣總督奏議

卷十三

奏

戴之時伊卽先叩謝

皇上天恩後又向臣等叩頭又向伊母叩謝教導看其舉動竟不似爲盜之人當又曉諭云爾既知孝順爾母從前在洋累汝母擔驚受怕多年今日纔得保全汝母性命汝當知出力報効

國家湔除舊日強盜名目圖個榮耀方不枉爾母撫養之恩黃正嵩不覺伏地痛哭餘人多爲墮淚無不叩頭誓願恪守

王章實力報國再有過犯願甘加倍治罪又據黃正嵩備供屢次攻殺別幫情形與該丞倅等所稟無異臣

復加慰勞并又捐賞黃正嵩銀五百兩夥衆一百八十人又捐賞銀一千兩卽令妥差將其母送至省城安插仍准令黃正嵩帶得力夥衆二百餘人并再挑出一百餘人聽候派撥兵船作爲前隊出洋捕盜於緝捕經費內照兵丁例給予口糧查黃正嵩能以一千數百人悔罪來投又能屢次殺賊獲犯來獻其志可嘉誠如

皇上特予格外

那文毅公兩廣總督奏議

卷十三

奏

天恩賞給實缺干總以示鼓勵而樹風聲至鄭流唐一幫被黃正嵩攻殺之後僅存七八船又復被傷甚重衆勢瓦解該匪亦願投誠因邀來之鄭保養三十餘船係鄭一幫分來助戰報仇鄭保養係鄭一之姪不能自行作主以致兩相牽制尙在游移至朱瀆一幫在澄海外洋觀望與李崇玉數船忽分忽合臣查朱瀆爲閩粵兩省巨寇非如粵省洋盜接濟既少勢亦潰敗臣已連劄潮州府朱爾廣額不可求速令其來降致有失悞亦不可斷絕其來降之意且慮與羈縻相機再圖勦撫至此次在事出



力文武各員謹據實秉公開單恭呈

御覽可否加

恩陞賞以示鼓勵出自

皇上天恩其獲獻各犯除將梗議不法搶奪滋事偷點破

火圖害全幫之許亞發等四名即飭該道等在船

門訊明確實就地梟首示衆外至陣獲亞婆帶幫

之王亞滿等十八名口提至海豐委員研訊親提

勘辦現在另摺專奏謹

奏

容安謹按此奏以先公解任

那文毅公兩廣總督奏議

卷十三

本

諭交吳公熊光辦理

嘉慶十年十一月初六日

奏為審明投誠黃正嵩一起打仗獲獻之別幫夥匪分

別辦理事竊照東路巨寇黃正嵩率眾投首並攻

殺鄭流唐亞婆帶各幫盜船陣獲亞婆帶船上夥

匪王亞滿等十八名口解送上岸隨即飭委肇羅

道朱爾漢督同委員候補同知懷沅海豐縣知縣

張再英候補知縣張聰思等逐一審明復親提

嚴鞠綠王亞滿李亞明陳德才李亞三籍隸新安

東莞香山王亞滿於本年正月內在洋面捕魚被

盜首亞婆帶管下副頭目亞甘擄捉過船入夥該

犯王亞滿與李亞明陳德才前後行劫三次黎亞

三行劫二次均係持刀過船搜劫十月二十三日

鄭流唐來邀亞婆帶與黃正嵩打仗報仇泄憤被

黃正嵩打敗亞甘被砍落水身死王亞滿等被拏

此王亞滿等被投誠黃正嵩率獲獻功之原委也

譚亞雙張亞發郭亞生三犯供認被擄逼脅接賊

一次沈九子孫亞來二犯供認被擄逼脅服役並

無接賊情事江亞二張吉才蘇振和梁亞峯葉昌

騰陳溫氏王陳氏幼孩亞復亞九九名口俱係被

那文毅公兩廣總督奏議

卷十三

空

擄押禁船底並無上盜等情再三究詰矢口不移

案無遁飾該犯等情罪重大未便稍稽顯戮臣審

明後恭請

王命飭委肇羅道朱爾漢署右翼鎮唐光茂將王亞滿李

亞明陳德才李亞三四犯照江洋行劫大盜照響

馬強盜例綁赴市曹斬決傳首沿海地方梟示以

昭炯戒譚亞雙等三犯接賊一次均依例發黑龍

江給打牲索倫達呼爾為奴俱照例刺字沈亞九

等三犯被擄服役俱照例杖一百徒三年江亞二

等九名口被擄押禁應即遞籍省釋逸犯鄭流唐



亞婆帶等嚴飭沿海文武緝拏務獲究辦謹

奏奉

硃批刑部議奏

嘉慶十年十一月二十二日

奏為續收投誠各起分別辦理恭摺奏

聞事竊據原任提督降補都司孫全謀署左翼鎮總兵林

國良稟稱奉諭統帶兵船勦捕中路盜匪由新安

屯門後海一帶遍搜賊踪十月二十六日夜巡至

九洲洋面因風逆流急暫就關灣寄碇三更時

候突起大北暴風浪湧如山兵船飄散直至次日

那文毅公兩廣總督奏議

卷十三

查

辰刻風浪稍息二十八九兩日陸續收進澳門查

點各船內龍門三號大米艇一隻被飄不見尙無

著落等因臣正在飛飭確查間又據運司蔡共武

稟稱前廣糧通判李臨等拏獲盜船之後奉諭仍

飭將紅單各船帶赴厓門趁此衆心奮勉之時督

率上緊緝捕因該處附近洋盜惟譚亞辰係內海

大幫巨寇於六七八三月內屢次行劫東莞香山

等五縣村墟實為中路腹心之患該匪久思投首

因勒令其殺賊立功方准免罪投首旋據該通判

李臨候補鹽經歷李華鍾拔貢生王石王等稟稱

初五日午刻有伍誠發即伍亞賢又名廣海三帶

有大拖風船一隻快艇二隻男婦九十餘名礮械

一百數十件由厓門入口投誠該通判等即分頭

下船查看見船內有官兵礮火詢其何處得來據

稱係與譚亞辰張亞秋等船在烏猪洋面救護遭

風師船搬移過來譚亞辰隨後就到尙有官兵十

人在彼旋有司事梁大彩線人陳善操帶同譚亞

辰駛駕大開波拖繪齊桅拖仔大小船五隻礮械

二百餘件前來據譚亞辰供稱中路現有紅單多

船搜捕久欲投首因罪重無可自贖心裏害怕經

那文毅公兩廣總督奏議

卷十三

查

陳善操來船傳諭開導即與伍誠發即廣海三張

亞秋即廣海四等相商情願聯為一幫希圖獲賊

進獻二十八日在烏猪外洋見有風飄兵船一隻

並無桅柁有小賊船數隻紛往搶奪船亦將次沈

溺官兵正在危急之時當即隨同梁天彩陳善操

并催齊伍誠發張亞秋各船趕上將賊船打散先

將官兵救取過船隨又搬取礮械未及搬完兵船

業已沈沒是時風浪狂大救護情急不及兼顧自

船以致打壞快艇三隻只得丟棄張亞秋二船桅

柁俱折不能緊跟隨後趕到一同投首懇恩錄功



那文毅公兩廣總督奏議

卷十三

查

免罪并送上兵船內之千總徐煥章一員及兵丁五十一名獲回一千筋至三百筋生鐵礮八位劈山子母礮等五門封口羣子二千六百餘個火礮一千二百六十四筋又網洲起獲賊船小鐵礮一位鎗三十件其餘不及搬回六百筋生鐵礮一位子母礮一門又封口羣子鉛碼火藥火繩噴筒磚箱腰刀藤牌鑼鼓旗幟等多件俱被沉失又兵丁鍾維麥得英張文竟三名撈救無蹤等語當經該運司在新會查辦即傳救回之千總徐煥章及兵丁等訊取供詞與譚亞辰所稱無異派委徐煥章

皇上天恩謹

奏

嘉慶十年十一月二十二日

奏為遵

旨查明辦理據實奏

聞事竊臣上年蒙

恩調任兩廣之時接奉

上諭飭查洋匪逆詞內偽號偽官偽印自必有一謀逆為

首之人務須不動聲色密行訪察得有確實踪跡設法

偵緝務獲兇渠欽此臣自到任以來遇有獲犯降匪莫

不留心盤詰人人異詞毫無確據嗣於廣州灣攻

捕賊匪搜出賊船中約單一紙係鄭文顯麥有金

吳智清梁寶鄭流唐郭學憲李湘清等七人公立

那文毅公兩廣總督奏議

卷十三

查

尾註奉主公命傳諭及天運乙丑字樣甚為狂悖閱之實堪髮指但不能確查主公究係何人未敢冒昧上瀆仍恪遵

聖諭不動聲色隨時訪查昨於潮州案內解到入伍之黃

德興查係鄭文顯幫內管賬財富臣看其人頗明

白細訪七幫情形據稱鄭文顯即鄭一係從前大

頭目鄭七之弟麥有金即烏石二吳智清即東海

伯梁寶即總兵寶鄭流唐即鄭志同郭學憲即亞

婆帶李湘清即金特養多係安南阮光平舊人自

其子為阮福蔭所併有號稱安南三太子者帶長



髮夷人數百竄過鄭一烏石二幫內年紀二十上下各大頭目十分崇敬各幫商議想要扶他奪取安南去年冬間曾帶盜船數百餘號由夷洋進汴山前打東京不勝而退今年寄信約會福建之蔡牽朱潰同到西路合幫等語又據投誠黃正嵩幫內之財富杜芝英供稱夷艇歷來皆住安南自寶興破後都無所歸蔡牽獨為富足常說臺灣汛兵不能當他今年六月有書來叫李崇玉朱潰又寄信與鄭一烏石二說引下面兄弟上北相會等語因知其單內所稱主公為阮氏遺孽無疑但未審

那文毅公兩廣總督奏議

卷十三

突

鄭一烏石二各幫其共相附從者何意旋據五年投首入伍之陳剛蔡世爵等稟稱從前阮光平造亂之始內謀黎氏外抗官兵用其親信莫官扶鄭七等假以偽封給與船隻礮械號為糧長每年三四月連幫東上至九十月收解西下粵閩江浙各洋小盜稱為粵南大老板擄掠所獲阮光平抽分銷贓各幫均皆獲利等語臣核對各幫盜首懷阮光平勾結私恩數年以來屯泊安南界地方聚眾劫糧一遇官兵輒駛避不輕接仗於內地亦不敢違犯總緣志在安南為養精蓄銳之計不肯少有

那文毅公兩廣總督奏議

卷十三

宅

捐失但其志既堅其謀頗狡萬一奸計得逞則憑安南為巢穴進戰退守師阮光平之故智圖收洋利東南財賦之地難免流毒即令其所謀未遂而寄泊無所與蔡朱二賊相合亦恐東趨臺灣擾害滋大臣愚昧之見以粵省近年民間十分疲敝不可輕議用兵損傷元氣且茫茫巨浸風濤不測尤未便驅使大眾而沿海數千里處處口岸路長兵單亦實有防範難周之處再四躊躇為不得已之計乘此接濟遏絕之時賊心攜貳廣行間諜大幫則分析其夥黨小股則利誘其頭目賊勢漸次解散阮氏遺孽及鄭一烏石二各巨魁其勢既孤設法搜捕一鼓咸擒庶煽惑之罪可正而邊患亦隱消於既萌臣受

奏

嘉慶十年十一月二十二日

奏為疊劫內河巨匪臨陣投首從嚴辦理緣由恭摺奏聞事竊照本年五月初九閏六月初一二十六七等日有賊船在新會縣屬之新前村番禺縣之大力沙石



子頭順德縣屬之勒樓黃連香山縣屬之港口東莞縣屬之焦門等處或登岸焚劫或擄殺人口或將次攏岸被兵勇放礮拒退節據稟報各情事節經<sub>臣</sub>嚴飭查拏疊獲各犯現在省中審辦分別歸案具

奏查各該處俱係內河逼近省會賊匪敢於滋擾殊屬目無法紀前於拏獲各犯內訊係盜首李英芳譚亞辰林亞發等幫之船李英芳本係革退書吏逃竄入海就近內河一帶出入伺劫尤為狡猾因專派原任提督降補都司孫全謀署左翼鎮總兵林

那文毅公兩廣總督奏議

卷十三

奏

國良統領兵船六十號從虎門出口肅清中路近海賊匪並飭運司督派紅單船隻前往協捕適訪聞李英芳等現竄橫山銀潭一帶又經飛札飭拏去後茲據孫全謀等報稱遵諭帶領兵船自河角開巡至新安屯門後海各處搜捕未見踪跡二十六夜兵船遭風飄散陸續歸營需整理又另僱魚船暗配兵丁四路密訪哨探隨有投誠兵丁謝經道及運司差探之署于總陳剛回爾盜首李英芳現在三壩各洋當即前往兜捕迨駛抵該處望見賊船放礮擊即據謝經道帶領盜首李英芳

料船一隻男婦共四十六名口頭目陳亞三快艇一隻男婦三十三名口前來跪迎哀懇投首繳呈礮火器械過船當將李英芳留在兵船同餘人押至香山縣送候查辦並據運司蔡共武稟稱李英芳本有船十餘號因二十六日被風擊散僅存大小兩隻另有同夥盜首馮廷芳併頭目李勝伯二船男婦四十三名口盜首張志紳等男婦三十四名口現在一併投首等語查李英芳疊次劫擾內河罪無可貸且係臨陣方來投首與首次各起不同自應從嚴辦理不能因其悔罪乞恩稍從末減

那文毅公兩廣總督奏議

卷十三

奏

李英芳一犯應俟該運司委員解到時即照強盜不准自首之例立正典刑以除積患餘夥中仍確切研究分別辦理庶於收撫之中仍不使渠兇僥倖漏網方足快人心而昭

國憲以仰副我

皇上明罰勅法之至意謹

奏奉

硃批所辦甚是

嘉慶十年十一月二十五日

奏為官兵連日痛勦並拏獲盜匪多名恭摺奏



聞事竊自十月中旬出省查閱中東路營伍並督辦  
捕各事宜嗣因仰仗

皇上鴻威黃正嵩輸誠効力劉唐伯亦既就撫李崇玉全

家誘獲東路去此巨寇則無大幫賊匪洋面已就

肅清惟中西路各幫巨賊臣尚未及往辦正恐臣

在惠潮東路或恐乘機滋擾臣當飭左翼鎮臣林

國良原任提督降補都司孫全謀等率領舟師速

行西下乘此賊勢惶惑心散之時盡力攻剿務挫

其鋒則於全局更有裨益臣在湖州於二十三日

得信知

那文毅公兩廣總督奏議 卷十三 主

欽差督臣吳熊光已於十一月十八日抵省臣當即於二

十四日起程回省途次接據鎮臣林國良等於十

一月初十日在新寧外洋探得張保之船三十餘

隻在大澳一帶灣泊當即督兵往捕賊匪恃眾竟

敢放礮對敵自午至酉打死多名獲船十隻獲賊

二百一十二名賊猶不肯散走海霧迷漫黑夜不

能分辨至次日天明賊匪猶敢前來抗拒我兵乘

勝奮勇攻剿又復打死多名獲船七隻獲賊一百

三十九名等情前來臣查此次連得勝仗獲船十

七隻賊三百五十一名器械無算查此幫即係張

保賊中最稱驍悍者今痛剿此幫則其餘賊匪更

可聞風膽落計自臣出巡一月之內前後三起共

得有五百餘人打死傷斃者千數百人現在士氣

奮興踴躍百倍從此鼓銳西下以乘勝之師攻已

心散之賊不難陸續殲擒仰副

皇上綏靖海隅之至意至拏獲盜犯飭審解辦及此次出

力官兵移交

欽差吳熊光查明辦理合先馳奏仰慰

聖懷謹

奏

那文毅公兩廣總督奏議 卷十三 主

容安謹按以上各奏未載

殊批者均因 先公已解任奉

諭旨交吳公熊光查辦



告示附

示為通諭口岸接濟白首免罪事照得通洋接濟  
朝廷禁令森嚴濟盜之罪與通盜一律本部堂飭各州  
縣購線查拏已不下百餘起均即分別嚴辦惟於  
詰奸誅暴之中惻斯民身罹法網未嘗不肅然心  
傷卽如洋賊不自知其為劫盜罪不容死而自號  
曰行網接濟之奸不自知其通盜罪不容死而自  
號曰掛車連日以來本部堂親詢投誠人等據供  
洋面如今十分窮蹙盜首人人自危擄得水手禁  
押船底行船方許放出收藏器械禁止私語防有

那文毅公兩廣總督奏議

卷十三

三

內變每日僅得稀粥一頓在船度日如年遇沙淺  
處多赴水逃走等語又委員查勘投誠各船逢損  
漸已得壞破位不堪施放子藥短缺則該匪伎倆  
大概可知現在整飭舟師鄉勇不難一鼓成擒特  
以

皇上天恩浩蕩助逆者誅順命者赦如爾等水手能工能  
謀殺盜首係有功之人固然重賞卽是水逃走之  
人情亦可矜但報明該處保正鄉長稟縣報案亦  
可貸其一死因思盜賊既有投誠之例則接濟各  
犯或因父兄親戚被擄不得已而贖水或因住居

近海畏賊劫掠不得已而貿易亦實情處無奈宜  
酌予自新之路查爾等住居口岸平日慣行接濟  
之人必與賊情面熟習當此賊困之時賊或潛行  
上岸託買糧食什物或將所蓄財貨寄頓爾等店  
家其意不過急則投誠緩則仍颺海外此賊之奸  
計爾民或未盡知本部堂再為網開一面許爾等  
平日接濟之人亦得自首免罪合行出示曉諭為  
此通諭沿海口岸民客知悉爾等卽有平素與賊  
往來熟悉者此後如有賊匪到爾店家託爾貿易  
向爾寄頓卽用計誘住暗通鄰佑將賊縛送到官

那文毅公兩廣總督奏議

卷十三

三

不惟免爾從前通賊之罪卽將賊貿易寄頓之貨  
銀分賞爾等出力之人如此辦理賊智無所復施  
洋面自然靖謐商船通行沿海口岸生意自然興  
旺且有水手舵工誘同盜賊到店暗通店人擒拏  
者亦卽加倍優賞此本部堂一片曲全爾輩苦心  
如此番曉諭之後仍復怙惡狗情一經拏獲賊匪  
供出在何店家貿易寄頓查明並未自首卽委  
員飛騎擒拏分別正法決不寬貸各宜凜遵切切  
毋違特示  
示為嚴禁私帶棕蔴蒲包出口以杜接濟事照得



粵東各屬大半濱臨洋海處處與外洋相接岸匪最易勾通節經本部堂嚴飭文武員弁密拏接濟以盡根株查米糧固為日用所必需而海船無三月不換之篷帆蒲包棕蔴為篷帆需用之物若果禁止不能下海則雖有船隻篷帆敗壞不能駛行船隻亦為廢物實為坐困之良策是嚴禁蒲包棕蔴應與接濟米糧並重合行嚴切示禁為此示諭沿海居民人等及守口員弁兵丁知悉嗣後如有漁人船戶及岸上居民人等如敢私運蒲包棕蔴等物出洋者一經查出即照通盜例從重究辦或

那文毅公兩廣總督奏議

卷十三

七

守口員弁私放賄縱亦即一體嚴行參辦本部堂言出法隨決不稍為寬貸各宜凜遵毋違特示示為通諭襲脅難民殺賊投誠立功贖罪事照得我

國家

重熙累洽凡在食毛踐土莫不感沐

皇仁詎有么膺小醜出沒島嶼不安耕鑿自外生成本部

堂總率師干肅將

天討現在調集水陸官兵招募民蛋鄉勇一十餘萬添修艚船米艇僱募紅單白槽各項出洋船隻千有餘

艘刻期分途進剿我武維揚取鯨鯢以為戮罪人斯得將玉石之俱焚因思賊船人眾各色不齊本部堂於獲賊降人面加訊問查有因買賣折本失計入賊有因冤抑未伸憤憤投夥有因親屬被拘勒贖被留有因搶掠人口年壯服役有因癩知風潮因能見誘被裹之始禁壓艙底絕其飲食不從則殺死拋下大海勒以不得不從諸如此類多係有家口田廬之人自裹脅入海飄蕩經年雖在盜賊之中豈無生歸之念特以被賊拘束不能脫身又恐逃走上岸兵役捉拏遂爾偷延窮洋本部堂

那文毅公兩廣總督奏議

卷十三

七

憑

神武之威靈詎容怙惡體

皇恩之浩蕩不絕自新爾賊黨中果有被賊裹脅恨賊殘

暴情願投誠者准其逃出地方投明該管里長保

正帶領到官捐給口糧遞送到籍傳喚戚隣保認

即時釋放如中有豪傑能用智力陰糾同志將著

名首逆用計擒縛砍殺或說誘謀主出降又彼此

均係大頭目能於別股大頭目相會之時誘擒投

降均即奏予官職其沿海貿易人等向因住居海

岸畏賊擾害潛相交易或領賊資木上岸購買此



時遇賊匪潛至知其停泊之處誘其同來之伴指引本地勇練兵役設法擊獲即加以重賞寬其平日接濟之罪現據吳川縣稟有黃亞金等十人殺賊投首新寧縣於六月十四日有潘長洲等七人網縛賊目朱佳成投首海豐縣於四月二十七日稟有鄭章成被擄服役不甘乘間殺賊投首海豐縣縣鴉卑司所管於前月二十六日有許亞內林亞剛等八人殺賊三名投首本月十三日有胡亞發張榮光等二十五名將盜首紅痣狗殺死攜帶賊船大礮器械投誠前來本部堂當飭地方官將投誠人等優加獎賞願入伍者拔補名糧願回籍者給賞口糧護票以逋逃之窮寇倏爲忠義之良民禍福轉關只爭一念人鬼分路不在多時刻下大兵雲集賊黨中似此亟圖拔出者自應不少但恐未能周知未免中存疑畏合行出示曉諭爲此通諭陷賊人民知悉爾等能乘間殺賊逃出地方官給予口糧遞送回籍兵役能帶投誠人報官與擊賊一體獎賞如果能用計縛拿賊首賊夥分別獎賞其大頭目誘擊別股大頭目帶率船幫投誠大頭目奏予官階夥黨重賞安插平日與賊貿易之

那文毅公兩廣總督奏議

卷十三

表

人能指引泊船處所誘率同來夥伴亦卽宥其前愆地方官於海岸百姓機巧有用者不妨故貽賊擄假作接濟與賊往來反行間諜互相開論此本部堂於除暴誅亂之中開爾等一線生路各宜猛省轉災爲祥若再執迷不悟大兵所指巢穴立傾駢首同戮決不能再邀寬宥凜之慎之毋違特示爲通諭各洋快馬頭人舵工水手殺賊立功勩邀恩賞事照得粵東洋面不靖經本部堂嚴飭各州縣將沿海口岸接濟概行禁絕調集水陸官兵僱募民蛋勇壯分投兜剿搗巢犁穴無難尅期肅清但兵勇所至玉石俱焚本部堂節制一方爾等均我赤子念現在盜船多有被賊襲脅禁押逼於饑寒並非甘心從賊是以仰體

皇仁出示招諭七八月來投誠之人接踵而至如會州之胡亞發李宗會許亞內袁亞明韓斗鳳陳五新安之林亞發順德之馮亞連潘長洲陽江之麥亞荷歸善縣之吳亞興李福生沈世傳張長貴澄海之黃亞四等共計數十起男婦二千餘名均卽曲施寬宥妥爲安頓投誠人等平日擔驚受恐得復爲太平良民安居樂業莫不歡聲載道本部堂於投誠之

那文毅公兩廣總督奏議

卷十三

表



快馬頭人舵工水手逐一面加訊問據稱各處快馬所得貨物各船掛單港規銀兩雖盈千累萬總歸大老板掌管與他幾個心腹享用快馬有陰瞞者快馬即欲砍殺將船燒燬各幫只有口糧並無一毫蓄積如今接濟路絕米糧不能下船有錢無市日加窮蹙遇有官兵客船打仗都是我們當先受死福則老板獨享禍則我輩先當心中實是不甘是以懇恩投誠等語本部堂查各快馬頭人與舵工水手萍寄窮洋本屬無利可圖迫於老板威勢不能自拔實可憐憫試思各盜首有何好處到

那文毅公兩廣總督奏議

卷十三

吏

汝等現在各夥受苦老板等坐擁多貲急宜乘大兵攻剿之時趁老板不能自顧結伴投出合再出示明白曉諭爲此通諭快馬頭人各舵工水手等知悉爾等果能悔過自新如林亞發袁亞明韓斗鳳等帶領船隻撥械投誠者爲首之人賞給把總頂戴共謀之人賞給外委一同投出之人均恩賞銀兩願投効者給予馬步名糧願歸農者給予路票各歸本籍如能照李宗會李福生胡亞發等將大老板殺死即將大老板船內一生所蓄貨物分給出力之人其設謀之首同下手者照軍功例奏

賞千總把總官職帶來夥件加倍獎賞地方文武不許阻撓冒功兵役人等不許到船騷擾現均如此辦理再往日投誠之大頭目陳添保陳剛黃久海蔡世爵等皆已拔補千總把總作本部堂轅門差官聽候差委何等風光爾等想已傳聞至李崇玉一犯本係會匪又爲充軍逃犯與爾等不同罪愆重大

朝廷指名捉拏之人奉懸賞格探有李匪確信者賞銀一百兩用計誘住指引官兵擒拏者賞銀一千兩能首先下手擒送到官者賞銀一萬兩奏予水晶

那文毅公兩廣總督奏議

卷十三

吏

頂戴李匪到洋不久黨羽無多伊係得罪朝廷拋棄老母妻子隻身逃走不忠不孝爾等能爲國家出力便爲忠臣義士又可立功作官有何疑懼不思奮勉爾等果能醒悟或就地方文武或尋相熟紳耆懇其代爲呈請或有安人徑赴本部堂行轅遞呈投誠即委官接辦不令爾等守候喫虧毋再觀望有負本部堂肫切開導之心也切切毋違特示

示爲招諭紅單各船協力殺賊以通行商以裕生計事照得殄滅寇盜緜靖邊疆全資兵威亦仗民



力本部堂從前辦理博永會匪深悉民情因思海  
洋盜賊伎倆只同鼠竊而遊奕數載久稽刑誅者  
不過以鼓柁揚帆上下風濤之內往來島嶼之旁  
師船跟踪東剿則西竄南追則北逸非不能用我  
搗犁未免阻其出沒本部堂博採輿論披覽士民  
條議均稱本省蛋民以江海為田廬以舟艇為家  
室鳧水弄潮極其便利而紅單船一項其船多係  
合夥朋修裝運貨物所獲贏餘舵工水手均得公  
分本為同財共命之心莫不齊心協力近因賊匪  
充斥擾害江洋該船修理堅整尤為洋盜所垂涎

那文毅公兩廣總督奏議

卷十三

全

往往併力追劫奪其船隻視人貨之多寡定勒贖  
之重輕舵工水手逼令服役稍不如意即行殺死  
拋屍海中家屬尚不知信船戶大小婦女姦占輪  
宿並無放回貨貨既已虧折人命復難保全莫不  
恨切骨髓懷報仇雪恨之心而地方官於該船戶  
苦害情形既鮮據實稟報於裝運貨物又恐其遭  
劫遺累不輕放行以致株守坐食困頓無聊本部  
堂念茲船民均我赤子遭賊匪如此荼毒被賊匪  
如此凌辱不勝切齒業已廣修戰艦整飭水師出  
洋搜捕敢思戮其鯨鯢莫得技諸水火該船戶等

既懷自畏之心兼切同仇之志正可幫同官兵殺  
賊立功合行出示曉諭為此曉諭紅單船戶人等  
爾等有情願出洋殺賊者約會數船十數船公議  
家道充裕辦事明幹之人為首呈明該管府廳州  
縣將船中舵工水手姓名居址並軍械器具造資  
清冊探明賊匪灣泊官為給發執照徑前搜捕如  
能拏獲著名大盜多殺賊匪立將為首之人奏予  
職銜頂戴願入伍者即行拔補幫同出力之人賞  
給銀兩其沿海大小漁船為賊所苦不能漁捕者  
亦准稟地方官照依辦理查現在接濟之禁既嚴

那文毅公兩廣總督奏議

卷十三

全

賊匪無糧可食爾等以諳習水道之人攻饑疲日  
久之賊自易得手地方官察其恟怵好為鼓勵則  
辦賊之方即為保民之政一應投冊請照無任書  
役需索歷候該船戶等惟有黽勉從事俾洋面早  
清一日則可早營一日生計此後坦行無警俯仰  
有資豈非商民之福毋得假托捕盜為名夾帶犯  
禁之物自干罪戾切切毋違特示  
示為曉諭沿海漁戶協捕盜匪事據新安縣稟報  
五月二十三日有漁戶陳建壽歐聲耀等稟稱該  
漁戶隨同兵勇出洋巡緝見有匪船十隻駛入鯉



魚門何劫即便合力追剿奮勇圍捕打沉盜船三隻獲盜陳亞甲葉二湖等三十二名當經本部堂飭令該縣傳齊出力漁戶當堂給賞陳建壽姚開瓊二名將所獲船隻及鹽勦二十餘石盡數給賞外仍各賞銀五兩歐聲耀鄭成綸張德金鄭有發鄭全滿吳德利六名將賊船給賞外亦各賞銀五兩受傷漁戶鄭亞長鄭亞五馮亞九三名除經該縣嚴醫調治外另各賞銀十兩并令該縣逐一詢明該漁戶等如有願行入伍者即行給與民糧用示獎勵在案查各屬沿海漁戶以海為生終朝採

那文毅公兩廣總督奏議

卷十三

全

捕涉厯風濤藉覓微利情殊可憫一遇匪船遊奕往往連船擄去逼脅為盜致令安分百姓陷於匪黨身犯刑章實堪痛恨因思爾等漁船沿海生理自一二十隻至數十隻不等人船不少朝出暮歸聲勢亦易聯絡且終年在洋水性熟悉如果隨同官兵奮勇緝捕何難擒獲匪徒即盜船往來踪跡亦易於偵探其有欲近岸圖劫者儘可預先報知官兵早為堵禦若虛日後出洋盜船報復爾等於獲盜後本部堂准其補食名糧毋須再行探捕亦何憚而不為為此明白示諭嗣後爾等船隻出洋

必須聯屬同行歸港一律灣泊遇有盜警官兵在岸防堵及配駕船隻出洋截拏爾漁船水手人等即協同跟隨實力擒捕如得獲有盜匪立即優給賞銀願入伍者即行拔補似此同心奮勉庶盜匪知所畏懼不敢近岸爾等亦得安居樂業經示諭之後爾等遇當防盜之時漠然不顧查出定當究懲如不肖書吏及守口弁兵因此封派爾等船隻藉稱防禦及勒令爾等出洋捕盜爾等指名首告即當立予嚴辦不稍寬貸也特示

那文毅公兩廣總督奏議

卷十三

全

海洋打單行劫犯的都是死罪今年因斷了接濟無糧可食又怕官兵四面兜剿拏住了便要剮要殺央煩線人懇求礮臺武官情願悔罪來投本部堂俯憐爾等均是無知赤子仰體好生之德不忍殺戮奏明

皇上赦了爾等罪過格外又加

恩典賞給安插銀兩入伍者准其當兵歸農者送其回籍是爾等本係該死之人如今予爾再生之路不死之外又有頂戴便宜時時刻刻頂祝

天恩本部堂見各頭人跟隨行部左右服役一種貼服依



戀情形心中甚是歡喜就如父母疼愛兒子一般但是父母疼愛兒子也要兒子學好做個好人爾等本是良民並非生成狼子野性如今投了誠便要想着悔罪二字把從前罪過盡行改悔要知忍氣不可打架鬪狠要知安分不可妄作胡爲要知勤儉不可好喫懶做不要酗酒多亂性不要喫鴉片烟成了引便是廢人不要攤館標館去賭賭了要輸不要生事規矩安安靜靜歸農者做好百姓娶妻生子成了家當共享太平入伍的做個好兵丁聽將官的約束替

那文毅公兩廣總督奏議

卷十三

全

朝廷出方便可做官榮宗耀祖爾等若肯聽此教訓就不辜負本部堂救拔爾等婆心若不知悔悟動輒向人爭競旁人必然恥笑爾等強盜舊性不改倘若闖出禍來爾等本是有罪之人就要加倍治罪再無生理本部堂就疼愛爾等也沒法了再本部堂此番費了多少苦心擔了多少嫌疑救了爾等的命爾等衆口一詞說是爾等重生的父母一樣的命爾等既知是重生父母卽當知恩報恩從今以後爾等安分者安分出力者出力這便是本部堂在皇上前也算出力爾等如不改舊性生事擾害或反復不

常就是我辦理不善連我也擔了不是豈不是以仇報恩爾等既是歸正之人豈無人心豈無義氣能知孝自己父母便莫忘重生父母之恩爾等若不聽也只好由爾天上有颶風海裏有大浪礮中有熱火豈肯放過無人心無義氣的人況且我敢於收你們敢於放你們敢於用你們敢於帶你們在左右前後我也是必能辦你們的若有事故我也再不饒放你們的本部堂血誠肝膽言言透骨字字扞心看爾等實有一番赤子感戴父母之誠心故痛切曉示爾等均須觸目警心毋負本部堂

那文毅公兩廣總督奏議

卷十三

全

救拔爾等訓誡爾等之意勉之稟之切切毋違特

示

那文毅公兩廣總督奏議卷十三



那文毅公兩廣總督奏議卷十四目錄

卷十四

擒巨匪李崇玉始末

罷斥逮問

那文毅公兩廣總督奏議

目錄

一

那文毅公兩廣總督奏議卷十四

上海市庫史文

男容安恭輯

擒巨匪李崇玉始末

嘉慶九年十一月二十四日軍機大臣字寄奉

上諭昨降旨將那彥成調任兩廣總督諭令認真緝捕洋匪會匪整頓地方朕風聞該省之陸豐縣甲子司有土匪李崇玉曾經犯案擬遣脫逃現在逃回本處手下盜夥甚多與該處文武衙門兵役潛相勾結信息交通地方官因其羽翼布散因循不辦當交刑部查取該匪犯事原案李崇玉先經擬徒續於嘉慶六年改發伊犁由

那文毅公兩廣總督奏議

卷十四

一

南海縣起解遞至曲江縣地方該犯乘兵役睡熟扭斷鐵鎖掀開篷艙梟水逃逸並聲敘解心楊洪因患病身故等語李崇玉係積年土匪屢犯搶奪傷人重案前此逃逸時焉知非伊夥匪乘夜劫奪致傷解役地方官避重就輕捏稱病故該犯現在公然遁歸本籍勾結多人迄今數年地方官竟不能設法捕緝養癰貽患尙復成何事體著那彥成到粵後即嚴密查訪該犯李崇玉現在是否仍在甲子司地方窩藏其夥黨究有若干人近時作何行止訪查的確即密選明幹妥協善能緝捕之文武員弁將該犯設法擒獲訊問明確立置重典庶首

殊

應立賞格



惡一除則餘黨渙散不致株連多人釀成巨案但那彥成須慎重從事萬不可致該犯聞風遠遁尤不可輕舉妄動致有率眾拒捕之事辦理轉至費手務期不動聲色殄除巨寇以弭患於未然方為妥善

嘉慶九年十二月十八日

奏為覆

奏事竊臣於本月初三日欽奉

恩旨調任兩粵當於初五日拜摺後即行就道途次復承

准廷寄欽奉

諭旨飭查陸豐縣甲子司逃犯李崇玉近時行止將該犯

那文毅公兩廣總督奏議

卷十四

二

設法擒獲並修造米艇一切總須經費裕如不必稍存惜費之見欽此查李崇玉一犯始末臣所深悉所有

諭旨指示各節均屬確有緣李崇玉素本無能而頗能惑

眾又襲水滸小說號為孝義頗聽父言其父不許

該犯妄為然該犯村中所用燈籠均係天順字號

踪跡不軌已為顯然而同時又有陳可權者強悍

有力能敵數十人該犯仗為羽翼該犯自稱文皇

帝陳可權稱為武皇帝同惡共濟頗為擾害幸彼

時有海船遭風打至甲子司地方貨本數萬兩沉

失海中該犯乘空撈摸獲此厚貲是以不思謀亂

上年臣抵惠州後一面辦理會匪一面密飭查拏

李崇玉陳可權二犯詎李崇玉於臣未到惠州之

前早已入海逃避其陳可權一犯隨即拏獲因事

關機要遠難明訊當將該犯收監而該犯亦旋即

監斃維時正值會匪未靖該犯既已入海且有淹

斃之信而陳可權又已就獲匪黨逃散業已平靜

無事是以未曾聲張

奏辦臣以李崇玉之死不確不能放心臨行時當面密

令惠潮嘉道吳俊留心查訪如果得有該犯確信

立即密拏務獲此事臣於八年回京後夏間在

那文毅公兩廣總督奏議

卷十四

三

圓明園蒙

恩召對將大概情形曾經面

奏仰維

皇上

聖明天寬萬幾日理之餘似此么麼小醜猶能記憶姓名

仍

訪聞明確臣不勝感佩欽懼查李崇玉現在坐擁厚貲不

敢有他志而陳可權已死羽翼頓失亦無能為惟

該犯竟敢遁回本籍居住亦不可不亟思剪除竊

思吳俊素稱能事於緝捕亦能留心前曾辦理何



德廣一案極為妥協即朱珪任內之事亦當深悉  
今李崇玉既未淹斃膽敢逃回該員係本道之事  
豈無風聞何以並未緝捕臣自蘭州起身星夜趕  
往計程水路八千有餘陸路可以計期水路實難  
預定到期總在數十日內倘該犯風聞臣前往又  
復遠遁入海緝拏更費費手事關緊要心急途長  
惟應請

旨速飭吳俊不動聲色先期布置毋令驚颺有機可乘立  
即訪拏倘於臣未到之先果能弋獲於事機更為  
有益謹

那文毅公兩廣總督奏議

卷十四

四

奏

嘉慶九年十二月二十七日軍機大臣字寄奉  
上諭那彥成覆奏粵省情形一摺覽奏俱悉李崇玉一犯  
上年那彥成自粵回京曾經奏及朕猶記憶及之此次  
簡調兩廣亦正以那彥成熟悉情形一切足資整飭以  
期綏靖地方然此等事宜總須不露聲色慎密辦理吳  
俊素稱能事朕亦深知但如那彥成所奏請旨速飭吳  
俊布置訪拏則伊現任道員忽降特旨傳諭固非體制  
且倭什布孫玉庭均已調任新任督撫尚未到粵吳俊  
接奉諭旨如何辦理轉致不得主見若諭令倭什布令

其轉飭該道遵辦該道不過於接奉後飭嚴拏兼恐  
辦理不密外間傳播或致聲張兇渠得以風聞先覓陸  
豐縣係惠潮嘉道所轄地方乃吳俊本任應辦之事前  
據孫玉庭奏到潮州潮陽縣械鬪各案要犯經吳俊捕  
獲四百餘名可見該道尙屬認真緝捕如李崇玉者伊  
自必更為注意那彥成現已就道不妨先發密札令該  
道隨時嚴密訪詢確實設法剪除切不可存欲速之見  
致涉張皇稍有洩漏為要

謹案嘉慶十年正月二十五日奏內

奏李崇玉一犯現在仍在甲子司地方近竟改名李景

那文毅公兩廣總督奏議

卷十四

五

星捐監藩司廣厚等當即將就其計作為不知留

為緩圖地步業俱稟知督撫在案查該犯現在似  
無他志惟其黨羽既多其中作奸犯科者實有內  
不自安之意廣厚吳俊等業已布置在先刻下倘  
有別事立即辦理無虞鴟張若竟別無蠢動亦必  
不露聲色購緝捕拏妥為辦理知履

聖懷先行具陳謹

奏奉

硃批知道了

嘉慶十年三月十三日會同廣東巡撫百公齡



殊

奏為查拏逃遣李崇玉未獲先獲犯屬復搜淨鄰村夥

匪並特叅恒怯疎縱之鎮將知縣請

旨革職分別審辦事竊陸豐縣逃遣李崇玉久匿稽擄

屢奉

諭旨指示留心查捕迨抵粵後即將密訪該犯更名捐監

並與廣厚吳俊慎密籌辦情形附片具奏

亦面奉

諭旨令即嚴密查辦各在案緣撫

孫玉庭在潮州審案相距陸豐較近探知該犯在家因密行查辦距省

較遠不及札商隨密令陸豐縣呂濼於陸口一帶

那文毅公兩廣總督奏議

卷十四

六

先為布置又令左翼鎮

林國良南澳鎮

杜魁

光各帶師船於捕盜之便馳赴甲子港口堵截邊

其下海之路一面飭令惠潮道吳俊帶領潮州弁

兵於二月十五日親赴查拏嗣據吳俊來稟知該

道未到以前陸豐縣知縣呂濼因聞林杜二鎮舟

師已堵港口即率領壯丁捕役前赴圍擒適碣石

鎮總兵李漢升聞知以該處係其所轄帶同署遊

擊葉上進率領兵丁二百名往與呂濼會商訂定

殊

二月十二日夜一同前往十三日黎明齊抵該處

正擬進發忽有碣石鎮弁兵向李漢升報稱李崇

那文毅公奏議 卷一四

殊

玉糾集黨羽即欲起事攻城李漢升因此疑慮

迨兩時復經呂濼催促於辰刻始抵甲子地方相

距該犯住居只里許碣石鎮所帶兵丁忽然放礮

三聲又放排鎗一陣該犯正在早飯聞聲驚起逃

遁追入村圍搜而又並無一人拒捕僅獲該犯父

母兄弟子姪並獲匪黨二十五名各僻路又搜獲

數十名在該犯家內起出大小鐵礮二十七門火

藥大小十餘埋刀械數百件吳俊事後趕到業已

無及然本村百姓焚香跪接同稱不敢助匪察看

民情頗知畏法甚屬安靜而附近甲子二十餘里

那文毅公兩廣總督奏議

卷十四

七

之圭湖華涌兩鄉向多匪徒搶劫兇鬪訪與李崇

玉大半結交若不趁此擒除將來恐不能無患吳

俊當即會督文武帶領兵役先往圭湖查獲匪徒

二百餘名熟鐵小礮二門刀械數十件又赴華涌

查獲匪徒二百餘名熟鐵礮三門刀械數百件又

於兩鄉起出埋藏大礮各一門俱重五六千筋鑄

有夷字與內地礮式不同據各匪供稱係嘉慶七

年間呂宋夷船沉溺之物在七娘澳外僱人撈獲

李崇玉令其兩村各貯一門因李崇玉逃後始知

畏懼是以將此礮各自埋藏吳俊已將兩鄉獲犯

四六五



四百餘名押至甲子司城內分起囚禁等情伏思  
 李崇玉巢穴業已抄洗黨羽又已就擒該犯斷不  
 能再來滋事惟其平日武斷獨霸一方雖主湖華  
 涌二鄉已剪而附近迫於脅制愚民當此擒捕之  
 際不免心存惶惑是撫臣孫玉庭之不在彼駐辦  
 亦不為無見臣等再四熟籌雖係刻下無事而現  
 在獲犯既多必須添人審辦即將來營汛衙署亦  
 當少為更置以善其後此時臣等轉不便遽行前  
 往致令驚惶當即同商委南韶道朱棟前往幫  
 同吳俊審辦併令明白曉諭附近各村居民爾等  
 那文毅公兩廣總督奏議 卷十四 八

原係被脅既知悔罪便可原宥無得驚疑倘肯將  
 李崇玉獻出或能知該犯下落作線協拏並可重  
 邀賞賜安撫開導務令各處鄉民咸知畏法比戶  
 安堵現在該犯隻身逃竄若仍在陸路諒無難搜  
 捕正須上緊設法懸賞四路躡緝務期弋獲至一  
 切移置營署等事將來各海口安防設卡於辦齊  
 時臣那彥成總須親身查看彼時再行順路前往  
 查勘辦理具  
 奏至知縣呂深總兵李漢升懼怯游移弁兵謠傳妄報  
 以致期於必得之犯一口潛逃誠為可恨相應據

實叅

奏請

旨將陸豐縣知縣呂深碣石鎮總兵李漢升署碣石鎮左  
 營遊擊海門營守備葉上進一併革職先放鎗礮  
 之兵弁究係何人所見其詳是否有意傳信縱放容俟提到  
 犯屬要匪一併嚴切根究務得實情定擬另  
 奏臣百齡於二月二十九日接印任事業經繕摺叩謝  
 天恩專差恭賚謹  
 奏

嘉慶十年四月初六日軍機大臣字寄奉

那文毅公兩廣總督奏議

卷十四

九

上諭孫玉庭奏要犯李崇玉聞拏潛逃先獲犯屬匪徒多  
 名地方安靜情形一摺據稱先飭道員吳俊帶同委員  
 兵後親赴陸豐縣甲子地方查拏逃遣李崇玉正欲前  
 赴圍捕適碣石鎮總兵李漢升聞信帶兵二百名與該  
 縣會商前往於二月十三日黎明齊抵該處李漢升臨  
 時遲疑逗遛至辰刻始抵甲子地方距該犯住屋里許  
 碣石鎮所帶兵丁忽放礮三聲又放排鎗一陣該犯正  
 在早飯聞聲驚起出屋逃遁隨將該犯父母兄弟子姪  
 及匪黨等共獲二十五名口起出鐵礮火藥刀械等件  
 並經該道於附近之圭湖華涌兩村查拏匪徒四百餘



名押至甲子司城內驕禁設法根究李崇玉下落等語  
李崇玉一犯糾眾稔惡膽敢私藏礮械火藥必應嚴拏  
務獲照大逆懲辦前據孫玉庭奏到業經購線訪拏飭  
令左翼南澳兩鎮將舟師堵截港口令吳俊帶同委員  
兵役由陸路密拏彼時朕早慮及該犯必至聞風逃逸  
是以諭令那彥成等務當嚴密辦理勿任竄入海洋今  
果不出所料但既經孫玉庭率同吳俊密為布置圍擒  
而碣石鎮總兵李漢升本未奉有檄調輒因聞信帶兵  
前往其意自在分功迫臨期又復逗遛已屬非是至該  
兵等驟放鎗礮明係藉通聲息使該犯知覺脫逃况據

那文毅公兩廣總督奏議

卷十四

十一

稱進村圍屋搜尋並無一人拒捕可見該犯向無準備  
不過隻身竄出該鎮兵丁共有一百名之多何難及時  
協力掩捕致令免脫是此次要犯潛逃皆係李漢升一  
人之咎該處本係碣石鎮所轄地方而孫玉庭籌辦查  
拏祇令文員前往並未調及該鎮弁兵自係素知營伍  
不能得力或竟有不肖兵弁與該犯交結通信有心故  
縱情事不可不嚴行究辦著那彥成傳旨將李漢升革  
職拏至省城並將伊所帶兵丁二百名一併按名提集  
嚴加訊問究竟鎗礮係何人所放令其一一指出徹底  
研鞫據實具奏其隨同李漢升帶兵之營員並著查明

硃

升兵中何人與李漢升交好

奏 奏  
嘉慶十年四月初七日軍機大臣字寄奉  
上諭那彥成等奏查拏逃道李崇玉未獲特參恇怯疎縱  
之鎮將等請旨革職審辦一摺所參甚是李崇玉潛逃  
不法日久稽誅今經孫玉庭督同吳俊嚴密布置正可  
設法擒捕忽因碣石鎮總兵李漢升帶兵前往該弁兵  
謠言妄報又復施放鎗礮以致垂獲要犯聞風竄脫實  
屬可恨昨據孫玉庭奏到已有旨將李漢升革職交那  
彥成等拏至省城並將該鎮兵丁二百名一併提集嚴  
行究訊且李漢升以專閫大員地方遇有匪徒緝捕是  
其專責即該弁兵所報李崇玉糾集黨羽即欲起事攻  
城之語屬實正當一鼓作氣奮迅搜擒乃因此轉生疑  
慮逗遛兩時試思逃一匪徒即似此恇怯游移又安望

那文毅公兩廣總督奏議

卷十四

十一

盧逗遛兩時試思逃一匪徒即似此恇怯游移又安望



其出力剿捕耶至粵東綠營官兵積疲已極較他省尤為廢弛且聞有不肖官兵甚至通賊送信即如此次向李漢升報稱李崇玉欲起事攻城安知非設詞恐嚇為該逆作緩兵之計而施放鎗礮必係有心傳信縱放那彥成等所見正與朕昨降諭旨相同其署碣石鎮左營遊擊海門營守備葉上進亦著革職著那彥成等一併拏至省城仍遵昨旨嚴切根究該弁兵中係何人將李崇玉起事攻城之言報知李漢升詰以此語從何得知其鎗礮又係何人所放何人與李崇玉交好為之勾通送信之處一一研究明確嚴行定擬具奏至知縣呂灤

那文毅公兩廣總督奏議

卷十四

三

於地方此等積匪不能早為查究本有應得之咎但此次李崇玉脫逃並非該員辦理不善所致且李漢升逗留時呂灤尚會催促姑著免其革職那彥成等將伊提至省城詳細面詢如得有別項情弊再行參奏至李崇玉此時業已窮迫並著那彥成百齡嚴飭該道吳俊設法購線四路躡緝以期必獲不可稍有疎懈

嘉慶十年四月二十日會同廣東巡撫百齡

奏為疊次拏獲甲子司助惡著名夥匪李陸飛李崇日

盧建豪盧建伊黃繼章盧貴清等現在從嚴究辦

事竊 等前因李崇玉在逃當將圍獲圭湖華涌

二鄉夥匪各情形具

奏在案查自查拏李崇玉後甲子附近各村莊咸懷震懾但黨惡兇脫之後乘間竄匿若不趁此一併擒獲痛絕根株恐逾時仍相煽惑聯絡一氣又致滋蔓難除因疊飭在彼駐辦之道員吳俊朱棟令其將眾所知聞之著名匪惡照單查拏毋使一名漏網並發去告示遍貼各村鄉曉諭愚民寬其既往勉其自新倘有能縛送李崇玉者許其奏請加

恩呈報黨惡者亦與重賞茲據該道等稟稱附近各村民自出示之後人心懾服各知畏法悔罪其甲子之

那文毅公兩廣總督奏議

卷十四

三

城垣礮臺均經各鄉耆情願捐資修補建立察其情狀似出真誠是以 等均如所請辦理隨又有紳耆於附近甲子之三角嶺等處指獲李陸飛李崇日二名當即訊據李陸飛供係李崇玉族叔祖李崇玉交結匪類橫霸一方每事必與伊商量因此人都稱為軍師又書寫紙帖令族眾尊李崇玉為約正又據李崇日供與李崇玉為大兄因伊屢

次械鬪勇往當先殺人故李崇玉叫他作先鋒虎將該犯等打用天順字樣燈籠無非欲人尊奉之意本年二月十一二等日李崇玉見兵船與盜船

一第... 冊... 頁...



打仗把住港口恐怕拏他要調聚平日黨附之人  
隨伊拒捕因往調新寮王厝兩鄉之人該二鄉耆  
老們俱知畏法不敢抗拒官軍並未應允因此無  
一人敢來助惡查李陸飛年已八十三歲黨附李  
崇玉最久平日陰謀詭譎人人畏懼李崇日又自  
認爲先鋒虎將械鬪殺人且爲李崇玉糾人拒捕  
實爲匪黨中著名魁渠又據別村指拏盧建豪盧  
建伊二名其奸狡兇橫亦與李陸飛等相埒現俱  
同已獲之圭湖華涌二鄉首惡黃繼章盧貴清一  
併嚴切審究統計節次各鄉獲匪共五百餘名除

那文毅公兩廣總督奏議

卷十四

十四

省釋並未爲匪百餘名外其餘二百餘名情有重  
輕罪有大小或有會犯另案之人現在分起解  
省審辦各等語臣等以甲子司地方經此次痛懲  
之後小民咸知畏法奉公捐資修建指獲匪犯其  
真悃似屬信而可徵臣等亦卽隨時獎勵以示其  
悔過遷善之途似可不致復有他事再礪石鎮兵  
丁於擒拏李崇玉時將至該處卽施放鎗礮致李  
崇玉聞聲驚逸臣等心竊懷疑細加訪查果有著  
名之七八人惟是刻下卽行斥退難保其不轉而  
投向匪人若旣明知其通盜不爲嚴切辦理又無

那文毅公奏議 卷一四

以示懲創而抒公憤倘少露聲色又恐其聞風遠  
颺漏網現在正值調換兵丁出洋緝捕之時臣等  
不動聲色密飭接任副將洪番鏘將礪石兵丁多  
撥一二百名其知名之數人卽在撥調之內俟一  
到省便可按名查拏似此辦理庶可不致漏逸至  
李崇玉一犯素與海盜朱濱總兵寶等相通節次  
訊錄各犯供詞併各地方稟報俱云已於聞拏之  
日卽落海隨同朱濱總兵寶烏石二等逃往閩省  
臣等一面飛飭師船直入閩粵連界洋面地方趕  
緊捕緝一面知會閩省舟師會合夾擊仍知會玉  
德令其飭屬留心在陸路協拏並委幹員改裝於  
陸路偵探似此水陸分投層層布置諒不致延喘  
遊魂久稽法網至甲子地方經李崇玉煽惑既久  
亦須將營汛礮臺少爲易置以善其後統俟臣那  
彥成於查閱營伍礮臺之便親歷其地相度情形  
再爲安定章程奏請

那文毅公兩廣總督奏議

卷十四

十五

訓示遵行  
奏  
嘉慶十年五月十二日軍機大臣字寄奉  
上諭那彥成百齡奏疊次拏獲甲子司助惡著名夥匪現

四六九



在從嚴究辦一摺覽奏俱悉李崇玉一犯前據玉德奏稱在艇匪林阿發船內與總兵寶匪船一同竄入閩省曾經降旨令那彥成百齡再行詳查茲據奏稱節次訊據各犯供詞並地方官稟報俱云李崇玉一犯於聞拏之日卽落海隨同盜匪朱瀆總兵寶逃往閩省等語是李崇玉一犯果因查辦不密業已下洋屬爲可恨此係前任巡撫孫玉庭任內之事與那彥成百齡無涉前此孫玉庭於查辦李逆時亦曾慮及該犯下洋先經檄調總兵林國良杜魁光二員帶領舟師在於甲子司港口堵截今李崇玉竄逸下海所謂堵截者安在那彥成等

那文毅公兩廣總督奏議

卷十四

六

應卽查明該犯究由何路下洋竄逸得上盜船將疎玩之員據實叅辦至所稱現獲助惡各犯內李陸飛一犯係李崇玉叔祖平日與李崇玉結交匪類橫霸一方爲伊軍師又李崇日一犯屢次械鬪殺人李崇玉稱爲先鋒虎將實爲助惡之尤且所打燈籠竟敢用天順字樣其謀爲不軌逆跡顯然非尋常匪犯可比該二犯卽應照逆案辦理其餘二百餘名著那彥成查明情罪輕重分別核辦其前次碣石鎮兵丁於查拏李崇玉時私放鎗礮致令逃逸情節可疑必當究辦現在既據那彥成訪有著名兵丁七八人密爲查拏著於拏到後嚴審定

擬不可輕縱李崇玉一切勾結土匪洋盜爲悖逆首犯斷不可任令漏網本日據玉德奏稱李長庚追捕艇匪於四月十一日在鎮海洋面瞭見匪船七八十號向南逃竄奮勇追捕在粵東甲子洋地方大加攻擊殲斃多名現因艇匪已經過粵囑令粵省兵船跟踪追捕該提督並酌留兵船在閩粵連界洋面巡防堵緝等語粵東艇匪經閩省此次剿殺之後俱已逃回李崇玉現在其內那彥成百齡務當嚴飭舟師乘其潰敗之餘大加攻勦如果將該首逆拏獲則其餘土匪洋盜無可勾結海疆自臻寧謐再該逆竄回粵省又或乘間登岸亦未可

那文毅公兩廣總督奏議

卷十四

七

定那彥成等並當飭令地方文武設法查拏四面堵緝倘該犯上岸後又復任令逃逸則地方官疎縱之咎甚重不能稍爲曲貸矣

嘉慶十年五月二十日

奏爲審明李崇玉之匪黨親屬分別正法定擬事竊照

拏獲巨匪李崇玉之親屬及匪黨各犯情形前經

先後恭摺

奏明接奉

諭旨飭卽審明定擬具奏等因欽遵辦理查本案拏獲各

犯內除陳亞命等二百五十九名訊係各犯親屬



及供扳被擊卽時省釋并胡亞四等一百二十名  
係逼脅爲夥並未隨同滋事留於陸豐縣城枷責  
發落外實在犯人李陸飛等二百零八名犯屬李  
元進等十二名研審事主唐開譽唐開穹二名分  
起解審內李元進李光海洪亞奈盧其信李亞同  
盧亞現李會隨楊亞笑盧弗進李元碧李會傑等  
十一名於取供後在縣病故李蔡氏陳上雲黃亞  
加等三名口解至海豐歸善各縣病故餘俱先後  
押解到省並據陸豐縣及各委員續獲歐亞狗蔡  
亞塔李會考謝友用柯奕才陳伯樞等六名歸善

那文毅公兩廣總督奏議

卷十四

六

縣續獲李會偉卽李貴魁一名新寧縣獲解盧意  
周卽盧二受一名委員原任潮陽縣楊桂蔭在詔  
安縣地方獲解李崇高一名又提到素與李崇玉  
交往之碣石兵丁劉敬奉等四名均經飭委廣州  
府知府福明等審辦據報案犯李陸飛盧意周許  
亞傑林亞高陳載耀盧建錢林添全盧亞損盧三  
子盧致縣盧亞花盧想陳懶爲盧細受盧亞金盧  
亞郭盧娘意盧亞宗盧亞文盧季利盧建祖林亞  
千盧亞祖盧亞牛盧必發盧致載盧繼盤陳亞明  
江亞疊彭亞梅陳亞印許亞振麥咱以吳亞亂陳

敦發麥亞烝盧宏昂許來喜彭亞真蔡標禮許亞  
廣江亞金盧亞藉許理平盧亞朝盧建係嚴亞罕  
李亞齊江添恩盧紅蝦陳亞歲胡亞篤盧仲會江  
文光吳崇蒙江亞陳劉啟奉盧淑十胡亞只陳亞  
順等犯帶病進監在監患病先後病故均經南海  
番禺二縣訊明禁役人等並無凌虐情弊驗具圖  
結詳報在案茲據委員廣州府知府福明等將現  
犯審明由按察使吳俊等審擬招解前來 等隨  
提犯督同司道親加研鞫緣李陸飛卽已革生員  
李會鵬籍隸陸豐係李崇玉無服叔祖李崇日係

那文毅公兩廣總督奏議

卷十四

七

李崇玉無服族弟李崇玉薄有貲財性耽飲博撒  
漫使錢李陸飛李崇日向與交好從中牟利嘉慶  
三年李崇玉因誣騙鄉民銀錢問擬徒罪犯父李  
元進紳衿王元豐等慮其徒滿回籍生事擾民復  
經呈首改擬發遣解至曲江縣地方乘間脫逃七  
年六月內潛回適有呂宋夷船在七娘澳洋面遭  
風沉溺李崇玉撈獲番銀一萬餘兩并大小鐵礮  
二十七位李陸飛見其驟富指爲天從人願諸事  
順意教令點照天順記號燈籠誇耀親朋廣交匪  
類橫行鄉曲伊復暗地分肥嘉慶八年春間李崇



玉風聞查拏緊急蹈海數月方回自此又與洋盜朱濱等交結李陸飛教其開張店舖消贓濟匪並開賭館抽分頭錢又令李崇玉改名李景星捐納監生附於紳衿之列倡眾推為約正假保護海港村莊為名勒索漁船陋規並按田畝派規收穀如不附從即糾眾搶殺李崇日以圭湖華涌兩鄉人多強橫糾其入夥李陸飛令將撈獲夷船大礮二位每鄉各貯一門并令林添全製造火藥預備械鬪之用藉以恐嚇鄉愚尙有小鐵礮二十五位存在李崇玉新館各鄉之人貪其贊助畏其兇威多

那文毅公兩廣總督奏議

卷十四

二十

聽從附和尊李崇玉為大哥有事互相幫助而李崇日尤為該匪得力之人於是李陸飛有軍師混號李崇日亦有先鋒勇將之稱其濟匪銷贓勒索陋規則係林添全鄭斌錫為之主持陳亞佔等為之運送械鬪搶殺則有盧建豪等為之幫助迨李崇玉探聞官司查拏令李崇日往邀匪黨抗拒無人允肯旋值營縣赴捕李崇玉即狼狽竄逃此李陸飛教誘李崇玉妄為不法又李崇日出力助惡並糾人拒捕未成之原委也又究出八年九月內因博社鄉蔡姓不允納送規穀李崇玉糾眾前往

尋毆李元柑練奕嚴盧亞想盧亞損李亞會陳懶為盧亞控各致傷蔡姓一人未死盧建豪盧建依盧貴清李光海王載名盧建壘盧建錢江衍明各殺斃蔡姓一人共殺斃蔡姓八人陳亞近等持械幫助未經傷人屍親畏兇殮埋未報九年五月內有賊夥托李崇玉銷贓得銀路過惠來縣覽表地方被吳繼清等趕打李崇玉糾眾前往尋毆并捏稱被搶多贓勒令吳姓通族賠出吳姓不服爭毆盧淑十盧細受吳亞取盧亞長盧亞學盧致縣各毆傷吳姓一人未死盧建豪李崇日黃繼章盧大

那文毅公兩廣總督奏議

卷十四

三

頭足盧亞興各殺斃吳姓一人共殺斃吳姓六人盧亞五等持械幫助未經傷人江衍明楊啟昭割取吳亞漢吳亞姪屍頭黃繼章盧亞損亦搶奪吳亞元吳亞達屍身丟棄入海盧建豪李貴魁李亞會等又捉獲吳亞志並搶回吳亞劍吳娘進二屍交李崇玉發落李崇玉令盧建豪李貴魁李亞會將吳亞志綁縛在樹李貴魁點放鳥鎗傷其左肋盧建豪用刀割開肚腹李亞會割下頭顱各犯並將吳亞劍等屍身剝碎丟棄沙灘經屍親求懇給還業已殘失不全各屍親畏兇亦未報驗盧建豪



等所住之華涌鄉與惠來縣屬唐姓所住之山頭鄉毗連盧建豪等欺其村小勢弱起意擄人勒贖糾同盧建依盧建錢盧貴清盧亞從盧亞開盧亞勇吳亞取盧致縣擄捉山頭鄉唐姓五人回鄉拷禁勒贖得番銀二百二十圓分用將人放回盧細貴又起意糾同盧建豪盧建錢盧貴清盧亞從盧開澤擄捉唐姓二人及幼女一人回鄉拷禁勒贖得番銀一百圓分用將人放回盧建豪又糾同盧建依盧建錢盧貴清盧細貴盧宏錢前往山頭鄉尋人擄捉未遇見田禾成熟復起意搶割添糾盧

那文毅公兩廣總督奏議

卷十四

三

三子等擄械赴田搶割田禾並奪取耕牛唐姓趕出攔阻盧亞從先被唐開穹格傷又被唐開耀格殺身死盧三子盧亞可盧亞桃盧淑捷盧亞想盧致進各致傷唐姓一人未死盧建豪盧建依盧貴清盧建錢盧亞勇各殺斃唐姓一人共殺斃唐姓五人盧亞浮等持械幫助未經傷人盧建豪又同盧建依等擄捉唐姓八人唐姓畏兇躲避盧建豪等趕至村前仍欲捉人搶物唐開譽情急點放竹銃打傷盧致澤右脅倒地盧建豪等始行退避將各屍身同所擄人口並稻穀牛隻押運回鄉仍前

那文毅公奏議 卷一四

勒贖屍親報經惠來縣起屍驗報將被擄之人查出釋回以上各案惟搶殺山頭鄉唐姓之案經縣驗報通緝其餘均未報官業已傳屬起屍委員會檢明確屍傷與犯人事主所供相符又盧建豪會因后洋鄉陳文聲躡壞田禾向斥爭鬧用竹銃打傷陳文聲身死報縣驗詳查緝又盧建豪盧建錢盧淑捷盧仲會聽從盧建長糾約阻止郭姓建造同屋互相爭毆盧建長等致死郭美興等六名該犯盧建錢搶獲毆斃之郭亞再屍身將頭割下掩埋盧建豪盧淑捷盧仲會均在場附和後又隨同

那文毅公兩廣總督奏議

卷十四

三

抗官喧嚷先獲盧建長等究辦又盧宏儒先因將泥塊擲入魚池黃繼瑞等向斥爭鬧陳瑞達先被盧建窗致傷後被盧宏儒殺死報縣驗詳參緝盧宏儒又向唐興壯賒買地豆不允向斥爭鬧唐興壯先被盧宏玉即盧亞金致傷後被盧宏儒殺死報縣驗詳飭緝以上各案訊之盧建豪等俱一一供認與原案脗合尤秀麟陳亞才許亞傑胡亞巧吳振龍夏亞賜林亞高盧意周即盧二受沈亞梅陳載耀林亞守陳上雲許咏春江亞珍楊榮輝即楊亞壬先後投入盜船各在洋行劫二三次及七

四七三



八次不等內尤秀麟殺死事主一人許亞傑吳振龍林亞守又接濟盜船糧食陳亞牙胡亞巧夏亞賜林亞高向覽表鄉吳姓尋毆未經傷人楊榮輝即楊亞王先曾糾同黎亞得等搶奪江達尊等布物又糾黎亞得等械鬪致傷翁虔泰等經獲黎亞得究辦該犯在逃又劉亞順投入安南盜船因語言不通旋即轉回並未入夥又鍾日虔陳阿臣蔡亞塔李亞歪被盜擄脅接賊巫亞贏被盜擄脅服役均潛回被獲並有福建晉江縣盜犯黃文華在盜首朱潰船內充當財富劫分賊來至甲子探

那文毅公兩廣總督奏議

卷十四

三

望李崇玉被獲又歐亞狗在洋疊劫於李崇玉投依朱潰之後受囑潛來甲子打聽家屬消息被獲又卓亞瑤曾擄捉惠來縣民高廣宋拷禁勒贖得番銀十圓放回并疊次搶詐客民銀物又盧其信曾糾同盧象通擄捉山頭鄉唐咱以拷禁勒贖得錢一千二百文放回此拏獲李崇玉匪黨究出行劫殺命擄人勒贖及出洋為盜消賊濟匪之情由也其碣石鎮兵丁劉啟奉張城高李會張必勇與李崇玉認識李崇玉犯罪逃回後並不認真查拏李崇玉開張賭館得受規銀二十四圓並無通信

縱逃情事再三研訊各供如一臣等以李崇玉內結土匪外通洋盜且李陸飛李崇日各有軍師先鋒偽號顯係謀為不軌而同夥之人皆稱李崇玉為大哥其結盟拜會更屬顯然復嚴加究詰據李崇日等僉供李崇玉結匪通盜止係稱強爭勝橫行鄉曲勒派規銀因李陸飛主謀倡率有人戲稱軍師李崇日助勢亦傳為先鋒並非得有偽封其同夥諸人均呼李崇玉為大哥不過趨利附勢或因被脅畏威委無謀為不軌及結盟拜會之事是以營縣查拏時並無一人幫同抗拒伊等亦皆束

那文毅公兩廣總督奏議

卷十四

三

手就擒等語核之犯父李元進等原供相符並詢據前任陸豐縣寶熙供稱李崇玉改名捐監并糾毆斃命伊不能查拏覺察實在無能其泰革知縣呂榮則稱伊欲羈縻李崇玉以便乘間擒捕是以准其充當約正不料臨拏脫逃泰革甲子司巡檢譚榮邦供稱伊到任時查禁賭館李崇日送給規銀八圓糊塗收受等語各供不移案無遁飾除疎縱李崇玉之員弁兵役先經審擬具奏外查例載凡大逆但共謀者不分首從皆凌遲處死又例載刁民聚眾至四五十人者斬決梟示又律



載支解活人者凌遲處死爲從加功者斬又例載  
江洋行劫大盜照響馬強盜立斬梟示又捉人勒  
銀取贖初犯爲首者斬監候再犯不分首從皆斬  
立決附和者枷號兩箇月發邊遠充軍又搶奪殺  
人者擬斬立決爲從幫毆如刃傷擬絞監候傷非  
金刃又非折傷者發烟瘴充軍未經幫毆有傷者  
發極邊足四千里充軍又例載謀殺人加功者斬  
監候又故殺者斬監候又例載因爭鬪擄將鳥鎗  
施放殺人者以故殺論又奸徒將米穀麥稗糧偷  
運出洋接濟奸匪者擬絞立決爲從減一等又律

那文毅公兩廣總督奏議

卷十四

二

載共毆人致死下手傷重者絞監候又例載私販  
硫磺合成火藥賣與奸徒者發近邊充軍又洋盜  
從犯未得財亦未傷人杖一百流三千里又洋盜  
案內被脅接贓一次者發黑龍江給打牲索倫達  
呼爾爲奴被脅服役者杖一百徒三年又故縱者  
與囚同罪至死者減一等又反逆緣坐男婦十六  
歲以上者發往黑龍江給索倫達呼爾爲奴其緣  
坐婦女及男子年十歲以下交值年旗酌給有力  
之滿洲蒙古漢軍大臣爲奴又律載罪人持杖拒  
捕捕者格殺之勿論各等語此案李陸飛卽李會

鵬於李崇玉犯罪逃回爲之主謀教誘妄爲不法  
復舉李崇玉充當約正並令點用天順記號燈籠  
藉以欺壓鄉愚恣其魚肉致有軍師混號是李崇  
王之橫行無忌釀成巨案皆係李陸飛一人爲之  
禍首實爲罪不容誅雖審無同謀不軌而核其情  
罪實與大逆無異李陸飛應比照大逆者不分首  
從凌遲處死律凌遲處死李崇日爲李崇玉糾約  
匪黨出力助惡械鬪斃命并邀人拒捕未成亦屬  
目無法紀惟較之主謀之李陸飛則稍有區分李  
崇日除故殺吳亞姪罪止斬候不議外應比照刁

那文毅公兩廣總督奏議

卷十四

七

民聚衆至四五十人者斬決梟示例斬決梟示楊  
榮輝卽楊亞壬等搶江達尊布物并鳴鑼糾衆械  
鬪傷人罪止徒流其與尤秀麟陳亞牙吳振隴夏  
亞賜盧意周沈亞梅林亞守許咏春江亞珍胡亞  
巧許亞傑林亞高陳載耀陳上雲黃文華歐亞狗  
共十七犯均在洋肆劫或又殺傷事主並濟匪勒  
贖歐亞狗復爲李崇玉潛回探信俱合依例照江  
洋大盜立斬梟示盧建豪先後毆斃二人并故殺  
一人盧貴清故殺一人盧建錢用鳥鎗打死一人  
均罪止斬候盧建依毆斃一人亦罪止擬絞該犯



等又與盧亞勇搶割田禾盧建豪盧貴清盧建錢  
盧建依盧亞勇各拒殺事主唐姓一人盧建豪又  
聽從李崇玉將吳亞志支解復與盧貴清盧建錢  
屢次捉人勒贖俱罪應斬決從一科斷盧建豪盧  
貴清盧建錢盧建依盧亞勇等十七犯均合依搶  
奪殺人擬斬立決例擬斬立決李亞會聽從李崇  
玉將搶布賊人細縛截死係以盜殺盜所搶又係  
濟匪之贓仍應照謀殺為從律擬以絞候該犯又  
與李會偉即李貴魁各自接濟洋匪罪亦止於絞  
決其聽從李崇玉共毆傷人復將吳亞志支解應

那文毅公兩廣總督奏議

卷十四

三

從重科斷李亞會李貴魁均合依支解活人為從  
加功者斬律擬斬立決鄭斌錫林添全為李崇玉  
心腹代收船規田穀并糾約兇徒械鬪打探衙門  
消息又復製造火藥其李崇玉銷贓濟匪更係該  
犯經理同惡共濟林添全除製造火藥罪止充軍  
不擬外應與鄭斌錫均以身自濟匪論盧宏儒先  
後共毆二人身死同時並發罪止擬絞該犯又附  
和李崇玉節次械鬪并接濟洋盜魚米亦應以濟  
匪從重科斷鄭斌錫林添全盧宏儒均各依奸徒  
將米穀出洋接濟奸匪擬絞立決例擬絞立決各

犯皆係李崇玉夥黨藐法妄為情罪重大未便稍  
稽顯戮除李陸飛盧意周許亞傑林亞高陳載耀  
陳上雲盧建錢林添全病故外臣等於審明後恭  
請

請

王命飭委按察使吳俊督標中軍副將劉惟馨將李崇日  
尤秀麟陳亞牙吳振隴夏亞賜沈亞梅林亞守許  
咏春江亞珍胡亞巧楊榮輝黃文華歐亞狗盧建  
豪盧貴清盧建依盧亞勇李亞會李會偉鄭斌錫  
盧宏儒二十一犯俱綁赴市曹分別凌遲斬絞並  
將李陸飛盧意周許亞傑林亞高陳載耀陳上雲

那文毅公兩廣總督奏議

卷十四

三

一併戮屍同各首級發往犯事地方梟示以昭炯  
戒卓亞瑤疊次搶竊訛詐復擄人勒贖盧其信亦  
擄人勒銀取贖均合依捉人勒贖初犯為首斬監  
候例擬斬監候盧亞桃盧致進盧亞想於盧建豪  
等搶奪殺人幫同刃傷事主均合依搶奪殺人為  
從幫毆有金刃傷者擬絞監候例擬絞監候李光  
海王載名盧建疊黃繼章盧大頭足盧亞損盧亞  
興於別犯致傷事主之後各將事主殺死王載名  
黃繼章盧大頭足又聽從李崇玉接濟洋匪罪止  
滿流并盧建疊搶奪殺人為從未經幫毆罪止充



軍不議外應與李光海盧亞損盧亞興均合依共  
毆人致死下手致命傷重者絞例擬絞監候查卓  
亞瑤等在濱海要區與李崇玉結黨肆惡殺擄良  
民通盜濟匪非尋常命盜案犯可比除盧其信李  
光海盧亞損俱已病故外所有斬犯卓亞瑤絞犯  
盧亞桃盧致進盧亞想王載名黃繼章盧大頭足  
盧建壘盧亞興等九犯均應請

旨卽行正法鍾日虐陳阿臣蔡亞塔李亞歪被洋盜擄脅  
在本船接賊一次合依洋盜案內接賊一次例發  
黑龍江給打牲索倫達呼爾爲奴盧三子盧亞可

那文毅公兩廣總督奏議

卷十四

三

盧淑捷聽從搶割各將事主幫毆有傷均合依搶  
奪殺人爲從幫毆傷非金刃亦非折傷例發極邊  
烟瘴充軍吳亞取盧致縣幫毆事主致傷罪應擬  
徒該犯等又聽從盧建豪擄人勒贖盧季通又聽  
從盧其信擄人勒贖均合依捉人勒贖初犯附和  
例枷號兩箇月發近邊充軍黃繼尙張咱吟李崇  
啟李崇盛李元極謝友用附和械鬪李崇高李會  
考抽分賭規各犯又與陳亞佔江亞探盧亞花柯  
奕才陳伯權洪亞奈胡亞平各聽從李崇玉運送  
米物接濟洋匪均合依奸徒將米穀偷運出洋接

濟奸匪擬絞爲從減一等例杖一百流三千里李  
元柑練奕嚴盧亞想盧亞把陳懶爲盧亞控盧淑  
十盧細受盧亞長盧亞學盧亞金卽盧宏玉各犯  
爲李崇玉黨羽助鬪傷人應與分頭糾人械鬪之  
范細樞李元道林奕彩均於李崇玉應得死罪上  
減一等杖一百流三千里劉亞順械鬪助勢繼又  
投入盜船圖劫未成合依江洋大盜未得財又未  
傷人例從犯杖一百流三千里以上軍流各犯均  
爲李崇玉助惡情節較重除盧三子盧致縣盧亞  
花洪亞奈盧亞想陳懶爲盧細受盧亞金盧淑十

那文毅公兩廣總督奏議

卷十四

三

病故外餘俱照叛案干連流犯發往黑龍江烏拉  
等處安插盧亞崇盧亞浮盧致曲盧亞慎盧亞郭  
盧亞套盧娘意盧亞宗盧亞盼盧亞大盧亞俗盧  
季利盧亞保盧建祖盧亞軒盧亞柿盧建持李永  
寶林亞千盧亞爲盧季持盧亞祖盧亞牛盧季娥  
盧致擾盧必發盧致載盧繼盤盧致南盧季東盧  
弗進盧亞衍盧亞五盧致對盧致田盧其稟盧月  
生盧亞頓盧亞瑞盧亞驛四十名聽從搶殺未經  
幫毆成傷均合依搶奪殺人爲從未經幫毆成傷  
例發極邊足四千里充軍陳亞近江亞玉江亞著



江青複江亞付吳宗顯陳亞明江亞疊彭亞梅江  
亞波陳亞印陳亞皆林三保許亞振陳亞錦麥咱  
吟江亞山吳亞亂陳敦發黃亞概江學平麥亞烝  
盧宏昂許來喜李崇韜李文亮李德水吳衍隴彭  
亞真陳亞亮盧淑崇李亞同蔡標禮鍾興燦許亞  
蒂黃亞剛許亞治黃亞付彭亞鼎黃亞取許亞廣  
黃亞庭林亞牙林亞章林懶暢楊亞應蔡亞弗江  
亞金陳亞淑許亞穩吳亞謹盧亞藉盧致修許理  
平張林生許咏全江亞泮盧亞朝胡亞只盧建修  
李崇學蔡裁名嚴亞罕李克猶李崇隴李亞虹李

那文毅公兩廣總督奏議

卷十四

三

細雄林亞算李亞齊江添思林亞孫盧紅蝦盧建  
接傅亞五林啟容楊繼明江亞窗陳亞歲黃亞穗  
陳亞瓊黃亞加胡亞篤許亞琴陳學布陳亞順江  
季春盧致隨盧亞現李會隨楊亞笑盧仲會江文  
光吳崇蒙陳祖城江亞陳九十五名雖無結盟拜  
會其甘心隨從李崇玉呼為大哥並節次幫同械  
鬪滋擾良民均應即於李崇玉死罪上減一等杖  
一百流三千里巫亞贏被盜擄脅服役逃回就獲  
合依洋盜案內被脅服役例杖一百徒三年軍流  
徒犯除盧亞郭盧娘意盧亞宗盧亞文盧季利盧

建祖林亞干盧亞祖盧亞牛盧必發盧致載盧繼  
繼盧弗進陳亞明江亞疊彭亞梅陳亞印許亞振  
麥咱吟吳亞亂陳敦發麥亞烝盧宏昂許來喜彭  
亞真李亞同蔡標禮許亞廣江亞金盧亞藉許理  
平盧亞朝盧建係嚴亞罕李亞齊江添恩盧紅蝦  
陳亞歲黃亞加胡亞篤盧亞現李會隨楊亞笑盧  
仲會江文光吳崇蒙江亞陳胡亞只陳亞順已經  
病故外其餘至配所各折責四十板劉啟奉張城  
高李會張必勇身充兵丁有緝捕之責乃於李崇  
玉犯罪逃回開張賭館輒敢收受規銀雖訊無通

那文毅公兩廣總督奏議

卷十四

三

信潛逃情事亦應以故縱定擬各犯除得受賭規  
折實紋銀十五兩以上罪止滿杖不議外均合依  
故縱者與囚同罪至死減一等例於李崇玉死罪  
上減一等杖一百流三千里仍從重發往黑龍江  
給披甲人為奴劉啟奉已經病故應毋庸議已經  
革職之甲子司巡檢譚榮邦於到任時查禁賭館  
曾受李崇日送給規銀實屬不堪應請發往伊犁  
等處充當苦差犯父李元進前於李崇玉不安本  
分雖曾稟官究辦迨後該犯逃回行為不法未經  
據實呈報仍應照例緣坐與同居胞弟李元碧一



併發遣均於取供後在縣病故其妻李蔡氏亦於起解後在途病故俱毋庸議李崇玉長子李亞趙胞兄李崇雲胞姪李賢茂李賢盛李賢彩俱年在十六以上均合依反逆案内例應緣坐男婦例發往黑龍江給索倫達呼爾爲奴各犯應刺字者仍分別刺字李崇玉胞弟李崇吟之妻李鄭氏及胞兄李崇雲之妻李吳氏例不緣坐其叔祖李會傑及李元進短僱工人余亞川均不同居亦無同謀爲匪情事均毋庸議唐開譽因盧致澤等搶擄殺人用竹銃抵拒致傷盧致澤身死與罪人持杖拒

那文毅公兩廣總督奏議

卷十四

三

捕捕者格殺人勿論之律相符應與格傷罪人之唐開穹均照律勿論留縣之胡亞四等一百二十名係被李崇玉等逼脅畏其擾害伴認李崇玉爲大哥並未幫同滋事迨李崇日糾人拒捕之時並無一人前往尙知畏法已據惠州府等議請比照閩省民人結會樹黨魚肉鄉民被誘入夥者杖一百柳號兩箇月之例在縣就近柳責示儆毋庸再議李崇玉家產業經查封除鐵礮火藥外並無違禁之物尙有應行緣坐親屬分別查明照例辦理失察各犯爲盜之父兄並飭查拘發落尤秀麟等

在洋行劫原籍甲保無從查察往來俱在洋面並未經由營汛口岸均毋庸議起獲李崇玉撈獲破位移營備用各鄉械鬪兇器分別銷燬被劫各起有無事主稟報是否詳匿疎防文武並失察匪徒出口并匿報人命私藏鐵礮各職名查明另奏已革陸豐縣呂深准令李崇玉充當約正本欲使其不復防備乘間擒拏因辦理不能妥協致被脫逃已經問發新疆其前縣寶熙於李崇玉在境糾役多命不能查拏改名捐監漫無覺察應請照溺職例革職逸犯李崇玉及江衍明等嚴飭各營縣及

那文毅公兩廣總督奏議

卷十四

三

捕盜舟師設法查拏務期速獲以正刑誅病故各犯圖結飭取另行送部謹

奏奉

硃批刑部速議具奏

嘉慶十年四月十七日軍機大臣字寄奉

上諭前據孫玉庭奏官兵前抵甲子地方圍拏李崇玉該犯因聽聞鎗礮驚起出屋潛遁僅獲其家屬匪黨二十五名口又於圭湖華涌兩村查獲匪徒四百餘名一面設法根究李崇玉下落等語隨據那彥成等奏報情形相同本日玉德奏厚積兵力勦捕粵東賊匪烏石二等



在粵洋搶劫滋擾於三月竄過閩洋等語李崇玉在甲子司脫逃係二月十三日之事今粵東艇匪竄至閩洋或卽係該犯驚逸後勾結匪夥烏石二等在洋行劫實爲可恨該督等自前次奏報後已閱旬日並未據續有奏報李崇玉脫逃後又竄何處自必續據地方官稟報如果各海口要隘嚴密布置何致要犯得以任意遠颺著那彥成百齡迅卽查明該犯出洋屬實卽應嚴督舟師前往跟追會同閩省將艇匪烏石二等匪船合力圍捕務將李崇玉烏石二等殲擒淨盡不可因李崇玉已經遠遁心存懈弛視爲海捕具文也

那文毅公兩廣總督奏議

卷十四

美

嘉慶十年四月二十六日軍機大臣字寄奉

上諭本日復據玉德奏拏獲艇匪陳揚得訊據供稱艇匪共有四幫一係烏石二爲首一係鄭一爲首一係總兵寶爲首一係林阿發爲首共艇二百多號現來福建有八十多船係林阿發總兵寶二幫連土盜朱潰附和之船其烏石二鄭一兩幫尙在廣東洋面又廣東會匪首李崇玉平日與艇匪相通現在林阿發幫內等語李崇玉一犯自本月初七日經那彥成百齡奏到聞拏逃遁之後迄今已及兩旬未據續有奏報現據玉德訊明該逆實在艇匪林阿發幫內竄過閩洋是前此與烏石二

勾結之言尙非的確艇匪自竄越閩屢圖登岸茲於四月初一日乘南風盛發聯幫八十餘船公然竄至廈門停泊大嶼口外窺伺廈港可惡已極此皆前此粵省查拏李崇玉時兵丁等私放鎗礮該匪聞聲竄逸所致總兵李漢升之咎實無可辭但那彥成等前此摺內會稱先派署左翼鎮林國良南澳鎮杜魁光二員帶領舟師在甲子司港口堵截當李崇玉竄逸下海之時該二鎮何以毫無聞見及該逆勾通艇匪竄過閩洋該二鎮兵船又何以不跟踪追捕杜魁光本係南澳鎮總兵原因捕務緊要暫令在粵省幫辦今粵省李崇玉已遁入閩

那文毅公兩廣總督奏議

卷十四

毛

洋夥同盜匪林阿發總兵寶幫船一同肆竄正在該鎮所管地方該鎮豈得轉致不顧此時粵省洋面亦尙有烏石二鄭一兩幫盜船自不得不嚴爲之備林國良應仍令在粵洋防守至閩省水師將領現在乏人著那彥成等卽速飭杜魁光帶領所管舟師前赴閩省追剿艇匪此時閩省已有李長庚統帶大幫兵船一百二十號於四月初九日駕出大嶼口一路搜捕前來聲威壯盛那彥成等當嚴飭杜魁光奮勉追捕以收夾擊之功勿稍懈弛再李崇玉一犯前此據那彥成等奏稱聞拏逃竄雖據玉德奏到似已下洋但該逆詭詐多端終不可



信或因彼時陸路查拏緊急揚言入海而現在艇匪又皆李崇玉黨與詐稱李崇玉在其幫內希冀粵省地方官查拏鬆勁漏網稽誅而該逆轉在附近地方藏匿勾結尤有關係且閩省所拏艇匪陳揚德一犯據供係上年九月投入林阿發船內而李崇玉係本年二月逃竄或該犯不知粵省查拏李崇玉之事隨口混供亦未可定卽該犯實係下海亦應查明經由何處海口如何上船有何人親見總應有確切下落著那彥成百齡上緊留意嚴查密訪總期得其實在踪跡設法弋獲以靖地方始爲妥善仍著將粵省何時派兵前赴閩洋及偵捕

那文毅公兩廣總督奏議

卷十四

三

李崇玉之處卽由四百里飛奏

嘉慶十年五月二十日會同廣東巡撫百齡

奏爲遵

旨覆

奏事 臣 欽奉

以副旨據玉德奏稱李崇玉勾結艇匪烏石二等在粵洋搶劫滋擾於三月竄過閩洋著 臣 那彥成 臣 百齡查明該犯出洋屬實卽應嚴督舟師前往跟追會同閩省將艇匪烏石二等匪船合力圍捕務將李崇玉烏石二等賊擒淨盡正在繕摺奏聞又欽奉

上諭據玉德奏拏獲艇匪陳揚得訊明李崇玉實在艇匪林阿發幫內竄過閩洋是前此與烏石二勾結之言尙非的確那彥成等前此摺內會稱先派署左翼鎮林國良南澳鎮杜魁光二員帶領舟師在甲子司港口堵截當李崇玉竄逸下海之時該二鎮何以毫無見聞及該逆勾通艇匪竄過閩洋該二鎮兵船又何以不跟踪追捕杜魁光本係南澳鎮總兵原因捕務緊要暫令在粵省幫辦今粵省李崇玉已遁入閩洋夥同盜匪林阿發總兵寶幫船一同肆竄正在該鎮所管地方該鎮豈得轉置不顧此時粵省洋面亦尙有烏石二鄭一兩幫盜

那文毅公兩廣總督奏議

卷十四

三

船自不得不嚴爲之備林國良應仍令在粵洋防守外至閩省水師將領現在乏人著那彥成等卽速飭杜魁光帶領所管舟師前赴閩省追剿艇匪再李崇玉一犯雖據玉德連次奏到似已下洋但該犯詭詐多端終不可信或因彼時陸路查拏緊急揚言入海而現在艇匪又皆李崇玉黨與詐稱李崇玉在其幫內希冀粵省地方查拏鬆勁漏網稽誅而該逆轉在附近地方藏匿勾結卽該犯實係下海亦應查明經由何處海口如何上船有何人親見總應有確切下落著那彥成百齡上緊留意嚴查密訪總期得其實在踪跡設法弋獲以靖地



方始為妥善仍著將粵省何時派兵前赴閩洋及偵探李崇玉之處即由四百里飛奏欽此查前撫臣孫玉庭

查拏李崇玉時與惠潮嘉道吳俊在潮商辦乃於

往拏時並不親身督緝而在事文武差探布置亦

多荒飾疎縱致要犯得以遠遁種種貽誤均難辭

咎臣等接緝之後即將惟怯疎縱之鎮將縣令參

奏嗣奉

諭旨以該犯窮迫潛逃其勢不能遠颺仍責成吳俊督同

該縣呂滌乘此機會上緊設法訪緝搜捕在事文武併

免開參欽此臣等即欽遵轉飭該道等各矢天良認真

那文毅公兩廣總督奏議 卷十四 罕

緝捕並通飭各屬一體嚴密協拏兩月以來尙未

弋獲竄不勝焦灼之至查李崇玉脫逃始末初據

審訊圭湖華涌兩鄉匪黨供稱李崇玉聞拏當時

走脫即至圭湖在七娘澳上船下海又回來在黃

衍明家住宿恐有人知覺走到華涌住了一兩日

以後不知去向伊與海盜朱瀆最為相好或投入

朱瀆船上福建地方有布袋澳小梁山均係朱瀆

巢穴或朱瀆送往彼處藏匿等語查該匪原與朱

瀆相好落海後或徑往相投而其現在何幫盜船

則傳聞互異聞其入閩洋後盜首蔡率見其狼狽

竄逃頗為藐視該犯自己失望又委員楊桂蔭等

現與閩省雲霄詔安漳浦適中之地來往偵探據

稟李崇玉實係下海入於朱瀆幫內所坐之船係

料繪漁艇不能安設大礮後來朱瀆搶得廈門水

師烏艇一隻送與該匪乘坐四月十八日朱瀆總

兵寶林發利即林阿發蔡井朱盤各幫匪船在銅

山洋面與官兵接仗業被師船打敗正在圍拏時

南澳鎮杜魁光坐船桅木被礮打壞師船俱赴救

護致被逃走是日李崇玉先已駛避外洋不敢與

官兵接仗又探得李崇玉前在詔安地方曾經上

那文毅公兩廣總督奏議 卷十四 罕

岸親至濱海匪鄉購買鴉片菸並在該處住宿一

夜有人親見前該匪船內缺糧朱瀆送米接濟因

所坐船小兼無鎗礮火藥不敢隨同朱瀆等與官

兵打仗是以先行走避各等語此各路偵探稟報

之情形也再前此查拏李崇玉時經撫臣孫玉庭

移會南澳鎮杜魁光左翼鎮林國良統帶舟師把

截甲子港口而李崇玉脫逃竄自七娘澳下船該

二鎮在甲子港口當查拏時孫玉庭等未經早為

籌及亦可見布置之疎續因接辦圭華二鄉匪黨

惠潮嘉道吳俊留師船在彼彈壓事定之後風聞



該匪竄入閩洋<sub>臣</sub>等即飛飭該鎮等直入閩界跟  
追委署香山協副將許廷桂率領兵船前往協拏  
並知會閩省舟師會合夾擊緣由業經恭摺具

奏茲據署左翼鎮林國良稟報該鎮會同南澳鎮杜魁  
光署香山協副將許廷桂奉委追拏李匪駛至長  
山尾遇盜船痛加剿捕生擒三十餘名其中並無  
李匪及至南澳洋面適遇閩省提鎮率領大幫兵  
船追賊彼此接晤知閩省盜船俱已遠遁銅山一  
帶並無賊踪閩省提鎮即日東旋南澳鎮杜魁光  
亦即隨往適南澳外洋有匪船數十號黃夜乘風

那文毅公兩廣總督奏議

卷十四

聖

西駛探係黃正膏許雲相林亞發等幫風聞該匪  
在林亞發幫內是以晝夜窮追等語據此則李崇  
玉又由閩而粵誠如

聖諭該逆詭詐多端或因彼時查拏緊急揚言入海艇匪  
詐稱在其幫內希冀閩省查拏鬆勁該逆轉得在附近  
地方藏匿勾結<sub>臣</sub>欽服

聖明洞鑒燭照無遺是李崇玉或潛回探信或登岸在沿  
海村莊藏匿均未可定其風聞在林亞發幫內之  
語亦難憑信<sub>臣</sub>等無論其在海在陸俱經懸立重  
賞督飭文武多方密布一有該匪逃回登岸踪跡

立即捕送並飛飭洋面師船遇有閩省水師烏艇  
式樣之盜船即應設法圍捕此現在水陸查拏之  
情形也<sub>臣</sub>等於李崇玉逃後亦係慮其勾結匪黨  
貽害地方因細加訪察始悉其平素所為該犯自  
發遣逃回撈獲沉溺夷船番銀萬金遂有餘資結  
交匪類又開設賭館牟利改名捐監為榮迨聞查  
拏緊急逃往海外漸與洋盜相通回家後因有銷  
贖濟匪勒索漁船陋規之事鄉愚艷其貲財爭來  
附和盜匪利其接濟遂相往來此乃下愚趨利如  
鶩之恒態非有深謀不測之事當被拏時曾遣人

那文毅公兩廣總督奏議

卷十四

聖

赴各處糾約匪黨拒捕竟無一人應者其無能為  
可知目今隻身遠遁不過仰息他人苟延殘喘安  
能復相煽惑別生事變<sub>臣</sub>等雖知其如此亦不敢  
稍存大意其甲子一帶地方亦恐其漸染既深故  
習難以遽革乃匪黨就擒之後經<sub>臣</sub>等曉諭開示  
匝月之中該處紳耆陸續將有名匪惡細送到官  
並請將甲子坍塌城垣及海口移建礮臺添設望  
樓礮墩俱情願捐貲辦理又附近碣石衛城為總  
兵同知駐劄之所尤關緊要該處紳士等亦聯名  
具呈以甲子紳士既自行捐修樂於輸貲修葺<sub>臣</sub>



等以其均出至誠概如所請並賞給匾額銀牌以  
示獎勵該處民情如此實無可厯

聖念<sub>臣</sub>等自上月二十日具奏拏獲甲子著名匪惡一摺  
之後各路稟報總未得李崇玉確實下落是以不  
敢冒昧入

告查前此辦理不善以致要犯脫逃雖非<sub>臣</sub>等經手之事  
毋庸諱飾然接緝以來數月不獲實在同深憤悶  
現在恪遵

指示海陸嚴查處處留心布置務期弋獲仰慰  
聖厯謹

那文毅公兩廣總督奏議

卷十四

畧

奏

嘉慶十年六月十一日軍機大臣字寄奉

上諭那彥成等覆奏查明李崇玉從前逃遁情形並現在  
設法查拏一摺據稱孫玉庭移會杜魁光林國良統帶  
舟師把截甲子港口而李崇玉脫逃實自七娘澳下船  
孫玉庭未經早為籌及可見布置之疎等語孫玉庭查  
拏李崇玉一事未能差探確實布置固安致該逆乘間  
免贖其籌辦實未免稍疎現在該撫仍調回廣東惟當  
與那彥成詳慎會商迅速躡緝務將李崇玉一犯設法  
擒獲勉贖前愆現在李崇玉一犯據那彥成等摺內稱

投入盜匪朱濱船上竄入閩洋又風聞該逆在盜匪林  
亞發幫內由崗而粵而下海之後又曾經上岸兩次看  
來該逆踪跡無常詭計百出此時在閩在粵以及上岸  
下海均未可定該犯雖隻身逃竄自無能為但甲子一  
帶其夥黨甚多聞該逆尚未就獲不免心存觀望那彥  
成孫玉庭務督飭地方文武上緊拏獲在於該處正法  
使人人共知其見則不特夥黨等聞風解散而地方人  
心亦均鎮定再李崇玉前因碣石鎮兵丁私放鎗礮始  
能得信遠颺是此事疎失皆由李漢升漫無約束所致  
前經屢次降旨令那彥成等嚴訊定擬會據奏稱訪出

那文毅公兩廣總督奏議

卷十四

畧

兵丁數人查拏究辦何以尚未具奏著即迅速審明定  
擬勿再延緩那彥成等於李漢升一案審結及將李崇  
玉就獲時均各由四百里馳奏

謹按嘉慶十年七月初六日廷寄內奉

上諭已革總兵李漢升於查拏李崇玉時兵丁擅放鎗礮  
透漏消息致令遠颺當經降旨飭催何以尚未據那彥  
成審擬具奏著即速行審明定擬勿再遲延

嘉慶十年七月十二日

奏為遵

旨審明惟快遲疑疎脫要犯之參革總兵并遊守縣令



案內弁兵差役分別確訊定擬恭摺奏

聞事竊照碣石鎮總兵李漢升陸豐縣知縣呂濬署該鎮

左營遊擊葉上進等查拏匪犯李崇玉臨事遲延

致令該犯逃逸旋獲該犯李崇玉親屬及陸續拏

獲助惡匪黨各緣由經撫臣孫玉庭暨先後恭

摺具

奏屢奉

上諭飭令嚴切審訊欽此茲遵將李漢升等及案內

弁兵人等陸續提集到省先經會同前撫百

齡將大畧情形節次奏

那文毅公兩廣總督奏議

卷十四

吳

聞在案爾時未經提集訊供於疎縱該犯情節恐多不實

不盡因思李崇玉是否糾黨抗拒起事攻城碣石

鎮兵丁有無暗地通信迨至臨時脫逃果否由於

官兵施放鎗礮均為案內緊要關鍵必須一一質

訊確切方成信讞隨提集官犯兵役人等督同

按察使秦瀛布政使廣厚悉心研鞫緣李崇玉一

犯經前督撫司道面諭呂濬設法密拏呂濬查知

該犯李崇玉住居濱海結黨橫行兼之交通洋匪

時常接濟銷贓并私貯礮械等物各等情即而向

惠潮嘉道吳俊稟明該道轉稟撫臣孫玉庭隨咨

調南澳鎮杜魁光署左翼鎮林國良督駕舟師先

將該縣甲子港口堵截以便陸路查拏並撥道差

施耀赴縣効用嘉慶十年二月初二日呂濬聞杜

魁光等有東來消息會同把總羅大魁并帶道差

施耀督率兵壯一百名揚言往東湖地方查拏匪

犯即往離甲子四十餘里之南塘地方密探李崇

玉踪跡初七日舟師已東抵海門施耀因匪黨眾

多所帶兵壯無幾又無鎗礮隨向呂濬稟商呂濬

即稟請李漢升酌派管員先帶鎗礮兵丁策應并

懇李漢升親赴會拏施耀亦隨後具稟李漢升接

那文毅公兩廣總督奏議

卷十四

吳

到文稟於初十日派委署該鎮中營守備黃官顯

帶礮手兵趙顯等五名鎗手兵許顯等六十名連

刀牌兵共一百名前往南塘會合十二日李漢升

探知師船已進甲子港於是日晚間帶兵親赴南

塘與呂濬會晤商定是夜亥刻由南塘起程黎明

到甲子芒湖村圍拏先是十二日下午附近甲子

鄉民紛紛訛傳李崇玉有糾黨拒捕起事攻城之

信署守備劉榮撥防甲子所城查知即往向署遊

擊葉上進稟告葉上進想及李漢升已帶兵親赴

南塘亟欲馳往報信當囑劉榮會同巡檢譚榮邦



督率兵役防守城垣立即改裝趕往時值李漢升  
 呂濬等正在南塘起行葉上進趕到即向李漢升  
 稟知李漢升因李崇玉夥黨不少又有此等信息  
 或須添調兵丁接應即飛騎往探呂濬以事屬緊  
 要商同李漢升督率弁兵役勇趕赴查辦行至半  
 途據探人回報探無的耗李漢升呂濬仍催令弁  
 兵人等躡行至十三日辰刻始抵甲子地方詎李  
 崇玉因糾黨抗拒不從先於是日黎明潛行逃逸  
 各弁兵尙未知覺於已刻行近李崇玉住村黃官  
 顯因葉上進報知李崇玉抗拒信息恐有埋伏即

那文毅公兩廣總督奏議

卷十四

哭

令礮手兵趙顯等放礮三聲鎗手兵許顯等敢排  
 鎗一陣圍壯軍威當下李漢升即同呂濬等趕進  
 村內搜捕李崇玉無獲僅獲犯屬并匪夥共二十  
 五名搜獲礮械等物臣復細加研鞫詰問李漢升  
 那時葉上進來南塘稟報你既同呂濬知道李崇  
 玉要糾人抗拒攻城其事更屬緊急你何不立即  
 統領兵勇前去又何必遣人往探設或當時實有  
 其事你不可能不去嗎據李漢升供稱當日葉上進  
 稟報拒捕攻城之信參員以事關緊急就同呂濬  
 督催弁兵躡行因李匪黨羽甚多既有抗拒信息

不得不加慎重故此遣人探信並非藉端延緩又  
 問李漢升你行近李崇玉住村止有里許不期兵  
 丁施放鎗礮兵丁係你管帶你無號令如何敢放  
 鎗礮呢况你到村之後方向黃官顯查問是當時  
 近村之時你並未在前帶領兵丁豈非畏怯遲悞  
 抑或衆兵實有私通消息情弊據實供來據供彼  
 時黃官顯帶兵在前參員在後督率忽聞前隊施  
 放鎗礮參員連忙喝阻不及即趕進村內搜拏并  
 查問黃官顯據稱恐有埋伏故此施放鎗礮圖壯  
 軍威並非畏怯參員所帶弁兵與李匪均不認識

那文毅公兩廣總督奏議

卷十四

哭

實無私通情事復問李漢升你查拏李崇玉入屋  
 搜尋不見諒該匪去亦不遠因何不四路窮追葉  
 上進轉報劉榮訛言黃官顯令兵丁施放鎗礮種  
 種悞事你既當時查明何以不即行揭參豈非有  
 心庇護嗎據供參員入村圍拏因李崇玉先經逃  
 竄參員即同呂濬親督兵役分路追捕并將甲子  
 港內漁船遍搜並無踪跡至葉上進說報劉榮傳  
 述訛言並黃官顯擅令兵丁施放鎗礮彼時實因  
 帶兵緝捕之員訪拏致未揭請參辦這就是參員  
 糊塗了各等供當提呂濬詰訊當日葉上進報到

第一頁 頁數 2 反之內



時李漢升遲疑不進你會否催促趨行速將報到時情形據實供來據呂灤供稱二月十二日亥刻葉上進來南塘報稱李崇玉今夜即要攻城我聽聞此信即會同李鎮催促兵役立刻動身走到半途據李鎮探人回報探無確信我又催趨兵役前進將到李匪住村忽聞前隊兵丁施放鎗礮我即忙會同李鎮趕進村內搜拏不料李崇玉先已逃走遍搜未獲復問呂灤你查拏李崇玉孫巡撫並未飭令知會李漢升因何擅自稟請你身為縣令此等要犯應時時留心查緝今李崇玉直至查拏

那文毅公兩廣總督奏議

卷十四

五

果查有謀爲不軌風聲敢不據實通稟豈肯隱諱即前次所稟情由亦不敢有心捏飾冀圖邀功抵賴的求詳情又問呂灤你自去年調任陸豐專辦此事李崇玉住村門巷路徑斷無不知既稱設法查拏何不四路密派安人重疊布置俾該匪無路逃竄今乃先事虛飾而臨時又怯懦無能致令脫逃尙有何辯呢據供我查拏李匪時原將該村路徑門巷繪圖呈繳本道總因我一時失算並未四路撥人堵截以致李崇玉於官兵未到之前得以潛密逃竄這是我庸才無能不善布置實屬罪無可追等供因查傳言李崇玉起事攻城一節係劉榮得自傳聞告於葉上進輾轉傳揚究竟該弁從何得知必須確切根究當提劉榮詰問你聽聞李崇玉要糾人拒捕起事攻城傳言之人是何姓名此等機密大事自必有人密告或係鄉民哄傳抑係你所管兵丁或傳說或稟告斷無有不知姓名之理且十二日下午得信李崇玉於十三日黎明聞官兵赴捕先行脫逃並未抗拒你先前何以驟然深信豈非你捏造謠言致脫重犯嗎據劉榮供稱當日傳說李匪要糾人抗拒攻城實係鄉民紛

那文毅公兩廣總督奏議

卷十四

五



紛聞傳並沒有人赴營稟報亦非管下兵丁傳說稟告實不能指出姓名我因聽聞眾口一詞信爲有因不得不向本管上司葉上進告知並不想到葉上進率爾轉報我與李匪素不認識現蒙提訊匪黨李陸飛等供出李匪原有糾人抗拒未成情事可見並不是我捏造謠言總係我不該把道路訛言冒昧傳報後來葉上進親赴南塘報信我又稟阻如今知罪了隨詰問葉上進那時鎮縣等帶兵前來拏犯你事前曾否知道劉榮稟報抗拒攻城信息你並不探聽虛實何以驟然深信你係

那文毅公兩廣總督奏議

卷十四

五

守城之官如果李犯抗拒攻城正當竭力守禦何以一聞傳言竟不顧城池即便親身遠去報信豈非心生畏怯取巧趨避且甲子地方是你專管該匪村路徑門巷你自然熟悉何以並未隨同查拏是否李鎮未派抑係你畏縮不前那時衆人前去你一人在城何爲豈非你係與劉榮平日與李匪來往交接商同捏造謠言作爲緩兵之計致令重犯脫逃呢據實供來據葉上進供稱二月十二日聞得李鎮帶同官兵到南塘駐劄是日下午劉榮到參員署內報知李崇玉抗拒攻城信息參員察

看劉榮神氣慌張一時糊塗信以爲實心中又實在害怕就往李鎮處報信的參員也知城池緊要原叫劉榮會同譚巡檢防守因事關緊要又恐差人報信走漏消息是以親身前往密報實是參員冒昧甲子地方參員雖然熟悉因李鎮諭令參員進城防守聽候調度並未派令參員前去查拏參員與劉榮平時並不與李崇玉熟識往來實無商同捏情慌報緩阻兵行情事如有前項情弊現蒙屢次嚴訊豈能狡賴呢又詰問黃官顯你帶領道差弁兵查拏李崇玉何以逆料村內有埋伏就叫

那文毅公兩廣總督奏議

卷十四

五

兵丁施放鎗礮試思果有埋伏豈是鎗礮可破得的嗎所供實無情理恐爾平日與李犯交好藉此傳聲通信縱令脫逃况鎗礮爲軍中號令既無李鎮之令何敢擅自施放豈非有心傳信嗎若不據實供招要動刑了據黃官顯供稱當日帶兵將到該村因聞葉上進傳報李崇玉有糾人抗拒之信心中疑惑恐怕村內有埋伏故此飭令兵丁施放鎗礮原不過圖壯聲威我與李崇玉平日並不認識實無傳聲通信情弊現蒙提訊犯屬李崇雲們供出李匪係於十三日黎明時潛逃我帶兵到村



已在巳刻該犯逃走在先施放鎗礮在後可見不是我傳聲縱逸的總是我心生畏怯並沒有李鎮號令擅自施放鎗礮實屬罪無可道臣又恐該弁等管轄兵丁有與李匪私相勾通情事當堂提集詰問你們所轄兵丁良歹不一內中恐有私通李匪之人有無漏泄情弊你們從前慮干失察處分互相隱諱此時業俱革審還不據實供出嗎據李漢升等同供參員們所轄兵丁平日並不與李崇玉相與往來那日帶同拏犯係中營之兵均非甲子左近之人實無漏泄通信情事倘兵丁等果有

那文毅公兩廣總督奏議

卷十四

五

通匪劣跡參員們現蒙如此詰訊豈肯代他們隱瞞自干重咎呢求詳情并提兵丁趙顯許顯劉恩等逐一研訊核與各該弁所供相符查李犯之逃若在十三日以前必係得信若在黃官顯等施放鎗礮之時雖其住屋只有里許官兵等衆目共注豈有山屋內走出之人竟無一人看見且前此糾人抗拒非預先得信何以能往來勾結此中可疑之處甚多又提李犯之子李亞趙與其工人李亞川等再四推問據供二月十一日李崇玉風聞官兵赴捕就往新寮玉厝兩鄉糾人抗拒不從於十

三日黎明時候出門逃走是日巳刻我們正在喫飯聽聞村外鎗礮聲響官兵就進村捉拏李崇玉不見把我們拏獲解案的是實等供據此是十二日百姓紛紛傳說該犯欲糾人攻城事非無因而糾人不從方於十三日黎明潛逃其得信非有人透漏實由該文武辦理不密致該犯風聞竄逸屬實前後細覈情事逼真似可定案查本案李漢升身為專闖大員既已定期會捕應趕緊進發乃因屬員稟報訛言心生畏怯並不即時直撲匪窩往復探信遲悞事機致要犯於官兵未到之前先時

那文毅公兩廣總督奏議

卷十四

五

逃竄李漢升應照官司追捕罪人漏泄其事致罪人逃避減罪人所犯罪一等律於在逃之匪犯李崇玉死罪上減一等杖一百流三千里應請發往烏魯木齊充當苦差署陸豐縣知縣呂濼身任地方專奉上司飭拏李崇玉於該犯舉動居處並未確探覈其鼠竄伎倆與該員平日所稟大不相同當日誠能偵探真確又何必徵調官兵張大聲勢致令得有風聞且該員於初二日卽至南塘地方初七日商同道差施耀稟營派撥弁兵遲延數日之久十二日晚百姓紛紛驚避而該犯豈有不知



之理設該犯果能抗拒豈不釀成事端及至往捕又一無布置逃後又不能搜捕呂濛之罪稍重於李漢升應請革職亦照官司追捕罪人漏泄其事律減流加枷號三箇月改發伊犁充當苦差已革遊擊葉上進駐防甲子所城有守禦之責當劉榮報到時即應切實詰問或令劉榮確查或親自探訪設使真有其事亦應緊顧城池布置守禦乃一聞傳言畏怯已極藉端奔避可免被其殺傷即使城池有事亦冀可免坐重罪總因該員畏怯巧避因而輾轉訛傳遲疑悞事竅其情罪較李漢升等

那文毅公兩廣總督奏議

卷十四

奏

爲又重惟李匪究無攻城失陷事情仍請量予減等業上進比照守邊將帥被賊攻圍城寨不行固守而輒棄去者斬監候律量減一等杖一百流三千里加枷號三箇月改發伊犁給額魯特爲奴以昭炯戒而示區別署守備劉榮聽聞鄉民閑傳李崇玉有抗拒攻城之信即就近前向本管上司葉上進稟知現在訊明李犯原有糾人抗拒未成情事並非該弁捏情誣報搖惑衆心惟以道路傳言不會見真實昧稟報致令葉上進信真以訛傳訛貽悞脫逃署中營守備黃官顯訊無遣人通信情

弊李崇玉於官兵未到之前潛逃非因該弁施放鎗礮所致惟是捕匪時并未見賊概令兵丁施放鎗礮况爾時李匪業已潛逃該弁猶心存敲詐藉放鎗礮壯威更屬可笑可恨似此臨事畏葸措置乖方迥非尋常失察可比劉榮黃官顯應請一并革職均發往新疆効力贖罪道差施耀以微賤下役輒敢商同縣令稟營派撥弁兵且匪犯又不能捕獲罪有應得應請於呂濛遣罪上減一等杖一百徒三年至配所折責四十板甲子司巡檢譚榮邦到任已在三月以上平日懈於緝捕不能將匪

那文毅公兩廣總督奏議

卷十四

奏

犯設法拏獲把總會廷輔陳龍吳榮羅大魁隨同往捕致犯逃竄均屬溺職應請一并斥革以示懲警兵丁趙顯許顯施放鎗礮雖由本官命令惟不稟阻究屬不合均照不應重律杖八十折責三十板革伍其餘施放排鎗兵丁既據黃官顯等不能指出姓名且事由本官主使兵丁等不敢不從應請從寬免究兵丁劉恩等逐一究詰實無遁匿漏泄情事又提各官犯劉切開導僉稱並無通匪之人不敢代爲隱諱劉恩等均屬無干飭令回營操防李漢升等所領劄付追出另行咨銷撫臣孫玉



庭陞任臬司吳俊辦理不善仍請

旨交部議處匪黨李陸飛及匪屬李亞趙等現經確審臣

等所訪素與李崇玉來往兵丁四人非李漢升此

次帶往之兵亦一併歸案另辦逃犯李崇玉仍止

緊緝拿撫臣孫玉庭現已到粵務卽和衷協力商

同設法查獲嚴辦至孫玉庭甫經到任未及會審

是以不列銜名相應一并聲明供招咨部再此案

因人犯過多陸續調集已遷時日復經審出李崇

玉之脫逃在施放鎗礮之先案情既殊更應詳細

嚴訊方足以成信讞臣親提審至四次始由李崇

那文毅公兩廣總督奏議

卷十四

癸

玉工人余亞川及其子供內訊出該犯實係十三

日日出時先逃而李漢升呂潔等於十三日巳未

午初始到其非因聞鎗礮而逃似確為可信臣不

必迴護亦斷不肯稍有寬縱而所以遲延之由實

因前後案供不符以致日久未卽陳奏謹

奏奉

硃批該總督大臣行在刑部嚴擬具奏

嘉慶十年十一月十一日

奏為誘獲李崇玉全夥由五百里恭摺馳奏仰懇

聖鑒事竊照會匪首犯李崇玉經撫臣孫玉庭於本年二

月內查拏被該匪先期脫逃旋聞竄入海洋與朱  
潰合夥屢經臣等附摺奏

聞在案伏思該匪與朱潰兩情固結不解斷難一時弋獲

若竟任其苟延喘息將來洋匪會匪聯成一氣水

陸勾引必致貽害無窮經年以來百計圖維均成

海捕臣此次行抵東莞適聞朱潰全幫寄泊南澳

外洋確知該犯在內當卽密飭潮州府朱爾賡額

就近多遣線人前往朱潰幫內先將賞格分與夥

眾俾相協助又在岸上布散流言謂朱潰暗中已

受賞約乘機要將該匪縛獻并將來往諭稟特為

那文毅公兩廣總督奏議

卷十四

癸

洩露一面又使投首人王騰魁等前往賊船明給

諭帖當朱李同在之時發交閱看朱潰默然不言

而李匪十分疑懼果然墮我術中立即分幫將其

家口及同黨之人自帶西竄前此朱爾賡額密布

腹心均出重賞僱用福建之人投在該匪船上令

作內應其中有何疊官者先在閩省犯案因偶上

岸被兵役盤獲審出作線之事為賊所覺遣去之

人悉行逃回內線遂斷然因此該匪更疑朱潰斷

不敢與之合夥矣臣勒令黃正嵩擒拏獻功之時

李匪自東至西恰與相遇卽經黃正嵩乘夜圍劫



壞其一船踉蹌而逸又經朱爾賡額封權鈞艘船二十六隻又新建米艇五隻又另撥漁船十號交奏留知縣楊桂蔭會同署運司劉光暉等督帶經歷戴鍾英及投誠之黃德泰等並役勇共千餘人分駕各船四路兜截又經陸豐營縣打沉一船獲犯林阿創一名訊止拉遼起梃之人解省歸案辦理臣又飛調副將李光顯帶領大幫兵船東上作為疑兵遙張聲勢作為西竄之路不令歸入鄭一烏石二等幫內如此周密布置該匪飛走路窮各夥亦漸解散此時本不難即令下手擒拏但恐臨

那文毅公兩廣總督奏議

卷十四

卒

陣之際或黑夜殺斃或情急跳海是此事終成疑案因再四熟籌派委惠潮道蔣倬銛肇羅道朱爾漢押令其戚族中老成殷實伊最相信者數人前往傳諭該匪如果歸命投誠當代求

皇上施恩免罪適值西路師船將到而朱爾賡額所僱各船即一面貼近圍裹又遊擊黃定全巡檢嚴奎亦帶船尾緊該匪計無復之隨於初十日午刻率其頭人夥眾上岸束手乞命共計一百十四名并繳呈五千石大船一隻三千石大船一隻大小鐵礮十門挑刀藤牌一百餘件鉛子火藥各四擔查李

崇玉一犯結會為首罪惡多端自前陞任巡撫臣朱珪查辦起迄今十有二年在岸則為勾通接濟之魁在海又招引夥黨且勾結閩匪深入粵境再復展轉稽延則水陸勾聯之勢既成其罪實不可問今因用間致其孤蹙且層層兜裹堅其求生畏死之心竟得仰仗

皇上天威各文武爭先用命誘獲其整股全家並無一名漏網事機尚為順手原其投首之心本非出於至誠自不得少為寬假惟海洋盜匪正多雖不專意於撫而用計亦期於得力此時祇可暫為從權辦

那文毅公兩廣總督奏議

卷十四

空

理查肇羅道朱爾漢現已蒙恩陞授廣西臬司例應陞見應即順委該臬司督同奏留知縣楊桂蔭將該匪小心管解運送

關廷聽候

皇上親提訊問

審斷施行至其頭目十三人立即分營密飭辦理餘人俱係脅從被擄仍照投首舊例安插散遣以泯形跡而安眾心此次大小各文武員弁爭功效命實為出力謹開列名單應否陞賞之處出自



皇上天恩臣未敢擅便謹馳奏仰慰

聖懷謹

奏

容安謹案李崇玉到案時文武各官請嚴備衛  
以見先公不從遂於閉齋設便坐笑談而見  
之待以尋常該逆既感寬宥之德復觀此威儀  
畏而兼服

嘉慶十年十一月三十日軍機大臣字寄奉

上諭據那彥成馳奏誘獲李崇玉全夥一摺李崇玉稔惡  
多年春間經孫玉庭查拏復被逃竄海洋經那彥成督

那文毅公兩廣總督奏議

卷十四

空

飭道府等購線設計四圍布置復派令該道等押令該

匪親信者數人前往傳諭始據該匪率領頭人夥衆一

百十餘名上岸投誠是那彥成辦理此案仍用招撫之

策不便在粵審辦今既經誘至巨憝已除現據那彥成委令朱爾漢督

同知縣楊桂蔭管解送京除俟到京交軍機大臣會同

刑部研審辦理外至其頭目十三人據那彥成奏稱立

卽分營密飭辦理殊未明晰此十三人是否業經飭知

正法抑亦辦理安插其夥衆百餘人如何安置是否尙

有該匪家屬在內均未據聲敘明晰著吳熊光查明具

奏

容安謹案時先公已解任

嘉慶十年十一月三十日奉

上諭據那彥成馳奏拏獲李崇玉全夥一摺李崇玉爲會  
匪首犯稔惡稽誅本年春間經孫玉庭前往查拏復被  
兎脫竄入海洋今經那彥成督率地方文武設法緝拏  
並購線招諭該犯率同夥黨一百餘名上岸投首業據  
那彥成派委朱爾漢等將該犯管解送京除俟解到日  
交軍機大臣會同刑部詳細研訊定擬外所有此次在  
事出力各員內道員蔣攸銛著加恩交部議敘知府朱  
爾廣額著賞加道銜知州劉光暉著賞加知府銜奏留  
那文毅公兩廣總督奏議

卷十四

空

知縣楊桂蔭著賞還翎頂遇缺卽補知縣謝最淳著交

部議敘縣丞周國泰州判馮瓊巡檢周如淵均著以應

陞之缺陞用從九品嚴荃著以縣丞陞用候補府經歷

戴鍾英捐陞縣丞胡以益候補從九品章鏞王金均著

儘先補用其總兵武隆阿叅將王國寶都司董定銓崔

有源均著交部議敘以示獎勵



罷斥逮問

謹按

欽差直隸總督調任兩廣總督吳公熊光馳抵粵東傳知

嘉慶十年十月二十二日奉

上諭本日辰刻先據孫玉庭馳奏辦理投首洋盜未臻妥善一摺內稱那彥成辦理投首盜匪約賞頂戴並每名賞銀十兩計海盜不下數萬若盡行招撫經費為難其殺賊投首之人未可盡信且此等盜犯罪皆凌遲斬梟今准其投首概置不問榮以頂戴加以重賞以致民間有為民不如為盜之謠揆諸事理殊屬未協會與那彥

那文毅公兩廣總督奏議

卷十四

查

成再三辯論意見不同等語是那彥成於洋盜投首一事竟屬辦理錯謬是以該撫據實奏朕披閱時卽料及那彥成日內亦必有奏報迨至已刻果遞到那彥成四百里馳奏之摺係在孫玉庭拜摺之次日所發內一摺係續報洋匪投誠節次統計已有三千一百七十五名口請仍照前議章程分別將出力者賞給干把外委頂戴其餘分別量予安插又另摺具奏辦理洋盜剿撫事宜據稱與孫玉庭兩次面商意見未能畫一並另單臚列各條多係分辯之語自係知該撫先經具摺故為此奏伊二人身任封疆意見齟齬猶屬小事至粵省海

盜充斥前授那彥成為總督原令會同該撫督飭地方文武盡心緝捕期於戢盜安民並非令其招撫乃前據那彥成兩次奏報洋盜投誠若干名請將出力各首犯賞給頂戴朕卽以為此等稔惡匪徒貸其一死已屬格外恩施豈可濫邀名器當卽降旨訓諭其賞銀一節特以其人數尙少尙可准行今前後投首者至三千餘名之多據那彥成稱盜匪情形十分窮蹙試思該督到粵以來並未有督率將弁出洋痛事圍殲擒斬巨盜之事該匪等方且乘間登岸搶劫燬臺肆其滋擾有何畏懼而遂形窮蹙乎又據稱該犯等船隻礮械既經繳官目

那文毅公兩廣總督奏議

卷十四

查

前已可無患等語辦理地方事務總當計及將來歷久無弊豈有祇圖目前之理况目前卽未必無患耶至稱兼用熟悉盜踪與新舊投降之人廣為間諜等語看來竟係設法招撫此等兇渠如果情急逃生輸誠投首尙當防其反側若招之使降如何足恃從前朕辦理剿捕教匪曾諄諄以勿事招撫為誡天下豈不知之况那彥成曾經行陣尤非他人可比卽軍營中實係窮蹙投誠或殺賊獻功者亦必令審訊明確然後酌予安插今那彥成奏稱既已悔罪投誠勢不可再加之審訊殊不成話該犯等來歷不明若不訊問確切豈可遽爾省釋至



所獻賊目首級既稱難於盡信又稱止可權爲包容該  
匪殺賊獻功自當將所殺之賊訊訪明晰方足憑信若  
概予包容該匪等詭譎異常設竟仇殺良民捏報殺賊  
呈驗首級假詞投首豈可置之不問有是理乎又據稱  
盜犯置之岸上尙有踪跡可尋得以制其生命等語大  
言不慚可笑已極盜匪在洋行劫祇係有害商旅近日  
漸肆鴟張原以其登岸劫掠不可不上緊緝捕地方文  
武於盜匪在洋出沒時尙不能謹守礮臺要隘制其登  
岸之路卽如李崇玉一犯乃係岸上匪徒經朕嚴飭緝  
拏那彥成猶未能尅期弋獲致令兇脫豈將海盜置之

那文毅公兩廣總督奏議

卷十四

突

陸路轉能制其生命卽伊祖亦未必有此才幹况那彥  
成乎該匪等積慣劫掠一無恒業此時卽按名賞銀十  
兩花消已罄卽賞給頂戴亦豈能入事羈縻是目前雖  
經投首將來必致背恩潛逃復萌故智並恐無數兇徒  
散居各處心懷叵測難保無與陸地奸民勾結煽誘別  
釀事端於大局殊有關係今那彥成奏稱籌及人數衆  
多或將廣西閒曠地畝給墾安插可見此次投首之三  
千餘名伊亦不能辦理乃出此謬悠之見廣西壘靖地  
方忽令數千匪徒裸處其間豈能保其日久相安倘廣  
西又不能容則將徙置何處此時投首之三千餘名業

據那彥成將出力者分賞頂戴並賞給銀兩自不便復  
行撤回使生怨望但此後洋盜必須力爲緝捕不可輕  
令投誠以杜後患且此三千餘名亦不可不設籌安置  
因思吳熊光托津在湖北審辦各案自必得有端緒奏  
摺諒已拜發在途現經明降諭旨將吳熊光調補兩廣  
總督吳熊光接奉此旨卽星夜兼程由驛赴新任其湖  
北應訊案件如尙審辦未結卽專交托津會同瑚圖禮  
秉公辦理並將私鹽小錢兩事會同查辦俟辦理完竣  
後托津著仍遵前旨馳赴廣東會同吳熊光查辦一切  
回京面奏至吳熊光抵粵後須將投首盜匪三千餘名

那文毅公兩廣總督奏議

卷十四

空

妥爲安置遣散爲第一要務並嚴飭沿海各口岸營汛  
上緊巡緝毋任洋匪登岸並嗣後不准設法招致其節  
次投首之犯如有滋生事端者著卽按律正法示懲勿  
稍寬縱至那彥成辦理緝捕洋匪徒事招徠投首祇圖  
海洋盜匪稀少有意見好見長殊不知辦理並未妥協  
此必係誤聽屬員慫恿或竟出自廣厚一人主見亦未  
可定那彥成廣厚俱著解任交吳熊光傳旨實訊將以  
上各情節詳細究問如祇係誤聽人言辦理錯謬卽當  
據實參奏一面令那彥成廣厚二人自行來京候旨或  
那彥成偏聽信任者不止廣厚一人亦當指名參辦倘



此外復訊有散法營私款跡卽當傳旨革職拏問並將任所資財查抄一面嚴行審訊按律定擬前聞所設軍工局聞亦係廣厚從中贊成此時如已裁撤則已若現尙設立著速行裁撤並將廣厚如何迎合那彥成之處一併查明據實具奏至孫玉庭與那彥成近在同城其設立軍功局等事豈竟毫無聞見何以並無一字奏及祇以那彥成辦理洋盜拔首未能妥協具摺陳奏殊屬非是著吳熊光傳旨將孫玉庭申飭並詳悉詢問具奏吳熊光接奉此旨卽將起程日期由四百里具奏到粵後辦理大概情形及查辦一切要件俱用五百里馳奏

那文毅公兩廣總督奏議

卷十四

突

將此由五百里傳諭吳熊光托津並諭瑚圖禮知之

謹按

欽差兩廣總督吳公熊光傳知嘉慶十年十一月十一日軍機大臣字寄奉

上諭上月二十二日據那彥成奏到續報洋匪前後共有三千餘名請賞給頂戴銀兩分別安插所辦非是是以特諭吳熊光前往查辦本日又據那彥成續收投首各起三百二十餘名現在賊匪窮蹙並據另片奏稱另有東路巨盜二幫來投人數不下四五千名卽星赴惠潮一帶親往辦理等語所辦草率錯謬深爲可慮着其摺

內所敘及抄錄賊供委員等紛紛購線並各口岸均有告示是前後報到之賊均非自行投誠竟係那彥成倡爲招撫謬論深信不疑惟欲藉以見好見長不顧事之利害輕重矣辦理洋盜惟有督飭文武實力勦捕之一法卽或因勦急來降亦當詳辨真僞分別核辦豈有將劫盜罪名置之不問優以賞項獎以官職率意妄行豈置勦捕於不辦乎伊摺內尙云此次查閱營伍諭令水陸將弁奮勉殺賊以堅賊匪投首之心士氣百倍振作等語可謂恬不知恥廣東營伍廢弛已極朕用那彥成爲總督令其實力整頓勦捕盜賊那彥成並不以勦賊

那文毅公兩廣總督奏議

卷十四

突

爲務專辦投首並將巨盜紛紛錄用營弁致兵民皆懷怨望士氣更何由振作設有他變那彥成實爲禍首罪魁縱執法重懲地方尙可問乎况有何把握如此擔承太不度德量力矣又據稱從前吉慶任內曾辦投首一千七百餘名迄今數年未聞另有滋事之案自謂可以仿照辦理殊不知吉慶意在招撫以致盜匪全無畏懼營伍廢弛日甚一日本屬錯誤且伊祇稱安插散遣並未優給頂戴銀兩其安插之處係在南雄一帶距海甚遠卽有黨羽亦難以勾結今那彥成將投首數千人散在各屬甚至列入營伍能保反側之徒不潛相勾結乎



伊尙云賊匪現在窮蹙肅清海氛真非難事等語實不成話現在外洋盜匪直入內河肆意焚劫並至省城戒嚴正所謂開門揖盜尙得謂之窮蹙乎那彥成前此摺內將各州縣焚劫之賊指爲內河匪徒以明其並非洋盜殊不知從前盜匪只在海面行劫並不敢肆行登岸今洋盜投首者紛紛而內河之盜其勢日熾豈將盜匪移入內河卽謂之肅清洋面乎封疆大吏辦理諸事小心敬畏尙慮貽誤今那彥成毫無慎重之心如此易視必貽後悔不知那彥成有何把握敢出此語其招尾又云自分十餘年少有知識真可謂爲不慚矣海疆重地

那文毅公兩廣總督奏議

卷十四

七

關係緊要今那彥成所辦如此朕屢念綦切吳熊光接奉此旨著卽迅速馳赴惠潮一帶接印任事將那彥成先後辦理投首一事妥爲經理所有前兩次投首之三千餘人業經那彥成賞給頂戴銀兩入伍歸農此時若必令繳回頂戴銀兩撤出營伍則伊等不免又生怨望且慮滋生事端祇可照那彥成原辦安插卽此次續又來投之三百餘名既經招致亦不得不在其投順惟所遣購線委員卽應全行撤回至現在東路巨盜二幫有四五千人吳熊光馳抵惠潮之後著詳細酌看如該盜等已中止不來則已設有投誠之事勢難却而不受必

須慎重辦理除其中本係裹脅者照例散遣外其曾經爲匪及著名之犯卽應查明如果此時實在殺賊立功方可加以收卹此後招致之說亟行截止免盜匪等源源而來辦理棘手再那彥成摺內稱現在安插之法大約頭目多願入伍散夥多願歸農粵省弁兵平日通盜者固已不少今又將積年匪盜紛紛歸入營伍豈不令其通同一氣往來無禁設竟與洋盜聯絡盤結如何辦理但那彥成業已准令入伍吳熊光惟當將入伍之盜撥入能事將備名下密令嚴加管束時時防範有犯必懲不可稍涉大意再盜首朱瀆一犯前此據閩浙督撫

那文毅公兩廣總督奏議

卷十四

七

奏稱業經官兵在崇武澳口用礮轟沉船隻將該犯淹斃今那彥成奏稱現在澄海縣報稱朱瀆不願回閩投誠願歸澄海受撫等語是閩省前報朱瀆淹斃之語尙不確實並著吳熊光詳查具奏朱瀆係有名盜首劫掠多年稔惡已久非尋常散夥可比若此等盜首徑來投誠豈有不問來由直與赦贖自應於來投之時責令立功自贖如果伊將劇盜總兵寶李崇玉之類設法殲戮呈驗方可免其一死准予安插庶幾辦理稍協又據另片奏稱現在經費不敷先於捐項下動用已諭令洋商兩商捐貲一二萬兩俟收到歸款等語籌畫經費



捕盜而設今那彥成並不以之捕盜而用以賞盜以每名十兩而論前後所給已屬不少將來照此辦理遇有勦捕要需又將從何支給那彥成此時亦自知難以爲繼故授意洋鹽兩商捐助著吳熊光據實查明如果該商等情願捐輸卽准其據情代奏屆時當加恩賞給議敘以示獎勵又據另片奏稱伊至粵東以來水土不習時多病痛恐有貽誤等語那彥成正在壯年或那彥成因見粵事難辦預存推委故爲此奏亦未可知均著吳熊光據實查奏無得稍涉瞻徇至廣西營伍相距較遠吳熊光此時亦無暇前往查閱著於廣西巡撫及提督

那文毅公兩廣總督奏議

卷十四

三

內奏明著定一員就近閱看又據另片奏稱革職守備羅耀紀請賞把總又羅成振等三人請賞外委等語羅耀紀及羅成振等均經出力拏賊俱著加恩照所請賞給把總外委以示鼓勵嗣後投首之人必須似羅成振等之實在出力拏獲方可施恩不得濫給也又另片請將收贖不甚出力之何英等三員暫摘頂戴又署鎮林國良請旨實授並傷故兵丁賴聲揚請旨賜卹等語林國良首先疏船擒賊尙爲出力著加恩准其實授左翼鎮總兵至叅將何英遊擊許廷桂守備曾欽選三員打仗不力著摘去頂戴示懲其傷故兵丁賴聲揚著加恩

照例賜卹又另摺奏都司鄭廷安請革職永遠枷號一摺鄭廷安緝捕懈弛自應察處但須核明情罪方爲允當鄭廷安著先行革職其那彥成所請永遠枷號之處應否如此嚴懲並著吳熊光秉公查核具奏其那彥成所請簡放春江香山二協副將已交兵部檢查可放人員奏請簡放又據奏請揀發副叅等弁員亦已派員揀選俟引見發往

謹按嘉慶十年十一月二十八日

欽差總督吳公熊光傳知奉

上諭本日據那彥成馳奏巨寇黃正嵩殺賊獻功率衆投誠及紅單鹽船攻獲盜匪多名二摺朕詳加披閱黃正嵩爲積年巨盜今悔罪來歸攻殺擒獻別幫盜匪多名率其夥黨一千四百五十餘名口投誠自係真心改悔現據那彥成從優捐賞銀兩並據奏懇賞給實缺千總那彥成自己先給千總頂戴是以保奏實缺吳熊光到後查明黃正嵩如已經那彥成賞給頂戴自無庸再行撤回應傳到黃正嵩面行曉諭以爾能縛獻盜匪率衆投誠業經那總督奏明奉旨賞給千總頂戴現在匪首李崇玉在逃未獲責令親赴洋面緝捕如能將該犯弋獲卽當奏補實缺若不能擒獲該犯且予頂戴虛榮俟

那文毅公兩廣總督奏議

卷十四

三



再有出力方可仰邀恩賞並當諭以那總督業經內召進京是以奉旨令本總督前來接辦爾等性應奮勉立功上進且不可將那彥成因辦理招撫洋盜失當經朕諭斥之故稍有宣露致啟其疑貳也朕於洋盜投誠一事原非欲必行禁絕如果實有誠心悔罪窮蹙來投者自當寬其一線現在福建浙江均有投誠盜匪業據准行但不可以收撫為事派員四出招徠吳熊光到粵當妥為辦理從前那彥成所賞投首盜匪頂戴銀兩此時均不必撤動嗣後不可再行招撫果實有認真出力投首如黃正嵩之殺賊立功者仍當酌量奏賞頂戴此外

那文毅公兩廣總督奏議

卷十四

七

或實有改悔自新者准貸其一死分別四散安插亦無不可若概行拒絕則又誤會朕意矣至黃正嵩此次請帶得力夥眾二百餘人出洋緝捕自應准令攜帶俾資得力其安插人伍歸農各犯亦當隨時查察毋令聚集滋事如有過犯立即懲辦又據奏繳出盜船礮位有重至三千觔者此等礮位必非海船中所能製造若非在岸鑄成焉能頃刻猝辦何以地方文武漫無督察著吳熊光查明來歷將失察之員參奏嗣後當嚴行查禁不得再有透漏至那彥成所請將唐光茂易萬里等分別議敘一節該員等奉上官委派招撫原無不合且招撫

多名自應給與甄敘但該員等是否實在出力其投首出力之人是否曾經殺賊立功亦著吳熊光查明或應照那彥成所請加恩或應酌量輕減之處統俟覆奏到日再降諭旨至另片奏運使蔡其武將黃正嵩一幫投到人眾捐給安插各費並催募紅單船隻已明諭旨將蔡其武等分別陞敘矣其單開候補從九品花東苑降旭升及投首之陳綱陳添保嚴在綱均據奏懇加恩但閱摺內並未詳細該員等如何出力之處未便即予恩施並著吳熊光查明具奏那彥成原摺著發交吳熊光看

那文毅公兩廣總督奏議

卷十四

七

謹按嘉慶十年十二月十五日

欽差總督吳公熊光傳知奉

上諭那彥成另摺奏續收投誠各起分別辦理一摺據稱又有盜匪伍誠發譚亞辰張亞秋及羅友等帶領男婦三百餘名前來投首並稱譚亞辰等在烏猪外洋見有風飄兵船一隻被賊搶奪正在危急之時趕上將賊船打散救取官兵當經訊取所救船內之弁兵人等供亦相同等語該盜匪等因見兵船被風危急上前趕救既據查訊確鑿尙有微勞與尋常投誠者尙有區別譚亞辰伍誠發張亞秋著加恩賞給額外外委以示鼓勵其



餘投誠各犯既經那彥成准行此時亦不便再行駁飭  
惟當分投散遣妥為安插勿任生事

嘉慶十年十二月十五日奉

上諭本日據那彥成奏前於廣州灣攻捕賊匪時搜出賊  
匪鄭文顯等約單一紙字句狂悖此次在潮州詢問解  
到入伍之黃德興等據稱盜匪鄭文顯等多係安南阮  
光平舊人自其子為阮福蔭所併有號稱安南三太子  
者竄匿各幫各頭目皆十分崇敬商欲扶伊奪取安南  
又因安南自寶興破後都無所歸蔡牽獨為富足臺灣  
汛兵不能當彼現在與蔡牽並朱濟等約會合幫等語

那文毅公兩廣總督奏議

卷十四

七

從前安南阮光纘竊盜分賊各幫盜船藉為逋逃之藪  
本屬確鑿此時安南滅亡各盜船無所依附見有遺孽  
竄匿盜船羣相附從欲圖攻取越南以為報復之計又  
因一時寄泊無所欲與蔡牽等合幫思向臺灣滋擾此  
等情事均難保其必無著吳熊光密為留意此時惟當  
督飭出海兵船上緊勤捕並嚴飭各處口岸一律防範  
斷其接濟之路使之坐困重洋窮無所往並當密速行  
文知照越南以現在廣省拏獲盜首訊出有號稱安南  
三太子者帶夷人數百竄入盜匪幫內各盜頭目如鄭  
文顯即鄭一麥有金即烏石二吳智清即東海伯梁寶

即總兵寶鄭學憲即亞婆帶李湘清即金特養多係從  
前阮光平舊人現在欲想扶助報復為奪取越南之計  
因去年攻打該國東京不勝今年復約會蔡牽朱濟同  
到西路合幫爾國不可不預為防備至前開鄭文顯等  
各犯係有名巨盜現在天朝指名查拏不容漏網設有  
竄至爾國地方經爾國拏獲者訊明之後不可擅行誅  
戮可即縛送天朝歸案辦理大皇帝必倍加恩獎因爾  
國恭順有素特行知照俾得預為籌備等語諒該國王  
接奉知照自必一體防範於緝捕更為有益

嘉慶十一年正月初九日奉

那文毅公兩廣總督奏議

卷十四

七

上諭前因那彥成在粵東辦理洋匪種種錯謬并有與藩  
司廣厚看戲飲酒之事當經降旨將那彥成廣厚解任  
交吳熊光詳訊具奏茲吳熊光具奏訊取那彥成廣厚  
親供據實奏令那彥成廣厚自行進京候旨等語朕  
細覈所奏情節那彥成初任兩廣總督時原銳意肅清  
洋面分派水師官兵出洋巡緝以致沿海各口岸守備  
空虛嗣因盜劫頻聞水師官兵又不能得力遂廣行間  
諜四出招撫有具報投誠者不加查訊即給予頂戴銀  
兩先後投首人犯計有五千數百餘名之多實屬師心  
自用試思海洋盜匪劫掠不法原應督飭文武上緊緝



拳嚴辦方足以懲奸宄而靖海疆今那彥成借爲招撫  
祇圖多一投誠卽少一劫盜殊不知此端一開則武職  
憚於冒險出洋藉避風濤必致日漸疎懈文職以招致  
盜犯得邀上官嘉獎不惟地方捕務從此廢弛卽兵丁  
等目覩洋盜擄掠傷人不旋踵而賞給銀兩頂戴以致  
交相含怨物議沸騰那彥成辦理失當之咎實在於此  
幸而此五千數百餘名投首之犯尙俱安靜帖服那彥  
成尙無大罪至設立軍工局一節那彥成因盜案繁多  
亟思審出真情因從前原有軍工廠是以設立軍工局  
派員經理那彥成亦自知所辦非是旋卽裁撤其餘如  
那文毅公兩廣總督奏議

卷十四

七

看戲飲酒等事並訊問屬實猶其過之小者此外並無  
婪索營私款蹟那彥成素日自謂才具過人不肯虛衷  
是其受病之處前在陝省督辦軍務未能妥協撤合回  
京降職未及數年復經朕特恩棄瑕錄用擢授封疆並  
疊次諄諄訓誡至再至三乃竟未能悛改舊習虛心任  
事實屬有負朕教誨成全之意姑念尙無別項劣跡招  
降盜匪等亦並無滋事之處尙可畧加寬宥不至罷斥  
治罪廣厚於那彥成招撫設局等事訊無惡惡情事但  
伊身任藩司與那彥成近在同城並不阻止且有與那  
彥成飲酒看戲之事亦有不合除另降清字諭旨將那

彥成廣厚派往新疆辦事外所有伊二人獲咎緣由特  
諭中外知之

嘉慶十一年正月初九日

命降藍翎侍衛爲伊犁領隊大臣

嘉慶十一年正月二十八日奉

上諭前因那彥成在兩廣總督任內招撫洋匪辦理錯謬  
將伊降爲藍翎侍衛派充伊犁領隊大臣茲據吳熊光  
續行查出洋盜黃正嵩投首時那彥成先行賞給四品  
藍頂旋卽掣回改給千總頂戴昨李崇玉解到經軍機  
大臣會同刑部審訊並據李崇玉供出那彥成亦曾給

那文毅公兩廣總督奏議

卷十四

七

與四品藍頂等情四品藍頂較重那彥成輒以賞給投  
出盜首實屬任意妄爲那彥成豈復能勝領隊大臣之  
任著革職伊現在行抵何處卽著該督撫派員押送來  
京交軍機大臣會同刑部審訊具奏

嘉慶十一年二月初四日奉

上諭連日軍機大臣會同刑部審訊粵省解到盜首李崇  
玉將該犯供出那彥成給予銀牌并印劄等件均經呈  
覽銀牌泐有免死字樣已屬不合而劄付則係授意總  
兵武隆阿令署潮州右營守備直書署守備李崇玉并  
預支行糧廩給太不成事體矣李崇玉係廣東甲子司



地方為匪盜首人所共知朕先有所聞密令該督等查  
 拏上年該犯聞拏脫逃那彥成將伊親屬查拏審訊定  
 擬照擬大逆律辦理緣坐發遣該犯逃竄出洋與盜首  
 朱濱合夥彼時那彥成因其與朱濱情意不合遣人間  
 謀若果能設法擒拏將縛獻之人奏明酌賞官職尙屬  
 近理乃那彥成誘致李崇玉後輒賞給五品頂戴嗣該  
 犯見降盜黃正嵩先已給用四品藍頂欲一律戴用那  
 彥成隨亦賞給又因該犯稱所賞之官並無憑據令總  
 兵武隆阿給與守備印劄實出情理之外國家名器信  
 賞必行若如那彥成所辦是官員頂戴及一切印信劄

那文毅公兩廣總督奏議

卷十四

全

付全不足憑威福任意是非顛倒大員任用深恩似  
 喪心病狂李崇玉身係重犯所求輒遂設充其量更有  
 無厭之請亦將曲從之乎不意那彥成任意妄為乖張  
 紕繆一至於此而已降旨將那彥成革職令沿途督撫  
 派員押解來京尙覺稍寬著派乾清門侍衛慶惠玉福  
 馳驛迎赴前途傳旨拏問解交軍機大臣會同刑部嚴  
 審定擬具奏

嘉慶十一年三月初十日奉

旨本日軍機大臣會同刑部奏審擬那彥成誘致李崇玉  
 率効力贖罪一摺前因廣東營伍廢弛洋盜充斥特將

那彥成調任兩廣總督原令其整頓營伍緝捕盜賊使  
 海疆日就寧謐朕屢次所降諭旨皆以認真緝捕從未  
 令其招撫亦並無密諭及此那彥成果能督率水師將  
 弁奮力擒拏將大幫賊艇痛事誅鋤其餘竊夥窮蹙來  
 歸或可准予投首斯為正辦然亦止貨其一死尙無加  
 賞官職之理乃那彥成到任以後並不能實力展作使  
 戎政捕務煥然改觀惟以招撫為事若三洋匪眾多若  
 船數少不敷剿捕原可奏請添造即經費不足那彥成  
 年來所請動用各款亦無不降旨立准俾資籌辦不謂  
 那彥成因見水師出洋不甚得力即希圖速效師、自

那文毅公兩廣總督奏議

卷十四

全

用購線招致前後投出洋盜首夥三千餘人分賞兩  
 盈千累萬此等賞項與其散給犯法白首之賊何如以  
 之獎勵兵丁使之感奮捕盜緝暴安良乎那彥成身任  
 封疆如此賞罰倒置無怪乎兵丁交怨也即如李崇玉  
 在甲子地方種種不法稔惡連誅係朕特交該省督撫  
 查拏之犯因辦理不能嚴密李漢升等往捕兵丁施放  
 鎗礮俾得聞聲兎脫那彥成到任後又不能迅速擒捕  
 前已將其家屬照例緣坐及至將伊誘致輒付給免死  
 銀牌又給以四五品頂戴及署守備劄付銀兩等項抑  
 解來京轉致礙難辦理總由那彥成一意主撫遂不顧



事理之顛倒錯謬若此設海疆督撫相率效尤主撫於  
練兵捕盜等事皆不認真辦理惟圖將就塞責其廢弛  
尙可問耶朕之所以罪那彥成者實在於此那彥成係  
棄瑕錄用之人似此種種妄爲實負委任深恩著卽照  
所擬發往伊犁効力贖罪交與松筠嚴加管束數年後  
再行具奏

那文毅公兩廣總督奏議

卷十四

全

那文毅公兩廣總督奏議卷十四

那文毅公奏議 卷一五

那文毅公西盍辦事大臣奏議目錄 附官階

卷十五

勦捕野番

卷十六

勦捕野番

籌辦善後

卷十七

搜捕餘賊

附議駁徐侍御條奏

敘績保薦

附恭報交卸

那文毅公西盍辦事大臣奏議

目錄

一

五〇三



那文毅公西寧辦事大臣奏議卷十五目錄

卷十五

物捕野番

那文毅公西寧辦事大臣奏議

目錄

一

官階

嘉慶十一年正月二十五日由伊犁戍所

擢授三等侍衛為伊犁領隊大臣

嘉慶十一年三月二十日

擢調喀喇沙爾辦事大臣

容安謹按伊犁領隊大臣喀喇沙爾辦事大臣

各任均循例奏件故不贅錄

那文毅公西寧辦事大臣奏議

卷十五

一



那文毅公西寧辦事大臣奏議卷十五

男容安恭輯

勦捕野番

嘉慶十一年五月初六日

擢調西寧青海辦事大臣

容安謹按先是西寧辦事大臣貢公楚克札布

奏野番揣咱族番目尖木贊之姪克什搶劫蒙

古牲畜及堪布喇嘛牛隻

上命貢楚克札布甘州提督百祥帶兵勦辦雖獲連勝而

賊番仍未斂戢竟搶內地居民戕傷兵丁

那文毅公西寧辦事大臣奏議

卷十五

一

上復命寧夏將軍興公奎統轄師旅貢公楚克札布奏贊

軍情仍未就緒

上復調長公齡為陝甘總督統轄師旅以

先公

擢調西寧辦事大臣奉

命恭贊軍務

嘉慶十二年六月十三日軍機大臣字寄奉

上諭興奎奏殲斃賊番二族現在差探進剿情形一摺此

次興奎等查明貴德所屬卓色勒一族屢經做賊現又

逃往他受族下與之聚合當即派兵進剿該賊番等敢

於佔住山頂公然抗拒實為可恨經官兵分路直上不

能抵敵始行奔竄共追殺賊番一百餘名生擒三名奪

獲牛羊馬匹約計一萬有餘賊番經此痛剿挫其兇鋒

庶可稍示懲儆現在官兵探明賊番逃往何處自當乘

勝深入一鼓殄除但其餘安靜番族雖經興奎等向其

面諭令各安業不致滋事而此等犬羊之性究恐無常

不可深信此時官兵追剿賊番步步深入仍當嚴防後

路或多設卡座廣為巡邏總須聲氣聯絡加意防備方

可無慮其此次奪獲之牛羊馬匹既有萬餘即當查明

失主分別給領如無失主承認即作為進剿官兵口糧

那文毅公西寧辦事大臣奏議

卷十五

二

縛獻賊首該番目伴為應允迄今遠避不知去向風聞

有糾約各賊番抗拒之勢等語尖木贊曾經賞戴翎頂

非其餘番眾可比當此官兵查拏賊番之時並不出力

報効轉敢糾約匪眾抗拒官兵似此背恩稱亂直係叛

逆興奎等摺內祇稱其情同叛逆未免措辭失當已用

硃筆改示矣該處番賊滋事既係尖木贊為首必當設

法擒獲嚴行懲辦方可以懾服番眾且恐其糾約各族

即在後路滋擾興奎等探明該逆現在何處即當迅速

統兵進剿不可遲逾設兵力尚覺不敷不妨就近酌調

以期聲威壯盛早就肅清長齡昨已陛辭出京於何處



接奉此旨即著馳驛前往俟到蘭州後察探情形如賊番業已辦理完竣自毋庸再往會辦設或剿辦尙在費手即當親自馳赴該處會同興奎等熟商妥辦現在那彥成應亦將次到彼伊任同叅贊當與興奎帶兵同辦貢楚克札布已放察哈爾都統伊俟那彥成到後同住數日詳細告知辦理情形即著起程來京請訓赴任

嘉慶十二年七月十九日軍機大臣字寄奉

上諭長齡奏兼程馳赴蘭州接印督催續調各官兵迅剿賊番一摺據稱興奎等續調涼州洮岷甘州撒拉爾官兵三千名前往協剿此次剿辦賊番已逾三月尙在續

那文毅公西寧辦事大臣奏議 卷十五 三

調官兵自係辦理未能得手等語前據興奎等奏剿辦三族賊番殲擒賊匪多名奪獲牛馬羊隻一萬有零似已辦有端緒今遲逾數月之久又經續調官兵迄未辦竣看來尙無把握貢楚克札布尙未經歷行陣於軍旅之事本未嫻習興奎雖經從事戎行但未統率師干獨當一面恐於剿捕機宜亦未能深悉長齡曾經督兵剿辦教匪宜力行問那彥成亦曾帶兵打仗所有剿捕賊番一事自能斟酌會辦長齡馳抵蘭州後察探情形如興奎等在彼辦理此事並無未協即著長齡那彥成二人幫同興奎妥為經理貢楚克札布於那彥成到彼後

即著起程回京請訓再赴察哈爾新任所有奏報之摺興奎列名在前長齡那彥成列名在後若興奎在彼不能得力即著據實密奏將興奎撤回本任其剿捕事務即責成長齡那彥成二人專司辦理所有奏報之摺長齡列名在前那彥成列名在後倘伊二人自揣辦理未能裕如不妨奏明另請添派大員前往會辦以期迅速集事惟是野番族類繁多此次督兵進剿祇須懾以軍威令其實在畏懼將在逃賊目縛獻並探明朱八崖地方將尖木營擊獲治罪即可撤兵亦斷無將賊番概予駢誅之理長齡惟當酌量情形熟籌辦理俾邊境永臻

那文毅公西寧辦事大臣奏議 卷十五 四

宣謐方為妥善

嘉慶十二年七月二十四日軍機大臣字寄奉

上諭興奎等奏連次攻剿賊番及酌籌添調官兵各緣由一摺覽奏俱悉此次賊番在甘壩竹壩等處恃險抗拒經官兵節次攻擊殲斃賊番數十名餘賊狂奔肆竄看來已就窮蹙據摺內稱賊番等不過倚仗馬力善於登山涉險此外實無伎倆等語現在隨營馬隊官兵恐不甚得力雖有格布舍在彼帶領但僅伊一人督率未免太少現已另降諭旨由京揀派東三省曾經出師年力精壯技藝趨捷之侍衛章京數名馳驛前赴西寧交與



奎等酌派領隊俾資得力俟剿辦賊番完竣即將該侍衛章京等留於彼處交長齡那彥成以營員補用倘該侍衛章京等到彼後軍務業已告蕪亦著留於該處以相當之缺補用至賊番尖木贊既不能縛賊自効膽敢於揣咱等五族內挑出騎馬番子七百餘人預備抵當官兵卽屬叛逆必當痛加殲戮以示懲儆卽使該犯畏罪乞命投誠亦不得稍從寬宥此時長齡那彥成俱將次到彼惟當與奎酌籌安辦以期永靖邊圉又據奏現在所帶之兵已有四千五百名除分撥外尙覺不敷請添調涼州兵一千名甘州兵五百名洮岷各營兵一

那文毅公西寧辦事大臣奏議

卷十五

五

計十一萬有零除調取犒賞外俟軍務完竣飭令變價歸入軍需項下報銷等語殊未得體此項牛羊若查問事主給還恐該蒙古等不免以少報多希圖冒認轉致不敷現在既交慶收管卽著該道員查明細數交長齡那彥成先儘接濟兵食再酌賞軍營出力官兵如有餘剩俟剿辦賊番事竣後傳旨分賞衆蒙古俾伊等共知此項牛羊本應入官今格外施恩賞資伊等自必倍加感激也

嘉慶十二年七月十八日

奏爲恭報馳抵平番並陳軍務情形事

那文毅公西寧辦事大臣奏議

卷十五

六

交印起行後行抵哈密知有西寧用兵之事又於甘州接奉由興奎等轉行

諭旨蒙

恩令臣參贊軍務當卽兼程行走於七月十五日馳抵平番平番去省不遠臣急欲細知蒙番情形因先期與藩司蔡廷衡彼此知照均於是日齊到據蔡廷衡將一切情形備細告知又於甘涼途次節接軍營西寧道慶收來信云連日大軍進剿屢獲勝仗惟尖木贊於六月二十八日率領五族番衆悔罪投誠情願隨營効力並呈獻牛隻忽於是日夜間



又復驚逃我兵連日窮追等語次日又來信云七月初九日據多爾才溝所安軍臺原派外委馬友等稟報忽有二三十賊番將軍臺馬匹鍋帳全行搶去並截傷兵丁二名賊番皆在沙溝一帶搶掠等語臣伏讀屢次

上諭均皆

飭令大兵必須齊集進剿務使軍威壯盛一鼓成功更須

肅清後路最為緊要今果後路糧臺被劫誠不出

聖明所料仰見

皇上廟算如神洞悉軍務臣不勝欽佩之至現在續調甘

那文毅公西寧辦事大臣奏議 卷十五 七

涼之兵恰過貴德前進臣即飛飭涼州鎮吳廷剛

會同慶熉酌留一半在各臺往來巡邏其餘仍帶

赴大營隨征而與奎等已於大營內撥回兵丁四

百名慶熉又移調西寧兵二百名刻下聲勢連絡

賊番已去後路無虞可以請免

聖厘臣兩三日內亦可馳到西寧貴德一路躉為料理後

路督臣長齡不日計可到來容臣等先將一切事

宜通盤籌算計出萬全務於八九月下大雪以前

可以撤兵臣肅事以仰慰

聖懷至臣屢獲重譴今蒙

聖恩成全俾同叅贊之任臣惟有竭盡血誠悉心贊理以

期仰報

皇上高厚鴻慈於萬一容臣到任後再行專差齎摺恭謝

天恩謹

奏

嘉慶十二年八月初一日軍機大臣字寄奉

上諭那彥成奏馳抵平番探報軍務情形一摺覽奏俱悉

那彥成於甘涼途次節據西寧道慶熉稟稱大軍進剿

番賊屢獲勝仗惟尖木贊於六月二十八日率領五族

番眾悔罪投誠忽於夜間又復驚逃並據多爾才溝所

那文毅公西寧辦事大臣奏議 卷十五 八

安軍臺外委稟稱賊番二三十人將軍臺馬匹鍋帳全

行搶去截傷兵丁二名等語賊番尖木贊既不能縛獻

賊匪自効乃率領五族投誠旋又驚逸並搶劫後路糧

臺戕害官兵可恨已極該犯逞其狡猾伎倆甘心叛逆

必當迅速擒獲明正刑誅即使該犯果誠心乞降亦不

得稍從寬宥此時那彥成諒已早經到彼長齡計亦馳

抵該處惟當與興奎熟籌妥辦以期永靖邊圉又據摺

內稱務於八九月下大雪以前撤兵肅事等語所見甚

是番眾族類繁多良莠不一此次剿辦賊番祇須將滋

事不法之徒加以懲創並將賊目尖木贊擒捕就獲按



律辦理俾番眾震懾軍威即可撤兵了事非必欲掃穴  
駢誅將番族概行殲洗若辦理稍有遲逾或致大雪以  
前尙未竣事豈不日久稽延徒煩兵力興奎等惟應趕  
緊勦辦尅日撤兵藏事方爲妥善至該處勦辦情形與  
奎等於前月初二日奏報後直至二十四日始續有奏  
報且此次那彥成所奏尖木贊投誠後忽又肆劫之處  
均未據興奎等詳悉具奏殊屬疎畧朕屢念軍務情形  
無時或釋著長齡那彥成到彼後先將勦辦大概情形  
據實具奏此後並著每隔數日奏報一次以慰屢注

嘉慶十二年八月初六日軍機大臣字寄奉

那文毅公西寧辦事大臣奏議 卷十五 九

上諭長齡奏趨程前赴西寧並陳軍務情形一摺據稱勦  
辦賊番自進兵以來節次奏報殲獲甚多所獲牲畜計  
十一萬有餘數對人數賊數多寡懸殊其中恐不能分  
別良莠轉致正賊遠颺無辜被戮等語所奏甚是恐不  
能免此弊前經節降諭旨令興奎等查明番族實在滋  
事不法者指名懲辦以軍威便可撤兵了事原無將  
番眾概予駢誅之理况番族窮苦多疑素以牲畜爲命  
今奪獲牛羊馬匹至十餘萬之多恐失業番民因餬口  
無資難保不於藏事撤兵之後又復潛至蒙古地界乘  
間劫掠彼時又須調兵緝捕轉勦辦伊於何底且番

族性情剽悍言語不通若不設法安撫善長殄除兇暴  
必致相率驚疑豈竟聚而殲洗兼之番境氣候早寒地  
勢險峻亦不值疲勞兵力日久稽延此時那彥成早經  
到彼長齡亦馳抵該處惟應與興奎酌量情形通盤籌  
畫或於大雪以前暫緩進兵或可設法懲辦卽日竣事  
之處總需計出萬全一勞永逸朕亦不爲遙制倘興奎  
從前辦理未能妥協不可意存迴護至尖木贊先率五  
族乞降旋又竄去一節已據那彥成奏及野番族類繁  
多亦未必盡聽尖木贊一人指使但該犯膽敢叛逆自  
應嚴緝重懲卽使悔罪投誠亦不得曲從寬宥一俟該

那文毅公西寧辦事大臣奏議 卷十五 十

犯就獲後按律辦理庶番眾咸知斂戢不致伺隙滋擾  
興奎等當相機籌辦以期永靖邊圉方爲妥善

嘉慶十二年八月初十日會同寧夏將軍興公奎

陝甘總督長公齡察哈爾都統貢公楚克札布

奏爲 等馳抵軍營查明辦理情形並現在會籌勦撫

機宜事竊 長齡前自蘭州拜摺後卽日起程於

前月二十九日趕赴西寧與 那彥成會晤卽由

貴德一路出口馳赴軍營行至多格頓瑪地方適

興奎貢楚克札布已由甘肅移師前來 等相晤

後面詢辦情形並知興奎等現在派令副都統



格布舍提督百祥總兵蕭福祿游棟雲等帶兵分  
路剿辦沙卜浪一族所有攻剿情形已由興奎等  
具

奏查青海蒙番稜處蒙古王公等苦虐其下多有投入

番族之人因而勾引野番肆行搶掠以圖報復而

蒙古等懦弱無能惟憑官為辦理屢年呈告請兵

未遂其願因即引帶番賊入我大通地方即犯

天朝邊界勢不能不動大兵伊等可藉消其積怨其實糊

塗野番並未知何為內外不過惟利是圖向來辦

理番案不過陳軍番地示以兵威該番等震懾自

那文毅公西寧辦事大臣奏議 卷十五 十一

投呈獻賊即可撤兵完案然兵退賊來愈辦愈

甚今得仰蒙

皇上洞悉番情震赫

天威聲罪致討興奎等督師深入數月以來屢破番巢頗

有勦戮現在各族作賊之人紛紛逃竄又有官受

等二十餘族投誠歸命來營乞降事機尚屬順利

惟查各野番言語不同性情各異其愚蠢無知真

同羊犬是以每見官兵無論勦捕何人即施放

鳥鎗一經放鎗抗拒即同叛逆雖經諄諄分別黑

白亦未必家喻戶曉至彼此既經對仗牛羊牲畜

丟棄滿山亦不得不向前驅奪是以所殺者未必

皆作賊之人而所獲者亦未必盡被劫之賊統此

案全局而論大兵進剿雖未能大加痛剿然軍威

壯盛屢次破巢馘醜已足寒賊番之膽此番撤兵

後或可暫時安靜是辦理得宜在此但番族以牲

畜為生既未多除其顯惡已先亡其恒產將來不

能自活盜劫因而愈增是善後之難亦在於此至

沙卜浪一族向稱梗化近日竟敢收留散賊負固

抗拒自應加之勦辦以懾番賊而彰

國法惟刻下番地霜雪已降泉竭草枯此後天氣愈寒瘴

那文毅公西寧辦事大臣奏議 卷十五 十二

氣愈重人馬冲寒觸癘多致病傷因此化外無知

之野番以致勞損官兵糜費

國帑實屬不值臣等斟酌情形與興奎主見相同倘該

番族畏懼投誠即當仰體

皇上好生之心准其悔罪縛獻正賊遵

旨速行撤兵告厥所有善後事宜臣等再為悉心籌酌

以期益臻妥善再撤拉爾回兵本未嫻習紀律誠

如

聖訓難以駕馭然此次從事番地與前次辦理教匪時情

形又有不同緣該回民等住居河州接壤循化亦



深畏賊番搶掠志切同讐今令隨同官兵勦捕番賊無不爭先奮勇力圖報復是撒拉爾與野番互結仇讐轉可作我屏籬亦遠勝於不能振作之蒙古不堪驅使應請

旨仍將現在五百名留營勦賊俟軍務稍有頭緒卽當遵旨先行撤回原處謹

奏

嘉慶十二年八月初八日會同寧夏將軍興公奎

陝甘總督長公齡

奏爲連日攻勦沙卜浪大族賊番並陸續投誠十餘族

那文毅公西寧辦事大臣奏議

卷十五

三

番目事 臣等前將勦滅竄賊並收撫降番情形具

奏在案查沙卜浪一族地近循化人數較多尋常最爲

兇狡且各族擊散賊番陸續逃往依附爲奸倚恃

地險人多敢爲抗拒實爲可惡 臣等再四商酌務

將此族賊番痛加勦戮方足以懾衆族而申

國法 臣等於七月二十五日自細麻岔拔營移駐甘壩

分路差探賊匪路徑形勢隨挑派總兵蕭福祿游

棟雲由鳴楞雅哈一路進發百祥格布舍吳廷剛

由三阿一路進發博勒忠阿由循化一路探勦 臣

等由三扎灘一路將應據蕭福祿游棟雲稟於初

四日行抵什尖里幹遙見賊番佔據各山早有准

備我兵相度地勢分路前進參將張聯奎土司韓

輝宗由右首山梁攻擊游棟雲帶同都司吳順由

左首溝內直上蕭福祿帶同遊擊馬隆等由中路

攻撲賊番各據險要不動適有撒拉爾數十人從

陡崖盤上鎗斃賊番數名土司韓輝宗乘勢搶上

山梁游棟雲之兵亦已撲進賊番不能兼顧立即

亂竄滾崖跌斃數名殺斃十餘名賊番入溝奔跑

又殺斃二十餘名酉刻收兵將殺斃賊番首級內

認有賊目窩常且木正首級一顆並奪獲牛馬羊

那文毅公西寧辦事大臣奏議

卷十五

四

六百餘隻當卽分賞官兵撒拉爾以示獎勵至次

日賊番仍在汪科合大山屯紮我兵正在齊隊進

攻之時突有賊番百餘人在右首山梁埋伏直衝

兵隊蕭福祿等分兵兩路攻壓都司吳順帶領循

化營保安營官兵同撒拉爾繞至山梁奮力攻壓

賊番且戰且行我兵鎗礮齊發擊斃賊番甚多都

司吳順奮勇撲入賊隊中鎗陣亡土司韓輝宗等

帶領撒拉爾鎗斃賊番數名將吳順屍身搶回本

日擊斃賊番多名竟日攻打未暇割獲首級初六

日百祥格布舍等依期到來因霧大雪深將營盤



舊曆初七日早賊番在沙卜浪溝林中施放鳥鎗我兵仍分兩路進攻擊斃賊番數十名拏獲一名適副將博勒忠阿之兵亦到在賊番後路攻撲鎗斃賊番二名追至賊巢我兵鼓勇直前撲至土房牆根拋擲火球燒死賊番十餘名殺斃九名沿途追趕又殺賊番三名將各溝內藏匿賊番挨次搜捕並收割麥田以絕賊糧一面由葉什冲寺追至虹霧弄地方收獲牛馬羊二萬有餘我兵各路會齊現皆佔據山梁扼要安營步步緊逼賊勢實已窮蹙<sub>臣</sub>等一路大營於初二等日據循化番僧

那文毅公西寧辦事大臣奏議 卷十五 五

昂貴帶領投誠之卓色勒他受都受瓜什濟思滿受剛咱他爾迭查那黑里沙占札干布魯日貫工麻等十二族番目俱來投誠乞命<sub>臣</sub>等查各番族內從前原有做賊之人亦有實在安分之族<sub>臣</sub>等查其情形實出畏懼當即面為開導諭令務須守分倘再有做賊不法之事定俱剿滅嗣後各該族中有逃回之賊立時縛獻不得隱匿隨發給執照同業經投誠之加咱等六族均行安插駐牧去訖查沙卜浪賊番現在業極窮蹙如果始終抗拒自應盡予誅除設此時能知畏懼縛獻投誠<sub>臣</sub>等再

當細心酌量仰體

皇上好生之仁准其歸命投誠著落獻賊正法以示儆戒

即可撤兵戡事此次帶傷陣亡官兵容俟查明咨

部謹

奏

嘉慶十二年八月初八日會同寧夏將軍興公全

陝甘總督長公齡

奏<sub>臣</sub>等接奉

硃批諭旨著將撒拉爾回民停其徵調欽此<sub>臣</sub>等伏查前

據該土司等呈懇回民與賊番接壤亦受其害義

那文毅公西寧辦事大臣奏議 卷十五 六

切同仇情願出力<sub>臣</sub>等因其熟習地勢情形是以

准其所請一面具

奏一面咨調令由保安一路就近來營到營後即令跟

隨前敵官兵打仗頗為出力今<sub>臣</sub>等公同商酌此

刻該回民等正隨前敵進剿沙卜浪族似不便遽

爾撤回容俟辦稍有頭緒即稟遵

諭旨將該回民等先行撤退酌量加賞令回原處謹

奏奉

硃批覽

嘉慶十二年八月二十七日軍機大臣字寄奉



上諭與奎等奏攻勒沙卜浪大族賊番情形並長齡那彥  
成馳抵軍營會籌勦撫機宜一摺覽奏俱悉沙卜浪一  
族素稱兇悍且敢收留散賊負固抗拒實屬可惡經與  
奎等督兵分路進剿擊斃賊番數十名並奪獲牲畜二  
萬有餘賊勢已極窮蹙其卓色勒等十二族亦俱震懾  
軍威投誠乞命是此次督師懲創已寒賊膽該番族如  
果始終怙惡自應上緊勦除倘已畏懼投誠縛獻正賊  
卽當量加寬宥該處天氣早寒地勢險峻務於大雪封  
山以前撤兵戡事切勿日久稽延徒疲兵力至番族以  
牲畜爲生現在奪獲之數過多將來該番衆不能自活  
勿爲此種難收效

那文毅公西寧辦事大臣奏議 卷十五 七

必致盜劫愈甚長齡那彥成所論俱屬切實番衆滋事  
肆劫其搶掠之賊自應盡數奪回若已悔罪投誠卽當  
加以撫卹免致餽口無資所有節次奪獲牲畜於接濟  
官兵口食分賞蒙古外其餘俱賞給降番仍諭以番衆  
遠處邊隅旣知守分畏法仰蒙聖恩撫卹倘再越界滋  
擾故智復萌必當調集官兵痛加誅戮不惟牲畜概行  
入官並不能再邀寬典如此凱切曉諭庶使咸知感畏  
其撒拉爾回民素性貪利而又難以管帶是以前降諭  
旨令與奎等停其徵調今旣據奏該回民志切回仇業  
經調集五百名前赴軍營協助出力自不必復行撤回

著與奎等於事竣後擇其實在出力者保奏數人酌加  
獎勵所有奪回牲畜並著酌量分賞用昭恩賚又據與  
奎貢楚克札布奏派兵往拏尖木贊措置失宜懇請從  
嚴治罪一摺尖木贊原係種地納糧生番向來辦理番  
案多用伊爲線索其素性本屬狡黠此次勦捕賊番與  
奎等派員前往曉諭令其擒拏賊目尖木贊始而疑懼  
躲避嗣因通丁往喚尖木贊隨卽來營面見與奎等情  
願出力旋經引同官兵打仗迨至六月十五日率同番  
衆潛回復於二十四日率領五族番衆投効並聲明前  
次因餘賊欲行搶害家口是以馳回照料後因幫貼烏

那文毅公西寧辦事大臣奏議 卷十五 六

拉運送官糧約於二十八日在甘壩引路進勒沙卜浪  
番賊屆時如期而至是尖木贊並無違逆情事與奎與  
衆商議擬於勦辦番賊賊事再將尖木贊功過明白宣  
示所見甚是乃貢楚克札布忽於是夜派兵往拏以致  
尖木贊逃逸無踪實屬錯謬試思尖木贊旣已如期投  
至若果須設法擒拏亦不難於伊來營時就便拘縛今  
尖木贊本屬恭順且旣允其隨營自効復又派兵往拏  
已不足以示信迨至尖木贊乘間逃逸緝捕無踪又不  
足以示威貢楚克札布如此措置乖謬失信損威實屬  
咎有應得著卽革職來京交軍機大臣會同刑部議罪



具奏與奎身為統領於貢楚克札布逞臆妄擊之處未能攔阻又未據實奏亦有不合交軍機大臣會同行在兵部議處具奏仍著留於西寧與長齡那彥成將剿撫賊番事宜妥為籌辦勉贖前愆至貢楚克札布派委何員往拏尖木贊及尖木贊如何乘間逃逸摺內未能聲敘明晰著與奎等詳細確查貢楚克札布原派何員尖木贊或係因透漏信息聞風潛逃或係因官兵到彼目擊驚逸或因捕捉情急竟有抗拒官兵情事俱不可不根究切實如尖木贊祇因震懾鼠匿即當明白曉諭以伊本無不合貢楚克札布捕拏錯誤殊未允協仍可

那文毅公西寧辦事大臣奏議

卷十五

九

令其來營効力倘竟有抗拒不法之事則是情同叛逆惟應曉諭番眾將尖木贊縛獻治罪以示懲儆此一節著與奎等詳細查明由五百里覆奏

嘉慶十二年八月十九日會同寧夏將軍與公奎

陝甘總督長公齡

奏為攻破沙卜浪一族焚燬賊巢餘賊剿捕殆盡並收

撫各投誠番族事竊臣與奎前將攻勦沙卜浪大

族賊番並陸續投誠十二族緣由臣長齡臣那彥

成將馳抵軍營查明辦理情形並籌酌勦撫機宜

均已恭摺具

奏在案自初六日接仗後官兵分布四面山梁多放號火縣亘二三十里聲勢聯絡緊逼賊巢初八日黎明百祥格布舍吳廷剛一路官兵與蕭福祿游棟雲等一路官兵分路進攻遙見林內有賊番潛匿官兵先用鎗礮轟擊賊番不敢出林但於林內放鎗抵死相持初九日百祥格布舍等即挑帶奮勇官兵分為數路直衝入林隨攻隨進賊番一見官兵衝入四散奔逃滾崖跌斃者不計其數婦女幼小在林內樹枝自縊者甚多拋棄鍋帳什物襍沓滿山林邊蓋有土房五百餘間即係沙卜浪番族

那文毅公西寧辦事大臣奏議

卷十五

三

巢穴官兵放火焚燒烟焰四起副將博勒忠阿自右首山梁搶上搜殺前來又將沿途各溝口土房全行燒燬時已日落火光燭天賊番喊哭之聲不絕黑夜滾崖奔竄初十日早分兵於各溝內復加窮搜見鎗斃賊屍縱橫滿地瓊毯器具拋撒狼籍餘賊踪跡俱向西北山內散竄十一日官兵又復分路入山窮搜追至初果戎地方兩旁均係大山密林溝內止有小路可通叅將張聯奎土司韓輝宗等帶領撤拉爾回兵繞上山頂蕭福祿等帶領官兵由溝內直入甫近林邊見有騎馬賊番二三



十人佔據山梁官兵一擁撲上鎗斃穿紅衣爲首賊番一名落馬滾崖餘賊仍佔立不動適守備劉印景馮正朝帶領馬步官兵由北面抄截前來鎗礮齊發賊番已形慌亂而張聯奎等帶領撒拉爾回兵又從山頂撲壓而下賊番佔立不住俱向溝底亂竄官兵直前趕殺斃數名生擒三十九名人馬均有滾崖跌斃者餘賊無幾亡命潛逃收回牛羊七八百隻均經分賞官兵暨撒拉爾回兵並將各賊詳加審訊內有郡王納漢達爾濟札薩克棍布多爾濟旗下蒙古十一人皆係四五年前或

那文毅公西寧辦事大臣奏議

卷十五

三

攜眷投入或被掠入夥均給沙卜浪番賊收放牛羊此次隨同打仗其餘皆係沙卜浪散番歷次作賊隨同打仗並訊出班珠爾貢格二名實係鎗斃以遊擊用之都司吳順之賊衆番質証確鑿又據供稱沙卜浪地方有六族番子居住一沙卜浪一納加一別岔一塚格共有男婦一千五六百人所居土房約有五六百間其餘俱住黑帳房前日打仗都是騎馬的雖有八九百人能打仗的只有二百多人因被官兵打死受傷滾崖的很多所以他們怕了盡皆四散奔逃我們實不知去向至番族

內蒙古甚多我們不知數目等語臣等訊明後卽將鎗斃吳順之賊裔割其餘番賊均已正法梟示至蒙古十一名既經隨同打仗愈加可惡白不得少從寬宥亦一併正法查沙卜浪賊番六族合聚是以人數較多今經官兵屢次攻擊已破賊巢復加痛勦餘賊無多俱已零星散竄各自逃生臣等仍催兵再行入山將打散各賊尋踪搜捕務期擒斬淨盡以示痛懲倘該番賊實在畏懼相率投誠臣等卽當賞其一死早爲撤兵歲事臣等一路大營連日又有若勒磨若勒乃阿烏亥什墩卓卓隆

那文毅公西寧辦事大臣奏議

卷十五

三

折卡賴賴太亥上剛咱下剛咱五都受干布祿淵竹揣咱共十三族番目前來歸撫訊明均係未經做賊之人臣等俱經安插駐牧訖其麥受一族亦有投誠之意隨後卽可到來至尖木贊已逃往極西南之竹壩林一帶老林藏匿查該番既非叛逆卽無足重輕惟番性多疑此時若上緊查拏轉致疑懼藏匿不出臣等愚昧之見刻下暫從緩置或可自行投出至現在大兵八千有餘不無糜費俟將沙卜浪賊番搜捕數日卽將各營兵丁斟酌裁撤再行陸續具奏謹



奏

嘉慶十二年九月初四日軍機大臣字寄奉

上諭興奎等奏官兵攻破沙卜浪番族焚燬賊巢勦捕殆盡並收撫投誠番族各情形一摺覽奏俱悉沙卜浪番族人數最多素稱兇悍今經官兵屢次攻擊殲擒番賊多名焚燬賊巢餘匪零星散竄是番族中之強橫者已大加懲創如果畏懼投誠即可曲從寬貸其餘各番眾族類繁多現在陸續乞降者接踵而至自俱已震懾軍威聞風膽落番境天氣早寒地勢險峻既知畏法斂戢即可凱撤賊事亦不值徒疲兵力節經降旨指示興奎

那文毅公西寧辦事大臣奏議

卷十五

三

等惟當酌量情形相機妥辦勿致稍稽時日至番賊內有蒙古十一名隨同打仗殊屬可惡興奎等於擒獲後審訊明確即一併正法所辦甚是仍當通行曉諭青海蒙古王公札薩克等以爾等自

世宗憲皇帝年間輸誠納款列入版圖世荷豢養生成至優極渥大皇帝嘉爾恭順是以每遇番族擾及輒徵調官兵驅逐懲辦不惜重帑皆因惠愛蒙古曲加保護爾蒙古具有天良方感戴之不足何至去而從賊乃此次勦捕沙卜浪賊番竟有蒙古十一人在內訊係四五年前攜眷投入或被掠入夥均給番賊牧放牛羊隨同打

仗殊出情理之外實屬罪不容誅該王公札薩克等失察之咎無可解免本應將該犯等解至蒙古地界正法臬示並將該王公札薩克等予以懲處俾知儆戒今蒙大皇帝格外施恩俯念爾等係糊塗蒙古且從賊之犯必係爾等屬下之尤為不肖者已將該犯等訊明後即在番地正法以全爾等顏面並將爾等失察罪愆從寬免議爾等惟當知感愧嚴行管束屬下人等務各安分守法長此蒙恩倘復有滋事不法情事必當分別治罪斷不能再邀寬恕其各凜慎毋忽又據摺內稱尖木贊逃往極西南之竹林壩一帶老林藏匿等語前經降

那文毅公西寧辦事大臣奏議

卷十五

三

旨諭令查明尖木贊如何逃逸情形據實具奏今興奎等既已探明該番目踪跡即當曉諭降番令其將伊獻出以憑嚴辦至此次勦辦賊番興奎於貢楚克札布妄拏尖木贊之處未能阻止又不參奏現有應得之咎長齡那彥成俱甫經到彼均無庸加以獎敘其帶兵各員如百祥格布舍蕭福祿以及各將弁等如有實在出力者興奎等當於撤兵竣事後覈其勞績據實保奏候朕施恩但不可稍有冒濫

嘉慶十二年八月二十五日會同盛夏將軍與公

奎陝甘總督長公齡



奏為官兵搜捕沙卜浪餘賊並該番賊畏懼乞降先行酌撤官兵事竊臣等前將攻破沙卜浪番族焚燬賊巢收撫投誠番族各情形於十九日恭摺具

奏在案該番賊等被官兵痛剿之後三五零星四處竄匿臣等公同商議必須乘此賊勢窮蹙之際更當加緊勦辦因即嚴催提督百祥寧夏副都統格布舍督同總兵吳廷剛副將吳亨衍都司馬進馬成等帶兵自南面搜捕又令總兵蕭福祿游棟雲遊擊朱福壽熊鳴謙都司馬正元楊印花等帶兵自北面搜捕以期兩面夾擊十六日蕭福祿等一路

那文毅公西寧辦事大臣奏議 卷十五 三

官兵由初果戎地方分兵入林旋搜旋進於林木深處遇有番賊二十餘人該番賊一見官兵不敢抗拒亡命奔逃官兵直前砍殺殲斃五人生擒十九名訊明均係沙卜浪散番當即概行正法割取首級呈繳次日仍催兵窮搜行至葉什冲堽口見密林中露有烟火官兵一齊衝入於土窟內搜獲男婦四人均係沙卜浪散番即行正法二十一日沙卜浪番目桑爾吉搬第策楞三住布等三人懇求葉什冲寺喇嘛帶領至營懇請投誠即一面知會百祥蕭福祿各路暨停勦捕臣等仍將桑爾吉

等嚴加駁斥不准投誠據該番目又復苦求但請饒命查其情詞實形懼怕因准其見面即詢據桑爾吉等供稱係沙卜浪頭目我們沙卜浪係六族合居人多勢眾難以管束平素原有做賊的人連日與官兵打仗均係做賊的上前被官兵殺死的甚多還有三箇大頭目也被官兵殺了我們實在害怕纔央求葉什冲寺喇嘛帶領我們投誠只求饒我們性命以後再不敢滋事了語畢伏地碰頭痛哭不止察其情狀出於至誠惟野番性類犬羊反覆無定若不乘此窮蹙之時多為留難恐該番

那文毅公西寧辦事大臣奏議 卷十五 三

見宥罪甚易遂敢輕視之心臣等當即諭以爾等不思安分守法屢肆搶掠已屬法所難容及官兵前來勦捕爾等竟敢聚眾抵敵是以大皇帝震怒必欲將爾等斬盡根株不留一人今爾等既稱所有做賊之人在前抗拒均被官兵殲斃爾等十分畏懼真心投首但爾等罪惡既大難以遽加寬宥惟有恭請

大皇帝諭旨或者大皇帝肯施天恩爾等尚有一線生路亦未可定但聞爾族中平素敬



信之喇嘛諾爾布闔族大小頭目俱聽信他你們投誠為何不同他出來如今必須叫諾爾布來營同你們眾人頂經發誓方為可信據供喇嘛諾爾布原說官兵到來不可抗拒自有生路若要抗拒斷難保全我們一時糊塗未聽他的話以致多被官兵殺死如今我們後悔也遲了回去求他一同來營情願頂經發誓再不敢犯法等語當即令其前往傳喚惟聞循化所屬之季屯吳屯脫屯上季屯下季屯五屯地方土民與沙卜浪番族住居相近平日俱有嫌隙今見官兵勦捕遂乘勢搶掠該

那文毅公西寧辦事大臣奏議 卷十五 七

番族田禾牲畜等物又聞該番族以官兵勦捕本係王法當然該土民何得乘急肆搶竟有日後必圖報復之語若不及早辦理將來必起事端臣等現已嚴飭循化廳並該營都司等將該土民所搶賊物查明照數交出以備將來給還並諭知桑爾吉等

天朝待爾等番民與蒙古土民均係一視同仁爾等搶掠蒙古

天朝斷不能容今土民搶掠爾等牲畜禾苗亦必代爾追贓給主並無偏護桑爾吉等聞聽感激涕零口稱

大皇帝即是天如此大公辦事我們番眾有何不怕不服呢再三叩謝而去想日內該番目必能將諾爾布傳喚到營彼時再當宣播

皇仁貸其滅族之罪令其頂經發誓以堅其歸順之心連日又有麥受朶冬羅可溜石寨宣札才爾隆鮮咱有若哇永隆囊拉查納黑他爾迭等十二族番目陸續來營投誠臣等均經賞給告示安插駐牧訖再查從前辦理番案從未深入番地於野番性情未能深悉今臣等細心體察番子敬信喇嘛較蒙古尤甚從前屢辦番案所用為線索者不過在熟

那文毅公西寧辦事大臣奏議 卷十五 八

番中揀擇通曉漢語之人既無根底其中多不可深信且身家既輕用之亦不得把握竟不如查明各番地大寺喇嘛數人示之懷柔妥為駕馭責令勸諭各生番宣布

天朝威德使無知之眾漸通人性庶幾可以柔化將來如果出力臣等再為奏祈

天恩或 賞給廟宇之名或

賞名號以示鼓勵此次臣長齡臣那彥成自西寧起程即將平番縣喇嘛延嘉呼圖克圖那旺丹津甲木錯



並其弟喇嘛丹津林沁又喇嘛羅布藏等帶來軍  
營據延嘉呼圖克圖稱伊從前在京曾受

大皇帝天恩嗣因腿疾回甘未能圖報今值野番滋事正  
可稍効微勞等語連日各族番眾均係聽從該呼  
圖克圖等喚諭而來是以一心歸命絕無疑慮將  
來若用喇嘛等撫馭番眾似屬事半功倍可得要  
領現在已令延嘉呼圖克圖等至各寺傳喚為首  
喇嘛等前來面見後再行具

奏至刻下各族均已投誠官兵即可漸次減撤<sub>臣</sub>等商

酌先將寧夏滿營官兵五百名並撒拉爾回兵五

那文毅公西寧辦事大臣奏議 卷十五 三

百名洮岷兵一千名先行撤回其餘官兵俟數日

內辦理完竣即行全撤至日內沙卜浪大喇嘛諾  
爾布與尖木贊投出即可撤兵肅事應遵照前奉

諭旨由五百馳奏告成謹

奏

嘉慶十二年八月二十五日會同寧夏將軍興公

奎陝甘總督長公齡

奏本月十九日尖木贊之姪札什來營投首據稱我叔

子尖木贊原係納糧之番受

天朝厚恩歷年各位大人時常傳喚當差今年五月內聽

得

大皇帝大兵勦捕做賊生番我叔子帶兵來出力打仗又

出烏拉運糧實未敢叛逆各等語伏查<sub>臣</sub>等前於

十四日業將尖木贊之事

奏明在案今其姪札什投首自係尖木贊向自疑懼令

其姪前來試探<sub>臣</sub>等當即好言撫慰作為有意無

意令其先往找尋去訖計日內尖木贊必有消息

如果尖木贊肯出投首則此事收局更為全善謹

奏奉

硃批覽

那文毅公西寧辦事大臣奏議 卷十五 三

嘉慶十二年九月初九日軍機大臣字寄奉

上諭興奎等奏官兵搜捕沙卜浪餘匪並番眾畏懼乞降

情形一摺賊番搶劫滋事擾及內地邊民節經官兵攻

擊殲獲甚多其沙卜浪一族人數最眾在番境中尤為

強悍今官兵疊次勦捕先後生擒擊斃賊犯多名奪獲

牲畜數萬焚燬賊巢實已痛加懲創該番眾震懾軍威

番目桑爾吉等畏懼投誠詣營乞命自應寬其一線施

恩收撫其應行先撤官兵即照所請撤回免致糜費至

奪獲牛羊牲畜著先行酌量賞還蒙古並諭以該賊番

等所搶蒙古牛羊諒自不止此數但既經被劫之後除



食用倒斃外所剩無幾今蒙大皇帝施恩賞給爾等當領回孳生游牧近因爾蒙古不能自固藩籬以致番賊屢經滋擾現在調集官兵痛加攻剿不惜重費帑金皆係爲保護蒙古起見詎爾等屬下人等竟有投往番境從賊抗拒者實出情理之外此次姑從寬免治爾等失察之罪嗣後惟應加意管束振作自強以期永承恩眷並諭以此次番衆頂經發誓十分畏服不致復有他慮惟是番衆族類繁多難保無一二不肖匪徒乘間竄擾爾蒙古當隨時自行驅逐卽如內地民人良莠不一亦難保無乘間盜竊情事不能因番族此次被剿帖服

那文毅公西寧辦事大臣奏議

卷十五

三

之後遽爾稍涉大意也其出力官兵並喇嘛撒拉爾回兵均著將所獲牛羊酌量賞給撒拉爾回兵此時如已撤回並著傳喚祇領至摺內稱番衆敬信喇嘛較蒙古爲甚現在擬令延嘉呼圖克圖等前往喚諭等語所奏自屬可行那彥成等當飭令延嘉呼圖克圖妥爲曉諭該喇嘛如果出力圖報事竣後卽著據實保奏或錫以嘉名或加之賞資用示獎勵惟所稱循化所屬之季屯等五屯地方土民與沙卜浪番族居住相近平日俱有嫌隙今見官兵剿捕隨乘勢搶掠該番族田禾牲畜等物現已嚴劄循化廳等令將該土民所搶贓物查明照

數交出以備將來還給等語此則不必土民因素被番族欺凌乘勢搶劫報復其所搶牛羊牲畜卽使嚴飭追還亦斷不能如數或該番因所得不償所失復行稟求又將如何補給此時如業已追還則已如尙未追出卽無庸紛紛查追致滋煩擾與奎等惟當嚴飭土民毋再攘奪番族牲畜物件並曉諭番族以爾等旣已投誠卽與內地民人無異大皇帝一視同仁從無歧視嗣後務當安分守法各安生業倘有土民擾及必當嚴辦此則番衆土民俱各感激歛戢不致再滋事端至番目尖木贊之姪旣已來營投首自係尖木贊遣令前來試探興

那文毅公西寧辦事大臣奏議

卷十五

三

奎等當妥爲撫諭令其迅速交出再行全撤大兵俾邊境永臻寧謐更爲完善其另摺保奏各員已令軍機處存記俟大兵全撤奏到時再行降旨

謹按嘉慶十二年十月初五日奏內

奏前因循化所屬之五屯土民乘勢搶掠沙卜浪番族牲畜田禾當經劄飭該廳文武查辦並於摺內聲明具

奏在案茲經查明當日官兵剿辦沙卜浪番族時五屯土民因與沙卜浪素有仇隙告請隨同打仗總兵蕭福祿允其前往迨將賊番剿散之後田禾牲畜



拋棄滿山該土民等卽乘勢收取是以<sub>臣</sub>等復派  
令蕭福祿副將吳亨衍前赴該處傳齊番土各民  
面加曉諭今已准令該番投誠嗣後毋許再起爭  
端該土民等所獲牲畜均已食用惟田禾尙存情  
願交還而該番等自以有罪之人蒙

天朝准其投誠不加剿除已屬萬幸斷不敢再生妄想索  
還失物再四推辭該總兵等見該番如此恭順酌  
加賞資並曉諭土民免其追還各物仍令土民與  
番民同在一處頂經發誓嗣後彼此永不相仇番  
土各民莫不歡欣感激而去謹

那文毅公西寧辦事大臣奏議

卷十五

三

奏奉

硃批覽

那文毅公西寧辦事大臣奏議卷十五

那文毅公西寧辦事大臣奏議卷十六目錄

卷十六

勦捕野番

籌辦善後

那文毅公西寧辦事大臣奏議

目錄

一



那文毅公西寧辦事大臣奏議卷十六

上海商務印書館 男容安恭輯

勦捕野番

嘉慶十二年九月初三日會同寧夏將軍與公奎

陝甘總督長公齡

奏為沙卜浪大喇嘛諾爾布帶同大頭目完木古等來

營頂經具結投首並尖木贊來營歸命

天威遠播邊塞肅清恭摺馳

奏事竊臣等前將官兵搜捕沙卜浪餘賊並該番畏懼

乞降先行酌撤官兵緣由已於二十五日恭摺具

那文毅公西寧辦事大臣奏議 卷十六 一

奏在案自桑爾吉等去後於二十七日尖木贊來營投

首據稱我雖與沙卜浪之人不睦喇嘛諾爾布平

素待我甚好如今情愿出力自贖前往傳喚該番

目等來營投首等語當即令該番隨同喇嘛昂負

星夜前去旋於初一日尖木贊昂負帶同喇嘛諾

爾布並頭目完木古藍奔甲敦柱布班的策凌等

同來大營臣等當經面見該喇嘛並各番目等責

以搶掠蒙古並抗拒官兵之罪據諾爾布供稱沙

卜浪本係六族同居賢愚不等我時常勸諭各頭

目等嚴加管束他們都不聽話此次官兵到來我

再三勸他們不可抗拒自有生路他們仍然不聽

以致多被官兵殺死我因這族中難以存站原想

另尋地方居住焚修任他們禍至滅族也不管了

今完木古等跪地哀求痛哭流涕要我出來與他

們求恩作保我想這族中原有好人在內且為首

兇徒均已殺死諒他們不敢再生事端所以纔來

大營替他們乞命只求各大人奏求

大皇帝施恩貸他們一死我叫他們頂經發誓我情愿具

結保他們以後再不敢犯法又據番目完木古等

供稱我們都是沙卜浪族中頭目此次不信諾爾

那文毅公西寧辦事大臣奏議 卷十六 二

布的話以致家破人亡後悔無及只求各大人施

恩饒我們性命我們情愿頂經發誓再不敢生事

了語畢齊聲痛哭伏地不起臣等察其情詞實屬

真切當經宣諭該番目等爾等罪孽深重

王法斷不能容今既真心悔罪可以免你們一死如今

大皇帝施天地之恩下了

諭旨准你們投誠免死嗣後若有犯必當滅爾全族該

番目等碰頭叩謝隨令諾爾布帶同該番目等即

在大營對臣等照番子規式頂經發誓查該族尚

有各散番等人數稍多未便全令來營若不令其



一併發誓恐人心不齊尙不結實卽令延嘉呼圖克圖納旺丹津喇嘛羅布藏丹津林沁等前赴葉什冲寺傳喚各散番坐床誦經令各散番均行頂經發誓初三日延嘉呼圖克圖等令各散番發誓訖隨帶領番目齊洛策旦加勒羅布藏納木塔爾沙木棍木初克札卜完瑪他爾等呈具悔罪甘結前來所有番子原結並譯出漢結一併呈

覽至

臣興奎前奏葉什羣科納克索那克三族內俱有應

行獻出之賊俟軍務稍有頭緒再著落要賊今查葉什羣卽係葉什冲寺科納克卽係可納索那克

那文毅公西寧辦事大臣奏議

卷十六

三

卽係塚格均係沙卜浪六族中之人該族業經官兵痛剿殲斃多賊搶獲牲畜焚燬土房已足示儆自可勿庸再令獻賊交贖又貢楚克札布前奏獲犯完的供出做賊各族均已陸續來營投首連日又有萬受建咱舍納才完完佳等族前來大營投誠均經賞給安撫告示安插住牧去訖當復傳訊尖木贊爾既隨營効力因何潛逃回家及至傳喚復來因何又不進營領賞據供前因隨同官兵攻打汪什代克一族致被該番懷恨要劫殺我家屬所以連夜趕回護救不曾稟明是我糊塗該死後

將軍傳喚我就星夜趕來因天色已晚尙不曾叩見將軍大人原等次早進營領賞不料官兵半夜來拏我只得暫時逃命我自十八歲出來與大皇帝當差効力屢次辦理番案查緝賊賊如今已五十九歲從不敢躲懶蒙

大皇帝天恩賞給翎頂就是大馬也知感激何況我是箇人不但並無叛逆之事且亦不敢有叛逆之心不想貢大人自到西寧以來就疑心我這次我隨同官兵打仗幫貼烏拉運糧貢大人還不肯信總疑我是叛逆要拏我問罪這總是我福命衰薄不能

那文毅公西寧辦事大臣奏議

卷十六

四

頂受

大皇帝恩典所致我如今將六十尙無子嗣惟有捨此性命以圖報答

大皇帝天恩語畢涕零臣等詰以爾既無叛逆之事爾姪才楞何以供稱各族賊人搶了東西均與爾分給一半又供爾挑出馬賊七百人預備抗拒官兵呢據稱姪子才楞完的與我並非一處居住相隔俱有二三百里不等聞他們平日甚不安分常在汪什代克並沙卜浪等族中隨同做賊我時常管教他們不服原說要將他們細縛送營不料他就懷



恨污穢如果我有坐地分贓的事就該袒護賊人  
豈肯屢次查緝賊賊此次又豈肯隨同官兵攻打  
賊番如果我有馬賊七百人又何連家產不能保  
全只求詳情臣等又問聞爾家屬俱已失散如今  
有無下落據供現都在家中並未失散各等供臣  
等細察情詞徧加訪問蒙古番人及各喇嘛等僉  
稱尖木贊實無叛逆情事當即加以撫諭仍令照  
舊當差伏查循貴野番不通

教化大羊成性貪黷無休從前疊次搶劫蒙古牲畜什  
物均經隨時查辦懾以兵威使其獻賊交贓以伸

那文毅公西寧辦事大臣奏議 卷十六 五

國法其餘黨惡即從寬貸原以蠢爾番族冥頑無知不  
恤勞我師徒殲彼鳥獸乃本年春夏該番賊等竟  
敢逞其頑梗搶掠邊民並及行旅孽由自作罪不  
容誅仰蒙

皇上洞悉邊情不存姑息赫然

震怒問罪與師調兵八千名

發帑三十萬飭令臣興奎振旅西來長驅深入嗣又飭

臣長齡臣那彥成協同籌辦臣等秉承

廟算勤撫兼施先行宣諭各番毋滋惶惑順我者不驚草

木逆我者必刻根株

威令所昭風行草偃惟卓色勒他受都受完受加咱揣咱  
干木勒汪什代克沙卜浪等族番賊怙惡不悛公  
然抗拒節經我兵痛加勦洗直搗賊屯殲醜擒渠  
追奔逐北雷轟電掣燬穴焚巢斬賊賊黨千餘人  
收獲牛羊十餘萬該番賊等驚魂喪膽俯伏投誠  
陸續來營乞命者共有四十餘族請狐兔於邊陲  
化梗頑於指掌此皆仰仗我

皇上廟謨廣運決策機先並賴各將士一志同心不遺餘  
力又得各喇嘛等傳播

德威宣揚

那文毅公西寧辦事大臣奏議 卷十六 六

教化是以

天戈所指烽燧全消自夏徂秋凡四閱月

威稜既振奏凱班師該番等經此次痛懲之後震慄悚惶

兇頑頓戢從此後鼠竊狗偷或所不免而該番等

顧惜身家性命諒斷不敢任意搶掠再肆猖狂臣

等現將官兵全行撤回俾資休息所有善後章程

容臣等旋抵貴德再行悉心籌議另行奏

聞茲當軍務告蒞邊塞肅清謹遵

旨由五百里恭摺馳奏謹

奏奉



硃批覽

嘉慶十二年九月十六日軍機大臣字寄奉

上諭興奎等奏番族震懾軍威投誠歸命並番目尖木贊來營投誠邊境收寧一摺覽奏俱悉番眾賊性蠢頑間有一二匪徒鼠竊狗偷搶掠牲獸向所不免乃本年春夏之間該番賊等竟敢肆意搶奪擾及邊民為害行旅實屬孽由自作罪不容誅是以調集官兵頒發帑項飭令聲罪致討經官兵節次攻擊殲擒賊犯多名該番眾等畏懼乞降聞風踵至其沙卜浪一族在番眾中最高強悍官兵痛加殲戮焚燬賊巢該番族喪膽驚魂頭目

那文毅公西寧辦事大臣奏議

卷十六

七

完木古等懇祈大喇嘛諾爾布帶領詣營投首乞命頂經發誓不敢再滋事端並據該喇嘛出具甘結保狀是該番眾畏威悔罪實出至誠前經疊降諭旨以番眾良莠不一務須分別勦撫原不欲犁庭掃穴將番族悉予殲除今既震懾投誠自應法外施仁寬其一綫仍著與奎等諭令延嘉呼圖克圖等向番眾明白曉諭自此次曲從寬貸之後務各安分守法倘再作奸犯科必當從重懲辦至番目尖木贊因從前屢次辦理番案當差出力曾經賞給翎頂身受厚恩此次賊番滋擾理宜力圖報効乃始則隨營効力既又乘間潛越雖據興奎等傳

訊該番目幫貼烏拉運送糧餉並無叛逆情事即伊姪才楞所供該番目預備抗拒官兵分受贓物等事亦詢係挾嫌污讒祇因貢楚克札布輕聽浮言妄行捕捉是以避匿遠颺但該番目既自問並無罪愆於貢楚克札布派兵往拏時即應自行投案何至遽行逃遁本應嚴革姑念其旋即來營若再不知愧勉致番眾故智復萌或有滋擾情事即將伊從嚴治罪決不姑貸此時番境寧輯邊塞肅清前調官兵即可全行凱撤興奎長齡那彥成於旋抵貴德籌議善後章程後即著各回本任興奎自調赴西寧督辦軍務尚為妥協本應加以獎敘惟

那文毅公西寧辦事大臣奏議

卷十六

八

伊於貢楚克札布妄拏尖木贊一事不能阻止又不據實劾奏實有應得之咎前已有旨令軍機大臣等議以革職會諭令於軍務告蒞時再行核辦茲念帶兵出力功過尚足相抵著加恩免其革職無庸交部議敘長齡那彥成均馳抵軍營未久旋即竣事亦無庸交部議敘其奪獲牛羊牲畜仍著遵照前旨分賞喇嘛蒙古出力官兵撤拉爾回兵無庸賞還番眾或該喇嘛等於頒賞祇領後私行分給番眾亦聽其自便可也再前次揀發前往軍營帶兵之侍衛章京孟興保等六員曾經諭令長齡等俟軍務告蒞即將該員等留於陝甘以營員補



用惟念該員等弓馬雖均嫻熟而於綠營漢字事件恐未必盡能諳習著長齡將該員等帶回省城逐加考驗如能通曉漢文堪以營員補用者即酌量奏留補用倘不能認識漢字僅止技藝奮勇即著奏明仍令由驛回京供職

嘉慶十二年九月十二日會同寧夏將軍興公奎

陝甘總督長公齡

奏欽奉

諭旨由京揀派東三省曾經出師年力精壯技藝趨捷之侍衛章京數名馳驛前赴西寧交與奎等酌派領隊俾

那文毅公西寧辦事大臣奏議 卷十六 九

資得力俟勤辦番賊完竣即將該侍衛章京等留於彼處交長齡那彥成以營員補用欽此茲該侍衛章京阿勒漢保等於九月初一日到營適軍務業已完竣自應遵

旨留於陝甘以綠營相當缺出補用惟據該侍衛章京等呈稱三等侍衛阿勒漢保三等侍衛德克登保委署護軍參領庫克精阿係嘉慶八年甫經駐京漢話漢字俱不通曉副護軍參領吉爾通阿莫爾根保現有老親均不願外任懇請仍回京城當差等情查阿勒漢保等五員既不願外任自應仍令回

京現已給咨起程內委署護軍參領孟興保一員情願留甘學習應俟有相當缺出再行奏補並咨明領侍衛內大臣並兵部謹

奏奉

硃批所辦甚是

嘉慶十二年九月十二日會同寧夏將軍興公奎

陝甘總督長公齡

奏為遵

旨覆奏事竊 臣等欽奉

諭旨貢楚克札布派委何員往拏尖木贊及尖木贊如何

那文毅公西寧辦事大臣奏議 卷十六 十

乘間逃逸摺內未經聲敘明晰著與奎等詳細確查貢楚克札布原派何員尖木贊或係因透漏消息聞風潛逃或係因官兵到彼目擊驚逸或因捕捉情急竟有抗拒官兵情事俱不可不根究切實如尖木贊祇因震懾竄匿即當明白曉諭以伊本無不合貢楚克札布捕拏錯誤殊未允協仍可令其來營効力倘竟有抗拒不法之事則是情同叛逆惟應曉諭番眾將尖木贊縛獻治罪以示懲儆此一節著與奎等詳細查明由五百里覆奏欽此當即遵查尖木贊於六月二十八日來至甘肅營時天色已晚貢楚克札布同提督百祥總兵蕭



福祿游棟雲九十等均在臣與奎帳房等商進勒沙卜浪之事貢楚克札布因尖木贊不肯進營領賞疑其反覆無常即欲乘夜擒拏免致逃遁臣與奎與該提鎮等力言俟事定後再為從緩商辦而貢楚克札布立意甚堅言語不投未經定議而散旋各提鎮等復懇請臣與奎再向貢楚克札布婉言阻止臣與奎即帶同該提鎮等至貢楚克札布帳房內商勸詎貢楚克札布云是我一人立意如此辦理若有一人不遵即當指名參奏等語臣與奎與該提鎮等見其詞意決絕遂未再向攔阻即

那文毅公西寧辦事大臣奏議 卷十六 十一

於是夜一鼓派令百祥蕭福祿游棟雲九十等帶領官兵潛往掩捕大營距尖木贊插帳之處僅四五里之遙人馬踏冰過河夜靜有聲遂為尖木贊知覺乘夜各自分頭逃走並未有抗拒官兵情事此係實在情形臣長齡臣那彥成復問別詳問百祥蕭福祿九十等所述均屬相同是以尖木贊來營投首時臣等當即加以撫慰仍令其隨營効力業已隨時酌加賞資以示鼓勵查循化所屬沙卜浪各族頭目頂經發誓悔罪投誠時尖木贊來往傳諭極其出力今臣等回至貴德尖木贊又帶同

貴德所屬瑞咱上下剛咱查納黑卓色勒他受完受都受他爾迭黑沙占札干布录五都受淵竹建咱舍納汪什代克等十六族番目來城叩見臣等仍令延嘉呼圖克圖納旺丹津甲木錯喇嘛丹津林沁喇嘛羅布藏等即在貴德文昌廟內坐床諷經令該番目等一體頂經發誓更覺結實而尖木贊之感發出力亦係真心茲復傳宣諭旨令其勉力當差該番目涕泣碰頭感戴聖仁出於至誠莫能自己其前次賞戴五品頂帶花翎可否仍令其戴用之處出自

那文毅公西寧辦事大臣奏議 卷十六 十二

天恩至此次勦捕各番族失業者既多將來調劑甚難臣等正在籌商之際奉到諭旨令將所有節次奪獲牲畜於接濟官兵口食分賞蒙臣外其餘俱賞給降番仍諭以番眾遠處邊隅既知守分畏法即蒙聖恩撫卹倘再越境滋擾故智復萌必當調集官兵痛加誅戮欽此仰見我皇上洞察機宜恩威並濟令蠢爾無知之輩知感知畏邊荒均蒙樂利臣等惟有欽遵凜服即將節次所獲牲畜除接濟官兵口食並分賞凱撤官兵及撒拉爾回兵分起各



歸原營外臣等當即遵照

諭旨傳集各降番頭目宣播

皇仁均勻賞給並諭以

大皇帝並非因奪獲爾等牲畜過多仍行

賞還特以爾番族中做賊之人固多安分之輩亦不少今

既頂經發誓真心投誠情殊可憫以後使都是

大皇帝善良赤子是以

賞給爾等的可將此項羊隻均勻分給族中窮苦之人俾

資餬口倘再滋事定行調集官兵將爾等全族剿

滅該番目等俱感畏歡欣叩謝而去惟蒙古等尋

常即不能自守已屬無能而且引路分贓自傷骨

肉直是毫無人心且又風聞大兵進剿沙卜浪時

竟有蒙古代賊寄頓牲畜之事容俟臣等查明再

行奏辦外刻下所獲羊隻自不應賞給以示區別

至貢楚克札布原不曉軍務臣典奎於其任意失

宜之處未能描阻又未奏奏實在戰懼慙慙無地

自容謹候嚴議現在大功告成惟有竭盡愚誠會

同臣長齡那彥成悉心籌畫一切善後事宜以冀

勉贖前罪謹

奏

嘉慶十二年九月二十三日軍機大臣字寄奉

上諭興奎等奏遵旨查明貢楚克札布妄率番目尖木贊

緣由一摺據稱尖木贊於本年六月來至甘壩大營時

貢楚克札布提督百祥等均至興奎帳房商進剿沙

卜浪之事貢楚克札布因尖木贊不肯進營領賞疑其

反覆即欲乘夜擒拏經興奎提鎮等力言勸阻而貢楚

克札布主意甚堅未經定議旋經提鎮等復懇興奎往

貢楚克札布帳房商勸貢楚克札布輒云是伊一人立

意辦理若有一人不遵即當指名參奏隨於是夜派百

祥蕭福祿游棟雲九十等帶兵掩捕因人馬踏水過渡

那文毅公西寧辦事大臣奏議 卷十六 古

夜靜有聲尖木贊知覺逃遁並無抗拒官兵情事等語

此次興奎貢楚克札布等統領官兵進剿番族尖木贊

並無叛逆情事貢楚克札布輕聽人言以尖木贊素與

番賊分贓挑備馬賊七百人欲與官兵抗拒不審虛實

並因其不肯進營領賞疑其反覆無常率欲乘夜往擒

已為錯誤當經興奎及百祥等四人力勸至再猶堅不

聽從並稱有一人不遵伊即指名參奏詞意決絕實屬

任性乖張且伊既以尖木贊必當擒拏銳意辦理即當

親自督同提鎮等帶兵前往而又怠惰不出高卧帳中

僅誘之百祥等夤夜查拏任令疎縱尤屬錯謬無能貢



楚克札布前已革職降旨諭令德楞泰及沿途督撫於其赴京途次押解來京覆加審訊此時業經查明無可再訊應卽治罪示儆著傳諭沿途各督撫於此旨到時查明貢楚克札布行至何處傳旨卽照軍機大臣等所議發往烏魯木齊自備資斧効力贖罪與奎於貢楚克札布任性妄擊之時雖經勸阻二次旋卽聽其所爲以爲辦理失當本當照前議革職因其勦辦賊番統兵尙爲出力功過足以相抵前經降旨寬免摺內自請嚴議之處無庸再行交議至百祥蕭福祿游棟雲九十四員此次帶兵勦辦賊番尙出力百祥昨經與奎等保奏

那文毅公西寧辦事大臣奏議

卷十六

五

到時曾經賞還花翎並交部議敘其蕭福祿等亦尙有旨交與奎等核其勞績請旨施恩但伊四人於貢楚克札布欲擊尖木贊之時雖經用言勸阻既經貢楚克札布派令往捕卽當密往擊獲何以被尖木贊知覺潛逃看來百祥等本有欲擒擊尖木贊之心未經認真圍捕以致尖木贊知覺逃脫而於尖木贊既經逃脫之後又不帶兵緊追實有應得之咎百祥除賞還花翎免其追繳外其交部議敘之處著撤回蕭福祿游棟雲九十四均無庸再行保奏伊四員亦無庸再行議處至與奎摺內請旨將尖木贊可否賞還原用翎頂之處尖木贊雖

尙知恭順但伊於官兵往擊之時自當束身聽命將並無叛逆情事到案供明何得輒行潛逃不肯受捕亦當量加懲處著與奎仍遵照前旨賞給七品頂戴並傳令奮勉當差管束番族俟二三年後再行奏聞請旨又據摺內奏稱風聞大兵進剿沙卜浪時竟有蒙古代賊寄頓牲畜之事殊爲可恨此次官兵進剿賊番原因蒙古代番衆欺凌代爲勦辦乃前日官兵於擊獲賊番內卽訊有蒙古引路分贓幫同打仗者而此時復查有代賊寄頓牲畜之事尤出情理之外不可不嚴辦示懲著與奎等卽行詳悉查明具奏

那文毅公西寧辦事大臣奏議

卷十六

六



籌辦善後

嘉慶十二年九月十二日會同盛夏將軍與公奎

陝甘總督長公齡

奏為派員驅逐逃入內地之蒙古以清邊界事竊查青

海蒙古住居河北者二十五旗近年因畏賊番搶

掠往往逃入邊界之內以避兇鋒而不肖蒙古即

帶領番賊尋踪踵至野番不知何為內外因搶劫

蒙古遂併及內地居民該番等既犯

天朝邊地即不得不加以勦辦本年番子擾至大通一帶

實由於此前次地方文武稟報有蒙古逃至日月

那文毅公西寧辦事大臣奏議

卷十六

七

山卡內者二十餘戶又逃至丹噶爾汛內者一百

七十餘戶雖經貢楚克札布行令各營驅逐該蒙

古等各回部落後是否全行撤回無從知悉必須

派委大員確切查看實力驅逐以免別滋事端

等現已飭委西寧鎮九十前往鎮海白塔拉課永

安大通一帶逐處詳查如有寄居內地之蒙古即

諭以賊番業已投誠催令迅速撤回游牧處所毋

許稍有逗留使內地邊界一清即不致再生他費

再每年季例應致祭青海

靈神 那彥成現在會商善後事宜未能親往即令

九十於查逐之便順道前赴青海代為致祭以昭

祀典謹

奏

謹按嘉慶十二年十月初五日廷寄內奉

上諭與奎等另摺稱河北蒙古二十五旗逃避番賊有住

居日月山卡內者二十餘戶逃至丹噶爾汛內者一百

七十餘戶現在派總兵九十驅逐等語所辦殊未妥協

蒙古臣服已久近年為番賊所迫逃入內地今官兵勦

定賊番之後惟當聽其勸諭以賊番業經畏懼天威不

敢再有侵犯爾等儘可自回原住地方照常游牧不必

那文毅公西寧辦事大臣奏議

卷十六

六

在此躲避該蒙古等自亦情愿撤回不致久佔設立鄂

博明立地界併嚴諭民人蒙古番子各守禁限毋許攙

雜自不致再有侵軼之事可期邊圉永臻寧謐

嘉慶十二年九月十二日會同盛夏將軍與公奎

陝甘總督長公齡

奏為籌議西寧善後章程事竊查循貴野番不法屢肆

搶劫蒙古節經隨時查辦嘉慶八年又經

欽差侍郎貢楚克札布等酌議八條奏蒙

允准在案查番子部落渙散其性貪而多疑往往同類併

凌不能聯為一氣惟知遇強即畏遇弱即掠既不



知禮法亦不知分別內外多立規條愚番仍不能盡悉與其徒爲無益紛擾莫如固我藩籬需以柔化似爲稍得要領茲<sub>臣</sub>等悉心斟酌體察番情復議定五條恭請

訓示如蒙

俞允<sub>臣</sub>長齡<sub>臣</sub>那彥成惟有督率所屬實力奉行不使徒

托空言務期盡收實效以仰副

聖主懷柔外番綏靖邊圉之至意此外尙有應行

奏辦之事容<sub>臣</sub>等續行奏

聞謹

那文毅公西寧辦事大臣奏議

卷十六

九

奏

謹將善後各條敬繕清單恭呈

御覽

一黃河北岸宜撥兵駐守來往巡查以臻嚴密也

查嘉慶八年侍郎貢楚克札布等

奏定章程每年霜降前循化貴德兩營參遊會同兩廳

各帶兵一百名穿越番地及交界之清水河會

哨一次所帶兵丁按日准給口糧等因歷年遵

辦在案惟官兵約期會哨番衆必有聞知兵到

之處賊番早已潛踪兵過之後仍然四出滋擾

今春大通之事已可概見查黃河水橋結凍之

後可以踏冰過河直抵青海之路共有七處而

適中最要者爲鄂倫布喇克應請於冰橋結凍

時派撥西寧營官兵六百名並派參遊一員帶

領在於鄂倫布喇克留兵二百名駐守其餘四

百名作爲四起分向東西兩路彼來此往換班

梭巡直至冰化後再爲撤回原營兵丁按日准

給口糧其會哨之例即可停止如此酌量變通

則稽查嚴密賊番無隙可乘庶於邊防可收實

效矣

那文毅公西寧辦事大臣奏議

卷十六

二十

一嚴禁通事人等私入番地以免勾結也查內地

通事熟悉番語往往私入番族透漏內地消息

或指示內地道路藉以誑騙資財牲畜以致賊

番敢於肆逞應嚴禁通事人等若非奉票傳喚

番民緝拏番賊不准私赴番地並令文武各該

衙門造具通事名冊間日點查如有私自潛赴

番地者卽核其犯事輕重稟明西寧辦事大臣

衙門從嚴懲辦並傳諭各族番民如有通事人

等不持官票私入番族者令該番等送出懲治

倘有隱匿查出一併治罪則內地與外番聲氣



隔絕不致有勾結潛通之弊矣

一嚴諭各寺喇嘛不准濫與番子念經以生其愧悔之心也查番性信佛最重喇嘛念經祈福消災無論貧富皆延請喇嘛誦經若喇嘛不與諷經卽爲同類所鄙棄此番族向來之風俗也嗣後應嚴諭各寺喇嘛務須分別黑白若係良善白人方准與之念經若係做賊黑人概不准與念經倘該喇嘛等希圖布施不分黑白濫與念經一經查出卽將該喇嘛等從嚴辦理庶可因其性之所近以生其愧悔之心查此次用喇嘛

那文毅公西寧辦事大臣奏議 卷十六 三

辦理番情較爲得力嗣後循化各族卽責令隆務寺昂尙喇嘛根惇甲本錯稽察約束倘有不遵者隨時稟報懲辦貴德各族卽令喇嘛羅布藏率同尖木贊隆本等稽察隨時稟報並令延嘉呼圖克圖同伊弟什加班智達呼畢勒罕丹津林沁等總司其事隨時稟知西寧辦事大臣核辦如此辦理似覺鄭重而層層稽察不致多生弊竇較前專用通事人等更爲得力矣

一蒙古戶口丁數宜切實清查以便稽核也查青海衙門定例令蒙古王公等將所屬各旗丁數

造具清冊按三年具報一次止有壯丁人數並無老弱婦女該蒙古所屬之人戶東西散處往往逃入番族亦無從稽查每至造報丁冊之年約畧造報僅爲具文其實並非確數嗣後應嚴飭該蒙古王公等務須確切查明老幼婦女壯丁人數造具戶口清冊註明年貌資送青海衙門查核如有滋生事故及逃入番族者隨時具報以便登記查辦並令每年歲底造報一次以憑核對則該蒙古等知所儆懼留心稽查庶不致紛紛逃入番族至蒙古服色本與番子迥殊

那文毅公西寧辦事大臣奏議 卷十六 三

今蒙古率皆穿戴番子衣帽毫無區別以致易於淆混往往蒙古帶領番子搶掠者實無從辨其真偽嗣後應嚴飭該蒙古王公禁止屬下人等不准穿戴番子衣帽如有不遵該王公等卽加嚴懲倘該王公等不能自行嚴禁一經查出將該王公等一併嚴懲示懲

一循貴兩廳同知應請不拘旗漢人員以便易於得人也查嘉慶八年貢楚克札布等

奏定章程循貴兩廳同知應用旗員等語特以旗員通曉清語辦理蒙番事件較爲熟諳第通省旗員



無多此內或人地不宜或礙於處分一時不能得人每至出缺深費周章竊以文員辦理地方但能實心任事即可措置得宜如從前貴德同知姜有望係屬漢員查辦番案出力曾經

賞戴花翎原不必定用旗員始能練達邊務嗣後應請循貴兩廳同知缺出但擇人地相宜之員酌量陞調不必專用旗員庶易於為地擇人不致為成例所拘矣

嘉慶十二年十月初五日軍機大臣字寄奉

上諭與奎等奏籌議西寧善後事宜五條繕寫清摺呈覽

那文毅公西寧辦事大臣奏議

卷十六

三

朕詳加披閱所議多有可行惟嚴諭各寺喇嘛不准濫與番子念經一條於理不通番族賦性愚頑幸賴其敬重喇嘛尚可勸令為善即如此次沙卜浪滋事之初喇嘛託爾布即曾再四勸諭以官兵到時不可抗拒並因其不肯受勸即欲另往焚修將來一切不管該賊番果心存畏懼仍向該喇嘛跪地哀求欲其保救經該喇嘛等帶同前赴大營頂經發誓是其信服有素正可藉喇嘛以化導冥頑若如與奎等所議嗣後各寺喇嘛不准與做賊黑人念經豈不阻其向善之心而堅其為惡之念且伊等原議如該喇嘛等希圖布施不分黑白濫予

念經一經查出並將該喇嘛嚴辦如此則將來設有滋事之人訊出喇嘛曾與念經並須將各寺喇嘛紛紛查辦尤多窒礙此一條毋庸置議又黃河北岸派兵駐守并換班巡查一節自應如此辦理惟摺內未提及青海蒙古派兵隨同防守尚未周到應傳諭蒙古等以此時勦辦賊番大局已定所有一切邊界本當交爾等自行防守今天朝以爾等積弱之餘加恩衛護特派兵六百名加給口糧在彼嚴密巡查代為防守爾等豈有轉不派兵自衛之理即爾等所派兵數不能如天朝六百名之多亦當酌量派撥二三百名隨同防守庶為得體又

那文毅公西寧辦事大臣奏議

卷十六

三

嚴禁通事人等不許私入番地一條所議甚是漢人私入番地來往勾通不但誑騙資財牲畜致啟番眾劫奪之漸甚且透漏內地消息指示內地路徑其釀惡不可勝言嗣後非但通事人等不准私入番界即內地民人凡有通曉番語者私自潛往即係漢奸亦當普行禁止以杜勾結又清查蒙古戶口一條蒙古屬下之人東西散處往往逃入番族自當查明戶口清冊送存青海衙門以便查核至摺內稱蒙古近來竟有穿戴番子衣帽毫無區別者猶為可恨蒙古服色循用已久今竟穿戴番子衣帽即屬忘本不但彼此混淆且遇有番眾搶掠



等事無從辨別所關匪細著嚴諭該蒙古王公等違法穿戴者上緊查拏嚴行懲辦不可姑息其循貴兩廳同知不拘旗漢人員以資治理一條均如所議行

嘉慶十二年十月十二日會同寧夏將軍興公奎

陝甘總督長公齡

奏為酌籌黃河北岸撥兵屯田以收地利而固邊防事竊查屢年番子搶掠蒙古今春因蒙古帶路擾及大通界內蒙

皇上明申捷伐

指授機宜數月之內克捷威事然善後之事莫要於防河

那文毅公西寧辦事大臣奏議 卷十六 五

而防河之費必要籌其長久嘉慶八年貢楚克札布等奏明善後事宜內每年霜降前循貴兩廳文武派兵二百名會哨其兵丁准給口糧雖所費無多第經長計算實無底止且撤兵後仍不能保番子不偷渡滋擾今春之入大通卽其明證倘日後再有此事又須勞師糜餉更屬不成事體等語查及此是以善後摺內稍為變通巡防祇可暫且辦理亦非經久之道茲復再四熟籌惟有擇地安屯可以常為防禦又可節省經費如果試種有效於甘省亦有裨益等訪聞札薩克貝勒特禮巴

勒珠爾旗下所屬鄂倫布喇克地方居黃河北岸為青海咽喉該處水草豐美地宜種植舊有土堡三處雖年深傾圮而基址尙存並有開墾舊跡測度情形似係當年駐兵屯田防禦蒙番之地當經派令遊擊邵能前往查看茲據稟稱黃河渡口自隆陽峽至噶布古共有七處而登岸之後總歸路於鄂倫布喇克並附近之恰布恰兩處要隘直過青海入大通界內又迤西三百餘里亦可由黃河渡口隆陽峽七處歸總於珠勒格地方通青海入肅州一帶要路該三處土沃草茂地氣和暖均可屯田鄂倫布喇克有山水二道自北而南歸入黃河上游少為挑挖便可開墾其地東西寬五六里及十餘里不等南北長七十餘里珠勒克有山水一道其地東西寬十餘里不等南北長百有餘里擬於鄂倫布喇克恰布恰二處酌安西寧營官兵珠勒格一處酌安甘州肅州二營官兵約共可安兵三千名每年由原營換班試種屯田則扼要之路重兵屯守可以永杜賊番肆擾之患等語竊思蒙古懦弱不能自固藩封

天朝大兵原無代為久戍之理惟該處為內地藩籬土性



既佳兼有水利若安兵屯田既可裕我兵食亦可固我邊圉且種植豐稔之後可由車路運糧四日即抵西寧再由黃河順流而下徑達蘭州查甘省土瘠民貧每歲兵糧極費籌算往往兵糧不接多在西寧碾伯一帶採買若此路屯田有效則蘭州一帶得此接濟於倉儲營伍益可豐裕至此三處之地蒙古既不能自守為設兵屯防並不妨彼游牧詢之該處蒙古亦均同聲歡欣僉稱

天朝為我們安兵防河理應我們供應糧草今既在此要路安兵設屯可以永免番子搶掠又不用我們供

那文毅公西寧辦事大臣奏議

卷十六

三

應實在感激無地察其情詞出於至誠如果將來種有成效等或再請

旨酌賞一二成更足以廣

皇仁而示綏懷至試種之初所需牛具籽種及開墾工本

並一切詳細章程均須熟加商酌如蒙

俞允容等悉心妥議另行奏

聞謹先將大概情形恭摺奏請

訓示並繪圖貼說恭呈

御覽謹

奏奉

硃批軍機大臣會同大學士六部尚書悉心妥議具奏

嘉慶十二年十一月初三日軍機大臣字寄奉

上諭前日興奎等奏請於黃河北岸撥兵屯田一摺朕披閱之下即覺事不可行因係邊防事宜不厭集思廣益復交廷臣詳議茲據慶桂等會議奏上所見悉同此事斷難辦理已降旨依議行矣屯田自古稱為邊防良法有寓兵於農之意近年湖南苗疆底定經理屯田數年以來極為安謐然揆之西寧現在情形則與湖南迥異湖南苗寨均在山內其屯田處所本係邊內地畝並無妨佔之處且該處既設有防兵若頻年戍守無所依賴

那文毅公西寧辦事大臣奏議

卷十六

天

勢難久駐自不若創興屯田俾戍兵人自為守倍可收捍衛之益今興奎等所議屯田地方在於蒙古界內未免妨礙伊等游牧之地現在蒙古被番賊侵凌自情願官兵代為戍守將來日久事定伊等或以生計窮苦於游牧究有妨礙願懇施恩將何以應之且戍兵祇三千名亦不足以示威再此次用兵之故係因番賊竄及大通滋擾內地是以大加勦辦至其平日向蒙古搶竊牲畜本屬常有之事即蒙古呈報遺失牲畜數目亦往往不實豈能逐案為之查辦儘可加以駁飭今在蒙古地界屯田之後該蒙古等必將遇事竄求何以塞其無



朕之請况設兵安屯原為防備番賊保護蒙古起見設將來禾稼在地番賊覬覦生心有所侵犯則更非搶奪蒙古牲畜可比勢難置之不辦豈不愈滋邊費或蒙古屬下人等亦不免有效尤偷竊之事則辦理更難此事竟不必行至該處邊疆要地本年賊番因蒙古帶路兩次擾及大通自當籌議經久著與奎等查照舊章妥為設法祇須申嚴邊備自固藩籬使賊番不能竄擾內地勿致輕啟事端是為至要

嘉慶十二年十月二十四日會同寧夏將軍興公

奎陝甘總督長公齡

那文毅公西寧辦事大臣奏議

卷十六

一元

奏查善後章程內奏准於黃河北岸冰橋結凍時駐守官兵六百名來春冰化時裁撤仰蒙

允准在案惟查黃河北岸安卡適中之鄂倫布喇克等處地方皆係荒僻向無居民廬舍無從覓食而相離原營近則三四百里不等遠則五六百里不等僅給口糧麵一餉未免太苦况該官兵往返梭巡日無停息實與內地營汛駐守官兵勞逸迥殊應請仿照新疆屯防官兵之例於出口之日支給鹽菜遊擊每月鹽菜銀四兩千總每月鹽菜銀一兩七錢把總每月鹽菜銀一兩二錢外委兵丁每月鹽

菜銀九錢其官兵跟役餘丁概行刪除不准支給以昭節省其鹽菜並馱運口糧腳價等項即令該地方官照例供支作正報銷謹

奏

容安謹按此奏奉

旨允行

嘉慶十二年十月二十四日會同寧夏將軍興公

奎陝甘總督長公齡

奏番子自此番懲創以後頗知感畏現雖冰橋結凍並無往來踪蹟極為安靜番目尖木贊都拉等俱在

那文毅公西寧辦事大臣奏議

卷十六

三

番子邊界來往梭巡不敢懈怠黃河北岸所安官兵聲勢聯絡巡查嚴密那彥成接奉

諭旨令蒙古各旗一體安兵防範當即傳行河北二十五旗札薩克遵照商辦伊等感激

天恩現據該札薩克等情願出兵自數十名至一百名不等共出兵四百名合之官兵共一千名聲威定益壯盛臣那彥成當加鼓勵惟是蒙古力量薄弱此時一奉

諭旨如此踴躍足見其感激恭順出於至誠將來各旗會集或不能湊足四百之數等亦當示以體恤准



予通融如果蒙兵漸次振作足以自衛彼時再將  
官兵陸續裁撤容<sub>臣</sub>等察看情形隨時奏請

訓示謹

奏奉

硃批知道了

那文毅公西寧辦事大臣奏議

卷十六

三

那文毅公西寧辦事大臣奏議卷十六

那文毅公西寧辦事大臣奏議卷十七目錄

卷十七

搜捕餘賊

附議駁徐侍御條奏

續保薦

附恭摺交卸

那文毅公西寧辦事大臣奏議

目錄

一



那文毅公西寧辦事大臣奏議卷十七

男 容安恭輯

搜捕餘賊 附議駁徐侍御條奏

嘉慶十二年九月二十三日會同益夏將軍興公

奎陝甘總督長公齡

奏為拏獲引路之蒙古審明定擬並查明寄頓番子牲

畜之蒙古事竊查大通協屬黑石頭汛弁拏獲蒙

古靈旦一犯押解前來當經飭委蘭州道積朗阿

西寧道慶燉會同審訊據靈旦供係札薩克台吉

旺舒克旗下人年二十五歲父母俱故家有女人

那文毅公西寧辦事大臣奏議

卷十七

一

本年五月間往克克蘭找尋親戚路過卜河圖地

方被十三箇番子拏住番子令我將他們帶到永

安以西多勒打板地方起了誓餒了鎗口給還我

的原馬內中有兩箇會說蒙古話的番子一箇叫

敦多克一箇叫達什二人著我去看有無牲口並

探官兵信息我就向大通一路來探走到黑石頭

被官兵拏住的等語查靈旦身係蒙古帶領番子

打劫牲畜自傷同類自應加等治罪但目下大兵

已撤番子亦極其畏懼且究係迫於一時威逼尚

有一線可原應請

旨發往黑龍江給索倫達呼爾兵丁為奴至 臣等前聞蒙

古中竟有為賊寄頓牲畜之事當令昂貴查訪去

後茲據回報係納漢達爾吉旗下蒙古因與循化

之揣咱族居住相近素係親眷因伊牧場水草好

求蒙古代為牧放羊一百五十隻牛十二隻是實

並非大兵進剿之時代為寄頓等語 臣等又復差

查覆稱無異此事既非臨時寄頓應毋庸議再查

向來蒙古具報番案因侍官為辦理往往以少報

多並有憑空捏報希冀將來詐分贓物 臣等當即

傳令嗣後各旗具報搶案總須報明係何族番民

那文毅公西寧辦事大臣奏議

卷十七

二

所搶在何處被搶搶後由何路逃去跟尋的確踪

蹟報明臨時派人查勘明白方為查辦倘無指實

只以一紙空文具報即不准理等語亦一併通行

曉諭至節次奪獲牲畜除接濟兵食及分賞撤拉

爾回兵並遵

旨賞給喇嘛與失業各番子人等外若此時分賞蒙古既

不能按所失之贓確給轉多紛擾爭競現在蒙古

等既有帶路之事又未曾出兵効力亦未便再加

恩賞應請將所餘牲畜留為嗣後分賞防河兵丁

之用謹



奏

嘉慶十二年十月十二日軍機大臣字寄奉

上諭興奎等奏拏獲引路蒙古審明定擬並查明寄頓番子牲畜各緣由一摺此案靈旦一犯身係蒙古乃輒敢帶領番子打劫牲畜本應加等治罪因其究係迫於一時威逼稍有可原靈旦著照所請發往黑龍江給索倫達呼爾兵丁為奴以示懲創其寄頓牲畜一事現經查明蒙古代為牧放在大兵未經進剿以前自可毋庸查辦至所稱奪獲牲畜除接濟兵食等用外若將所餘牲畜分賞蒙古恐轉滋紛擾爭競等語現在興奎等既查

那文毅公西寧辦事大臣奏議

卷十七

三

出蒙古有為番子帶路之事又未曾出兵効力自毋庸再加恩賞所有餘剩牲畜著留為嗣後分賞防河兵丁之用

嘉慶十三年正月十八日會同陝甘總督長公齡

奏為遵

旨會議覆奏事竊臣等接奉

諭旨御史徐寅亮條奏西寧備番事宜一摺據稱請令蒙古各札薩克精選壯健練習鎗箭該辦事大臣不時調操抑或親往按閱嚴立賞罰俾成勁旅以備一時徵發之用等語此論斷不可行青海蒙古各旗被賊番搶掠

前經屢降諭旨責令該蒙古等自強以固藩圉該札薩克等練習兵丁乃其自為之事若令辦事大臣調操往閱該蒙古究係外藩賞罰俱多未便國家豈有此體制乎請將西寧辦事大臣移駐貴德循化丹噶爾等城並令西寧鎮屬官兵輪番值戍及將河州鎮兵亦歸該大臣節制調遣之處著交陝甘總督會同西寧辦事大臣悉心妥議是否擇要移駐控制較為得力不可以駐劄西寧相沿已久因畏邊境荒寒即偏執仍舊之見總須熟籌地勢詳度邊情期於兵防實有裨益以為經久救

那文毅公西寧辦事大臣奏議

卷十七

四

此臣等細閱該御史原奏令蒙古練習鎗箭該大臣不時調操以備徵發一節誠如

聖諭於體制非宜應毋庸議至所稱將西寧辦事大臣移駐貴德循化丹噶爾等城西寧鎮屬官兵輪番值戍並將河州鎮兵亦歸節制所言似亦有見如果於邊防有裨非特辦事大臣不當以邊境荒寒稍存畏怯即有請動

帑項之處

國家經營邊備為經久救靖之計亦不敢預存苟且惜費之心臣等往返再四札商並細核蒙古番子住



收各情形查西寧在黃河之北迤西九十里為丹  
噶爾又西出日月山係河北二十五旗蒙古游牧  
處所貴德在黃河之南迤西係河南五旗蒙古游  
牧東南係番族游牧番地之東為循化如該御史  
所奏青海辦事大臣移駐貴德距番族雖覺稍近  
而河南蒙古在番子之西設河南遇有搶竊等事  
蒙古呈報以及官兵前往查辦均須穿越番地已  
恐稍形阻滯至距河北蒙古則益形寫遠未免鞭  
長莫及如移駐循化更在番地之東距河南北蒙  
古俱遠更恐顧此失彼若移駐丹噶爾在西寧之

那文毅公西寧辦事大臣奏議 卷十七 五

西與河北蒙古稍近而距循化貴德以及河南蒙  
古則又遠惟有西寧郡城為適中之地各路均可  
照應且青海大臣管轄邊界西至多倫巴圖爾三  
十餘站路通蜀藏中有玉樹並阿里克各番族又  
與四川果洛克番子接壤至西寧之東與北兩面  
均係熟番亦須鎮撫從前擇要駐劄原為控制得  
力此時似可無事更張至該御史所奏官兵輪戍  
一節查循化貴德丹噶爾三處均非賊番出入要  
路從前安卡在奎屯希里克一帶乃番子與河南  
五旗蒙古交接之地臣等昨議屯田在黃河北岸

乃賊番偷渡之地現在黃河以北業經臣等奏請  
派兵六百名扼要駐守換班巡查已奉  
諭旨允准此外似可毋庸分設防兵致滋繁擾再查西寧  
鎮屬各處營分碁布星羅舊制極為嚴密小有竊  
發皆可調動循化一路與河州鎮相近遇有要事  
亦可知會調撥並不因其節制稍形掣肘亦可  
無庸多此一舉臣等詳細熟商謹據地勢邊情合  
詞恭摺奏請

訓示並繪具圖說恭呈

御覽謹

那文毅公西寧辦事大臣奏議 卷十七 六

奏

嘉慶十三年二月初九日奉

上諭據長齡等會議青海辦事大臣請照舊制仍駐劄西  
寧一摺所議是青海辦事大臣管轄地界遼闊從前定  
制駐劄西寧原以該郡城為各路適中之地控制較為  
得力若移駐貴德等處其餘番地較近者雖易於震懾  
而以全局而論則相距寫遠之地鞭長莫及轉恐顧此  
失彼自不若仍循舊制足資鎮撫至該處黃河以北輪  
派兵六百名扼要駐守務令嚴密巡查遇有番賊竊掠  
等事隨時捕緝該大臣暨西寧河州二鎮並實力操防



以靖邊圉不可稍有疎懈

嘉慶十三年二月二十日會同陝甘總督長公齡奏為冰橋開化酌撤官兵並籌畫把守渡口事竊自去

歲<sup>臣</sup>等籌辦善後事宜內在黃河北岸酌量於冰橋結凍時於忙多東信噶卜古托羅卜海沙喇布

拉克等五處要隘共安兵六百名黃河南岸要路二處又令尖木贊都拉等把守均已奏明奉

旨俞允各遵照辦理去後自去秋迄今春各野番震懾天威不敢少有搶劫茲當春融冰橋開化之際官兵自不

能常川在彼<sup>臣</sup>等即於二月將官兵全數撤回原那文毅公西監辦事大臣奏議

卷十七

七

營惟查去歲大通之案即在四五月內是冰橋開

化之後亦不可稍疎防範但官兵終歲為蒙古防

守既非正辦而各旗蒙古怯懦有年亦正可藉此時番眾畏懼之際加以驅使可以稍鼓其氣去歲

旨令蒙古兵丁亦均協同防守<sup>臣</sup>那彥成即飭令各旗攤派兵四百名今官兵既已撤退所有蒙古兵丁仍

應酌留一半其二百名口食於二十五旗內公攤亦不致過費伊等不能藉口窮苦致生推諉而口

岸有人看守番子亦不敢公然往渡<sup>臣</sup>那彥成又

將渡口五處內可以挖斷之處忙多沙喇布拉克

二處派人挖斷該二處不過留十餘人作為瞭望其餘兵丁儘要隘三處酌量分派把守至黃河之

南岸要隘三路仍嚴交尖木贊等看守不許私放一人過渡<sup>臣</sup>那彥成仍不時派人前往稽查不得

令蒙古等偷減兵數尖木贊亦不得少涉疎虞至秋冬冰橋結凍之時<sup>臣</sup>等再行籌議奏

聞辦理謹奏

殊批覽奏俱悉有犯即懲切勿姑息

那文毅公西監辦事大臣奏議

卷十七

八

嘉慶十三年二月二十日會同陝甘總督長公齡

奏尖木贊都拉自去年懲創之後極為恭順去冬冰橋結凍之時在黃河南岸來往梭巡不敢少懈野番

竟無一搶掠之案實為真心出力今年正月內來西監叩見<sup>臣</sup>那彥成時極知感激

天恩畏懼出於至誠惟是番性多疑因降伊翎頂深懷不安前次會奉

俞允伊果認真出力再行保奏等因在案今既真心出力深知畏法合無仰懇

天恩仍賞還其翎頂俾釋其愚情疑慮令其一心出力至



都拉本係六品頂戴熟番頭目既一體出力亦應  
懇

恩加賞五品頂戴以示鼓勵伊等自必感激

鴻慈益加奮勉等亦可仰賴

天威此後驅使更宜得力謹

奏

嘉慶十三年三月初十日軍機大臣字寄奉

上諭據長齡那彥成奏尖木贊都拉自前此懲創之後極  
為恭順去年冰橋結凍在黃河南岸梭巡野番竟無一  
搶掠之案實為真心出力可否施恩鼓勵等語尖木贊

那文毅公西寧辦事大臣奏議

卷十七

九

自上年降頂戴後能知感激畏懼奮勉當差於冰橋結  
凍之時往來梭巡至今無一野番劫掠之案尚為認真  
出力者加恩即賞還五品翎頂至都拉既一體出力伊  
原係六品頂戴亦著加賞五品頂戴以示獎勵並著傳  
知該番口等以尖木贊於上年獲戾後甫經罰降頂戴  
今相距不過一冬因其愧奮出力能知約束野番不敢  
滋事即經大皇帝格外施恩賞還原品翎頂其都拉能  
一同出力亦蒙賞加頂戴可見有過必懲有功必賞爾  
等果有出力之處無不立受恩施從此益當知感知懼  
管束番族認真巡邏庶可再邀獎賞如此明白曉諭該

番目等自必倍加奮勉始終不懈再此時冰橋雖已融  
化官兵均經裁撤從前野番即有紮筏偷渡之案防範  
不可少疎所有南北兩岸仍當實力巡查將渡口嚴行  
把守如有查獲之犯按例嚴懲切勿稍存姑息為要

嘉慶十三年四月初五日

奏為訪獲稔惡窩匪之蒙古酌擬辦理恭請

聖訓事等自去歲軍營辦理番案拏獲與番子帶道之

蒙古辦理具

奏在案惟是黃河南岸蒙番雜處既係蒙古與番子通  
同作賊其窩賊寄賊必非一日而河南居住之五

那文毅公西寧辦事大臣奏議

卷十七

十

旗蒙古亦未必全係通同作賊之人自必有匪徒  
潛相勾結以致賊番仗有窩主寄賊益肆搶竊  
因卽時刻留心訪察惟察漢諾們罕旗下所屬內  
有番子兩族多有通賊寄賊等事隨於接見察漢  
諾們罕之圖薩拉克齊台吉等並於差入番地辦  
事之延嘉呼圖克圖等均囑其留心查察僉稱察  
漢諾們罕平素恭順小心並無窩賊寄賊之事且  
本年黃河北岸添設蒙古防兵時察漢諾們罕旗  
下之兵曾先派齊把守河口最為踴躍惟所屬圖  
薩拉克齊名羅布藏達什之兒恭柱平日嗜酒滋



事甚不安分每與野番勾結為匪且招納各旗內壯健之人留為阿爾巴圖以當爪牙前於嘉慶四年前任辦事大臣台費蔭因其熟識番族

奏請賞給圖薩拉克齊職銜令其改過自新在黃河南岸幫同防守欲藉其力以鉗束野番欽奉

諭旨以恭莊係在河南紮筏渡賊不治其罪已屬格外從寬如何可賞職銜欽此台費蔭當將頂戴撤回而恭柱於台費蔭去後仍竊用台吉頂戴依舊為匪其強橫兇惡之狀不惟各圖薩拉克齊及喇嘛延嘉呼圖克圖等眾口同聲即詢之伊弟圖薩拉克齊羅

那文毅公西寧辦事大臣奏議

卷十七

十一

布藏達什亦稱恭柱實為伊家之大害若不早除兇暴將來必受其累懇請大人從嚴懲辦舉家頂感等語茲忽於本年正月間恭柱潛入西寧府城寓居客店並不來署謁見其歇家店主亦不具報迨<sub>臣</sub>訪聞查傳業已潛行逃遁查向來蒙古人等前來必須報明所過之卡方得入城今恭柱潛蹤而來匿蹟而去不知所作何事形迹可疑是以<sub>臣</sub>當即傳諭察漢諾們罕飭令將恭柱押送來署以憑訊問嗣於<sub>臣</sub>起身之日始行解到當即詳細訊供據恭柱俯首認罪無詞隨發縣管押<sub>臣</sub>已俱備

細告知文字俟其到任後再為詳加研訊具

奏查恭柱平素強橫不法勾結番賊竟敢竊用台吉頂戴且此次潛入內地行蹤詭密尤為可惡自未便再事姑容以致養癰遺患將來或充發內地烟瘴地方俾其不能再歸故處或即交伊弟羅布藏達什回禁將其手下收留之阿爾巴圖等全行驅逐以令各歸原主以免將來滋生事端應如何辦理之處仰祈

聖明訓示飭知文字遵照辦理謹

奏

那文毅公西寧辦事大臣奏議

卷十七

十一

容安謹按此奏以已陞轉南河副總河有

旨交後任查辦



敘績保薦 附恭報交卸

嘉慶十二年八月二十五日會同寧夏將軍興公

奎陝甘總督長公齡

奏為軍務將嚴謹將軍營最為出力人員據實保舉仰

懇

天恩俯賜獎勵事竊 臣等仰蒙

聖主畀以軍旅勦辦賊番仰仗

天威搗巢俘馘餘番咸知畏懼乞命投誠現在將次撤兵

葺事各緣由業經另摺奏

聞伏查此次軍營文武各員或帶兵打仗或運糧供餉原

那文毅公西寧辦事大臣奏議 卷十七 三

屬分內之事本不應籲懇

鴻施但 臣與奎身為統領始終其事不得不據實陳

奏懇

恩以示鼓勵除副都統提督各大員不敢仰祈

天恩外佐領阿寧阿奮勇出眾都司邵能打仗勇往熟習

番情深為得力該二員請

賞戴藍翎參將張聯奎遊擊楊廷玉馬隆都司王建謨朱

保守備劉印景萬彪格僧額千總張輝趙洪周把

總馬天賜李吉昌經制外委戴如棟趙良資王士

俊前鋒固寧阿富忠屢經打仗爭先奮勇殺賊均

請以各員應陞之缺儘先陞用至提督百祥從前

曾經

賞戴花翎綠事降革此次督兵打仗向前出力合無仰懇

天恩仍准賞戴西寧道慶燉奉

旨總辦糧餉各路大營山行數百里該道往來督運不辭

勞瘁且自來蒙古番子均皆感戴均係西寧熟手

懇

恩賞戴花翎西寧府知府馬愚隨營辦糧親身催督毫無

貽悞懇

恩賞戴藍翎環縣知縣達林請

那文毅公西寧辦事大臣奏議 卷十七 十四

賞知州銜候補縣丞高鵬飛候補直隸州州判賈昇候補

主簿施崙源周礪候補未入流沈廷模等跟隨前

敵供運糧餉軍伙日夜奔馳均能認真出力懇

恩儘先請用再西寧辦事衙門候補筆帖式勤達瑪呢富

憲二員跟隨貢楚克札布辦理蒙古番子事務極

為出力懇

恩俟本衙門缺出不論旗分先行補用以上文武各員 臣

興奎均將其勞績備細據實告知 臣長齡那彥成

等 臣長齡那彥成亦經覆查無異理應合詞具

奏可否量加鼓勵之處出自



聖主天恩再隨營辦理糧務人員候補吏目捐陞雙月府  
經歷鄭英請著令捐足雙單月留於甘省遇缺卽  
補因買補塘馬遲延參革原任武威縣知縣蔡本  
崇因到省逾限部議革職甘肅試用府經歷李煥  
等二員請留於本省就近捐復原官謹

奏

嘉慶十二年九月十六日奉

上諭與奎等奏軍營最爲出力人員懇恩獎勵一摺此次  
勦辦賊番搗巢俘馘餘番咸知畏懼乞命投誠現已撤  
兵戡事所有在事出力文武各員或帶兵打仗或供運

那文毅公西寧辦事大臣奏議

卷十七

五

糧餉均能不辭勞瘁自應量予恩施佐領阿寧阿都司  
邵能均著賞戴藍翎交部議敘參將張聯奎遊擊楊廷  
玉馬隆都司王建漢朱保守備劉印景萬彪格僧額干  
總張輝趙洪周把總馬天賜李吉昌經制外委戴如棟  
趙良資王士俊前鋒固寧阿富忠均著以應陞之缺儘  
先陞用仍交部議敘提督百祥前曾賞戴花翎因事降  
革此次督兵出力著賞還花翎交部議敘西寧道慶旻  
著賞戴花翎交部議敘西寧府知府馬恩著賞戴藍翎  
交部議敘環縣知縣達林著賞加知州銜候補縣丞高  
鵬飛候補直隸州州判賈昇候補主簿施崙源周礪候

補未入流沈廷模均著儘先補用西寧辦事衙門候補  
筆帖式勒達瑪呢富惠二員著俟本衙門缺出不論旗  
分先行補用隨營辦理糧餉捐陞雙月府經歷之候補  
吏目鄭英著令捐足雙單月留於甘省遇缺卽補參革  
知縣蔡本崇革職試用府經歷李煥二員均准其留於  
本省捐復原官補用以示鼓勵該部知道

嘉慶十二年九月十八日會同寧夏將軍與公奎

陝甘總督長公齡

奏爲續保辦理後路糧運各員懇

恩獎勵事竊查辦理隨營糧務各委員業經<sub>臣</sub>與奎查明

那文毅公西寧辦事大臣奏議

卷十七

六

勞績開單保

奏在案茲<sub>臣</sub>等續經查出辦理循化一路糧運各員均  
能源源接濟無悞供支與前保貴德一路糧員同  
著微勞自應一併仰懇

聖恩量加獎勵以示公溥所有署西寧縣沙泥州判李耀  
署碾伯縣候補知縣周廷芬前署大通縣丹噶爾  
主簿李敦源懇

恩交部議敘又候補府經歷余繼城候補縣丞馮塘候補

主簿韓元吉候補從九品王世琳懇

恩以本班儘先補用俾該員等一體仰邀



優典自必倍加感奮益勵勤勞謹

奏

嘉慶十二年十月初五日奉

上諭興奎等續保後路糧員請量加鼓勵一摺西寧剿辦賊番現已戡事所有貴德一路辦理隨營糧務各員前經興奎等奏到即經降旨加恩茲據該將軍等續查出署知縣李燿等委辦循化一路糧運亦均能源源接濟無誤該委員勞績相同自應一體加以恩獎著照所請署西寧縣沙泥州判李燿署碾伯縣候補知縣周廷芬前署大通縣丹噶爾主簿李敦源均加恩交部議敘其

那文毅公西寧辦事大臣奏議

卷十七

七

在省候補之府經歷余繼城縣丞馮塘主簿韓元吉從九品王世琳俱著加恩以本班儘先補用該部知道

嘉慶十二年九月十二日會同孟夏將軍興公奎

陝甘總督長公齡

奏為懇

恩賜卹軍營病故之循化同知事竊查循化同知國明安自今春辦理番案帶領喇嘛通事人等查緝賊匪倍歷勤勞嗣值官兵進剿賊番該同知供應軍糧源源接濟並親在前敵照料未嘗少有遲悞該員本有痰壅舊症此次往來番地觸犯瘴氣積勞過

甚以致舊恙復發於八月內在軍營病故該員勤奮急公歿於

王事情殊可憫合無仰懇

聖恩准照軍營病故之例交部議卹之處出自

鴻慈謹

奏

嘉慶十二年十月十二日奉

上諭興奎等奏軍營病故同知懇恩賜卹一摺國明安在循化同知任內隨營剿辦番賊著有微勞茲以觸犯瘴氣積勞身故著加恩准照軍營病故例賜卹該部知道

那文毅公西寧辦事大臣奏議

卷十七

六

嘉慶十二年九月二十一日會同孟夏將軍興公

奎陝甘總督長公齡

奏為查明隨營出力之喇嘛土司保

奏事竊查此次剿捕野番仰仗

皇上天威屢次焚巢獲醜足以懾服番衆之心又得各喇

嘛等深入番地宣揚

教化使其革心革面悔罪投誠該喇嘛等著有微勞自應

量加鼓勵所有延嘉呼圖克圖納旺丹津甲木錯

應請

賞給扎薩克喇嘛職銜伊弟什加班智達呼畢勒罕丹津



林沁應請

賞給達喇嘛職銜又喇嘛羅布藏並隆務寺之昂員喇嘛

根停甲木錯二名請

旨給蘇拉喇嘛職銜如蒙

俞允請

交理藩院照例發給執照以示級柔此外尚有素為番眾

敬信之各寺喇嘛等現在查傳來見面為曉諭

將該寺附近番族即責成該喇嘛勸諭約束不令

滋事如果出力再由那彥成陸續奏懇

聖恩酌加獎勵至此次調派撤拉爾回兵隨同打仗甚為

那文毅公西巡辦事大臣奏議

卷十七

九

奮勇前奉

諭旨令等於事竣後擇其實在出力者保

奏數人酌加獎勵欽此等遵查此次撤拉爾回兵隨

同打仗均屬勇往且能遵守紀律並未滋生事端

所有帶領回兵之士司韓輝宗韓卿二名懇

恩賞戴藍翎韓一提八拉馬八十三馬三十八懇

恩賞給土把總又士兵韓六十韓六十八韓哈三格韓五

十八查迭連已馬一細卜韓三十七韓忠馬三十

五均懇

恩賞給外委頂戴以示鼓勵又碾伯縣土司李世泰所屬

土千總李國士熟悉番情半載以來屢經與奎

等差委採聽番地情形並隨同延嘉呼圖克圖等

前赴各番族往來傳諭不辭勞瘁甚為出力可否

仰懇

天恩賞戴藍翎以示鼓勵之處出自

鴻慈謹

奏

嘉慶十二年十月初二日奉

上諭與奎等奏查明隨營出力之喇嘛土司懇請加恩鼓

勵一摺此次剿捕野番各喇嘛等深入番地宣揚教化

那文毅公西巡辦事大臣奏議

卷十七

十

使其悔罪投誠自應酌加獎勵著照所請延嘉呼圖克

圖納旺丹濟甲木錯著加恩賞給札薩克喇嘛職銜什

加班智達呼畢勒罕丹津林沁著加恩賞給達喇嘛職

銜其喇嘛羅布藏並隆務寺之昂員喇嘛根停甲木錯

二名著加恩賞給蘇拉喇嘛職銜至所調撤拉爾回兵

隨同打仗均屬勇往安靜所有帶領回兵之士司韓輝

宗韓卿二名著賞給藍翎韓一提八拉馬八十三馬三

十八著賞給土把總士兵韓六十韓六十八韓哈三格

韓五十八查迭連已馬已細卜韓三十七韓忠馬三十

五均著賞給外委頂戴碾伯縣土司所屬土千總李國



士著賞戴藍翎以示鼓勵餘俱著照所請行

嘉慶十三年四月十六日

奏為恭報交印起程日期事竊 仰蒙

聖慈畀任江南副總河當將感悚下忱具摺叩謝

天恩於初三日專差齎

奏在案伏思西寧番族甫經懲創之後其一切撫綏控

馭止關緊要自去秋以後所有蒙古番子情形亦

應詳細告知督 長齡且約計文孚亦將行抵蘭

州正可三面會籌適野番昂貨喇嘛根悖甲木錯

前來謁見稟請進省叩謁總督因思 已將交卸

那文毅公西寧辦事大臣奏議 卷十七 三

文孚尚未熟悉情形 令其隨同進省面見長齡

加以愷諭於撫綏之道亦覺有裨當即帶同該喇

嘛於十一日自西寧起程途間接見省信知文孚

准於十四日進省 即兼程前進亦於十五日趕

抵蘭州與文孚長齡相晤當將西寧蒙古番子一

切情形詳細告知文孚並將現在應辦事宜與長

齡文孚悉心商酌又令昂貨喇嘛謁見長齡文孚

開誠曉諭量加賞資該喇嘛歡欣感謝現已派員

護送出口去訖隨於十六日將西寧辦事大臣關

防移交文孚接收任事 交卸之後即行起程馳

詣

闕廷叩謝

天恩跪聆

聖訓謹

奏奉

硃批覽

那文毅公西寧辦事大臣奏議

卷十七

三

那文毅公西寧辦事大臣奏議卷十七



那文毅公江南副河道總督奏議卷十八目錄

卷十八

恭謝

天恩

會察鹽務

治河

那文毅公江南副河道總督奏議

目錄

一

那文毅公江南副河道總督奏議卷十八

男容安恭輯

恭謝

天恩

嘉慶十三年三月二十三日

擢授江南副河道總督

嘉慶十三年四月初三日

奏為恭謝

天恩事竊臣於四月初一日接奉

上諭江南河道總督員缺緊要現據鐵保奏戴均元患病

那文毅公江南副河道總督奏議

卷十八

一

情形恐一時未能痊愈自應即令開缺安心調理所有  
江南河道總督員缺著徐端補授其江南副總河員缺  
著那彥成補授那彥成係曾經獲咎之人著加恩賞給  
三品頂戴以觀後效其西寧辦事大臣員缺著文孚補  
授並加恩賞給副都統職銜文孚於接奉諭旨後著將  
發審事件專文錢楷審辦即馳驛前赴西寧接印任事  
以便那彥成交代起程馳驛來京陛見前赴新任戴均  
元俟病痊後著來京另行簡用欽此竊臣世受  
國恩幼蒙  
內廷養養毫無報稱而



殊恩異寵什倍於中外臣工重以屢獲罪愆荷

再造之隆施得保全至於今日計臣自効力伊犁甫及半

年

授為領隊即調回疆旋

擢為西寧辦事臣自到任以來辦理蒙古番子事務仰蒙

聖明指示俸俸邊境救濟自知從前罪戾至重冀幸於邊

疆之地得承

教導之恩竭盡犬馬之力多駐數年少圖報効今乃荷蒙

格外超擢

賞給三品頂戴授為江南副總河伏念臣駑駘下質事事

那文毅公江南副河道總督奏議

卷十八

二

庸愚且以獲咎之人不二年間用至總河以感以

懼自顧何人被此

殊遇惟是臣於河工事務毫未經涉聞命自

天惶恐不知所措現俟文孚到來臣即行遵

旨馳驛進京

陛見恭請

聖訓惟有面求

皇上教導成全謹

奏奉

硃批覽

觀

嘉慶十三年五月十九日瞻

那文毅公江南副河道總督奏議

卷十八

三



會察鹽務

嘉慶十三年閏五月初三日

奏為途次接奉

諭旨恭摺奏報事竊臣於二十九日起程初一日行過涿

州途次接奉

諭旨現據御史祐奏兩淮鹽政額勒布等蒙混奏請淨

增餘息自應徹底清查著派托津率同該御史馳驛前

往查辦並遴派明幹司員隨同馳驛前往計那彥成陞

辭起程此時甫過涿州一帶托津於途次當可相遇即

會同馳驛前赴揚州秉公查核那彥成且不必赴任俟

那文毅公江南河道總督奏議

卷十八

四

辦竣時再回清江接印長麟戴衢亨前此交查兩淮襍

費襍款之事現在如已查明自必專摺具奏倘尚未查

辦完竣俟托津那彥成到時移交辦理長麟即來京供

職戴衢亨即由彼暨回籍省視可也欽此臣當即輕騎

減從遵

旨馳驛前進約計托津於一二日內自當起程出京臣擬

稍為緩程行走於直隸山東交界處所應可等候

相見臣惟有細心秉公協同托津詳查辦理事竣

赴任後再至南河履勘各處情形所有面奉

諭旨長麟戴衢亨覆奏應辦各工此時臣不能查勘統俟

接印後再行覆奏外如在清江浦會見鐵保即將

奉

旨交問之事傳

旨令其自行具奏謹

奏奉

硃批覽

嘉慶十三年閏五月十六日會同戶部侍郎托公

津

奏為途間接奉

廷寄恭摺覆

那文毅公江南河道總督奏議

卷十八

五

奏事竊臣等於本月初九日亥刻行至山東禹城縣途

次接准軍機大臣字寄嘉慶十三年閏五月初七

日奉

上諭長麟戴衢亨奏查明兩淮鹽務襍項等款官商並無

侵冒一摺兩淮襍項各款向係公捐為各口岸官役兵

丁辛工等費雖無關於正課亦應據實開報著照所請

自戊辰綱為始將每年巡費辛工襍項襍費分別造冊

報部存案以息浮議其賞借項內支用之款歷年既無

報部核銷之例應仍令該鹽政循舊章辦理無事更

張此事既據長麟戴衢亨公同查核官商並無侵冒等



樊諒係實在情形但御史史祐係原奏之人現已隨往揚州著將原摺清單發交托津那彥成就近轉給史祐閱看該御史職係言官例得言事即所知未盡確切所核銀數未能符合亦不必自行迴護朕不加責備倘此次所查尙有不實不盡之處亦不妨令其指明款項托津那彥成再為詳細確查務須秉公辦理以服其心為要欽此仰見我

皇上鑒空衡平大公至正之意臣等當將接奉

諭旨及長麟等原摺清單轉交御史史祐閱看並遵照

諭旨內所指情節向該御史逐款詢問有無不實不盡之

那文毅公江南副河道總督奏議 卷十八 六

處令其確切指明再行奏請核辦據稱史祐奏請

清查兩淮襍項襍費因部中無此款目議令列入

奏銷該鹽政屢次求免造報經部駁查又遲延未

覆疑其有浮冒情事是以奏請清查今既據

欽差尙書長麟等按款查明並查照原議將襍項襍費自

戊辰編起造報核銷已足以杜侵浮而昭核實至

賞借銀兩史祐前奏稱二百餘萬兩係據鹽政上年各部

文冊計算是以與

欽差長麟等此次逐款查核清單銀數不合此外並無款

項可指更請查辦史祐荷蒙

皇上鴻慈容納言官不加譴責捧讀

諭旨悚感交并惟以分居微末不敢具摺謝

恩懇求代為陳奏等語臣等伏查襍項襍費既據該御史

登覆各項款目業經長麟等查明按年報部核銷

足杜侵冒其

賞借銀兩數目不符之處亦據將不符緣由聲敘此外並

無別款可指是該御史實已心服自可無庸再行

查辦臣等惟趕赴揚州將餘息一項悉心查詢以

期

國課商情兩有裨益謹

那文毅公江南副河道總督奏議 卷十八 七

奏奉

硃批知道了

嘉慶十三年閏五月二十四日會同戶部侍郎托

公津

奏為查明兩淮請增餘息並無朦混情弊事竊臣等於

途次遵

旨將長麟等查明兩淮襍費襍項並無侵冒摺單交御史

史祐閱看並詢問實無別款可指業已心服緣由

據實覆

奏在案茲於閏五月二十日行抵清江浦即率同史祐



將所奏朦混加息各情節向鐵保查詢據稱前因河工需費浩繁商人等報効情殷是以據情陳奏又因舊捐之項尚未全完恐商力疲乏因一併請加餘息以示體恤其所加一分五釐摺內原聲明按照上年額勒布所奏之數部中有案可稽不能稍涉朦混至於核計綱引劬兩細數係鹽政專管之事故摺內未經詳敘詢之史祐亦以上年兩次陳奏均係鹽政專銜總督自未能熟悉細繳等語及二十二日行抵揚州復公同以前項情節向額勒布逐細詳詢據稱我於嘉慶十一年到任適值

那文毅公江南副河道總督奏議

卷十八

八

連年旱澇場價昂貴商力難支是以兩次援照乾隆五十四年全德奏案請加餘息一分五釐並請飭交江西湖廣各督撫查核覆奏業據湖廣總督汪志伊將成本餘息綱引劬兩數目細加核算每引議加銀四錢二分經部覆准有案本年鐵保因籌及河工經費經商人等呈請捐銀三百萬兩並恐商疲墮運是以會銜奏懇仍照上年請加餘息我十一年原奏本聲明除原額三錢之外請加一分五釐是以將乾隆五十四年所加之一錢二分扣除此次所奏係按照前案則上年所加之四錢二分自

應一併扣除實難稍涉朦混臣等因向史祐詢以摺內因何指為朦混有別項弊竇據稱我因額勒布請加餘息前後摺內均未將每劬每引每綱所加實價分晰聲敘而商人所得之項轉多於報効銀兩且息銀於本年即行加增捐項俟六限後始行歸款是以疑額勒布所奏朦混至摺內所稱每年增銀一百八十餘萬兩係按照一分五釐統算今額勒布所算係扣除上二次所加之五錢四分與戶部所核一百三十五萬餘兩之數兩下均屬相合此外並無別項情弊各等語是鐵保額勒布

那文毅公江南副河道總督奏議

卷十八

九

此次奏增餘息均無朦混臣等伏查該督等因河工需費浩繁不得不准商人報効又恐商力疲乏或致悞運墮銷為之酌量調劑尙屬因時制宜且所增銀數業據該御史核明戶部所算實無訛錯此外並無別項情弊均可無庸置議至御史史祐以商捐之銀不及加息之多又係先墊庫項數年後始行歸款奏請分別核辦所言雖屬為公惟於額勒布摺內未經聲敘細數指為朦混取巧措詞未免過當應請

旨將御史史祐交部察議再臣托津於拜摺後即起程回



京復

命<sup>臣</sup>那彥成即赴南河到任視事謹奏

嘉慶十三年六月初三日奉

上諭托津那彥成奏查明兩淮請增餘息並無朦混情弊請將御史史祐交部察議一摺兩淮請增餘息若果有朦混取巧情事自應查明懲究是以特派托津那彥成率同該御史馳往詳核今既查明此次所加餘息一分五釐於摺內聲明按照上年額勒布所奏之數現有部案可稽並未稍涉朦混至該御史所稱每年增銀二百

那文毅公江南副河道總督奏議

卷十八

十

八十餘萬兩係按照一分五釐統算詢之額勒布則稱扣除上二次所加五錢四分與戶部所核每年增銀一百三十五萬餘兩之數均屬符合並無別項情弊該御史輒以朦混取巧具摺入奏未免措詞過當但念其究係言官例得風聞奏事且所請核辦餘息一事尚屬為公起見所有托津等請將該御史交部察議之處著加恩寬免

嘉慶十三年閏五月二十四日會同戶部侍郎托

公津

奏為商人報効情殷據呈奏

聞事據額勒布以總商江廣遠等感激

天恩優渥情愿全捐籌辦河工銀兩合詞呈懇具

奏前來<sup>臣</sup>等查呈內所稱商等前請報効銀三百萬兩

仰蒙

聖恩賞收

優加議敘並照上年奏加一分五釐餘息暫時售賣自此

可以補成本之不足商等感激

鴻慈不敢專利肥己值此大工興舉之時急公念切通河

各商籌議請照核定全河工程所需銀五百九十

餘萬兩除前捐銀三百萬兩外再捐銀三百萬兩

那文毅公江南副河道總督奏議

卷十八

十一

以濟要需伏乞奏明

賞收並稱商等成本俱係隨時營運散在各岸家無餘蓄

一時不能湊集請於已已綱起分限八年隨同前

捐各款按年呈繳俾商力稍可紓展等語<sup>臣</sup>等察

看情詞甚屬懇切並公同面詢各商該商等伏地

碰頭同稱實在感激樂輸懇求代為陳

奏是其報効之心出於至誠合無仰懇

皇上天恩俯准

賞收以順商情而資工用至所請分限八年完繳之處查

該商等於嘉慶十二年起應交報効銀三百萬兩



係分作六限完交除截至戊辰綱已完二限外尙  
有四限未交應扣至十七年掃數全完其本年五  
月新捐銀三百萬兩係奏准於舊捐六限後續分  
四限完交應於十八年起扣至二十一年掃數全  
完今現捐之三百萬兩應於已已綱起分作八年  
每年完交銀三十七萬五千兩隨同上兩次捐款  
統於二十一年掃數全完至於現加餘息一分五  
釐俟河工告竣仍應遵照前

旨再行酌量

奏明停止謹

那文毅公江南副河道總督奏議

卷十八

十一

奏

容安謹按此奏奉

旨允准

治河

嘉慶十三年閏五月二十九日

奏爲專差恭報到任叩謝

天恩事竊臣自閏五月二十五日揚州拜摺後於二十七

日回至清江到任任事伏念臣屢蒙

聖恩棄瑕錄用犬馬驅馳實涓埃之未効

成全矜恤愈感愧之難名茲復

簡用江南副總河惟臣於河工事務未曾一日經涉撫躬

悚懼夙夜難安幸得於

陛辭時得蒙

那文毅公江南副河道總督奏議

卷十八

十一

皇上格外施恩准臣學習二年

寬以責成勉期後効臣祇當竭盡心力事事留心隨同鐵

保徐端二人悉心講求斷不敢因有限期學習少

涉寬假亦不敢以毫未經歷妄恃已見惟有恪遵

聖訓虛衷博訪廣求衆益以冀實力實心仰報

高厚鴻慈於萬一謹

奏奉

硃批虛衷講求實心任事勉之

嘉慶十三年閏五月二十九日

奏臣面奉



諭旨令 臣將長麟等復查應辦各工於到任後均挨次查

閱復奏欽此近日因洪澤湖異漲陡長水一丈八尺三

寸又以連日西南風大高堰山盱一帶磚石各工

當衝處所掣卸至一百餘處水泊堤岸僅餘一二

尺勢甚險急 臣隨同鐵保徐端等分投督催晝夜

搶護目前幸尙無虞查該堤外石內土頂寬八九

丈至十丈不等石工一經掣卸土工亦愈刷愈進

現在刷進竟有深至數丈之處均經 臣等隨時搶

鑿保護無虞據目下情形而論是鐵保所奏與長

麟等復勘奏准培厚石後土堤按舊堤原寬丈尺

那文毅公江南副河道總督奏議 卷十八 十四

一例酌幫頂寬二三丈方可足資抵禦尤爲目

下亟應辦理之工至 臣此時自應先即隨同鐵保

等分投督催搶險其餘各工俟洪澤湖異漲消落

時 臣再行前往查勘復奏至 臣等商定洪澤湖異

漲非尋常險工可比二十八日業已具奏日內亦

即擬具摺奏

聞謹

奏奉

硃批覽

嘉慶十三年六月初五日會同兩江總督鐵公保

江南河道總督徐公端

奏爲洪澤湖異漲尙未平減清江淮安搶護無事緣由

事竊照本年伏汎洪澤湖因上游皖省蛟水陡發

盛漲異常高堰誌椿長至一丈九尺爲從來所未

有先經開放信壩有長無消祇得添放智壩以資

宣洩各緣由節經 臣等於二十八初三等日恭摺

馳

奏在案初三日巳刻又有雷雨仍係西南風暴雨水奔

騰掀簸拍岸盈堤束清壩及運口頭二壩竭力搶

護間有墊卸幸未全行刷塌門戶尙足支持惟三

那文毅公江南副河道總督奏議 卷十八 十五

壩姓墊較甚惠濟頭閘背過水幾及三尺情形更

爲危險下注五孔橋澆入玉帶河堤身出水高者

不過一二尺卑者僅賴加築子埝救護清江浦形

如釜底官署民居鱗次櫛比倘經湧水灌入勢必

盡遭淹沒 臣等分駐河口往來督率以遏上流晝

夜不歇心力交困更念北岸淮關淮城一帶關繫

億萬生靈尤爲喫緊且於下游高寶阜鹽運泰各

州縣毫無攔阻就近居民一聞水漲扶老攜幼紛

紛遷徙情形不無惶懼 臣等焦急萬狀一面曉諭

安頓并逐段添布員弁多備料土以資捍禦無如



硃

堤卑之處節節過水應接不遑是日申刻淮關運  
上百子堂對過運河南堤漫開五十餘丈水就低  
窪由白馬湖下注高寶諸湖入江運河水勢驟落  
二尺有餘於是淮關淮城一帶始獲瓦全但上游  
自頭壩以至烟墩營房三十餘丈仍屬漲滿二壩  
南岸臨湖駁工被風掣通四十餘丈湖河聯屬一  
片而清江浦坐當其衝仍有灌頂之勢臣等諮詢  
道將廳營並訪之居民及老兵等作何設法疏導  
均稱有奈家壩地方向建涵洞引水下注若從此  
處再得宣洩仍歸入白馬諸湖足資容納因即派

那文毅公江南副河道總督奏議

卷十八

六

委幹員前往啓放登時過水約寬十餘丈勢若建  
瓴上游立即消落清江浦得免淹灌民情始覺安  
貼並經淮關監督臣祥紹不分畛域捐資備料於  
北岸一帶添派員弁逐處照料搶鑿防護均得平  
穩臣等察看情形二壩臨湖掣通之處必須趕緊  
先行堵築奈家壩及百子堂南岸亦應盤住裏頭  
俾不至冲刷過寬現在擇要分投搶辦此次運河  
北岸之清江浦淮關淮城以及淮北商人聚處之  
湖嘴等處均於萬分危急之餘得以保全無事萬  
姓同聲頌手實賴

聖主洪庥

河神靈佑出於意外之幸臣等亦覺喘息稍定其因迴溜  
激盪汕刷之堤岸殘損處所現俱一一補鑿完整  
務保無虞以冀仰慰

慈厘至百子堂對過漫口臣鐵保飛劄地方官並分派幹  
員前往清水經過之處確查民田廬舍有無淹浸  
受災立即先為撫卹不令失所惟臣徐端專司河  
務照應未能周到臣鐵保兼管河防臣那彥成已  
到任數日均難辭咎相應請

那文毅公江南副河道總督奏議

卷十八

七

旨交部分別議處以示懲儆再山盱智壩檄飭道員督同  
該廳營啓放過水尚屬平穩初五日湖水誌椿一  
丈八尺八寸較前落水二寸黃河水勢上游陝州  
萬錦灘於閏五月二十六日又長水一尺八寸江  
境逐日增長兩岸各埽工督飭各道將廳營一律  
加謹防守尚俱穩固合併陳明並繪圖貼說恭呈

御覽謹

奏

嘉慶十三年六月初十日軍機大臣字寄奉

上諭鐵保等奏洪澤湖異漲漸就平減清江淮安搶護無  
事緣由一摺並繪圖貼說進呈朕詳加披閱洪澤湖自



皖省蛟水陡發異常盛漲高埕誌椿長至一丈九尺為從來所未有經鐵保等酌量情形先後啓放信智二壩又因雷雨風暴湖水拍岸盈堤勢甚危急旋於淮關迤上百子堂對過運河南堤漫開五十餘丈水就低窪下注入江運河水勢驟落二尺有餘湖水較前消落二寸淮關淮城一帶始獲安全其上游二壩臨湖掣通處所自啓放奈家壩後藉資減洩清江得免淹灌覽奏實深感慰前經鐵保等節次奏報洪澤湖盛漲啓壩宣洩緣由朕卽念及高埕堤工關係淮揚保障斯夕齋心默禱以期漲水漸消今於萬分危急之際由運河南堤漫開

那文毅公江南河道總督奏議

卷十八

六

下注水勢頓消淮揚數百萬生靈得以保全寔貼實為不幸中之幸此皆仰賴

天恩

神佑

俯鑒籲禱之誠用昭

靈貺欽感之餘倍深寅惕著發去頭號藏香五炷二號藏

香五炷交鐵保等分詣

河神廟代朕虔誠祀謝以冀永慶安瀾鐵保等自請分別議處一節此次運河南堤漫溢幸清江淮安等處得以保衛無虞鐵保等本可加恩無庸懲處惟於前歲湖水

異漲後上年無事之時並不早為籌畫預圖保護之計以致大汛經臨束手無策究屬辦理不善除那彥成甫經到任加恩免其交議外徐端專司河務咎無可辭著交部議處鐵保兼管河防未能預為籌及亦有不合著交部察議昨據鐵保等奏稱風雨昏黑之際督率道將竭力搶救本日又稱搶護幸獲無事喘息稍定等語殊不思宣防要務未經綢繆於事前祇知補苴於事後雖風雨焦勞亦徒然無益且喘息稍定卽漸忘危急之時何若先時籌計萬全免致臨期竭蹶耶此時鐵保等惟應同心協力加意防護設法疏浚並將埕盱應辦各工

那文毅公江南河道總督奏議

卷十八

九

通盤籌畫俟水勢消落後卽當次第興修現在河工備用銀兩除浙商報効銀一百二十萬兩外已有六百萬兩經費充裕碎石坦坡一事亦應亟籌辦理切勿仍前泄泄也其下游被水處所仍遵昨旨遴派發往各員分赴查勘如有應行撫卹蠲緩之處卽著據實奏聞候朕施恩毋稍諱飾並將近日湖河水勢情形如何一併速奏以慰廑注

嘉慶十三年六月初九日會同兩江總督鐵公保

江南河道總督徐公端

奏為湖河水漲畧消磚工缺口冲刷較寬分別疏消堵



閉情形恭摺馳

奏事竊照六月初二三等日河口一帶水勢非常異漲  
洪澤湖一丈九尺兼逐日西南風暴掣通臨湖磚  
工與運口連成一片情形十分危險幸添啓智字  
壩酌開余家壩分路減洩並漫開百子堂運河南  
岸滙注入湖清江淮安一帶得以保全各緣由經  
臣等繕摺馳

奏在案

臣等率同道將廳營大小員弁晝夜在工竭力

搶辦初五六七等日均有驟雨狂風約一兩時許  
不等察看湖水誌椿消水八寸外河順黃壩亦落

那文毅公江南副河道總督奏議

卷十八

三

水一尺二寸清黃水勢俱已消動趁盱大堤雖至  
損處所甚多 臣等督飭候補道葉觀潮裴世璘等  
一面加培子埝一面用料搜護尙可保守 臣等悉  
心籌議擇要施工如余家壩形勢建飭一經過水  
刷塌較寬丈量口門刷寬至八十餘丈應即趕緊  
盤頭收束稍緩進占庶清水得有去路智信兩壩  
購料較難應預辦正稜各料俟湖水消至一丈五  
尺以內卽相機堵閉以免過於宣洩百子堂對過  
七里溝漫口已寬六七十丈分溜入湖運河卽形  
淺涸必應趕緊堵塞俾船隻南北通行而目下尤

爲緊要者則莫如臨湖磚工壩通之處該工續又

壩通一段其東首一段壩長四十餘丈西首一段

壩長六十餘丈在二三壩之間現在續塌未定水

流迅駛迴溜激盪直冲對岸而對岸又係一綫單

堤寬廣不過三四丈隨鑿隨蟄兼之三面皆水毫

無取土之地用船剝運又在數里之外 臣等帶同

淮揚道鰲圖專駐該處以全力搶辦歷五晝夜未

能片刻歇手趕鑿埽段已有二百數十丈預籌抵

禦以保萬全無如初七日大風暴雨徹夜不絕爲

時更久掀簸湖水湧進缺口頂冲對岸愈冲愈急

那文毅公江南副河道總督奏議

卷十八

三

姓蟄不止昏黑之間人力難施浪泊堤頂兵丁民

夫爲浪所吸溺斃多名埽尾過水一處水由三壩

繞出後汊河仍歸頭二三間 臣等恐水勢越過高

坂頭五孔橋等處草壩則清江淮關淮安正當其

冲不免先受淹灌復趕將運河南岸開通一處俾

水仍由余家壩一路空濶之處下注入湖其北岸

逐段加鑿高厚以資抵禦初八日午刻水勢稍定

清江至淮安一帶民居稠密之處仰賴

皇上洪福尙未被水實爲不幸中之幸 臣等自恨驚駭又

值此非常異漲發自上游暴雨疾風連日不止人



力難施雖頂踵捐糜無裨實濟惟有竭盡心力加緊籌辦盡人事以迓

天庥現已多派廳汛將備人員四處購運正礮各料勒限星夜到工加緊興辦 臣等公同核算堵閉臨湖磚工二處裏河缺口三處并山盱智信兩壩按寬深丈尺約估料土銀數共需銀一百數十萬兩現在秋汛正長河庫修防之項尙在不敷無可動墊無米爲炊勢難坐悞不得不據實懇陳仰懇

皇上天恩

俯准 臣等在於就近兩淮江浙藩運關各庫札詢有銀之

那文毅公江南河道總督奏議 卷十八 三

處分投咨撥銀一百五十萬兩漏夜解工濟用俾得接續應手趕辦當此急如星火之時不能再待部撥覆到以致延悞仍俟興工隨時

奏報并於工完核明實用數目照例分別銷賠 臣等惟有自矢天良凡可樽節之處亦斷不敢任意糜費以重工程而節

國帑 臣等不勝惶悚急迫惕息待

命之至再清江淮關淮城一帶北岸堤埝俱已加鎮平穩河庫道李奕疇專任清江足資照料奈家壩白子堂對岸以及智信兩壩等處過水下注灘歸高寶

諸湖恐運河各閘壩一時宣洩不及下游難免淹浸之患 臣等先經飛劄江寧藩司揚州淮安二府及地方州縣該管廳營妥爲防範實力查勘遇有被淹處所先行撫卹現據高郵州稟報初四五等日運河淺涸誠恐湖水驟至業經各閘壩一律啓放其餘未據報到又黃河兩岸堤埝該廳營逐段修守惟山安廳屬之四汛民埝報有撞塌漫水尙俱平穩謹

奏

嘉慶十三年六月十四日軍機大臣字寄奉

那文毅公江南河道總督奏議 卷十八 三

上諭鐵保等奏湖河漲水畧消磚工缺口冲刷較寬分別疏消堵閉情形一摺覽奏屢念之至百子堂對過七里溝漫口前日祇寬五十餘丈今又寬至六七十丈而臨湖磚工掣通之處續又掣通一段共計有一百餘丈且續塌未定其對岸一線單堤愈冲愈急清江淮城等處危險已極經鐵保等將運河南岸開通一處俾水仍由奈家壩一路下注入湖水勢始克稍定尙係不幸中之幸此皆該總河等平日不知預爲籌備所致伊等摺內敘及數日來惶恐急迫情形萬分竭蹶現在風雨中晝夜搶護實亦不遺餘力然果綱繆未雨何致倉猝聞東



手無策高堰爲淮揚數郡保障關係百萬生靈非常緊  
要不但伊等平素摺內常敘此語卽此間亦洞悉情形  
時時降旨諭及然此間相隔遙遠不能懸揣工段情形  
無從措手惟有提撕警覺不憚諄諄至伊等朝夕在工  
往來查勘豈於工程應行修築培補之處全然不知而  
乃膜不經心泄泄沓沓惟事托之空言以致異漲之來  
磚工頻露坍塌伊等平日意圖見好輒以經費有常卽  
見有應辦工段亦多藉口因循試思此時各處缺口層  
見疊出需用工料若干災區民戶應行撫卹賑濟若干  
將來蠲免錢糧又需若干其多糜帑項何啻倍蓰又何

那文毅公江南河道總督奏議

卷十八

五

如將堤工及早經理處處完善尙不致如目前之繁費  
乎此事那彥成甫經到任數日與伊全無干涉徐端本  
係河員出身自擢任總河以來專司河務業已數載不  
能預爲防備其咎較重鐵保兼管河務在彼督辦有年  
亦難辭咎若不分別懲處伊等仍前大意不知儆懼愧  
奮徐端著革去頂戴花翎鐵保著革去花翎降爲二品  
頂戴以觀後效如果伊等感激奮勉將一切應行培築  
各工認真經理屆時或派員前往勘驗實在完善再行  
量予施恩勿再經理不善致于重譴至臨湖磚工擊通  
至一百餘丈看來當日辦理此工本不堅固著鐵保等

那文毅公奏議 卷一八

卽行據實查明此項磚工係何年所辦曾否逾保固之  
限係何人任內之事是否戴均元吳璣俱曾經手督辦  
著確切查明將河臣工員分別參處著賠不可稍有瞻  
徇至所稱核算堵閉各工現在需銀一百五十萬兩請  
在兩淮江浙藩運關各庫咨詢提撥之處此時辦工緊  
要亦不得不如此提撥應用著卽照該督等所請准其  
分投各撥趕緊搶辦將來各處所提之項均在於淮商  
報効之六百萬款內照數撥還仍當分別銷賠毋稍含  
混其下游受災各處著卽遵照前旨飛速遴員分投查  
勘一切撫卹賑事宜務卽認真經理庶被災貧民不

那文毅公江南河道總督奏議

卷十八

五

致失所慎勿再有諱飾再黃河上游昨據甘肅奏報驟  
長至二丈有餘何以本日伊等摺內轉稱順黃壩落水  
一尺二寸實不可解其因何消落之故殊爲屢念著卽  
查明具奏並通飭各處工員慎重防範爲要所有落水  
淹斃之兵丁民夫等著查明分別咨部卹賞

嘉慶十三年六月十八日

奏爲恭摺叩謝

天恩事竊 臣 欽奉

上諭此次運河南堤漫溢幸清江淮安等處得以保衛無  
虞鐵保等本可加恩無庸懲處惟於前歲湖水異漲後



上年無事之時並不早為籌畫預圖保護之計以致大  
汎經臨束手無策究屬辦理不善那彥成甫經到任加  
恩免其交議欽此伏念臣於河防事務從未究心仰蒙  
恩命昇以副總河之職甫經抵任卽值洪澤湖盛漲兼逐

日風雨運口危急異常臣戰兢悚惕與督臣鐵保

正河臣徐端晝夜督率搶護設法宣導幸將淮浦

一帶保全無事而臨湖磚工等處因溜急漫口臣

職司河務例有應得之咎迺荷

皇上天恩以臣甫經到任免其交議聞

命之下感愧交深此後臣惟有隨同鐵保徐端時時留心

那文毅公江南副河道總督奏議 卷十八 三

學習以期漸臻熟諳並欽遵

諭旨協力同心加意防護設法疏浚將各工次第興舉早

慶安瀾以仰副

高厚鴻慈於萬一謹

奏奉

硃批工員浮冒入已實不能免汝不見吉地之大案乎盛

住一人侵用九萬衆監修分用二萬有餘是河工前車

之鑑汝應密防嚴察切勿受其朦混勉之

嘉慶十三年七月初六日

奏爲叩謝

天恩並覆奏欽奉

硃批事竊臣接閱邸抄知

吉地重大工程盛住昧良喪心竟有侵肥入己之事臣不

勝錯愕凡屬內外臣工無不驚駭髮指臣兄那彥

竇接辦工程而且駐工三年之久未能查明據實

奏奏乃蒙

聖恩曲予矜全仍

賞給頭等侍衛作爲哈密副辦事大臣臣祖孫叔姪弟兄

生成全家頂祝正擬專摺恭謝

那文毅公江南副河道總督奏議 卷十八 三

天恩茲臣於奏事摺內欽奉

硃批工員浮冒入已實不能免汝不見吉地之大案乎盛

住一人侵用九萬衆監修分用二萬有餘是河工前車

之鑑汝應密訪嚴察切勿受其朦混勉之欽此臣於河

防修守工程一切夙未諳習荷蒙

皇上棄瑕錄用特簡重任

天地父母之恩臣稍具天良宜如何感激圖報臣自抵南

河卽周諮博採廣益集思隨時隨事留心學習以

冀漸有知識至現在要工具舉錢糧浩繁誠如

聖訓工員侵冒事所必有豈容漫不加察除逐款支發經



正河臣徐端會同臣酌核批處權其輕重緩急按其高寬丈尺務期實用實銷不任少有糜費外並以不叅舉盛住各官爲前車之鑑如遇有文職工程偷減武營作工不力以及侵冒虛捏等情獎一經體訪確實臣斷不敢扶同徇隱辜負

聖慈惟有據實從嚴密叅徹底根究以重工程而伸國法仰副

皇上不惜帑金奠定東南之至意謹

奏奉

硃批知人不易得人最難如盛住之舉實出意想之外不那文毅公江南副河道總督奏議

卷十八

无

恨彼昧良喪心轉恨已糊塗看人耳夫復何言汝屢遭挫抑應動心忍性捨身報國無可訓諭勉之

嘉慶十三年八月二十一日會同江南河道總督徐公端

奏爲洪澤湖智壩合龍並交寒露黃河水勢工程平穩河口僱辦各工情形恭摺奏

聞事竊照八月上旬黃河水勢工程情形前經臣等繕摺具

奏在案自八月初四日秋分節以後徐揚兩屬黃河各工水勢旋長旋消工程一律平穩惟蕭南廳之賀

家莊新工溜勢游移不定再飭徐州河道張鼎駐工督辦幫寬壩臺加鑲追壓穩固茲八月十九日節交寒露水力日綿臣等酌量各廳凡稍緩之工皆不准率行動料以杜冒混以歸樽節現距霜降僅剩半月安瀾可冀足以上紓

慈厘所有洪澤湖山盱廳之智信兩壩因暴漲之水過大壩底跌塘冲揭刷成溝槽水深二丈一二尺三丈不等臣等督飭道員葉觀潮等慎重圈越築壩捲埽前進於八月十二日將智字壩堵合斷流後卽令候補道裘世璘前赴信壩督辦興工進占現已

那文毅公江南副河道總督奏議

卷十八

无

做成二十餘丈趕月底月初定可一律全竣臣那彥成於百子堂葺工後亦至河口會同臣徐端督率道將各員分投趨辦伏查運口各工內以臨湖磚工爲首百子堂爲尾而中段之奈家壩一處洩水口門爲最大其餘自運口二壩以下至惠濟閘及此裏頭橫堤外埝又二三兩閘上下緯道隄工當六月初間湖水暴漲之際處處皆漫刷過水道水勢消動臣等卽乘舟逐細籌度先將各堤埝可以施工而刻不可緩者分別酌用料土堵截補築以通運料之路其應補遺三壩及各處小缺口凡



可稍緩之工卽令俟冬令水涸再行補還不敢率滋糜費所有臨湖磚工缺口因跌塘較深是以測探外灘淺處圍築越埝截惟兩頭進水河形用料堵閉除西首河形寬三十九丈已於八月初九日堵合斷流外尙餘東首口門一處原寬六十三丈督率趕緊進占已做成五十四丈尙存金門寬九丈進水已屬無多現將所築越埝臨湖一面趕鑲護埝以禦湖浪其奈家壩口門因開放時漲水浩大一時宣洩不及於壩面普漫而過是以刷成口門兩處中存磯心一道南首缺口計長一百十

那文毅公江南副河道總督奏議 卷十八 三

四丈餘尺北首缺口計長六十六丈水深自八九尺至二三丈不等 臣等分督道將等先將北首一處趕堵斷流其南首口門寬濶處所就磯心盤頭兩壩進占亦已做成五十三丈現存金門寬六十六丈五尺 臣等與在工各員公同商酌此時不難先將臨湖磚工全行堵合斷流惟因下游之奈家壩過水尙寬恐運口頭壩口門吸溜湧激倘頭二兩壩不能穩固一有閃失又增糜費應將奈家壩趕緊進占收束籍資擎托與磚工口門同時相機合龍庶頭二壩可以放心而壩門溜勢較平回空亦

可經行無礙在工文武意見相同 臣等現在分督河營將備將奈家壩漏夜進占趨辦趕期收束如式一面督催將禦黃壩以內所挑河身加夫趨挖勒限八月二十五日以前一律全竣卽啓放禦黃壩俾回空漕船過行南下據報截至八月初二日回空已入黃林莊境內船四十一幫計一千六百三十九隻後船尙未跟接入境所有已抵中河場莊運口各船挨次停泊 臣等派員彈壓巡防甚爲靖謐計期八月底啓壩放船不過旬餘卽可渡竣比較往年渡黃之期尙不爲遲 臣等惟有彈壓竭

那文毅公江南副河道總督奏議 卷十八 三

盡駑駘加緊趨辦務令運口各工趕霜降前後一律妥竣回空漕船早日歸次一俟挑工完竣回空渡黃另行馳奏督 臣鐵保現赴吳淞海口一帶巡查是以未及會銜再 臣等正在繕摺具奏間承准軍機大臣字寄嘉慶十三年八月十四日奉上諭前據鐵保等奏現將禦黃壩堵合掣乾底水勒限挑淤一面堵築磚工缺口尅期八月底可以啓壩放船等語現在已交八月中旬距鐵保等所奏月底放船之期不過半月所有築口挑淤等事業已辦有幾成是否不



致遲悞著鐵保等一面先行奏聞一面趕緊趨辦愈速  
方安若辦理延玩致回空船隻在彼愈積愈多不能挽  
渡恐生別項可慮之事或有凍阻不及歸次則惟鐵保  
等是問欽此臣等當即飛咨督臣鐵保一體欽遵外伏  
查河口煞壩挑淤回空幫船畧為停待各情形前  
經節次附招奏蒙

聖鑒在案現在裏河之百子堂干根旗杆缺口俱經堵閉  
穩固淮安以下運河暢順深通臨湖磚工口門亦  
已收窄船隻往來並無阻礙所有河口挑工臣等  
督趨加夫趕辦已批八成有餘定限本月二十五

那文毅公江南河道總督奏議

卷十八

三

日一律竣工凡應折啓禦黃壩金門及壩外灘面  
應抽溝槽俱已預為趕辦一俟挑工完竣即日啓  
壩放船現在洪澤湖存水一丈零六尺惟黃水尙  
未大消較高清水二尺有餘臣等深知回空歸次  
緊要未便久於停待公同商酌並溯查歷年霜降  
以後水勢日綿迥非伏秋渾濁可比現將河身已  
挑深至一丈有餘不致再有淤淺有悞回空現在  
所有已入江境船一千六百餘隻以每日過船一  
百五十四隻計算尅期旬日可竣如果後船脚尾  
而來不致脫幫於十月望間全行渡黃可以無虞

凍阻臣等惟有欽遵

聖訓加緊趨催務期速愈加速現仍一面行文漕臣催令  
在後之浙江湖廣江西空船作速南下務俾跟接  
渡黃則各幫可期及早歸次謹

奏

嘉慶十三年八月二十七日軍機大臣字寄奉

上諭徐端那彥成奏洪澤湖智壩合龍並黃河水勢平穩  
河口趨辦各工情形一摺覽奏俱悉裏河各缺口前次  
堵築百子堂干根旗杆兩處茲又將智壩堵合惟信壩  
抵做有二十餘丈口門尙寬又臨湖磚工現存金門九

那文毅公江南河道總督奏議

卷十八

三

丈奈家壩口門尙有六十一丈五尺均未堵築斷流而  
此外荷花塘蔡家潭俱尙未提及此時回空糧船最關  
緊要徐端等擬勒限於八月二十五日以前將奈家壩  
臨湖磚工辦竣後即啓放禦黃壩趨送回空想已如限  
辦竣不致再有遲悞現已降旨薩炳圖令將在後回空  
各船催趨而下勿任脫幫至此時黃水高於湖水二尺  
有餘是否仍屬以黃濟運其新挑各工是否不致淤阻  
徐端等務將未堵各缺口趕緊堵完收束清水全力北  
注敵黃此為最要再本年夏間勘辦黃河各工約需費  
六百萬兩尙未與舉旋因湖水漲漫冲缺堤壩多處補



葺不違現在甫能辦有頭堵為費自屬不貲從前所議各工目前能否再有餘力辦理伊等將裏河各工辦竣之後更擬接辦何工並霜降後海口情形若何均著隨時詳晰具奏

嘉慶十三年九月初四日會同兩江總督鐵公保

江南河道總督徐公端

奏為恭報霜降安瀾並磚工合龍仍備辦各工情形仰

慰

聖懷事竊照節交寒露以後黃河水勢工程平穩並回空

漕船渡黃進口各情形前經臣徐端臣那彥成恭

那文毅公江南副河道總督奏議

卷十八

雷

摺馳

奏在案臣鐵保巡察吳淞海口事竣馳抵工次同將應

堵各工督催趨辦茲九月初四日已節交霜降黃

流順軌仰賴

聖主誠敬感孚

河神垂佑得慶安瀾伏思江境為眾流匯歸之區一遇汎

水漫漲工程在在著重先事預防最關緊要仰蒙

皇上念切民生先於春間

恩准將黃河大堤卑薄之處擇要大加培築復經

欽差協辦大學士長麟戴衢亨等臨工勘議預期撥發工

料錢糧俾得防守有資並蒙

聖慈垂厯先期預發藏香俾臣等潔蠲祀禱以迓

神庥湖查伏秋大汎期內黃河上游來源據報陝州萬錦

灘共長水五次武陟縣沁河共長水八次而甘肅

寧夏陡發漲水至二丈餘尺尤為非常浩大臣等

正當洪澤湖搶辦之時忽見此等異漲亦非意料

所及乃早荷

綸音馳賁

炳燭先機俾得有此遵循臣等董戒大小臣工合力同心

奮鋤具舉芟芻畢備凡黃河堤埽各工逐節巡防

那文毅公江南副河道總督奏議

卷十八

雷

派員至二百餘人無不鼓舞振興臣等與奉派來

工之康基田顏檢巴寧阿李亨特等共相激勸督

率陞任淮揚道江蘇臬司鰲圖河庫道同興徐州

道張鼎淮揚道葉觀潮暨各廳丞倅河營副參遊

擊等官分投駐劄各於緊要處所嚴督派定段落

巡防之委員兵夫住宿堤頂晝夜守禦遇有溜刷

堤根即立時搶護上下二千餘里得以化險為平

不下數十處其中尤為至險者莫如運中河廳境

內因東省山水陡發三丈有餘緯道卑薄之處節

節過水遙堤一綫危在頃刻臣等又值各處搶護



萬難兼顧之時飛派候補道裘世璘知府王穀馳往該處督率廳營加緊搶辦歷五六晝夜始獲平靜至高堰清口一帶因皖省各山蛟水驟發洪澤湖來源旺盛漲水至一丈九尺餘寸又值六月初一日至十三日逐日西南風暴鼓漫湖水直注裏河清口竭力搶護減洩清江淮安一帶幸得保全今各工次第竣事除百子堂對岸缺口千根旗杆山盱智壩缺口俱已趨堵合龍先經

奏報外所剩臨湖磚工東首口門原水深三丈餘尺漸刷加深不得不慎重進占現已趨於霜降日合龍

那文毅公江南副河道總督奏議

卷十八

三

穩固運口頭壩金門溜勢較前稍平兩壩頭已鑲壓穩固現在河口自啓放禦黃壩後回空漕船進口過行截至九月初三日已渡黃船計十四幫共四百六十一隻奈家壩工程漏夜進占亦祇存金門十餘丈本可即日合龍因察看惠濟頭開金門溜勢湧激高下懸殊回空軍船放開較難相度機宜尙應將奈家壩暫緩堵合溜勢分洩以平閘門之溜俟水勢畧消再行趨堵不過數日可期完竣至揚糧廳境之荷花塘蔡家塘兩處口門跌塘深至八丈有餘計需工料過多應須設法收束以歸

節省臣那彥成現帶同李亨特營道員葉觀潮趙宜喜等逐細勘明公同籌議務就妥速辦理再行切實具奏謹

奏

嘉慶十三年九月十五日

奏爲恭謝

天恩事竊臣與鐵保徐端等會奏霜降安瀾一摺欽奉

上諭那彥成到工在已交伏汛之後協力防護諸事認真

著加恩交部議敘欽此伏念臣於六月初間抵任卽值

清黃並漲搶護不遑以致裏河漫缺多處且臣於

那文毅公江南副河道總督奏議

卷十八

三

河務夙未究心僅隨同鐵保徐端講求學習惟思

以勤補拙督率大小員弁夙夜罔懈庶可少紓

宵旰是以分駐要工嚴立賞罰以昭激勸博詢利弊以重

度支數月以來業將各缺口次第堵合而未經歲

事者尙有十之二三實皆臣分所應盡之職方慮

顧此失彼深切悚懼乃蒙

皇上逾格寵施

渥加獎勵以臣諸事認真

特恩交部議敘臣聞

命之下伏地叩頭感激悚惶莫能名狀查現在未堵缺口



僅有奈家壩因關係頭開進溜暫議稍緩旬日一面趨辦荷花塘蔡家潭二處及三舖一處疏挑引渠計期月底月初總可一律完竣臣惟有益矢勤奮勉圖報稱仰副

聖天子平成水土之至意用酬

高厚鴻慈於萬一謹

奏奉

硃批實心講求除弊尤要若云無弊是欺

天矣工程迭出非弊乎堤不堅固非弊乎料物不足非弊乎勉力報恩嚴察此弊

那文毅公江南副河道總督奏議

卷十八

三

嘉慶十三年十月二十日

奏為欽奉

睿訓據實覆

奏事竊臣於奏謝霜降安瀾蒙

恩錄敘摺內欽奉

硃批實心講求除弊尤要若云無弊是欺

天矣工程迭出非弊乎堤不堅固非弊乎料物不足非弊乎勉力報恩嚴察此弊欽此仰見

聖主厯念河防慎重工帑臣跪讀之下戰慄兢惕深知才

識之不稱職

恩遇之難圖報伏念臣早侍

禁廷仰蒙

訓誨裁成無如年輕冒昧屢獲愆尤幸蒙

曲賜矜宥臣悔悟方新旋荷

恩慈棄瑕錄用昇以副河防重寄臣於工程事務全未閱

歷

陛辭之日得奉

恩諭不責速效准令學習三年自揣年力正強隨事隨時

猶可留心強記得冀學習有成可以稍効涓埃之

報自閏五月二十七日到工任事即值皖省蛟水

那文毅公江南副河道總督奏議

卷十八

三

驟發長淮異漲高堰誌椿至一丈九尺餘寸高出

概工之上實為罕見之事繼又運中河報險以東

省蒙沂諸水驟長至一丈餘尺又旋奉

諭旨示以甘肅蘭州長水至二丈餘尺湖黃運同時並險

皆非意料所及臣等竭力搶救幸仰仗

皇上洪福當萬分危急之際如有啓牖其中得以設法啓

放避重就輕不致淮揚盡成澤國嗣即通籌堵築

工作疊興伏查工程繁大必宜量緩急以為支用

明賞罰以定功過俾人知懲勸工不虛糜如洪澤

湖各工非人力之能施是以未經奏辦至平橋三



舖雖因風雨失事廳營亦各有差遣出汎而滲漏未及預防當將該管廳營汎員從重據實奏

奏是惟在臣等受

恩辦事之人一秉至公不冒屬下之功必嚴察人之過庶

此數語得要若日功不能察與矣

日久懲勸明而人知自奮則河員積玩積滑習氣可望漸除至漫口既多錢糧動用浩繁當此動支拮据之時在臣等渥被

重恩天良自在而各工員中賢否不齊誠如

聖訓斷難保無虛冒侵肥之事臣到工以後博採旁諮明

查暗訪大約土工石工以及稽埽工段利之所在

那文毅公江南副河道總督奏議

卷十八

罕

真有不可枚舉者卽如堤岸土工以原估高寬丈尺爲憑層坯層礮方能堅實否則偷減草率遇水卽滲一經冲刷立見潰決石工自採運以至砌築或圖省灰漿或減用鐵錫或底水車戽不盡打椿截長作短至於埽段工程又憑測水淺深以定單長數目而有所淺者忽深深者忽淺此因水性有清黃之不同溜勢有遠近之忽異然往往工員借此朦混虛報水勢深若干丈尺卽爲將來核計短長地步又或土勝於料則以餘料影射另作開銷而根脚易致搜跌料勝於土則以淺土浮鋪虛糜

正料而追壓難於到底其他如運料交料層層剝削船運陸運處處拋灑及至設廠堆埽甚至收捆

減筋虛鬆架摺暗用使費通同開報以少作多尤

可恨者一遇險工緊急料戶籍以居奇把持挾制

或實被詐索或通同分肥又如挑挖河渠墊厓貼

坡暗減丈尺凡此弊端耳目稍有不周轉瞬卽難

指實文員與武弁積不相能則武弁浪費工料不

顧錢糧之虛費武弁與文員彼此相投則又通同

舞弊任意虛捏河臣不過一二人外有三四道員

各有專轄廳營多少不等旣爲監司大員尙不致

那文毅公江南副河道總督奏議

卷十八

罕

罔顧體面此外文武官弁皆係辦工之人其稍具天良者縱使十得其五則已半屬急公半係舞弊之人臣與正河臣徐端遇有要工不得不親駐督辦就此一工時時量驗暗中存記工料一有不符卽時覺查或無虛冒然專注此處一工卽不免囿於一隅其他縱專派道府大員督辦之工卽不能知其是否無弊且道府中素所深信者正亦不可多得則防弊察弊之道處處不可自信至本年裏河及山盱堵築之工十餘處內惟千根旗杆一處高下水勢不甚懸殊尅期卽竣其餘如蕪工東西



二壩智信二壩百子堂三舖蔡家潭荷花塘余家壩或因水勢過深或因河泓淤墊或因三面皆水無土可取或因上下隔絕運料甚難細按情形既不能不趕緊趨辦又不得不慎重出入總計各工錢糧共用至一百七八十萬兩為數固屬不少而堵築十餘處口岸比較從前辦理一處口岸遂用至百十萬者則已損之又損臣等身任大員節省豈足云功况卽此省之又省之中卽不能保必無受人朦混之處是以每奉嚴查弊端

恩旨卽不禁食不甘味寢不安席惶惶無以自處至正河

聖

那文毅公江南副河道總督奏議

卷十八

聖

臣徐端係由河員出身工程最所熟諳始尙疑其久任河工與所屬不免瞻顧情面之處及臣抵任半載以來與之朝夕相處見其事事開誠布公凡涉料土錢糧皆不辭勞瘁親自勾稽核算始終不懈惟徐端雖受

恩遇用至正河臣而從未瞻覲

天顏不免少為踈遠往往有不肖工員以此輒萌易視之心又轉因熟習工程馭下不免過急語言不免過碎此等處所是其微疵然大端自是可靠臣惟當與之和衷共濟交相勸勵稟遵

睿訓實心講求嚴查密察有弊必叅懲一儆百務令工帑悉歸實在仰副

皇上訓誡諄詳之至意謹

奏奉

硃批所言皆中款要願汝力行耳勉之

嘉慶十三年九月初八日會同兩江總督鐵公保

江南河道總督徐公端

奏為勘定堵辦揚糧廳缺口情形山旰信壩合龍蕘事

並裏河平橋三舖兩岸緯堤坐墊現在趨辦各緣

由據實奏

那文毅公江南副河道總督奏議

卷十八

聖

聞事竊照山旰智信二壩及裏河運口磚工千根旗桿百子堂等處自八月上旬以來次第堵合收束高寶下游漲水漸消臣等公同商酌應卽將揚糧廳境之荷花塘蔡家潭各缺口趕為興辦臣徐端在河口督辦余家壩工程並趨催回空漕船渡黃臣那彥成卽帶同李亨特准揚道葉觀潮前赴荷花塘等處逐細查閱勘得荷花塘口門寬七十餘丈蔡家潭口門寬六十餘丈該二處因坐當迎溜過水浩大是以冲跌坑塘深至八丈有餘公同道將等量驗估算若就缺口處堵築應用工料較多約需



銀五十餘萬且三面皆水無土可取復帶同在工  
年久之弁目上下細加履勘惟有在口門之外就  
西岸漫灘圍埝築做將兩處口門包住另於臨湖  
舊有越堤之內挑挖河身二百餘丈作為正河統  
計築堤二百四十餘丈仍於兩頭鑲埽堵合測量  
水深僅丈餘至三丈不等所築堤埽丈尺雖長而  
水勢既淺則核計需用錢糧節省甚多且人力易  
施較有把握臣鐵保先於吳淞回舟經過查勘意  
見相同復與臣徐端面加商酌應如此辦理現即  
飭令常鎮道趙宜喜督率廳營照估興辦所需正

那文毅公江南副河道總督奏議

卷十八

閩

襍各料先經臣等派委江甘等縣協同河廳預為  
購辦運口足資應用尅期月底月初可期竣事其  
回空漕船仿照嘉慶十一年冬間暫沿湖邊行走  
有舊路可循並無阻礙所有山旰之信字壩前於  
智壩合龍後即專交候補道裴世璘駐工趨辦尚  
為妥速截至九月初二日僅存金門十餘丈原定  
於初四日合龍緣初三四五六等日秋雨連綿晝  
夜不止兼值北風狂猛湖浪如山人力不能施展  
埝旰兩廳境內大堤磚石工海漫及仁義禮各壩  
護埽多有刷掣所有信壩原做埽工該道廳等竭

力搶護幸保無虞一經風雨稍止即趕緊進占堵  
合茲據報於初八日業已合龍穩固湖水並無旁  
洩惟裏河廳境淮城迤下三舖地方自奈家壩百  
子堂漫水下注該處運河緯堤本係兩面皆水浸  
泡日久加以初三四五六等日晝夜風雨淋漓昏  
黑之際土隄陡行坐蟄河水旁注歸湖是晚臣鐵  
保臣徐端正正在河口趨堵磚工臣那彥成回舟行  
次寶應聞報即先後馳抵該處閱看幸所塌不寬  
過水僅二十餘丈惟正河之水陡落停淤應即趁  
此趕為挑挖現即調集將備兵夫一面將埝工缺

那文毅公江南副河道總督奏議

卷十八

閩

口盤頭堵築一面趕將正河漏夜趕挑勒限十日  
全竣查河口至淮城三舖河路計長九十餘里渡  
黃進口幫船足容停泊復委叅將張奇盛催趨進  
口照料彈壓淮揚運河向無凍阻之虞計期半月  
之內工竣船行仍不悞歸次受兌其缺口下注之  
水仍歸白馬湖一帶原淹處所情形亦並未加重  
惟該處緯堤為運道所關乃於霜降節後有此姓  
失該管文武各員例有應得處分查失事之日裏  
河同知繆鶴隨同臣徐端在河口搶鑲頭壩該營  
守備汪騰龍係派委在寶應一帶用混江龍疏浚



正河該汎縣丞趙立福臣那彥成帶赴下游查估  
荷花塘工程雖皆因公出汎但究未能先事預防  
仍應請

旨將裏河同知繆儁守備汪騰龍山陽縣裏河縣丞趙立  
福一併革職離任仍留工次効力勒限工完再行  
核辦其專汎把總程超効用朱光奎巡兵趙德韓  
德斥革枷號工次以示懲儆臣等遠在別工照料  
未周均難辭咎仰懇

聖恩交部議處其淮揚道葉觀潮到任未及半月又兼隨  
同臣那彥成赴荷花塘勘工應請免其議處一次

那文毅公江南河道總督奏議 卷十八 聖

釐辦工竣另行馳

奏謹

奏

嘉慶十三年九月十四日軍機大臣字寄奉

上諭鐵保等奏信塌合龍裏河平橋三舖西岸緯堤又有  
坐墊現在釐辦覽奏俱悉此時裏河各工尙有荷花塘  
蔡家潭等處缺口關係運道未經堵築而淮城迤下三  
舖地方運河緯堤又因風雨陡墊計寬二十餘丈現在  
河水旁注歸湖正河停淤據稱一面趕緊堵築一面漏  
夜趕挑將渡黃進口各幫船暫在三舖停泊等語試思

疏 覽奏實增煩悶

回空幫船本年在楊莊守候一月有餘甫於本月底挽  
渡進口而三舖一帶運河緯堤復行墊塌河身淤墊軍  
船又須停待豈不倍形遲緩實為可慮伊等及該管文  
武各員弁不能先事防守均屬咎無可辭除弁兵等已  
經該督等斥革枷號外裏河同知繆儁守備汪騰龍山  
陽縣裏河縣丞趙立福均著照該督等所請革職離任  
仍留工次効力勒限工完再行核辦鐵保徐端那彥成  
亦均照所請交部議處伊等另摺所稱霜降後擬辦各  
工固屬均關緊要但此時尤以釐催回空船隻為亟若  
堵築漫口稍有延緩挑挖河淤不能深通則軍船阻滯

那文毅公江南河道總督奏議 卷十八 聖

有悞歸次關係尤重伊等既稱半月之內可期工竣船  
行惟當依限釐催設法督辦愈速愈妙不可稍涉延玩  
此時該督等祇不過照例懲處設河口至運河一帶將  
來有軍船阻滯之事則獲咎甚重非止交部議處勉之  
慎之

嘉慶十三年十二月二十五日會同兩江總督鐵

公保江南河道總督徐公端

奏為現辦運口工程及荷花塘尙未堵閉情形事竊照  
南河自十一月以來清水總高黃水二三尺不等  
惟十一二等日東北大風將清水頂回黃水忽有



那文毅公江南副河道總督奏議

卷十八

巽

倒灌之勢至十九日風轉黃水消落清水暢出如前運口頭二草壩為清水入運門戶因口門跌成深塘壩身不能站立以致屢鑿屢壘臣等議向外移就舊有蓋壩處所進占展寬丈尺加鑿雁翅旬日來始得步步穩實頭南北壩現留口門十六丈二南北壩計現留口門十六丈尚須收窄奈家壩因恐運河緯道卑薄之處未免着重一面補築子堰一面酌量進占現僅存口門八丈不難即日堵合臣徐端現駐河口督率淮揚道葉觀潮等趕緊辦理又荷花塘缺口臣那彥成於海口會勘事定

後仍帶同李亨特即馳赴工次督辦因奈家壩不能急堵而該處對岸通湖兩缺口共長一百餘丈湖水來源甚旺緯堤迎溜頂冲情形喫緊復督率工員日夜趨辦將荷花塘西岸缺口於十二月初六日堵合其西岸窰家營缺口又跌深至五丈餘亦在趕辦計數日內亦可合龍惟新築緯堤冲開之處下有深淤愈刷愈深進占甚難措手臣那彥成與徐端詳細熟商正在籌辦適准

欽差大臣吳璥托津咨會恐奈家壩入湖之水來源太旺壩工喫重議令先堵奈家壩以斷上流正與臣那

那文毅公江南副河道總督奏議

卷十八

巽

彥成趕堵窰家營缺口意見相同適臣徐端於十九日到工細察情形臣鐵保亦來鎮江會同通盤商酌新築緯堤本係淺灘今因溜急淤深難於站穩自不若仍將應行補還之後堤先為築做以資擊托並將上游河口之奈家壩趕先堵合則該處湖水益得平減施工較為得手一面集料積土不致曠廢時日至揚州二三幫重運經臨因口門吸溜上水過急由湖口沿河堤行走計程十餘里水深六七尺不等業俱平安過竣惟臣那彥成前因節省錢糧起見辦理失當以致蟄場又須改築臣

徐端臣鐵保未能先事預籌顧此失彼均難辭咎所有蟄場復開工段相應

奏明查照向例分別認賠以示懲戒其餘黃運各要工仍酌為通融樽節趕辦另摺具奏謹

奏

嘉慶十三年十二月二十五日

奏為恭謝

天恩事竊臣資摺弁回敬捧到

御書福字並鹿肉山雞各一分臣當即跪迎工次恭設香案望



關叩頭祇領訖欽惟我

皇上福自

天來雲箋抒藻

澤隨春至仙饌流膏

篤祐延釐競祝

萬方有慶飲

和食

德羣欣百祿是道臣仰托

仁幘渥蒙

闕澤擊來

那文毅公江南副河道總督奏議

卷十八

辛

寶翰幸邀錫羨之榮頌自

天厨獲饌珍奇之品高懸

日月河干共仰榮光熟薦芬芳子職爰忻祿養臣惟有祇

承

廣庇衍疇依

皇極之隆益誠素餐拜

賜稟

天威之近謹

奏奉

殊批汝總不知改竟無出息不過侍衛之列耳亦無可訓

諭矣

嘉慶十四年正月初五日軍機大臣字寄奉

上諭鐵保等奏現辦運口工程及荷花塘尚未堵閉情形  
河工疏築事宜關係生民保障且漕船往來經行尤關  
緊要荷花塘堵築缺口那彥成偏聽李亨特等之言不  
循舊規圈越築壩彼時在工道員趙宜壽等再三稟阻  
堅不聽從以致壩身陡熱漫水如長下游之民田廬舍  
復被淹浸不但帑金虛擲正當重運欲來之時堤岸未  
能潤出緯輓維艱伊等此次摺內自言緯堤衝開之處  
下有深淤愈刷愈深不能措手然則前此何以於稀淤

那文毅公江南副河道總督奏議

卷十八

至

之上遽行圈築壩基似此師心自用貽誤要工荒謬已  
極現在欲省轉費尙得謂之為節省錢糧起見辦理失  
當乎所有此次墊場工段自應全行著落伊等賠出非  
特那彥成李亨特應行多賠卽鐵保亦豈能置身事外  
伊等尙不懇請治罪惟思以幾句空言混過直是全無  
良心恐禍不旋踵悔將無及矣慎之

容安謹按是時

欽派尙書吳公倣侍郎托公津至清江浦察訊荷花塘漫

口情形 先公旋奉

旨降黜語見下卷際什  
噶爾泰贊奏議



官階

男容安恭輯

嘉慶十三年十二月二十九日

命以二等侍衛為喀喇沙爾辦事大臣奉

上諭吳璣托津奏遵旨查明荷花塘復整情形據實覆奏

一摺河工一切疏築事宜不惟關繫水利漕運兼以保

衛民生在工大員等自應集思廣益折衷至當庶不致

虛費帑金而工程可期鞏固若各逞臆見謀夫孔多不

惟於事無濟且必動形掣肘事機一悞則民田廬舍所

損實多而糜帑猶其事之小者即如荷花塘漫口合龍

那文毅公奏議

卷十九

官階一

後塌身復整曾據鐵保等奏及而摺內並未將如何整

塌及下游如何受累情形詳悉聲敘經朕聞知此次整

塌緣堵築不善咎由李亨特執見不循舊規以致潰決

數十丈並有淹溺多人之事特降諭旨令吳璣托津詳

細查奏今據吳璣等奏稱該處勘估壩基補築未妥實

係該汎把總錢雲倡議而李亨特實贊其成那彥成又

誤信人言以為圍越築壩可以節省經費維時在工之

道員趙宜喜葉觀潮等曾向稟阻未聽迨合龍後壩尾

滲水陡整員弁兵夫落水多人幸均撈救得生而兵丁

宋開祥漂淌無蹤口門下水復加長如前等語是此項

那文毅公江南副河道總督奏議

那文毅公江南副河道總督奏議

卷十八

至



工程倡之錢濬李亨特力主其說而那彥成未諳情形  
輒信聽從鐵保徐端一同在工並未商酌改正以致既  
合復開工歸無用實各有應得之咎錢濬著革職與李  
亨特一併拏問交吳璥托津提同案內人證審訊加重  
定擬具奏那彥成辦理此項工段將倡議之人據實參  
奏並自請處分亟思另籌期於迅速歲工方為正辦乃  
並無一字奏及殊負委任那彥成於簡放時曾經面奏  
三年內尚須留心學習不敢獨出已見今於荷花塘一  
事偏聽李亨特之言致有貽悞本應一體治罪姑念其  
到任未久於河務本未諳悉不加重譴著降為二等侍

那文毅公奏議

卷十九 官階二

衛作為喀喇沙爾辦事大臣自備資斧即行前往不必  
來京請訓亦不准在工停留徐端身任總河河務是其  
專責鐵保兼轄河務乃於應行堵築要工仍聽李亨特  
愆息那彥成辦理錯誤既不勸令改圖又不及早奏參  
意存徇庇俱屬非是徐端著降為副總河與鐵保俱著  
交部議處其正總河員缺著吳璥補授所有刑部尚書  
員缺著金光悌陞補其江西巡撫員缺著吉綸調補所  
遺山東巡撫員缺著百齡陞補其山東布政使員缺著  
朱理陞補所遺浙江按察使員缺著廣厚補授廣厚俟  
那彥成到彼後再行起程至吳璥托津前往江境查閱

海口各工既知荷花塘堵築事宜辦理錯誤即應據實  
奏參乃亦並未奏及經朕詢問後始行奏聞亦屬非是  
著傳旨申飭伊等審辦錢濬李亨特定擬具奏後如周  
吉士案內人証業已到齊即應就近前往江寧秉公查  
訊若人証尚須時日即著交景祿等於浙江回京之便  
前往審辦吳璥即赴新任托津即來京復命

嘉慶十四年二月十八日

擢調葉爾羌辦事大臣

容安謹按喀喇沙爾葉爾羌兩任均未及抵任

那文毅公奏議

卷十九 官階三



那文毅公喀什噶爾參贊大臣奏議卷十九目錄

喀什噶爾

光辦事大臣官階附

卷十九

控馭外夷 附恭謝

天恩

奉

勅酌察

邊防循例事

那文毅公喀什噶爾參贊大臣奏議

目錄

一

那文毅公喀什噶爾參贊大臣奏議卷十九

吳容安恭輯

控馭外夷 附恭謝

天恩

嘉慶十四年六月二十一日

擢授頭等侍衛為喀什噶爾參贊大臣

嘉慶十四年八月初一日

奏為接任恭謝

天恩事 臣前奉

恩旨調補喀什噶爾參贊大臣 臣當即叩謝

天恩即由阿克蘇起程前赴新任當經奏

那文毅公喀什噶爾參贊大臣奏議

卷十九

一

聞在案 臣現於七月二十四日抵喀什噶爾二十七日積

拉堪將應行交代印信事件派章京達郎阿賞送

前來 臣恭設香案叩謝

天恩接印積拉堪隨將地方情形及各部落布魯特安集

延等習俗向 臣詳細告知 臣蒙

聖主高厚之恩刻刻感戴惟有將回疆一切事宜竭盡惻

忱與成林公同商辦仰體

皇上撫馭邊氓之意奮勉圖維務使地方靜謐以仰報

鴻慈於萬一至倉庫及官員兵丁技藝容 臣次第查勘後

另行具奏為此恭謝



天恩伏祈

睿鑒謹

奏奉

硃批好好辦事勉之

嘉慶十四年八月初一日

奏為奏

聞事七月十六日接奉嘉慶十四年六月二十一日

諭旨昨據積拉堪等奏浩罕伯克愛里木遣使來京瞻覲

將其表文轉奏前來一摺朕因愛里木向屬恭順曾經

降旨施恩令其使臣同本年年班伯克等一體來京今

那文毅公喀什噶爾奏贊大臣奏議

卷十九

二

將愛里木所進表文交哈迪爾用清字譯出與積拉堪

等所譯清字原稿勘對不符且有恭順之言因交軍

機大臣等將從前那爾巴圖所進表文查出閱看語皆

恭順自稱臣僕且書寫請安字樣亦俱合制此次愛里

木所進表文其中言語多不恭順甚屬無禮殊失邊夷

之道愛里木使臣在喀什噶爾呈遞表文時積拉堪成

林伊斯堪達爾俱經譯看似此語言因何代其轉奏積

拉堪成林伊斯堪達爾均著傳旨申飭著寄知那彥成

於抵喀什噶爾時諭愛里木使臣爾伯克此次所進表

文其中言語甚不恭順不照從前愛里木之祖父額爾

德尼那爾巴圖所進表文恭順書寫不知邊夷之理所

以大皇帝將前任參贊大臣撤回治以冒竇代奏之罪

爾伯克愛里木襲職日淺諸皆未諳此次無知妄奏暫

免究辦爾等亦毋須進京即由此回去告知爾等伯克

如此曉諭即令該使回牧嗣後愛里木果能悔罪自責

再復差人遞恭順表文前來誠心懇求那彥成再行酌

量代伊轉奏倘愛里木所遞表文字句仍不恭順不知

悔罪悛改即行駁斥且不可強令前來並將所譯表文

一併寄閱欽此臣即著程行抵英吉沙爾與該使相遇

即遣人曉諭云此是新任大臣爾等由喀什噶爾

那文毅公喀什噶爾奏贊大臣奏議

卷十九

三

纔行二日自應仍回見過大臣再行進京臣於次

日亦行抵喀什噶爾又會同積拉堪成林等將來

使傳至宣布

天威明白曉諭來使等即免冠叩首稱小子等誠不知

天朝禮法倘有錯處求大人們教訓日後回去告知愛里

木令其敬謹遵行但我等伯克愛里木實係誠心

遣我等瞻仰

天顏而來求進京即是恩典等語臣等察看該使畏懼

之情出於至誠甚屬恭順且前已准其進京瞻

覲已經起程今若飭回原牧恐外夷無知致生疑懼不遂



其瞻

觀之誠轉非所以示

聖主懷柔之意是以<sub>臣</sub>等次日仍令三等侍衛忠安護送

入京並行知經過地方令其妥為照料再該使阿

渾占等所遞帕爾西字原呈一件清文譯出呈稿

一件一併恭呈

御覽謹

奏

嘉慶十四年八月初一日

奏為具陳浩罕恭順並查明舊案現在擬辦情形事竊

那文毅公喀什噶爾奏議

卷十九

四

臣接奉

廷寄內哈迪爾譯出浩罕呈遞呈稿詞句多不恭順<sub>臣</sub>於

途次再四思維浩罕伯克歷來通使貿易往來極

其恭順此次愛里木所遞呈詞忽生變易深慮邊

微重地易生釁隙所關甚大因沿途詢問知曉浩

罕情形各回子及伊斯堪達爾等僉稱浩罕風俗

向來不知尊卑祇知父子至其祖與叔伯便以兄

弟相稱而那爾巴圖故後愛里木凶狠殘暴頗肆

驕恣所屬貿易回子少有儲蓄便殘害取其資財

因此大失人心去歲冬間曾遞信喀什噶爾索取

呼岱達薩賚占經成林行文駁飭嗣亦未敢再索  
至此次呈詞<sub>臣</sub>詢之伊斯堪達爾稱浩罕實知畏  
懼

天朝而不知規矩前屢年所遞呈字多半少為潤色以符  
體制而帕爾西字阿渾莫洛木等方能識認語言  
亦不能深曉即一事令其各譯各有不同<sub>臣</sub>又復  
檢查舊案自乾隆二十四年浩罕通使至今年共  
二十三次所遞呈詞清字譯寫各有不同今查具  
清單恭錄進

呈查浩罕自來不知尊卑習俗如此此次呈詞並非忽

那文毅公喀什噶爾奏議

卷十九

五

然更變另有別情此時愛里木經去歲接據駁飭

索取薩賚占信諭之後亦即悔懼未敢再來要人

且近來愛里木行為凶暴大失屬下之心因此懇

求入

覲是自悔從前之罪又冀仰仗

天威以制服其下之意其不敢不為恭順益可信據查浩

罕來使於七月十四日積拉堪成林等接奉

准令來京之旨已於七月二十日起身二十二日行至英

吉沙爾地方<sub>臣</sub>次日亦至喀什噶爾又會同積拉

堪成林等諭以汝伯克愛里木既知誠心向化差



汝等進京瞻

覲是遵汝從前伯克那爾巴圖之意是應當的但汝等小

伯克愛里木年輕尚不知

天朝規矩汝等就當勸諭他纔是該使等摘帽叩頭認罪

極知畏懼只求轉奏准我等進京瞻

覲便是恩典我等回去告知愛里木令其改過就是了等

語並遞帕爾西呈字已附清字摺呈

覽<sub>臣</sub>又復會同積拉堪成林等再四熟商既奉有

指示諭旨<sub>臣</sub>等自不敢不欽遵辦理但若不查明實在情

形拘泥

那文毅公喀什噶爾參贊大臣奏議

卷十九

六

前旨一生邊釁<sub>臣</sub>等實不能當此重咎惟自來未將浩罕

呈字繕譯不能晰明之處據實奏明以致上煩

聖慮是浩罕之通使與不通使無關輕重而邊防重地自

應示之懷柔以期息事安人仰體我

皇上撫馭邊氓仁愛萬方之意且愛里木化外邊夷不知

禮數並其祖宗叔伯尊卑尚自不知似不值與之

計較此時若必與之理論飭回原處外夷無知轉

似阻其向化之誠致生疑懼<sub>臣</sub>等查得實在情形

恐開邊釁不敢不據實奏

聞仍不露聲色令其於次日起程進京嗣後倘再有該處

來使呈遞字樣務必明白曉諭以正體制斷不敢  
稍有疎畧<sub>臣</sub>實係為邊疆緊要起見不揣冒昧謹  
據實具陳謹

奏奉

硃批知道了

譯浩罕愛里木呈遞字

浩罕伯克愛里木來使阿渾占希里普等謹跪呈

參贊大人台前我等上兩輩伯克愛里木之祖額爾

德尼父那爾巴圖自從歸順

大皇帝以來頂戴

那文毅公喀什噶爾參贊大臣奏議

卷十九

七

大皇帝之恩傾心恭順有年現我們伯克愛里木較之乃

祖乃父更加倍感

大皇帝之恩傾心恭順我們糊塗回子且我們伯克愛里

木年幼不知

天朝禮法我等甚實恐懼求

參贊大人教訓仍即懇准我等進京瞻仰

大皇帝倘

參贊大人施恩允准我們所懇准其進京或今日或

明日起身我等惟照

參贊大人批示敬謹遵行為此跪呈






查浩罕向來問好請安與稱大人朋友等言語俱無甚分別今謹將

諭旨內指出  等字樣歷年譯出不同之處查清恭呈

御覽


乾隆二十四年原呈帕爾西字並未照抄存案


二十六年原呈帕爾西字內有多斯魯克字樣譯寫  阿什納里克字樣譯寫 

愛散里克圖干里克字樣譯寫  三十年原呈帕爾西字內並無阿什納里克


那文毅公喀什噶爾奏議 卷十九 八


字樣有愛散里克字樣譯寫  三十年原呈帕爾西字內有愛散里克字樣

譯寫  三十一年原呈帕爾西字內並無阿什納里


克字樣有愛散麼愛散里克圖干里克字樣譯寫 


三十二年原呈帕爾西字內有阿什納里克字樣清字內未經譯寫有愛散里克字樣譯



寫  三十四年原呈帕爾西字內並無阿什納里


克字樣有愛散里克字樣譯寫 

三十四年原呈帕爾西字內並無阿什納里


克字樣有薩克里克薩拉邁特里克字樣譯寫 


三十四年原呈帕爾西字內有多斯魯克阿什納里克字樣譯寫 



三十五年原呈帕爾西字內有多魯克字樣譯寫  阿什納里克字樣譯寫 



薩拉邁特里克字樣譯寫  三十六年原呈帕爾西字內有多斯 阿什

納里克字樣清字內未經譯寫

三十七年原呈帕爾西字內有多斯雅爾字樣譯寫  薩拉邁特

里爾底音字樣譯寫  三十八年原呈帕爾西字內有多斯字樣譯

寫  薩拉邁特里克字樣譯寫 

四十一年原呈帕爾西字內有阿什納里克字樣譯寫  多斯字樣譯寫 

阿瑪里克字樣譯寫  愛散里克字樣譯

那文毅公喀什噶爾奏議 卷十九 九



四十七年原呈帕爾西字內有多斯字樣譯寫多愛散里克字樣譯寫多

四十八年原呈帕爾西字內並無阿什納里克字樣有愛散里克蘇拉普字樣譯寫多

五十三年原呈帕爾西字內有阿什納里克字樣譯寫多愛散里克蘇拉普薩拉邁特

里克字樣譯寫多五十六年原呈帕爾西字內有阿什納里克

那文毅公喀什噶爾參贊大臣奏議 卷十九 十

字樣譯寫多愛散里克蘇拉普

字樣譯寫多

五十七年原呈帕爾西字內有阿什納里克

字樣譯寫多愛散里克蘇拉普字

樣譯寫多

六十年原呈帕爾西字內並無阿什納里克

字樣有愛散里克蘇拉普字樣譯寫多

多

嘉慶元年原呈帕爾西字內有阿什納里克字樣

譯寫多愛散里克蘇拉

普字樣譯寫多

四年原呈帕爾西字內有阿什納里克字樣

譯寫多愛散里克蘇拉普字樣譯

寫多

七年原呈帕爾西字內有阿什納里克字樣

譯寫多愛散里克蘇拉普字樣譯

寫多

嘉慶十四年九月初五日軍機大臣字寄奉

上諭昨因浩罕伯克愛里木所遞表文字句多不恭順會

奇諭那彥成令該使不必來京即行駁斥令其回牧茲

那文毅公喀什噶爾參贊大臣奏議 卷十九 十一

據那彥成奏稱接奉諭旨曉諭浩罕伯克愛里木之使

臣阿渾占等阿渾占等實在畏懼誠心懇求來京瞻覲

等語該使等既已遠來若即飭令其旋回轉非綏服外

夷之道阿渾占等著准其來京瞻覲俟伊等旋時再降

諭旨

嘉慶十四年十二月二十日

奏為浩罕伯克呈遞信字懇將薩賴占遣回遵照前降

諭旨辦理情形恭摺具

奏事十二月初四日喀什噶爾圭卡倫侍衛和通額押送浩

罕來使邁瑪特尼襪爾多喀爾二人並隨帶貨物



一同進城呈遞臣與伊斯堪達爾信各一件當令  
莫洛等譯出閱看因前次所差額爾沁仍准其到  
京進貢感激稱謝又伊令其弟帶兵搶得塔什謙  
城池將阿拉什四百萬人移於塔什謙以外之庫  
爾滿地方又將禪齊呼里之三萬人移於安集延  
居住又從前所索薩賴占一名曾在伊父手內辦  
理出入之事在伊手內又辦鼓鑄之事後來因伊  
告假看其父病去有伊岳丈庫爾班喜克等願以  
三百元寶作當保去如今聞伊得了其父呼岱達  
再沒回去前具呈前任大人因薩賴占俱未實說

那文毅公喀什噶爾奏議

卷十九

三

奏明

大皇帝不管此事現在令邁瑪特尼襍爾等將薩賴占所  
生之子阿渾占與其妻兄愛瑪特喜克帶來求問  
明將薩賴占賞給帶回對問事體完結仍令回來  
等語臣細閱來字因夏間准其貢使進京深知感  
激歡喜惟信內稱謂總不知

天朝尊卑規矩仍係照前書寫印明白開導據來使再三  
叩頭認罪立即改寫其恭順似出於至誠至薩賴  
占一事去年十月內愛里木呈遞信字懇求催令  
旋回經成林以薩賴占原係貿易回子去住聽其

自便我喀什噶爾不管亦不問此端回諭駁斥並  
奏明在案嗣奉

諭旨薩賴占如實係告假探親自當照此辦理倘薩賴占  
在浩罕另有獲罪情由不能存留本處因而藉詞逃避  
則不但不應將薩賴占充補呼岱達並應將薩賴占交  
回浩罕聽其自行辦理方足以服浩罕之心著成林再  
行遵照查明辦理欽此復經成林等查明薩賴占實係  
前來探親並非獲罪潛逃此後浩罕再不呈遞信  
字自可置之不理尚有信字欲令內地催薩賴占  
旋回仍以理說回覆具奏亦在案此次所遞信內

那文毅公喀什噶爾奏議

卷十九

三

方將薩賴占與伊父子俱有經手事件之處說明  
並將薩賴占之子與其妻兄帶來對質臣當令伊  
斯堪達爾會同回務處章京達耶阿將薩賴占之  
子與其妻兄傳至與薩賴占對質薩賴占原在浩  
罕辦事娶妻生子是實告假來時曾講以銀作當  
但的係三百元寶與否不能實指是薩賴占雖非  
在彼獲罪藉詞逃避然於愛里木實有交手事件  
自應遵照去歲

諭旨將薩賴占交與來使帶回聽其自行辦理臣當即面  
諭以此次薩賴占業已對明曾經給那爾巴圖並



愛里木辦事有交手未清之件自應體卹汝等施  
恩賞給准其領回若此後再來煩瀆請查薩賴占  
財物或又要伊弟兄姊妹等事我斷不理汝徒勞  
往返再不必多言再信內所言事完之後仍令薩  
賴占回來我因伊當時未曾稟明在汝浩罕辦事  
有虛捏之罪現在已將呼岱達革去不過一買賣  
問人回來不回來都無關緊要至所稟阿拉什纏  
齊胡里兩處俱係哈薩克地方我都知道兩處能  
有多大如何出得四百萬人又三十千人呢總是  
汝小回子沒見過世面向塔什謙偶打一勝仗便

那文毅公喀什噶爾奏賀大皇帝

卷十九

五

來撒謊可笑之至殊可不必至汝來使聽我教訓  
能遵

天朝尊卑規矩立將信字改寫恭順極知悔懼自係遵汝  
素日教導我甚喜歡因此將汝帶來些少貨物賞  
免上稅此後仍當照汝父親那爾巴圖等舊例或  
三年五年一次差人請安進貢就是了不必常來  
汝的買賣來抽稅向來或全抽或抽一半免一半  
或竟全免辦理原未曾畫一是以汝每次煩碎懇  
求免稅殊覺多事此次因汝恭順全免抽稅下次  
來時無論一包至千萬包總抽一半稅免一半稅

汝的買賣貨物非我喀什噶爾必不可少之物來  
也使得不來也使得總抽一半稅作為定規不必  
煩碎懇求嗣後遵奉

天朝規矩安靜居住和邊恤眾若如此屢次好事搶奪將  
來必喫大虧的譬如

大皇帝天下之大有四五萬餘里關內外滿漢官兵有數  
百萬若施

天威一小部落甚屬容易然而  
大皇帝是以好生為德總要愛人無事不肯輕易用兵故

得

那文毅公喀什噶爾奏賀大皇帝

卷十九

五

上天福佑太平一統中外受

福我因汝恭順膽小所以教訓汝是憐念之意總要安靜  
恭順自然年歲豐稔牲畜蕃富永遠承受

大皇帝天恩等諭該使等感激慚懼惟有叩頭極口稱謝  
說我等回去明白告知愛里木必當歡喜感激永

遠遵守

大皇帝王法安靜居住承受

大皇帝天恩就是了至該伯克呈遞馬匹駝絨等物照例  
交庫發交回信飭令即於次日起身去訖原遞

給當堂發交回信飭令即於次日起身去訖原遞



帕爾西字兩件並臣與伊斯堪達爾回諭兩件均譯出清字分別粘籤恭呈

御覽

譯浩罕伯克愛里木稟字

稟問辦理喀什噶爾地方事務大威大德全福察贊大人安受

上天恩佑繁簡公私如意隨心心身安泰無恙無憂再稟者自額爾德尼比瓦里那米以來至於今日恭順大皇帝盡奴才之道未敢有違前制惟願遵守此例時時不改所以前曾遣使請

那文毅公喀什噶爾奏

卷十九

去

皇帝萬安聞諸買賣人說新陞大人到來將使臣獎賞遣

往瞻覲

皇帝已經進京所以不勝喜悅為問新陞大人安求福特遣親信家丁邁瑪特尼禿爾多喀爾前來再稟者前曾遣弟瓦里那米往塔什謙去畧施人力

上天恩佑得了塔什謙的城挪了四百萬阿拉什人口過塔什謙城令駐庫爾滿地方又挪了三千千纏齊胡里人口令駐安集延得意而回為我欣悅特道喜信再稟者薩賴占之岳父庫爾班喜克比那瓦普比與薩賴占曾為先父辦理出入賬目之事自

我舅父之缺仍用庫爾班喜克比那瓦普比薩賴占將一應錢財鑄錢之事俱交伊等掌管薩賴占為看伊父向我告假同那瓦普比與伊岳父庫爾班喜克比向大頭目阿奇木圖喇阿渾等巴依等借過元寶三百箇而去在彼襲了他父的缺並未回來存住在彼伊在舊任大人前據實告稟說我並未到浩罕並未見過浩罕阿奇木並未在彼處娶親不肯承認自以為是信筆撒謊已奏

那文毅公喀什噶爾奏

卷十九

去

大皇帝伊係我等使役之人所以曾多為獎賞替他立產業替他娶了庫爾班喜克比之女安家生子乃阿奇木伯克知而不勸大覺非是致使我們恭順大皇帝臣服之道從此生隙為此辦事虛實將伊之姐夫凱塞瑪比伊之妻兒愛瑪特喜克伊子阿渾占等交邁瑪特尼禿爾比一併解來備質開新任大人是

皇帝親信之臣將此事詳加審問辨明虛實令薩賴占與邁瑪特尼禿爾質對遣回本處事定之後將賬目追出或令他在居居住或令回去則非我之事自然資助令他回來有邁瑪特尼禿爾比多喀爾等口說可憑



諭浩罕伯克愛里木字

總理喀什噶爾回子各城叅贊大臣字諭浩罕伯克愛里木知悉你的身子可好閤牧皆好我的身子以至喀什噶爾所有官兵伯克回子等皆托大皇帝之福均各甚好昨汝差來邁瑪特尼襍爾多喀爾等到城接汝來稟並給阿奇木伯克伊斯堪達爾書信譯出閱看見你恭順之心甚為嘉悅但你表中有與

大皇帝兼朋友之道之言與伊斯堪達爾書中亦有朋友相交之語此竟屬非外夷恭順之道因此我將恭

那文毅公喀什噶爾叅贊大臣奏議

卷十九

六

敬

大皇帝道理向汝差來之邁瑪特尼襍爾等曉諭後邁瑪

特尼襍爾等同稟云我們係外藩之人不知

天朝道理我們伯克愛里木如此書寫今叅贊大人曉諭我們我們方纔知道當下悚懼感激慌忙另寫呈遞此皆你平素教導所致我甚歡喜此後你當如此書寫不可有違你之來使帶來你的買賣徵稅我因汝甚恭順只將此次賞你全行寬免令汝知之喜悅汝求我的稟帖內云薩賴占前曾替你管事又有銀兩賬目等事求交邁瑪特尼襍爾帶去

令他妻兒兒子當面質証口供已經明白施恩已將伊交邁瑪特尼襍爾帶回你們的事完薩賴占來與不來無甚要緊此後汝若仍說有薩賴占之兄弟姐妹等人或又指稱薩賴占有甚賬目再若遣使前來要人我一定不管你再別妄想再你應照你父那爾巴圖時間三五年一次遣使前來不必年年來此後汝處買賣令來亦可不合來亦可汝等這些東西本處無關緊要每若來時一包至百包以至千包俱免稅一半將此作為定額你再用不用絮煩求免再你遣你之弟取塔什謙城挪四

那文毅公喀什噶爾叅贊大臣奏議

卷十九

六

百萬阿拉什駐庫爾滿地方又移三十千纏齊胡里駐安集延等事稟知令我歡喜等語我都看了但你此言竟是撒謊此二處地方我都深知能有多大地方此中能出四百萬三十千人你乃一小夷理當保守地方安養民人和睦鄰境安靜住居纔是你若累累搶佔別處你將來定喫大虧現在大皇帝天下疆域四五萬里此中所有兵民不下數千萬關外自喀什噶爾葉爾羌等城以至哈密所有滿漢兵丁土爾扈特霍碩特回子不下數十萬而伊犁烏魯木齊塔爾巴哈台巴里坤古城尚有數十



萬滿漢索倫錫伯察哈爾額魯特兵丁此皆你及  
你之祖父以來耳聞深知的假若

大皇帝偶發

天威欲削平一夷毫不費力甚為容易但

大皇帝體

上天好生之德欲兵民安生不興戎馬邀

上天眷佑天下太平歲歲豐稔萬民樂業關內關外以至

你等小夷皆托

大皇帝之福德因汝恭順我將利害曉諭你知之從今以

後你但安靜居住保守自己地方和睦鄰境再不

那文毅公喀什噶爾奏議

卷十九

三

可只知圖利不知受害遵而行之再你遞我的馬

駝絨皮子等物我都收了我賞你來使邁瑪特尼

襪爾多喀爾江紬各一疋外賞你的大緞二疋青

緞二疋交邁瑪特尼襪爾等帶去伯克你可查收

為此諭知

譯浩罕伯克愛里木與阿奇木伯克啟

啟問辦理喀什噶爾地方事務大光榮全福祉取

和友至誠交具真性阿奇木伯克安受

上天恩佑繁簡公私如意心身安泰無恙無憂敬啟者此

時遣弟那里瓦米往塔什謙去畧施人力

上天恩佑得了塔什謙的城挪了四百萬阿拉什人口過

塔什謙城令駐庫爾滿地方又挪了三十千纏齊

胡里人口令駐安集延得意而回為我欣悅特送

喜信交親丁邁瑪特尼襪爾比多喀爾呈上再啟

者自祖父額爾德尼比以來至於今日恭順

大皇帝盡奴才之道未敢有違前制惟願遵此例日守不

改再啟者薩賴占之岳父庫爾班喜克比那瓦普

比與薩賴占曾為先父辦理出入賬目之事自我

襲父之缺仍用庫爾班喜克比那瓦普比薩賴占

將一應錢財鑄錢之事俱交伊等掌管薩賴占為

那文毅公喀什噶爾奏議

卷十九

三

看伊父向我告假同那瓦普比與其岳父庫爾班

喜克比向大頭目阿奇木圖喇阿渾等巴依等借

過元寶三百箇而去在彼襲了他父的缺並未回

來存住在彼伊各處謠言說我並未身到浩罕並

未見過浩罕阿奇木並未在彼處娶親不肯承認

自以為是信筆撒謊已奏

大皇帝阿奇木是聰明之人分別善惡虛實究根辦事伊

之言詞虛假比眾人更為明確知道因係使役之

人所以多為資助為之立產業替他娶了庫爾班

喜克比之女安家生子此事大覺非是致使我等



恭順

大皇帝臣服之道從此生隙你之所辦非是爲一無緊要  
買賣人之子閉塞朋友交情之路以其事爲實鄙  
事也爲此與你辯明欲令新任大人知其虛詐將  
伊之姐夫凱塞瑪比伊之妻兄愛瑪特喜克伊子  
阿渾占等交邁瑪特尼禰爾比一併解來著薩賴  
占與伊等質對可回大人還回本處事完將賬目  
追出後或在此處居住或回去則非我之事自然  
資助令其回來口信可憑

阿奇木伯克伊斯堪達爾寄浩罕伯克愛里木字

那文毅公喀什噶爾奏議

卷十九

三

喀什噶爾阿奇木伯克郡王伊斯堪達爾字寄浩  
罕伯克愛里木知悉伯克身體近好閤牧均好昨  
伯克差來邁瑪特尼禰爾比寄來書信接閱之下  
如同見面伯克所進

大皇帝表中有與

大皇帝修堅朋友的好的話汝與我書中亦有朋友相交  
的話參贊大人閱看云此非外夷恭順之道曉諭  
來使邁瑪特尼禰爾比等邁瑪特尼禰爾說你等  
係外夷不知

天朝的禮今參贊大人施恩曉諭纔得知道再四求告參

贊大人懇將原文改寫呈遞伊等回去告知伯克  
嗣後再遣使進表皆須照此擡頭書寫如此稟知  
參贊大人矣至伯克要薩賴占之處我已閱看本  
處參贊大人已經審問明白施恩將薩賴占交來  
使邁瑪特尼禰爾比帶回你們事完薩賴占來與  
不來無甚要緊以後伯克你再若說有薩賴占兄  
弟姐妹等人或又指稱薩賴占有甚賬目前來要  
人本參贊大人斷不管你之事邁瑪特尼禰爾比  
帶來伯克買賣徵稅參贊大人因你甚屬恭順施  
恩只此一次全行賞你免稅嗣後伯克你再遣買

那文毅公喀什噶爾奏議

卷十九

三

賣來時一包至百包以至千包亦只免稅一半將  
此爲例不然不來亦可再伯克遣弟取塔什謙城  
挪阿拉什纏齊胡里之人分駐庫爾滿安集延等  
處我都知道悉但伯克之父那爾巴圖與我相好伯  
克你今亦與我相好所以特爲勸你今後伯克但  
當效法乃父行爲守保自己地方安靜居住取和  
鄰境譬如

大皇帝滿漢索倫錫伯察哈爾額魯特土爾扈特霍碩特  
各處兵丁無數之多設欲削平何處真甚容易再  
出一言各處外夷誰敢不從而現在



大皇帝尚且不肯動兵乃體

上天好生之德所以

國富天下兵民安靜年年五穀豐登安居樂業伯克你

從今以後但當思自你祖父以來至你之身受

大皇帝

厚恩至誠感戴以盡臣服恭順之道伯克你送我之駝絨

二疋皮子二張塔兒糖二塊果子一碟我俱收下

伯克甚屬費心我送伯克巴緞二疋錦二疋錦緞

二疋荷包一匣茶葉八瓶交邁瑪特尼襪爾比帶

來我外給邁瑪特尼襪爾比多喀爾等金線緞袍

那文毅公喀什噶爾奏議

卷十九

五

各一件爲此問伯克好特寄

嘉慶十四年八月十五日

奏爲奏

聞事適准新授陝甘總督松筠咨嘉慶十四年五月初三

日奉

上諭積拉堪等奏葉爾羌罕人之牲畜被布魯特劫搶

布魯特比伊薩未候官爲查尋卽將所搶瓦罕牲畜照

數呈送出更屬恭順等語著松筠將此次應行鼓勵之

人布魯特比伊薩之外尚有何人應如何獎賞之處查

明具奏候旨加恩欽此移咨前來臣敬謹接奉仰見我

皇上燭照萬里無遠弗屆查瓦罕所失牲畜未候索取布

魯特比伊薩將牲畜照數呈出已每人賞予大緞

二疋並有西布察克愛曼布魯特比圖爾第邁莫

特亦已賞予江紬二疋噶襪納齊伯克伊布喇依

木賞予小緞一疋小伯克等各賞予羊麵示獎臣

伏查呢雅滿愛曼布魯特比伊滿阿哈拉克齊瑪

木伯特等奉伊薩之使將瓦罕牲畜呈出維時伊

薩等未將伊滿等名報出茲經查出似應鼓勵應

遵

旨於伊薩之外另有何人如何鼓勵之處奏明候

那文毅公喀什噶爾奏議

卷十九

五

旨伊滿瑪木伯特應如何獎勵之處相應請

旨謹

奏

嘉慶十四年九月十九日奉

上諭那彥成覆奏請將查出不候索取搶劫瓦罕牲畜之

布魯特比伊滿鼓勵等語前因布魯特等搶劫瓦罕之

牲畜因未候索取如數呈出實爲恭順出力除布魯特

比伊薩等已加恩施無庸議外茲復查出出力之呢雅

愛曼布魯特比伊滿阿哈拉克齊瑪木伯特各賞給小

緞一疋其隨同出力之布魯特等著酌量賞給羊麵以



示鼓勵

那文毅公喀什噶爾參贊大臣奏議

卷十九

三

奉

勅酌察

嘉慶十四年十月十二日

奏為遵

旨詳查覆議具奏事於十月初七日接奉

諭旨納爾松阿奏到修理烏什倉厥業經完竣將主事銜

豐紳筆帖式拜凌阿前鋒校蘇冲阿等懇請加恩一摺

此項倉厥工程本屬無多未便優加甄敘且伊摺內奏

稱札商喀什噶爾參贊大臣之處是否意見相同未據

聲敘明晰除蘇冲阿准其仍留烏什當差外所有豐紳

那文毅公喀什噶爾參贊大臣奏議

卷十九

三

等應如何酌量加恩之處著那彥成詳查妥議具奏欽

此伏查去歲佛倫保參奏烏什糧員張觀等解任

質訛所有糧餉事務委令廢員和成泰管理各行

喀什噶爾備案經成林以廢員管理糧餉不符體

制奏明將喀什噶爾辦理印務主事職銜豐紳筆

帖式拜凌阿二員派往接管糧餉盤查倉庫等事

嗣於今年四月內納爾松阿奏請修理倉厥即派

該二員督辦工程於七月內修竣各公文俱各行

喀什噶爾衙門在案查納爾松阿保奏主事銜豐

紳筆帖式拜凌阿等一事於本年四月內曾札商



積拉堪成林欲將筆帖式拜凌阿保奏主事銜留於烏什辦事旋經積拉堪成林以該員係喀什噶爾筆帖式例不應留於烏什又以納爾松阿到任未及六箇月均與保奏之例不符札覆令其從緩辦理嗣於七月內臣蒙

恩補授叅贊大臣途次葉爾羌卽接納爾松阿來信以修理倉廩完竣擬將豐紳保奏以六部實缺主事用筆帖式拜凌阿賞給主事銜留於烏什辦事並所定摺稿寄令臣與之改正兼問聯名具奏與否彼時臣未經到任不能深悉源委當卽札覆以尚未

那文毅公喀什噶爾奏摺卷十九 三

到任不便聯名入奏俟到任後問明積拉堪成林二人可否之處再行咨覆臣旋到喀什噶爾問之積拉堪成林均稱此二員係此處暫行派往辦事之人保留在烏什辦事與例不符臣當卽寫信囑其不可具奏並將原摺稿寄回嗣據納爾松阿覆信內稱未接臣覆信之先已於八月初七日具摺拜發隨後接到臣之信趕改不及等語此卽納爾松阿向臣等來往札商實在情形也查納爾松阿摺內修理倉廩五十六間廩神廟三間庫房六間兵役等住宿房十一間誠如

聖諭程工本屬無多未便優加甄敘摺內聲明豐紳拜凌阿不辭勞瘁捐資辦理請

旨將豐紳以六部實缺主事補用拜凌阿

賞給主事銜留於烏什辦事阿奇木伯克邁瑪特伊布拉依木賞給大緞一疋伊弟七品伯克木薩賞給六品頂戴遇有六品伯克缺出卽行坐補前鋒校蘇冲阿賞給驍騎校銜並先領驍騎校應得之項等語查該員等捐辦鐵釘並拉運土坯柱石等腳價統計所費不過百餘兩但以微末之員令其捐資辦公殊不能仰體

那文毅公喀什噶爾奏摺卷十九 三

皇上至仁體恤羣下之意若因此優加陞敘亦殊失大體且該二員係喀什噶爾差往烏什辦事之人於保奏之例未合所請豐紳拜凌阿陞補之處應無庸議前鋒校蘇冲阿帶領回子入山伐木亦非格外奮勉業已奉

旨准其留於烏什當差所請

賞給驍騎校職銜並先領驍騎校得項之處亦覺過優亦毋庸議惟阿奇木伯克邁瑪特伊布拉依木應賞給大緞一疋至七品伯克木薩先請賞給六品伯克頂戴亦足以示鼓勵所請遇有六品伯克



缺出卽行坐補之處未免過優應毋庸議納爾松  
阿係專城二品大員遇有應辦工程自應先行妥  
籌款項方得奏明興工卽使捐資辦公亦應納爾  
松阿首出已資率屬辦理乃令窮員捐出微資又  
復不俟議定遽行懇

恩優加甄敘殊屬不知政體且所奏不合定例應請  
旨將納爾松阿交部議處豐紳等所捐之項仍令納爾松  
阿罰出交該員等收領謹

奏

嘉慶十四年十一月十七日奉

那文毅公喀什噶爾奏贊大臣奏議

卷十九

三

上諭那彥成奏覆查納爾松阿保奏修理烏什倉廩各員  
種種不合請旨交部議處一摺倉廩工程係屬官事官  
辦納爾松阿自應籌撥公項動用興修卽欲捐資辦公  
亦應自出已資率屬辦理乃輒令微員捐資代懇優敘  
其所奏興辦工程統計不過七十餘間豐紳等捐辦鐵  
釘並拉運土坯柱石腳價所費不過百餘金卽入山伐  
木等事亦非格外奮勉豈得遽邀陞擢且安知該員等  
非派令回子攤捐辦公自行出名冀邀恩敘納爾松阿  
既札商喀什噶爾參贊大臣又不俟議定率行保奏殊  
屬不知政體况豐紳拜凌阿二員係喀什噶爾差往烏

什辦事非納爾松阿所當保奏之人尤屬違例納爾松  
阿着交部議處所有豐紳等捐出之項仍罰伊措還交  
該員等收領其保奏各員內著照那彥成覆議阿奇木  
伯克邁瑪特伊布拉依木加恩賞給大緞一疋七品伯  
克木薩加恩賞給六品伯克頂戴餘俱毋庸議此後該  
處遇有官修工程祇須動用官項毋許再有派捐

嘉慶十五年正月十五日

奏爲英吉沙爾領隊大臣年已逾歲事查英吉沙爾領  
隊大臣吉耶阿本年七十三歲於嘉慶十三年八  
月間到英吉沙爾任諸事奮勉去年七月臣那彥

那文毅公喀什噶爾奏贊大臣奏議

卷十九

三

成在喀什噶爾時見吉耶阿雖年力就衰尚能勉  
強騎馬自去年冬令以來漸覺衰頹乘騎少難近  
來臣伊鏗額由葉爾羌前來面見該大臣亦覺大  
露衰頹臣等伏查英吉沙爾地處孤城特備緩急  
馳騁而設今吉耶阿較前衰老乘騎維艱但該大  
臣自抵英吉沙爾以來諸事認真勤勉毫無貽悞  
辦理回民事件亦甚體面臣等再四商量合將吉  
耶阿逾歲情形據實奏

問恭候

聖主恩施謹



奏

容安謹按旋奉

諭旨令吉耶阿回京

那文毅公喀什噶爾參贊大臣奏議

卷十九

三

邊防循例事

嘉慶十四年十一月二十一日

奏為庫車伯克員缺揀員請

旨補故事據庫車辦事大臣來靈咨稱庫車沙雅爾五品

商伯克胡達巴爾第補放四品伊什罕伯克遺缺

沙雅爾六品海子伯克西喇普一人之外別無擬

陪之人查西喇普曾經擬陪五品伯克一次應即

出具考語保送前來查西喇普人尚去得伏查

從前各城回子伯克缺出無人擬陪曾經一人擬

正補放有案茲庫車五品商伯克缺出無人擬陪

那文毅公喀什噶爾參贊大臣奏議

卷十九

三

相應將西喇普履歷奏明請

旨補放合將履歷另繕清單恭呈

御覽謹

奏奉

硃批照所請行

嘉慶十四年十一月二十一日

奏為庫車伯克員缺揀員請

旨簡故事昨據庫車辦事大臣來靈咨稱新放沙雅爾五

品商伯克阿哈默特所出庫車六品哈子伯克員

缺以三品阿奇木伯克員子適哈默特鄂散之子



二品台吉邁哈默特鄂對人聰俊安靜甚有出息  
 七品明伯克伊敏素丕人明白差使勤等因出具  
 考語將邁哈默特鄂對擬正伊敏素丕擬陪咨送  
 前來臣那彥成詳加考驗邁哈默特鄂對已經成  
 丁人尚去得伊敏素丕人亦使得邁哈默特鄂對  
 之曾祖鄂對前在軍營亦甚出力奮勉臣伏查伊  
 斯堪達爾之子頭品台吉現任葉爾羌三品阿奇  
 木伯克玉努斯方成丁時前任叅贊大臣長麟等  
 亦曾以玉努斯已經成丁尚有出息請將喀什噶  
 爾所出四品商伯克員缺補放俾玉努斯得隨伊  
 那文毅公喀什噶爾叅贊大臣奏議

卷十九

三

父伊斯堪達爾學習差務將來可得一有用之人  
 因將玉努斯擬正奉

旨着玉努斯補放欽此欽遵在案現在庫車所出六品哈  
 子伯克員缺臣遵照舊案即照來靈所擬將邁哈  
 默特鄂對擬正伊敏素丕擬陪伊等履歷另繕清  
 單恭呈

御覽謹

奏奉

硃批依議

嘉慶十四年八月十五日會同葉爾羌辦事大臣

伊公鏗額喀什噶爾幫辦大臣成公林  
 奏為照例請調經費事查歷年官兵應支鹽菜銀兩向  
 由陝甘總督處調取備用明年應備支喀什噶爾  
 英吉沙爾兩城滿營綠營官兵鹽菜銀八千兩臣  
 等照例咨行陝甘總督照額撥解所有支領數目  
 另造清冊咨送戶部核銷謹

奏奉

硃批知道了

嘉慶十四年八月二十五日會同葉爾羌辦事大  
 臣伊公鏗額喀什噶爾幫辦大臣成公林

那文毅公喀什噶爾叅贊大臣奏議

卷十九

三

奏為回子交糧分數循例奏

聞事查臣等飭喀什噶爾伯克等將應交各色糧石詳查  
 據稱本年各莊種楠小麥高粱全極豐稔現在蕎  
 麥棉花亦均茂盛菽穀亦漸充盛核計分數均在  
 十分以上又英吉沙爾所屬各糧相同各具報前  
 來謹

奏奉

硃批知道了

嘉慶十四年九月二十五日

奏查明倉庫器械馬厰恭摺奏



聞事臣抵任時請將倉庫等項詳查另

奏旋經委員外郎五喜主事職銜達郎阿佐領富明筆

帖式鳳格等分投查勘據稱詳查倉庫錢糧細緞

稅務馬廠牛馬羊隻軍械等件並無短缺出具印

結詳報前來臣覆查無異臣仍嚴飭該管員弁人

等仍妥為看守留心詳辦謹

奏奉

硃批知道了

嘉慶十四年九月二十五日會同葉爾羌辦事大

臣伊公鏗額喀什噶爾幫辦大臣成公林

那文毅公喀什噶爾參贊大臣奏議

卷十九

三

奏為奏

聞事竊查本年秋季應運伊犁布疋七千四百二十疋臣

等照例辦理包妥交臺馱載酌運於八月十四日

起陸續運送所有需用包皮繩索錢項數目另行

報部核銷謹

奏奉

硃批知道了

嘉慶十四年九月二十五日會同喀什噶爾幫辦

大臣成公林

奏為稽查卡倫軍臺查喀什噶爾英吉沙爾所屬卡

倫軍臺每年春秋二次稽查臣成林九月十三日

起程將喀什噶爾英吉沙爾卡倫軍臺詳細稽查

一切軍械齊全馬匹肥壯兵丁技藝均可去得臣

仍諄囑卡倫侍衛軍臺筆帖式等妥為經理臣留

心察看邊界內現在極為安靖回子布魯特等均

各安分前來稟見察其情形甚為恭順臣仍面加

慰訓遣回游牧臣成林於本月二十九日旋回喀什

噶爾謹

奏奉

硃批知道了

那文毅公喀什噶爾參贊大臣奏議

卷十九

三

嘉慶十四年八月二十五日會同喀什噶爾幫辦

大臣成公林

奏為換防侍衛抵喀什

聞事適換防三等侍衛祥和慶齡七月十五十六日先後

到喀什臣等當即派令坐卡查年滿二等侍衛楊安

泰三等侍衛普薩保自到喀什噶爾以來一切差

使奮勉並無過失臣等照例將該侍衛列為二等

於七月二十四二十六等日飭令起程回京謹

奏奉

硃批知道了



嘉慶十四年十月二十五日會同喀什噶爾幫辦

大臣成公林

奏為換防侍衛抵喀奏

聞事適換防委前鋒侍衛五十九三等侍衛彭齡於十月

十五十一月初五等日先後到喀臣等當即派令

坐卡查年滿委護軍叅領善保三等侍衛成貴自

到喀什噶爾以來一切差使奮勉並無過失臣等

照例將該侍衛列為二等於十月二十二十一日

初七等日飭令起程回京謹

奏奉

那文毅公喀什噶爾奏費大臣奏議

卷十九

奏

硃批知道了

嘉慶十四年十月二十六日會同葉爾羌辦事大

臣伊公鏗額喀什噶爾幫辦大臣成公林

奏為奏

聞事查喀什噶爾經收章京年滿吏部員外郎札隆阿年

滿其應更換之國子監助教色拉布於本年九月

二十日已到喀什噶爾臣等已將應辦事件交付

色拉布辦理查新疆辦事章京年滿撤回俱應出

具考語臣等查札隆阿任內事務三年之中並無

貽誤辦理妥協人亦明白差事奮勉已經咨行吏

部令其照料本年年例進

貢之回子等由喀什噶爾起身回京謹

奏奉

硃批知道了

嘉慶十四年十一月二十一日會同喀什噶爾幫

辦大臣成公林

奏為錢糧收竣事查嘉慶十四年喀什噶爾英吉沙爾

兩城回子應交錢糧除糧石內應折之普爾臣按

月交庫收貯外其應交糧石共八千六百七十一

石七斗臣等除派員外郎五喜外並派主事職銜

那文毅公喀什噶爾奏費大臣奏議

卷十九

奏

達郎阿協領克蒙額佐領托明會同監收自十月

十八日起二十七日止全行交倉收訖所折收費

爾錢文仍造入收糧數內照例造冊咨部謹

奏奉

硃批知道了

嘉慶十五年正月初三日會同喀什噶爾幫辦大

臣成公林

奏為換防官兵事本年喀什噶爾英吉沙爾兩城滿營

官兵應行更換烏魯木齊應派佐領一員防禦一

員驍騎校一員兵丁一百四十三名照數派來佐



領托明於本年九月十九日抵喀<sub>上</sub>等當即派令當差所有應行換回之官兵交佐領富明帶回並飭令沿途妥為彈壓已於十月初四日自喀什噶爾旋烏魯木齊謹

奏奉

硃批知道了

容安謹按新疆諸城各大臣當無事之時循例諸

奏歲有定件至外夷則事無一定斯編於內地各省循例奏章悉未具載惟茲喀什噶爾叅贊大臣循

那文毅公喀什噶爾叅贊大臣奏議

卷十九

早

例諸

奏悉載俾未歷新疆者得以知邊庭故實輕裘緩帶固可談笑而卧治之焉

那文毅公喀什噶爾叅贊大臣奏議卷十九

那文毅公二任陝甘總督奏議目錄

卷二十

恭謝

天恩

卷二十一

賑恤災黎

卷二十二

控制番氓

西陲蒙回

卷二十三

那文毅公二任陝甘總督奏議

目錄

蒙古鹽務

請弛採險之禁

鎮壓奸回

卷二十四

清查倉庫

茶政

朔方水利

分讞諸獄

卷二十五

綏靖終南



改建營制

訓練武備

籌劑營伍

卷二十六

推薦賢能

奉

勅稽察

卷二十七

糾彈庸劣

那文毅公二任陝甘總督奏議

目錄

二

那文毅公二任陝甘總督奏議卷二十目錄

卷二十

恭謝

天恩

那文毅公二任陝甘總督奏議

目錄

三



那文毅公二任陝甘總督奏議卷二十

上海市立歷史文獻圖書館藏

男容安恭輯

恭謝

天恩

嘉慶十五年正月十五日

奏為叩謝

天恩事本年正月初五日接准軍機大臣字寄欽奉

上諭仰蒙

聖恩著<sub>臣</sub>以二品頂戴補授陝甘總督欽此<sub>臣</sub>當即恭設

香案望

那文毅公二任陝甘總督奏議

卷二十

一

闕叩謝

天恩伏思<sub>臣</sub>仰荷

鴻施屢獲罪愆蒙

逾格殊恩復用至喀什噶爾叅贊大臣未久正思未能圖

報日夜惶悚茲蒙

天恩補授陝甘總督查地方責任尤屬重要<sub>臣</sub>自維無才

深恐不克勝任倍切悚惶且荷

聖主殊恩畀以內地職任俾得與<sub>臣</sub>年近七旬之母相見

朝夕侍奉誠<sub>臣</sub>夢寐不敢望之

鴻慈<sub>臣</sub>闔家頂感

聖主

高厚鴻慈不盡續候<sub>臣</sub>抵任將地方事務逐款辦理後再

欽遵

諭旨奏請展

觀茲伊鏗額於本月十二日來抵喀什噶爾<sub>臣</sub>將叅贊大

臣印信並應行交代事件委章京豐安交代明白

仍將地方一切情形回子布魯特安集延等習俗

情形詳細告知<sub>臣</sub>於二十日起程馳驛赴甘容<sub>臣</sub>

另行恭摺專差具

奏叩謝

那文毅公二任陝甘總督奏議

卷二十

二

天恩謹

奏奉

硃批好生辦事慎之

嘉慶十五年正月二十二日

奏為恭謝

天恩事正月初五日恭奉

上諭松筠著調補兩江總督伊現已起程來京俟陛見後

再赴新任陝甘總督員缺著那彥成以二品頂戴補授

接奉諭旨即馳驛前赴蘭州接印任事以便勒保交代

徑回四川總督本任那彥成將地方公事次第經理於



明歲二三月間再行奏請陛見欽此嗣伊鏗額於正月

十二日到喀什噶爾接印任事臣於正月十五日

拜發清字謝

恩摺並聲明隨即專差家人進京賫摺謝

恩臣隨將各城回眾情形並邊外各部落及現在浩罕通

貢緊要各事應如何撫馭安集之處俱備細告知

伊鏗額亦即起程赴任伏念臣仰蒙

特達之恩屢擢清要之任祇以無才無能辜負

聖恩屢獲愆尤仍復屢蒙

錄用邀

那文毅公二任陝甘總督奏議

卷二十

三

異數之隆倍極人臣荷

寬大之恩原之法外五夜捫心未嘗一息獲安即在邊疆

之地多駐數年少効奔走亦所當然况到任未及

半載絲毫未有建樹又復超

擢斯職誠如

殊筆諭旨所云汝屢遭挫折當動心忍性舍身報國勉之

欽此臣賦性愚拙深荷

主知兼之智淺福薄遇事多舛迄今境過自思凡所閱歷

之風波悉皆

生成之雨露是臣有生之日皆

皇上再造之仁臣惟當遵奉

教訓恩旨動心忍性舍身報

國恪勤所職夙夜靖恭不敢少自放佚但臣前任陝甘

五月有餘均在西安駐劄辦理軍務善後至蘭州

任署方及五日即蒙

恩調任兩廣為日不久一切事務未能悉知且屢次獲譴

之後庸愚之材遇事益深疑懼嗣後凡事務自奮

勉勤益加勤慎之又慎仍仰懇

皇上天恩多加教訓俾臣可免隕越得以永遠承受

恩眷臣惟有竭盡犬馬之才以冀仰報

那文毅公二任陝甘總督奏議

卷二十

四

高厚鴻慈於萬一謹

奏

容安謹按此奏

殊諭謹密存未載

嘉慶十五年三月十二日

奏為恭謝

天恩奏報接印任事日期事臣於正月二十二日在葉爾

羌途次專差齎摺謝

恩嗣於阿克蘇途次接得勒保來信商及臣於何日到任

接印以便速回四川本任等語惟查喀什噶爾至



蘭州計程一百二十餘站臣於正月半起身每日  
趨行二百一二至七八十里不等總須三月半方  
能接印而勒保急須回四川本任是以臣等往返  
札商令伊飭委中軍等官送印至肅州臣接印後  
以便查閱營伍料理地方事件而勒保亦可及早  
回川辦事事屬兩便彼此意見相同茲臣於三月  
初三日進關勒保亦於初三日派委中軍副將張  
大振候補直隸州知州普寶賚送印勒前來臣於  
初六日已趕至甘州府地方恭設香案望

闕恭謝

那文毅公二任陝甘總督奏議

卷二十

五

天恩接印任事伏念臣至愚極陋仰蒙

皇上恩施屢次棄瑕錄用

教誨成全無微不至撫躬慚懼五夜難安今乃重荷

鴻恩白頭等侍衛

超擢至陝甘總督節鉞之榮地方之寄自顧何德何能實

慚非材非分惟有仰懇

皇仁嚴加策勵俾臣得有遵循可免貽悞現在應行整頓

辦理各事宜經勒保節次寄信俱已詳細告知臣

嗣後仍當虛心採訪公同斟酌次第辦理以冀仰

答

高厚鴻慈至臣前奉

恩旨准臣於二三月間奏請入

覲惟查松筠進京時因陝甘總督事務緊要藩司陳祁資

格尚新是以

特旨令勒保前來署理茲臣甫經接印亦未便將印交陳

祁護理况陝西撫臣赴晉撫篆亦係藩司朱勳護

理臣若再進京陝甘兩省均係藩司護理於體制

亦未允協臣此時自不應拘泥奏請進京入

覲現將年例報銷秋審之事趕緊辦理完竣俟六七月間

即行起身進京

那文毅公二任陝甘總督奏議

卷二十

六

陛見叩謝

隆施面請

聖訓可否如此恭候

恩旨遵行謹

奏奉

硃批甚是只須盡心任事誠心改悔不必急於進京八月

底起身亦可

嘉慶十五年二月二十五日長子容安蒙

恩以六部主事用

嘉慶十五年四月初八日



奏為恭謝

天恩事竊臣接到家信知長子容安由廕生吏部帶領引見欽奉

諭旨以六部主事用欽此聞

命之下感激悚懼莫能言喻當即恭設香案望

闕叩頭謝

恩伏念臣質本庸愚屢經獲罪俱為日不久即蒙

聖慈棄瑕收錄臣之子原係二品廕生嗣因臣錮職應得

廕生例即停止今以臣復任總督部中帶領引

見乃蒙

那文毅公二任陝甘總督奏議

卷二十七

皇上逾格鴻施以六部主事補用是臣一人受

恩未幾並下逮於幼子全家戴

德頂感何窮且臣幼蒙豢養

深仁

生成誨訓曲賜矜全十有餘年何微不至在

聖主寶垂憐於轍下之駕駘而臣亦猶是當年之童穉何

圖今日臣之子容安未及成人又得上邀

錄用凡此

恩命之加皆臣舉家夢想之所不到祖孫父子渥荷

鴻施自問何修膺茲

眷遇惟有寄信容安諄切誠飭令其勤加學習勉力當差

以圖報効臣益當竭盡微誠於地方應辦事宜實

心整理稍酬

高厚於萬一謹

奏奉

硃批盡心與否汝自省於衷即知矣統袴習氣汝不應染而竟犯此病大是奇事嗣後倍加改悔勉副朕願

嘉慶十五年五月初四日

奏為懇陳依戀下榻恭摺請

旨遵行事竊臣前次奏報到任日期及懇請六七月

那文毅公二任陝甘總督奏議

卷二十八

陛見一摺茲於五月初三日欽奉

硃諭令臣八月底起身來京自不應再行瑣責惟是犬馬

戀

主之誠亟欲瞻

天仰

聖面請

訓誨又因甘省清查倉庫錢糧一案經前督臣松筠奏明

八個月限期自今年正月起限至八月即滿實緣

歷年已久案牘紛繁各項頭緒既多自不得任聽

州縣少有含混兼以口外各州縣距省遙遠往返



駁查一時未得清楚雖照例扣程計限須於明春  
二三月方為滿限計此時各屬歸著款項至秋末  
冬初正係臣衙門核算喫緊之時又今歲十月係  
應辦武闈鄉試事宜撫臣亦因本省武闈不能分  
身兼顧臣若俟八月底進京十月初旬恐不能趕  
回辦理合無仰懇

皇上俯鑒愚誠

恩准臣六月間入都

陸見俾得早遂瞻依之私計程回甘亦於清查錢糧考試

武闈等事不致有悞如蒙

那文毅公二任陝甘總督奏議

卷二十

九

俞允所有陝甘總督印務或交撫臣董教增署理或另行  
派員署理之處恭候

聖明訓示謹

奏

嘉慶十五年五月十八日奉

上諭那彥成現在奏請陸見准其於六月內來京瞻覲其

陝甘總督印務著董教增即前往署理以便那彥成交

卸啟程所有陝西巡撫印務仍著朱勳護理

嘉慶十五年七月初五日

奏為恭繳

硃筆恩諭敬陳感愧下忱並現在查辦情形事竊臣前次

具奏酌議災賑章程請將被旱之阜蘭等二十四

廳州縣先行緩徵並懇預撥

帑銀以備賑卹臣留甘督辦暫緩

陸見各摺茲於七月初二日欽奉

硃批

諭旨仰蒙

聖主恩施一一允行並以臣能知事體輕重不愧廣庭相

國之孫

優加勸勵臣跪讀之下感激慚悚莫可名狀並蒙

那文毅公二任陝甘總督奏議

卷二十

十

皇上眷念舊臣

硃筆恩諭

賜書官號不書名字不特臣感戴終身即臣祖父阿桂亦

當銜結地下臣惟有事倍加小心虛衷商辦實

力勉行期於民生

國計有裨以冀上承

君恩下繼家業斷不敢少自暴棄有負我

皇上教誨期望之意伏查甘省本年被旱之處在四五月

間地段頗寬情形亦重幸六月以來連得透雨各

處均以地候較遲趕緊翻種秋禾民情頓覺安貼



雖有夏禾被旱向不種秋及不能翻種業已成災之處而續報補種秋禾者現已滋長即從前被旱最重奏請緩徵處所亦間有續得透雨現須另行勘辦查四五月間有連年被旱如鹽茶有回民爭教安定會盛靖遠等處強借搶奪之案共有二十餘起臣等身任地方實不免中心惶惑今得仰托皇上洪福各屬均得有甘雨民氣稍蘇此時大局較從前具奏時已可大定然災民業皆積苦之餘流離實自可憐今蒙

允准撥帑辦賑臣斷不肯稍任虛糜亦不敢預存節省之

那文毅公二任陝甘總督奏議 卷二十 十一

見使小民或至失所惟當督同司道將此項辦賑銀兩公同監視出入分別輕重確核災分總期無濫無遺民沾實惠以仰副

皇上軫念民瘼不惜百萬

帑金普卹災黎之至意至災賑一切弊端詐偽百出臣

到甘未久不能備摘譎張近日悉心訪詢隨事講

求即守令教職中平素老成諳練者亦俱令其各

抒所見冀得周知民隱切中弊源臣仍與司道虛

心商榷不遺餘力凜遵

諭旨切實奉行倘有官吏侵肥染指定即嚴叅懲辦斷不

敢徒托空言上負

聖訓謹將

殊筆恩諭敬謹封繳謹

奏奉

硃批實心任事言行相符為要

嘉慶十五年七月二十三日

奏為恭謝

天恩事竊臣接准吏部咨開嘉慶十五年六月二十九日

奉

上諭那彥成前在兩廣總督任內辦理洋盜本屬認真但

那文毅公二任陝甘總督奏議 卷二十 十一

於一切機宜未能悉當而李崇玉一犯究由伊緝獲現

在洋盜肅清著加恩賞給頭品頂戴欽此欽遵移咨前

來臣恭承

恩命伏地碰頭感愧交集伏念臣前在兩廣總督任內辦

理洋盜因年輕識淺急圖成功以致躁率冒昧不

合機宜自蒙

皇上教訓警戒以來省過懷慚至今負疚迺荷

天恩高厚不究前愆復蒙

普錫恩膏

特加品服



鴻慈逾格頂踵難名臣惟有事事小心謹慎整頓地方勤求民隱現在辦理災務更當認真督率稽查使官吏少一分侵欺即閭閻多一分全活庶以仰報皇上覆載生成於萬一謹

奏奉

硃批實心勉力不可自作聰明為要

嘉慶十五年十一月二十六日

奏為臣母自京到署瀝陳感激下忱恭謝

天恩並懇請留子隨任事竊臣荷蒙

恩命補授陝甘總督到任後值查辦甘省賑務續經

那文毅公二任陝甘總督奏議

卷二十

三

奏准暫緩

陛見尚未瞻觀

天顏稍伸依戀何敢顧及將母私情惟臣之母年已六十

有九前奉

上諭有令臣進京瞻

覲順便省親之

旨仰荷

恩慈格外垂卹感激無地臣母屢經寄信來甘尊諭臣盡

心辦理地方公務災賑事宜更須加意認真以副

皇上恩任切不可眷戀私情急於遣人迎接我若念汝即

自行來署等語臣是以尚未迎養茲臣之母緣念子情切徑已自僱長行車輛由京起程臣趕緊差人迎至西安茲於十一月初七日抵署臣得遂祿養之私皆荷

聖主隆恩舉家老幼無不同深感戴再臣長子容安蒙

恩以主事用分掣戶部學習行走在部告假隨臣母來甘

惟容安年輕無知學業甚淺合無仰懇

聖恩准其照例留署幫辦家務兼可教以滿漢文並練習

弓馬庶幾將來回京當差不致貽悞至臣署中公

務較繁時有查辦地方巡閱營伍之事現在九月

那文毅公二任陝甘總督奏議

卷二十

四

分普賑及十月十一月加賑均已散竣尚有十二

月加賑尤應察看情形妥為查辦並須親赴散放

各處次第查核以期實惠在民未能常川駐省如

蒙

聖恩准留容安在署奉養以代子職並可以愉其祖母之

心臣烏鳥私情不敢不據實陳奏可否之處出自

皇上天恩謹

奏

嘉慶十六年正月初七日奉

上諭據那彥成奏稱伊子隨侍伊母來署懇留隨任等語



著照所請准令伊子容安留署幫辦家務

嘉慶十五年十二月二十八日

奏為瀝陳依戀下忱恭摺懇請

陛見事竊臣前次

奏請展

覲嗣緣查甘省賑務不敢拘泥前

旨復經

奏奉

諭旨冬底來京亦不為遲欽此伏查甘省普賑加賑自九

月至十二月均已完竣臣欽遵

那文毅公二任陝甘總督奏議

卷二十

去

恩旨查照本年普賑數目續請

賞給貧民一月口糧現在祇候

命下欽遵辦理計自正月散起至二月可以完竣惟各州

縣分設粥廠當青黃不接之時一時驟難停止而

明春酌借籽種口糧之處正多尚須督飭盤查妥

為辦理臣擬於三月由蘭州起程先赴東路一帶

較閱營伍至西安省城會同提臣楊遇春將

奏准軍標改鎮事宜分撥布置其南山一帶邇來甚屬

安靜惟陝安鎮總兵游棟雲究係新任臣於到西

安時暫為駐劄亦可督率該鎮等彈壓稽查俾地

方益臻靖謐彼時正值

駕幸五臺為民祈福陝省與晉省連疆

君父鑾輿臨幸臣何敢安坐衙署既有陝省應辦之事臣

即在西安駐劄依

光較近臣子戀慕之心亦可少安恭候

皇上迴鑾臣即隨後自陝進京如奉

旨令臣赴晉展

覲仍遵前奉

諭旨將督篆交與董教增署理之處合併請

旨遵行伏祈

那文毅公二任陝甘總督奏議

卷二十

去

皇上睿鑒訓示謹

奏奉

硃批已有旨不准董教增來接汝亦不准至五臺接駕俟

五月間至圓明園見朕不准早來恐悞賑務

嘉慶十六年五月十五日

奏為遵

旨展

覲陳明起程日期事竊臣上年奏請

陛見嗣因查辦甘省賑務未敢拘泥當即奏蒙

恩准暫緩進京迨去冬賑務完竣復經瀝情奏懇因今春



尚有展賑欽奉

硃批俟五月間至闕明園見朕不准早來恐悞賑務欽此

臣 稟遵之下當將展賑妥為辦竣其糶粥停賑平

糶減價暨秋審奏銷及清查倉庫各案均已次第

辦結此外並無緊要案件臣 到任已越一年戀

闕情殷謹遵前奉

硃批進京

陛見不敢早行現擬於五月二十日自蘭州起程隨帶總

督關防俟至西安即遵前

旨移交撫臣 董教增接署並將甘省地方事務面為告知

那文毅公二任陝甘總督奏議 卷二十 七

商酌妥辦其西安軍標改鎮未盡事宜當督同新

任總兵楊芳與藩司朱勳就近布置臣 即由西安

進京瞻覲

天顏跪聆

聖訓俟回陝甘後另將奏定巡閱各營以次較閱至臣 起

程之後署中日行事件飭委藩司陳祁照例代拆

代行臣 拜摺後即行起程前進迎奉

硃批謹

奏奉

硃批覽

嘉慶十六年四月十一日次子容照蒙

恩授

乾清門三等侍衛

嘉慶十六年六月初二日

奏為恭謝

天恩事竊臣 途次接得家信臣 次子容照仰蒙

恩旨授為三等侍衛在

乾清門行走聞信之下感悚莫名伏念臣 一門祖孫父

子世受

國恩臣 自幼即蒙

那文毅公二任陝甘總督奏議 卷二十 六

聖慈參養

內廷依

光近

御二十餘年以來疊荷

高厚生成以至今日上年長子容安蒙

恩賞用戶部主事已屬

榮施逾格頂踵難酬茲次子容照幼穉無知復荷

皇上天恩於大臣子弟百十餘人之中

特加拔擢既超等第又近

天顏臣 自顧驚惶不識何修乃父子渥沐



鴻慈至於此極此實

聖主垂念臣之祖阿桂總欲令其家中世有一

內廷行走之人是以不次之

恩施及童子言念及此不禁感激涕零臣惟有殫竭血誠

盡心辦事並寄信容照令其勤習弓馬謹慎當差

以期仰答

皇上恩加無已至意謹

奏奉

硃批覽

嘉慶十六年六月初五日會同陝西巡撫董公教

那文毅公二任陝甘總督奏議

卷二十

五

增

奏為恭報交篆及接署日期事竊臣那彥成遵

旨進京

陛見於五月二十日自蘭州起程業經奏報在案茲於六

月初二日行抵西安面晤撫臣董教增當將甘省

地方公事情形逐一告知所有總督關防應遵前

奉

諭旨即交董教增接署現在臣那彥成於本月初三日交

卸督篆臣董教增即於是日接篆署事謹

奏奉

硃批覽

嘉慶十六年七月初二日瞻

覲

賞還花翎

嘉慶十六年七月二十八日會同陝西巡撫董公

教增

奏為恭報交接督篆日期事竊臣那彥成進京

陛見臣董教增接署總督篆務均經奏報在案茲臣那彥

成

陛辭出京於七月二十五日行抵西安省城准董教增派

那文毅公二任陝甘總督奏議

卷二十

三

委西安府知府周光裕兼辦撫標中軍叅將張連

甲將總督關防移送前來臣那彥成恭設香案謹

望

闕叩頭祇領任事臣董教增即於是日卸事所有交接

督篆日期除另疏

題報外理合會同奏

聞再本年係

欽差大閱之期臣那彥成現在校閱西安滿營官兵次赴

平涼固原靜寧一帶巡閱各營順道回至蘭州容

俟將巡閱情形核明彙奏謹



奏奉

硃批知道了

嘉慶十六年七月二十八日

奏為恭謝

天恩事竊臣進京展

覲得以瞻仰

天顏稍紓依戀之悃荷蒙

皇上堂次

召對自地方公事以至臣私事無不

垂詢周詳

那文毅公二任陝甘總督奏議

卷二十

三

體恤備至並荷

榮施逾格

賞戴花翎所以

訓誨成全者有加無已自念受

恩深重未効涓埃不圖渥被

鴻慈至於此極私衷感悚筆不能宣惟有殫竭愚誠實心

辦事益加勤勉不敢稍有懈怠以期仰答

高厚深仁於萬一謹

奏奉

硃批永守清操勿稍任性必能常承恩澤勉之

嘉慶十七年十一月初五日

奏為恭謝

天恩事竊臣八月內進馬千總張作功回甘稟稱十月初

二日到京進呈

貢馬四匹奉丹巴多爾濟當面傳

旨以臣前次所進黃馬青馬已蒙乘用此次之馬尚好並

欽賞千總張作功小緞一疋臣敬聆之下當即望

闕叩頭跪領

恩旨伏查甘省地近伊犁得馬尚易是以臣每次備

貢之馬皆預為挑選親自騎歷至一二年不等教至馴

那文毅公二任陝甘總督奏議

卷二十

三

熟然後呈進屢蒙

皇上賞收傳

旨獎飾並

賞差弁緞疋臣榮幸之私如同身受茲臣又得馬四匹敬

謹呈進嗣後臣益加留心挑選有可備進者仍求

皇上施恩准其隨時呈進謹

奏奉

硃批汝所進之馬好者多驚駘者少嗣後每次一二匹足

矣不必多進只要馴良

嘉慶十八年四月二十日



奏為恭謝

天恩事嘉慶十八年四月十二日接准軍機處咨嘉慶十

八年三月二十日奉

上諭那彥成所進青馬朕乘用甚屬大方俾青馬著賞

給履安驄名號著加恩賞給那彥成大緞二疋官緞二

疋此項緞疋即在廣儲司動用頒給欽此前來 跪聆

之下曷勝頂感仰望

金闕叩謝

天恩伏思 臣 前次呈

進馬匹皆蒙

那文毅公二任陝甘總督奏議

卷二十

三

聖主賞用 臣 正深惶悚之際荷蒙

鴻恩將 臣 所

進馬匹仰邀

嘉賞履安驄名號又蒙

賞賜大緞四疋 臣 不勝感戴之至惟甘省得馬尚易 臣 揀

選上好馬匹親身騎歷俟堪

聖主乘用仰懇

恩准呈

進為此恭摺叩謝

天恩謹

奏奉

硃批知道了

嘉慶十八年五月十六日

奏為懇陳依戀下忱恭摺籲懇

聖恩俯准

陛見事竊 臣 於嘉慶十六年夏間趨詣

闕廷迭蒙

皇上訓誨周詳無微不至

陛辭時並荷

皇上垂慈俯鑒 臣 犬馬戀

那文毅公二任陝甘總督奏議

卷二十

三

主之忱面降

恩旨准 臣 隨時奏請

陛見不必拘定三年伏念 臣 自幼即蒙參養

內廷依

光近禁渥叨

高厚生成以至今日自前年回任後無不秉承

睿謨即無刻不兢兢畏懼凡一舉一動均勉思可以仰副

君父如凜

天顏於咫尺惟是上年值甘省藩臬屢經更替不能奏請

辰下秋審及錢糧奏銷各案完竣自當



奏請又值撫臣董教增暨新任甘肅臬司德克精阿先  
後進京臣亦未便離省今計伊等同任時又係本  
年十月辦理武闈鄉試不得分身入  
觀合無仰懇

皇上天恩指示准令臣或本年冬月或明年正二月間入  
都泥首

宮門跪聆

慈訓俾一切公事有所遵循而臣子戀

主微忱亦可稍申萬一如蒙

俞允其陝甘督篆臨時臣仍帶至陝西交撫臣董教增署

那文毅公二任陝甘總督奏議

卷二十

五

理謹

奏奉

硃批明年正二月來京未遲

那文毅公二任陝甘總督奏議卷二十

那文毅公二任陝甘總督奏議卷二十一目錄

卷二十一

賑恤災黎

那文毅公二任陝甘總督奏議

目錄

一



那文毅公二任陝甘總督奏議卷二十一

男容安恭輯

賑恤災黎

嘉慶十五年五月二十七日

奏為甘省被旱情形事據甘肅布政使陳祁詳稱甘省

自去冬今春雪澤稀少本年三月至四月下旬惟

慶陽府屬之靈州安化正靈三州縣西靈府屬之

西靈縣各得透雨一次五月內惟秦州得透雨一

次西靈大通安定三縣得雨三四寸不等涇州河

州狄道渭源隴西伏羌西和平涼華亭清水徽縣

那文毅公二任陝甘總督奏議

卷二十一

一

等處得雨三寸餘此外各廳州縣稟報得雨僅濕

地皮及一寸有餘並有尚未得雨之區除靈夏靈

朔平羅等縣及張掖迤西各地方均藉渠水灌溉

雨澤雖少可望有收容俟秋成後再行勘辦外其

餘各屬多半山田旱地風高土燥全賴雨澤應時

禾苗始能長發兼之地氣苦寒秋田於夏至前必

須播種非若他省麥收後尚可再種秋禾茲據臬

蘭金縣靖遠沙泥州判紅水縣丞靈遠會靈漳縣

鹽茶固原環縣文縣成縣靈台靈州及花馬池州

同中衛平番十八廳州縣稟報夏禾已多黃萎秋

禾尚未播種災象已成其他州縣或受旱於前或

得雨較遲麥收已少西成亦必歉薄等情具詳前

來臣伏查甘省上年收成本屬歉薄本年雨澤愆

期自四月至今臣每日率同司道各官虔誠步禱

並嚴飭各屬一體誠求雖間有得雨處所率未深

透夏收歉薄糧價日昂民力頗形拮据臣與司道

等日夜徒增焦灼現在與藩司察核情形較重地

方酌量先行借給口糧以安民心日內如獲甘霖

尚可勸諭農民補種晚秋若至小暑不得透雨即

當飛飭該管道府上緊查勘臣一面督同藩司親

那文毅公二任陝甘總督奏議

卷二十一

二

履勘驗分別成災輕重照例趕辦以期仰副

皇上軫念民艱不使一夫失所之至意再今歲被旱成災

之處過寬民情不無惶惑查勘撫綏事事均關緊

要嗣後若遇災賑事宜應奏明請

旨俯允臣由馬上飛遞馳報謹

奏

嘉慶十五年六月十五日軍機大臣字寄奉

上諭那彥成奏甘省被旱一摺前因那彥成奏請陛見准

令於六月內來京瞻覲順便省視伊母令董教增赴甘

署理督篆第總督兼轄兩省職任甚鉅自以地方公務



為重今阜蘭十八廳州縣夏禾已多黃萎秋禾尚未播種災象已成其他州縣或受旱於前或得雨較遲西成亦必歉薄又鹽茶地方回民復倡新教煽惑鄉愚此皆係該督應辦要務董教增甫經調任於甘省情形自所未悉且陝省自春徂夏雨水短缺亦間有成災處所係該撫本任應辦之事焉能分身兼顧此時計那彥成已由甘肅啟程行抵西安著接奉此旨即由陝省一帶查勘回甘董教增即回抵西安接辦巡撫事務俱先行由驛馳奏所有阜蘭等處被災較重者著該督先給口糧其成災分數及他州縣是否成災迅委委員履勘明確

那文毅公二任陝甘總督奏議 卷二十一 三

如何分別蠲緩撫卹由驛馳奏統俟地方諸務辦理完善於冬底來京展覲亦不為遲務使窮黎不致失所為要

嘉慶十五年六月初七日

奏為甘省被旱成災現在分路查勘據詳預請撥帑以資接濟事茲據藩臬兩司詳稱日內又有靜寧隆德隴西通渭安定碾伯六州縣續報被旱較重現已分委委員並移行該管道府馳赴各屬確切查勘一經勘實自應即為賑恤此時會宜請遠等處已有饑民強借拾糧之案雖已懲辦完竣惟窮民

無食繩以嚴法其情實覺可憫若從寬原宥久而恐釀大事現已遵照前奏將被災較重之處酌量借與口糧以安民心目下業已安靜而賑恤事宜尤不可不亟為籌辦查甘省司庫除存貯兵餉廉俸等項之外並無閒款現在請借口糧已形支絀若俟勘明成災始請撥

帑恐緩不濟急災黎失所殊非仰體我

皇上愛民保赤之意查嘉慶六年甘省被旱經前任總督長麟具奏是年被災共有四十一廳州縣牽算大中小縣戶口數目給賑兩三月至四個月以每處

那文毅公二任陝甘總督奏議 卷二十一 四

本折賑糧五萬石約計請撥銀一百二十萬兩糧八十萬石並奏蒙

聖恩將正借新舊銀糧分別豁免帶徵始克民情安堵本年現在被旱成災地方已有二十四處雖較之六年似為稍輕而各該處半係連年歉薄之區民情甚覺惶惑此時通盤計算減半樽節辦理每處酌減一萬石即以賑糧四萬石牽算每石計折銀一兩已需銀九十餘萬兩此外毗連處所亦需調劑者尚屬不少約畧計算必得預籌賑銀一百萬兩以備接濟詳請具奏前來 臣伏查甘省本年受旱



較重前因節令甫屆夏至尚冀續得透雨可以趕種晚秋今時已小暑甘霖仍未霑足業已成災自應准兩司詳請預行請撥

帑銀始免臨時貽悞理合奏懇

皇上天恩俯准在於甘肅鄰近省分撥銀一百萬兩並令迅速解甘務於七八月間到齊俾資給散至甘省現在市糧稀少價值日昂六年時尚有附近災區州縣倉糧可撥今東南兩路大率倉貯空缺西路倉糧雖多而相離過遠腳費倍於糧價難於撥運將來若全給折色恐貧民買食維艱仍難餬口應

那文毅公二任陝甘總督奏議

卷二十一

五

請將被災地方倉貯有糧者先儘支放如無額貯容臣督同藩臬兩司及各道府妥為斟酌設法撥運間需運腳等費即在所請銀兩內通融支用事切民瘼辦理固不必存節省之見而

國帑攸關臣等天良具在何可少事浮糜惟有實力實

心公同商酌盡心籌畫務使實惠及民以上副

皇上軫念窮黎不使一夫失所之至意再臣先經具奏之

阜蘭金縣靖遠沙泥州判紅水縣丞寧遠會寧漳縣鹽茶固原環縣成縣文縣靈台靈州及花馬池州同中衛平番等十八廳州縣又據續報被旱較

重之靜寧隆德隴西通渭安定碾伯六州縣共二十四州縣應徵新舊正借銀糧草束並請

聖恩一體先行緩徵其餘各處容臣與兩司分投通行親

查如有續應辦理分別調劑之處容臣再行隨時

確查具奏斷不敢稍存諱飾上負

恩慈謹將現在查勘及請撥賑銀緣由先行馳

奏

嘉慶十五年六月十九日奉

上諭那彥成奏查勘甘肅各廳州縣被災情形並請撥帑接濟一摺甘省本年自春徂夏雨澤愆期秋成失望所

那文毅公二任陝甘總督奏議

卷二十一

六

有那彥成前次具奏之阜蘭金縣靖遠沙泥州判紅水縣丞寧遠會寧漳縣鹽茶固原環縣成縣文縣靈台靈州及花馬池州判中衛平番等十八廳州縣並現據續報被旱較重之靜寧隆德隴西通渭安定碾伯六州縣共二十四廳州縣本年應徵新舊正借銀糧草束著加恩先行緩徵其餘各處仍著查明有無成災應行調劑之處隨時據實具奏至該督奏請籌撥賑銀一百萬兩著照所請交戶部於附近陝甘各省迅速籌款撥解以資接濟摺併發

嘉慶十五年六月初七日



奏為酌議辦理災賑章程以清浮冒侵漁積弊事竊惟

災賑事宜上糜

國帑下切民生必須肅清弊竇惠及災民方足以廣

皇仁而孚眾志查甘省從前捏災冒賑諸弊自乾隆四十

六年大加懲創以後頗知警畏無敢仍前捏冒惟

是甘省地土瘠薄民鮮蓋藏豐收之年少歉收之

年多一遇水旱災傷不能不籌議賑恤辦理既多

為日又久不肖官吏熟於其事不恤災民之苦轉

視為牟利肥己之端總須先事預防早為杜絕查

歷年報災例由該管道覆勘照例具報藩司藩司

那文毅公二任陝甘總督奏議 卷二十一 七

詳總督批准行文查辦清楚然後領餉散給定例

原屬周密近來各州縣往往以急賑為名徑請徑

放率向藩司稟請不由道府核轉各道果能公正

自居亦自可認真辦理無如積習相沿不能振作

各州縣亦樂於少人稽查便於作弊各道府亦止

冗關推諉從不過問亦無從查悉不過事後照例

移詳具結於是距省遼遠之州縣任意侵冒遠者

如此近亦效尤似此浮冒弊混各道府尚同局外

民間亦何從得悉且現在正值清查不肖州縣或

思乘此機會藉以彌補或因衝途差繁賠累假此

殊

補償少有天良者尚係侵挪辦公而其中難保其

不用肥己本官既有私圖下至書役鄉保以及地

方奸民愈得肆意舞弊本官亦無敢禁止且弊端

既起慮難掩人耳目不得不委曲周旋以塞其口

甚至過臨上司之書吏丁役人等無不輸情盡禮

囑託照應所有查災散賑各委員亦不免有饋贈

扶同隱飾上下分肥又該管道道府及各委員往往

苦於道途寫遠村莊戶口紛繁並不實力確查各

州縣官亦貪圖安逸並不親身周歷散放聽憑書

役串通鄉約地保或浮開人數或虛捏戶口有力

那文毅公二任陝甘總督奏議 卷二十一 八

者可串通多領無力者轉無所得又或鄉保代領

書役包散或藉稱紙筆盤費及腳價口食藉端尅

扣並不按人按戶放散災民亦不知誰為應領不

應領而其實在會否散放竟不可問是辦災之要

益含糊而弊益叢生總在彰明較著使被災之民

家喻戶曉一有侵漁即可告發庶貪官墨吏知所

儆懼不敢肆行 臣 仰荷

聖恩擢任封疆此種積慣舞弊上冒

國帑下刻民膏言之真令人切恨因而時刻留心廣為

採訪商畧防弊數事前於借放籽口之時酌擬條



款張示曉諭使百姓周知某某應領若干嚴禁包攬浮冒試行於被災之區頗覺切實現因被旱成災請撥

帑銀百萬兩

國家經費有常民瘼關係至重更當悉心籌畫及早熟

計預為防範稟遵

聖明教諭盡心辦事上可對

君父下可對百姓務得實惠及民

帑無虛費以期仰副我

皇上愛民施惠之意謹將酌議章程另繕清單恭呈

那文毅公二任陝甘總督奏議

卷二十一

九

訓示 仍督同藩臬兩司隨時隨地嚴密訪查該管道府

及印委各員倘敢陽奉陰違即據實嚴參究辦尚

有禁止不周思慮未到之處臨時再行酌增具奏

合將現在籌辦緣由恭摺奏

聞謹

奏

謹將酌議辦理災賑章程繕具清單恭呈

御覽

一被災地故宜著該管道員親身督勘以昭慎重也查州縣地方被災例應遴委委員會同該州

那文毅公二任陝甘總督奏議

卷二十一

十

縣履畝確勘將被災分數按照村莊分別申報司道該管道員覆行稽查加結詳請具題定例至為詳慎惟甘省州縣往往相距數百里至千餘里不等該管道員每因道途遼遠往返需時恐逾限期率據印委各員印結加結轉報並不親身覆查又或慮其浮冒憑空刪駁而各屬慮刪減早已預先浮開上下相蒙尤非核實之道此次所有災傷處俱著該管道府親往踏勘據實核轉如所屬被災州縣較多相距又遠急切未能分身者許轉稟請委可信州廳各員會同該州縣確查結報該道府仍嚴密訪察深信不疑始准加結轉報如有率加結報及任意刪減者嚴行叅辦

一散賑宜添設木牌遍掛各堡以杜弊混也查例載地方遇有賑恤該管官將所報成災分數應賑戶口月分先期宣示及賑畢再將已賑戶口銀糧各數覆行通諭本極周詳但向來散賑州縣惟張掛告示將應賑戶口銀糧各數籠統開列僅憑冊錄細數愚民無從深悉底裏侵漁影射之弊由此即生此次應令散賑各州縣除照



舊出示曉諭外另行置備大牌開明某堡某村  
戶口若干應賑銀糧若干逐鄉排列村堡地名  
人名填註數目懸掛各村堡適中處所俾民間  
家喻戶曉照牌給領倘有書役鄉保人等仍敢  
侵漁影射以及藏匿木牌不行懸掛者該民人  
等即可隨時指名稟控俾經手之人無從偷匿  
樊混仍責令道府大員親行查察牌內所開戶  
口銀糧與原報數目是否相符據實稟報統俟  
道府查過後方許撤收臣等仍委員前往將該  
員等所掛木牌照抄存於總督藩司衙門以便  
與報册核對庶幾彰明較著樊混可除而災民  
得沾實惠矣

那文毅公二任陝甘總督奏議

卷二十一

十一

一散賑宜先散賑票以憑查驗也查散賑處所人  
數龐雜一時難於辨認恐奸民重複冒混無由  
稽察應先刊刷連貳賑票填註某鄉村極次貧  
某戶大小口若干應領銀糧若干並於年月騎  
縫處鈐印過珠一存根該衙門備查一預給各  
災戶收執令於散賑之日各帶票查驗照給銀  
糧設有加賑於票內註明初賑放訖字樣仍隨  
時將原票給還以憑加賑查驗其未經散票以

前須先彰明曉諭使災民一體周知各索票據  
既免奸民冒混之弊亦防鄉保人等勒扣之端  
一散賑宜擇地分廠並著大員往來督查以期安  
妥也從前查災點戶各事宜俱為散賑而設此  
時辦理尤關緊要應令各該地方官多設賑廠  
按村堡戶口之多寡酌中定地勿使窮黎苦其  
遠涉間有須渡黃河者亦應相度形勢妥為籌  
辦俾免風波之慮至期即派原查戶口之員分  
赴各廠按牌照票逐名給散先及婦女老幼殘  
廢次及壯盛丁男毋得擁擠吵嚷或有本人不

那文毅公二任陝甘總督奏議

卷二十一

十二

能赴領託戶族親鄰代領者該處鄉保識認即  
於册內及木牌上登註姓名俾有查考其胥役  
鄉保人等俱不得包攬代領散完後即於册內  
結明總數鈐用圖記硃標年月日旁寫監散官  
銜名預備上司調查仍著道府大員於開賑之  
日往來督查毋使稍有差誤  
一散賑銀糧宜查點定數以免尅扣也查貧民應  
領銀糧絲粒皆關生計應令道府大員隨處抽  
查務使斛面戥頭俱無短少或有以銀易錢給  
散之處亦俱按照時價足數給散毋得高抬錢



價扣短串頭如有前項情弊即行給辦治罪

一查災散賑大小官員均宜潔已奉公以肅官箴

而勤民瘼也查例載查勘災賑除現任正印及

丞倅等官不准支給盤費外教職縣丞佐雜候

補試用等官俱按日支給盤費所帶跟役口糧

一體支銷等語推原例意誠以教職縣丞佐雜

候補試用等官盤費未免艱難且恐該員等藉

稱賠墊轉生弊端是以准其按日支給盤費所

以示體恤亦所以絕覬覦至現任正印及丞倅

等官俸廉優厚於災務中自備資斧協同查辦

那文毅公二任陝甘總督奏議 卷二十一 三

實屬分所當然斷不宜絲毫騷擾轉滋被災地

方之累但恐狃於積習以夫馬為應得視供給

為故常而書吏丁役人等更肆其訛詐勒索該

處官吏勉為承應無可開銷勢必於中浮冒甚

至大小各員瞻徇情面未便聲張不得不扶同

隱飾種種弊竇難以枚舉不可不嚴加防範此

次查辦災賑各員除教職縣丞等官遵照甘省

成例官每員日給盤費銀一錢銀役一名日給

盤費銀五分官役各給馱騾一頭每頭每百里

給腳價銀二錢於存公項下開銷外其現任正

印及丞倅等官一應夫馬供給俱嚴飭永遠裁

除倘該處官吏必欲違例承應此即分肥染指

之漸責令該管上司據實揚報以憑嚴叅究辦

嘉慶十五年六月十九日

奏正在封摺問接奉

上諭那彥成現在奏請陛見准其於六月內來京瞻覲其

陝甘總督印務著董教增即前往署理以便那彥成交

卸啟程陝西巡撫印務仍著朱勳護理欽此仰蒙我

皇上俯鑒蟻忱

恩准所請俾得早遂瞻依之願並得早見 臣母以遂烏私

那文毅公二任陝甘總督奏議 卷二十一 四

感激下忱實難言喻惟查 臣於五月初四日奏請

陛見時尚在芒種以前甘省地方氣候較遲如能即沛甘

霖夏麥仍可收秋禾尚堪播種不致成災兼因

本年冬間有清查錢糧考試武闈等事誠恐不及

趕回辦理是以懇請六月進京詎自五月迄今總

未普沾透雨早象已成業將被災情形恭摺專差

具

奏在案刻下靖遠鹽茶固原一帶民情尤形惶惑查勘

撫綏事事均關緊要近接陝省來信撫 臣董教增

於六月初旬方能到陝計至甘省約在月底且災



賑事宜頭緒紛繁係臣任內應辦之事自當一手經理臣仰荷

聖主鴻施畀以重任當此民瘼喫緊臣時不敢稍事拘泥

遽爾交代起程意存諉卸已飛咨撫臣董教增毋

庸前來謹

奏奉

硃批汝實不愧廣庭相國之孫嘉是覽之另有諭旨

嘉慶十五年六月十九日軍機大臣字寄奉

上諭那彥成奏甘省被旱成災請先行緩徵並撥帑施賑

一摺已明降諭旨均照所請行矣前經降旨准令該督

那文毅公二任陝甘總督奏議

卷二十一

五

於六月內來京陛見昨據奏被旱情形即諭令回甘辦

賑不必急急來京該督尚未接奉此旨今伊另片內即

計及查勘撫綏事關緊要並不拘泥前准陛見諭旨遽

爾交代起程一面飛咨董教增毋庸前來所見皆是該

督能知事體輕重實不愧為阿桂之孫其另摺奏稱向

來辦賑積弊所言俱切中窾要朕軫恤民瘼惟恐一夫

失所凡遇請蠲請賑皆立沛恩膏從不少惜帑項惟是

災區人數眾多帑項所給豈能人人瞻足即如此次撥

銀一百萬散給各處計每人所得能有幾何又况不肖

官吏喪盡天良不惟不善為經理且轉向垂斃饑民奪

其口食擠之溝壑安得不盡法處治如山陽王仲翰一

案可為炯戒該督現在酌擬章程俱係例內應辦之事

惟當照單列各條實力奉行不可徒託空言遇有貪官

墨吏一經訪查得實立即嚴叅懲辦勿任絲毫染指務

令災民均沾實惠該督俟賑務辦完一切俱臻妥協於

冬間再行奏請來京瞻觀可也

嘉慶十五年七月初五日

奏為遵

旨覆奏事竊臣於六月二十五日接奉

廷寄

那文毅公二任陝甘總督奏議

卷二十一

六

上諭那彥成奏甘省被旱一摺前因那彥成奏請陛見准

於六月內來京瞻觀順便省視伊母令董教增赴甘署

理督篆第總督兼轄兩省職任甚鉅自以地方公務為

重今阜蘭十八廳州縣夏禾已多黃萎秋禾尚未播種

災象已成其他州縣或受旱於前或得雨較遲西成亦

必歉薄又鹽茶地方回民復倡新教煽惑鄉愚此皆係

該督應辦要務董教增甫經調任於甘省情形自所未

悉且陝省自春徂夏雨水短缺亦間有成災處所係該

督本任應辦之事焉能分身兼顧此時計那彥成已由

甘肅啟程行抵西安接奉此旨即由陝西一帶查勘回



甘肅教增即回抵西安接辦巡撫事務俱先行由驛馳奏所有皋蘭等處被災較重者著該督先給口糧其成災分數及他州縣是否成災迅委委員履勘明確如何分別蠲緩撫恤由驛馳奏統俟地方諸務辦理完善於冬底來京展覲亦不為遲務使窮黎不致失所為要欽此

臣跪讀之下仰見

皇上慎重民瘼

訓誨周詳不勝欽佩臣前經奏請於六月中瞻覲

天顏敬聆

聖訓嗣以地方旱象已成一切撫恤查勘事宜緊要是以

那文毅公二任陝甘總督奏議

卷二十一

七

不敢拘泥復經奏明整緩赴京並知會陝西撫臣

董教增亦未起身來甘茲奉到

諭旨早經

聖明燭照事前先期

諭止令冬底來京亦不為遲並蒙

聖恩垂念臣省視私情體恤備至臣感佩難名惟有竭盡

血誠將災賑要務實心經理以期仰酬

高厚伏查本年甘省被旱州縣先後具報共有二十四處

業經臣奏請緩徵此外尚有毗連處所夏禾均已

無收幸自五月下旬及六月以來各屬陸續大小

不等均得雨澤可以趕種晚秋若接連再霑普雨則秋禾尚可望收現在藩臬兩司及各道府俱已親身分路查勘應俟逐一勘明如二十四州縣之種秋不及業已成災者即當查明戶口照例給賑而二十四州縣內有現已得雨業經翻種晚禾者或二十四州縣之外又有續報成災者將來或應賑恤或止須緩徵或尚有應行查辦及酌量接濟之處統容臣督同兩司各道細核各處實在情形分別妥辦另行奏

聞日內續經查出得雨較遲夏災稍重之涇州渭源伏羌

那文毅公二任陝甘總督奏議

卷二十一

六

永昌鎮原東樂縣丞等六州縣應請

旨同前次具奏皋蘭等二十四廳州縣一體先行緩徵以

紓民力六月分各州縣內有幸獲透雨已種晚秋

及可趕種者謹開單呈

覽可以少慰

宵旰至各處未經得雨之先被災較重之各州縣臣業已

遵照定例酌量借給籽口以安人心間有乏食離

散及因窘水缺乏四出就水者一經出走無力回

歸多在蘭州西寧涼州等處聚集老弱婦女及饑

餓生病流離失所實所不免並或糾集乞食或強



借搶竊無災處所亦不免受累自應照急賑辦理  
惟一時散給銀錢買食亦屬昂貴給與米糧鍋竈  
柴薪一切俱無現在趕緊在適中之地分設粥廠  
飭委道府大員督同地方文武各官妥為撫戢彈  
壓預先出示定於散賑之日為止緣此次非尋常  
糶粥為日太早亦過久不可不示之期限使之早  
自謀生或回歸故處如果臨時饑民尚未能即散  
再為寬限以廣

皇仁俟辦理截止之日統歸賑案報銷此時民間知有  
普恩給賑現又

那文毅公二任陝甘總督奏議

卷二十一

九

恩往緩徵且分設粥廠得沾

聖澤民情安貼地方亦甚靖謐惟辦理粥廠亦期實惠及  
民應須彈壓稽查不得擁擠生事亦擬定章程飭  
令文武各委員遵照辦理條款清摺亦一併呈

覽恭請

皇上指示臣統俟將災務辦竣後察看民情安堵別無緊  
要事件當即遵奉

恩旨於冬底趨赴

闕廷敬請

聖訓兼陳地方一切情形臨時再當具奏謹

奏

糶粥章程條款

一此次煮粥原因被旱貧民缺水乏食出走四方  
無力回歸現距散賑之期尚早是以先為煮粥  
撫恤自應先出示定限自七月初一日放賑至  
十月初一日止約計三月先行曉諭以便各流  
民明白知悉或得屆期各自謀生或各歸本鄉  
聽候給賑庶無逗留紛擾之事

一男婦須分廠散放其男丁十五歲以下許隨婦  
女入廠十五歲以上概入男廠以免混雜

那文毅公二任陝甘總督奏議

卷二十一

十

一每日開銷大口糧五合小口糧二合五勺核計  
糧若干煮粥若干置備大小鐵杓每名應給一  
杓或兩杓地方官委員營員公同散放其柴薪  
水火夫工食等酌定數目核實辦理如給炒麵  
即照開銷數目公同散給倘有剋扣短少及攙  
和不堪食用之物立即嚴叅治罪  
一查窮黎領粥人多若每日按人記檔非特紙筆  
需費浩繁而一時擁擠人眾更書等亦趕寫不  
及應酌量多寡置備或一尺或八寸長木籌一  
分上用火焰雙單印記外備五寸或四寸長小



木籌一分如於雙日開廠則於先一日委員訊明姓名年歲何縣人造册存查每名給雙印大籌一根次早委員在廠門用小籌將大籌換回約廠內能容若干人作為一次開門放入廠內委員在廠監視收回小籌即行給粥並換單印大籌為明晨單日支領粥麵之需既經領獲由旁門放出廠外委員即將續換小籌之人照前數復行放入如此散放則廠內既無擁擠之虞而食粥窮黎已換大籌雙單印記不符不能重領且放籌有數次早煮粥多寡即可以放籌為

那文毅公二任陝甘總督奏議

卷二十一

三

準委員等稽查人數亦可以取放木籌核實並新來貧民如有請領粥賑者亦於先一日前赴委員處問明姓名年歲添入册內按日給予雙單籌庶可不致紊混而便稽查

一 粥廠全在經手人員辦理得宜應責令本管道府督同印委各員妥為布置毋任胥役人等剋扣滋弊亦毋許流民擾攘爭競致生事端地方官每五日開摺通報仍由道府核明轉報該委員仍將該廠一切情形按十日一報以憑查考  
一 本年春夏被旱地方貧民乏糧出外謀食者固

屬不少而因旱窖涸無從得水逃散四方者尤多往往遊手好閒藉稱荒旱在外遊蕩滋事之徒亦恐混迹其中並恐有惡棍刁生乘勢滋事不可不預為防範應須添派城守營及各標營叅遊等官帶領跟役每日先赴廠巡查彈壓每早即將本日應煮之日米按册監量方往下鍋若散炒麵亦照數監查倘該營等官懶惰遲延以及有意挑斥許文員稟辦如果米糧之色不好或撥襍糠粃等事許營員據實稟辦該營員將該處情形隨時稟報並炒麵糧色隨稟包呈

那文毅公二任陝甘總督奏議

卷二十一

三

十日一報以憑核對仍令嚴行稽查設有犯竊滋擾等事立即按例嚴辦以示懲儆

一 入秋天氣冷涼宜在空澗處所酌蓋蓆篷或擇空閒窑屋廟宇俾蔽風雨既得住宿仍分明男女不得攙混並專派年老純正教官早晚照料稽查以免生事

一 被旱之區業經

奏明查辦給賑計日即可撫卹且各處多已得雨翻種安分農民聞本籍得雨既已有水可飲或尚有秋禾可望並能就賑斷無不願回歸之理應令



地方官及委員等隨時勸諭俾各回故里早安  
生業其無力回籍者地方官計算歸程按月給  
予下色糧五合其有不願回歸者即係不務正  
業之人應令地方官詳晰查明遞回原籍以免  
聚眾滋事如此分別辦理則良善自分而遊蕩  
之徒亦可不致混迹滋事矣奉

硃批覽

嘉慶十五年七月初五日

奏平涼縣詳稱所管白水地方於六月二十二十一兩

日山水陡發淹斃男女四十口冲倒房舖二百八

那文毅公二任陝甘總督奏議

卷二十一

三五

十餘間牛羊牲畜亦被冲没禾苗多有漫淹等情  
又據巴燕戎格廳詳稱所管東鄉之纏林爾莊及  
西南鄉之朵思加莊等二十三莊堡於六月十九  
及二十三二十七等日風雷大作冰雹甚重打傷  
一切田禾收成難望又於二十五日南鄉麻爾加  
莊夜被山堆壓民房牲畜牛羊現在查勘各等情  
具報前來當即飭該管道府親往查勘另詳核  
辦仍即各照急賑例先為撫恤窮黎不致失所仰

皇上至仁愛民之意所有平涼巴燕戎格二處偶被偏災

雖係一隅中之一隅亦合附片奏

聞奉

硃批覽

嘉慶十五年七月十八日奉

上諭那彥成奏續查甘肅被旱州縣內得雨較遲夏災稍  
重之涇州等六州縣懇請緩徵一摺前據那彥成奏阜  
蘭等二十四廳州縣雨澤愆期秋成失望曾降旨將本  
年應征新舊正借銀糧草束加恩先行緩徵茲涇州渭  
源伏羌永昌鎮原東樂縣丞等六州縣既據該督續行  
查明被災較重所有本年應征新舊正借銀糧草束著  
那文毅公二任陝甘總督奏議

卷二十一

三五

嘉慶十五年七月二十三日

奏為恭報甘省被災各屬分別查辦情形事竊照本年

甘省被旱各屬先後具報共三十廳州縣業經奏

請

聖恩准予緩徵並預撥

帑銀以資賑卹嗣因被旱各屬六月間俱已得雨且有  
深透之處即夏未業已被災尚可翻種晚禾究有



秋成可望其中是否成災及成災輕重最宜詳慎  
分別現已督同司道各員逐細確查其三十廳州  
縣內阜蘭金縣沙泥靖遠紅水隴西會寧安定通  
渭寧遠伏羌固原鹽茶靜寧隆德環縣東樂平番  
永昌靈州中衛花馬池涇州靈臺等二十四廳州  
縣夏禾均已被災其秋禾稞糧或因得雨較遲未  
及補種或雖已補種尚未長發自應列入成災數  
內但其中各鄉各堡各村莊災傷輕重不等且有  
不致成災之處仍須履畝確勘分別辦理其涇源  
漳縣鎮原文縣成縣碾伯六縣夏禾雖屬歉收所

那文毅公二任陝甘總督奏議 卷二十一 五

種秋禾俱青葱長發應請俟秋成後再行勘辦又  
平涼縣被水處所及巴燕戎格廳被雹山土堆壓  
處所均已照急賑例先為撫卹民情亦屬安貼此  
外河州狄道西和武威山丹等五州縣續報有被  
旱村莊秦州靈州固原岷州禮縣花馬池六州縣  
續報有被水村莊隆德華亭西寧靈臺四縣續報  
有被雹村莊除固原隆德靈州花馬池靈臺被水  
被雹處所統與被旱成災地畝一併查辦外其餘  
俱係一隅中之一隅應否緩徵及量加賑卹之處  
俟確切勘明後另行辦理至蘭州西寧涼州中衛

等處俱設有粥廠賑濟流民西寧涼州兩處廠內  
食粥之人近因各屬已得雨澤有趕回本土種秋  
之人亦有因得雨後有水可飲情願回籍之人流  
民日見渙散自不必仍舊設廠以致擁聚 臣已與  
兩司商酌先將此二處流民照例資給口糧令回  
鄉里所設粥廠月內即可停止將來被災較重處  
所於散賑後加以粥賑者再行察看情形即將此  
二處粥廠移於就近災區以廣

皇仁俾貧民盡沾

惠澤 仰荷

那文毅公二任陝甘總督奏議 卷二十一 五

高厚鴻慈受任綦重際此民瘼喫緊目覩流離形狀情實  
難忍且

皇上不惜百萬帑金救民饑苦身膺民社者若不竭思盡  
力期於弊實肅清實惠及民無以對灾黎卽屬辜  
負

聖明委任是以任勞任怨於負墨不遺餘力嚴切糾察近  
日悉心訪求於地方利弊及民間疾苦漸得周知  
另酌查辦災賑規條通行被災各屬遵照謹將所  
發規條照繕清單恭呈

御覽 仍率同藩臬兩司各道嚴密查察倘查辦災賑各



官場奉陰違卽據實嚴奏究辦謹

奏

一查災例有定限自應趕緊查辦勿過於匆促必至草率了事現已及早遴委委員會同該廳州縣迅詣災所履畝確勘一面查明戶口將被災分數及極次貧大小口逐加分別仍責令該管道府親身督查以期無濫無遺其地方廣闊人戶衆多之處應由該管道府詳請添委老成諳練之教職佐雜等官幫同分辦仍各將督辦會辦分辦銜名開報以專責成總督與藩臬兩司

那文毅公二任陝甘總督奏議

卷二十一

三

仍替換前往抽查如有錯誤惟經手之員是問一勘災點戶書差需索鄉保冒混種種弊端時時隨有災民仍無實惠惟各員俱須親身挨查不得多帶從人亦不得假手胥役鄉保人等竟於本處紳衿耆老中擇其端方誠實曉事愛臉及能寫字者數人加之優禮令其隨同報查逐細上冊則鄉約保長及書役人等均不可用又須嚴禁從人毋許藉稱查點戶口擅入人家內室違者立予究處至如此辦法惟在印委各員報國盡職民受其福不惟公事有益亦免已身失察之處

分且陰福及於子孫循良著於通省是在各人自爲自勉萬勿苟且塞責致干罪戾

一被災各屬六月間俱已得雨且多深透之處卽夏禾業已成災尚可翻種晚秋究有秋成可望其中成災分數最宜詳慎確查分別辦理如夏禾無收晚秋又未翻種者爲最重夏禾無收晚禾雖已翻種尚未長發者次之晚禾雖未長發而夏禾尚有薄收及夏禾雖屬無收而晚禾可望有收者又次之其夏禾收成在五分以上及夏禾收成不及五分而所種晚秋較多現已暢

那文毅公二任陝甘總督奏議

卷二十一

三

茂者俱不得濫報成災

一旱災惟高阜山地受傷較重若低窪近水處所雖得微雨亦資潤澤或有溝渠溪河諸水可以灌溉田禾尚有可收不宜冒濫入賑印委各員於查災時卽須分別辦理其稍有存糧者不至濫邀則其實在乏食者均沾實惠切宜詳慎一甘省貧民蓋藏本鮮現值荒歲度日皆難論貧乃無所不極應以人口衆多而地畝全荒者爲極貧人口本少而地畝尚有薄收者爲次貧其鰥寡孤獨疲癯殘疾貧民須格外體恤酌量加



給入冊戶口有病故者不可除扣至於紳衿舖戶商賈書役以及肩挑貿易手藝營生不致失業業者均不得冒濫至災地貧生委係赤貧者該教官預查造冊轉送州縣以憑一體查辦

一貧民中難保無奸狡之徒藉端弊混如各屬交錯地方各員應預先議定過一處即查一處均親身督令紳耆等開造戶口當下入冊即立寫照票對票書押發給一面各相知會以免路途迂折且事經公正紳耆主報自可免重疊冒領及一家冒分兩家或別有營生冒稱被災農戶

那文毅公三任陝甘總督奏議

卷二十一

完

之弊

一賑前散票官民均據此為憑不特吏役鄉保人等無從侵扣亦使地方奸民無從冒混但若俟查點戶口後另行散給又生弊端已飭印委各員於查賑前刻出冊式臨時填註先寫村名戶名某戶務農災地幾何應賑某戶何項營生不給賑其應賑者查明大幾口小幾口隨寫連二票一為照票一為對票隨時填冊隨時寫票即於二票騎縫處鈐印書押分開當下將照票散給令候示領賑總須查清一村即散給一村之

票官民兩便更須將該村戶口及應賑數目隨時書榜粘貼或木或席懸掛村口使家家知曉尤為周密

一賑銀攜帶既多委員又無照料應通知本營汛武官派人護送即隨同驗放之道府大員稽察如賑銀過境亦派弁隨行護送以昭慎重

一春間各屬散放籽種口糧飭令置備木牌懸掛使民間一律周知已具奏辦理在案此次放賑尤宜切實奉行須於放賑一月前按照村堡戶口核對照票對票照前定式樣書寫木牌送道

那文毅公三任陝甘總督奏議

卷二十一

三

府委員核明即派安人將木牌送交該村堡耆耆看守懸牌並先詢道路遠近迂捷先期定某日放某村某堡不可爽約以便臨期赴領無悞仍將木牌並冊同抄稟報冊與照票對照票與對票對對票又與木牌對公同散給所掛木牌仍須道府親臨查過後方許撤收

一前次各屬報放籽口但稱於各村堡適中之地懸牌散給未報明幾村幾堡之適中往往惜費畏難令貧民遠涉偏僻處所或竟不得知即知亦因盤費艱難不肯親身赴領吏役鄉保人等



遂得因之中飽應飭令適中之地不得過三堡地界遼闊者一二堡亦可

一被災貧民逃荒赴各路謀食者在多有西盜涼州設廠處所聚集尤多應先定賑期開列應賑某某地方通飭各屬均令出示曉諭俾各流民知本處散賑及早歸領免致留滯他鄉實在饑餓不能行走者仍照例資送

一此次應賑各屬倉糧所存無多不敷動用卽有糧之區亦須留備今冬明春平糶除靈州中衛東樂等處擬以本色給散外其餘應概賑折色

那文毅公二任陝甘總督奏議

卷二十一

三

查向來折色賑銀多係易錢給發以便貧民零用但僻小地方錢文未易猝辦而錢商往往乘勢勒捐甚或串通書役鄉保舞弊剝削亦爲一蠹此次應明飭各錢舖當行將賑銀當堂平準領去按照極次貧大小口數兌準包封封面註明銀數字號鈐用圖記並註明內包若干合時價換錢若干其錢價亦須本官核定出示不得任舖戶隨意增長所有錢價亦應稟明上司查核貧民領去銀兩如有短少准將原封呈驗罰令該舖戶加倍補給仍治以應得之罪如已開

封者不准索補免致勒捐爭執

一賑銀令舖戶包封後每一村彙爲一總封由道府抽查畫押各員領至懸牌適中處所會同本汛管員並傳同前次查報之衿者按照各村莊次第開封散給先遠後近先婦女老弱殘疾次及壯盛丁男毋使擁擠停留每一村散畢卽令該處衿者帶回總須於本日內將應放各村莊一併散畢不得越宿亦不宜太晚旣免守候亦防生他故也

那文毅公二任陝甘總督奏議

卷二十一

三

一查災散賑不可委一人此時飭各員查清具報後仍另派人散賑查災之人不得經手銀錢散賑之人不得更改冊票如有遺漏及應改應補之戶許散賑之人於冊內註明俟道府查時再行補辦

一外出人戶有聞賑歸來者到時參差不齊旣難零星覆查傳喚認識亦多紛擾應令印委各員於查點戶口時遇有遺留空屋空窰問明本處衿者鄰佑人等此戶係何姓名男女大小幾口何時外出另冊登記報明各上司以便歸來日核對毋使舛錯遺漏仍派明白委員及老成紳



士或在城中或於通衢要路設一公所凡有聞賑歸來者許赴公所隨時具報核對原冊一一相符即給票准領冊內無名者或係冒領或一時漏報另行查明辦理

一查賑時老病孤寡各戶不能親身赴領或當下問明本人將來託何人來領細心註明散放時告明紳士實在認識方准給發其代領之人亦不得過三戶又或查時未病查時在家臨時有病及偶因事故外出者亦須對眾交明在場各紳士為妥

那文毅公二任陝甘總督奏議

卷二十一

三

一災賑應靜候印委各員勘查散放如有土豪地棍及鄉保莊頭人等號召愚民連名遞呈冀冒災賑或於查勘散放時暗使婦女成羣結隊混行闖鬧者即將為首及夫男嚴拏詳究毋稍寬縱

一查災散賑委員除現任正印及丞倅等官例不給盤費外其餘候補試用及教職佐雜等官俱照例給予盤費所帶跟役一體支銷毋許絲毫擾累地方如有需索供應及得受銀錢者官則嚴參役則重處又書胥鄉保人等雖不令伊經

手賑務究難免書寫及隨同奔走之勞未便令其枵腹從事自應酌給口食俾免賠累如有藉稱辦災紙筆及承辦官員差使向民間勒派錢文者察出從重究辦

嘉慶十五年八月初七日軍機大臣字寄奉

上諭那彥成奏查辦甘省被災各屬情形一摺甘省被旱成災各地方前據那彥成兩次奏到節經降旨緩徵外其應行分別賑卹之處該督即應上緊查明以憑續降恩旨至其餘尚有續報被水被雹及山土堆壓處所以及續報被旱地方那彥成一據稟報之後亦即應迅速

那文毅公二任陝甘總督奏議

卷二十一

三

查明將如何施恩撫卹之處分別具奏請旨以安眾心乃今日那彥成之摺祇敘稱查辦情形並酌擬規條進呈而於應辦賑卹事宜全未之及小民流離失所望澤孔殷朕屢念災區惟欲早覃恩澤似此空言奏報於實惠奚裨且閱伊單內規條亦尚有未善之處如查點戶口一節向止責令地方官委員查勘今那彥成忽欲令本處紳衿耆老隨同點查其意自以不肖官員浮開侵賑舞弊煩多如上年江蘇省之王仲翰即其明證因欲矯而為此以杜弊端殊不知紳耆中亦不皆誠實可靠倘或挾私舞弊亦可將其親戚相好之人意為朦混甚



或浮開戶口圖便已私隱匿侵吞均屬事之所有將來紛紛上控告案更多辦理多有窒礙殊可不必那彥成惟當遴派賢員妥為經理並隨時嚴禁弊竇有犯必懲則貪吏奸胥自然斂戢毋庸因噎廢食此旨到後著速將阜蘭三十州縣以及渭源平涼河州等各處災分輕重賑濟緩急應如何請旨之處速行分晰奏明毋再延

嘉慶十五年八月初十日

奏為請

旨修理急工城垣以工代賑事竊臣於本年五月准工部

那文毅公二任陝甘總督奏議

卷二十一

五

部咨奉

旨事理粘單內開嘉慶十三年甘肅咨報文內聲明固原州涇州隴西縣寧遠縣洮州廳寧夏滿城西固州同崇信縣安化縣貴德廳十處城垣被雨坍塌急應修理今查嘉慶十四年咨報業經委員勘估俟造冊至日另案辦理應令陝甘總督作速取造冊結具奏辦理等因自應遵照趕緊飭造估冊確核辦理惟固原等十處城垣若同時興修需費在一百萬兩以外未免過多應擇其坍塌過甚者預籌款項先行估修既於公事有裨兼可以工代賑查

阜蘭縣固原州二處城工久在急修之列臣於嘉慶九年署陝甘總督時因經費不敷

奏請暫緩興修迄今又歷四五年之久前項城垣續又坍塌必須乘時補修除奉部飭修之涇州隴西寧遠洮州寧夏滿城西固州同崇信安化貴德九處城垣尚可暫緩興修外所有阜蘭固原二州縣現在具報城身隙裂土牛坍塌情形較重保障攸關難以緩辦且阜蘭固原二處本年田禾被旱現經

奏請

聖恩賑貸並施今歲九十月放賑冬間可以支持明正有

那文毅公二任陝甘總督奏議

卷二十一

五

特恩普賑一月亦可無虞饑餓臣認真督辦似可實惠均

沾惟於來春青黃不接之時餬口維艱亦須預為籌畫臣與藩臬兩司會同酌議所有該二處城垣應即乘時估辦先將需用各料置備齊全至來春開凍後便可興工修理俾貧民得赴工趁食即以工代賑實屬一舉兩得其所需工料銀兩約計三十萬兩上下現在通盤籌計似不必再動司庫銀兩即將前請辦賑銀一百萬兩內有秋田可望勘不成災無需給賑之存餘銀兩給發修城費用如有不敷再行



奏請添撥現派委員據實勘估仍飭藩司會同蘭州平慶二道速為親勘摺節確估俟估定數另行具奏合先將現在籌議情形奏明請

旨如蒙

俞允卽添派委員飭令皋蘭固原二州縣先將各項物料趕緊置辦齊全一俟來春開凍卽開工興修臣仍親身督查務令工歸實用不使少有浮冒以期有裨要工並可以工代賑謹

奏

嘉慶十五年九月初八日奉

那文毅公二任陝甘總督奏議

卷二十一

三

上諭那彥成奏請修理城垣以工代賑一摺據稱甘肅固原等各州縣均有應修城工業經報部除涇州等處尚可從緩興修惟皋蘭固原二處城身皸裂亟宜趕修等語皋蘭固原城垣坍塌過甚自難緩辦且本年該處田禾被旱現雖加恩賑濟而來春青黃不接之時必須預為籌畫著照那彥成所請於來年開凍後卽行修理皋蘭固原二處城垣以工代賑俾貧民得資餬口至該督等估需工料銀約計三十萬兩請在辦賑銀一百萬兩內動支之處亦照所請行該部知道摺併發

嘉慶十五年八月十八日

奏為災重糧貴處所酌擬煮粥平糶撥款接濟事竊臣前將設廠煮粥安輯流民緣由節次

奏明在案嗣因各屬俱已得雨又屆查災點戶之時流民多半思歸應卽給予口食資令回籍免致流滯擁聚將涼州西寧二處粥廠撤收

奏明移於災重之區安設伏查甘省居民本無餘蓄現在被旱較重處所如皋蘭靖遠安定會寧鹽茶等處田禾無收糧價騰貴災民多將麥草及各種草根等物磨研充食其中疾病黃腫因而致斃者不少卽素有營生之戶亦苦於費糶度日維艱况甘

那文毅公二任陝甘總督奏議

卷二十一

三

省之所謂富民不過在本地為差強蓋藏本虛現今富戶轉眼卽為貧民是貧民亟須拯救有力之戶亦須預為調護臣與藩臬兩司再四熟籌並據兩司會詳現在饑民待哺迫不及待分設粥廠極貧得資餬口稍為有力之家未便與貧民一體給賑而日漸艱食亦應急於籌畫惟平糶一節於通境民食有濟於國帑無損臣等實力督同辦理似可實惠及民兩有裨益現據皋蘭中衛二處本設粥廠毋庸撤收外查有皋蘭之水北河地方與金縣沙泥紅水等處毗



連靖遠屬之打拉赤地方與會寧安定等處毗連靈州屬之同心城地方與鹽茶固原等處毗連該數處被災較重應分設粥廠使附近災民俱得就食庶可免於溝壑但現在煮粥各州縣倉貯本屬無多且應留備各該營汛兵糧之用不可動用必須籌運口糧前往方可接濟無悞查向來省城需糧均在附近之西寧涼州等屬撥運應請酌撥西寧倉貯糧石由水道運省較為捷便惟冬令水落冰凍不能挽運並請於稍近省城之狄道原武鎮番等州縣由陸路撥運糧十餘萬石以為搭放賑

那文毅公二任陝甘總督奏議

卷二十一

五

糧及現在煮粥之用至所需水陸腳價前經

奏明在於所請賑銀內動用開銷但水運腳價稍省陸運則因糧價日昂無論駝驢人工口食腳價較往年加倍臣等忝膺民社目覩災黎流離疾病日漸加增惟以早得一日之糧則民早獲一日之生自不暇於腳價細細慮及但通盤籌算亦須統而計其長久此項腳價既未使額外開銷致違定例又未便令地方官賠累致滋藉口臣愚昧之見現在糧價昂貴雖減價平糶計所得價值除俟豐收買補歸倉之外當有贏餘卽以此貼給陸運不敷腳

價設尚有不敷臣等自願公捐養廉貼補其平糶糧價銀兩俱提貯司庫以杜侵挪留備將來買補歸倉嗣後查看情形他屬或有應行平糶亦須就近撥糧之處俱照此撥運辦理臣仰荷

殊恩昇以封疆重任惟有仰體

皇上不使一夫失所之至意一刻不敢自安於災務實心

督率設法辦理務期室皆安堵民無向隅藉以仰

荅

昇平卽以稍圖報稱如各屬不能實力奉行或更從中

舞弊亦卽隨時密查嚴行叅辦謹

那文毅公二任陝甘總督奏議

卷二十一

四

奏奉

硃批依議辦理務得實濟

嘉慶十五年八月十八日

奏臣接准四川督臣河南山東湖南撫臣來咨所有各

該省遵

旨撥解甘省賑銀俱已委員押解起程來甘河南於七月初五初七日起程山東於七月初三日起程四川於七月二十二二十八日起程湖南於七月初九日起程除河南頭二批銀兩據報已入甘境外其餘計程亦俱入陝境臣檄飭沿途各州縣營汛撥派



兵役催趨護送前進約於九月底便可到齊現在  
趕緊查清災區戶口一俟到齊即當遵照屢次奏  
定章程實力督放俾窮民速沾

聖恩早免饑餓謹

奏奉

硃批覽

嘉慶十五年八月二十五日

奏為遵

旨覆

奏事竊臣於八月二十日恭奉

那文毅公二任陝甘總督奏議

卷二十一

聖

諭旨因臣所奏查辦甘省被災各屬情形一摺祇敘稱查  
辦情形並酌擬災賑規條進呈而於應辦賑恤事宜全  
未之及似此空言奏報於實惠奚裨且單內規條如查  
點戶口一節欲令本處紳耆老隨同點查辦理多有  
窒礙殊可不必惟當遴派賢員妥為經理並隨時嚴禁  
弊竇有犯必懲則貪吏奸胥自然斂戢此旨到後速將  
阜蘭三十州縣以及涇源平涼河州等各處災分輕重  
賑濟緩急應如何請旨之處速行分晰奏明毋再延緩

欽此仰見

皇上痾瘼在抱

燭照如神又蒙

訓示周詳使臣頓開聾聵恐懼悚惶之下感激倍深伏查  
本年甘省被旱各屬阜蘭等共三十廳州縣嗣因  
六七月間俱得雨澤且多深透之處即夏禾業已  
被災或尚有秋成可望其中是否成災及成災輕  
重不可不加之詳慎此外又有續報被旱被水被  
雹及山土堆壓處所亦不得不確切勘明分別辦  
理未敢稍致遺濫是以於應辦賑卹事件奏報稍  
遲茲臣督同司道各員逐細查明除涇源漳縣鎮  
原文縣成縣碾伯六縣前經

那文毅公二任陝甘總督奏議

卷二十一

聖

奏明秋成勘辦業已出示緩徵外又寧遠伏羌永昌涇  
州環縣東樂縣丞六處夏禾收成雖歉秋禾長發  
可望有收業經緩征民力不至拮据惟阜蘭金縣  
靖遠沙泥紅水隴西安定會寧通渭靜寧隆德固  
原鹽茶靈臺平番靈州中衛花馬池等十八廳州  
縣夏禾均已被災其秋禾稜糧未及補種即間有  
補種者亦未能長發實已成災自五六七分至八  
九分不等內有被旱後復被雹水之隆德固原靈  
臺靈州花馬池等五州縣各村莊併入被旱災區  
辦理均照例先行普賑一月口糧以資接濟現在



河南省撥解賑銀業已到甘不日查明即可趕緊給散仍俟確查成災地畝分數極次貧戶再行照例加賑至夏禾被旱之武威山丹二縣及被雹山土堆歷之巴燕戎格廳又有續報被旱之古浪縣田禾受傷雖勘不成災收成究屬歉薄應仰懇

天恩將巴燕戎格武威山丹古浪四廳縣應徵新舊正借銀糧草束緩至來年麥後徵收以紓民力又平涼縣被水冲淹人畜房屋及被淹生存戶口均已照急賑例妥為撫卹其被水較輕之秦州岷州禮縣各村莊亦隨時著給口糧以資接濟至被旱之河

那文毅公二任陝甘總督奏議

卷二十一

聖

州狄道西河三州縣被雹之華亭西盛二縣並不成災無庸查辦以上被水雹各州縣業已分別妥為辦理可以仰慰

宵旰八月內惟洮州廳續報於初七日被水冲淹人畜房屋田禾情形頗重一面先照急賑例即行撫卹以安民心仍俟勘明被冲地畝是否成災另行辦理所有各屬被旱被水被雹情形分別輕重及已辦未辦之處除現在另疏具

題外謹繕清單恭呈

御覽再被災處所實在極貧戶口及聞賑歸來之流民雖

給領糧銀尚不足資餉口前經

奏明於被災最重及災區適中之皋蘭中衛水北河同心城打拉赤等處地方分設粥廠現計每日每廠

就食貧民少者數千人多至萬有餘人俱合哺鼓

腹感頌

皇仁嗣後自必陸續增添再屆寒冬雖有賑卹銀糧恐此數處粥廠亦未可即撤統俟屆時再查看情形辦理現在細訪各災民得有粒食病餓者氣已蘇緩至糧價昂貴應行平糶處所俱由各處設法運糧開糶以平市價各屬乏食貧民及逃荒流民均

那文毅公二任陝甘總督奏議

卷二十一

聖

已安輯即稍有生計之戶亦因現在平糶市價頓減得免於貴糶民情俱屬靖謐足以仰慰

聖懷至前擬規條原有鑒於自來冒賑之弊是以乘查災未賑之前採訪輿論與各官細心斟酌定議然臣等究係見事拘淺轉恐為不肖官吏朦蔽以致實惠不能及民故敢干冒

聖聽瑣細奏

聞希得仰邀

皇上訓教幸有遵循今蒙

聖明指示紳耆中不皆誠實可靠倘或挾私舞弊辦理尤



多窒礙臣始知前此愚昧之見實係矯枉過正不勝愧悚臣仍傳宣

聖訓通省各官無不敬服感激惟當恪遵

諭旨遴員經理嚴禁弊竇有犯必懲仍時時留心續有見

聞熟商妥協辦理務使貧吏奸胥盡行斂戢災區

貧戶悉慶生全以期仰副我

皇上厯念民艱不使一夫失所之至意謹

奏

謹將甘省被旱及偏被雹水之各廳州縣業已賑

卹緩徵與應待查明辦理及俟秋成勘辦並無庸

那文毅公二任陝甘總督奏議

卷二十一

聖

查辦等處分晰開具清單恭呈

御覽

阜蘭縣 金縣 靖遠縣 沙泥州判 紅

水縣丞 隴西縣 安定縣 會寧縣 通渭

縣 固原州 鹽茶廳 靜寧州 隆德縣

平番縣 靈州 中衛縣 花馬池州同

靈臺縣

以上十八廳州縣成災較重現應先行普賑

一月一俟各省銀兩到來不日即可給散

渭源縣 漳縣 環縣 碾伯縣 文

縣 成縣 寧遠縣 伏羌縣 永昌縣

涇州 鎮原縣 東樂縣丞

以上十二處被災較輕業已出示緩徵訖

武威縣 山丹縣 古浪縣

以上三處被旱不至成災應請

旨緩徵

巴燕戎格廳

以上一處被雹又被水衝山堆人畜受傷情

形較寬業已照急賑例撫卹民間漸已安

業仍應請

那文毅公二任陝甘總督奏議

卷二十一

聖

旨緩徵

平涼縣

以上一處被水衝壓人畜受傷緣被災不寬

業已照急賑例撫卹民間俱已復業無庸

緩徵

秦州 岷州 禮縣

以上三處被水稍輕業已給口糧接濟訖

河州 狄道州 西和縣 華亭縣 西寧

縣 以上五處被旱被雹不成災無庸查辦



洮州廳

以上一處續報被水衝淹人畜房屋田禾業  
已照例急賑仍俟勘明被衝地畝是否成  
災另行辦理

嘉慶十五年九月初九日奉

上諭前經降旨令那彥成將甘省被災各州縣分輕重賑  
濟緩急應如何辦理之處速行具奏請旨茲據那彥成  
奏甘省本年夏禾被旱之阜蘭縣等三十廳州縣此內  
有業經緩徵民力不致拮据者惟阜蘭等十八廳州縣  
成災五六七分至八九分不等已先行普賑一月口糧

那文毅公二任陝甘總督奏議

卷二十一

呈

將來再行加賑至此外尚有夏禾被旱之武威山丹二  
縣及被雹並山土堆壓之巴燕戎格廳又續行被旱之  
古浪縣田禾受傷雖勘不成災收成究屬歉薄等語著  
加恩將巴燕戎格武威山丹古浪四廳縣應徵新舊正  
借銀糧草束一例緩至來年麥後徵收以紓民力又摺  
內續據查有被水州縣輕重不等除平涼縣洮州廳二  
處該督已照例賑恤又秦州岷州禮縣各村莊亦  
已隨時酌給口糧外此內有無成災之處並著該督再  
行據實查明奏聞辦理不可少有諱飾

嘉慶十五年十一月初一日

奏為甘肅夏禾被旱各屬現屆秋成勘明無庸給賑及

仍應緩徵同續報秋收歉薄之各州縣請

旨一體緩徵事竊查甘省各屬夏旱成災先經奏奉

恩旨將阜蘭金縣等十八廳州縣給予賑卹並將勘不成

災之渭源漳縣寧遠伏羌環縣山丹東樂武威永

昌碾伯文縣成縣涇州鎮原古浪等十五州縣縣

丞先後

題奏請

旨緩徵聲明俟秋成勘辦其河州狄道西河三屬州縣未

入緩徵續經

那文毅公二任陝甘總督奏議

卷二十一

呈

奏明在案茲據藩司陳祁臬司積朗阿詳稱查得渭源  
漳縣等十五屬夏禾被旱較輕各該處續得雨澤  
或翻種晚禾或補種稌糧現已陸續登場據報秋  
收均在五分以上先已奉准緩徵民力稍舒毋庸  
另行給賑其狄道河州西河三屬除西河秋收六  
分以上毋庸緩徵外惟狄道夏旱後其東西二鄉  
秋禾被雹者三十村莊河州夏旱後其東南北三  
鄉秋收歉薄者六十村莊以上二州前此察看情  
形毋庸查辦現在收成究薄應仍一併緩徵又續  
報秋禾被災者八屬內平涼縣四鄉夏間被水後



續又被雹者八十七村莊華亭縣四鄉被雹被水者七十四村莊莊浪縣丞四鄉被水者五十四村莊崇信縣東西北三鄉被雹者五十五村莊撫彝廳南鄉西海被旱者五渠鎮番縣四鄉被旱者九十四村莊肅州州同四鄉被旱者一十六村莊毛目縣丞四鄉被旱者四村莊以上秋成勘辦同續報秋災者共一十屬俱經查勘屬實應請均予緩徵以紓民力所有夏旱緩徵之渭源寧遠等十五屬及秋收歉薄之狄道河州等一十屬仍俟冬春之交照例給予籽種口糧另容查辦等情詳請具

那文毅公二任陝甘總督奏議 卷二十一 兗

奏前來 臣復經督飭道府覆勘無異查已經緩徵之渭源漳縣等十五州縣秋收五六七分不等民力稍紓自可毋庸給賑其未經緩徵之西河縣秋禾六分以上亦無庸緩徵外惟狄道河州二屬夏田不致成災雖經續

奏無庸查辦今已逐細分別查明所有該二處被雹及歉收之村莊應請分別緩徵至續報偏被秋災之平涼華亭莊浪縣丞崇信撫彝鎮番肅州州同毛目縣丞等八屬仰懇

皇上天恩一體准予緩徵其新舊正借銀糧草束均緩至

來年麥後徵收以紓民力至先後緩徵之各廳州縣 臣仍督同司道察看情形俟冬春之交照例給籽種口糧俾貧民得資接濟無悞春耕以仰副

聖主軫念民依至意再前次奏奉諭旨飭令查明平涼洮州秦州岷州禮縣等五屬有無成災據實奏辦等因除平涼夏間被水先經照例急賑現復請予緩徵外查洮州被水已照急賑例無庸該廳向係不種晚禾但已給予口糧可資接濟秦州岷州禮縣俱已酌給口糧以上三屬秋收不致歉薄同洮州廳均可毋庸緩徵合併陳明謹

那文毅公二任陝甘總督奏議 卷二十一 辛

奏 嘉慶十五年十一月初十日奉

上諭那彥成奏甘省續報秋收歉薄之各州縣懇請緩徵一摺甘省狄道州等處自趕種秋禾後或被雹被旱被水收成歉薄閭閻不無拮据所有狄道河州平涼華亭莊浪縣丞崇信撫彝鎮番肅州州同毛目縣丞等屬被災各鄉莊著加恩緩徵其新舊正借銀糧草束緩至來年麥後徵收用紓民力該部知道摺併發

嘉慶十五年十二月十三日 奏為查明甘省各屬普賑加賑散放將次完竣所有動



用銀糧數目恭摺奏

聞事竊甘肅蘭金縣等十八廳州縣本年夏旱成災蒙  
恩准撥各省餉銀一百萬兩解甘賑卹經臣將核實查辦

情形先後

題奏在案嗣各省餉銀陸續到齊戶口賑票亦已散竣

隨飭藩司陳祁核明銀數與在省司道公平彈兌

次第運往臣復專派道府大員分投前赴各州縣

督令委員等將銀當堂剪夾會驗包封按照

奏定章程查對賑票木牌認真散放查九月分普賑十

月十一月加賑俱已散畢現即續放十二月加賑

那文毅公二任陝甘總督奏議

卷二十一

至

據藩司查明普賑加賑動用銀兩及倉貯糧石詳

請覆

題前來臣覆加查核九月分普賑不論成災輕重十月

十一十二三個月加賑各按成災之輕重及貧民

之極次分別散給計普賑共用糧八萬七千九百

六石零又銀二十三萬七千八十七兩零加賑用

糧七千七百一石零又銀三十三萬三千七百八

十一兩零內除倉貯有糧之州縣因留備次年兵

糧是以加賑用糧少而用銀多又此外平涼靈州

花馬池三屬被水賑卹用銀一千一百九兩零合

之各屬普賑加賑除糧石不計外通共用銀五十

七萬一千九百七十八兩零所有總細數目另繕

清單恭呈

御覽尚餘銀四十二萬八千兩零內除去各屬安設粥廠

運糧平糶等項約計需銀十餘萬兩及

奏准撥用阜蘭固原二處城工銀三十萬兩外合計原

撥銀一百萬兩儘足敷用至散賑各處臣仍即親

履稽查務期實惠及民剔除積弊再各屬粥廠臣

原奏聲明以放賑之日截止緣本地貧民及外來

就食者絡繹不絕交冬更多現查阜蘭之河北水

那文毅公二任陝甘總督奏議

卷二十一

至

北河二處靖遠之打拉赤一處及由中衛移至靈

州同心城一處又花馬池新設一處每處貧民自

一萬至一萬五六千名不等當此饑寒交迫之時

實未便遽行撤除致有饑餒各廠既未停止其應

用銀糧數目急切亦難核算理合一併

奏明仍俟來春察看情形於撤廠截數之日另行確核

具報至廠中饑民甚有赤身受凍者殊堪憫惻臣

與司道等已捐備袍衣氈褲數萬套分別散給並

於各廠搭蓋草棚或向陽處所多挖窖洞以資棲

止現在窮民得免饑寒均屬靖謐堪以仰慰



聖懷謹

奏奉

硃批戶部知道

謹將各州縣普賑加賑戶口銀糧數目開繕清單

恭呈

御覽

阜蘭縣被災六七八九分

共戶五萬九千三百八十七戶內

大口二十二萬三千二百四十三口

小口一十五萬四千六百六十二口

那文毅公二任陝甘總督奏議

卷二十一

五

普賑糧四萬三千五百八十三石二斗三升

加賑銀四萬四千四百七兩四錢一分七釐五

毫

金縣被災六七八分

共戶二萬一千三百八十九戶內

大口九萬二千一百七十三口

小口六萬五千九百四十六口

普賑銀一萬八千一百四十六兩一錢七分

加賑銀一萬七千一百三十六兩四錢七分五

釐

沙泥州判被災六七八分

共戶二千二百四十四戶內

大口八千八百一十九口

小口五千五十八口

普賑銀一千六百四十五兩四錢六分

加賑銀二千一百一十五兩八分五釐

靖遠縣被災六七八九分

共戶三萬七千三百七十四戶內

大口一十四萬四百一十口

小口九萬一千四百六十七口

那文毅公二任陝甘總督奏議

卷二十一

五

普賑一半本色糧一萬三千四百九十五石四

斗三合七勺又一半折色銀一萬三千四百

九十五兩四錢三釐八毫

加賑銀二萬八千六十九兩七錢六分二釐五

毫

紅水縣丞被災八九分

共戶六千七百七十一戶內

大口二萬五百二十口

小口一萬四千七百二十四口

普賑銀四千四十二兩八錢九分



加賑銀五千七百九十五兩三錢四分二釐五毫

隴西縣被災五六七分

共戶一萬七千一百五十九戶內

大口六萬五千一百七十四口

小口四萬八千一十四口

普賑銀一萬二千九百三十一兩二錢四分五釐

加賑銀一萬二千三百七十二兩四錢六分五釐

那文毅公二任陝甘總督奏議

卷二十一

蓋

會靈縣被災七八分

共戶三萬六千七百八十八戶內

大口一十一萬六千四百七十四口

小口五萬一千七百五十口

普賑銀二萬六百三十七兩三錢四分二釐五毫

加賑銀二萬二千四百七十七兩二錢九分二釐五毫

安定縣被災七八分

共戶一萬二千六百九十一戶內

大口五萬五千八百八十六口

小口三萬六千六百八十六口

普賑銀一萬七百六十三兩二錢五釐

加賑銀一萬一千九百七十五兩八錢五分七釐五毫

鹽茶廳被災七八九分

通渭縣被災六七八分

共戶二萬四千八百五十八戶內

大口七萬九千九百九十五口

小口四萬八千四百一十四口

普賑銀一萬五千一百九兩二錢九分

那文毅公二任陝甘總督奏議

卷二十一

蓋

加賑銀一萬五千六百三十二兩三錢

固原州被災五六七分

共戶七萬二千四百七十九戶內

大口一十七萬五百三十七口

小口一十萬五千四百六十口

普賑銀三萬三千七百七十三兩七錢一分五釐

加賑銀二萬七千五百四十四兩七錢一分

鹽茶廳被災七八九分

共戶五萬四千一十五戶內

大口二十一萬八千二十六口



小口一十二萬六千二百二十八口

普賑銀四萬七百六十五兩三錢

加賑銀四萬九千三百六十八兩四錢一分

靜寧州被災七分

共戶三萬八千七百六十戶內

大口一十五萬一千五百九十五口

小口一十萬一千一百五十一口

普賑銀二萬九千三百一十四兩七錢二分二釐

釐

加賑銀三萬七百六兩五分五釐

那文毅公三任陝甘總督奏議 卷二十一 奏

隆德縣被災五六七分

共戶一萬八千九百一十七戶內

大口七萬五千二百九十二口

小口五萬一千七百九十八口

普賑銀一萬四千六百七十二兩六錢九分五釐

釐

加賑銀一萬五千九十九兩五錢七分

平番縣被災五六七八九分

共戶一萬二千六百六十六戶內

大口四萬五千六百七十口

小口三萬六百三十八口

普賑糧八千八百四十三石四斗五合

加賑銀八千六百四十六兩八錢四分五釐

靈州被災八九分

共戶二萬三千四百五十八戶內

大口八萬五千六百五十口

小口六萬四千四百七十二口

普賑糧一萬七千九十三石四斗七升

加賑銀一萬七千八百一十八兩六錢八分七釐

釐五毫

那文毅公三任陝甘總督奏議 卷二十一 奏

中衛縣被災八九分

共戶五千七百八十三戶內

大口二萬五千四百六十口

小口一萬六千五百三十七口

普賑糧四千八百九十石六斗三升二合五勺

加賑糧七千七百一石六斗二升五合

花馬池州同被災八九分

共戶一萬三千三百八十三戶內

大口五萬七千四百六十口

小口一萬二千五百六十口



普賑銀九千二百四十二兩三錢

加賑銀九千六百五十三兩四錢四分二釐五毫

靈臺縣被災七八分

共戶一萬八千二百二十九戶內

大口七萬三千四十九口

小口四萬六千二百八十二口

普賑銀一萬三千九百四十七兩五錢五分

加賑銀一萬四千九百六十一兩八錢八分二釐五毫

釐五毫

那文毅公三任陝甘總督奏議

卷二十一

奏

以上普賑九月一個月無分極次貧民

共糧八萬七千九百六石一斗四升一合二

勺又銀二十三萬七千八百七十七兩二錢八

分八釐二毫五絲

加賑十月十一十二三個月分別極次貧民

共糧七千七百一石六斗二升五合又銀三

十三萬三千七百八十一兩六錢

又平涼縣被水賑卹銀四百四十九兩五錢五

分

靈州被水賑卹銀五百七十二兩七錢五分

花馬池被水賑卹銀八十七兩五錢

以上通共用糧九萬五千六百七石七斗六

升六合二勺用銀五十七萬二千九百七

十八兩六錢八分八釐三毫

嘉慶十五年十二月十三日

奏為欽遵

諭旨查明緩徵賑卹地方應行接濟以廣

皇仁恭摺

奏事本年十月二十九日承准軍機大臣字寄嘉慶十

五年十月十七日奉

那文毅公三任陝甘總督奏議

卷二十一

奉

上諭本年甘肅鞏蘭等三十三廳州縣夏禾先後被旱又

武威山丹二縣巴燕戎格廳及山土堆壓田畝成災又

續查之平涼縣洮州廳秦州岷州禮縣各村莊被水節

經隨時加恩分別蠲緩賑卹小民餬口有資第念來春

青黃不接之時民力不無拮据傳諭體察情形如有應

行接濟之處迅即詳查據實覆奏候於新正降旨加恩

欽此仰見

聖德如

天至優極渥等語勝欽感當即行司欽遵查辦茲據藩

司陳祁臬司積朗阿會詳稱查得甘省本年夏秋



被旱被水被雹並山土堆壓田畝勘不成災已未  
 緩徵及附近災區之各州縣雖被傷較輕民力未  
 免拮据俟冬末春初察看情形分別酌借籽種口  
 糧足資接濟外其勘明成災之阜蘭金縣沙泥靖  
 遠紅水隴西會寧安定通渭固原鹽茶靜寧隆德  
 平番靈州中衛花馬池靈臺等一十八處受傷較  
 重現在雖已照例賑卹來春青黃不接之時民力  
 仍不免拮据請將阜蘭等一十八處被旱被水村  
 莊無論極次貧民查照本年九月分普賑戶口請  
 旨賞給一月口糧仍俟春間酌借籽種口糧以資接濟等

那文毅公二任陝甘總督奏議 卷二十一 空

情前來 臣復查甘省本年各屬除勘不成災已未  
 緩徵之處被災較輕及附近災區之各州縣應俟  
 冬春之交照例酌借籽種口糧毋庸另辦外惟成  
 災之阜蘭金縣沙泥靖遠紅水隴西會寧安定通  
 渭固原鹽茶靜寧隆德平番靈州中衛花馬池靈  
 臺一十八廳州縣被災均屬較重節經緩徵賑卹  
 仰荷  
 恩慈無不共慶生全同聲感戴但來春青黃不接之時民  
 力實不免拮据 臣等欽遵  
 恩旨察看情形不敢不據實覆

奏惟有仰懇  
 皇上天恩俯准按照本年九月普賑戶口  
 賞給一月口糧俾窮民得有接濟益沐  
 皇仁仍於春間照例另借籽種口糧俾資東作 臣惟當飭  
 司道等認真散放務期  
 帑不虛糜民沾實惠仰副  
 聖主普錫春祺有加無已至意謹  
 奏奉  
 硃批候旨行

嘉慶十六年正月初四日奉

那文毅公二任陝甘總督奏議 卷二十一 空

上諭上年甘肅阜蘭等三十三廳州縣間有先後被旱被  
 水地畝節經降旨分別蠲緩並撥帑賑卹小民餽口有  
 資無虞失所惟念東作方興青黃不接貧民蓋藏未裕  
 恐不免拮据著加恩將原報情形較重之阜蘭金縣沙  
 泥靖遠紅水隴西會寧安定通渭固原鹽茶靜寧隆德  
 平番靈州中衛花馬池靈臺一十八廳州縣按照上年普  
 賑戶口再賞一月口糧仍借給口糧籽種其情形較輕  
 及附近歉收各州縣並著酌借籽種口糧以資接濟該  
 督務須飭屬認真經理俾小民益臻寬裕用副朕履端  
 布圖加惠閭閻至意該部即遵諭行



嘉慶十六年二月初八日

奏為欽遵

恩旨酌籌賑借銀兩通融動用並請添撥

帑項以資接濟事竊臣欽奉

上諭上年甘肅皋蘭等三十三廳州縣間有先後被旱被水地畝節經降旨分別蠲緩並撥帑賑卹小民餬口有資無虞失所惟念東作方興青黃不接貧農蓋藏未裕恐不免拮据著加恩將原報情形較重之皋蘭金縣沙泥靖遠紅水隴西會寧安定通渭固原鹽茶靜寧隆德平番靈州中衛花馬池靈臺十八廳州縣按照上年普那文毅公二任陝甘總督奏議

卷二十一

查

賑戶口再賞給一月口糧仍借給口糧籽種其情形較輕及附近歉收各州縣並著酌借籽種口糧以資接濟

欽此仰見

皇上普錫春祺有加無已至意臣遵即飭司刊布謄黃通行曉諭闔省官民無不仰戴

皇恩同聲歡感所有

恩賞一月口糧及酌借口糧籽種一併行司籌議去後茲據滿司陳祁詳稱上年蒙

恩撥給賑卹銀一百萬兩內除動用賑銀五十七萬餘兩及賑糧運腳並煮粥等項十餘萬兩外餘銀三十

萬兩先經

奏准作為皋蘭固原二處修理城工以工代賑之用茲遵

恩旨加賞貧民一月口糧並酌借口糧籽種查有糧之中衛縣一處應以本色散給外其皋蘭等一十七處以折色散給按照上年普賑戶口共需銀三十二萬餘兩又被災地方及附近歉收各屬應借籽種口糧酌核情形籌節借放除有糧州縣給予本色外尚需折色銀二十餘萬兩統計共需銀五十餘萬兩現查司庫僅存正項十餘萬兩不敷動支等

那文毅公二任陝甘總督奏議

卷二十一

查

情臣復與該司陳祁及臬司各道悉心酌議民隱固當體卹不敢屯膏而

帑項亦應撙節不可糜用現屆度支繁費之時臣等何

敢全數請撥上瀆

聖聰伏查皋蘭固原二處城工其近水被衝及坍塌過甚之處不得不及時修理先已飭令估修內有可以稍緩段落今擬請暫行從緩即將此項城工節省銀兩及司庫暫可借動之款先為酌動計賑借兩項實不敷銀二十餘萬兩合無仰懇皇上天恩俯准在於甘肅鄰近省分



賞撥銀二十萬兩以為添添賑借之用至現在東作方興  
瞬息青黃不接若候撥銀到後始行散給誠恐緩  
不濟急臣不敢拘泥已飭司在留備城工及俸餉  
項下暫行借動俟撥銀到日歸款似此通融辦理  
庶窮民蚤沐

恩慈而

國帑亦昭慎重臣惟當督飭所司認真散放務期民沾  
實惠仰被

聖主履端行慶之恩再城工緩修段落如果必須續修另  
容察看情形酌量

那文毅公二任陝甘總督奏議

卷二十一

奏

奏辦謹

奏奉

硃批戶部議奏

嘉慶十六年閏三月十七日

奏查甘省各屬展賑已經完竣惟內有逃荒在外此次

未及承領之戶臣那彥成先經督飭散放各員查

明扣除將銀解還司庫以重

帑項而杜浮冒各處粥廠亦已次第停撤所有展賑及

粥廠動用銀糧現在督同司道核實查算分別報

銷外至領賑窮民自去秋至今疊次仰荷

聖恩有加無已無不感戴

皇仁同聲歎頌察看地方民情實屬靖謐惟各屬冬春以

來得雪雖已優渥現屆春耕雨澤尚少內東路之

回原鹽茶安定會寧及省城之阜蘭金縣一帶常

有風霾雨不能降而鹽茶地方尤甚臣屢次差人

查訪復札詢提臣楊遇春據覆回原鹽茶二處上

年被旱未甚之地畝今春翻種者不過十之二三

其餘均未下籽惟望日內即得透雨或有濟等

語所有各該處籽種口糧業經照例借給此後如

何情形臣仍當隨時斟酌急為接濟俾窮民渥沐

那文毅公二任陝甘總督奏議

卷二十一

奏

恩慈仰副

聖主綏靖閭閻至意謹

奏奉

硃批一切核實辦理不可諱飾

嘉慶十六年四月十三日

奏為查明各屬粥廠起止日期及動用銀糧數目恭摺

奏

聞事竊照甘省上年夏田被旱經臣具

奏於蘭州西寧涼州等處設廠煮賑旋因西寧涼州得

雨停止所有阜蘭縣之河北及水北河二處靖遠



縣之本城及打拉赤二處靈州之同心城一處中  
衛縣之本城一處花馬池州同一處均經

奏明陸續開廠又鹽茶廳之新堡子地方被災較重未  
及奏明續經設廠一處以資接濟茲自上年十月  
及本年正月二月以來察核各該處情形次第停  
止據藩司陳祁查明各廠共動用倉斗糧三萬二  
千七百四十三石有零除無糧之州縣撥運他處  
糧石所需腳價另於運糧案內照例造報外至各  
廠需用柴薪及書役夫工口食等項共用銀三萬  
三百四十餘兩每糧一石計需費八九錢至一兩

那文毅公二任陝甘總督奏議 卷二十一 查

餘不等查係上年歉收百物昂貴所致嚴加查訪  
核算尚係實用實銷委無浮濫查甘省歷年隆冬  
煮賑均係地方官捐廉自辦並無報銷成案無可  
比照此次煮賑需用柴薪等項自不應照各委員  
所報致多糜費而竟不准開銷亦不可令其賠墊  
應請照京城煮賑定例按米二石準柴薪銀一兩  
以每糧一石準銀五錢書役夫工口食亦在其內  
合算共請銷銀一萬六千三百七十一兩零以示  
限制其不敷銀一萬三千九百七十兩零在於通  
省攤捐歸款由司詳請具

奏前來 臣 飭令分晰造册核明

題銷謹

奏奉

硃批戶部知道

謹將臯蘭等處粥廠起止日期及動用銀糧總數  
繕具清單恭呈

御覽

臯蘭縣河北粥廠

自嘉慶十五年七月初一日起至本年二月初

五日止

那文毅公二任陝甘總督奏議 卷二十一 查

又水北河粥廠

自嘉慶十五年八月十一日起至本年二月初

五日止

靖遠縣本城粥廠

自嘉慶十五年十一月二十六日起至本年二

月十四日止

又打拉赤粥廠

自嘉慶十五年十月初三日起至本年二月初

十日止

靈州同心城粥廠



自嘉慶十五年九月初六日起至本年二月十五日止

中衛縣本城粥廠

自嘉慶十五年七月十五日起至十月初十日止

花馬池州同粥廠

自嘉慶十五年十二月初一日起至本年正月十五日止

鹽茶廳新堡子粥廠

自嘉慶十五年十二月初五日起至本年正月十五日止

那文毅公二任陝甘總督奏議

卷二十一

究

十五日止

以上各廠共動用糧三萬二千七百四十三石

二斗三升八合五勺

共請銷柴薪鍋竈棚廠燈油缸盆杓桶書役夫

工口食等項銀一萬六千三百七十一兩六

錢一分九釐

嘉慶十六年四月十九日

奏為酌減平糶糧價以足民食事竊照甘省上年夏田

被旱經臣奏明撥運西寧鎮番等州縣倉糧於賑

卹煮粥之外兼為平糶之用查省城皋蘭縣自上

年九月十六日起至本年二月十五日止共糶過

糧八千七百五十七石零按照時估每石減價銀

一錢時因貧民就食粥廠者多是以糶買官糧者

少至省會春夏以來雨水缺少糧價增昂當積歉

之餘又值青黃不接之際自應仍行接續平糶以

濟民艱臣查核月報市價按諸現在情形若僅照

舊減價一錢窮民力艱糶食而待哺嗷嗷其情尤

堪憫側查例載歉歲米價過昂應大加酌減者督

撫確核實須減價若干一面奏

聞一面發糶總不得過三錢等語臣已飭藩司轉飭皋蘭

那文毅公二任陝甘總督奏議

卷二十一

上

縣於三月十六日開廠接續平糶每石照依時估

減銀三錢理合奏

聞仰懇

皇上天恩俯准照價減糶俾窮黎得資接濟益沐

鴻慈臣惟有督飭所屬認真辦理毋使奸商藉端囤積漁

利病民所有先後糶過糧石糶存價銀仍飭藩司

俟停止平糶後另再彙總冊報其糶存糧價俟豐

收後總可買補完倉不致短少謹

奏

嘉慶十六年五月初七日奉



上諭那彥成奏酌減平糶糧價以足民食一摺甘省上年被旱前經該督奏撥倉糧於賑卹煮粥之外在省城按照時價每石減銀一錢平糶共糶過八千七百五十餘石本年自春夏以來該省雨水缺少糧價增昂該督奏請照依時估每石減銀三錢於皇商縣開厥平糶以資接濟而裕民食自係實在情形著卽照所請行該督務當督飭所屬認真辦理毋使奸商藉端囤積漁利以期實惠及民該部知道摺併發

嘉慶十六年五月十五日

奏爲繳還賑務餘銀及攤捐不敷運腳銀兩恭摺奏

那文毅公二任陝甘總督奏議

卷二十一

圭

聞事竊查甘省皇蘭等一十八廳州縣本年展賑前經

奏明散放完竣惟內有逃亡未領之戶經飭散放各員

查明扣除將銀解還司庫所有辦理緣由已於前

摺聲明在案茲據藩司陳祁詳稱據各道府具報

查明展賑案內逃亡未領各戶實存剩銀一萬九

千九百二十二兩零剩糧八十石九斗零並據報

查出上年散放初加賑時委員查造戶口冊籍之

後有出外就食謀生者有因時疫流行未能領賑

者迨後或歸莊或病愈陸續補領是以存剩銀糧

未能截數開報茲於展賑完竣查明初加賑案內

逃亡病故各戶共存剩銀未領二萬九千五百八十兩零存剩糧一百八十四石零按照賑冊逐細確查無異詳請具

奏前來 臣竊查此次辦理賑務凜遵

聖訓務在剔除積弊核實鈎稽今督同藩司逐一查明初

加賑案內實有逃亡未領各戶共餘銀四萬九千

五百三兩六錢共餘糧二百六十五石七斗四升

共銀已飭據各州縣解繳司庫糧石業已歸倉並

無留存隱匿除飭藩司將初加展賑存剩銀糧及

戶口細數於奏銷清冊內照數開除具

那文毅公二任陝甘總督奏議

卷二十一

圭

題外理合據實具

奏伏祈

皇上勅下戶部查照辦理再查上年辦理賑卹曾請撥運

西寧縣倉糧因冬令水落水凍不能輓運並請於

近省之狄道武威鎮番等州縣陸運糧十餘萬石

以爲放賑及煮粥之用所需運腳亦於賑銀內動

銷惟因糧價日昂陸運腳價較常加倍又未便頻

外開銷聲明在平糶項下俟買補還倉之日如有

盈餘卽以此賠補陸運腳價尚有不敷公捐養廉

賠補其他屬有須就近撥糧之處照此辦理等因



均經奏蒙

聖覽茲據藩司詳稱查得臯蘭靖遠平番花馬池州同鹽

茶等處撥運狄道武威西寧鎮番平羅靈州中衛

等處共糧一十一萬五千六百二十五石零照例

核算腳價共應請銷銀九萬七千八百五十八兩

零惟各州縣具報共實用銀一十三萬六千七百

二十七兩零均於賑銀內撥墊動用實較例價浮

多銀三萬八千六十九兩零節經飭查僉稱云去

歲糧價昂貴腳價倍增委無浮冒等語至平糶買

補尚需時日所有實用運糧腳價未便懸宕請將

那文毅公二任陝甘總督奏議 卷二十一 五

例外不敷銀兩查照奏定原案在於通省養廉項

下攤捐歸補等情查上年至今糧價昂貴運費較

常加倍係屬實在情形未便竟令輓運之州縣獨

擔賠累或致藉口虧挪惟此次賑卹及煮粥平糶

各項喫沐

聖恩業已至優極渥何敢復以例不准銷之項率請動給

伏念 臣與司道等養廉優厚况賑務為通省民瘼

所關卽府廳州縣均應各盡乃心公捐歸補所有

撥墊例價不敷銀三萬八千八百六十九兩零今

已於通省養廉內攤捐歸款除飭藩司將准銷例

價另行報銷外以上賑餘及攤捐二項共銀八萬  
八千三百七十二兩零又糧二百六十五石零理  
合分晰奏

聞謹

奏奉

硃批戶部知道

容安謹按庚午秋 先公下車伊始值甘省旱

災請

帑賑濟日夜籌維幾至目不交睫思所以普濟實惠及

民者時方伯陳公和亦能同心持正籌辦盡力

那文毅公二任陝甘總督奏議 卷二十一 六

迨於嘉慶二十一年以甘肅清查牽及賑案內

查知陳方伯以運價公費諸項例不能開銷挪

用銀二萬數千兩通融濟公時陳方伯已物故

公因此獲咎豈非事有定數而失查固出意料

之外者也

嘉慶十六年九月二十日

奏為查明節年民欠籽種口糧仰懇

天恩准予豁免以紓民力以廣

皇仁事竊 臣夏間

陛見曾將甘省歷年民欠籽種口糧懇



恩豁免緣由面奏情形蒙

聖諭令補摺後再降

恩旨茲<sup>臣</sup>回任督同藩司陳祁查得通省歷年借給貧民

籽種口糧或因災緩徵或係毗連災區收成歉薄

以致拖欠蠲自嘉慶元年起至十五年止通計

各屬民欠未完本色京斗糧一百六萬三千七百

四石零折色銀一十八萬九千七百二十一兩零

又寧夏府屬未完渠夫口糧一萬九千六十餘石

以上各項自應嚴飭地方官催徵歸款無如借領

多係貧難之戶頻年荒歉積累又多勢難新舊並

那文毅公二任陝甘總督奏議

卷二十一

奏

完由司詳請籲懇

天恩俯准豁免前來<sup>臣</sup>覆查甘省瘠苦情形久在

聖明鑒照之中查乾隆四十五六十等年兩次欽奉

恩旨豁免共正借銀糧五百八十三萬零又四十七年前

督<sup>臣</sup>李侍堯奏免節年借糧二百七十六萬零一

次又五十四年前督<sup>臣</sup>勒保奏免節年正借銀糧

二百二十九萬零一次今已二十餘年借糧積欠

又復日增印嚴切催徵瘠土窮黎終屬無力完納

查上年偶值偏災各屬正借銀糧業經奉

旨緩徵本年秋成雖已轉歉為豐但瘡痍初起<sup>臣</sup>察看民

情卽本年完納正糧其力已形拮据若再催徵十

數年積欠借糧徒有追比之名終無完納之實且

比戶追呼下情亦堪憫惻伏念

聖主軫卹民艱無微不至上年蠲緩賑卹小民已無不

沾

恩澤共慶生全前項籽種口糧原係借給貧難之戶究與

正糧有間今實因無力完交以致頻年積欠可否

仰懇

皇上恩外加恩准將嘉慶元年至十五年積欠借糧暫行

豁免從此積累一清民力漸足俾得專輸正賦稍

那文毅公二任陝甘總督奏議

卷二十一

奏

瞻身家仰沐

天地高厚之恩實無既極所有查明節年民欠借糧謹繕

摺恭懇

天恩准予豁免如蒙

恩允另容飭司照例造冊

題請辦理謹

奏

嘉慶十六年十月初十日奉

上諭那彥成奏查明甘省節年民欠籽種口糧未完各數

一摺據稱該省歷年借給貧民籽種口糧自嘉慶元年



起至十五年止通計各屬未完本色京斗糧一百六萬三千七百四石零折色銀一十八萬九千七百二十一兩零又寧夏府屬未完渠夫口糧一萬九千六十餘石雖經嚴飭催徵其借領多屬貧難之戶頻年荒歉勢難新舊並完等語甘省地瘠民貧偏災時見所有歷年帶徵未完之項隨時降旨展緩仍不免逋欠疊疊本年秋禾雖轉歉為豐但於完納正賦之外若將歷年舊欠一併催徵民力實有不逮即再加展緩而積逋日久間閭仍重困追呼朕心實為憫念著加恩將自元年至十五年甘肅省所有積欠糧一百六萬三千七百四石零折

那文毅公二任陝甘總督奏議 卷二十一 七

嘉慶十六年十月十二日

奏為查明收成歉薄之各州縣村莊仰懇

聖恩准予緩徵錢糧以紓民力事竊照甘肅本年夏收七分以上秋收七分以上業經分別奏報在案惟自夏秋以來各屬田禾間有被雹被霜之處經飭司委員勘明其並不成災無礙秋成者均無庸議外惟查有阜蘭縣之東鄉王家營等四十村莊河州

之東北鄉一百五十六會寨靖遠縣之南鄉上中所等四十六村莊鹽茶廳之四鄉蒙古堡等四十五村莊中衛縣之東南鄉香山等四十三村莊花馬池州同之安定堡等五十五村莊夏秋禾均公被雹被霜雖勘不成災收成僅止五分有餘又當上年被旱之後民力實形拮据據藩司陳昶查明請將該州縣各村莊應徵新舊錢糧分別緩徵至冬末春初貧民如有缺乏籽種口糧另再查辦等情詳請具

奏前來 臣覆查阜蘭河州靖遠鹽茶中衛花馬池六屬

那文毅公二任陝甘總督奏議 卷二十一 七

上年被旱成災情形較重本年各村莊田禾偏被霜霜雖止係一隅中之一隅勘不成災無庸撫卹但收成僅得五分有餘究屬歉薄民力未免拮据伏惟

聖主軫念民依無微不至合無仰懇

天恩俯准將阜蘭等六廳州縣偏被霜雹之村莊應徵新舊錢糧等項均緩至明年麥秋徵收以紓民力其餘未被霜雹各村莊仍行照例徵輸俟冬春之間如有應需調劑者另再察看辦理再此六州縣被霜雹之處因屢經委勘確查是以奏報少遲合併



陳明謹

奏

嘉慶十六年十月二十八日奉

上諭那彥成奏查明被霜雹村莊懇恩緩徵一摺甘肅本年通省收成豐稔惟阜蘭等六廳州縣所屬村莊間被霜雹雖係一隅中之一隅但秋成僅止五分有餘民力未免拮据除各該州縣未被霜雹村莊仍照例輸徵外著加恩將阜蘭縣之東鄉王家營等四十村莊河州之東北鄉一百五十六會寨靖遠縣之南鄉土中所等四十六村莊鹽茶廳之四鄉蒙古堡等四十五村莊中

那文毅公二任陝甘總督奏議

卷二十一

差

嘉慶十七年四月初十日

奏為查明甘省現得時雨情形專摺奏

聞仰慰

聖懷事竊照甘省得雨情形均經按月奏報在案惟查各屬自十五年被旱後十六年得雨通計亦未透足自冬至春省城一帶僅見微雪本年二月以來雖

陸續得雨仍未均沾時屆翻種之際望澤孔殷臣實深焦灼因於二月十八日蠲潔齋心率同司道府縣親詣西門外

雷神壇虔求默禱迨至二十一二等日雷動省城及屬旋即得雨二三四寸不等正當清明節近四野歡呼詢之老農僉稱數十年來從未見此時雨三月內省城陸續得雨三次均報有二三四寸不等各府州縣所報大率相同又於四月初一日自子至午歷七時之久省城甘霖大沛入土深透經飭藩司飛查各屬均已一律霑足現在夏禾長發高

那文毅公二任陝甘總督奏議

卷二十一

全

原下隰彌望青葱土膏既已涵濡收穫可期豐稔伏念甘省地本磽瘠蓋藏空虛歲或不登每致上

宸衷多方撫卹今得仰賴

皇上洪福甘雨應時凡在官民無不同聲歡忭理合專摺

奏

聞仰慰

聖懷再甘省

雷神壇建在城西祈禱素著靈應曾蒙

世宗憲皇帝御賜宣暢太和四字匾額乾隆四十六年撤



拉爾逆回滋事一併焚燬嗣後修建重新今

神靈彌昭感格福德及民合無仰懇

天恩賞給匾額恭懸正殿以答

神庥而彰

龍祝出自

聖裁謹

奏奉

硃批欣慰覽之匾額尺寸開單具奏

嘉慶十七年五月十五日

奏臣前因奏報時雨並懇

那文毅公二任陝甘總督奏議

卷二十一

全

欽賜

雷神壇匾額以昭靈貺一摺奉

硃批欣慰覽之匾額尺寸開單具奏臣遵查前項匾額計

長一丈高五尺謹附片陳明奉

硃批即行親書發往

嘉慶十七年七月初十日

奏蒙

欽頒

御書雷神壇鼓萬壽甘匾額臣遵即敬謹鈎摹恭懸

神壇正殿仰見

寶墨騰輝丹楹煥采從此經綸靈雨絕緼默契乎

鴻鈞鼓暢太和豐穰頻書夫大有三靈効順億兆臚歡謹

奏奉

硃批覽

嘉慶十八年四月初二日

奏為甘省現得時雨專摺奏

聞仰慰

聖懷事竊照甘省雨雪情形均經按月奏報在案惟查蘭

州省城二月內未經得雪各屬雖經得有雨雪亦

未普沾時值春耕翻種之時農民望澤孔殷臣實

那文毅公二任陝甘總督奏議

卷二十一

全

深焦灼於三月初一日蠲潔齋心率同司道府縣

親詣西門外

雷神壇虔求默禱是日及初四初七十一等日得有雨

雪高下田疇均已次第翻犁省外各屬亦俱陸續

得雨迨至二十三日起至二十五日止陰雲密佈

時雨連綿二十七八等日又復迭沛甘霖斷續相

間差查省城四鄉入土深透一律均沾凡在官民

無不歡欣鼓舞旋據八府五州所報得雨有三四

五寸以至深透不等伏念甘省地本苦寒素鮮蓋

藏瘳瘠之區無日不上煩



宸厯今得仰賴

皇上洪福甘露應候大田有多稼之徵好雨知時沃野沐

如膏之潤豐年預兆遐邇騰歡理合專摺

奏慰

聖懷謹

奏奉

硃批欣慰覽之

那文毅公二任陝甘總督奏議

卷二十一

全

那文毅公二任陝甘總督奏議卷二十一

那文毅公二任陝甘總督奏議卷二十一目錄

卷二十一

控制番氓

西陲蒙回

那文毅公二任陝甘總督奏議

目錄

一



那文毅公二任陝甘總督奏議卷二十二

上海市歷史文獻圖書館藏

男容安恭輯

控制番氓

嘉慶十五年四月初六日會同西寧辦事大臣文公孚

奏為黃河冰橋融消撤回西寧防兵事竊臣文字於上

年冬間商同前任督臣松筠酌派西寧官兵四百

名在黃河北岸鄂倫布喇克等處分段防範緣由

曾經恭摺奏

聞在案本年春令冰融已將北岸防河官兵於二月十五

那文毅公二任陝甘總督奏議

卷二十二

十一

日全數撤歸本營維時署督臣勒保起身進京未

克隨時具奏茲查防河官兵既經於二月十五日

全數撤歸原營臣那彥成業已到任辦事自應循

照舊例會銜具

奏至秋冬間再為細察情形欽遵前奉

指示諭旨將此項官兵逐漸減撤或另行熟商別有籌辦

可以不費正帑為一勞永逸之計臨時再行奏請

皇上訓示遵辦謹

奏奉

硃批知道了

嘉慶十五年五月二十四日會同西寧辦事大臣文公孚

奏為拏獲偷搶蒙古牲畜賊犯審明定擬事竊照本年

二月十一日據青海柴達木地方住牧札薩克

勒克喇布坦差派章京稟報上年十二月內有循

化番子五十餘人前來搶去我們旗下駱駝十四

隻馬一百二十四匹牛一百二十五隻羊三千二十

三隻本年正月內又有循化番子六十餘人前來

將我屬下蒙古塔布爾殺死又傷蒙古四名搶去

駱駝二十一隻馬二百一十九匹牛四百隻羊六

那文毅公二任陝甘總督奏議

卷二十二

二

千九百七十一隻並搶去烏鎗腰刀等物本日又

據札薩克恩克巴雅爾旗下章京稟稱我們現在

年班進京上年十二月內有河南賊番五十餘人前來

搶去我們旗下牛七十三隻羊二百五十七隻本

年正月內又有循化番子六十餘人前來搶去駱

駝二隻牛十六隻並搶去烏鎗等物各等語臣文

孚當即差派通丁馬忠馳往查驗蒙古傷痕並

飭循化廳營上緊查辦間臣那彥成到任後即將

該營熟悉番情守備張輝傳調來省面加嚴諭去

後茲據該員等將賊番喇卜許古蒙古賊犯默洛



二名先行拏獲解送到案臣文孚率同司員筆帖式等詳加審訊據喇卜許古供年三十二歲原係循化多哇族番搬到加咱族內住牧上年十二月內我與同族番子剛洛商量糾約現在加咱族內住牧番子蒙古共十九人分爲三股前往青海偷搶我們這一股番子剛洛丟古沙木番子喇嘛尼納克木古里羣瓦蒙古默洛共七人遂使然洛引路到柴達木地方搶了馬六十五匹牛七隻駱駝三隻羊約有一千餘隻駱駝疲乏後拋棄了羊隻在路上倒斃宰食約有數百隻其餘牲畜回來後

那文毅公二任陝甘總督奏議

卷二十二

三

我們七人儘數分了每人約得多少不等他們兩股內十個番子兩個蒙古是誰爲首共偷了多少牲畜如何俵分我聽的不真不敢妄供本年四月內加咱族喇嘛把我及默洛誘出就被官兵拏來了剛洛等聞得查拏甚嚴俱皆攜帶家口逃到循化南界外章灘地方去了我們到柴達木時蒙古全行驚散並無打仗殺人的事我此外並沒做過賊默洛供年四十歲是札薩克格勒克喇卜坦旗下蒙古因貧窮躲避差徭逃到番地居住三年了上年十二月內喇卜許古等約我引路偷搶許給

那文毅公奏議 卷二二

牲畜我便同行引到柴達木地方偷了回來曾經分給我馬匹等物餘供與喇卜許古同再四嚴訊矢口不移案無遁飾查蒙古例載偷竊牛馬駝羊四項牲畜數至三十四匹以上者不分首從擬絞候秋審時俱擬入情實等語數年來循貴兩廳所屬各生番頗知懾懼歛跡今喇卜許古等竟敢糾合十餘人潛赴青海地方偷竊牲畜數至盈千實屬愆不畏法默洛身係蒙古膽敢夥同賊番指引路徑偷搶本旗牲畜情尤可惡喇卜許古默洛二犯合依偷竊四項牲畜數至三十四匹以上不分首

那文毅公二任陝甘總督奏議

卷二十二

四

從擬絞監候例擬絞監候惟是蒙古番子不服內地水土最易病斃現當甫經懲創之後自應從嚴辦理以儆其餘未便稽遲以致倖逃顯戮且供據確鑿無需待質相應請

旨將喇卜許古默洛二犯卽行正法以昭炯戒至逃往章灘地方賊犯臣等現已嚴交該廳營督同囊素喇嘛番目等務必設法按名緝拏俟獲解到案審明另結所有被搶牲畜查明追出時交主收領適據通丁馬忠回稟稱遵查蒙古舉布爾被賊搶去牛羊衣服跟踪尋獲遺棄疲乏牲畜氣忿凍餓身

六五五



死實非登時刃殺伊子當下已將其屍骸照蒙古風俗焚化其蒙古四名見賊奔逃肩背等處受傷甚輕早已平復原報之協理台吉龐密亦自認冒昧草率等語查札薩克格勒克喇布坦現尚年幼其代管旗務協理台吉希圖聳聽以致呈報張皇此風亦不可長臣文孚已將該旗印信移交隣近札薩克恩克巴雅爾兼管並將雇密交該札薩克照例責懲謹

奏奉

硃批該部速議具奏

那文毅公二任陝甘總督奏議

卷十二

五

嘉慶十五年九月二十三日會同西陲辦事大臣

文公孚

奏為拏獲偷搶蒙古牲畜賊犯審明定擬事竊查嘉慶

十四年十月據台吉恩克巴雅爾稟稱本年七月

內有循化番子到我遊牧地方搶去馬五十餘匹

牛十二隻並搶去衣服等物等語臣等當即屢次

嚴飭循化廳營上緊查緝務獲茲據該廳營督同

守備張輝將逃往番族夥同偷搶之蒙古賊犯札

科環貫桑吉洛碩瑪宛等四名拏獲陸續解送到

案臣文孚率同筆帖式等將各犯隔別詳加審訊

那文毅公二任陝甘總督奏議

卷十二

六

據札科供年三十九歲係蒙古台吉瑪吉格策楞旗下人因為貧苦逃到循化番地給人傭工度日上年六月內有古爾的族番子棍木却克恰里首先起意約會了番子策楞沙木哈里哈及現在舊地居住的蒙古環貫桑吉喀碩瑪宛伊里甘致共是八人前到青海地方搶了蒙古及路過商人的馬六十七匹騾子三頭又搶了衣服等物我們八個人分了我們去時行到托素諾爾地方桑吉喀碩瑪宛二人的馬匹乏病在那裏住下並未同去搶劫我們回到托素諾爾纔分了馬匹物件一同回來是實此外並沒作過賊等供環貫桑吉喀碩瑪宛各供與札科相同再四嚴訊加以刑嚇矢口不移案無遁飾查蒙古例載偷竊馬牛駝羊四項牲畜數至三十匹以上者不分首從擬絞監候秋審時俱擬入情實其為從未經同行僅於竊後分賊者減發雲貴兩廣烟瘴地方交驛地充當苦差各等語現據該犯眾供確鑿自應按律科斷發落無需監禁待質此案札科等二犯夥同番賊偷竊蒙古牲畜至七十四之多實屬不法札科環貫合依偷竊四項牲畜數至三十匹以上不分首從擬



絞監候例俱擬絞監候秋審時俱擬入情實桑吉喀碩瑪宛等二犯既於竊後分賊亦應照例科斷桑吉喀碩瑪宛合依爲從未經同行僅於竊後分賊例俱減發雲貴兩廣烟瘴地方交驛地充當苦差其未獲首從各犯<sub>臣</sub>等現已嚴交循化廳營文武官員按名查緝俟獲解到案審明另結謹奏奉

硃批該部議奏

嘉慶十五年九月二十三日會同西寧辦事大臣文公孚

那文毅公二任陝甘總督奏議 卷二十二 七

奏爲續獲偷搶蒙古牲畜賊犯審明定擬具奏事竊查本年二月內據青海台吉格勒克喇布坦等呈報上年十二月本年正月內曾被循化野番偷搶二次<sub>臣</sub>等當即飭交該廳營將喇布許古等二犯拏獲審明定擬於本年五月內奏蒙

聖鑒在案數月來<sub>臣</sub>等仍不時嚴催該員等上緊躡緝不得日久遂生疎懈並徇交隣近蒙古一體協同查拏頃據該員等稟稱遵卽嚴密躡捕賊犯克鄂節里因搜拏緊急自戕身死當卽割取首級令夔素喇嘛及番目等認識屬實賊犯卓鄂乘間逃至蒙

古地方經郡王達什仲爾旗下蒙古截擊鎗斃查驗亦屬真確現將逃犯吉格然又喇布許古等同夥內逃犯納木敦二名拏獲押解送案等語前來嗣將吉格然納木敦二犯解送到案<sub>臣</sub>文公率同筆帖式等詳加審訊據吉格然供年二十五歲係郡王達什仲爾屬下因爲貧苦於上年夏間逃到番地傭工度日於十一月內果加族番卓鄂色布騰加二人起意約同疑喀爾札什喀木牙海吉洛克鄂節里群瓦班第博拉番子堪木果呢共是十人前往青海偷搶我便應允同行共搶馬九匹牛

那文毅公二任陝甘總督奏議 卷二十二 八

四十餘隻走到黃河岸邊遇見加咱族喇嘛說是奉到公文查拏便將馬牛全行趕去我就逃至番地藏躲本年七月內始被拏獲我此外並沒做過賊據納木敦供年五十一歲係上郭密熟番近年到循化番地給人牧放牲畜度日上年十二月內番子納木喀等起意約同喇布許古等十九人分爲三股前往青海偷搶我就應允同行我們這一股六人共搶了馬牛四十餘匹騾二頭駱駝三隻羊約有一千餘隻我分了馬二匹牛二隻羊二十六隻其餘牲畜他們五人都分了偷搶時我先回



帳房燒火熬茶並未同搶我此外並沒做過賊各等供反覆嚴訊矢口不移案無遁飾查蒙古例載偷竊馬牛駝羊四項牲畜如數至三十四匹以上者不分首從擬絞監候秋審時俱擬入情實其為從未經同行僅於竊後分贓者減發雲貴兩廣烟瘴地方交驛地充當苦差名等語此案吉格默同番賊卓鄂等前往青海偷搶蒙古牲畜五十餘匹之多實屬慙不畏法吉格默合依偷竊四項牲畜數至三十四匹以上不分首從擬絞監候例擬絞監候秋審時擬入情實納木敦既於竊後分贓亦應照例科斷納木敦合依為從未經同行僅於竊後分贓例減發雲貴兩廣烟瘴地方交驛地充當苦差其首犯卓鄂業經鎗斃從犯克鄂節里情急自戕既已證據確鑿均應毋庸議被搶馬牛查明交主收領未獲各犯<sub>臣</sub>等仍嚴飭該廳營認真緝拏俟獲解到案訊明另結謹

奏奉

硃批該部議奏

嘉慶十五年九月二十七日會同西寧辦事大臣

文公孚

那文毅公二任陝甘總督奏議

卷二十一

九

奏為本年冬間西寧黃河北岸防守官兵遵

旨陸續裁減事竊照<sub>臣</sub>文孚於上年九月內會同前任陝

甘總督<sub>臣</sub>松筠長

奏俟冰橋結凍後黃河北岸防兵酌減二百名派撥官

兵四百名並委遊擊一員帶領防範等因奉

硃批依議欽此欽遵在案<sub>臣</sub>文孚竊查數年來青海蒙古

仰仗

皇上天威稍有起色竊案亦少惟地界遼闊而蒙古積弱

已久雖近日稍能振作人心不一總須一二年後

方能望其齊整應請本年冬間冰橋結凍後再行

那文毅公二任陝甘總督奏議

卷二十一

十

酌減官兵百名祇派西寧鎮屬官兵二百名並交

西寧鎮於遊擊都司內揀派一員帶領在黃河北

岸鄂倫布喇克一帶地方分段防察其應派蒙古

兵丁仍令各旗照舊攤派協同駐守並一面剴切

曉諭各札薩克等令其努力自強固守俟一二年

後各游牧人心漸齊此項官兵即可全行裁撤當

與<sub>臣</sub>那彥成札商<sub>臣</sub>那彥成復查此項官兵逐年

漸次減撤原係遵

旨辦理於現在情形尚屬相宜如蒙

俞允俟冰橋結凍後即當飭交西寧鎮總兵特依順保於



該鎮屬遊擊都司內揀派一員帶領官兵三百名  
在鄂倫布喇克等處嚴密巡防仍於明年冬間再  
行遞減所有官兵應得口糧鹽菜仍照上年支給  
俟一二年後等查看情形再行奏請全數裁撤  
以省糜費謹

奏奉

硃批依議

嘉慶十六年三月十三日會同西寧辦事大臣文  
公孚

奏為撤回西寧防河官兵事竊照黃河北岸鄂倫布喇

那文毅公二任陝甘總督奏議 卷二十二 十一

克一帶巡防官兵上年九月經臣等酌議遞減兵  
一百名仍派兵三百名於冰橋結凍後揀員帶領  
前赴巡防聲明俟一二年後查看情形全數裁撤

奏蒙

聖鑒在案茲據西寧鎮總兵特依順保稟稱現在春令冰  
融所有上年派出之都司王殿甲帶領官兵已經  
照例撤回於三月初一日全數歸伍等情復查西  
寧番族自上年經臣等督飭廳員查清戶籍不能  
容留生事之人漸已安分畏法不敢別滋事端去  
冬以來青海衙門尚無具報搶劫之案較前實屬

安靜各旗蒙古札薩克等經臣等欽遵  
諭旨勉以努力自強伊等頻年見有官兵為之防守壯其  
聲勢各安游牧不致被野番擾累感激  
天恩亦頗自知振作本年秋冬之間前項防兵自可再行  
遞減數目以節勞費容俟臨時察看情形另行籌  
辦謹

奏奉

硃批知道了

嘉慶十六年九月二十日會同西寧辦事大臣文  
公孚

奏為西寧黃河北岸防兵照舊派撥及酌議減派緣由

那文毅公二任陝甘總督奏議 卷二十二 十一

事竊照西寧黃河北岸防守官兵自嘉慶十四年  
酌減兵二百名十五年遞減一百名祇派西寧鎮  
屬官兵三百名揀員帶領在於鄂倫布喇克一帶  
分段巡防節經奏明在案自上年冰橋結凍派兵  
防守及本年春間撥回以後臣等察看番情較前  
實屬安靜青海衙門控告搶竊之案日少各旗蒙  
古仰仗  
天威亦漸自知振作前項防兵本可全數裁撤惟是蒙古  
積弱已久數年以來見有官兵為之巡防野番斂



迹游牧相安其心實有所恃而不恐若一旦遽行  
裁撤誠恐蒙古懼怯或啓野番覬覦之心現在冰  
橋將次結凍臣等再三籌酌所有本年北岸防兵  
應請照舊派撥惟於二百名之內再行遞減一百  
名祇派西寧鎮屬兵二百名仍飭該總兵於遊擊  
都司內揀派一員帶領責令嚴密巡查實力防範  
其蒙古兵丁仍令各旗照舊分派隨同駐守至官  
兵鹽菜口糧照例支給仍俟次年察看情形如可  
全數裁撤再行請

旨辦理以節糜費謹

那文毅公三任陝甘總督奏議 卷二十一 七

奏奉

硃批依議

嘉慶十七年三月初十日會同西寧辦事大臣福

公克精阿

奏為撤回西寧防河官兵事竊查黃河北岸鄂倫布喇

克一帶巡防官兵上年九月經臣那彥成與文孚

酌議遞減兵一百名仍派二百名於冰橋結凍後

揀員帶領駐劄巡防奏蒙

聖鑒在案茲據西寧鎮總兵官特依順保稟稱現在春融

冰泮所有上年派出之都司姚魁帶領官兵已經

照例撤回於二月初九日全數歸伍等情前來臣  
等復查西寧番族數年以來實已凜服

天威不敢稍有滋事是以去冬至春青海衙門尚無蒙古  
呈報搶奪之案冰橋結凍後亦無野番偷渡搶竊  
之事較前甚屬安靜各旗蒙古札薩克等屢沐

天恩無不知感知奮臣等仍凜遵

聖諭隨時勗以努力自強勿稍怠惰至前項防兵本年秋  
冬之間應否撥派抑或裁撤之處屆期再當察看  
情形另行籌辦謹

奏奉

那文毅公三任陝甘總督奏議 卷二十一 七

硃批知道了

嘉慶十七年十月二十日會同西寧辦事大臣福

公克精阿

奏為西寧黃河北岸防兵照舊派撥事竊照西寧黃河

北岸防守官兵自嘉慶十四年遞減後上年祇派

西寧鎮屬官兵二百名揀員帶領在於鄂倫布喇

克一帶分段巡防臣等察看番情自去冬冰橋結

凍派兵防守及本年春間撤回以後游牧相安青

海衙門控告搶竊之案較前亦少各旗蒙古仰仗

天威得以休養生息實為萬分感奮本年九月間臣福克



精阿會將青海蒙古王公等願懇照舊安兵緣由業已附片奏蒙

聖鑒在案現在冰橋將次結凍所有本年北岸防兵應請

照上年派撥西寧鎮屬兵二百名仍飭該總兵於遊擊都司內揀派一員帶領責令嚴密巡防其官兵鹽菜口糧照例支給俟明年再看情形如果該蒙古實能振作自強可以全數裁撤再行請

旨辦理以節糜費謹

奏奉

硃批知道了

那文毅公二任陝甘總督奏議

卷二十二

五

嘉慶十八年三月十六日會同西寧辦事大臣福

公克精阿

奏為撤回西寧防河官兵恭摺奏

聞事竊查黃河北岸鄂倫布喇克一帶巡防官兵上年冬

間經臣等派撥西寧鎮屬官兵二百名於冰橋結

凍後揀員帶領駐劄巡防奏蒙

聖鑒在案茲據西寧鎮總兵特依順保稟稱現在春融冰

泮所有上年派出之都司姜邦治帶領官兵已經

照例撤回於二月二十日全數歸伍等情前來仍

俟秋冬之間再為細查情形應否撥派抑或裁撤

之處屆期另行籌辦謹

奏奉

硃批覽

嘉慶十八年四月十六日會同西寧辦事大臣福

公克精阿

奏為番賊誤搶官馬傷斃弁兵獲犯審明分別定擬事

上年十二月二十四日據河州鎮總兵富明阿稟稱據三營馬廠牧馬弁兵稟報二十日晚馬匹放夜半時突有番賊十餘人撲入馬羣搶掠馬匹經外委陝有貴率同牧馬兵丁施放鎗箭逐賊不

那文毅公二任陝甘總督奏議

卷二十二

五

意番賊開鎗拒闕致將外委陝有貴鎗傷沉重武

舉海騰蛟亦被矛傷兵丁杜花曹有杰等亦各帶

刀箭傷馬匹多被驚跑四散官兵鎗斃番賊一人

馬一匹並奪獲毛搭連皮袋約二十餘件當時打

傷之賊該番均即馱拽逃遁等情具稟請辦前來

臣等接閱之下不勝駭異查各番族眾近年以來

沐沾

聖化頗形安靜此次竟敢持械放鎗撲搶官廠馬匹傷及

弁兵實屬目無法紀但此事若遇事張皇固屬不

可若少為遷就則無知番眾效尤轉致多事臣等



當即派遊擊楊印花叅將會受將附近之保安河州各營兵丁酌帶二三百名至隆務寺屯紮一面飛飭該鎮及貴德循化兩廳營文武員弁帶領該處通丁及寺僧昂貴人等分入番地查拏復剽傷西寧鎮總兵特依順保西寧道龍萬育就近馳赴該處由北路兩面督拏總須不動聲色速將正賊設法拏獲懲辦並一面曉諭附近各番族擒獻有賞窩藏同罪嗣據各文武稟報拏獲番賊卡加什加洛等七名陸續批解來省隨飭藩司何銑臬司德克精阿蘭州道嚴煊督率委員蘭州府知府黃那文毅公二任陝甘總督奏議

卷十二

七

方臯蘭縣知縣李醇和等將現犯研審明確招解前來臣那彥成當即知會臣福克精阿來省會同提犯逐加研訊緣卡加什加洛係貴德屬剛咱族番民於嘉慶十六年十二月十五日與法什特克族番民尙云愛相遇各道貧難卡加什加洛起意糾劫循化等處番子馬匹尙云愛允從卡加什加洛隨邀隆本且但加轉邀納南木 冲奔 且楞奔 貴德完的 且楞差 娘什者黑 安他且 完的初浪 班的納利 阿力剛楞綻 格勿 南布加 加日拉 完的他力 于冬扎什

阿貴令沁 者什路又邀循化所管之沙下浪完的什加卜 什凝加 循化完的 什格洛共二十五人約定十八日夜間各乘馬持械起身向東行走尋覓有牲畜處搶劫十九日行抵甘家川地方二十日早先令冲奔南布加加日拉循化完的分南北東三路探聽有馬之處據循化完的深至河州鎮屬馬廠地方見有羣馬在彼因未知是官馬即回向各犯告知卡加什加洛約至下晚去搶即囑令于冬扎什且楞奔完的什加卜在山看守食物駝子完的他力患病亦留山未往卡加什

卷十二

六

加洛令尙云愛執持且楞奔刀矛與且且加等十人於二更時抵馬廠地方完的初浪娘什者黑在遠處瞭望其餘十六犯撲入馬羣趕奪馬匹經看守馬匹之外委陝有貴率領兵丁曹有杰等放箭逐賊該犯等開鎗拒鬪卡加什加洛鎗傷外委陝有貴咽喉倒地納南木箭傷兵丁杜花左膀倒地尙云愛用刀砍傷曹有杰經武舉海騰蛟聽聞鎗聲帶領兵丁各執鎗箭前往護馬即放鎗箭傷斃番賊者什洛一人並將番賊乘騎之馬傷斃海騰蛟被賊執矛刺傷項左隨奮力率同兵丁向前



將賊殺退陝有貴因傷重移時殞命該武舉查收馬匹計短馬共二十八匹次日找獲馬十九匹尙短九匹維時番賊搶馬之時並不知係官馬迨至天明瞥見馬身均有烙印始知所搶係屬官馬方知打傷卽是官人各犯恐有官兵追捕畏懼之極卽將搶獲之馬十三匹中途丟棄分路逃逸並示政將馬匹俵分等情先後所獲各犯供認不諱臣等復加究詰因何肆行無忌敢於搶馬傷及弁兵據該犯等堅供實因黑夜誤搶天明始知是官馬十分畏懼中途丟棄馬匹各自逃避均未俵分馬

那文毅公二任陝甘總督奏議 卷二十二 五

匹此外亦無另有搶劫別案加以刑訊矢口不移查自來番族窮苦無依之人名撥浪古番犯脫逃無獲官兵緝拏嚴緊則番目人等卽將此項撥浪古送出頂替又因言語不通以致枉殺無辜最爲可惡此案現獲各犯臣等悉心研究並多喚通隔別訊問實無頂替情事確係此案正賊案無遁飾查律載強盜已行得財者不分首從皆斬又例載盜劫之案各督撫嚴行究審將法所難宥及情有可原者一一分晰於疏內聲明大學士臣同三法司詳議將法所難宥者正法情有可原者發遣

又例載響馬強盜執有弓矢軍器邀劫道路賊証明白者不分人數多寡曾否傷人依律處決梟首示衆各等語此案係番民在內地行劫應照刑律定擬查卡加什加洛起意糾衆劫奪馬匹復敢放鎗傷斃營弁夥犯納南木隨同放鎗傷及兵丁核與響馬強盜無異卡加什加洛納南木二犯應請按例擬斬立決於行劫處所梟首示衆貴德完的同搶拒捕循化完的探引入厥二犯均係聽從行劫法所難宥亦應從重斬梟以示威懲且楞奔于冬扎什二人僅止在山看守食駝子完的他力因

那文毅公二任陝甘總督奏議 卷二十二 三

病留山俱屬情有可原且楞奔于冬扎什均於取供後病故應毋庸議完的他力一犯相應照例發遣趕夫馬匹飭令文武各員找覓歸厥所有爲首之犯除卡加什加洛已獲辦理其尙云愛且且加隆布三首犯並夥犯十四名仍勒限嚴緝獲日另結再此案係生番行劫內地官馬傷斃弁兵雖訊係一時之誤亦應嚴懲以昭炯戒且該犯等不服水土俱各患病不可致令倖逃顯戮所有例應梟首之卡加什加洛納南木並法所難宥之貴德完的循化完的四犯隨於四月十六日恭請



王命飭委臬司德克精阿中軍副將張大振綁赴市曹處

斬梟示訖謹

奏

嘉慶十八年五月初八日奉

上諭那彥成等奏番賊誤搶官馬傷斃弁兵獲犯審明辦理一摺此案番賊卡加什加洛等乘夜持械放鎗撲搶官服馬匹除現獲各犯已分別正法發遣外其餘夥犯勒匪嚴拏飭獲照例辦理外委陝有貴率同牧馬兵丁逐賊致受鎗傷殞命著加恩照把總陣亡例賜恤兵丁杜花曹有杰各受刀箭傷如傷已平復著以外委即行

那文毅公二任陝甘總督奏議

卷二十一

三

拔補若因傷身故即照外委陣亡例賜恤其武舉海騰蛟殺斃番賊一名身被矛傷仍能殺退番賊奮勇可嘉著加恩賞給武進士准其一體殿試

嘉慶十八年五月初四日會同西寧辦事大臣福

公克精阿

奏為續獲搶馬番賊首從各犯審明分別辦理恭摺會

奏事竊臣等前將誤搶官馬之番賊卡加什加洛等審明定擬恭摺奏

聞在案嗣據西寧鎮道暨營員弁續獲夥犯且楞差等七名亦經附片具奏茲又獲首犯隆本一名當即飭

那文毅公二任陝甘總督奏議

卷二十一

三

司道督同委員研審明確招解前來臣那彥成親加研鞫緣隆本係加咱族番民什凝加係沙卜浪族番民上年十二月十五日卡加什加洛起意搶竊即先商令該犯隆本糾邀什凝加等共二十五人乘馬持械於二十日晚赴河州馬廠地方劫搶馬匹該犯隆本攜帶鎗箭並曾放箭傷及兵丁什凝加攜帶鎗矛撲入馬羣並用矛格傷武舉海騰蛟項左隨後分得馬一匹而逸迨次早知係官馬並知所傷即係官人遂各自畏懼乘馬潛逃茲據緝獲嚴審實為此案正賊毫無疑義至格勿班的納利阿貢令沁三名雖曾聽從且且加糾竊是日並未到馬廠今聞官兵緝拏且且加首從各犯該番均自行投首且楞沙木一名實係良番因其子娘什者黑係案內夥犯逃匿現值緝捕嚴緊該番自行投出情愿代子領罪因其名與且楞差聲音相似獲解時遂誤譯為且楞差又那安他策令一名因其兄安他且令亦係案內夥犯今逃避無踪該番情愿投出代兄領罪至格洛係循化廳牙隆番民亦屬良番因案賊什格洛在逃未獲該族頭目即令頂什格洛之名作為贖浪古強為縛獻此



先後緝獲各番審明之實在情形也臣復查向來辦理番案往往以言語不通或該番目賄買頂充或通丁人等挾詐哄騙問官等少不留心率多枉戮此次各犯本係一時誤搶迨後知係官馬不敢分贓即時丟棄逃匿已屬情有可原而且聞擊即行投首及代子代兄甘心領罪等情其恭順畏懼之情實屬可憫此皆蒙

皇上厚澤遐敷覃被化外各番稟畏

天威至此之極若皆科以刑律之罪固屬應得惟其中聽從行劫之夥犯類多陷於無知臣等既知番地情

那文毅公二任陝甘總督奏議

卷二十二

三

形自不可漫無區別有獲必誅以致草菅人命深負我

皇上好生之德意查首犯隆本糾約多人持鎗箭誤劫官

馬夥犯什疑加聽從上盜用矛拒捕得分馬匹實

屬法無可貸均應按律即行正法梟首示衆至格

勿班第納利阿貢令沁三犯係屬自行投首當日

既未到場核與自投免罪之例相符且楞沙木係

屬以父代子認罪那安他策令係屬以弟代兄認

罪格洛一名竟係無辜之撥浪古情節甚屬可矜

臣那彥成與在省司道暨西寧河洲兩鎮悉心推

鞫隔別問訊並札商臣福克精阿意見相同除將首犯隆本從犯什疑加恭請

王命飭委臬司德克精阿中軍副將張大振綁赴市曹處

斬梟示外其餘格勿等六犯應請

皇上施恩樂予省釋示以恩信至此等番犯自應恭候

批示回日再行發落但番子向多不服水土最易生病若

稽遲時日致令病斃轉令各番仍多疑懼亦非示

信外夷之道臣等不揣冒昧公同相商令其看視

隆本什疑加行刑後即交昂貨等解回番地曉以

恩信使知

那文毅公二任陝甘總督奏議

卷二十二

三

天朝法令有罪必誅倘情有可原亦不枉殺一人令其畏

威而兼懷德邊氓可期安輯仍責令將正賊獻出

並飭傳諭各番族從此謹守法度永戴

大皇帝高厚之恩不可再行搶竊自蹈誅戮該番等伏地

叩頭涕泣而去實有萬分悚懼形狀其未獲之首

犯尙云愛且旦加仍勒限嚴緝獲日另結謹

奏奉

硃批刑部知道

嘉慶十八年八月初三日會同西寧辦事大臣福

公克精阿



奏為遵

旨查明西藏喇嘛與西寧喇嘛互爭糧戶布施一案大概

情形及歷年案據恭摺先行覆

奏事竊臣那彥成前赴西寧閱兵事竣於七月二十四

日回至碾伯縣之冰溝途次接准軍機大臣字寄

嘉慶十八年七月二十日奉

上諭瑚圖禮等奏據西藏布資綳寺內喇嘛等稟稱西寧

地方有布資綳寺所管噶勒丹彭錯嶺寺院一座原係

從前建修興旺黃教嗣有紅教札烏喇嘛江巴曲達爾

身係喇嘛又於西寧地方請給百戶頂戴欲將該寺毀

那文毅公二任陝甘總督奏議 卷二十二 五

壞踐踏黃教該喇嘛等屢向駐藏大臣處控訴曾移咨

西寧辦事大臣查辦仍各爭執未能允服瑚圖禮等接

據該喇嘛等稟懇代奏以所控人證地方寺院俱係西

寧所管請飭交福克精阿就近提集人證剖斷等語此

時黃教紅教喇嘛彼此互相爭競屢控不服事關緊要

著那彥成親赴西寧會同福克精阿秉公查辦札烏喇

嘛江巴曲達爾身充喇嘛何以給有百戶頂戴不僧不

俗殊乖體制其頂戴係由何人給與是否奏明賞給抑

係由該處辦事大臣自行給與著那彥成先行查明如

係奏明賞給從前援照何例呈請賞否有辦過舊案亦

着詳查聲敘覆奏那彥成曾任西寧辦事大臣或係伊

任內之事亦不可稍有迴護至此案據瑚圖禮等摺內

所敘情節彼此各執一詞是否札烏喇嘛欺凌黃教抑

彭錯嶺寺住持喇嘛霸佔札烏地方糧戶著那彥成等

溯查根據秉公剖析不可稍有偏袒諱飾一切據實奏

明候旨核辦瑚圖禮等原摺著抄寄閱看欽此 臣那彥

成隨即折回西寧會同 福克精阿檢卷查核所

有札烏喇嘛因何給有百戶頂戴一節溯查

本朝平定青海安插番族雍正十年經散秩大臣達鼐

將歸隸西寧管轄之玉樹南稱等番民四十族奏

那文毅公二任陝甘總督奏議 卷二十二 五

定貢賦額數及住牧地方四至計札烏共有四族

分為上中下附四處每年納馬折銀印冊可據至

千人以上之部落設千戶一名百人以上之部落

設百戶一名亦經達鼐奏准印給委牌並准其子

孫世代承襲在案嗣經和碩怡親王條奏番族內

之千戶百戶等俱有官職請令各照品級准戴帽

頂經兵部議定准照土官品級千戶用正五品帽

頂百戶用正六品帽頂轉行遵照各在案所有札

烏喇嘛一族自雍正十年安插西寧伊族莫爾根

溫布桑吉丹怎以後俱照例具



題承襲至現在之喇嘛江巴曲達爾於嘉慶八年承襲人經五輩俱用正六品帽頂是札烏喇嘛之百戶頂戴係照例遵辦有案可據至西藏喇嘛與西寧札烏喇嘛互爭糧戶布施一節查札烏地方舊有七寺所稱噶勒丹彭錯嶺寺即居其一原建年分及是否西藏喇嘛所建實不可考該處俱係紅教喇嘛舊有西藏黃教喇嘛二人來寺坐床教經每屆六年換班一次寺內黃教坐床喇嘛二人之外並所收之徒弟亦止二十餘人其寺院實屬札烏喇嘛之地並非西藏布資綉寺之地至嘉慶十三

那文毅公二任陝甘總督奏議 卷二十二 三

年前任辦事大臣文孚先據札烏喇嘛善納卷吹達爾即江巴曲達爾呈控西藏喇嘛洛木藏加木養加楞洛卜藏納木加立等二人霸佔該寺強收布施經文孚飭候委官查辦而西藏布資綉寺喇嘛亦以札烏喇嘛阻擋布施踐踏黃教等情在藏稟控十四年西寧派出千總張祥四川派出都司馬永魁二員前往查辦札烏喇嘛則執有前任大臣達爾所給印照通事等驗明屬實而西藏喇嘛所呈藏中之執照據稱是章嘉呼圖克圖所給然驗係白紙並無圖記是西藏喇嘛似止應在彼換

班住坐傳習經典以興黃教不應將札烏之寺院人戶一併霸佔當經兩省委員明白勸諭兩造各具甘結業已完案詎十五年布資綉寺喇嘛又復在藏翻控前任大臣文孚接准移咨復委主事岱青阿前赴查辦有西藏遣來喇嘛二人向委員面訴求將彭錯嶺寺並所屬人戶差徭概行給管委員諭以西藏喇嘛仍准在寺住坐念經番族中有情愿布施者照舊收取但不准霸佔札烏寺院人戶勒取布施等情該喇嘛等仍各堅執不從經文孚移咨駐藏大臣諭飭去後案懸未結本年臣福

那文毅公二任陝甘總督奏議 卷二十二 三

克精阿復接瑚圖禮等來咨以布資綉寺喇嘛仍行具控值五月間派出主事瑚圖克都司杜尙賢等前往玉樹番地會盟之便即委該主事隨帶案卷親赴札烏地方再行確切查明秉公剖斷惟番地遼闊歷年會盟之委員往返必須半載前案現尙未據稟覆茲瑚圖禮等奏奉諭旨令臣等會同查辦查札烏喇嘛世襲百戶頂戴之處既有奏定案據布資綉寺喇嘛不知妄控將來定案自應咨令第穆呼圖克圖明白曉諭外其彭錯嶺寺院既在札烏地方札烏百戶自雍正十年至



硃

今納貢當差由來已久且地界戶口糧賦等項盡  
海衙門舊有雍正十年印冊則是札烏之地確切  
可憑西藏喇嘛是曲在西藏無疑止應赴彼坐床教經豈容佔及札  
烏之寺院糧戶且所呈章嘉呼圖克圖給與之執  
照又係白紙似不足憑臣等就歷年卷宗反覆查  
核此案似係西藏喇嘛倚恃作興黃教遂欲欺壓  
紅教因在札烏坐床年久希圖併佔札烏之糧戶  
以致案結復翻其情形已可概見查札烏係屬紅  
教洛布藏加木養等係屬黃教固應作興黃教抑  
遏紅教第曲直攸分亦不可過為偏袒現在兩造

硃

那文毅公二任陝甘總督奏議 卷二十二 三

各執一詞所有歷年由藏前來住持之喇嘛是否  
由藏派赴住持抑係由彭錯嶺寺僧俗延請必須  
查明根底所控札烏喇嘛與卡爾通事歷次串通  
捏混之處是否實情亦應訊明究辦至該處寺院  
及糧戶布施似應仍歸札烏百戶喇嘛管理而該  
寺住持之喇嘛應否仍由西藏選派法度喇嘛按  
年更換止准收取戶民情願之布施不准爭佔札  
烏額定之糧戶此非兩造齊集定案斷不能折服  
其心惟札烏地方距西寧郡城四千餘里自札烏  
至前藏約計又有三四千里程途實屬寫遠瑚圖

禮等雖經奏稱已咨令第穆呼圖克圖將原告押  
赴西寧以備質訊但長途押解行走番地急切不  
能解到現查西藏尚無咨報起程日期且此項喇  
嘛瑚圖禮等是否派兵協解抑止令第穆呼圖克  
圖派人押解之處未准咨明臣等現已飛咨瑚圖  
禮等查明此時原告喇嘛究竟能否解來及於何  
日起解先行咨明並將現在臣等所查根據咨明  
瑚圖禮等可以就近傳訊原告及另有別情咨覆  
到日再行辦理其被告之喇嘛江巴曲達爾已派  
熟悉通事一二人前往傳喚該喇嘛曾在西寧具

那文毅公二任陝甘總督奏議 卷二十二 三

控且其理似直可無慮其不來惟程途既遠原被  
急切難齊臣那彥成再三斟酌自不必閒住西寧  
日久守候現於拜摺後即由西寧起程前赴涼州  
巡閱滿營閱竣回省即辦武關考試彼時或西藏  
將原告解到即提同被告人証秉公審斷或前派  
之委員主事瑚圖克等就近可以查明完案亦即  
另行具奏請  
旨定奪其寧夏滿漢各營官兵俟無事時再容定期巡閱  
再此案欽奉  
廷寄由四百里



等知<sub>臣</sub>等是以由驛馬上飛遞覆奏謹

奏

嘉慶十八年八月初三日會同西寧辦事大臣福

公克精阿

奏<sub>臣</sub>等竊思辦理邊情全在持以鎮靜斟酌權宜不得

與治內地民人一概繩以官法此案瑚圖禮等照

依喇嘛呈詞卽行具奏且飭第穆呼圖克圖派人

解送西寧道路既遠萬一中途脫逃則案難卽結

設竟抗不前來又將何以辦理<sub>臣</sub>等原擬派官職

較大之員迎赴前途如果起解在途則押解前來

那文毅公二任陝甘總督奏議

卷二十二

三

若未起身則就近在彼審斷亦可結案第自西寧

出口必經過果洛克等處地方且有數日並無蒙

古烏喇之處今若止令官員數人前往實不放心

若帶領多兵護送亦甚不值况番地八月間卽已

大雪封山人馬不能行走所有委員人等只可俟

至來歲春融再行前往再此案情由僅係兩地喇

嘛因爭奪布施涉訟實為夷情嗜利之常與內地

民人田土詞訟無異且其寺院既小住持喇嘛統

計人數無多其原呈所稱恐與札烏喇喇嘛成

事等語明係危詞聳聽卽使兩造小有爭端亦祇

那文毅公奏議 卷二十二

邊外常事又非如喇嘛之爭奪黃教紅教恐肇釁  
端關係重大者比似應仍照常案辦理<sub>臣</sub>等再四  
斟酌意見相同謹將管窺所及上陳

聖聽謹

奏奉

硃批此事係瑚圖禮等冒昧另有旨諭彼二人矣

嘉慶十八年八月十七日軍機大臣字寄奉

上諭那彥成等奏查明西藏喇嘛與西寧喇嘛互爭糧戶

布施大槩情形一摺據稱札烏喇嘛世襲百戶從前有

奏定案據世代承襲布資綳寺喇嘛不知原委係屬妄

那文毅公二任陝甘總督奏議

卷二十二

三

控其彭錯嶺寺實屬札烏喇嘛之地並非西藏布資綳

寺之地札烏百戶自雍正十年至今納貢當差由來已

久且地界戶口糧賦等項青海衙門舊有印冊可憑該

處俱係紅教舊有西藏黃教喇嘛二人來寺坐床教經

每屆六年換班一次近年來因在札烏坐床年久希圖

併佔札烏之糧戶以致案結復翻等語此案既據那彥

成等查明札烏喇嘛所給百戶頂戴係世代承襲久有

案據而彭錯嶺寺院確係札烏喇嘛之地西藏喇嘛因

在彼坐床教經輒欲佔其寺院糧戶所呈執照並無圖

記是此案爭控情節由在西藏喇嘛已無疑義瑚圖禮

六六九



等前此未經確查即據稟代為陳奏殊屬冒昧今既據那彥成等查明所控屬虛該喇嘛等無論紅教黃教俱應一視同仁秉公剖斷著瑚圖禮等向第穆呼圖克圖剴切告知令其傳諭該喇嘛等以彭錯嶺寺院既係札烏喇嘛地方歷年久遠確有憑據西藏喇嘛不應妄行佔據且藏內廟宇甚多又何必遠佔他廟致滋訟端設西藏廟宇如有被人侵佔之事亦必為之從公理論不能意為偏袒如此嚴切曉諭該喇嘛等自知理屈即可不致再有訐訟其札烏地方有西藏喇嘛二人前往教經六年更換此時該處喇嘛習教已久經典諒皆熟

那文毅公二任陝甘總督奏議 卷二十一

三

諳嗣後西藏喇嘛自毋庸派往更換以期永杜爭端至前據瑚圖禮等奏稱將原告喇嘛押赴西寧以備質訊但長途行走有需時日急切不能完結瑚圖禮等接奉此旨若此項喇嘛尚未起程即可毋庸解往著就近明白曉諭自可完案息事如已押解在途著照那彥成等所奏即令西寧派出之委員胡圖克等查帶案卷就近剖斷免致往返又致延緩

家回

嘉慶十五年七月二十三日

奏為浩罕夷使行抵哈密所需車輛過多軍臺不能支應飭令該處廳營量為協濟護送起程事竊臣接哈密辦事大臣成書札稱浩罕夷使於六月十五日到哈密騎馬十九匹其行李貨包秤重五萬三千餘斤詢係沿途添買貨物愈積愈多計需車八十八輛內有侍衛忠安自置車五輛仍用官馬拉送向來關外驛站自哈密以西俱由軍臺辦送軍臺額馬臺車均屬有限不敷支應擬令該使將額

那文毅公二任陝甘總督奏議 卷二十一

三

外多帶貨物自僱車輛載運仍將侍衛忠安參辦等語臣復查浩罕夷使所執兵部車票准給車三輛火牌內准騎馬十四匹今騎馬至十九匹又需車至八十餘輛實屬過多軍臺車輛本少成書因哈密係軍臺首站若如數支應致滋各臺之累自係照例辦理不肯濫應本無不合惟查該使重譯

八

觀其意甚誠其名甚正仰蒙

聖恩優加體恤厚往薄來使邊遠之人無不樂荷

併囑輸誠歸向今因乍入內地所見之物皆其實貴不免



隨地置買藉圖微利此亦回夷見小之常態業已  
行至中途未便令其留滯如必拘泥火牌斤斤與  
較似無以示

天朝寬大之恩是以該使前過陝甘時臣飭令各地方官  
寬為應付令得順行無阻示以大方仍諭以此次  
應付車馬均係仰體

皇仁格外優恤下次不可再有多帶貨物致滋騷擾等語  
該使等俱帖服感激而去今成書因其貨物帶多  
以致軍臺車馬不敷支應該使等又惜小費不肯  
自僱車輛載運彼此相執竟自停住亦似不成事

那文毅公二任陝甘總督奏議

卷二十二

三

體臣隨即飛飭巴里坤總兵及哈密副將通判等  
官令其協同設法量為接濟俾免阻滯並知會前  
途一體照辦以仰副我

皇上柔遠綏來之至意計算此時該使等亦已起程無阻  
應即附便奏

聞至侍衛忠安乘勢違例私帶貨車五輛業由成書參奏  
辦理臣毋庸再行附參謹

奏

謹按嘉慶十五年八月初七日廷寄內奉

上諭那彥成奏浩罕來使所需車輛過多飭令協濟前進

一摺此事前據成書奏到該來使需車過多商人等夾  
帶貨物有干例禁已諭令成書查明商貨概行駁斥並  
將違禁商人交該督照例治罪其首先濫付之州縣並  
令據實查參侍衛忠安亦已革職交審那彥成發摺時  
尚未接奉前旨著即遵照前降諭旨妥為查辦分晰具  
奏

嘉慶十五年八月二十七日

奏為遵

旨查辦浩罕夷使多用車輛恭摺先行覆

奏事竊查浩罕夷使回至哈密用車過多經辦事大臣

那文毅公二任陝甘總督奏議

卷二十二

三

成書查明具

奏嗣奉

諭旨令臣確查此次多給車輛始於何站據實參奏令成

書查明商貨概行駁斥將該商移交究訊三等侍衛忠

安車輛擅用官馬拉送又未能約束夷使降旨革職交

臣一併審擬具奏查甘省為新疆來往大路向來

西藏堪布及伊犁南路各回子伯克年班往往有

例外多用車馬多係通省通融捐辦報部時仍按

例報銷此次浩罕夷使過境例外多用車輛臣備

經批查各州縣該使有無包攬奸商客貨與否旋



據稟稱並無包攬貨車實係該使自置茶葉花椒及綢布磁器等物彼時臣以浩罕來使不常朝

覲與奸商不相熟識所稟並無包攬私貨之處想係實情

外夷得見中國貨物以為寶貴自不免貨多置買

因卽批令准其應付惟查甘省向用車輛均係木

輪單馬不能載重而該使等知臣飭查嚴緊又將

所買之貨歸併載運以致木輪多有折壞行走亦

遲過關以後途次或有添買是以用車漸多嗣至

哈密成書以用車過多將伴送侍衛忠安一併參

奏今又於本月二十日奉到前摺

那文毅公二任陝甘總督奏議

卷二十二

三五

批廻欽奉

諭旨令遵前旨妥為查辦等因查驛站車馬本有定額奉

差供應亦有定例不肖官吏往往遇

欽差或上司經臨藉差逢迎自應嚴查究辦此次應付浩

罕夷使雖與藉差逢迎有間但該使私行包攬奸

商貨物或忠安又有串通使令包攬從中牟利更

不可不嚴行查辦臣已飛移成書令將忠安派員

押解來省以便審訊並飭令哈密廳營一面嚴密

查察該使等實在有無包攬私貨並將該商人姓

名查明一同解省從嚴辦理至該夷使已至哈密

未便令其留滯中途因復札飭哈密廳營曉諭夷

使伊等果知畏懼將串通之奸商指出或將其私

帶多餘貨物就地減賣所有車馬不至過多卽當

酌量協濟護送俾令前進以上體

聖主柔遠綏來至意適據該廳營稟稱夷使現將所帶貨

物就地變賣卽可料理出境等語計日內已可行

動不致留滯至該使經由各州縣如果有奸商賄

囑夷人夾帶貨物而各州縣漫無查察濫應車輛

令奸商與外夷交通牟利亦大有關係且曾經臣

批查又未據實稟報自應重治其罪一俟查明卽

那文毅公二任陝甘總督奏議

卷二十二

三五

當遵

旨據實嚴參不敢稍有徇庇倘止係夷使所帶貨物亦俟

成書確查覆到另行辦理具奏謹

奏奉

硃批知道了

嘉慶十五年十月十三日

奏為遵

旨查明浩罕夷使多用車輛並無夾帶商貨及審明已革

侍衛忠安各緣由按擬具

奏事竊浩罕夷使回至哈密多用車輛及二等侍衛忠



安擅用官馬拉送自僱車輛又未能約束夷使一案經成書奏

奏奉

旨飭交 臣分別查辦並將侍衛忠安革職一併審擬具奏

欽此 臣當查此次浩罕夷使多用車輛先經嚴飭經過之州縣查稟並無夾帶商貨惟甘省車輛向係木輪單馬不能載重以致一車改爲兩三車不等沿途用車漸多等情先經查明具

奏奉到

諭旨令遵前旨妥爲查辦等因復經 臣飛飭哈密廳營密

那文毅公二任陝甘總督奏議

卷二十二

三

查夷使實在有無包攬商貨查明商人姓名解省審辦至州縣有無濫應車輛失察奸商與外夷交通牟利一節尤關緊要仍查明嚴叅一面飛移成書委員將忠安解省審訊恭摺先行覆

奏仰蒙

聖鑒在案茲據哈密廳營稟覆查得夷使實係自置茶葉綢緞磁器等物委非夾帶私貨亦無商人同行現在該使已將置貨就地售賣減用車十輛已於八月十九日起程前進沿途行走甚爲安靜等情并准成書札稱夷使實皆自置貨物委無私帶商貨

等語隨據委員將忠安押解到省 臣親提至署督

同按察使積朗阿西寧道慶燮逐一研訊據忠安

供我奉差護送浩罕夷使自京起程夷使看見中

國茶葉綢緞磁器之類沿途陸續置買致各站添

車一二輛不等行至甘省又係木輪單馬難以載

重屢次折輪更換逐日加多我曾吩咐通事曉諭

禁止無如外夷見小貪利不肯聽從又因行程緊

急恐誤差使只得通融過去夷使貨物實係自行

置買並非夾帶商貨亦無商人同行已經哈密大

臣查訊明確不敢隱混至我出京時所執勘合內

那文毅公二任陝甘總督奏議

卷二十二

四

填註引包馬共十四匹我自己僱車五輛拉運行李是自已長行馬匹並無帶貨實在止騎站馬七匹後到肅州因拉車馬匹疲乏卽用站上拉車之馬五匹拉運自僱車輛外騎馬三匹實共用馬八匹尙不足十匹之數並不敢額外多用惟我護送夷使不能約束致令沿途多用車輛實屬糊塗只求奏請治罪等供覆加究詰堅供不移此案已革侍衛忠安護送夷使應用驛站騎馬其隨帶行李車輛係自僱所領兵部勘合內本應騎馬十四匹今止用馬七匹到肅州止用馬八匹核與例給馬數



有減無淨臣又復飭查各站與忠安所供馬匹數目相符惟不能約束夷使以致多用車輛實屬咎無可道忠安業經革職應毋庸議惟其身尚有輕車都尉雲騎尉兩世職據供父母俱在並無弟兄可否革去侍衛仍留其所襲世職之處出自

皇上天恩至支應車輛之各州縣尚係為辦理差使起見與

欽差上司過境逢迎濫應者有間且亦無失察夷使串通奸商包攬私貨因而濫應之事情尚可原業經前奏聲明欽奉

那文毅公二任陝甘總督奏議 卷二十一 聖

硃批知道了在案似應請免查叅至忠安業已訊明已飭委便員帶送進京交該旗收管謹

奏

嘉慶十五年十月二十八日奉

上諭那彥成奏查明侍衛忠安護送浩罕夷使多用車輛一摺該夷使沿途添車裝載貨物既稱訊明實係自行置買網疋磁器等件並無夾帶商貨在內該侍衛曾經曉諭尚非有心容縱忠安現已革退侍衛其輕車都尉雲騎尉兩世職著照該督所請免其斥革回旗當差仍罰世職俸一年以示懲儆餘依議摺併發

嘉慶十六年九月二十二日

奏臣於展

觀時面奉

聖諭令查哈迪爾沿途行走是否安靜車馬有無多支等

因臣隨差安弁赴關迎接併密查去後茲據稟稱

哈迪爾於九月初四日進關前途騎馬十九匹單

套圈車二輛行走迅速甚為安靜等語并據肅州

鎮及沿途州縣稟報無異臣查哈迪爾出京時兵

部填給勘合內開共騎引包馬十六匹今多用馬

三匹單套車二輛雖屬逾額究覺為數無多自應

那文毅公二任陝甘總督奏議 卷二十二 聖

仰懇

天恩免其叅處至哈迪爾經過地方甚屬安靜並無需索

滋擾之事謹

奏奉

硃批覽

嘉慶十六年十二月初一日

奏為遵

旨籌撥阿拉善糧石事本年十一月二十五日准理藩院

咨欽奉

上諭理藩院奏阿拉善札薩克親王瑪哈巴拉等呈請借



給糧石一摺該旗地方偶被荒歉著交陝甘總督督查於就近各縣倉貯糧石內撥借二千石交該親王等會同駐劄寧夏之部員認真散放所借糧石著該督按依市價估報照例於瑪哈巴拉多爾濟色布騰莽噶拉等應得俸銀內每年坐扣一半歸款欽此臣隨與署藩司積朗阿籌議查得甘省之寧夏府屬及涼州府屬之鎮番縣均與阿拉善地界毗連現在鎮番縣倉貯充足應即就近撥出糧二千石接濟該處至阿拉善地方秋冬春三季該蒙古駱駝向係僱給民間客商載運貨物大半由鎮番行走現在之糧與那文毅公二任陝甘總督奏議

卷二十一

聖

其官為運送糜費脚價事竣仍須在該蒙古王公等俸銀內加增扣算或派往運送之夫役從中侵盜短少事亦不能保其必無均非仰體

聖主綏懷藩服之道莫若令該蒙古自派旗下人等押帶駱駝就近赴鎮番搬運公私實為兩便臣仍一面劄委涼州府前往公同監視足數給發不得小有剋扣一面照會瑪哈巴拉等遵照運回會同駐劄寧夏之部員認真散放俾該蒙古等均沾實惠再此項糧石仰蒙

天恩俯准所請仍按依市價於瑪哈巴拉等俸銀內每年

扣半歸款臣覆查現在寧夏府屬糧價較昂即鎮番縣市價每倉石合銀亦在二兩四五錢左右若照依市價扣算未免過多亦非所以仰體

皇仁可否仿照大路州縣採買之例每倉石以銀二兩合算計倉斗糧二千石共應銀四千兩俾蒙古生計益臻寬裕出自

皇上逾格施恩再此項糧價銀四千兩並請無庸於該蒙古王公等俸銀坐扣查現有每年吉蘭泰鹽務案內

恩賞瑪哈巴拉等銀八千兩即請就此項扣半歸款更為

那文毅公二任陝甘總督奏議

卷二十二

聖

簡便可否伏候

聖裁謹

奏奉

硃批照所請行戶部知道

嘉慶十七年三月二十九日

奏查阿拉善札薩克親王瑪哈巴拉等呈請借給糧石一案臣欽遵

上諭業將籌撥鎮番縣倉糧緣由奏蒙

聖鑒茲據該蒙古差員到此經臣飭委涼州府知府那縉馳赴鎮番督率該縣跟同差員等將倉斗小麥二



千石照數監放自三月初六日起至十二日止據報已經完竣倉書斗級人等並不敢少有短發該蒙古等自帶駱駝紛紛負運均已旋回遊牧感激天恩無不歡欣鼓舞謹

奏奉

硃批覽

嘉慶十八年五月初四日

奏為舊吐爾扈特游牧處所被災遵

旨籌酌辦理恭摺奏

聞事嘉慶十八年四月十七日准理藩院咨具奏舊吐爾

那文毅公二任陝甘總督奏議 卷二十二 聖

扈特貝勒巴雅爾蟒奈呈報所屬游牧地方被災

牲畜倒斃甚多請借十五年俸銀以資救濟等情

行令 委員前往該處查明被災情形如果屬實

具奏辦理奉

旨依議 復查十六年冬間阿拉善親王瑪哈巴拉因該

處被災呈請借給糧石會蒙

皇上俯准賞借糧二千石在案今事同一例如果被災屬

實自應籌酌辦理查該蒙古游牧離省二千餘里

臣 間該處被災不至十分而連年所積頗形苦累

今既准理藩院咨行各游理若往返委登俟具

奏到日又由理藩院發給俸銀恐時日耽延過久不及救濟是蒙古窮民仍不免於流離失所於安輯邊境既有關係亦非仰體我

皇上懷柔惠遠一視同仁之至意今 臣 同兩司酌商若照

所呈請借給俸銀仍須前至內地買辦亦多不便

為救濟起見莫若照阿拉善上年之例借給糧石

即在就近肅州撥給飭領今擬先備撥一千石亦

照上年二兩糧價由理藩院於應得俸銀內分年

坐扣如果一千石不敷俟其呈到再為辦理謹

奏

那文毅公二任陝甘總督奏議 卷二十二 聖

嘉慶十八年五月二十二日奉

上諭那彥成奏舊吐爾扈特游牧處所被災請借給糧石

一摺舊土爾扈特游牧處所上年被災牲畜倒斃頗形

苦累該貝勒巴雅爾蟒奈呈報理藩院懇借俸銀以資

救濟茲據那彥成奏該處被災情形屬實著施恩在於

就近之肅州先撥給糧一千石以為緩輯窮黎之用如

有不敷該督再為酌籌理藩院仍照二兩糧價在於該

貝勒應得俸銀內分年坐扣俾得早資接濟用示朕一

體懷柔至意

嘉慶十七年十二月初五日



奏為護送喇嘛擬由外省委員逐程接護毋庸專派京員以節糜費以清驛站事竊照前後藏喇嘛年班進京從前祇派委筆帖式率同領催護送照料嗣因該喇嘛等經過沿途地方有冒報丟失物件加倍勒賠等事筆帖式職分較小不足以資彈壓於乾隆五十年間改派理藩院郎中或員外郎一員押送其經過地方由督撫揀派道員會同武職防護久經辦理在案近年以來前後藏喇嘛等往來行走甚屬安靜間有一二素性慙愚不諳內地禮法之人一經接護之道員武職等申飭曉諭即知畏懼至其所帶包物往往有例外多帶餘包亦係例准自行僱運如果護送官員實力彈壓尙不致滋事端惟由京派出之司員等其中固不乏奉公守法之人然日久習慣亦止將約束照料委之地方文武所謂彈壓實為具文徒費供支甚至不肖之徒藉差需索或自置私貨牟利或包攬客商私貨得受僱價甚且教唆喇嘛等假作玉包以遂其藉差訛詐種種擾累驛站無所不為即此次奇福之案已可概見臣查從前平定新疆各城回子伯克等年班原有由京派來侍衛押送嗣亦裁撤現

那文毅公二任陝甘總督奏議 卷十二 聖

在口外護送只派筆帖式及干把總等員入關後甘肅陝西山西直隸等省均派道府臚州縣會同武職分段接替均能安靜行走並無事故今喇嘛與伯克事同一例合無仰懇聖慈勅部會同理藩院核議嗣後喇嘛年班進京只須照新疆伯克之例各省派令道府大員逐程接護彈壓進京交各該管衙門照例辦理出京之日亦由該管衙門派員送至直隸接遞押回毋庸專派京員遠道往來致多糜費仍請旨飭知駐藏及西寧大臣嗣後即由各該處將年班喇嘛之包照數點明各行沿途各省知照以便應付車馬毋得任聽多帶致滋累擾臣為清理驛站起見據實具奏謹

那文毅公二任陝甘總督奏議 卷十二 聖

奏

嘉慶十七年十二月十九日奉

上諭那彥成奏請將護送喇嘛由外省委員逐程接護毋庸專派京員一摺前後藏喇嘛年班進京理藩院派委司員押送原以資其彈壓近年喇嘛等行走俱各安靜而派出司員如現在辦理奇福一案轉有藉差騷擾驛站包攬貨物從中牟利者况沿途例派文武官員按程



接護足資照料實毋須再派京員徒滋流弊嗣後喇嘛  
年班進京著照新疆伯克年班之例令經過各省遊選  
道府大員會同武職護送彈壓出境交替至京交該管  
衙門照例辦理其出京之日該管衙門亦祇須派員送  
交直隸接遞所有專派京員護送往還之例著即停止  
以節糜費而肅郵政

那文毅公二任陝甘總督奏議

卷二十二

完

那文毅公二任陝甘總督奏議卷二十二

那文毅公二任陝甘總督奏議卷二十三目錄

卷二十三

蒙古鹽務

請弛採煨之禁

鎮壓奸回

那文毅公二任陝甘總督奏議

目錄

一



那文毅公二任陝甘總督奏議卷二十三

男容安恭輯

蒙古鹽務

嘉慶十五年八月二十日會同山西巡撫衡公齡

奏為吉蘭泰鹽務現經晉省募有新商呈請兼辦坐運

兩商事竊查吉蘭泰鹽池遠在甘肅寧夏口外原

議分定坐運兩商其坐商由甘省招募運商由晉

省招募前因運商馬遵義辦運遲悞經前任山西

撫臣成寧會同前任陝甘督臣長齡

奏明黜退交坐商馬起龍等兼辦俟另募有人再行接

那文毅公二任陝甘總督奏議

卷二十三

一

替嘉慶十三年十一月御史史祐條奏馬起龍係

回民馬君選之子馬君選因交接外藩越銷漁利

查拏治罪未便令伊子承充坐運兩商經部覈覆

行令甘肅山西兩省速即另募殷商承充前撫臣

成寧當即咨會甘省另招坐商並行司通飭各屬

招募運商接辦在案嗣因招募無人所有十四年

坐運兩商仍係馬起龍等兼辦無如兩年以來引

鹽不能暢銷以致課納不前據寧夏道查明馬起

龍等實已資本消乏非惟不能代運並難辦理坐

商前督臣松筠移咨到晉前撫臣初彭齡當又飭

屬趕緊招募殷商去後旋據司道等會稟有靈石

縣貢生梁芬芳等呈請情願充商並舉出王汝為

等六人堪以夥辦又有太谷縣武舉郭綸音監生

武三元等呈請兼辦坐運兩商等情臣衡齡於本

年四月十二日到任後查明吉蘭泰今年運限已

運鹽無商辦於

國課民食大有關係隨又節次催令措費趕緊前往接

運乃梁芬芳等本非家道殷實即所舉王汝為等

六人亦以無方能充紛紛推諉自不便強其所不

能致滋貽悞復傳武舉郭綸音監生武三元等催

那文毅公二任陝甘總督奏議

卷二十三

二

令認充據稱吉蘭泰鹽務從前原議甘省招充坐

商晉省招充運商惟坐商可獲微利運商費重途

遙如能坐運兩商一手經理方敢承辦現經邀同

親友時元現楊敬業等十三人湊集資本銀二十

萬兩並開刊條議呈送前來臣等悉心酌覈坐運

兩商情形本有不同坐商在吉蘭泰鹽池撈鹽向

係僱覓短工約計百口即可撈足一年額鹽三萬

大石之數賦至磴口僅止三百餘里即交運商給

價接運工本尚輕可沾餘潤至於運商自磴口運

至河口行銷計歷黃河二千餘里加之造船納課



辛工等項成本甚多轉運匪易而行銷引地又有  
該處應銷之土鹽及鄂爾多斯鹽飭囤積充斥經  
理稍有不善難免賠累是以兩年以來無人應充  
運商者職是故也今郭綸音等湊集資本二十萬  
兩稟請兼辦坐運兩商實為酌盈濟虛而就目前  
國課民食起見亦當量為變通以期經久無悞茲若拘  
定原議晉省專辦運商則是有苦無甘不獨郭綸  
音等畏蕙不前即有力能獨任者亦斷不能使其  
勉強從事况甘省素少殷戶馬起龍黜退後坐商  
亦無人可募而本年運限業已逾期未便再存觀

那文毅公二任陝甘總督奏議 卷二十三 三

望所有郭綸音等呈請兼辦坐運兩商相應懇

恩俯准如蒙

俞允即當飭令郭綸音等趕緊前往查收接辦至河口所  
貯官鹽據該大使驗報截至本年五月分止尚存  
十四年分鹽九百一十八萬七千八百餘觔約計  
九十月間始可銷竣指日新運鹽飭到口仍可接  
濟於民食尚無虞短缺郭綸音等所呈條款另行  
覈議開繕清單恭請

訓示謹

奏

謹將新商郭綸音等擬辦吉蘭泰鹽務條款核議  
清單恭呈

御覽

一據稟行銷引鹽地方宜設子店以期暢銷等情  
查吉蘭泰鹽飭僅能運至河口賣給民販運銷  
而民販赴引地出售又有水運陸運之分其路  
亦遠近不一引地向無子店堪以存貯是以三  
年以來民販均須隨販隨售不免往返稽滯官  
引未能暢銷嗣後應於各引地令民販自行設  
立子店庶販到之鹽即可先行貯店不待銷售

那文毅公二任陝甘總督奏議 卷二十三 四

後始行再販是官引既可從此疏通而百姓亦  
可就近赴店買食實屬兩有便益

一據稟新舊商交代宜公同估議以免爭端等情  
查舊商存貯未銷之鹽自應交付新商分年帶  
銷歸還成本其磴口河口鹽棧器具并辛工糶  
項亦應逐一交收若任其私自交代難免爭執  
嗣後凡遇交代之時應由晉省委員前往交宜  
夏道督率公同估議以杜新舊兩商彼此轉轉  
一據稟換運更宜因時變通以資利便等情查吉  
鹽運限自三月二十間開凍起至九月二十間



凍河止爲期本促刻下已經八月各商趕赴碇口長途三千餘里爲時更屬緊促若仍照舊章打造船隻必致遲悞應將例購造船木植紫筏並運倘遇河凍再試造冰筏載運各無阻礙則本年運鹽雖遲尙可趨辦不致十分遲悞以上三條<sub>臣</sub>等往返札議均係目前實在情形有裨磋商是否有當伏乞

訓示奉

硃批戶部議奏

嘉慶十五年九月初五日

那文毅公二任陝甘總督奏議

卷二十三

五

奏爲吉蘭泰鹽務章程已定嗣後陳奏事件請歸山西鹽政專辦以免稽延事竊查甘肅吉蘭泰鹽池歸官辦理原議章程坐商由甘肅招充運商由山西招充凡遇一切事件均係會銜陳奏茲甘肅坐商馬起龍等無力承充業經<sub>臣</sub>會同銜齡悉心籌酌請將坐運兩商歸於晉省新商郭綸首等兼辦並據稟擬章程開單會

奏在案伏查甘省距晉省相去數千餘里若照原議坐商由甘肅招充運商由山西招充甘商運鹽至晉晉商領運遲延觀望往往悞事運商領鹽自甘亦

多藉口推卸是以近來辦理不甚得力今坐運兩商既歸晉省則此後一應給引征課自應由山西鹽政專辦購木造船及稽查彈壓各事宜亦應由寧夏鹽法道督同運判大使經理隨時詳報山西鹽政核辦如此則督課行引責有攸歸而官商可免往返稟請觀望推卸不至分歧至吉蘭泰鹽池以及磴口貯鹽起運皆與寧夏最近甘肅亦不得諉爲無事每年派換弁兵妥協稽查彈壓仍由<sub>臣</sub>衙門督率辦理若拘泥舊章仍行會奏甘肅距晉寫遠往返動須月餘徒滋稽延無裨公事應請嗣後凡吉蘭泰鹽務事件俱由山西鹽政專銜具奏以歸畫一其每年恩賞阿拉善王銀八千兩係在鹽法道庫貯鹽課項下撥給亦由鹽政飭領此外如遇兩省交涉必須會辦之件仍當隨時熟商會奏斷不敢稍分畛域貽悞公事上負

恩慈謹

奏奉

硃批戶部議奏

嘉慶十六年九月二十二日



奏為吉蘭泰鹽運事宜晉省押帶商本之委員到地遲  
悞恭摺奏

奏事竊照吉蘭泰鹽務上年由晉省議定行商坐商均  
歸山西兼辦發派新商郭綸音武三元曹九齡等  
十五人湊集貨本銀二十萬兩前赴口外鹽池撈  
挖鹽筋輸課行運所有辦理緣由節經會

奏並咨部在案 臣查該處鹽務晉省既已募有新商出  
結送部該商等自必家道殷實可期無悞課運當  
經屢次移咨催令新商攜帶貨本前赴宣夏交課  
運鹽去後嗣准山西撫 臣衡齡開單咨覆頭撥商

那文毅公二任陝甘總督奏議 卷二十三 七

人武三元等帶本銀五萬五千兩於十五年九月  
起程二撥商人李增等帶本銀五萬兩於本年三  
月起程又商夥雷廣韶等帶本銀五萬兩於四月  
起程三撥商人王炳文等帶本銀五萬兩於五月  
起程等因隨據宣夏道蘇成額稟報頭撥商人武  
三元等僅帶本銀二萬兩已為購買木植等用並  
無存銀核與晉省單開頭撥銀數已短少銀三萬  
五千兩而二撥三撥之銀杳無音信自春至秋復  
經 臣疊催晉省派委大員押帶趕運暨督 臣董  
教增照案咨催計前後交移不下數十次屢准晉

省咨覆第一次派委河口大使孟調梅於六月十  
九日由河口起程押帶二三撥商本赴宣第二次  
又派委通判秦整沿途查催趨運各等語詎日久  
遲延直至七月二十九日委員孟調梅始到宣夏  
之磴口八月十四日始到宣夏秦整亦始到宣經  
該道蘇成額面詢該委員等均係單騎並無隨帶  
商人銀兩殊不可解茲據該道詳稱現在宣夏磴  
口舊商馬起龍所存之鹽不下六萬有餘足敷二  
年運額無如晉省商歸烏有銀屬空談本年課運  
又全貽悞等情通詳請

那文毅公二任陝甘總督奏議 卷二十三 八

奏並赴省面稟情形 臣伏查吉蘭泰引鹽向係每年三  
四月開運至霜降即行停運緣邊地苦寒河冰蚤  
凍之故現在已過霜降即使晉省商本全數到齊  
業已不能開運况乎無商無銀更不能憑空辦理  
至宣夏道責司課運既已鹽無商運則課無可徵  
固不能繩以考成而  
國課民食攸關似此遲延實由押帶商本之員貽悞所  
致相應據實奏請  
旨勅下新任山西撫 臣成益查核發商原案提齊承充新  
商之保結人等分別訊究並提委員河口大使孟



調梅訊明押帶各商在於何處逗留避匿其二三撥資本十數萬兩現存何處該員孟調梅既經奉委押帶商人資本當接收押運之時曾否親自點驗何至商歸烏有銀屬空談是否得賄私縱抑或另有別情即由晉省嚴訊確實就近具

奏辦理再查新商武三元據報於八月初九日潛逃現已飛移晉省查緝革究而曹九齡復以獨力難支赴道具呈辭退其為晉省發非殷商已可概見除照錄摺稿一面移明晉省查辦外竊思課運關重豈容屢悞惟甘省距晉三千餘里之遙該處實在

那文毅公二任陝甘總督奏議

卷二十三

九

情形難以懸擬此項鹽務總因初定章程未善以致屢年辦理費手甚至課運全悞今應否仍由晉省另簽新商來甘接辦抑別有籌酌妥善之策容俟會同成益另行妥商具奏其本年阿拉善王瑪哈巴拉

恩賞及一切廉俸役食銀兩不能不仍舊墊發已飭司移道照例支給謹

奏

嘉慶十六年十月十二日軍機大臣字寄奉

上諭據成益奏吉蘭泰新商辦運遲悞一摺同日並據那

彥成奏晉省承辦口外鹽運頭撥新商武三元本銀短少現在潛逃二三撥商人杳無音信商歸烏有銀屬空談本年課運全行貽悞等語甘省吉蘭泰鹽務既經晉省招募新商郭綸音等十五人兼充坐運兩商到官認辦本年自應趕緊依限辦運何以遲延至今資本尙未到齊而頭撥赴甘之商人武三元文內開載本銀五萬五千兩只賫帶銀二萬兩又復私行逃逸此皆前任巡撫衡齡及河東道茅豫原定章程未妥所簽各商又均非殷實之戶以致連年悞運殊屬不成事體著成益即提到各商人並嚴緝武三元到案將因何短缺本銀貽

那文毅公二任陝甘總督奏議

卷二十三

十

悞課運緣由查訊明確分別究辦並將辦理不善之前任巡撫衡齡及河東道茅豫一併參奏其接辦章程著該撫會同那彥成另行妥議具奏將此傳諭成益並諭那彥成知之

嘉慶十七年二月初六日

奏為吉蘭泰鹽務現經奏准官運民銷所有甘省官運大概情形及派委臬司與查勘魚夏渠工之便就近赴晉會議章程各緣由恭摺奏

聞事竊查吉蘭泰鹽務因上年晉省新商貽悞課運經與成益



奏明參辦嗣緣晉省無人充商暫議官運民銷之策經  
衡齡奏請借動晉省銷價銀十五萬兩及河東商  
人公捐銀五萬兩奏作運本發給新商郭綸音等  
知照甘省直至十六年抵甘又因資本不齊課運  
懸宕 臣目覩情形實深焦急於上年進京

陛見道經山西面晤衡齡即經再三斟酌以商運屢悞總  
由晉撫督辦甘省邊外之鹽鞭長莫及而商人領  
運行銷甘省既不深知其身家果否殷實地方行  
銷各情形亦無從揣悉以致年復一年悞運悞課  
更兼民虞淡食查阿拉善從前自行辦理尙能行

那文毅公二任陝甘總督奏議 卷二十三 十一

銷一經入官轉多遲滯更覺不成事體不若暫改  
為官銷運則歸甘銷則歸晉庶期各專責成以免  
推諉嗣衡齡具奏官運民銷與 臣所見相同今 臣  
悉心酌擬運既歸甘所有自鹽池撈鹽運至磴口  
又由磴口運至山西之河口均係甘省委員專司  
其事至撈運各費查照定例由晉解交甘肅夏  
道庫辦理設有貽悞責在甘省委員與督辦之益  
夏道立即分別查參每年於秋冬運竣之時即由  
甘省具奏一次其自河口交鹽以後行銷納課一  
切章程均歸晉省經理亦自行具奏似此界限既

清彼此各專其事自無輾轉推諉可期無悞惟是  
事關創始不可不詳定章程而晉甘兩省一運一  
銷彼此均未深悉各地方情形雖往返札商大局  
並無二致但其中詳細究未縷析條分通盤核定  
且兩省相距三千里之遙文移往復徒滋延宕本  
年開運勢斷不能再遲事關鹽務大政亦須派委  
大員前往會同議定查宜夏道蘇成額本係兼管  
吉蘭泰鹽務之員但本年宜夏借

那文毅公二任陝甘總督奏議 卷二十三 十二

帑六萬兩大修渠工該道現應駐工督辦未便分身該  
處渠工前經奏明遴委大員赴工查勘 臣現已飭  
委臬司積朗阿前往勘辦查積朗阿曾任蘭州道  
嗣因吉蘭泰鹽務緊要經長齡奏奉  
特旨調補宜夏道與該處地方情形素所熟悉且吉蘭泰  
運鹽輸課創始章程皆該司一手經理由山西鹽  
政轉奏奉  
旨准行辦理諸皆妥協該司又曾任山西臬司於晉省銷  
鹽納課一切亦所熟諳相應奏  
聞一面即飭該司於宜夏查工之便就近馳赴山西謁見  
衡齡將兩省官運民銷詳細章程趕緊商榷一俟  
定議即由衡齡具稿會同 臣聯銜覆



奏庶案可早定不致日益宕延至該司由寧夏赴晉計期不過十數日往返祇有月餘所有臬司篆務應請飭委蘭州道嚴煥暫行兼署與公事可期無悞再本年節氣較早不日春融冰泮現在官運民銷之計大局既定則開運未便再遲除飛催晉省速將運本解甘外查商人運鹽向係首年採木造船次年方可行運而寧夏地不產木必須四出採辦今本年官運始造船隻為期較迫現已飛飭寧夏道將採買木料僱募工匠等事趕緊預備俟晉省運本解到即可辦理開運並由省城派委委員馳赴寧夏交與該道分別委用仍一面移咨衡齡將河口接運行銷各事宜趕緊籌議會同具奏總期及早開運裕國課而濟民食斷不敢稍分畛域以致貽悞公事仰履

聖懷謹

奏奉

硃批甘運晉銷似於事有益妥議章程具奏

嘉慶十七年三月二十九日

奏臣具奏吉蘭泰鹽務官運大概情形及派委臬司積朗阿於查勘寧夏渠工之便馳赴晉省會議章程

那文毅公二任陝甘總督奏議

卷二十三

七

一摺奉到

硃批甘運晉銷似於事有益妥議章程具奏查臬司積朗阿據報於三月初六日已入晉境約計月望前後可抵太原除移咨衡齡迅將全案章程督同該司妥商定議其晉省河口委員接收鹽勛行銷徵課各事宜應聽晉省自行酌辦外臣已飛飭寧夏道將甘省行運章程分晰妥議俟衡齡覆到即當通盤會核聯銜具

奏仍飭寧夏道分別修造船隻趕緊辦理現在業於三月初六日開頭運是本年甘省運鹽已可不致遲

那文毅公二任陝甘總督奏議

卷二十三

八

悞謹

奏奉

硃批覽

容安謹按吉蘭泰鹽務由甘省行運章程旋經會銜具奏由晉撫主稿故覆議章程之奏茲未錄載



請弛採墾之禁

嘉慶十六年三月二十七日會同陝西巡撫董公

教增

奏為請弛採墾之禁以裕邊民生計事竊照陝西榆林

府地處極邊土三沙七歲止一收生計本屬艱苦

上年收成歉薄經臣董教增奏蒙

恩准出借牛具籽種以資力作惟北邊氣候較遲芒種前

後始能播種早穀收成約在七月青黃不接為日

甚長兼水陸阻遠商販不通現在糧價騰踴窮民

覓食惟艱臣等體察情形並與藩司朱勳再三籌

那文毅公二任陝甘總督奏議

卷二十三

主

議亟須設法調劑查榆林府屬之神木縣界連口

外鄂爾多斯地方向來產有墾土通商轉運內地

貧民肩挑背負藉資餬口嘉慶十一年前任督臣

倭什布因札薩克貝子布彥泰台吉旺札爾車布

登多爾濟等採挖積墾招引民人武鳳議等易換

烟茶布米等物蒙民欠負商人貨價三萬餘兩並

有神木生員張如禮捏控外委屈雲漢等私開墾

地等情審明不實照例治罪隨

奏明禁止內地民人出口攬運奉

旨欽遵在案伏惟我

朝中外一家蒙古漢民貿易例不查禁榆林民人出口

佃種蒙古田土春去秋還已為成例相安日久並

未滋生事端墾土事同一例若因民人蒙古涉訟

遽行禁阻未免因噎廢食查墾土遇雨即行消化

年逢早暵則出產甚旺本年聞該處積墾厚至數

尺因阻於

功令蒙民無從售賣漢民不敢挑挖是實委於地於貧

民生計亦殊有關係且蒙民亦多貧乏現有價值

數千金之產勢不能不私招漢民漢民覓食者多

結隊前往恐亦非差役所能禁斷若任其照常販

那文毅公二任陝甘總督奏議

卷二十三

主

運或由差役得錢賣放既屬不成事體倘實力查

拏轉恐恃眾爭鬧致滋他故查從前致訟之由係

因夷漢債務不清而起商人貨物浮於墾價均屬

事所難免臣等愚見以為虛張

功令陽奉陰違不若明立章程俾可遵守查墾土為民

間常用之物行銷甚廣若由官招募商人一切交

易責成理藩院部員及地方官互相經理墾土若

干商人與蒙古定議後呈明理藩院部員行知神

木縣轉詳榆林道府將應給蒙民價值即交神木

縣轉送部員給發蒙民收領銀錢貨物毋許私相



授受仍每歲申明藩司及巡撫衙門以備稽核卽可杜絕訟源若雨水霑足蒙古既無墾可售漢民得安耕鑿亦斷不肯荒廢本業逗留邊地至所積墾土未售以前墾在蒙民既售以後墾歸商人物既有主卽能自行防守其私行偷挖不過與內地竊盜無異亦可隨時懲辦况墾土時有無墾盡則商民俱散亦不致久駐盤踞別啓事端也臣等爲調劑貧民生計起見謹合詞恭摺會

奏奉

硃批理藩院議奏

那文毅公二任陝甘總督奏議

卷二十三

七

鈇壓奸回

嘉慶十五年五月二十七日

奏爲訪獲鹽茶廳屬復倡新教爲首回犯提省審辦恭摺奏

摺奏

聞事竊查鹽茶廳地方自乾隆四十九年回民倡立新教

謀爲不軌嘗經大加懲創

奏明出示嚴禁新教名目並禁止不許阿渾越境念經

各在案臣自入關以來沿途留心訪察風聞鹽茶

靈州等處回民又有倡復新教念經教徒之事旋

接提督楊遇春密札通知並據署鹽茶同知李華

那文毅公二任陝甘總督奏議

卷二十三

六

庭署靈州知州翟漢稟稱該處有念誦新經阿渾

牛誠功馬養隴馬誠等復倡新教等情臣立卽密

委安西州知州鄂山本任鹽茶同知淡士濤馳往

鹽茶借名查辦籽種不動聲色嚴密查拏又令署

寧夏鎮總兵吳亨衍以閻汎爲名親赴靈州暗中

訪緝又密劄提督楊遇春令其巡閱速回固原彈

壓以重聲勢嗣據印委各員稟報拏獲念經阿渾

馬養隴馬誠及延請念經之田守志三名其傳教

阿渾牛誠功一名乃爲首要犯該犯聞拏逃回靈

州藏匿今據署鎮吳亨衍稟報卽在靈州將該犯



拏獲歸案並於各犯家內起獲經卷傳集老教回民馬生貴李朝善等逐加辨認其中尙無悖逆字句訊明馬養隴馬誠俱係鹽茶回民該犯等刑滅經卷冀復新教誘人延請希圖騙錢本年二月間田守志母故曾請馬養隴等念作四十年經正當鹽茶年歲災歉之際田守志借此事遂致各回民白布數尺爲其母戴孝此固向來回俗如是惟各給在場之人油餅牛肉等食物遂致老教生疑至牛誠功一犯係靈州回民來至鹽茶亦止教讀刑滅新經均無不法別事臣查馬養隴馬誠牛誠

那文毅公二任陝甘總督奏議

卷二十三

五

功等膽敢復倡新教煽惑鄉愚若不從嚴究治勢必如前次之回民爭教釀成大事况鹽茶地方曾因新舊爭教滋事現在正值被旱成災饑民惶惶倘經煽惑大有關係更未便姑容此等奸回在彼勾引致滋他故臣現提案犯解省親自訊辦至延請馬養隴等念經者自不止田守志一人卽牛誠功遊方教經亦必實繁有徒第思一經根究非惟拖累過多且恐回眾驚疑轉非安輯地方之道是以嚴飭印委各員毋得稍事株連臣仍一面多張告示以念誦新教爲首之人業已拏獲餘人均係

無辜斷不株累明白曉諭俾令各安生業毋得疑慮現在閭閻靖謐老教回民亦各安靜堪以上慰聖厯仍俟提到馬養隴等率同司道研審明確另行議擬

奏

聞謹

奏

謹按嘉慶十五年六月十五日廷寄內奉

上諭那彥成奏訪獲新教爲首回犯審辦一摺其倡復新教一案若不從嚴究治恐煽誘聚眾如前次之回民爭教釀成鉅案第過於搜求又不免拖累無辜該督現將

那文毅公二任陝甘總督奏議

卷二十三

三

爲首之馬養隴馬誠牛誠功等犯拏獲其餘從教者出示曉諭不事株連以安人心所辦甚是該督提到馬養隴等詳加審訊後卽定擬具奏

嘉慶十五年七月初五日

奏爲審明鹽茶廳屬爲首回犯並無不法情事酌定

擬具奏事臣前經訪聞鹽茶靈州兩處有倡立新

教之事卽密飭文武各員拘獲爲首之牛誠功等

解省審辦緣由恭摺具奏奉

旨欽遵在案茲據將首犯牛誠功並從犯馬養隴馬誠及

延請誦經之蘇自首田守志五犯解至省城臣當



卽督同司道提犯逐一親加覆鞫緣牛誠功籍隸靈州馬養隴馬誠籍隸鹽茶均係回民自幼習念回教經卷充當阿渾嘉慶十四年十月間牛誠功因家道貧難憶及念誦全經語甚繁瑣且多需時日念經之家支應淨費畏於延請起意將回教三十本經內要語摘減念誦不需時日主家省費可以令人延請多騙銀錢使用遂自靈州來至鹽茶地方商同本處阿渾馬養隴馬誠一樣念誦冀圖傳播收徒歛錢分用十一月十二日有本處回民蘇自首之父病故念過經一次得受布施錢文均分而散又於十五年二月二十三日有回民田守志因伊母故延請念經超度並照依回俗與親朋分給白布油餅牛肉等物牛誠功等得受錢文布疋維時在場回衆聽聞所誦經句與舊不同並議及牛誠功等念經不需時日謝禮不拘多少以致念全部經卷者竟至無人延請是以紛紛謠傳牛誠功等有倡立新教之說查甘省回民襍處人亦衆多自不必更分舊教新教但使安分卽係良民屢次恭奉

那文毅公二任陝甘總督奏議

卷二十三

三

良民毋庸波及以免株連欽遵在案現在牛誠功摘改舊經越境邀同馬養隴馬誠一體照念馬養隴馬誠等甘心聽從雖無不法別情而不守舊規有心立異煽惑人心且甘省回民良莠不一日久信從者衆必致滋生事端未便因其現在不敢供認新教從寬究治以致養癰貽患亦不便株連多人同罹法網有負聖主法外施仁之至意牛誠功一犯請發往黑龍江給兵丁爲奴馬養隴馬誠二犯發往雲南廣西等省酌量定地安插蘇自首田守志二犯雖不知情其不遵舊定章程延請越界教經之阿渾牛誠功念經布施聚衆遂至人心疑惑議論沸騰均請照牛誠功等遣罪上減一等杖一百徒三年到配所折責安置並將各犯原供咨送刑部查核謹

那文毅公二任陝甘總督奏議

卷二十三

三

奏奉  
硃批刑部議奏

嘉慶十五年七月初五日

奏甘肅回民新舊教襍處因利相爭時相攻訐老教以新教會經滋事現奉

功令飭禁往往遇事生風動輒以新教聚衆不法爲詞



挾持許告而新教究有舊嫌雖不敢公然為仇亦已深為飲恨遇有此等案件若置之不問則新教無所儆懼益多傳布持之過嚴亦恐激成巨案惟舊教因其小利必欲盡除新教而後已是以許告無休並且多方激動甚幸其事方足實其言而洩其忿此次牛誠功之案經<sub>臣</sub>訪聞而該回民正在本廳控告因即密委各員迅速查拏審問今據牛誠功等當堂供認新教不諱<sub>臣</sub>以其供詞礙難辦理隨即諭以你們新舊教都係回民官亦不必有所偏袒祇分鬧事與不鬧事新教不鬧事即是

那文毅公二任陝甘總督奏議 卷二十三 三

良民舊教若不安分亦必按法治罪但你們念習新經即係違犯

禁令此時若辨以新教之罪你們當不起且令你們新教回民疑心官有偏袒舊教又添許多訛詐如今你們雖念新經尚無不安本分之事自應遵

皇上屢次恩旨治你們以輕罪等語明白示諭據該犯等叩頭感服俯首無詞<sub>臣</sub>一面將現在擬辦該犯案由明白出示以安人心現在鹽茶一帶地方已獲有透雨民情亦皆安堵新舊教各回民亦知畏懼相安無事仍將該犯等口供密記鈔呈

御覽<sub>三</sub>供內丁姓教主該犯堅供實在不知其名大家總呼為丁教主查丁姓一犯是傳牛誠功經卷之人最關緊要<sub>臣</sub>已密委人時時跟訪統俟秋收散賑人心大安以後務設法拏獲以絕根株所有正摺及口供均照錄供錄敘俱止於按照未經滋事新教之例<sub>詳</sub>亦未明引條例一切斟酌辦理情形理合一併具片據實聲明是否有當伏乞皇上指示施行謹

奏奉

硃批覽

那文毅公二任陝甘總督奏議 卷二十三 三

謹按嘉慶十五年七月初五日奏內

奏查鹽茶回民馬養龐等復倡新教一案業經<sub>臣</sub>提至省城詳細審究並密加查訪備知回民新舊兩教無甚區別惟新教經卷本少科則簡便回民延伊念經花用較省新教一出則延請老教者少以致彼此因利互許實無煽惑鄉愚及圖謀不法情事但攻訐即忿激之漸聚眾乃滋事之原况新教會經滋事若不隨時懲辦則新教日熾老教不服然而查辦過嚴又恐老教首告無休一經辦理不善甚且激成大案此中斟酌斷不敢輕心率辦惟有



督同司道盧吏商權隨時細按情罪妥為分別辦理馬養隴等一案此次已隨報具奏目下新舊各教亦俱安靜無事可以仰慰

聖懷謹

奏奉

硃批覽

嘉慶十六年五月十五日

奏

於上年七月審辦鹽茶回民牛誠功馬養隴等刑

減念誦舊經致回民疑為新教分別定擬並將牛

誠功等供認實係新教經 奏明結案一面密拏

那文毅公二任陝甘總督奏議

卷二十三

五

供出之教主丁姓一犯以絕根株各緣由據實具

奏仰蒙

聖鑒在案

自上年七月以來節次密差幹弁並飭地方

官嚴密訪拏嗣據固原州知州李堯詢面稟訪得

居住丁帽舖地方實有丁姓回民名喚丁札喇一

名年已八十五歲孤貧老病不能動履亦無同居

家屬密訊隣佑回民僉稱丁札喇實係舊教平日

人甚老實委無傳習新經哄誘同教愿具甘結等

供 誠恐有支飾情弊查靖遠協副將吳亨衍係

屬回子諳悉情形復經密囑該副將查訪該回民

既係舊教平日安分守法且老病屬實不能動履實係牛誠功馬養隴等因其不肯隨同新教挾仇誣扳各等語查丁札喇既係安分老教回民自不可查拏致滋疑惑至此外再無傳習新教丁姓之人現在回民均屬安靜地方亦甚靜謐堪以仰副

皇上輯靖回眾至意謹

奏奉

硃批覽

嘉慶十七年三月初一日

奏為審擬怙惡滋事之撒拉爾回民恭摺奏

那文毅公二任陝甘總督奏議

卷二十三

五

聞事竊查西寧地方番回雜處回民之中撒拉爾一種性

尤兇悍非刑律所能懲治久在

聖明鑒照之中茲查巴燕戎格通判所轄之甘都塘撒拉

爾回民馬相伏素性兇橫積憤與訟上年八月因

同莊回民馬老二曾延大通縣回民馬得海在家

治病馬相伏心疑馬得海係新教坐靜馬老二邀

請傳習隨赴臬司呈控移道提訊乃該犯揚言以

馬老二等在道誣供伊為新教欺滅老教遣其子

馬六十三寄信甘都塘回民拉沙爾等向馬老二

家爭辯以伊若不依即行毆搶洩忿拉沙爾聽從



當與同莊回民七木等四五十人齊向馬老一家爭鬧雖無毆人成傷乘勢搶去牛馬等物風聲頗不安靜時臣自京回任尙未抵甘經藩臬兩司酌商臬司積朗阿前往西寧親提審訊嚴行彈壓臣途次聞信隨卽札示臬司以撒拉爾回民族大勢強索性刁蠻此案老教新教虛實未分若逕辦新教人心不安頗有關係若辦馬相伏以誣告恐伊更藉口以官偏護新教則老教必自驚疑從此更易煽惑輕重之際必須斟酌妥辦等語嗣經臬司訊明馬得海馬老二及馬相伏均屬老教並非新

那文毅公二任陝甘總督奏議

卷二十三

三

教實係馬相伏一人從中滋事稟明從寬柳號三箇月杖責發落餘犯分別柳責交與頭人嚴加管束並將所奪牛馬追回給主臣復欽遵

高宗純皇帝諭旨出示曉諭各莊回衆以無分老教新教若安分者卽係良民概置不究若滋事者卽係亂民定加嚴辦等語回衆始行帖服不敢生事臣彼時未卽奏明嚴辦者緣諭知馬相伏刁惡異常其一時附和之回衆均係無知愚民激之恐致生變是以陽示寬縱仍密派線人隨時踪跡詎該犯於結案之後托名各處募化布施又向鐵爾十莊回

民治四十五藉端詐以若不出錢定屬莊民指爲新教治四十五畏誣懼累當給制錢二十一千文隨赴通判衙門呈控又有甘都塘各莊回民七木等以上年曾被馬相伏煽惑隨往馬老一家爭鬧蒙從寬治罪實在感悔現在馬相伏又赴各鄉詐稱教道募化斂錢不得不先行呈明以免後累等情亦赴廳首告臣探訪既真隨密飭遊擊朱保將該犯馬相伏設法擒捕解送到省飭委署臬司嚴煩審擬解勘前來臣親提覆鞫據馬相伏逐一供認嚴加刑訊詰無倡立邪教糾衆不軌等事案無

那文毅公二任陝甘總督奏議

卷二十三

天

通飾查例載糧船水手夥衆十人以上執持器械搶奪爲首照強盜律治罪又律載強盜已行但得財者斬各等語馬相伏一犯除得受治四十五制錢二十一千文計贓二十兩以上照竊盜賊加一等罪止杖九十不議外該犯因懷誣控新教煽惑回民拉沙爾等事幾至煽成事端今既弋獲未便照常例辦理查回民搶奪結夥三人以上例發黑龍江給官兵爲奴今該犯首先啓釁聚衆至數十人實屬不法合依糧船水手夥衆十人以上搶奪爲首照強盜律擬斬立決律擬斬立決恭候



命下卽行正法俾回民均知儆畏以靖邊疆拉沙爾七木等三十餘人聽信馬相伏寄信搶奪均應照例治罪惟先經從寬枷責現復悔罪首告情尙可原且此案從犯人數較多若俱照例究辦誠恐回民過衆未免驚懼惟有仰懇

聖主法外施仁概予免究以安回衆而釋羣疑治四十五訊非新教因畏誣懼累致被馬相伏嚇詐錢文應免置議仍於馬相伏名下追贓入官馬六十三寄信莊民煽惑其衆係由馬相伏主使查馬六十三年未及歲業經罪坐其父亦請免其株連至馬六十三及案內餘人臣仍不時令人察訪倘有不安本分卽行嚴拏究辦斷不敢稍有疎縱謹

奏奉

硃批刑部速議具奏

嘉慶十七年三月初一日

奏馬相伏詭黠積惡實爲撒拉爾中之巨擘自上年發落之後該犯哄誘各莊回民向其挂紅道喜洋洋得意以爲各回民之分別新舊教道彼皆可以操權怙惡不悛頗恃其夥黨聲勢深爲地方之患昨於拏獲之後臣仍差人密訪聞此時各夥黨均皆

那文毅公二任陝甘總督奏議

卷二十三

五

畏懼歛迹又現據巴燕戎格廳營陸續稟報各回

約等紛紛將素不安分之人細獻者甚多刻下地方俱極安謐今將馬相伏照律擬以斬決實屬法無可貸至其子馬六十三寄信煽惑及其黨拉沙爾聚衆搶奪均屬濟惡助勢此二犯仍難寬宥同案內從犯臣現仍密委安人不動聲色跟踪訪查倘稍有不安全本分立卽嚴拏重辦不致留貽餘毒惟本案爲從之回民此時若俱照例查傳取供定擬恐回衆驚疑於地方甚有關係是以臣僅摘提要證赴省審訊餘俱未曾提解一面仍出示安慰人心使各知感

愚畏法不致再生別事所有此案供招請免錄敘咨部謹

奏奉

硃批覽

那文毅公二任陝甘總督奏議

卷二十三

三

那文毅公二任陝甘總督奏議卷二十三



那文毅公二任陝甘總督奏議卷二十四目錄

卷二十四

清查倉庫

茶政

朔方水利

分讞諸獄

那文毅公二任陝甘總督奏議

目錄

十

那文毅公二任陝甘總督奏議卷二十四

男容安恭輯

清查倉庫

嘉慶十六年四月十九日

奏為清查完竣酌擬彌補章程恭摺具

奏事竊照甘省各屬倉庫經前督臣松筠具奏清查欽

奉

上諭甘省倉庫早經有旨查辦今已閱多年尚未彌補足

數此時必須將虧缺實數先行徹底查清著照所請子

限八箇月責成藩司陳祁詳細查明再行核辦欽此嗣

那文毅公二任陝甘總督奏議

卷二十四

一

臣到任復經

奏明將西寧道慶成留甘幫辦茲據該司道等查明通

省虧缺銀糧實數開造款冊分限十年酌擬彌補

章程詳請具

奏前來查口外之鎮西府迪化州等處俱經委員查明

具結並無虧缺外口內各廳州縣截至十五年

底止尚有未歸庫項正襍銀共九十二萬五千七

百二十八兩零又未歸倉糧合算共虧銀二百一

十一萬五千八百八十餘兩內除已經報部核銷

尚未撥給之軍需銀四十一萬五千四百六十四



兩擬請暫行作抵其虧缺倉庫仍先勒限彌補所  
有暫抵緣由現今另片

奏明

聖鑒又提貯糧價及流抵攤銷各項銀六十二萬五千一  
百六十六兩以上計共有抵銀一百四萬六百三  
十餘兩外此外無抵者共銀一百七萬五千二百  
五十餘兩內在甘人員共虧銀六十七萬九千三  
百三兩離甘人員共虧銀三十九萬五千九百四  
十八兩在甘者自應著落本員完繳離甘者照例  
咨追倘咨追無著另由本省接續籌補臣竊思清

那文毅公二在陝甘總督奏議

卷二十四

二

查倉庫既已仰荷

聖恩免其嚴辦尤以截止新虧實籌彌補為要至甘省瘠

苦情形倍於他省久在

聖明鑒照之中現據司道等酌擬分限十年亦屬實在情

形惟是辦理清查往往立限於前又復請展於後

徒事宕延終無實濟現與司道通盤籌畫按州縣

缺分大小定彌補銀數之多寡分年歸還每年

約可補銀四萬兩其衝途小缺實屬無力者於總

督藩司及道府直隸州州縣等養廉內攤扣一成

每年約可補銀二萬兩以上二項每年共彌補銀

六萬兩若就在甘現任虧缺之六十餘萬兩而論

約至十年亦可全數歸款其銀責成藩司隨時提

解扣貯銀則歸庫糧則發買還倉定限每年必須

補銀六萬兩倘有絲毫不足除將本人分別撤回

嚴參辦理外其不足之數即惟藩司是問不准再

行展限似此責成既專庶可嚴期限而免懸宕至

前項彌補銀兩在本省州縣先儘本身之虧缺或

本身無虧者另行代攤前任之無著其咨追外省

之項亦限十年計每年咨追完繳若干由各該省

奏明解甘彙總歸款逾限無完仍由各該省嚴參辦理

那文毅公二在陝甘總督奏議

卷二十四

三

如蒙

俞允本省以奉

旨之日為始外省以准咨之日為始分別彌補追繳倘追

補無完及查出續有新虧者立予嚴參究辦其交

代一切流抵名目永遠概行禁止謹將酌擬彌補

章程另繕清單恭呈

御覽再此案係通省清查自口外至省計程幾及五千里

往返駁查有需時日兼之去歲歉收道府廳州縣

大半查辦賑務以致少有遲延謹

奏



嘉慶十六年四月十九日

奏甘省倉庫虧缺因牽涉從前軍需在內查辦易於混淆現在自應將倉庫軍需劃清方有頭緒而得實虧之數現查各州縣於川楚寧陝西寧各案軍需動用倉庫及自行墊辦已經報部核銷入於交代者計共銀四十一萬五千四百六十餘兩內駁查登答銀八萬二千八百餘兩查倉庫自係倉庫軍需自係軍需原不應率行墊動惟念軍需一時緊急動用尚屬有因况事隔多年人非一任且全案業已報部核銷此時若不准其作抵虧缺似無以

那文毅公二任陝甘總督奏議

卷二十四

四

服人之心然軍需本款向未奉部撥還若遽行開除虧缺則倉庫仍屬懸宕是以臣於清查正摺內奏明將此項四十一萬五千四百六十餘兩作為暫准抵算俟奉撥有款之時另行給還其撥款未到之先仍勒限上緊彌補至此內尚有駁查登答之八萬二千八百餘兩倘奉部續行刪減其不敷抵補虧空之數仍在各員名下分別催追如無着者仍由本省接續彌補附片具奏謹

奏奉

硃批覽

謹將酌擬彌補章程繕具清單恭呈

御覽

一現任在甘人員無論正署各照缺分之大小按年彌補最多者補銀三千兩其次二千兩一千兩先儘本身之虧空次補本缺之無着每年共應補銀四萬兩至大缺州縣自可為前任代補無着其衝途小缺力難兼顧擬於總督藩司道員知府直隸州州縣通省官員養廉內攤扣一成每年共可補銀二萬兩以上每年總共彌補銀六萬兩均責成藩司提解扣貯同咨追外省完解之項隨時記檔

那文毅公二任陝甘總督奏議

卷二十四

五

年終由司詳明總督銀則歸庫糧則發買還倉倘現任不能彌補及續有新虧者分別撤回嚴參治罪

一在甘離甘人員虧缺均勒限十年分別追繳銀數不及千兩者限半年一千兩以上者限一年二千兩以上者限二年四千兩以上者限三年六千兩以上者限四年一萬兩以上者限五年二萬兩以上者限七年三萬兩以上者限十年如逾限無完由本省外省分別奏治罪其離甘人員虧缺仍咨明各該省照限勒追解甘歸款如有無着者仍



由本省接續彌補

一現任在甘人員內如遇推陞及丁憂告病應行離甘回籍之員仍查明該員分限應繳銀數並無短少方准給咨其未完後限銀數仍咨明該員新任及原籍着追倘有現在捐陞離甘者力本有餘應將該員統限未繳之數責令照數全完始准給咨或有叅革病故者其未完之數仍咨明原籍着追一已經離甘人員內如本員現任他省及病痊起復捐復同本員雖故而其子孫現有官職者固應照例咨追至告病病故叅革休致各員虧缺若即照

那文毅公二任陝甘總督奏議

卷二十四

六

無着而論責令現任彌補無以折服其心亦應一律咨追完繳如有實係人亡產絕者准各該省取結咨明本省再由本省接續彌補

一州縣交代流抵如公館鋪墊各款從前既已議明分年攤銷應責令現任照限攤銷歸款流抵衣物如本員在甘者勒令變價歸款不敷之數亦令補交其已離甘者着落該管道府督飭現任變價不敷之數續入咨追又自行修理城垣倉廩衙署監獄流抵交代者准其照限攤銷又流抵長支役食應查明何任長支印着何任賠繳已離甘者照數

那文毅公奏議 卷二四

咨追如有無着再歸現任彌補嗣後一切流抵攤銷名目永遠禁止

一州縣墊報民欠銀糧係因奏銷期限自顧考成起見查甘省河西徵糧最多之州縣歷年民間完納實止十分之六七其他州縣大抵全完甚少各屬自行墊報以民欠流抵交代後任勢難照數徵完徒成懸宕前項墊報應着落墊報之員自行賠補按數分限追完已離甘者歸入咨追如現任有續徵民欠仍應歸還原墊之員以免賠累並責令該管道府嚴加查核嗣後流抵墊報名目永遠禁止違者照例治罪

那文毅公二任陝甘總督奏議

卷二十四

七

一道府直隸州於州縣最為切近平日失察所屬虧空已有應得處分追後置身事外尤難寬恕嗣後所屬如有新虧除着追本員查抄治罪外不敷之數着落該管道員分賠四成知府直隸州分賠六成以嚴責成而示懲儆

一嗣後各州縣應存銀兩提貯道府庫遇有動項預先申移藩司稟明總督方准動用各州縣糧石遇有動放籽口等項責令道府監放就近盤查明白額存若干動放若干現存若干據實具報倘有虧

六九七



缺不行稟明同州縣一體治罪

嘉慶十六年五月初七日軍機大臣字寄奉

上諭那彥成奏具陳甘省彌補章程一摺據稱口外之鎮西府迪化州等處俱經查明並無虧短惟口內各廳州縣截至十五年年底止尚有未歸庫項正雜銀共九十二萬五千七百三十八兩零又未歸倉糧共一百一十九萬一百四十四石零以銀糧合算共虧銀二百一十一萬五千八百八十餘兩內除已經報部核銷尚未撥給之軍需銀四十一萬五千四百六十四兩擬請暫行作抵現於另片奏明又提貯糧價及流抵攤銷各款銀

那文毅公二任陝甘總督奏議

卷二十四

八

六十二萬五千一百六十六兩以上計共有抵銀一百四萬六百三十餘兩外此外無抵者共銀一百七萬五千二百五十餘兩內在甘人員共虧銀六十七萬九千三百三兩離甘人員共虧銀三十九萬五千九百四十八兩均請勒限十年分別追繳等語甘省瘠苦情形倍於他省倉庫虧缺已非一日姑照該督所請准其分限十年掃數追完以清款項惟是清查之法總以截止新虧實籌彌補為最要近來各省督撫往往立限於前及屆期不能全完又復請展於後是名為彌補實啟延宕之端且舊虧未補新虧續增年復一年終無了期成何

事體該省倉庫既以截至嘉慶十五年年底為止即著按限嚴追提貯司庫勿任稍涉延緩至十五年以後倉庫該督尤當嚴飭所屬認真稽察不准再有絲毫虧短倘有前項情事立即嚴叅究辦若該督未能查叅別經發覺除將該州縣治罪外並將該督等嚴辦示懲該督惟當實力奉行勿得視為具文也

嘉慶十六年四月十九日

奏為查明報銷未領及駁查登答不涉交代之軍需銀兩預請刪除以重

帑項事竊照甘省各屬倉庫虧缺經

那文毅公二任陝甘總督奏議

卷二十四

九

旨查明核實彌補現已分晰覆奏外查各州縣於川楚宣陝西寧各案軍需從前動用倉庫及自行墊辦各款查其交代有案業已報部核銷者計共銀四十一萬五千四百六十餘兩內有駁查登答銀八萬二千八百二十餘兩現擬請留暫抵銀糧應俟有款撥給之日再行歸補所有辦理緣由業於清查正摺內附片奏陳

聖鑒至此外尚有未領銀二十二萬九千九百九十餘兩內已奉部准銷銀一十八萬四千四百二十餘兩駁查登答銀四萬五千五百七十餘兩此項銀兩



各州縣均係自行墊辦並未入於交代查其本身名下亦無虧缺倉庫且其中經手人員陞遷事故已離甘省者居多現在甘省者不過十之二三核計報銷登答完竣尙在數年之後彼時銀雖領到已無領銀之人未便含混支給相應先行奏明請旨將此項銀二十二萬九千九百九十餘兩無論在甘離甘各員嗣後均無庸撥還給領以重

帑項而節糜費其先經奉駁登答同現在登答之款如有奉部刪減者仍於現擬請刪銀內劃除作抵以

免追賠而昭公允再各案登答現在俱係尾零其

那文毅公二任陝甘總督奏議

卷二十四

十

中員名款數均極紛隕一時尙難截數結總臣現

飭藩司一面趕造登答俟全案奉部核覆完結後

再將現擬刪除銀兩查明實刪數目分晰造冊另

行咨部查核謹

奏奉

硃批戶部知道

嘉慶十六年五月十一日

奏爲交代倉糧請嚴禁折色之弊以重積貯事竊照州

縣倉庫原應照額實貯遇有交代銀則歸銀糧則

歸糧方可杜挪掩而免虧短查甘省各屬交代銀

糧不分每多淆混并有短缺倉糧以銀折交照依

部價每石交銀一兩之事在短缺之本任或因霉

變折耗或竟虧挪私糶迨至交代以銀抵糧冀可

多得便宜而後任因交盤限迫亦遂徇情接收且

視爲交代成例前任如斯無虞後任之勒措不接

輾轉相沿終無買補還倉之實現在清查辦竣核

計通省應貯糧價共銀四十餘萬兩甚有將糧價

虧缺無存者倉既空而庫亦隨之此皆折色交代

之流弊也查甘省探買定價大路州縣每石不得

過二兩僻路州縣每石不得過一兩七錢惟因地

那文毅公二任陝甘總督奏議

卷二十四

十一

土瘠薄常苦歉收一遇市價增昂州縣探買每石

竟有貴至四五六兩之時較之例價實多不數此

係實在情形臣上年亦經奏明

聖鑒今以交代一兩之部價欲令後任照數買補勢所不

能若任其仍前折交無所底止必至通省倉儲盡

成懸宕邊疆重地儲備攸關不可不嚴絕弊端以

爲經久之計所有清查案內有着之糧價四十餘

萬兩臣現與藩司陳祁悉心籌畫俟年豐糧賤先

發現任州縣陸續買補還倉不敷價值另容設法

辦理外其自嘉慶十六年以後州縣交代倉糧均



責成該管道府嚴加稽察總以本色移交不准再以銀兩折抵倘仍私行抵混除本人按虧空倉糧例嚴叅外該管道府亦一體治罪其河西州縣倉糧無論上色下色亦各照本色交代不准再以上下色通融抵算違者一併嚴叅辦理似此核實交代庶倉貯漸可充盈虧挪無可滋弊至現在實貯倉糧仍飭各州縣加謹收貯倘有私糶盜賣情弊卽照上年叅劾署中衛縣賈炳沙泥州判孫翰章之例嚴行懲辦臣為清查事竣慎重倉儲起見謹奏奉

那文毅公二任陝甘總督奏議

卷二十四

十三

硃批依議辦理

嘉慶十六年五月十一日

奏為應還軍需墊款請於春秋二撥項下陸續留抵以免另撥

帑項以清原墊款銀事竊查甘省各案軍需報銷完竣所有收支總冊經前督臣勒保任內

題銷奉准部覆在案茲據布政使陳祁詳稱查得各案軍需歷年借動司庫兵餉雜款共銀一百八十一萬八千二百四兩零除作正開銷銀一十一萬二千八百三十五兩零已咨部就款開除外尚應請

撥歸款銀一百七十萬五千三百六十九兩零又川楚及西寧番案內各營縣借動倉庫銀糧公項及自行墊辦銀七十九萬九千三百九兩零內除在甘離甘各員自墊未領銀二十二萬九千九百九十九兩零因查與倉庫交代無涉業經

奏明刪除無庸給發外尚應請撥歸款銀五十六萬九千三百一十兩零以上二項共應撥還銀二百二十七萬四千六百七十餘兩內奉部駁查各案俱已陸續登答將次完結惟報銷雖竣而輾轉借動之項迄未歸款查各營兵餉公費及州縣地丁雜

那文毅公二任陝甘總督奏議

卷二十四

十三

款均須隨時支解至司庫應支應發各款尤關緊要歷年以來總因墊用軍需未經歸補每遇支發要款不得不另款墊用支絀異常不惟款目混淆亦且庫項懸宕况前項借動各款屢奉部咨飭令請撥還項自應遵照請撥惟為數較多未便一時全數請

帑查甘省春秋二撥應報銀兩自二三萬至十餘萬不等計每年撥充兵餉尚不敷口內口外餉銀十分之一今酌請將撥冊銀兩留作劃還軍需借動之項俟款項稍清仍將報明停止詳請具



奏前來 臣覆查從前營縣及司庫借墊軍需均係應行撥還之項未便日久懸宕以致倉庫空虛殊為可慮且司庫支放竭蹶動形掣肘今既屢准部咨行令請撥還項自應遵照辦理惟為數較多若請於別省動撥一時亦礙難照辦今據藩司酌擬請將春秋二撥銀兩留存本省陸續劃抵核計每年所劃不過自二三萬以至十餘萬兩不等雖未能即時清款而逐漸可以劃還既免本省請帑之煩又節外省解運之費於營縣及司庫墊款可冀清釐而歸實貯遇有緊要動項緩急亦可有備仍

那文毅公二任陝甘總督奏議

卷二十四

四

俟劃抵清楚亦即報明停止所議似屬可行並咨

明戶部謹

奏奉

硃批戶部議奏

嘉慶十六年九月二十二日

奏為懇請買補常平倉糧以資儲備恭摺奏

聞事竊 臣夏間

陛見曾將甘省常平倉糧缺額過多亟應買補緣由面奏

情形蒙

聖恩允准令補摺具奏茲 臣回任督同藩司陳祁查得甘

省原額通共應貯糧五百九十五萬餘石近年以

來因估撥兵糧及從前軍需各項動用致缺額四

百八十餘萬石之多內河西之甘州涼州寧夏西

寧四府肅安二州計缺額一百九十餘萬石河東

之蘭州鞏昌平涼慶陽四府秦階涇三州計缺額

三百餘萬石邊疆重地儲備攸關不可不亟籌買

補現據藩司陳祁詳稱本年通省秋成尚屬豐稔

糧價日平擬請動撥銀一百萬兩酌量買補請

奏前來 臣覆查前項倉糧缺額過多不惟無以備緩急

且一遇地方歉收採買甚為掣肘即如上年偶值

那文毅公二任陝甘總督奏議

卷二十四

五

偏災仰蒙

聖恩發帑賑恤而倉貯乏糧多以折色散放市糧價昂民

間買食未免仍形拮据即其明証且查河西各屬

現在存糧尚有八十餘萬石至河東則僅有存糧

一十餘萬石額徵較少不敷供支兵糧若以河西

之糧運補河東道里遙遠腳價浮於買價礙難動

撥是河西尚可緩辦而河東接界川陝之處尤為

緊要惟一時請

帑一百萬誠恐動撥較多本年秋成雖已轉歉為豐但

有據報七八九分者亦有不過五六七分者同時



採買亦恐糧少價昂有妨民食臣復與藩司再三斟酌仰懇

皇上天恩俯准在鄰近省分於本年

賞撥銀五十萬兩次年再撥銀五十萬兩分作兩次陸續

撥發甘省採買照例每石大路不得過二兩僻路

不得過一兩七錢計可買糧五十餘萬石擇其糧

少而至要之地先行買貯撥補常平缺額尋常年

分不准動用偶遇查辦賑卹及實在糧貴之年查

明方准動撥仍即照數買補還倉毋許短缺滋弊

如蒙

那文毅公二任陝甘總督奏議

卷二十四

六

俞允於地方要務方能有備再十七年估支不敷兵糧另

容查明照舊請買謹

奏

嘉慶十六年十月十二日奉

上諭那彥成奏請撥銀買補常平倉糧一摺甘省因估撥

兵糧及從前軍需各項動用常平倉糧缺額甚多未經

補足本年該省秋成豐稔自應及時買補著戶部在於

鄰近省分先撥銀五十萬兩解赴甘省交該督酌撥各

州縣按照例價買補倉糧該督仍當嚴密查察務令倉

歸實貯並嚴禁吏役人等不得苛派商民致滋擾累

嘉慶十七年十二月十六日

奏為甘省清查已逾一年查明彌補銀數有盈無絀恭

繕具摺奏

聞事竊照甘省各屬倉庫虧缺銀糧前經臣具陳截至十

五年年底止除已經報部核銷之軍需四十一萬

餘兩及提貯糧價各款有抵銀六十二萬餘兩外

此外無抵者共銀一百七萬五千餘兩內在甘人

員共虧銀六十一萬九千餘兩離甘人員共虧銀

三十九萬五千餘兩均請勒限十年彌補本省以

奉

那文毅公二任陝甘總督奏議

卷二十四

十七

旨之日為始外省以准咨之日為始分別彌補追繳奏蒙

聖鑒准限十年掃數追完以清款項欽此欽遵在案又酌

擬彌補章程內開現任在甘人員無論正署各按

缺分大小按年彌補先儘本身之虧空次儘本缺

之無着其衝途小缺力難兼顧擬於通省養廉內

攤扣二成彌補以上每年總共彌補銀六萬兩計

期至十年本省虧缺之六十萬兩可以全行清完

等因亦在案茲據署藩司德克精阿詳稱自嘉慶

十六年五月二十日奉

旨之日起至十七年五月二十日止已屆一年限滿茲截



至十二月初九日止統計一年零六箇餘月查明  
在甘現任候補各員分限應繳本身虧缺銀兩及  
軍需劃抵並按缺彌補及攤扣二成養廉等項通  
共彌補銀二十萬八千六百二十一兩二錢三分  
一釐六毫業經提解司庫臣覆查無異理合具陳  
謹

奏奉

硃批知道了

嘉慶十八年二月十六日

奏查新任藩司何銑約計二月底三月初方能到任現

那文毅公二任陝甘總督奏議

卷二十四

六

在正值年例奏銷經臣督率署藩司平慶涇道德  
克精阿逐件辦理惟是藩司爲錢糧總匯頭緒繁  
多新任藩司到任一兩月內恐不能遽然明白清  
楚且現在採買常平倉糧撥運省城存貯糧石均  
係該署藩司一手經理之事臣擬令該道於交印  
後照例接本任平慶道印仍留省城將藩司事務  
逐件協理統俟奏銷採買完竣撥運糧石辦有頭  
緒後再令回固原本署至前奉

廷寄令清查各省彌補銀兩齊全之後奏請

欽派大臣查驗查甘省上年彌補銀二十萬八千餘兩均

係署藩司德克精阿辦理亦經臣親自查驗具奏  
在案所有銀兩現均存貯藩庫臣擬令新任藩司  
何銑到任交代時親加秤驗於奏報到任摺內將  
此項另作一款專片附奏要款既能清楚以後均  
能照此辦理不必俟十年期限便可彌補全完亦  
爲有益謹

奏

嘉慶十八年四月初二日

奏爲遵

旨恭繕具摺覆

那文毅公二任陝甘總督奏議

卷二十四

五

奏事嘉慶十八年三月十八日摺弁旋甘接奉軍機大

臣字寄三月初二日奉

上諭據那彥成奏稱甘肅上年彌補銀二十萬八千餘兩  
均係署藩司德克精阿辦理經該督查驗存庫擬令新  
任藩司親加秤驗將此項另作一款專片附奏以後均  
照此辦理不必俟十年限期便可彌補全完伏乞訓示  
等語所奏殊不明晰無可訓示甘省應行彌補銀兩共  
係若干原定限期是何年限其所稱上年彌補銀二十  
萬八千餘兩統前計算已完若干未完若干照上年章  
程辦理不須十年究竟幾年即可彌補全完著該督再



逐一查明分晰聲敘據實具奏俟奏到時再行諭示其所奏令德克精阿接本任道篆暫留省城幫辦藩司奏銷採買撥運事竣再回固原道署之處著照所請行欽

此<sub>臣</sub>伏查甘省各屬倉庫虧缺銀糧前於十六年

夏間清查案內經<sub>臣</sub>具陳統計無抵銀一百七萬

五千餘兩除離甘人員虧銀三十九萬五千餘兩

分別在於別省勒追外在甘人員共虧銀六十七

萬九千餘兩每年酌擬彌補銀六萬自十六年五

月起限期十年可以全行清完具奏旋奉

俞旨責成<sub>臣</sub>上緊辦理准限十年掃數全完欽此欽遵在

那文毅公二任陝甘總督奏議 卷二十四 三

案<sub>臣</sub>於上年年底曾將甘肅本省彌補自嘉慶十

六年五月奉

旨之日起截至十七年十二月初九日止統計年半共追

完銀二十萬八千餘兩核明依限彌補有盈無絀

據實具奏亦在案查甘肅本省應追六十七萬餘

兩當時奏請十年彌補全完每年約計可得六萬

餘兩實以甘肅為瘠苦之區全仗年歲年歲若好

方能彌補故不得不寬為期限又藩司為錢糧總

匯一切查扣追提均須賬目款項清楚又能潔已

奉公不避嫌怨方可迅速彌補新任藩司何鈺初

莅甘肅其彌補事務若能照上年辦理不必俟十

年限期即可掃數全完此次具奏令新任藩司親

查特奏銀數既歸實落且令該員知己奏明

聖鑒則責成愈專上緊遵辦庶款項得早清全<sub>臣</sub>實為迅

速彌補虧缺起見是以專片附奏茲奉

垂詢合將清查年限及上年彌補數目遵

旨分晰聲敘繕具覆奏謹

奏奉

硃批知道了

嘉慶十八年正月二十七日

那文毅公二任陝甘總督奏議 卷二十四 三

奏為籌撥附近倉糧運貯省城以資儲備事竊照蘭州

為西疆重地其兵備倉儲均宜隨時預籌<sub>臣</sub>於十

六年秋間曾將甘省常平倉糧缺額過多亟應買

補緣由奏蒙

恩允撥銀五十萬兩酌發各州縣按照例價買補倉糧在

案現據各屬陸續報到將次採買完竣除俟查明

另行具奏外惟省城商賈雲集五方雜處食口既

多生計極繁阜歲有額征尚不敷供支督標各

營糧料每歲猶需採買估撥以應兵糶而省城以

內又無蓋藏富戶以目今而論城中竟無十日儲



備之糧是方今政務實無要於此者臣自到任以來卽切切以此爲至計現在糧價較他處爲昂若照市價採買縣官賠累勢有不能實發官價又恐苦累閭里而又不能坐視省城空虛不爲之盡心籌辦臣與署藩司德克精阿署臬司嚴烜再四熟商惟有從附近省城州縣查其倉貯充裕者通融撥運或十萬石或五萬石由鎮番武威等處酌量多寡分別動撥轉運則交署藩司德克精阿一手辦理收貯則交署臬司嚴烜加謹永遠封貯不許擅自通融挪動以備不時急需設遇旱澇歉收應

那文毅公二任陝甘總督奏議

卷二十四

三

須隨時接濟之事亦必由總督奏明方准動用查從前撥運過鎮番糧石其例價運脚每石准開銷銀九錢八分八釐實不敷銀七錢有零武威糧石例價准銷七錢有餘亦不敷七錢有零

國家經費有常斷不敢率請例外加增惟有仰懇

天恩俯念省城儲備緊要准其開銷例價所有不敷之七錢有餘運脚仍請暫借司庫閒款墊發卽在通省養廉內攤捐於三年內彌補全完臣爲省會重地倉貯充實有備無患起見謹

奏奉

硃批照所請行該部知道

那文毅公二任陝甘總督奏議

卷二十四

三



茶政

嘉慶十七年九月十二日

奏為庫貯茶封陳積酌請全徵折色恭摺奏

聞事據藩司陳祁署蘭州道龍萬育詳稱甘省每年額設

茶引二萬八千九百九十六道每引例徵官茶十

封從前定以二成本色八成折色徵收乾隆二十

七年經前督<sup>臣</sup>楊應琚以陳茶壅積

奏明全徵折色嗣於乾隆三十四三十六四十二等年

或以二成本色八成折色徵收或以一成本色九

成折色配交均經

那文毅公二任陝甘總督奏議

卷二十四

五

奏准遵行在案查商交官茶原為新疆搭放兵餉及賞

給土爾扈特等處番眾而設茲查庫貯茶封除撥

運外現存一十五萬二千七百餘封足敷撥運新

疆數年之用若不預為籌議則每年徵收一成本

色陳陳相因難免壅滯霉變今據總商稟請仿照

乾隆二十七年之例暫且停徵本色每引全以三

兩折色交納等因<sup>臣</sup>查甘省額徵官茶向來或全

徵折色或以本折配交俱視庫貯之多寡為准隨

時變通原無定制茲庫貯茶封現在遞年陳積自

應仿照前辦之例停徵本色俾無霉變之虞查十

七年茶引例於十九年徵課應請自十七年為始

暫停交納本色每引全以折色三兩徵收其現貯

茶封每年按口所需多寡遞年撥運俟撥運將完

如新疆需用茶多仍須本折配交再行酌核

奏明辦理庶庫貯茶封不致陳積而新疆撥運亦可有

備無缺謹

奏奉

硃批該部議奏

那文毅公二任陝甘總督奏議

卷二十四

五



朔方水利

嘉慶十六年十二月初三日

奏為寧夏渠工急需修理循例懇請借項興修恭摺奏  
聞事竊照寧夏全郡民田惟賴各渠導引黃流分支灌溉  
查該府屬之寧夏寧朔平羅三縣向設

大清及漢延唐來惠農昌潤五渠又靈州中衛縣地方亦  
有秦渠七星等渠每年春濬原係民捐民修官為  
督辦乾隆四十二年因各渠冲刷較重民力不能  
自辦曾經借動司庫銀八萬五千兩興修一次又  
於五十一年借動銀三萬六千二百餘兩續修一

那文毅公二任陝甘總督奏議

卷二十四

三

次均經奏蒙

恩准所借銀兩在於各戶民名下分作八年徵收均已歸  
款報部在案歷今二十餘年黃水冲刷日甚堤岸  
大半潰裂淤墊日深民田難資灌溉以致連年收  
成歉薄民力資形拮据茲據寧夏道蘇成額轉據  
各渠民紛紛具呈以民力不能修辦懇請照例借  
項趕修分年征還由該道勘明具詳臣隨與署藩  
司積朗阿悉心籌議該處渠水實為全郡民田根  
本且上屆借項修理之後又歷二十餘年若不亟  
籌修理則冲刷淤墊日甚一日於民田水利殊有

關係但需費繁多民力斷難自辦自應照例官為  
借給於來春趕緊興修惟是司庫現在經費不足  
若照乾隆四十二年借領八萬五千兩之數未免  
過多如照五十一年借領三萬六千二百餘兩之  
數又不敷用茲酌擬於司庫籌款銀六萬兩擇節  
辦理仍分作六年徵還歸款以紓民力庶幾渠工  
可資鞏固農民咸沐

恩慈實與民田水利均有裨益現據署藩司詳請具  
奏前來臣仍遵委大員前往覆勘核辦謹  
奏奉

那文毅公二任陝甘總督奏議

卷二十四

三

殊批依議辦理



分讞諸獄

嘉慶十五年四月二十六日

刑部 奏

奏為秋審人犯經原問官訪聞案情未確預先檢舉一案又秋審過堂翻異原招一案前後兩起均應於題本內扣除另須審擬緣由恭摺

聞事竊 於進關途次接見候補知州普寶稟稱前署岷州知州任內承審岷州人犯呂貴箇一名原辦供招係查知張五狗與伊妻章氏通姦砍傷張五狗身死照例擬絞監候已奉准部覆應入本年秋審

那文毅公二任陝甘總督奏議

卷二十四

三

茲卑職訪聞張五狗雖與章氏有姦而受傷致命係由曹遂成子商同該犯呂貴箇共砍身死後經曹遂成子賄囑呂貴箇一人承認查此案所關罪名出入甚大今既訪得實情不敢不據實預先檢舉並據前署臬司慶燧具稟情節相同請提集原案人証另行審訊各等情 恐訪聞未確反增拖累隨委蘭州道嚴煥前往岷州就近查訊嗣據該道訊明曹遂成子張五狗均與呂貴箇之妻通姦呂貴箇惟查知張五狗與伊妻有姦約同曹遂成子往毆洩忿未過中止曹遂成子旋因向張五狗

奏

索欠被毆商同呂貴箇同往幫毆致將張五狗共砍殞命曹遂成子畏懼央王興隆說給呂貴箇大錢十五千令其一人認罪呂貴箇隨即應允捏供查知姦情砍傷身死等情具稟前來 細核案情或係呂貴箇縱容通姦或係曹遂成子妬姦起衅均屬此案緊要關鍵自應提集人証訊取姦婦章氏確供質明定擬以成信讞但章氏現在患病未能即時到案飭令臬司積朗阿一俟該犯病痊即行提省 督同司道虛心研鞠核擬具

那文毅公二任陝甘總督奏議

卷二十四

三

又一起係甘省本年秋審過堂時有玉門縣絞犯朱殿舉一名原招內開該犯因向祁芝峯索欠爭鬪被其跪壓情急用刀戳傷祁芝峯殞命定擬緩決在案今據該犯朱殿舉供稱伊並未將祁芝峯戳斃係祁芝峯自種傷痕身死被祁華峯誣告逼認等語核與原招大相懸殊查該犯屢經勘訊供認明白何得遽行圖翻再四嚴詰仍執翻不移雖係一面之詞難以憑信然案關出入死罪是否原審未確抑係該犯恃無質証狡展妄翻自當徹底根究現亦飭令臬司積朗阿將案內人証速提來



省<sup>臣</sup> 卽督同司道各員上緊嚴審定擬另行奏

聞仍可趕入本年秋審不致有悞除將此二案於

題本內分別扣除外謹將原審官檢舉一案並秋審翻

異原招一案各情節先行恭摺具

奏再查定例秋審

題本於四月十五日以前具題今因兩案人犯既須另

審兼因岷州呂貴箇一犯往返傳質提審致逾

題本限期謹

奏

嘉慶十五年五月十六日軍機大臣字寄奉

那文毅公二任陝甘總督奏議

卷二十四

三

上諭那彥成奏秋審人犯內有原問官訪聞案情未確預

先檢舉及過堂翻異原招兩案請於題本內扣除另行

審擬一摺據稱岷州絞犯呂貴箇因查知張五狗與伊

妻章氏通姦砍傷張五狗身死照例擬絞監候旋經原

問官前署岷州知州普寶訪聞張五狗雖與章氏有姦

而受傷致命係由曹遂成子商同呂貴箇共砍身死賄

囑呂貴箇一人承認又玉門縣絞犯朱殿舉因向祁芝

峯索欠爭毆傷祁芝峯殞命定擬緩決該犯於過堂

時翻供係祁芝峯自種傷痕身死被祁華峯誣告逼認

各等語此二案關係罪名出入該督自應虛心研鞠務

得確情另行核辦現在秋審屆期除此二案暫行扣除

另辦外其餘各案著速行具題勿再遲緩該督將此二

案審明後卽行定擬奏聞仍趕入本年秋審毋致遲悞

嘉慶十五年七月二十三日

奏爲秋審人犯經原問官訪聞確情檢舉審明定擬事

竊查岷州人犯呂貴箇聽從曹遂成子共砍張五

狗身死該犯受賄一人承認一案經<sup>臣</sup>將原問官

預先檢舉緣由恭摺具

奏奉

旨審明後卽行定擬奏聞欽遵在案茲據委員蘭州府知

那文毅公二任陝甘總督奏議

卷二十四

三

府楊祖淳率同狄道州知州趙宜暄審擬由藩臬

兩司及蘭州道會勘詳解前來<sup>臣</sup>仍督同該司道

等逐加研審緣呂貴箇籍隸岷州本姓張係呂三

和自幼抱養義子卽從其姓娶妻章氏呂三和向

在洮州打鐵營生呂貴箇時常入山砍柴燒炭爲

業與同莊曹遂成子及鄰莊已死張五狗常相往

來均與呂貴箇之妻章氏見面不避嘉慶十二年

八月內張五狗先與章氏調戲成姦並未資給錢

物十三年正月曹遂成子送給章氏大布二尺亦

與章氏調戲成姦呂三和呂貴箇俱不知情是年



二月間曹遂成子復赴章氏家內欲圖續舊適張五狗踵至曹遂成子因素知伊與章氏先已有姦即向索討舊欠錢文藉詞吵嚷張五狗生氣撲毆曹遂成子畏其力大未敢爭鬪隨即奔回二月底本夫呂貴箇自山回家風聞伊妻章氏與張五狗有姦究出實情將章氏毆打禁止往來並向義父呂三和告知均因醜事隱忍該犯曹遂成子慮恐撞遇張五狗爭鬪亦久未赴氏家至四月內曹遂成子路經章氏門首章氏即將伊與張五狗姦情被伊夫聞知毆打禁絕情由向告令曹遂成子速去以免惹事曹遂成子當即回歸憶及張五狗爲人強橫且因其姦情敗露致章氏將伊拒絕心懷忿恨即欲將張五狗致死嗣於六月十五日張五狗欲圖續舊復至章氏門首見門關閉隨拾石擲打房上章氏聽聞出視張五狗詢其翁夫在家與否章氏告以姦情業已敗露囑勿再來張五狗仍復纏擾章氏喊罵經鄰人王新房成將張五狗勸回是晚呂貴箇自山砍柴回家章氏訴述前情呂貴箇氣忿莫遏隨即找見曹遂成子將張五狗同伊妻章氏有姦及拒絕後復來纏擾緣由告知約

那文毅公二任陝甘總督奏議

卷二十四

三

其幫毆洩忿曹遂成子當即應允同往找尋張五狗未遇各歸曹遂成子回至自己門首撞遇張五狗復向索討前欠反被毆經李三官喜勸散曹遂成子益加氣忿十六日早曹遂成子見張五狗在張家河沿撈木起意找同呂貴箇幫毆將張五狗致死洩忿當即回至街前找見呂貴箇告知昨夜向張五狗索欠反被毆忿恨難忍商同將其毆死彼此出氣呂貴箇畏懼人命到官受罪曹遂成子又告以張五狗現在河沿撈木致斃後將屍丟入河內滅跡可保無事呂貴箇允從回家擊取柴刀曹遂成子攜帶木棍一同前往順河追及呂貴箇從後將張五狗背負木頭扯落地上張五狗轉身喊罵曹遂成子左手揪住張五狗髮辮右手舉棍欲毆張五狗即用左手將棍拉住右手在頭招護呂貴箇乘勢用刀背毆打張五狗右手腕曹遂成子撩棄木棍雙手將張五狗髮辮緊往下揪按呂貴箇又在張五狗腦後連砍兩下張五狗力掙頭仰曹遂成子放開右手奪過呂貴箇柴刀連砍張五狗偏左左額角兩下張五狗倒地擦傷右額角立時殞命正欲棄屍河內適見有人來至

那文毅公二任陝甘總督奏議

卷二十四

三



林邊地內看麥隨各走避林內未敢移屍曹遂成子欲圖卸罪即以事若敗露呂貴箇係屬本夫因姦殺死罪當輕減商懇呂貴箇一人承認出首殺姦呂貴箇未允邀令同逃是夜住宿空窰將兇刀埋在窰內次早同逃路經僻處撞遇王興滙見二人形色慌張當向查問曹遂成子因係親誼至好隨將商同砍死張五狗實情並求呂貴箇以本夫殺姦一人頂認因其不允始行同逃恐逃往前途被獲罪均不免等語告知復懇王興滙代為說合呂貴箇令其多幫錢文曹遂成子許給制錢十五

那文毅公二任陝甘總督奏議

卷二十四

審

千文呂貴箇應允頂認該犯遂自行投約認報經前署州普寶驗訊呂貴箇挺身供認聞姦起衅砍傷身死各情該署州隨將呂貴箇照捉姦已離姦所非登時殺死不拒捕姦夫例擬絞監候由府司勘轉審

題已准部覆在案迨後曹遂成子恐事洩漏隨將所許錢文如數付交呂貴箇收受即出外覓食再未前至章氏家內續姦嗣據前署州普寶訪聞實情具稟檢舉並經署臬司慶旻稟報相同經飭委蘭州道嚴煊馳往查訊行提犯証到省檄委蘭州府

等先行確審茲據訊擬由司道解勘前來督同研審各供前情不諱再三究詰矢口不移案無遁飾查例載捉姦已離姦所非登時殺死不拒捕姦夫者照罪人不拒捕及已就拘執而擅殺律擬絞監候若雖係捕獲姦夫或因他故致斃者仍以謀故論又律載謀殺人造意者斬監候從而加功者絞監候又例載奸徒得受正凶賄賂挺身到官冒認致脫本犯罪名者若正犯放而還獲頂凶之犯照本罪減一等問擬其行賄之本犯原犯應入情實者擬為立決代為說合過錢者減一等又受賄頂

那文毅公二任陝甘總督奏議

卷二十四

審

凶之案已經招解如係同案之犯代認重傷致脫本犯罪名者減正犯罪一等定擬又軍民相姦者姦婦枷號一箇月杖一百各等語此案曹遂成子因妬姦蓄謀殺害隨挾索欠被毆之嫌商同呂貴箇將張五狗致死復起意賄囑頂凶幾至倖逃法網實屬凶狡不法曹遂成子一犯合依謀殺人造意者斬監候律擬斬監候秋審應入情實係行賄本犯照例擬斬立決先行刺字呂貴箇始則聞姦隱忍已無義忿之激迨後尋毆未遇忿氣亦已平息惟因曹遂成子挾嫌謀殺商允同行既非該犯



專意殺姦且復受賄捏情頂罪核與他故致斃姦夫者無異自應仍以謀殺論呂貴箇一犯除受賄頂凶例止杖流輕罪不議外應照謀殺人從而加功者絞監候律擬絞監候秋後處決惟查死者究係姦淫伊妻罪人情尚可原應請入於緩決以示區別王興隆訊未教誘亦未過錢惟已代為說合應照例於曹遂成子斬罪上減一等擬杖一百流三千里到配折責安置呂章氏因伊夫呂貴箇當官供認自行砍傷張五狗身死並不知曹遂成子商同謀殺賄囑頂凶情事無從供証至應科犯姦

那文毅公二任陝甘總督奏議

卷二十四

妾

柳杖罪名係在嘉慶十四年正月初一日

恩詔以前業已接到部覆准予寬免應毋庸議鄉約王明貴雖據呂貴箇投首報官亦不知曹遂成子謀殺賄囑頂凶情事惟失於查察究屬不合應照不應重律杖八十折責革役呂貴箇收受賄錢照追入官張五狗借欠錢文業經身死呂章氏所得大布二尺訊已無存均免追徵無干省釋所有此案先未審出實情嗣經自行訪聞據實檢舉職名係前署岷州候補知州普寶相應隨案附參全案供招咨部謹

奏奉

硃批軍機大臣會同行在刑部速議具奏

嘉慶十五年七月二十三日

奏為秋審人犯翻異原招審明定擬事竊查玉門縣人犯朱殿舉穢傷祁芝峯身死秋審過堂翻供一案前經將該犯朱殿舉於秋審本內扣除另審緣由具奏奉

旨審明後即行定擬奏聞欽遵在案茲據委員蘭州府知府楊祖淳審擬由藩臬兩司及蘭州道會勘詳解前來仍督同司道等逐加研審緣朱殿舉籍隸玉

那文毅公二任陝甘總督奏議

卷二十四

妾

門縣與武生祁芝峯素好無嫌嘉慶十二年五月內祁芝峯借欠朱殿舉銀十二兩屢討未償十三年八月初六日朱殿舉路經祁芝峯門首撞遇祁芝峯向索前欠祁芝峯以其清晨索欠不近情理出言呵罵朱殿舉回詈祁芝峯向前撲毆朱殿舉畏其力大跑避出城祁芝峯趕至城外龍王廟前彼此揪扭祁芝峯左手揪住朱殿舉胸衣仰面推倒跪壓身上舉拳毆打朱殿舉負痛情急順拔身佩小刀向上嚇扎適傷祁芝峯肚腹微右倒地朱殿舉畏懼奔回祁芝峯隨後掙起緩行至城內向



堆房兵丁郎珍投稱伊被朱殿舉清晨到門索欠扎傷肚腹適伊弟祁華峯找至祁芝峯已懸倒在地問不言語隨央同堆兵郎珍拾回救治罔效移時殞命投約報縣驗訊堆兵郎珍即照祁芝峯投稱朱殿舉到門索欠被扎之語供証祁華峯因聞伊兄曾在門首吵嚷不知復至城外毆扎情形亦供稱門首被扎該犯朱殿舉恐供情不符致干刑訊即隨同供認並未將城外扎傷情由說出經縣填圖錄供通詳覆訊無異將朱殿舉招解赴州伊兄把總朱殿魁出城送別適值護解兵役在店打

那文毅公二任陝甘總督奏議

卷二十四

天

尖朱殿舉將實係在城外毆扎無人看見等情私向朱殿魁告知朱殿魁當以既無見証何不供說祁芝峯死係自戕可脫重罪等語潛向計議旋經兵役催車前進迨後由州招解到司該犯即翻異原招供稱祁芝峯係自戕斃命經臬司委員提集犯証質訊仍與原審無異照擬勘轉由司詳解秋審具

題因該犯係口外重犯照例留禁省監十四年十一月內朱殿魁赴省領餉順便入監探視朱殿舉告以因無自戕証據不能翻案緣由朱殿魁當以兵丁

陳萬孝平素相好可以賄囑証証候回家籌辦等語向朱殿舉商及旋經禁卒隄防而出朱殿魁回歸復經伊母日夜啼哭令其設法將朱殿舉解救朱殿魁無奈即喚陳萬孝至家許以資助囑令証証陳萬孝懼罪未允詎朱殿舉私揣陳萬孝証証之言諒已商妥遂於本年秋審時捏供祁芝峯係自種傷痕身死被祁華峯誣告通認等情翻異當經<sub>臣</sub>等嚴細審訊該犯即指伊兄朱殿魁及營兵陳萬孝為証當即檄提各人証來省逐加質訊陳萬孝將朱殿魁囑令捏情証証未允原委一一供

那文毅公二任陝甘總督奏議

卷二十四

天

吐不諱該犯及朱殿魁俱俯首認罪不能再置一辭并將從前止認在門首扎死及實係龍王廟前扎死各情供出仍堅供并無同謀共毆情事加以刑嚇矢口不移查該犯朱殿舉誤恃証証敢於秋審翻供希圖脫罪自應加重問擬惟原犯係索欠被壓寧毆情急嚇截一傷至其秋審翻供係誤聽伊兄朱殿魁指使非自行蓄意狡脫應請仍照原擬依圖毆殺人者不問手足他物金刃並絞律擬絞監候秋後處決仍入本年秋審緩決朱殿魁身為營弁不知奉公守法雖因救弟慰母情尚可原



而起意串囑証欲令翻異事雖未成惟朱殿舉  
秋審翻供實因其入監探視商及囑人証証以致  
又復拖累多人朱殿魁應請比照獄囚已招伏罪  
本無冤枉而囚之親屬妄訴者罪止杖一百律擬  
杖一百係私罪照律革職離任營兵陳萬孝既未  
受賄聽囑証應與不知祁芝峯在城外被戮之  
屍弟祁華峯堆兵即珍均免置議玉門縣從前籍  
差解審之兵役以及上年派在省監禁卒人等並  
未嚴加防範以致朱殿魁先後與囚商謀致令翻  
供均屬不合飭令營縣查明分別按律責革示懲

那文毅公三任陝甘總督奏議 卷二十四 單

所有未經審出朱殿舉在於城外戮傷祁芝峯實  
情各官亦合附奏容俟查取職名另咨核議全案  
供招咨部謹

奏奉

硃批刑部議奏

嘉慶十七年正月初三日

奏為審擬挾嫌故殺之凶犯因該犯係屬瘖謹改題  
為

奏以昭慎重事嘉慶十六年閏三月初五日據秦安縣  
知縣繆景勳通報客民朱雙八兒勒死胡道士即

胡小七一案查朱雙八兒係屬瘖吧<sub>臣</sub>以該犯在  
縣供認恐有不實情事當即提解至省委前署蘭  
州府知府貴德同知嵇承裕現任蘭州府知府楊  
祖淳等審明定擬由署臬司嚴煊勘轉前來<sub>臣</sub>因  
瘖吧供詞僅能指畫作勢案關故殺其中或有屈  
抑抑別有同謀加功之人不可不詳細推求以重  
人命當經督同臬司首府節次親訊緣朱雙八兒  
籍隸靜海州自幼瘖與堂兄朱全均係傭工度  
日已死秦安縣民胡道士即胡小七與朱全等平  
素熟識胡道士因有跛疾在縣屬普照寺出家充

那文毅公三任陝甘總督奏議 卷二十四 單

當住持嘉慶十六年二月十六日朱全偕朱雙八  
兒路經秦安曾在胡道士寺中借宿一次二十日  
朱雙八兒獨向借住以便尋工胡道士不允經寺  
鄰黃思誠等勸其留住逐日就近傭工晚間回寺  
與胡道士同炕住宿胡道士心生憎厭時加斥謔  
嗣該犯借給胡道士制錢一百五十文累索無還  
胡道士反行噴罵又經黃思誠等解勸而散三月  
初四日二更時該犯從鄰莊工竣回寺敲門胡道  
士開門斥罵并用拄杖戮傷其右眼倒地又毆其  
右腿一下該犯忿忿跟隨進寺胡道士上炕欲睡



該犯亦上炕躡卧胡道士攆往佛殿歇宿將該犯推跌炕下該犯氣忿隨起立炕前手毆胡道士左肩甲一下胡道士順取腰繫線帶套勒該犯頸項該犯奪帶回套胡道士頸項拉跌下炕仰卧在地該犯隨壓騎身上一時忿恨即將帶頭挽勒胡道士大聲喊救手足掙動該犯復拳毆胡道士唇脣將帶緊勒因其不死又用帶頭連繞三匝隨繞隨勒胡道士立時殞命該犯開門欲逃見廊下晾放衫褲二件隨手攜取因寺外鄰人聞聲圍住寺門敲門甚急當即越牆奔逸時鄰人黃思誠馬楊氏蘭驢兒等赴寺趨救該犯絆跌倒地即時捕獲投約報驗提省審訊不諱詰非圖財謀害亦無同謀加功之人再三研鞫該犯比學形像歷歷如繪口音尙有一二字可辨雖啞者多聾其耳亦不至一字無聞且當鄰人趨救時目擊越牆奔出者實止該犯一人並無同夥又當時驗明所取衣褲委係胡道士生前之物情節均屬確鑿其為該犯一人致死已無疑義查律載故殺者斬監候又例載殺人後見有衣物乘便取去者將所得之財倍追給主仍各依本律科斷各等語此案宋雙八兒借住

那文毅公二任陝甘總督奏議

卷二十四

聖

胡道士寺內因屢被僧厭毆曾胡道士取帶向勒該犯奪帶將胡道士勒斃實屬逞忿故殺宋雙八兒一犯合依故殺者斬監候律擬斬監候秋後處決照例先行刺字所取衣褲於犯屬宋全名下照估追銀同原贓並發尸親具領黃思誠等趨救不及應請免議謹

奏奉

硃批刑部議奏

嘉慶十七年十一月十三日

奏為審明因姦毆斃胞叔情有可矜恭請

那文毅公二任陝甘總督奏議

卷二十四

聖

聖明指示事據宜州知州王瑞萼詳報民人李月娃因胞叔李補強姦伊妻葉氏未成用斧背毆傷李補身死一案當即行司提犯至省飭委署蘭州府知府黃方撫彝通判延桂署臬蘭縣知縣李醇和嚴究審訊由署臬司蘇成領定擬解勘前來臣親提覆鞫緣李月娃與胞叔李補同居度日李補平日凶橫人皆畏懼嘉慶十六年十一月及本年二月間李補屢次調姦伊族婦陳氏陳氏氣忿不過曾赴李補家跳崖拚命族眾皆知本年六月二十七日李月娃出外傭工遺妻葉氏在家獨處葉氏造飯



適李補歸家赴厨喫菸手拉葉氏胎膊調姦葉氏  
摔脫逃至鄰人李張氏家躲避李補亦即出外起  
更後李月娃回家葉氏亦即回家向伊夫訴明叔  
翁調姦情由李月娃因係胞叔反勸葉氏以叔翁  
醉酒此係家醜不必聲張但囑其留心防備是晚  
李補未回次早李月娃復赴鄰莊傭工早飯後葉  
氏在院劈柴李補進院復扯葉氏胎膊許給衣物  
圖姦葉氏掙扎喊嚷李補左手捏住該氏胎膊右  
手拔出身佩小刀嚇逼葉氏畏懼因詭稱進窰同  
睡李補釋手後葉氏乘空逃跑李補即持刀追趕

那文毅公二任陝甘總督奏議

卷二十四

四

葉氏恐其趕上殺害哭喊急跑到李創周場內  
李補瞥見李創周等在場打麥始行折身回家李  
創周同僱工李林李大城向葉氏查問葉氏哭述  
前情並央李創周找回伊夫李月娃回歸李創周  
前往找獲備說前情李月娃意欲躲避李創周詢  
及伊妻作何安處李月娃始回向葉氏問明強姦  
情事葉氏聲言被伊叔作踐不能活命李創周李  
林李大城令其向李補講理李月娃聲言伊叔凶  
橫不敢向惹李創周等許其偕往幫同講理李月  
娃希冀對眾說明令其叔知愧隨偕葉氏先行李

創周等在後及李月娃葉氏進院向李補質問詎  
李補面認強拉葉氏圖姦並聲言你們敢要怎樣  
李月娃說其糊塗李補即拔刀撲扎聲言將你夫  
妻二人都要殺死李月娃拾斧回格適傷李補右  
胎膊李大城因李補蔑倫逞凶旁觀不平進院用  
棍毆傷李補左額角李補格開木棍復向李月娃  
撲扎李月娃用斧背抵格適傷李補右耳根倒地  
移時殞命投約報州驗訊通詳提省審訊不諱查  
律載姪毆伯叔父母至死者皆斬又例載有服尊  
長強姦卑幼之婦未成被本夫忿激致斃係本宗

那文毅公二任陝甘總督奏議

卷二十四

四

期功卑幼罪應斬決者無論登時事後均照毆死  
尊長之例夾簽聲明又例載本夫捉姦聽從加功  
不應捉姦之外人係激於義忿悉照餘人律杖一  
百各等語此案李月娃自應按律問擬但情節實  
屬可矜<sub>臣</sub>提犯細審復與司道詳議究擬李補係  
李月娃胞叔強姦姪媳已屬淫惡蔑倫該犯李月  
娃初已忍隱不敢與較及至伊叔續又行強該犯  
仍然畏懼至欲躲避因迫於眾人公論幫同前往  
講理始敢前去而李補公然對眾面認強姦又持  
刀向扎該犯始用斧抵格適傷致斃是情同一時



氣激致斃雖定例卑幼不得殺尊長殺則照律例  
問擬而核其情節實在可矜李月娃一犯可否應  
照夾簽之例奏明聲請稍從末減之處出自  
聖裁至本年欽奉

上諭嗣後應奏應題之案俱應遵照刑部新定條例辦理  
此案本應具題原不敢冒昧陳奏但核其形勢與  
例不能盡符而情節實為可矜人命至重臣未敢  
自信再四推求不得不奏明請

旨伏乞

皇上指示施行至李大城在旁用棍幫毆成傷應照餘人  
那文毅公二任陝甘總督奏議

卷二十四

三

律杖一百折責發落李創周李林並未動手應毋  
庸議無干省釋謹

奏奉

硃批刑部議奏

嘉慶十八年七月十六日

奏為審明佃戶行劫田主懼累致戕殺五命之凶犯按  
律定擬事據禮縣知縣秦瑗詳報縣民雷發榮致  
死盜犯夏老大等一家四命及從盜梁姓一命燒  
屍滅跡等情臣以案關重大隨行司飭縣押解犯  
証到省飭委蘭州府知府黃方督同正寧縣知縣

丁兆祺環縣知縣孫鉞審明定擬由署臬司嚴根  
招解前來臣等提犯親鞫緣雷發榮籍隸禮縣種  
地度日嘉慶十四年有湖北興國州民夏孔淑攜  
妻陳氏及子夏老大夏老二前赴禮縣佃地耕種  
雷發榮當將祖遺公地四垧給與佃種每年租錢  
六百文夏孔淑等隨在地搭葦另招同鄉梁姓同  
住本年四月初四日有成縣民康添倫康三驢子  
向雷發榮告知伊堂叔康動家昨夜有賊進屋拒  
捕細毆事主盜去衣服糧食認是夏老大夏老二  
同不認識一人現據成縣稟報恐要查究田主等

那文毅公二任陝甘總督奏議

卷二十四

三

語雷發榮慮被拖累起意前往搜賊送官究治商  
之族人雷太安雷殿及康添倫康三驢子均各允  
從初五日雷發榮率令雷太安雷殿康添倫康三  
驢子并糾同康吉典康仁康瑞康澤等一共九人  
并令雷太安雷殿攜帶藤繩自持木棍雷太安持  
竹鞭桿午後齊至夏孔淑家向其盤問夏孔淑並  
不承認雷發榮將其推倒用腳踢傷臉面隨喝令  
雷殿康添倫康三驢子康吉典康仁康瑞將夏老  
大夏老二梁姓一併用繩網背並令雷殿將竹鞭  
桿毆打夏老二梁姓追出白麵及錢裕布袍衫褲



等項又文契七紙載有康動姓名實係康動被劫原賊雷發榮隨令雷太安康吉典康三驢子康澤等四人持賊先行自與雷殿康添倫康仁康瑞等四人同拉夏老大夏老二梁姓往投鄉約夏孔淑尾隨行走先後撞遇陳喬娃康四孟子康孟漢康小成子鄧泳太等五人雷發榮囑令一同押送行至青石子地方夏老大坐地叫罵時已日暮雷發榮因投約不及隨借柳鳳國對門空屋暫住夏老大等不肯進屋雷發榮硬扯進內將其腰繫麻繩解下從項頸拴住懸吊椽上自用木棍毆打夏老

那文毅今在陝甘總督奏議

卷二十四

兇

大拷問行劫康動家情形夏老大說出因貧無度起意行竊伊父夏孔淑亦是知情四月初三日三更時同弟夏老二梁姓向夏動家行竊撬門進內聽聞事主聲喊起捕就與夏老二梁姓說明拒捕強劫均各依從迨康動出門執木棍向外亂毆將棍打折夏老大即攔腰抱住夏老二用刀背毆傷康動額角手指肩甲胎膊兩脇肋等處倒地聲喚隨解伊腰帶背綁手脚一面點火入室搜賊康動之妻楊氏喊叫梁姓即拾康動所棄半截木棍在楊氏頭上毆打禁止聲張當即劫取口袋錢搭衣

物回家埋藏未經俵分等語雷發榮喝稱如此強盜必累田主復舉棍迭毆夏老大兩腿聲言明日送官柳鳳國與康小成子攔勸不聽畏其凶橫俱各走避時夏孔淑踵至門外恐子受罪喊稱如果送官必將雷姓全家板作窩主雷發榮氣忿莫邊起意致死隨出門舉棍連毆夏孔淑左耳根兩下倒地斃命夏老大聽聞喊罵雷發榮復進屋舉棍迭毆又喝令雷殿康添倫康孟漢將夏老二梁姓輪流拷打夏老二哭告求饒始行住手詎夏老大傷重移時斃命雷發榮即向眾人聲稱已經致死

那文毅今在陝甘總督奏議

卷二十四

兇

二人不若將夏老二梁姓一併打死除害隨喝令雷殿康添倫康孟漢重迭亂毆夏老二梁姓先後斃命時夏陳氏找至門首見伊夫及子均已身死喊叫哭罵向雷發榮撞頭拚命雷發榮恐其告官起意致死滅口即用棍毆打該氏胸膛鼻梁二下夏陳氏亦即斃命復起意燒屍滅迹將各屍身卸下令雷殿康添倫康孟漢子康四孟子康仁康瑞康孟漢鄧泳太陳喬娃等一同抬至河西山溝復令眾人搬取柳鳳國地上乾柴放火燒屍至五更時焚化淨盡而散鄉約楊務本因雷太安等投送



賊物候至次早不見雷發榮將賊解到隨借雷太  
安等一路迎探悉情由報經縣營勘驗獲犯解  
審臣親提覆鞠反覆究詰各供前情不諱查對成  
縣驗報事主康動康楊氏傷痕及被盜情形亦相  
脗合案無遁飾查律載共謀為竊臨時行強以臨  
時主意及其為強盜者不分首從論又強盜已行  
但得財者不分首從皆斬又例載殺一家非死罪  
二人者擬斬立決梟示酌斷財產一半給被殺之  
家養贍又毆故殺人案內凶犯起意殘毀死屍其  
聽從抬棄之人無論在場有無傷人俱照棄屍為

那文毅公二任陝甘總督奏議

卷二十四

五

從律杖一百徒三年又因格捕姦盜致死例不抵  
命之人因而私埋等案仍照地界內有死人報  
官司而輒棄藏律杖八十又罪人不拒捕而擅殺  
者絞監候餘人杖一百又律載罪人罪犯應死而  
擅殺者杖一百又名例內載二罪俱發以重者論  
又例載律無正條罪應流徒以上者應折衷至當  
援引比附各等語此案夏老大夏老二梁姓在康  
動家中行竊因事主聞聲起捕夏老大臨時起意  
行強夏老二梁姓聽從共為強盜毆傷康動又復  
細綁入室明火搜贓實係罪犯應死查該犯雷發

榮係夏老大等田主原有應捕之責當其獲盜綁  
縛搜出真贓既稱投約送官何得私行弔拷迫聞  
夏孔淑護子辱罵卽逞凶立斃其命至夏老大身  
死後又喝令雷發榮添倫康孟漢將夏老二梁姓  
輪流毆斃及夏陳氏尋至哭喊拚命輒復毆死絕  
口并起意燒屍滅跡實屬凶慘已極惟夏老大夏  
老二梁姓三名究係罪犯應死之人如將該犯雷  
發榮擬以凌遲似與殺一家非死罪三四人者無  
所區別查夏孔淑祇知伊子行竊並不知其臨時  
行強使其尚在按律僅應擬杖今該犯毆死夏孔

那文毅公二任陝甘總督奏議

卷二十四

五

淑夫婦二命既係平人又係有心欲殺自應依例  
問擬雷發榮一犯除擅殺罪人暨起意毀屍滅跡  
輕罪不議外合依殺一家非死罪二人斬梟示  
例擬斬立決梟首示衆照例先行刺字仍酌斷財  
產一半給付死者之家夏姓業已無人應行入官  
其為從之康添倫康孟漢二犯當雷發榮毆打夏  
孔淑夏陳氏之時均未動手加功但聽從雷發榮  
主使將夏老二梁姓迭毆致斃雖所斃乃應死罪  
人係立斃二命情節凶慘亦非擅殺之餘人可比  
自應酌量加等問擬康添倫康孟漢二犯應請在



於棄屍爲從杖一百徒三年罪上酌加一等杖一百流二千里均擬杖一百流二千里康添倫業已病故應毋庸議康孟漢到配折責安置康姜福子在場並未傷人但所抬焚毀夏孔淑屍身係凶犯應抵之屍康姜福子一犯應照棄屍爲從杖一百徒三年律擬杖一百徒三年到配折責安置康仁康瑞陳喬娃康四孟子鄧泳太在場均未傷人僅係聽從雷發榮主使所抬焚毀夏老大夏老二屍身係例不抵命之屍且係爲從所有康仁等五犯俱應照地界內有死人不報官司而輒棄藏律杖

那文毅公二任陝甘總督奏議

卷二十四

五

八十上爲從量減一等杖七十均擬杖七十折責發落康瑞業已病故亦毋庸議柳鳳國康小成子係畏懼雷發榮凶橫勸阻不及亦無幫毆暨抬屍情事應請與相離路遠之鄉約楊務本及未到場之雷太安康吉與康三驢子康澤均免置議雷殿緝獲另結贓物已給原主認領凶器木棍竹鞭銷毀夏孔淑房屋家具移查原籍有無親屬照例辦理無干省釋全案供招咨部再查上年刑部議定命盜各案應題應奏條款摺內稱謀殺一家二命死係父祖子孫仍令專摺具奏等語又條款內載

殺一家非死罪三人應行具奏今夏孔淑等死係一家四命內惟夏老大夏老二二人係屬死罪夏孔淑夏陳氏夫婦二人並非死罪應照殺一家非死罪二人之例辦理且死由謀故又係夏氏之母一家二命兼之本案戕殺五命情罪重大核與尋常斬梟之案亦有不同是以專摺具奏謹

奏奉

硃批行在刑部速議具奏

那文毅公二任陝甘總督奏議

卷二十四

五

那文毅公二任陝甘總督奏議卷二十四



那文毅公二任陝甘總督奏議卷二十五目錄

卷二十五

綏靖終南

改建營制

籌劃營伍

訓練武備

那文毅公二任陝甘總督奏議

目錄

一

那文毅公二任陝甘總督奏議卷二十五

男容安恭輯

綏靖終南

嘉慶十五年八月初十日

奏為遵

旨酌派總兵照例巡哨事竊臣於本年六月准兵部咨行

奉

上諭前因嘉慶七年勦辦邪匪大功告成經額勒登保奏

川楚陝三省深山老林路徑分歧酌議總兵會哨一次

三年之後地方日臻寧謐即行停止當經降旨以所議

那文毅公二任陝甘總督奏議

卷二十五

一

會哨之例於三年後不必停止或隔一年一行或隔二

年一行認真巡緝今已逾數年雖各營有巡閱舊章但

恐視為具文奉行故事嗣後川楚陝三省每年輪派一

省著於邊界遍歷周查既可巡閱營伍又可藉資彈壓

每巡哨一次即行具奏該提鎮等惟當隨時隨地督率

稽查不可有名無實欽此伏查陝省邊界在在與川楚

毗連幅員遼闊率多深山老林人民襍處良莠不

齊遵照前奉

諭旨本年應輪派陝省提鎮於邊界遍歷周查以資彈壓

原擬提督楊遇春前往巡哨惟查本年鹽茶固原



一帶年歲荒歉提督駐劄固原正資就近彈壓未  
宜遠赴邊界今歲擬派總兵官前往巡哨但陝安  
漢中河州三鎮匪運川楚邊界道路綿長若專派  
一鎮遍歷往返須半年之久恐於本鎮事宜轉有  
曠悞臣現與提督楊遇春商酌分派陝安鎮總兵  
官王兆夢漢中鎮總兵官吳廷剛河州鎮總兵官  
富明阿各於所轄邊界地方認真巡哨一面分咨  
川楚兩省邊界見運營汛定期前來見面均於初  
冬農隙之時分投前往約計月餘便可竣事仍嚴  
飭該總兵等務須欽遵

那文毅公二任陝甘總督奏議 卷三十五 二

諭旨隨時隨地督率稽查毋得視為具文奉行故事謹

奏奉

硃批知道了

嘉慶十五年十一月二十八日

奏為遵

旨派委各鎮總兵巡哨邊界現已事竣並地方靖謐情形

事竊查本年六月欽奉

諭旨嗣後川楚陝三省每年輪派一省提鎮於邊界遍歷

周查每巡哨一次即行具奏欽此當經臣酌派陝安鎮

總兵王兆夢漢中鎮總兵吳廷剛河州鎮總兵富

明阿等各於所轄邊界認真巡哨一面分咨四川  
兩湖督臣各令邊界見運之營汛定期前來巡哨  
見面所有辦理緣由旋經

奏明在案查署陝安鎮總兵之副將王延年呈報於十  
月十七日在於陝楚交界之蓮花寺地方與湖廣  
提臣駱朝貴巡哨見面漢中鎮吳廷剛呈報九月  
二十九日在於川陝交界之漁渡壩地方與四川  
川北鎮桂涵巡哨見面河州鎮富明阿呈報十月  
二十日在於川甘交界之哈南寨馬尾墩地方與  
四川松潘鎮福智巡哨見面並據吳廷剛富明阿

那文毅公二任陝甘總督奏議 卷三十五 三

另報該鎮等於十月三十日在於陝甘交界之白  
馬關地方會合巡查並各據稟稱川楚陝沿邊一  
帶匪徒斂戢商旅安行地方均極安靜等情臣覆  
查川楚陝邊界惟漢中川北見連處所為樸道門  
戶尤關緊要所在深山老林咽喉匪易於潛跡每當  
秋禾登場莊民收穫之後乘間偷竊甚或賭博搶  
場最為地方之害臣先經督飭文武嚴密緝拏知  
會提臣楊遇春一體分派幹弁改裝易服遍歷巡  
查並示諭鄉民秋成後禁止賽會演戲責令牌保  
人等不許容留形迹可疑之人以杜奸宄而安良



善嗣准楊過春札覆密查各邊界情形實為安靜  
與巡哨之各鎮呈報相同委無捏飾情事 仍詳  
諭各鎮隨時認真查緝勿以此次巡哨已竣稍有  
疎懈外嗣後祇遵

諭旨每年川楚陝三省提鎮輪派一省於邊界巡哨一次  
每年十月舉行本年即以陝省為始再查嘉慶十  
一年奏停陝省會哨案內聲明每年十月固原提  
督到陝巡查山內邊界一次每年二月陝安鎮總  
兵巡查邊界官兵營汛一次是會哨雖停而提鎮  
每年兩次仍舊舉行巡閱今欽遵

那文毅公二任陝甘總督奏議

卷二十五

四

諭旨每年十月有各省提鎮赴邊巡查一次其每年二月  
內 仍令陝安漢中二鎮各於邊界照舊巡哨一  
次以昭周密仰惟

聖主教澤寰宇安益求安 等責任綦重斷不敢虛應故  
事上負

鴻慈再現在四川湖北二省邊界民情亦俱安靜謹  
奏奉

硃批果能常川如此地方永臻安靜矣但恐久而懈怠仍  
為具文耳

嘉慶十六年十二月三十日

奏 臣 接閱邸抄欽奉

上諭川省無籍貧民攜帶小刀遊蕩肆竊自應從嚴懲治  
着照該督所請分別枷號繫帶鐵杆年分辦理惟各州  
縣獲犯懲辦每辦一案即報明臬司總督彙冊報部限  
滿開釋亦報部查辦欽此嗣准陝西撫 臣 董教增移咨  
陝省亦經奏明照辦在案伏查甘省南路一帶昆  
連川陝所在深山老林匪徒易於藏匿其無籍游  
民攜帶刀械趕場賭博乘機絡竊甚至搶奪傷人  
雖經嚴飭地方文武實力緝拏猶恐未盡欽此今  
川陝二省既已酌定章程甘省地方情形相同自

那文毅公二任陝甘總督奏議

卷二十五

五

應畫一辦理以臻嚴密 臣 隨飭署臬司嚴煇查議  
得甘省鞏昌府屬之洮州岷州西和等屬州縣  
秦州直隸州及所屬之秦安清水徽縣禮縣兩當  
縣三岔州判等處階州直隸州及所屬之文縣成  
縣白馬關州判等處嗣後遇有匪徒搶奪傷人之  
案仍照定例遵辦外其有攜帶刀械絡竊者俱應  
照川陝二省奏明之例一律嚴懲仍分別報部存  
案庶幾奸宄潛消地方益臻靖謐並咨刑部謹

奏奉

硃批覽



嘉慶十六年十二月初一日

奏為派委各鎮總兵巡哨邊界及地方靖謐情形事竊

照上年欽奉

上諭嗣後川楚陝三省每年輪派提鎮於邊界徧歷周查每巡哨一次即行具奏欽此當經遵辦在案茲於本年

秋間臣先經移咨鄰省派出各鎮總兵前赴邊界

分投巡哨現據漢中鎮總兵吳廷剛稟報九月三

十日在於川陝交界之漁渡壩與四川重慶鎮總

兵羅聲臯巡哨見面又據陝安鎮總兵祝廷彪稟

報十月初六日在於陝楚交界之蓮花寺與湖北

別文毅公二任陝甘總督奏議 卷二十五 六

鄖陽鎮總兵呢瑪善巡哨見面又據署河州鎮總

兵王延年稟報十月二十日在於川甘交界之哈

南寨馬尾墩與四川松潘鎮總兵福智巡哨見面

十月三十日又於陝甘交界之白馬關與漢中鎮

總兵吳廷剛會合巡查并各據稟稱查得沿邊一

帶匪徒斂戢商旅安行地方均極安靜等情臣伏

查川楚陝三省邊界自奉

特旨派員巡哨兩年以來匪徒均已安分畏法不敢肆行

即南山一帶深林密菁之中奸宄亦無從匿跡鄉

民當秋穫之後比戶恬熙無不安居樂業是巡哨

已有成效臣仍與提臣楊遇春嚴諭各鎮將隨時

實力巡查毋因會哨已竣稍有懈弛以期仰副

聖主綏靖邊氓安益求安之至意謹

奏奉

硃批朕聞四川北山內又有習教之人汝應派幹員密

訪核實具奏

嘉慶十七年正月初五日

奏臣前奏遵

旨派委各鎮總兵與川楚二省巡哨邊界一摺欽奉

硃批朕聞四川北山內又有習教之人汝應派幹員密

別文毅公二任陝甘總督奏議 卷二十五 七

訪核實具奏欽此臣查近年以來川陝楚三省匪徒斂

迹地方實已安靜惟幅頓遼澗山徑紛歧深林密

箐之中宵小易於潛匿川北保寧府屬為棧道入

境要區蠶叢鳥道尤易藏奸雖不敢肆行搶場傷

人而風竊狗偷在所不免此不獨川北為然即陝

西之漢中府甘肅之秦階二州所屬情形大概相

同臣身任封圻稟遵

聖訓時時察訪情形刻刻以戢暴安良為念所有川北沿

邊一帶疊經嚴飭文武實力稽查并常派幹弁改

裝易服密赴查訪即上冬會哨事竣亦不令鎮將



稍有懈忽其南山緝獲匪犯分別繫帶鐵杆之處亦經川陝甘三省奏明一律奉行總期小懲大誡以靖閭閻有犯必獲斷不使奸宄得以匿跡茲復

欽奉

硃批仰見

睿慮周詳臣當復密派熟悉川北道路情形之員弁馳赴該處嚴密訪查如果有不法習教之徒自當無分畛域會同川省嚴拏究辦以仰副

聖主綏靖邊疆至意再查上年陝西漢中各屬秋收雖止六分有餘而入冬以後雪澤霑足春田可卜豐收

那文毅公二任陝甘總督奏議

卷二十五

八

甘省秦階各屬上年秋收成熟約計七八九分不等冬令雪澤頻霑亦與春耕有裨地方均極寧謐堪以仰副

聖懷謹

奏奉

硃批覽

嘉慶十七年四月十六日

奏臣前奉

硃批朕聞四川川北山內又有習教之人汝應派幹員密訪核實具奏欽此當將欽遵辦理緣由先行奏蒙

聖鑒查川北一帶山徑紛歧必須熟悉該處道路情形及

明幹可信之員方可查辦得實臣隨派出遊擊前

福都司顧應全王英千把總唐倬張成龍復密與

提臣楊遇春及漢中陝安二鎮札商派出都司蔡

文瑾把總王國輔周福劉明周毛貴等改裝易服

由陝甘分投入川密切查訪去後嗣據陸續稟覆

前來查得陝省地方與川省交界之漢中興安二

府民情俱各安靜漢中山內上年包穀歉收今春

已奉

恩旨賞給口糧民食有資春令得有時雨麥苗亦已長發

那文毅公二任陝甘總督奏議

卷二十五

九

其山內無賴貧民向大戶強借糧食及外來遊蕩

客民結竊賊犯均經文武嚴拏隨時懲治漢中陝

安二鎮沿邊巡哨均屬認真匪徒不敢竄匿其川

北一帶通江巴州等處年歲豐收民皆安堵惟廣

安岳池大竹鄰水及昭化劍州蒼溪各屬上年秋

收歉薄饑民較多亦有強借糧食之事該處文員

業已開廠施粥春雨應時禾苗暢茂人情稍安可

不致滋生事端至川東北向有天主教信善教名

目天主教順慶府屬為多信善教保寧府屬為多

其名目傳聞已久密為躡訪此時山內實無習教



之徒又去冬四川督<sub>臣</sub>常明巡閱川北會委該鎮  
總兵桂涵於儀隴縣山內拏獲鄭姓黑大王一案  
係恃險窩藏竊劫首夥各犯亦非習教匪徒該省  
文武現在巡緝亦嚴不致疎懈惟聞川東重慶府  
屬之巴縣合州涪州各屬有鹽梟挾仇糾夥拆毀  
鹽店之事業經拏獲解省川東一帶亦無另有習  
教之徒各等語<sub>臣</sub>查核各處稟報及遊擊蘭福等  
回省面稟均屬相同且各員均係親歷川陝山內  
密切偵探似無捏飾再查都司顧應全前因投誠  
授職其於效匪首夥多有熟識現據密稟從前已

那文毅公二任陝甘總督奏議 卷二十五 十

經剿滅之各首逆均係川東北人其家屬夥黨有  
盡被誅戮者有投出及逃散者良莠不齊內投出  
之偽元帥張長庚王國賢二名仍在雲陽太平本  
籍務農度日查此二人從前係傳教為首現復密  
赴該處左近再加確探等語除俟該都司續稟到  
日另再奏

聞外此次非委員親身窮歷山險不能得其底裏<sub>臣</sub>因不  
敢輕於相信是以覆奏稍遲再此外并據興安府  
知府葉世倬稟稱石泉令李輝陽籍隸四川南江  
與川北之巴州等處交界該令深知川北現在安

靜實不聞另有習教之人言之甚切又據陝西藩  
司朱勳稟稱有川省起復知州向淮進京過陝經  
該司密詢川省實無習教匪徒惟川東鹽梟犯案  
是實核對<sub>臣</sub>所訪情形並無歧異合併陳明至陝  
甘接壤四川處所<sub>臣</sub>仍督飭文武嚴密巡緝斷不  
令匪徒漏跡以靖閭閻謹

奏

嘉慶十七年五月初六日軍機大臣字寄奉

上諭據<sub>臣</sub>彥成奏訪查川北川東並無習教匪徒又據都  
司顧應全稟稱從前投誠之張長庚王國賢二名在雲

那文毅公二任陝甘總督奏議 卷二十五 十一

陽太平本籍務農現復密赴該處左近再加確探等語  
所辦殊屬多事前因聞川北山內又有習教之人該處  
與陝甘接壤是以諭令<sub>臣</sub>彥成派幹員密往訪查倘  
果有此等匪徒<sub>臣</sub>彥成自當據實奏聞朕另行降旨交  
常明查辦及訪明川北並無習教之人即應一面覆奏  
一面將派去之員撤回至川東一帶距陝甘地方遙遠  
即不應委員前往其張長庚王國賢二人久經投誠各  
在本籍務農並未聞有傳教滋事之處該督何得率聽  
顧應全稟詞任其潛赴鄰省查探實屬越俎<sub>臣</sub>彥成著  
傳旨申飭接奉諭旨即將都司顧應全速行撤回倘該



都司欲實其言將張長庚王國賢楊成或與挾有夙嫌  
激成事端不但將該都司從重治罪恐那彥成不能當  
此重咎也

嘉慶十七年四月十六日

奏固原提督楊遇春上年奏請

陛見欽奉

硃批令於本年夏間再奏茲接准該提督兩稱現在屆

期擬即具奏伏思該提督瞻

覲情敢白應遵

旨奏請近來陝甘兩省地方均屬靖謐營伍亦漸有起色

那文毅公二任陝甘總督奏議

卷二十五

三

該提督別無緊要應辦事件正可交卸進京惟是

漢中山內乏食貧民飭奉

恩旨賞給口糧現甫散放完竣查山內均係四川湖廣各

省客民零星襍處良莠不齊兼之深山老林匪徒

最易潛踪搶竊不能盡絕又山內無賴貧民每向

有糧之戶羣聚強借索擾此則陝甘兩省風氣皆

同全在地方文武實力查禁以靖閭閻雖已飭

委訪拏隨時護究但地方遼闊山徑分歧現值禾

苗在地正青黃不接之時彈壓撫綏亦關緊要楊

遇春久歷戎行於南山一帶情形尤為熟悉已

節次札致該提督督率營員會同文員認真巡察  
所有該提督應行展

觀之處可否暫緩俟本年秋收後再由該提督自行具奏

請

旨恭候

聖裁謹

奏奉

硃批甚是

嘉慶十七年五月二十九日

奏前奉

那文毅公二任陝甘總督奏議

卷二十五

三

硃批飭委都司顧應全密赴川北查訪有無習教匪徒當

經將查明情形據實覆

奏茲承准

廷寄奉

旨申飭以訪明川北並無習教之人即應將派去之員

撤回至川東距陝甘遙遠不應委員前往令將都

司顧應全速行撤回等因接奉之下曷勝欽佩

感悚查前次拜摺後即接顧應全具稟所到地

方俱皆安靜並無習教匪徒等語先經飭令迅

速回營現據稟報已於五月初二日回營謹



奏奉

硃批覽

嘉慶十七年十二月初五日

奏為派委各鎮總兵巡哨邊界及地方靖謐情形恭摺  
奏

閩事竊照嘉慶十五年欽奉

上諭嗣後川楚陝三省每年輪派提鎮於邊界徧歷周查  
每巡哨一次即行具奏欽此當經遵辦在案茲於本年

秋間臣先經移咨鄰省派出各鎮總兵前赴邊界

分投巡哨現據漢中鎮總兵吳廷剛稟報九月三

初文毅公二任陝甘總督奏議

卷二十五

古

十日在於川陝交界之溪渡壩與四川川北鎮總

兵桂涵巡哨見面又據陝安鎮總兵祝廷彪稟報

十月初六日在於陝楚交界之蓮花寺與湖北宜

昌鎮總兵蕭福祿巡哨見面又據河州鎮總兵富

明阿稟報十月二十日在於川甘交界之哈南寨

馬尾墩與四川松潘鎮總兵福智巡哨見面十月

三十日又於陝甘交界之白馬關與漢中鎮總兵

吳廷剛會合巡查並各據稟稱查得沿邊一帶匪

徒斂戢商旅安行地方均極安靜等情臣復查川

楚陝三省邊界自奉

特旨派員巡哨三載以來匪徒均已安分畏法不敢肆行

卽南山一帶深林密箐之中奸宄亦無從匿跡鄉

民當秋穫之後比戶恬熙無不安居樂業是巡哨

已有成效臣仍與提臣楊遇春嚴諭各鎮將隨時

實力巡查毋因會哨已竣稍有懈弛以期仰副

聖主綏靖邊氓安益求安之至意謹

奏奉

硃批此事唯求一實字耳

初文毅公二任陝甘總督奏議

卷二十五

古



改建營制

嘉慶十五年八月十八日會同固原提督楊公遇

春

奏為遵

旨籌議西安軍標綠營官兵改隸事宜恭摺奏

聞事竊臣於七月初六日欽奉

上諭勒保奏請將西安軍標綠營兵丁分撥改隸一摺據

稱西安綠營馬步戰守兵共三千四百餘名其隸撫標

左右兩營者一千九十一名隸提標城守營者三百五

十八名隸軍標中左右三營者二千四十名將軍本管

那文毅公二任陝甘總督奏議

卷二十五

夫

滿營為數較多事務繁劇其於軍標不能全力專注請

將軍標裁撤改隸撫標提標城守各營既有撫臣提臣

專管又有督臣統轄並移設裁減副參各缺等語軍標

三營向隸將軍專管此時應否分撥改隸之處着將勒

保原摺抄寄那彥成酌量情形並就近咨商將軍提督

集思廣益悉心妥議俟奏到時再令部臣核議總期於

營制操防均有裨益方為妥善欽此臣那彥成即咨商

署西安將軍臣富僧德並知會固原提督適臣楊

遇春順閱營汛前來蘭州當面悉心籌議查此項

兵丁原隸西安提標乾隆四十六年因逆回滋事

經前任大學士臣阿桂等請將提督移駐固原所

存提標兵丁另設西安鎮總兵一員專司操演兼

轄附近營汛嗣經軍機大臣兵部會議設立軍標

中左右三營即令西安將軍管轄與滿洲兵就近

一體訓練原議係照四川成都將軍兼轄漢兵之

例竊查四川松潘建昌二鎮道係將軍所轄每歲

須派兵巡查且與總督同城軍標督標一同操演

遇事亦隨時商辦今陝省並無將軍專轄地方總

督又遠在甘省設遇緩急差遣此二千餘名之兵

撫提不便派調竟似置之閑散且西安將軍所管

那文毅公二任陝甘總督奏議

卷二十五

七

滿營兵多事繁於綠營訓練各事宜既不能全力

專注而該兵丁特係將軍所轄難保無驕縱滋事

之處遇有兵民交涉事件營員與地方官辦理每

多掣肘勒保所奏恐致日久廢弛難於整飭誠為

實在情形臣等再四籌維西安省會重地必須重

兵防衛未便擅擬裁撤若歸提標則控馭太遠歸

撫標則巡撫事務繁劇不能專意訓練若分隸提

撫各營在別營所增之兵有限而此一全營勁兵

轉致分散遇事亦不能得力謹擬仍照乾隆四十

六年前任大學士臣阿桂原奏將西安軍標副將



改為西安鎮總兵所有軍標中左右三營改歸鎮標管轄並省城以東潼關神道嶺商州金鎖富平宜君等六營亦歸該鎮管轄就近調遣况南山平靖未久鎮撫均關緊要今西南有漢中鎮東南有陝安鎮正北又有西安鎮三鎮相為犄角聲威益壯氣勢互相連絡與通省亦大有裨益至鎮標各官其鎮標中營遊擊及中營守備即以軍標左營遊擊守備移設鎮標左營遊擊即以軍標右營遊擊移設鎮標左營中軍守備查有延綏鎮屬寧塞堡地處偏僻額兵無多擬以該堡守備移設仍將

那文毅公二任陝甘總督奏議

卷三十五

六

延綏屬之清平堡把總移駐寧塞堡作為汛地鎮標右營擬改都司即以軍標中營都司移設其二營千把外委仍各照舊分設惟於左營裁千總一員右營裁把總一員移撥提屬西安城守營鎮標三營每營擬設兵六百名共兵一千八百名合之所屬潼關等六營計標路共兵三千五百八十名足敷調遣尙餘兵二百四十名應請裁去四十名將二百名移撥提屬西安城守營以資汛守防範並供一切差遣其西安鎮屬標路各營兵馬錢糧各事宜悉由該鎮總兵查核轉掛歸固原提督兼

轄陝甘總督統轄並聽西安巡撫節制如此量為改移止將軍標改為提屬諸事不必更張而省會重地營伍訓練既有專司於彈壓稽查較為得力歸巡撫節制有事亦可調遣至西安原有提督衙署即改為總兵衙署其餘將備均有舊設衙署毋庸動項興修所有副將改設總兵一員應需俸廉馬乾等項以所裁副將俸廉馬乾及四十名馬步兵銀糧核計亦屬有贏無絀如此一轉移間則兵丁胥歸實用於營制操防均有裨益如蒙

那文毅公二任陝甘總督奏議

卷三十五

五

俞允所有移設鎮標將備千把員容等再行會同在於陝甘各營揀察諳練妥幹之人屆期等俱親至西安省城調撥安置以肅戎行其餘未盡事宜俟命下之日另行妥議辦理所有等面議緣由並復經往返札商署將軍富僧德均意見相同謹  
奏奉  
硃批兵部議奏  
嘉慶十六年六月初三日會同固原提督楊公遇  
奏  
奏為西安軍標改鎮事宜章程已定謹將查看大概情形奏明



聖鑒事竊臣遵

旨議奏西安軍標綠營兵丁改隸撫提另設總兵一員專

司操演兼轄附近營汛一案條款章程業經奉部

覆准轉飭藩司朱勳及新任總兵楊芳遵照辦理

其改設遊擊都司守備各員定為題缺并官兵歲

需俸餉糧料公費及撥給衙署添鑄印信等項亦

經分晰具

題在案臣本擬俟全案布置完竣與提臣楊遇春親赴

西安會同查看本年春夏之間楊遇春正在赴陝

因鹽茶一帶有需彈壓是以中止此次臣道經固

那文毅公二任陝甘總督奏議

卷二十五

三

原面晤臣楊遇春知軍標改鎮以來章程業已大

定及行抵西安就近查看所有改設營制氣象一

新惟查此項綠營舊兵前隸滿營撫提兩臣不便

調派兼因將軍管轄駐防滿兵為數本多於此項

綠營兵丁操演難以全力專注致以有用之兵置

之閑散之地兵丁因惰而驕實不免於廢弛今雖

改隸新鎮而一時習氣未除亟應嚴加整飭其改

隸鎮標之將備等多有不堪任使者臣現與楊遇

春逐加斟酌於別營將備中量為更調倘實在怠

玩不職者亦即據實嚴叅遊員另補不敢稍有姑

息至新任總兵楊芳於陝省地方營伍極為熟練

該鎮仰荷

聖恩調任以後一切布置井井有條而軍令嚴明察看所

管將弁兵丁咸知感畏臣仍諄囑其督率操防實

力整頓務令新設營制從此改觀俟臣展

覲回陝時再行順道巡閱分別勸懲總期此項官兵悉成

勁旅以資重鎮而肅戎行謹

奏奉

硃批覽

那文毅公二任陝甘總督奏議

卷二十五

三



籌劑營伍

嘉慶十五年十一月初一日

奏為酌增採買糧價以重兵糈事竊查甘肅邊陲要地每年估支滿漢各營兵糧為數甚鉅河東各屬額徵無多不敷估撥河西糧廣之處又因相距寫遠脚價浮於糧價礙難撥運是以節年俱經

奏准採買在案現當估撥嘉慶十六年兵糧之期臣先

經行司查辦去後茲據藩司陳祁詳稱查採買兵糧向照買補常平缺額之例大路州縣每石不得過二兩僻路每石不過一兩七錢從前甘省地廣

那文毅公二任陝甘總督奏議

卷二十五

三

人稀糧多價賤本已足敷買補近則生齒日繁糧價日貴地方官格於定制採買掣肘即不能無貼補賠累甚至虧挪別項情事本年各屬夏秋徧被災傷即勘不成災及附近災區之處收成亦皆歉薄糧價更益增昂現查九月分州縣月報色糧每有每石價銀二兩二三錢至二兩五六錢者若仍照定價採買誠恐地方官藉口虧挪甚或貽誤兵餉所關匪細但各處豐歉不一若竟照時價發買又無以昭限制而杜浮冒應請將此項糧價按買補常平之例每石酌加銀五錢大路以二兩五錢

為率僻路以二兩二錢為率如有不敷飭令捐廉貼補其現在市值有較定價平減之處應照時價購買不准加增如遇糧廣價平之年仍即據實詳明裁減以免弊混等情詳請具

奏前來臣覆查採買兵糧自有定價詎容例外加價惟

從前採買係照買補常平之例價一律辦理查常平缺額原可俟年豐糧賤之時從緩採買故例價不妨稍輕至兵糧係計口授食年額必需無論市價貴賤總須採買足數始得按額供支斷不能短少顆粒宕延時日是採買兵糧與買補常平迥不

那文毅公二任陝甘總督奏議

卷二十五

三

相同且甘省近年以來生齒日多糧價日貴本年各屬夏秋徧被災傷仰蒙

皇上軫念窮黎不惜百萬

帑金予以賑卹臣經節次

奏明煮粥賑饑運糧平糶民情始克安謐但以瘠薄之區值災歉之後糧價日昂若仍照定價發買兵糧核之現在時價不敷太多地方官承辦掣肘不肖者藉口賠累甚至虧挪公項其稍知謹飭者又必畏難宕延甚至貽誤兵糈關係均非淺鮮臣接據各屬糧價月報及現在藩司具詳復經密加察訪



均係實在情形委無浮捏伏思

國家經費有常固難稍任虛糜而糧價今昔不同亦應

量為調劑臣復與藩司陳祁悉心酌核此項採買

兵糧既未便拘泥定價致多窒礙又未便竟照時

價致無限制酌中定議惟有仰懇

皇上天恩俯准按照買補常平之例每石酌加銀五錢大

路州縣以二兩五錢為率僻路州縣以二兩二錢

為率稍有不敷飭令自行貼補妥為買供其現在

市值倘有照定價平減之處應仍照時價發買不

得因

那文毅公二任陝甘總督奏議

卷二十五

五

奏有定數率混加增嗣後冀幸年歲豐收糧廣價平仍

即隨時

奏明據實刪減庶於體卹之中仍寓撙節之意如蒙

俞允所有十六年兵糧應需一十八萬四千九百石零照

現擬加價價值約共需採買銀四十五萬兩甘省

庫貯無可通融支領並請

勅部照例於鄰近各省酌撥解運俾得妥速辦理臣惟當

督飭藩司及所屬公平採買倘有短價派累等弊

即行嚴叅究辦以杜弊端事關兵精要務亟需調

劑不敢不據實具奏謹

奏奉

硃批戶部議奏

嘉慶十六年十一月初五日

奏為牧廠孳生馬匹馬多廠窄委員勘明請將殘廢者

照例挑變恭摺奏

聞事竊照甘肅提標五營設立馬廠因孳生日多廠地日

窄水草不敷牧放馬駒易致擠傷查嘉慶六年計

存廠馬一萬八千餘匹經前督臣長麟具

奏將不堪孳生兒騾馬三千三百餘匹挑出變價又嘉

慶七年挑變多餘騾馬二千二百餘匹均經奉部

那文毅公二任陝甘總督奏議

卷二十五

五

覆准在案茲准提臣蒲尙佐咨稱各廠原存馬共

八千二百八十三匹按一兒十騾配搭自嘉慶七

年至今已歷十載節次撥補陝甘各營及循貴番

案軍需缺額外現尚存馬一萬五千七百餘匹較

之嘉慶七年留廠之數多至一倍廠地無可挪展

水草日益不敷其中多有口老不能產駒及碎小

殘廢者應照例挑出變價造具冊結咨請核辦等

情臣隨飭委甘涼道圖勒炳阿前赴各廠查驗無

異并據估定挑變價值詳覆前來臣逐加查核此

次挑出口老及碎小殘廢兒騾馬共三千九百七



十三匹以一二三等分別估價共應變紙五千三百五十六兩零核與嘉慶六年挑變口老碎小殘廢不堪馬價有增無減此項馬匹自應准其交與地方官照例變價俾牧廠可冀疏通馬駒不致傷損亦可減退牧兵歸營差操節省靴鞋月費變存銀兩仍解司充公其餘存廠馬匹飭令經營營員加意牧放毋任疲乏倒斃並送到冊結咨部查核

謹

奏奉 硃批該部議奏

那文毅公二任陝甘總督奏議

卷二十五

美

嘉慶十六年十一月二十二日會同烏魯木齊都

統與公奎烏魯木齊提督定公柱

奏為挑變牧廠孳生馬匹價值屢經部駁飭令會查議

奏現在委員驗明酌定價值恭摺覆

奏事竊照古城濟木薩牧馬二廠因馬多廠窄擁擠損

傷節經前督 臣長齡 臣和宜等奏請挑變屢奉部

駁本年復經 臣興奎酌定價值奏奉部議請

旨飭交總督會同烏魯木齊都統提督委員查勘另行定

價具奏除備撥屯田卡倫馬匹仍令各營分領帶

牧之處已由 臣興奎查明自行覆奏外 臣那彥成

即會同 臣興奎定柱飭委鎮巡道遇昌前赴牧廠

據實查驗酌定價值去後茲據該道詳稱查得此

項馬匹嘉慶十三年前督 臣長齡原奏係按存廠

二萬三千餘匹之數除挑留一萬一千匹餘馬全

行變價是以酌定二等變價七兩三等變價六兩

今存留牧好馬一萬一千匹外又挑出備撥營缺

二等馬三千二百六十五匹均係騰壯結實又備

撥屯田卡倫二等馬三千匹其餘剩馬五千九百

四十七匹以三千匹為三等二千九百四十七匹

為四等俱係口老疲弱碎小傷殘實屬再三挑剩

不堪留用之馬且距前督 臣長齡原奏至今已歷

三年其中擁擠損傷日甚一日斷難照依七兩六

兩變價亦不能以五兩四兩出售惟有將三等馬

三千匹每匹作價銀四兩交地方官承變四等馬

二千九百四十七匹每匹作價銀三兩分交營廠

賠補等情造具冊結詳請核辦前來 臣那彥成復

批令藩司陳祁核覆無異伏查古城濟木薩二廠

挑變馬匹自乾隆五十一五十七年及嘉慶十年

辦理三次計三等之馬每匹變價三兩四等之馬

每匹變價二兩均經奉部覆准此向來辦理定價

那文毅公二任陝甘總督奏議

卷二十五

美



也至長齡任內每匹始定價銀七兩六兩較之前  
三次例價多寡已屬懸殊其意恐日久弊生以有  
用之馬賤價挑變起見但查核原奏報稱與其坐  
視疲瘦之後始行變價莫若就現在騰壯時挑變  
疏通價值可以稍多等語是時因馬多廠窄急於  
疏通而言並未指明該廠二萬三千餘匹之馬俱  
屬騰壯且如果全數騰壯當時即毋庸分別等第  
挑變是以和寧改議以五兩四兩定價臣興奎復  
請照舊章以三兩二兩定價而兵部初次議駁以  
和寧本與長齡會銜具奏不應更改原議二次部  
駁以興奎定價不應更有短少在部臣核實辦理  
總以此變價馬匹經長齡奏稱俱屬騰壯毋庸減  
價等因核與長齡所奏現在騰壯將來疲瘦僅止  
空論情形並未將廠馬概指為騰壯之處亦有不  
符且長齡原議挑變馬一萬一千匹此次實止挑  
變馬五千九百四十七匹係屬挑而又挑餘剩不  
堪之馬委難以七兩六兩定價出售再查買馬例  
價僅止八兩口外係產駒之區價值較口內賤甚  
况挑變本係餘剩不堪之馬自長齡原奏至今復  
歷三年之久廠中擁擠傷殘其視三年前情形又

那文毅公二任陝甘總督奏議

卷二十五

五

不相同欲以六七兩變價勢斷不能若必拘泥辨  
理口外戶民亦必無人承買如勒令照價交官又  
恐地方官藉詞苛派書役等復累閭閻均有未便  
此案節次奏奉部駁已經三年若再事遷延更恐  
下等之馬因疲瘦而致倒斃無從變價且擁擠傷  
殘轉累及上等之馬於牧廠尤有關礙臣那彥  
成委員驗明悉心妥議所有長齡原奏定價六七  
兩原屬過多而必如興奎三兩二兩之數亦覺過  
少酌中定價應請照和寧改議將挑出三等馬三  
千匹每匹定價銀五兩交地方官承變又挑出四  
等馬二千九百四十七匹每匹定價銀四兩交營  
廠酌量賠補分別交貯道庫報撥充餉如此則比  
較乾隆五十一五十七年及嘉慶十年挑變例價  
每匹已加增銀二兩而廠地漸可疏通孳馬益臻  
蕃庶且承買之戶民經營之牧弁均不致藉口賠  
累實與馬政有裨此後再請挑變均照此五兩四  
兩定價不得再請議減至存廠馬匹臣等惟當督  
飭加意牧放毋任疲乏倒斃仍照奏定章程俟兩  
次均齊考成後挑變一次再臣興奎覆奏分撥屯  
田卡倫馬三千匹現奉部議准撥馬二千三十二

那文毅公二任陝甘總督奏議

卷二十五

五



匹仍留本處收廠九百六十八匹已分別遵照辦理謹

奏

嘉慶十六年十二月三十日奉

上諭那彥成等奏酌定挑變收廠孳生馬匹價值一摺古城濟木薩二廠馬匹前經長齡等奏請挑除變價屢經部駁迄今又閱三年遷延日久馬匹益形疲損今那彥成等委員查驗酌中定價著照所請准其將挑出之三等馬每匹定價銀五兩交地方官承變四等馬每匹定價銀四兩交營廠酌量賠補分別交貯道庫報撥充餉

那文毅公二任陝甘總督奏議

卷二十五

三

嗣後於兩次均齊考成後挑變一次著照此辦理

嘉慶十六年九月初五日

奏為漢中鎮屬各營應需騎操馬匹查明甘州提標孳生餘馬無可挑撥請動朋銀就近買補事竊查漢中一鎮本係由寧陝移改嘉慶九年二月先經督臣惠齡於籌補寧陝新鎮軍械馬匹案內請將甘州提標孳生馬內餘馬一千六十二匹撥給寧陝及陝安新營嗣因甘州廠內甫經駟割之馬僅有四百餘匹未及調用隨於是年十一月臣與陝西撫臣方維甸於調劑寧陝新兵案內會同

奏明將該營應立二成馬匹暫行停止借支庫項買地給兵耕種以資養贍自十一年七月起將節省二成馬乾銀兩扣繳借項約至十五年冬季全數扣完所有籌辦緣由均奉

旨准行在案茲查地價一項業已依限扣完其該鎮營二成馬匹應即照額補立惟屢據漢中鎮總兵吳廷剛呈稱漢中地處萬山道路崎嶇甘省孳生馬匹習慣平坦如山徑馳驟不能得力因地制宜應請另籌買補等情當飭陝甘兩省藩司確查議覆均係實在情形且查該鎮營二成馬匹因嘉慶九年

那文毅公二任陝甘總督奏議

卷二十五

三

奏准暫緩補立之後所有原議撥用甘廠餘馬一千六十二匹已隨時另撥甘省各鎮營為補缺馬匹之用均經咨部有案現在甘廠並無孳生餘剩馬匹此外如巴里坤各廠准烏魯木齊都統查覆亦無出羣駟馬可以分撥是甘省廠馬無論其於漢中山徑是否相宜但各廠既已無可挑撥自應就近由陝買補給兵騎操以資得力而免遲悞查漢中鎮屬十三營應需騎操馬一千二百九十二匹除現存外應補立馬一千六十五匹又漢鳳營原係陝安鎮所轄後撥歸固原提屬應補立馬四



十四匹又斜峪關柳縣二汛原係寧陝鎮所轄後撥歸固原提屬西鳳營除現存外應補立馬三十一匹以上漢中鎮屬及漢鳳西鳳等營共需馬一千一百三十六匹每匹例價銀八兩共估需銀九千八十八兩查陝省朋馬奏銷冊造截至十四年年底止實存銀一十三萬六千三百八十五兩零足敷動支茲據陝西藩司朱勳甘肅藩司陳祁會詳請

奏前來並將漢中鎮各營應補馬匹數目清冊咨送兵部查核謹

那文毅公二任陝甘總督奏議

卷二十五

三

奏奉

硃批該部議奏

嘉慶十七年五月十五日

奏為查明甘廠餘馬遵照部議先儘撥補恭摺覆

奏事竊照漢中鎮屬及漢鳳西鳳各營共應補立騎操

馬一千一百三十六匹上年經臣查奏以甘廠無

馬可撥請勸朋銀買補嗣准部覆令查明甘州提

標西寧鎮標巴里坤各廠扣至十六十七兩年出

羣孳馬除分撥各營補缺外有無餘剩請

旨辦理經飭甘肅藩司移營查辦去後茲據詳稱查得涼

州鎮巴里坤各廠十六十七兩年出羣孳馬除撥用外現尚不敷惟甘提標十七年撥補各例之外尚餘馬三百五十五匹肅州鎮標五十七兩年應存出羣馬三百六十八匹西寧鎮標十七年應存出羣馬一百九十四匹以上共存馬九百一十三匹堪以撥補漢中鎮營騎操之用尚不敷馬二百二十三匹每匹例價銀八兩共銀一千七百八十四兩應仍在陝西藩司庫內動用朋銀買補等情臣復經委員前赴各廠點驗無異此項馬匹自應即照該藩司所議分別撥補買補以資騎操除飭

那文毅公二任陝甘總督奏議

卷二十五

三

司分晰開報送部查核外恭候

命下即行欽遵辦理再查甘廠孳生餘馬向係先儘本省

各營例缺補額之需臣先經通飭自十七年春季

為始如有倒斃俱以餘馬分撥暫緩買補在案今

照部議不得不將各廠現存馬匹先儘撥補漢中

營需但核計陝甘各營十七年一歲共需補缺馬

二千七百八十五匹內除伊犁塔爾巴哈台調解

馬二千匹及巴里坤報解哈密十五年供差剩馬

一百一十四匹分別撥補外尚需馬六百七十一

匹又十八年應需補缺馬三千七十五匹內由伊



犁塔爾巴哈台調解馬一千五百三十八匹外尚  
需馬一千五百三十七匹為數仍有不敷不得不  
請動朋銀分別買補容俟另行核辦謹

奏奉

硃批兵部議奏

嘉慶十八年三月十六日

奏為查明陝甘各營缺額馬匹至甘廠各項應得馬數

合計不敷撥補恭摺

奏事竊臣 上年具奏甘廠餘馬先儘撥補漢中鎮營兵

丁騎操其餘不敷之馬請動朋銀分別買補一摺

那文毅公二任陝甘總督奏議

卷二十五

一

嗣准部咨令將甘省各廠截至十七十八兩年六

歲出羣馴馬除撥用外現存若干匹計歲馴割馬

若干匹存廠配駒兒馬若干匹先行造冊送部並

查每年調解伊犁塔爾巴哈台及遺營番貢各項

馬與各廠出羣馬合計每歲共應得馬若干匹除

撥補漢中各營缺額外是否應需買補之處奏明

請

旨辦理經飭甘肅藩司移營查辦議詳去後茲據署藩司

德克精阿詳稱查得陝甘各營嘉慶十七年一歲

應需合例倒缺馬五千三百六十四匹又漢中等

營應需補立馬一千一百三十六匹共缺額馬六  
千五百匹查甘省各廠應行出羣馴馬二千五百

四十二匹甘涼肅等提鎮應收番貢馬一百三十

九匹西寧鎮屬防兵遺營馬六十六匹涼寧西肅

河州等鎮營十六年存收撥補十七年春夏二季

馬四百三十一匹伊犁塔爾巴哈台撥解馬二千

匹哈密不用供差馬三百匹共應得馬五千四百

七十八匹除肅州鎮多分伊犁候撥十八年春季

額倒合例馬一百三十四匹外其餘馬五千三百四

十八匹儘數抵補分撥陝甘各營十七年額倒合

那文毅公二任陝甘總督奏議

卷二十五

一

例馬匹並漢中鎮屬各營補立馬匹訖尚不敷陝

甘兩省各營合例馬九百二十九匹漢中鎮屬不

敷馬二百二十三匹其陝甘各營不敷馬匹業經

前司詳議令其照舊由司領價買補咨部在案至

漢中各營前項不敷馬二百二十三匹准該鎮移

稱有派往阿克蘇等處屯防馬兵九十七名應扣

缺造報又扣還地價變價馬一百五十三匹應請

准其抵兌毋庸再為動項買補又陝甘各營嘉慶

十八年一歲共額倒應需合例補缺馬五千三百

六十四匹內除肅州鎮存牧長領十七年伊犁撥



解馬一百三十四匹甘省各廠應行出羣馬一千九  
百匹應收番貢馬一百三十九匹伊犁塔爾巴哈  
台撥解馬一千五百三十四匹抵補外尙不敷馬  
一千六百六十一匹應俟該年應得各項馬匹撥  
完再令各營照舊領價買補等情臣覆查十七  
八兩年調解伊犁塔爾巴哈台並各廠出羣及應  
收番貢各項應得馬數合計每年均不敷撥  
補自應卽照該署藩司所議分別抵兌買補以資  
操騎並將陝甘各營嘉慶十七十八兩年缺額以  
及甘省各項應得馬數造具細數清冊同甘省各

那文毅公二任陝甘總督奏議

卷二五

三

廠割騾出羣馬匹撤冊送部查核謹

奏奉

硃批兵部議奏

訓練武備

嘉慶十五年三月十二日

奏爲順道查閱兵丁技藝點查軍裝器械事臣由南路

吐魯番行走於二月二十八日至哈密地方起卽

係陝甘總督所屬營汛所過之哈密安西沙州金

塔玉門肅州鎮標甘州提標涼州鎮標莊浪協屬

各營軍裝器械應補行製備者俱按款點驗旗幟

尙屬鮮明鐵器觔重內如鍋鏃鋤搬等物務須輕

重足數以符定例惟鳥鎗一項例係六觔半重而

現在舊存者多係不足觔數有四五觔重不等其

那文毅公二任陝甘總督奏議

卷二五

三

鎗身盤製既精準頭亦好分量既輕亦便於攜帶

施放若拘泥成式一律改造轉不能如舊存之堅

利使用遂成廢棄臣俱點驗清楚飭令現有堅好

得用者不須改造內有鎗身不直堂口火門殘缺

者飭令各營各委長於鳥鎗將備一二員監造務

期出子遠准頭好卽爲合式竟不必專如定例六

觔半重以致重劣無用與現在尙未製齊各器械

飭令速行製備完日具報一體查驗尙有草率偷

減定行嚴叅辦理各兵技藝均尙可觀內熟練及

生疎者當場立卽分別賞罰懲辦至各官員有年



力衰病技藝生疎不能勝任者容臣抵省後將督標及各標營各員弁陸續考驗再行細加斟酌分晰奏明請

旨辦理謹

奏奉

殊批覽

嘉慶十六年八月十六日

奏為遵

旨巡閱西安滿營及固原提標各營情形恭摺奏

聞事竊照本年大閱之期陝甘二省營伍前奉

那文毅公二任陝甘總督奏議

卷二十五

奏

欽派臣巡閱所有西安滿營及固原提標各營續經

奏定由臣閱看茲臣自京回至西安隨將滿營官兵親

加校閱查該營兵丁排演大陣馬步整齊進步連

環及五子過堂鳥鎗亦俱聯絡每兵十名鎗箭中

靶均在二十五箭十五鎗以上弓力均在大力以

上馬上技藝亦皆可觀堪以列為二等又赴固原

閱看提標五營兵丁排列陣式及演打連環過堂

鳥鎗尤為整齊聯絡鎗箭中靶均在三十箭二十

鎗以上弓力自六力至十一二力不等其餘藤牌

及馬上技藝均皆靈便趨捷堪列一等其提標所

屬之固原城守營及平涼靜寧各協營堪列二等至滿營官員弓馬均皆去得而提標將弁弓馬更為精熟兵丁亦皆強壯並無老弱充數之人臣擇其技藝出眾者優加獎賞以示鼓勵稍涉平庸者當場責處以儆將來仍嚴諭該管營員勒限操演

俾各營兵丁技藝益勵精純以仰副

皇上整肅戎行之至意再西安鎮標二營係由軍標改設

該兵丁舊隸滿營向來廢弛怠惰必須大加整飭

新任總兵閻俊烈係由巴里坤調補急切未能到

任現係撫標中軍叅將達凌阿暫護鎮篆一時未

那文毅公二任陝甘總督奏議

卷二十五

奏

能整齊除催令閻俊烈趕緊赴任外所有該鎮三

營官兵應請俟閻俊烈到任後展限一年臣再往

巡閱至西安撫標二營及固原提屬之城守一營

向係

奏定章程會同軍標之綠營兵丁合操統俟一年之後

同西安鎮營再行一律校閱其餘未閱各營容俟

次第辦理臣現在順路閱竣各營兵丁已於本月

初十日回抵蘭州謹

奏奉

殊批覽



嘉慶十六年十月二十一日

奏巴里坤鎮總兵關俊烈調任西安鎮總兵茲該鎮文

仰進省據稟自抵巴里坤以來三年屆限曾經奏

請

陛見於上年正月奉到

硃批汝雖總兵與新疆辦事大臣同向無奏請之事不准

來亦不准請俟調至內地再奏請欽此今擬俟抵西安

調任後再行請

觀等語臣查關俊烈陳請

陛見自係照例遵行惟西安營制維新且向來習氣甚壞

那文毅公二任陝甘總督奏議 卷二十五 聖

亟應嚴加整頓現在暫護鎮篆係撫標中軍叅將

達凌阿職分較卑不足以資整飭應請飭令關俊

烈於到任一二年後將營伍一切事宜料理妥協

再行具摺請

觀伏祈

聖鑒謹

奏奉

硃批甚是

嘉慶十七年九月初三日

奏為巡閱河州鎮標及營標各營伍情形恭摺奏

聞事竊照上年奉

旨大閱營伍臣曾將閱過西安滿營及固原提標各營情

形奏

聞在案嗣因藩司陳祁進京

陛見臬司積朗阿赴晉查辦吉蘭泰鹽務臣又因核辦秋

審及奏銷等事未能出省巡閱茲於八月二十五

日前赴河州當將鎮標左右城守三營官兵詳加

校閱該三營排列大陣馬步整齊進步連環五子

過堂鳥鎗亦極聯絡每兵十名鎗箭中靶均在四

十箭二十五鎗以上弓力自六力至十二四力不

那文毅公二任陝甘總督奏議 卷二十五 聖

等鎗箭準頭俱好將弁中多有中至四五箭者其

餘兵丁藤牌及馬上技藝均皆靈便趨捷堪以列

為一等又鎮屬之洮岷舊洮岷州西固階州文縣

鞏昌循化保安臨洮各營堪以列為二等臣擇其

技藝出眾者優加獎賞以示鼓勵其稍涉平庸者

當場責處以儆將來至軍械俱皆堅利馬匹一律

臚壯公項並無虧缺臣校閱事竣於九月初二日

回抵蘭州省城即將督標五營及蘭州城守營復

加親閱各營官兵排列陣式及演打連環過堂鳥

鎗均屬整齊聯絡鎗箭中靶以及馬上技藝亦皆



馴熟可觀堪列一等至將弁兵丁弓馬技藝臣自到任以來按三六九日期在署內箭道親自教演寒暑從無間斷并當場分別賞罰懲勸並施是以不待大閱各官兵技藝均能一律整齊堪以仰副皇上整肅戎行之至意謹

奏奉

硃批覽

嘉慶十八年八月初三日

奏為巡閱西寧鎮標營伍情形恭摺奏

聞事竊臣於七月二十日行抵西寧即將鎮標五營并城

那文毅公二任陝甘總督奏議 卷二十五 聖

守營暨鎮屬之大通協各營官兵次第校閱其排演大陣馬步整齊進步連環及五子過堂鳥鎗俱皆連絡鎗箭中靶在三十箭二十鎗以上弓力自六力至十一二力不等藤牌及馬上技藝亦皆嫻熟可觀兵丁精銳並無老弱充數馬匹器械亦俱應壯堅利堪以列為一等臣擇其技藝出眾者優加獎賞以示鼓勵稍涉平常者當場嚴加責處仍諄諭該鎮特依願保嗣後務須勤加訓練不得久而生懈以仰副

聖主整肅戎行之至意再蘭州至西寧一帶晚禾一律暢

茂皆由本年雨澤勻調豐收可卜民番樂業四野恬熙洵堪仰慰

聖懷謹

奏奉

硃批欣慰覽之

嘉慶十八年八月初三日

奏臣仰荷

天恩自到任以來於營伍操防認真辦理所有督標五營官兵自去年至今各項技藝始覺少有可觀臣上

年巡閱河州現在閱及西寧察看該二鎮官兵弓

那文毅公二任陝甘總督奏議 卷二十五 聖

馬雖好弓力大半在八力十力以上惟準頭撒放尚少功夫及長矛與排鎗俱不及督標之熟練而河州鎮之馬上技藝及陣式西寧鎮之馬上排鎗連環藤牌陣式則較督標為勝臣閱看之下即當面獎勵各相勸誡督標則再勤習馬鎗連環藤牌馬上技藝河州西寧則令二鎮勤習弓箭長矛排鎗務令一律精純毋致懈弛至該二鎮距省較近雖因臣時常稽查調考亦實由富明阿特依願保二員平日不敢貪圖安逸操練認真臣受

恩督辦兩省營伍所有屬員勤惰自應據實奏



聞此外固原甘州兩提標操練亦極上緊各備亦均知觀

感統容臣次第查較再行具

奏謹

奏奉

硃批遼疆重地武備宜修勉之

嘉慶十八年八月十六日

奏為巡閱涼州滿營情形恭摺奏

聞事竊臣閱過西寧鎮標營伍情形曾經具奏在案嗣由

西寧起程先後行抵莊浪涼州次第將莊浪滿營

及涼州滿營官兵親加校閱該二營排演陣式均

那文毅公二任陝甘總督奏議

卷二五

鑿

屬整齊進步連環及五子過堂鳥鎗等項亦俱聯

絡如式弓力六力八力不等每兵十名鎗箭中靶

約在二十五箭十五鎗之上至鳥鎗甚好步箭準

頭撒放亦有功夫惟馬箭稍軟因駐防滿營平日

馬上差使較少是以馬箭尚須熟練其餘技藝俱

有可觀堪以列為二等除擇其優劣當場分別勸

懲外臣並面告副都統穆克登布以滿兵以馬上

是為最重務須隨時嚴督官兵勤加訓練以仰副

聖主整肅駐防慎重邊陲之至意再臣經過涼州所屬之

武威古浪平番一帶秋禾稌糧一律茂盛豐收在

即民氣恬熙堪以仰慰

聖懷謹

奏奉

硃批知道了

嘉慶十八年八月十六日

奏查涼州鎮標綠營官兵先經

奏明會同提督滿尚佐閱視完竣業已奏蒙

聖鑒臣現於較閱滿營之便就近挑選官兵閱其弓馬技

藝均皆練習如式較之河州西寧兩鎮綠營官兵

不相上下其鎗箭功夫約有十之六七臣復諄諭

那文毅公二任陝甘總督奏議

卷二五

鑿

該鎮馬元嗣後尤須勤加訓練益勵精純不得稍

有懈怠現在提督滿尚佐業已

陛見回任臣於涼州接晤並囑其實力整飭共相勉勵謹

奏奉

硃批覽

容安謹按 先公由翰林入仕而武備尤素

所講求前任陝督日事訓練陝甘兵氣至此始

加振奮正在磨礪粹有十八年滑匪之役故得

兵精將良掃穴擒渠仰見 先公思患預防

而兵備固治於無事之日也







那文毅公二任陝甘總督奏議卷二十六

男 容安恭輯

推薦賢能

嘉慶十五年九月初五日

奏為道員告病出缺擬以試用道員懇請試署事竊照

平慶涇道李基呈報患病解任回籍調理現經

飭司委驗取結另疏具

題並委令現在固原鹽茶一帶查辦災賑之試用道德

克精阿就近接署去後所有平慶涇道遺缺係衝

難中缺應歸部選查該道管轄二府一州為甘省

那文毅公二任陝甘總督奏議

卷二十六

一

東路衝途現有督辦賑卹撫綏災民之事尤關緊

要非精明幹練之員不克勝任查有捐陞試用道

德克精阿年三十七歲正紅旗滿洲福克精阿佐

領下人由繙繹生員考補工科筆帖式

京察一等揀發雲南補授臨安府同知調補景東直隸

廳同知

奏陞川東府知府丁憂服滿引

見補用戶部山西司員外郎遵土方例捐陞道員籤掣甘

肅奉

旨發往以道員用於本年正月十二日到省該員才具精

敏辦事認真曾任滇省要缺知府與前經捐納分

發試用者有間前經委署西寧道現在委署平慶

涇道均屬認真近於查辦平慶一帶災賑各務尤

為結實出力以之試署平慶涇道洵堪勝任查嘉

慶十三年奉准部議各省委用試用道府有題調

缺分者照例遇有陞調所遺之缺方准題補如無

題調之缺省分將告病身故休致三項所出之缺

准以分發委用試用之道府扣留請補甘省內地

道員七缺均無題調之缺惟口外鎮迤道係屬調

缺但邊俸滿時應於內地實缺道員互調其委用

那文毅公二任陝甘總督奏議

卷二十六

二

試用道員仍無可補之缺實與並無題調缺分之

省分無異所有現在試用之道員似應請照並無

題調缺分省分之例一體扣留請補惟德克精阿

到甘試用未滿一年與例稍有未符

係為平慶

災區賑卹要務必得實心任事熟悉之員妥協辦

理起見理合恭摺請

旨可否仰懇

皇上天恩即以德克精阿試署平慶涇道期滿另請實授

抑或仍歸部選之處恭候

欽定謹



奏

嘉慶十五年九月二十二日奉

上諭那彥成奏道員缺出請以德克精阿試署一摺平慶

一帶現有督辦賑卹撫綏災黎等事自須熟悉之員俾

資治理所有平慶涇道員缺卽着德克精阿試署俟試

俸期滿照例另請實授該部知道

嘉慶十五年九月初五日

奏爲甘省知府員缺現有候補人員奏明請

旨補授以裨地方事竊照鞏昌府知府胡紀謨告病開缺

經臣另疏

那文毅公二任陝甘總督奏議

卷二十六

三

題報外所遺員缺係衝繁疲難四項兼全要缺應請

旨簡放茲據藩司陳祁臬司積朗阿詳稱甘省現有候補

知府黃銑遇缺例應扣留請補查黃銑順天大興

人山監生遵川運例捐從九品分發四川咨補彭

水縣巡檢游陞蒲江縣知縣因隨營剿賊出力

奏陞石砭同知於掣獲首逆汪瀛案內奉

旨以應陞之缺先行陞補又於官兵殲斃首逆賴飛隴案

內

賞戴花翎陞補順慶府知府嘉慶十二年到任後因與四

川臬司常發祥兒女姻親迴避籤掣旨肅補用本

年六月到甘委署鞏昌府事該員老成明練辦事

精詳堪以請補鞏昌府知府等因前來臣查鞏昌

府一缺本應請

旨簡放但現有由川迴避在甘候補知府黃銑與奉

旨命往人員無異例得扣留請補查黃銑才具老練新署

鞏昌府辦理災賑既有條理又極認真且曾任順

慶府知府係請

旨要缺今因迴避來甘請補鞏昌府知府亦係請

旨要缺與例相符但可否准其補授鞏昌府知府之處出

自

那文毅公二任陝甘總督奏議

卷二十六

四

天恩謹

奏奉

旨允行

嘉慶十五年九月二十七日

奏陝省南山一帶臣於抵任後屢經嚴飭地方文武實

力查拏游匪分段巡防並委令陝甘各鎮等四路

會哨又商同提臣楊遇春密派明幹將弁改裝易

服在於近山鄉村市集及深巖窮谷之中遍歷查

搜邇來匪徒雖知斂戢不致滋生事端而臣等身

任其職日夜實深惴惴王兆夢久任陝安實屬得



力惟例應丁憂離任臣與提臣楊遇春往返札商  
僅選得副將王延年尙爲熟悉而亦非必可久任  
之人現已請

旨簡放臣自應恭候

命下何敢冒昧竢陳惟思蒙

恩簡放之員營伍操防自必諳練而於南山情形或恐有  
未盡熟悉之處臣再四思維查有現任廣東右翼  
鎮總兵前任陝鎮楊芳在陝有年熟諳營伍士  
卒歸心歷次軍營勦賊打仗著有勞績早在

聖明洞鑒之中若以楊芳調補陝安鎮缺不但營伍足資

那文毅公二任陝甘總督奏議

卷二十六

五

整頓於南山督緝游匪事宜更爲結實可靠粵省  
近已洋面肅清且係東南海疆鎮將重在水師楊  
芳曾經獲罪重蒙不次

超擢該員亦正當及時効力現在蒙

恩特授廣東右翼鎮總兵轉得安居營署合無仰懇

聖恩將楊芳

賞調陝安令該員得有圖報之路於南山營汛亦有裨益  
惟事非常例臣爲要缺得人起見可否之處出自  
皇上天恩至南山情形於冬底春初民間收獲之後更爲

緊要倘蒙

聖恩俞允請

旨飭令楊芳迅速到陝任事更爲得力謹  
奏奉

硃批不必

嘉慶十六年閏三月十七日

奏查安肅道富英爲人誠樸才具雖未開展而操守實  
屬廉潔辦事亦甚結實上年經臣調赴安定會  
二縣監散賑銀該道督率稽查實能肅清諸弊不  
辭勞瘁時因會盪一帶亢旱異常甚至民間窖水  
俱盡該道來往災區日飲窖底之水積勞成疾迫

那文毅公二任陝甘總督奏議

卷二十六

六

事竣回省臣見其業已受病卽令回任調養今因  
積勞病故殊覺可惜至安肅道係請

旨之缺向用旗員惟查該道駐劄肅州爲新疆門戶時有  
各城伯克及往來換班之員差務絡繹必須簡於  
酌應老練之人方無濫給濫應之事且所屬之安  
西州哈密廳又遠在口外管轄難周非熟悉情形  
之滿員難以勝任茲查有鞏秦階道同福本由安  
肅道調補鎮迪道俸滿回省補授今職現在七年  
俸滿及因卓異併案給咨赴部引

見該道操守老成辦事幹練且曾任安肅道於地方情形



頗為熟悉可否仰懇

皇上天恩卽以同福調補安肅道其鞏秦階道一缺亦係

衝疲難請

旨之缺仍請

簡員補放一轉移間庶要缺兩得其人於地方均有裨益

謹

奏

嘉慶十六年四月初七日奉

上諭那彥成奏甘肅安肅道富英病故請以鞏秦階道同

福調補一摺該道地處邊陲同福既熟悉該處情形着

那文毅公二任陝甘總督奏議

卷二十六

七

照所請准以同福調補安肅道其所遺鞏秦階道員缺

着龍萬育補授

嘉慶十六年閏三月十九日

奏為揀員請補知縣事竊照隴西縣知縣樊玉軸因案

奏參革職所遺員缺係衝繁中缺參革所遺應歸部選

惟隴西縣為附府首邑政務較繁兼值上年災歉

之後必須加意撫綏非熟悉風土才守兼優之員

難以勝任臣與藩臬兩司公同遴選查有邊俸年

滿保薦候陞之知縣誠忠老成明練辦事精詳今

先以原官請補隴西縣知縣實堪勝任查誠忠在

甘十有餘年風土人情最為熟悉且係邊俸應陞  
無論缺分繁簡均得請補之員由司詳請專摺具  
奏前來合無仰懇

皇上天恩俯准以誠忠補授隴西縣知縣實與地方有裨

謹

奏奉

硃批吏部議奏

嘉慶十六年六月初三日

奏為知府員缺緊要仰懇

聖恩俯准補用應陞人員以裨地方事竊照鞏昌府知府

那文毅公二任陝甘總督奏議

卷二十六

八

黃銑告病遺缺係冲繁疲難最要缺定例應請

旨簡放臣何敢貢陳惟查甘省應陞知府者現有二員一

貴德同知嵇承裕年六十一歲江蘇監生由捐納

府經歷發甘咨補平涼府經歷因隨營差委剿賊

出力奉

旨賞戴藍翎以應陞之缺陞用補授玉門縣知縣捐陞同

知奏准留甘補用嘉慶十四年准補貴德同知引

見後於十五年七月到任該員才具老練辦事精詳會署

慶陽府及現在委署蘭州府篆諸務認真任內參

罰除已咨未奉部覆外僅止三案俸銀未完該員



係軍營出力奉

係已用過矣可離不己耶  
旨應陞之員若陞補知府似可聲明請

旨又秦州直隸州知州李受曾年四十七歲直隸舉人大

挑一等以知縣分發甘肅捐陞同知

奏准留甘借補階州直隸州知州因辦理軍需出力經

前督臣惠齡保奏奉

旨以應陞之缺陞用副與陝西鄜州直隸州對調復經奏

准留甘嘉慶十一年十月奉

旨補授秦州直隸州知州該員才識幹練表率有方歷署

鞏昌甘州涼州各府篆辦理裕如任內參罰除已

那文毅公二任陝甘總督奏議

卷二十六

九

經完繳俸銀咨部銷案暨照例開復及咨參未奉

部覆外尚有地丁降職停陞六案又常糧降俸一

案與陞補之例未符但該員亦係軍營出力奉

旨應陞似與尋常請陞之員稍有區別且查甘省知府共

計九缺除平涼慶陽二府應歸部選又口外之鎮

西府一缺應於內地現任滿員知府內揀選對調

外其蘭州鞏昌甘州涼州寧夏西寧六府均係請

旨簡放之缺不准在外題補是稽承裕李受曾二員徒有

應陞之名終無得缺之日亦應量為調劑俾得及

時自効所有鞏昌府知府一缺合無仰懇

皇上天恩俯准於稽承裕李受曾二員內補用一員於地

方公務實有裨益該員等均係應陞年久今得轉

一階感激

鴻慈自必倍加奮勉亦無負前奉

恩旨獎勵微勞之至意臣與濟泉兩司公同酌議理合專

摺奏明謹

奏

嘉慶十六年六月二十一日奉

上諭那彥成奏鞏昌府知府員缺緊要請於甘省現任同

知直隸州知州內補用一摺鞏昌府係請旨簡放之缺

那文毅公二任陝甘總督奏議

卷二十六

十

何得在外奏請年來外省似此違例具奏者俱經駁飭

不准該督豈不知之卽或新任之員人地未宜惟當酌

量奏調若俱紛紛在外請補但爲屬員陞轉地步勢必

致京員壅滯殊屬非是况閱所保二人內稽承裕前由

該省經歷以應陞之缺陞用業經游陞同知若藉此屢

陞不已將來復何所限制李受曾由知縣捐陞同知會

因辦理軍需奏留甘省業經補授秦州直隸州知州其

不能再選陞用亦與稽承裕相同且從前李受曾因弟

兄爭訟財產牽涉軍需解部審訊有案其聲名本屬平

常朕所素知而現在尚有降職降俸各案與例顯不相



符該督猶遷就其詞稱與尋常請陞之員稍有區別又有何區別耶該督所請不准行仍着傳旨申飭

嘉慶十六年六月初五日會同陝西巡撫董公教增固原提督楊公遇春

奏為現任總兵人地未宜擬請揀員對調以重營伍事

竊查陝西陝安鎮總兵游棟雲自上年冬間到任

以來於營伍一切事宜尙無貽悞臣那彥成隨事

隨時留心察看並屢次諭以陝安為南山重鎮務

須嚴密操防認真巡緝毋許稍有懈弛該鎮雖亦

知勉力遵辦第於該處一帶道路情形究未熟悉

那文毅公二任陝甘總督奏議 卷二十六 七

設遇有緝拏匪犯之案難資得力臣那彥成此次

道經固原西安面晤臣董教增臣楊遇春議及南

山情形咸以游棟雲在任人地不甚相宜伏查陝

安鎮駐劄興安地處萬山之中管轄標路營汛與

四川湖北地界毗連所在深山老林匪徒出沒往

來最為叢奸之藪今游棟雲未諳地利情形誠恐

將來貽悞自應酌量更調以重營伍查有甘肅靈

夏鎮總兵祝廷彪人頗結實訓練有方曾在軍營

勦賊出力於興安一帶險阻情形尤為熟悉以之

調補陝西陝安鎮總兵洵堪勝任所遺靈夏鎮總

兵員缺營務較簡若即以游棟雲對調可期無悞臣等再三斟酌意見相同合無仰懇

皇上天恩俯准以祝廷彪調補陝安鎮總兵游雲棟調補

靈夏鎮總兵俾要缺得資人地相宜之利實有裨

益臣等為地方營伍起見合詞恭摺謹

奏

嘉慶十六年六月二十三日奉

上諭那彥成等奏請將陝安鎮總兵游棟雲與靈夏鎮總

兵祝廷彪對調一摺游棟雲祝廷彪俱係軍營出力之

員經朕擢任專閫惟據稱陝安為南山重鎮游棟雲於

那文毅公二任陝甘總督奏議 卷二十六 七

該處一帶險要情形究未如祝廷彪較為熟悉着照該

督等所請祝廷彪准其調補陝安鎮總兵其靈夏鎮總

兵即以游棟雲調補

嘉慶十六年九月二十日

奏臣夏間

陛見曾將甘省州縣倉庫無虧之員面行保奏仰蒙

皇上恩施俯准具摺補奏在案伏查甘省吏治亟應大加

整飭臣於上年清理倉庫留心查察竟有能謹慎

出納歷任本任均無絲毫虧缺平日辦事率皆結

實可靠聲名亦好既知謹守又非拘牽無用之才



是以臣不揣冒昧面懇

天恩竊思慎重倉庫原屬地方官分內之事何敢妄有希

冀惟甘省為極苦之區地方官乃能小心潔已自

非平時十分刻苦亦不易至此若不令其姓名上

達

天聽轉無以示其鼓勵臣仰荷

聖恩畀任封圻事事期於核實辦理據實奏

問應如何

施恩之處出自

聖裁臣不敢稍有壅蔽此後仍嚴加查察如有不肖之員

那文毅公二任陝甘總督奏議

卷二十六

三

任意侵虧一經查出立即加等嚴參治罪似此功

過分明庶各員知所畏服警惕倉庫胥歸核實所

有各員姓名謹開呈

御覽

莊浪茶馬廳同知吳灼莊浪及歷署慶陽涼州府

任內均無虧缺且將莊浪前任虧缺已彌補清

楚

新補狄道州知州汪鳴歷任高臺縣武威縣靈州

任內均無虧缺

平羅縣知縣王楚堂平羅及歷署張掖縣洮州廳

任內均無虧缺

會靈縣知縣王世焯會靈及歷署碾伯鎮番安化

武威各縣任內均無虧缺

階州直隸州知州舒保階州及歷署慶陽府肅州

任內均無虧缺

西寧縣知縣徐瑤西寧及兩當縣任內均無虧缺

張掖縣知縣楊翼武張掖及清水縣任內均無虧

缺

武威縣知縣宋炳武威及成縣任內均無虧缺

以上舒保徐瑤楊翼武宋炳均已懇請調繁已

那文毅公二任陝甘總督奏議

卷二十六

四

足示之鼓勵

嘉慶十六年十月十二日奉

上諭那彥成奏查明歷任倉庫無虧各員懇恩量予鼓勵

等語甘省清理倉庫吳灼等八員於歷任經手倉庫錢

糧能謹慎出納毫無虧缺官聲亦好尙屬潔已奉法之

員除階州知州舒保西寧縣知縣徐瑤張掖縣知縣楊

翼武威縣知縣宋炳業經該督調繁示獎外所有莊

浪茶馬廳同知吳灼狄道州知州汪鳴會靈縣知縣王

世焯平羅縣知縣王楚堂俱着加恩以應陞之缺先儘

陞用以示鼓勵該部知道



嘉慶十六年十月二十一日會同青海辦事大臣文公孚

奏為邊外要缺同知需員請將現在署事熟諳番情之

州判仰懇

聖恩俯准陞署以重地方事竊 那彥成夏間展

觀曾將現署貴德同知之階州直隸州白馬關州判賈昇

一員面行保奏仰蒙

恩允茲查循化同知德慶邊俸三年報滿又准部咨德慶

丁憂開缺應即遴員請補行據藩臬兩司詳稱查

循化同知係疲繁難兼三要缺嘉慶十二年奏明

那文毅公二任陝甘總督奏議

卷二十六

五

無論滿漢但得人地相宜悉准酌量陞調在案該

處地居邊外萬山之中番回稟處情形極為獷悍

撫馭最難現於通省同知及應陞人員內逐加遴

選並無堪以勝任之員惟查階州直隸州白馬關

州判賈昇年四十六歲山西拔貢就職直隸州州

判加捐分發籤掣甘肅試用乾隆六十年到甘丁

憂起復仍赴原省十二年辦理西寧軍營糧務事

竣經前督 長齡等保奏奉

旨儘先補用咨補今職十三年八月到任十四年委署貴

德同知八月初七日到任該員精明幹練熟悉番

情任內僅有失察文縣逃軍葉奇松罰俸一案已

經完繳咨銷惟歷俸未滿六年且同知非州判應

陞之缺聲明嘉慶七年直隸州州判借補西大通

縣丞余景奎陞署循化同知沙泥州判姜有望陞

署貴德同知有案詳請具

奏前來 等覆查賈昇署理貴德同知任內於撫馭番

回寬猛相濟輿情極為帖服遇有野番偷越卡倫

搶竊蒙古之案無不親往查拏窮歷險阻至今兩

載有餘蒙古呈控搶竊之案日少且於番地查緝

保甲俾野番亦歸化導奸宄斂跡良善相安尤能

那文毅公二任陝甘總督奏議

卷二十六

六

為人所不能為其勤苦出力實屬結實可靠循化

界連貴德番族情形相同若以賈昇署理循化同

知可收駕輕就熟之效惟歷俸未滿又係越級陞

署與例不符但邊外員缺緊要人地實屬相需查

有直隸州州判余景奎有案一員陞署循化貴

德同知之案均經奉

旨允准理合專摺奏懇

天恩量加鼓勵可否將賈昇陞署循化同知俾辦理番回

事件得資熟手既與要缺有裨亦可令出力人員

益知奮勉如蒙



俞允查州判請陞同知未免過優應令試署三年期滿如  
果始終勤奮再行

題請實授送部引

見倘不稱職仍行撤回所遺白馬關州判一缺應歸部選

但甘省現有應補人員另咨請補其俸滿丁憂循

化同知德慶將來應作何補用之處已飭司照例

查議另再具

題合併聲明臣等為邊外要缺需人起見往返札商意

見相同合詞恭摺謹

奏奉

那文毅公三任陝甘總督奏議

卷二十六

七

硃批吏部議奏

嘉慶十七年正月初五日

奏為酌請對調要缺道員以裨地方事竊查西寧道一

缺係衝繁難三項要缺應由部請

旨簡放從前本係兼用滿漢人員至乾隆六十年改用滿

洲蒙古人員定為旗缺原以該處管轄蒙古番回

非通曉語言熟悉夷情者不能勝任法至善也惟

是

聖朝簡用人才無論滿漢總期各當其任今按現在情形

似有未便拘泥者查西寧地方蒙古番回雜處近

接青海其中回民剽悍最甚回民之中撒拉爾一

種為尤甚道員整飭撫綏必須恩威並用方可控

制得宜現在新任西寧道德奎及新補西寧府知

府錦明與奉

旨簡放之青海辦事大臣福克精阿同係新任仰荷

皇上特簡來甘於邊防要缺自必勝任裕如即西寧道德

奎到省時臣接見數次見其人甚細緻尙可學習

辦事惟是地處邊陲於蒙古番回情形究未十分

熟悉且道府均係生手若遇有蒙古番回要案辦

理未免周章臣愚昧之見似應遴員更調方為妥

那文毅公三任陝甘總督奏議

卷二十六

六

協但此缺應用滿洲蒙古人員通省滿員內如平

慶涇道德克精阿寧夏道蘇成額安肅道同福等

均係現任要缺鎮道遇昌亦係口外旗員要缺

均屬難以更調惟查有鞏秦階道龍萬育年五十

歲四川拔貢由訓導保陞陝西高陵縣知縣辦理

湖北軍營糧運勦捕賊匪奉

旨賞戴藍翎以應陞之缺陞用又勦捕首逆齊王氏姚之

富案內奉

旨以同知直隸州用補授漢中府留壩同知委辦經畧軍

營糧務奏奉



恩旨換戴花翎陞補興安府知府引

見後交軍機處記名丁憂服闋補授江西贛州府知府嘉

慶十六年四月奉

旨補授鞏秦階道十二月到任該員才具幹練辦事老成

曾歷軍營於機務亦為熟悉以之調補西寧道可

期勝任惟該員係屬漢員與例未符理合專摺請

旨可否仰懇

皇上天恩俯准以龍萬育調補西寧道之處出自

聖主逾格鴻慈如蒙

俞允查鞏秦階道亦係冲疲難三項請

那文毅公二任陝甘總督奏議 卷二十六 十九

旨要缺即請以西寧道德奎互相對調 更有請者查西

寧道府二缺均係請

旨要缺惟邊地關係緊要與腹地各缺不同初任人員究

恐未盡熟悉嗣後道府二缺內不拘何缺或酌改

為一請

旨之缺一為題補之缺及西寧道缺可否兼用滿漢人員

無庸拘泥之處均應聽候

聖裁未敢擅便今 臣與藩臬兩司商酌相同不揣冒昧謹

繕摺具

奏請

旨謹

奏

嘉慶十七年正月二十五日奉

上諭據那彥成奏稱西寧地處邊陲新任道員德奎於地

方番回情形未能熟悉請以龍萬育調補西寧道等語

着照所請龍萬育准其調補西寧道其所遺鞏秦階道

員缺即以德奎補授嗣後西寧道仍照舊例作為滿漢

人員兼用之缺其所奏西寧道及西寧府二缺內請以

一缺作為請旨一缺改為題補之處着交吏部議奏

容安謹按西寧道府二缺請改一為題補之處

那文毅公二任陝甘總督奏議 卷二十六 二十

旋經部議奏駁

嘉慶十七年正月初三日

奏為邊缺同知俸滿考核懇請照例陞用恭摺奏

聞事竊查定例循化貴德兩廳同知照口外之例三年期

滿其平時果能約束番眾稽查卡倫及任內報槍

各案均能隨時拏獲者專摺保奏以應陞之缺陞

用如有熟手可以接替即將該員陞用如一時無

可接替之員請

旨賞給陞銜頂戴暫行留任等因遵照在案茲據署藩臬

兩司詳稱查得循化廳同知德慶正藍旗滿洲舉



人截取

朝考引

見奉

旨記名以知縣發往陝甘委用補授秦安縣知縣調補山

丹縣知縣

大計卓異引

見奉

旨回任候陞嗣經陞補今職於十三年十一月初一日到

任連聞扣至十六年十月初一日三年邊俸報滿

該員年力壯盛辦事勤能任內約束番眾稽查卡

那文毅公三任陝甘總督奏議

卷二十六

三

倫俱能實力辦理其蒙古呈報搶竊各案亦皆隨

時拏獲由蘭州道府核明呈請照例以應陞之缺

陞用據兩司轉詳請

奏前來

臣覆查德慶才具明幹辦事勤奮在任撫馭番

眾拏獲搶案辦理均屬認真現屆邊俸報滿核與

陞用之例相符合具

奏可否仰懇

皇上天恩俯准將俸滿循化廳同知德慶以應陞之缺陞

用出自

聖主逾格鴻慈再該員於本年十月二十九日奉文丁憂

係在俸滿之後業經咨部在案將來回旗起復應

作何陞用之處俟由部帶領引

見恭候

欽定所遺循化廳同知員缺先經以階州白馬關州判賈

昇奏請陞署現在聽候部覆謹

奏

嘉慶十七年正月二十三日奉

上諭據那彥成等奏邊缺俸滿同知德慶在循化廳任內

約束番眾稽查卡倫均能實力辦理於蒙古呈報搶劫

各案亦皆隨時拏獲循例保奏可否以應陞之缺陞用

那文毅公三任陝甘總督奏議

卷二十六

三

等語德慶現在丁憂回旗着於起復後交吏部帶領引

見再降諭旨

嘉慶十七年七月十七日

奏為邊疆同知員缺緊要仍請以保題之員陞補恭摺

奏懇

天恩事竊照循化同知德慶丁憂遺缺前經臣以白馬關

州判賈昇奏請陞署奉部議駁嗣復以阜蘭縣知

縣丁聞洲

題請陞補茲准部覆以丁聞洲有降俸一案未經開復

又降級一案開復在出缺以後與例不符等因伏



查循化同知係衝繁難兼三要缺前經奏定無論滿漢但得人地相宜悉准酌量陞調在案該處地居邊外番回雜處民情獷悍非精明強幹之員不足以資治理丁閩洲年四十六歲江蘇監生由捐納知縣分發甘肅補授寧遠縣調繁山丹嗣復調補首縣該員才具開展歷練有為民情甚為愛戴歷俸已滿五年上年又經

大計卓異洵屬州縣中出色之員所有部駁該員九年借糧未完一案降俸銀兩已於本年正月初六日完繳咨部銷案又委審賊犯安奇要一案降級捐

那文毅公二任陝甘總督奏議 卷二十六 三

復銀兩已於十六年十二月十六日完繳部庫彼時循化同知一缺已以賈昇奏請陞署直至本年正月十三日接准部駁是循化一缺吏部應以甘省接到德慶丁憂之文為開缺日期而甘省則應以奉到部駁賈昇之文為開缺日期 臣於二月二十四日始以丁閩洲

題請陞補核計該員捐復完銀日期雖在德慶丁憂以後實在部駁賈昇不淮陞署之先與懸缺待人者似屬有問 臣現與藩臬兩司於通省同知及應陞人員內覆加遴選實無堪以勝任之員丁閩洲既

無違礙處分又屬人地相宜合無仰懇

聖恩仍准以臯蘭縣知縣丁閩洲陞補循化同知實與要

缺有裨如蒙

俞允該員係卓異人員俟部覆至日併案給咨引

見恭候

欽定所遺臯蘭縣要缺咨另揀員請補謹

奏

嘉慶十七年八月初四日奉

上諭那彥成請陞補循化廳同知一摺循化廳同知員缺

該督前請以臯蘭縣知縣丁閩洲陞補題經部駁茲據

那文毅公二任陝甘總督奏議 卷二十六 三

稱該員人地相宜並無違礙處分着照所請丁閩洲准

其陞補循化廳同知該部知道

嘉慶十七年九月初三日

奏為藩司患病仰懇

聖恩賞假調理并委員暫署藩篆恭摺奏

聞事竊查甘肅藩司陳祁自本年夏秋以來偶患瘧疾時

發時止仍照常辦理公事一切認真並無絲毫貽

悞七月以後病勢漸增雖未能隨眾逐日赴 臣衙

門但三五日必到署請見面議地方公務纖悉必

周 臣每諄囑其安心調養以冀速痊迨八月望後



病已稍愈臣始克放心是以前赴河州巡閱營伍  
乃自臣起程之後該司因誤服偽參陡患脾瀉肢  
體浮腫臣回省後親赴看視據稱前在陝西軍營  
帶領兵勇節次勦賊打仗積受潮濕致成寒疾自  
十四年到甘後因地土更寒舊疾時發今秋轉成  
為瘧自念仰蒙

皇上天恩由縣丞擢至藩司未効涓埃何敢不勉竭犬馬  
但現在病勢已劇力實不支惟恐有悞公事只求  
奏懇

聖恩俯准開缺俾得解任回籍調理再圖報効等語臣察  
那文毅公二任陝甘總督奏議

卷二十六

三五

其情詞真切言隨淚下視其精神委頓迥不如旬  
日以前然猶力疾辦事每日仍手判稿案二三百  
件伏查陳祁端謹老成操守清廉率屬公正洵屬  
結實可靠臣到任三年事事與之商酌辦理該司  
盡心盡力實資襄助之益在該司渥沐

恩慈力圖報効萬不敢偶因患病遽請息肩惟藩司衙門  
為錢糧兵餉總匯政務繁責成更重該司誠恐  
以病貽悞稟請解任回籍調理前來臣因公事為  
重不敢不據實奏

聞惟念甘省藩司係屬邊疆要缺陳祁之居心辦事實屬

可信且係從前軍營出力之人合無仰懇  
天恩賞假兩個月俾令加緊醫治靜心調養倘屆期尚未  
痊愈再當請

旨開缺以重地方所有藩司篆務應暫遴員接署查有平  
慶涇道德克精阿才具幹練辦事精詳錢糧出入  
尤為可信堪以委署所遺平慶涇道篆務查有平  
涼府知府郭照黎堪以就近暫行兼護謹

奏

嘉慶十七年九月二十三日奉

上諭那彥成奏藩司患病請賞假調理一摺陳祁着賞假  
那文毅公二任陝甘總督奏議

卷二十六

三五

兩個月俾得靜心調養俟假滿痊愈仍照舊供職如屆  
期未痊再行奏請開缺

嘉慶十七年九月十二日

奏為藩司出缺恭摺請

旨簡放以重邊疆事竊查甘肅藩司陳祁先經臣奏懇  
聖恩賞假調理茲該司竟不能痊愈查奏委署篆之平慶  
涇道德克精阿即日可到除飭令任事外所有甘  
肅藩司遺缺應請  
旨迅賜簡放以重邊疆謹

奏



嘉慶十七年十月十一日奉

上諭甘肅布政使員缺著何銑補授所遺江西按察使員缺著盛惇崇補授

嘉慶十七年十二月十六日

奏查署藩司之平慶涇道德克精阿自本年九月接篆

以來辦理諸事才情敏捷而錢糧出入尤屬詳慎

辦理清查彌補事務亦極認真查從前原奏清查

章程在甘人員共虧缺無抵銀六十七萬餘兩每

年籌補六萬十年可以全完今計本年初限截至

十二月初九日止為期止一年半而彌補已二十

那文毅公三任陝甘總督奏議 卷二十六 三

萬餘兩是年半而已收三年之功至清查虧缺之

案原係

皇上逾格施仁不治虧缺人員之罪自應各矢天良依限

完繳該道係屬署事人員若非清潔自守不避嫌

怨上緊催追萬不能得以多有盈餘該道仰蒙

天恩補授道員係十五年到任歷俸尚淺而所辦清查又

係分內應辦之事惟 臣受

恩深重統屬兩省於屬員功過必當秉公分別始能於辦

公有益茲將該員辦事出力之處不敢壅於

上聞據實直陳亦不敢遽行請

旨鼓勵至虧缺各員內間有不能依限完繳者 臣現已飭

令嚴行催提如再宕延不繳自當按名嚴叅治罪

以示懲儆謹

奏

容安謹按此件

硃批謹密存未載

嘉慶十八年九月十六日

奏為邊地一時難得其人據實呈請陞署仰懇

特恩事竊查甘肅西甯府屬之巴燕戎格通判一缺地處

極邊幅員數百里生番撒拉爾交錯常有搶奪械

那文毅公三任陝甘總督奏議 卷二十六 天

鬪等事守土之官措置一失機要往往滋生事故

現在署事之員有候補縣丞借補階州吏目李豐

特順天人到甘幾二十年人本明幹辦事勤奮風

土人情俱極熟悉前於十五年甘省夏旱蘭州府

屬之紅水地方尤甚該員署理紅水縣丞五六月

間饑民嗷嗷急迫不及待賑該員署無升斗典衣

借貸先自散給貧民備食錢文所全活者甚眾百

姓至今思感去歲委署巴燕戎格通判時撒拉回

民馬相伏糾眾搶奪詐稱教道歛錢惑眾幾成巨

案經 臣督率署臬司蘭州道嚴煥密飭該員會同



營員設法購緝該員不動聲色將馬相伏會同擊獲解省

奏明辦理以彰顯戮人心始安又去年九月昂拉等族番賊乙旦什加等搶奪番民朱漢玉牲畜並傷斃番民朱漢玉賊眾逃逸經該員會同營員前往昂拉族宣諭番眾畏懼獻出番賊二十餘人賊獲十之八九悉皆按律辦理完結在案當時臣原擬據實保奏又思邊疆重地倘乞

恩太易或啟各員邀功之心轉致多事因與兩司商定密記再為存辦惟現在部選之本缺通判潘承所已

那文毅公二任陝甘總督奏議

卷二十六

五

經到甘臣看其人尚清楚堪以造就第該員本籍

江南揚州甫經捐納服官從不知撒拉生番為何如於邊要機宜茫未經歷臣竊思此時若令李豐特仍署巴燕戎格通判而令潘承所借署他缺私下通融亦可辦理而究竟有涉於欺飾臣受

恩深重斷不敢出此且李豐特既為署事之員久之亦必不能得力惟有憑情直陳於

聖主之前仰懇

皇上逾格

殊恩俯念邊要需員

准令李豐特陞署巴燕戎格通判如蒙

恩允令其試署十年再請實授如十年之中該員有始勤

終怠貽誤地方情事臣仍據實嚴奏至本缺通判

潘承所留於甘省差委學習遇有相當缺出再行

奏請補用臣為邊地緊要起見不得不據實縷陳懇祈

聖恩於格外欲其自効有成則寬以歲月因其陞署過優

則遲其實授臣與在省司道熟商意見相同不揣

冒昧謹繕摺具奏上懇

天恩謹

奏

那文毅公二任陝甘總督奏議

卷二十六

三

嘉慶十八年九月三十日奉

上諭那彥成奏邊地要缺需人揀員陞署一摺李豐特准其陞署巴燕戎格通判試署十年再行奏請實授潘承所着留於甘省差委學習遇有相當缺出奏明補用該部知道



奉 勅稽察

嘉慶十五年四月二十六日

奏為欽奉

諭旨恭摺奏

聞事 於本年四月二十日接奉清字

上諭色克通阿在吐魯番患病據與奎阿爾塔錫第率行

具奏現已遣人送回着傳諭哈密辦事大臣陝甘總督

陝西巡撫無論色克通阿行至何處即截留醫治俟病

痊仍令前赴和闐辦事如果不能就痊再行具奏欽此

那文毅公三任陝甘總督奏議 卷二十六 三

查色克通阿在吐魯番患病 於二月十九日道

經該處親往看視見其行動尚屬照常僅止言語

不明阿爾塔錫第當向 會商具奏 以勿勿一

見未能深悉其病吐魯番係你駐劄之城應你自

行具奏我不便會奏等語 即於次日五更起身

今據肅州知州繆元輔稟報色克通阿十七日可

以進關臣當即飭令肅州及甘州涼州等府俟色

克通阿行抵該處即妥為護送一面稟報俟其到

蘭時臣親身查看令其診視或即就痊遵

旨仍令前赴和闐辦事若病勢沉重難望痊愈再為奏

聞倘色克通阿竟係假病 查驗明確再當據實奏恭 候

聖明訓示謹

奏奉

硃批覽

嘉慶十五年五月初四日

奏為色克通阿到省現留蘭州醫治恭摺奏

聞事竊 前奉清字

上諭色克通阿在吐魯番患病與奎阿爾塔錫第率行遣

人送回傳諭哈密及陝甘總督陝西巡撫將色克通阿

那文毅公三任陝甘總督奏議 卷二十六 三

截留醫治俟其病愈仍令前赴和闐辦事欽此 當將

遊辦緣由覆奏在案茲色克通阿於四月三十日

行至蘭州臣即往驗看據色克通阿稱前在吐魯

番自己不知有病心裡糊塗近日以來方知是進

關如今漸次明白

皇上跟前如何奏

聞我實在害怕忽又說我現在預備接

駕恭候

皇上看操等語似又係古北口提督任內之言 當即正

色傳宣



諭旨令其定心靜養如能速愈前赴和闐辦事

聖慈如天必不加你之罪色克通阿當下懾於

天威又似神氣少為清爽臣隨派諸醫醫道之候補知縣

嵩綸候補縣丞余廷樞詳加診視會稱委係心氣

虧損痰生包絡幸不甚重易於調治服藥月餘似

乎可以就痊等情臣飭令該員等上緊醫治一俟

其病大愈即欽遵

諭旨仍令前往和闐辦事謹

奏

嘉慶十五年五月十八日奉

那文毅公一任陝甘總督奏議

卷二十六

三

上諭那彥成具奏遵旨將色克通阿抵蘭視其病體稍愈

留蘭調治俟病體大愈即令前赴和闐再為覆奏等語

今色克通阿患病暫不能前赴和闐着施恩將伊留蘭

調治俟病愈即令前赴哈密協辦事務所遺和闐辦事

大臣員缺着阿蘭保調補蘇勒芳阿仍協辦事務阿蘭

保接奉此旨毋庸等候色克通阿來抵哈密即由彼馳

驛前往新任

嘉慶十五年六月初七日

奏奉清字

上諭色克通阿患病不能前赴和闐着施恩調哈密幫辦

事務大臣俟病愈即令前赴哈密任事欽此當即傳宣

諭旨色克通阿感激

天恩碰頭祇謝臣看其病雖漸愈精神尚未復元據色克

通阿懇再緩養十數日俟配齊藥物即束裝起身

前赴哈密並具謝

恩摺一件交臣附報便進

呈等情謹

奏奉

硃批覽

嘉慶十五年七月初八日

那文毅公一任陝甘總督奏議

卷二十六

三

奏庫爾哈喇烏蘇領隊大臣達慶於五月十六日路過

蘭州臣與之會晤見其面目消瘦詢知伊在京時

即患中虛胃滿不思飲食臣當即飭醫診視並屬

其暫且緩養數日服藥調治達慶因奉

命出口不敢稽延臣因不放心隨差目兵一名照料前往

並配給藥餌冀其途次調理日就痊愈茲該目兵

送至嘉峪關回蘭帶有達慶書札內稱沿途服藥

無效病並增劇不能喫飯惟強啜米湯稀粥自知

勢難痊愈已停藥數日等語其病屬實而情詞亦

極哀惻臣復向該目兵查詢據稱沿途醫生俱說





S  
Z121.5  
15a

續修四庫全書 史部 詔令奏議類

難治現在身體黑瘦精神極其委頓查達慶曾任  
大員茲復前往新疆領隊大臣換班路過<sub>臣</sub>地方  
既知其患病實情自應據實具

奏又色克通阿病稍痊愈已於六月初九日前赴哈密  
辦事謹

奏

嘉慶十五年八月初五日軍機大臣字寄奉

上諭那彥成奏庫爾喀喇烏蘇領隊大臣達慶前往新疆  
途中患病服藥鮮效據實具奏等語達慶係屢經獲咎  
之人派往新疆換班自應遵旨前往即途中偶爾患病

那文毅公二任陝甘總督奏議

卷二十六

三

亦可調治就痊仍赴該處辦事豈有中途撤回換員前  
往之理那彥成此奏雖未敢遽請撤留而所敘達慶來  
札內稱自知勢難痊愈情詞哀惻等語竟係隱為乞恩  
殊屬非是試思新疆換班之人皆係身獲罪譴經朕加  
恩錄用者若人人憚於前往藉病為名希圖規避成何  
事體設因所派之人患病另行派員更換而彼時原派  
者業已病愈豈轉令後派之員前往耶如色克通阿亦  
經中途患病現經該督奏伊病已痊愈前往哈密今達  
慶藉詞逗遛而那彥成妄為資奏顯有瞻徇情事那彥  
成着傳旨申飭仍飭令達慶一俟調理稍愈即前往庫

爾喀喇烏蘇任事可也

那文毅公二任陝甘總督奏議

卷二十六

三

那文毅公二任陝甘總督奏議卷二十六